


ITINERARIUM HIEROSOLYMITANVM ET SYRIACVM,

IN QVO VARIARVM GENTIVM MORES ET INSTITVTÆ;
*Insularum, Regionum, Urbium situs, unà ex pristis recentiorisq; seculi
usu; unà cum euentis, quæ Auctori terrâ mariq;
acciderunt, dilucidè recensentur.*

Accessit Synopsis Reipublicæ Venetæ
AUCTORE

IOANNE COTOVICO
Vltraiectino I. V. D. & Milit. Hierosolymitano.



ANTVERPIÆ,

Apud Hieronymum Verdussium, in via vulgò de Cammerstraet,
sub signo rubri Leonis. M. D. C. XIX.

94
230
*Del is. deff. Ant. Melgar. Religione indigno. Ven. R. de
Ma. Provincia de Andalusia.*

D. IO ANNI COTOVICO

IVRIS V. DOCTORI EQVITI

HIEROSOLYMITANO.

Hodæporicon suum edenti

GERARDVS SANDELIN NOB. BAT. ET IC.

D iuitias alius fuluo vt sibi congerat auro,
Et niteat celebri cincta adamante manus
Carpit iter, fulcâtue fretum: nec territus Austro
Currit ad Eo os, currit ad Hesperios.
Alter, Pellæo Iuene immoderatioꝝ ipso,
Armis pacatum nil finit esse suis;
Et populos mouet innumeros, gentesq̃ue peragrat,
Non vno vt regni terminet Orbe decus.
Mole graui sic vana paret dum præmia feruor
Improbis, infami deficit exodio.
Dispare tu multum studio C O T V I C E relinquis
Excîtus patriæ gaudia tuta plagæ:
Illustrem Italiam lustrans, vrbesq̃; Pelasgas,
Et pia S A C R A T I tot monumenta SOLI.
Quàm iuuat adspectus S T A B V L I, quod Diua subiuit,
Virgo parens hominis; Virgo parensq̃; Dei!
Quàm stupet ad Sacri Montis signacula sensus,
Quo terræ exangui palluit ore S A L V S!
Trux licet ipse Schytes duris nutritus in armis,
Huic tamen indulget flectere genua loco;
O nimium tanti sælix C O T V I C E laboris!
Nusquam alibi longæ præmia plura viæ.
Quæ modo ne seros lateant obscura nepotes,
Adjicis æterno perpetuare stylo:
Ergo & Opus N O M E N Q V E tuum tantum vsque v.
Quanto Auro & sceptris celsior est Pietas.

ADMODVM REVERENDO

D O M I N O

ARSENIO SCHAYCK,

PRIMARI BELGICÆ

MONASTERII S. PETRI

ARCHIMANDRITÆ.



VANTI prisco auo, ac nostro etiam sæculo fuerit R^{mc}. D. peregrinatio, & quæ laus ex eâ semper promanâit, nouit R. P. V. nouerunt prudentes omnes magnorû & doctissimorum hominum exemplis edocti: qui non contenti scientiâ & domesticâ eruditione, aliam apud exteros quæsiuerunt; quâ multis remotissimis barbarorum prouincijs perlustratis, exculti, celebriores apud suos reuersi haberentur, & variarum nationum moribus ac studijs imbuti, suæ reipublicæ ac patriæ magis prodesse. Neque enim longè peregrinandum est ut cælum solum quis mutet,

Ceu grus, quæ Strymona pennis.

Quod fuerat, tranat, quod fueratq; redit.

Sed ut solertior euadat, Vlyssis exemplo: quem poëtarum princeps non sine causa πολύτροπον appellat, & quod multorum mores & oppida viderit, vehementer commendat. Nec immeritò. Prudentiam namque & iudicium non vulgaria diuersa illa gentium instituta, ritus, moresq; hominum, & formæ ciuitatum, diligenti indagatori, ac peregrinanti sagaci conciliant: maximè si non per nebulam visâ, & libata leuiter, sed

in animum seriò admissa, retenta, & iusta quadam examinis lance inter se collata fuerint. Tunc enim ex ijs, ceu apes ex diuersis floribus mel sugunt, quid maximè reipublicæ profuturum sit, colliger. Adde quòd ritè instituta peregrinatio hominem cautum, circumspectum, gratum, beneuolum omnibus reddit. Quæ omnia cùm de profana peregrinatione verè dici, & prædicari possint, quis non plus emolumenti & fructus ex sacra **HIEROSOLYMITANA PEREGRINATIONE** expectari debere libens asserat? quàm non solùm gentium multarum ritus discuntur, monumenta heroum ac veterum Regū sepulchra conspiciuntur; sed summi illius Motoris, ac Seruatoris nostri **IESV CHRISTI** Incunabula, sacra plantarum vestigia, & Sepulchrum eius, quo nihil celebrius, nihil antiquius vsquam locorum esse potest, oculis obijciuntur. Videre adhuc loca illa, vnde salutis nostræ primordia emanarūt, terram illam, quam nudis pedibus Dominus **IESVS** calcatam proprio profuso sanguine consecrauit, Urbem illam toto terrarum orbe clarissimam, fama & multorum scriptis inclytam Israheliticę quondam gentis Dei electione sedem eximiam, tot miraculis, tot tantisque mysterijs celebratam, tantorum denique Regum patria dominio, gloria & in primis Seruatoris nostri prædicatione, conuersatione, morte, resurrectione, & ad cœlos adscensione illustrem, quis non inde priscę historiæ & sacris codicibus intelligendis maximam lucem addi libens fateatur? quis nō his visis delectetur? quis in laudem omnipotentis Dei non erumpat? summam eius benignitatem, & erga genus humanū amorem non admiretur, & prædicet? Siue ergo quis sacra spectet, siue profana respiciat, habet hic viator quo animum pariter pascat, & oculos.

Nam vt cætera omittam, facile est in hac sacra **HIEROSOLYMITANA PEREGRINATIONE** variarum gentiū Venetorum, Illyricorum, Albanensium, Græcorum, Mauro-
rum,

rum, Turcarum, atque Arabum mores, ritus, studia, & instituta inuestigare, ac perscrutari. Quorum omnium notitia quantum ad acquirendam scientiam politicam, rerum agendarum peritiam, reipublicæ administrationem iuuet, promoveatque, nemo est qui nescit: Illi certè nouerunt, quibus constans & vera semper fuit opinio, nihil vtilius, nihilque optatius in publicâ administratione esse posse, quàm scire quâ religione, quibus moribus, quâ regiminis forma, quibus denique legibus, institutisque aliæ per orbem nationes viuant. Profectò si quis rectè iudicet, omnem politicam scientiam in rerum usu consistere, nullamque Philosophiæ aut politiæ regulam fore certiore, quàm quæ usu & experimentis addiscitur, mecum fateri cogetur. Cui rei vel maximè fidem facit Antigoni Regis, imperatorijs artibus, & rei bellicæ cognitione instructissimi, ac longo usu & rerum experientia docti, celebre exemplum. Is enim cùm librum de re militari à quodam Philosopho sibi oblatum benignè excepisset, sic eum alloquutus est: Ego præceptis tuis nihil exeo: multis enim magnisque rebus gestis rei militaris usum iamdudum explicauit. Quare etiam qui rerum experientiam longâ peregrinatione sibi collegerunt, non immeritò omni ætate aptiores ad rerum grauium tractationē habiti sunt, quàm illi, qui extra primos vrbis aut patriæ suæ agros ad secundum vix lapidem vnquam peruenerunt; quantumuis alio qui iudicio, facundiâ, solertiâ, alijsque fortunæ ac naturæ dotibus longè alios antecedant, & præpolleant.

Quod ad me attinet, fateor ingenuè animum meum ab ineunte ætate ardore peregrinandi accensum fuisse, nec quicquam magis in votis habuisse, quàm diuersas orbis provincias perlustrare. Quod certè re ipsa adultus iam præstiti. Nam & vniuersam Italiam, Galliam, Germaniam, Angliam, Dalmatiam, Croatiam, Epirum, adiacentesque mari Adriatico

& Mediterraneo insulas, Corcyram, Zacynthum, Cephaleniam, Cretam, Cyprum, aliasque, atque omnem ferè Syriam peruasi. quo fructu, non dixerim, iudicent alij, desiderauim saltem: magno, si labor omnis & studium responderit, bene mecum actum putabo, sin minus, sustinebo. Verum ut sit, post tot sali pericula, tot soli incommoda, tot exhaustos labores, cum ad paterna limina rediissem, præteritarum grumarum iucunda recordatione illectus (iucundi enim sunt acti labores) quæcunque potissimum in itinere Hierosolymitano præclara & relatu digna iudicaui, in ordinem concinnare visum fuit, ut esset mihi aliquando laborum anteaactorum aliquod inde oblectamentum, & periculorum ac molestiarum præteritarum dulcis recordatio, aut saltem non ingrata memoria, haberemque præ manibus, quo amicis satisfacerem, & cum ijs tolerata olim pericula conferrem. Et certè dormitabat ac in tenebris iacebat hæc à me relicta Hierosolymitani & Syriaci itineris descriptio; quando amici viderunt, & perfecerrunt, ut eam prelo mandarem, arbitantes me posteritati etiam aliquo modo profuturum. Quorum precibus hanc qualemcunque opellam, ac verè magis, quàm comptè descriptam in lucem protuli, ut quæ hætenus in obliuione iacuerant in assidua esse commemoratione possint.

Quia verò constans usus nec illaudatus omnino iamdudum inoleuit, ut scripta aliqua edituri de Principe aliquo viro, patronove, cui ea dedicent, circumspiciant: ego eundem sequutus morem, de R. P. V. patrocinio cogitandum existimaui, ne incauti hominis, aut planè desipientis notam incurrisse videar. Quis enim non putet eum temerè audere, qui omni prorsus tutelâ destitutus in hominum lucem adspectumque quid promat? *Nam qui scribit (ut ait Hieronymus) multos iudices sumit: si non adsit qui defendat, qui patrocinetur, labitur scriptoris fama.* Quare statim R^{mc}. D. mentis aciem & obtutum in R. P. V. direxi,

D E D I C A T O R I A .

V. direxi, nihilque satius esse duxi, quam vt hosce libellos meos tui nominis auctoritate munirem, quo magis hi te velut redemptore facti tecti habeantur; ac tanquam suspensa hederâ commédabiliore proflare queant. Quod si impetro, tam sanè præsidij satis paratum eis esse cognoscam; eoque tutus nullos aduersos flatus, nullas maledicorum linguas pertimescâ. Sub amplissimâ itaque Nominis tui tutela opellam hâc meam in lucem prodeuntem R. P. V. consecratum, tuoque patrocínio commendatum venio; nec enim alibi auspicius, quàm sub tui Nominis præsidio hanc euulgaturum spero. Tu enim es qui Patriâ urbe à prima adolescentia Religionis ac Peregrinationis sacratoris intuitu relictâ, in Cliuijs, Vbijs, Grudijs, Aduaticis, Gallijs, Hesperijs, studiorum arcanis diligenter excultis, ac instar antiqui *Arsenij*, aulâ, tametsi piâ, desertâ, ad tutissimum Montis Blandinij Benedictinorum cœnobium, ex consilio Belgij Principum tandem es delatus: ibidemque dictorum Dynastarum fauore Abbatix culmen conscendisti: vnde non solum Flandriæ Pietatis lumine irradiares; sed etiam Patriæ nostræ splendori & decori existeres. Verè Peregrinationis laudatæ Admirator eximius, adeoque Cultor obsecutorque primarius: qui tametsi Spartam Sponsamque, quam nectus es, egregiè adornes: Hierosolymitanam tamen peregrinationem animo maximè deuoto non rarò visitas, ac frequentas: quam ad oculum hoc nouo nostro conatu, ac opere sæpius repetere poteris, more Maiorum: qui ex omni ordine Traiectinorum eandem piissimè frequentarunt; quos ne omnino silentio præteream, iuuat hîc honoris causâ nominare *D. Reinoldum de Bredenrode, D. Suederum de Culenburgo. DD. Ioannem, Ludouicum, & VVilhelmum de Montfoort, D. Ioannem de Suylen, DD. Henricum, & Stephanum de Niuelt, D. Ioannem de Renesse, & D. Iacobum Taes ab Amerongen, Viros & nominis claritate eximios, & equestri dignitate illustres. Omitto ceteros,*

EPISTOLA

teros, quorum nomina hic velle recensere, longum foret. Id saltem omnibus constat, nullam in totâ ditione Traiectensi esse urbem, nullum oppidum, quod ciues non habeat. HI EROSOLYMITANA PEREGRINATIONE insignes. Cùm verò R. V. P. quâ maximè inter ciues suos eluceat ac splendore nominis sui Patriam illustret; quis non videat hoc tibi munus meritò deberi. Opto itaque vt gratum sit; precorquē vt hunc meum laborem, tibi tot nominibus debitum, apud te esse patiaris, ac patrocinio nominis tui amplissimo tuearis; meq; inter Clientes admittas. Traiecti ad Rhenum Kalend. Martijs. CIO. IDC XIX.

PRAEFATIO

ad Beneuolum Lectorem.



Rgebar iamdudum, Beneuole Lector, crebris & quasi violentis amicorū precibus, & suasionibus, ut PEREGRINATIONIS MEAE Hierosolymitanæ tenuem fructum, & qualemcūque laborem in lucem proferrem, atque in commune consulens, literis, memoriaq; mandarem. Id cum diu, multūque recusassem, veritus ne quos ingratiore scriptione offenderem, plus tandem iusta eorum (sic enim ipsis videbatur) preces valuerunt, quā scrua mea tergiuersatio. Inuidorum quidem tela perhorresco, & eruditorum limam timeo; amicorum tamen fomentis erectus, malui eorum petitionibus obsequi, quā inhumanitatis vitio culpari, nec volui propter paucorum sugillationes desinere bene agere. Profectionis itaque exemplaria archetypa, quæ lituris obsita in angulum abieceram, tanquam rem nudè compactam, nec debitè elimatam, aut excultam, nunc tandem in lucem renocavi, in quinquelibros distributa: in quibus quæ terræ marisq; à me conspecta, & obseruata, quæ præclara, quæ item rara, vel notatu digna mihi visa sunt, quæq; in ipso itinere acciderunt, breuiter attigi. His pauca quadam addidi, quæ ad sacram profanamq; historiam accommoda putauī. Fateor, longior esse potuissem, sed nolui longiore oratione pium Lectorem onerare: viam aperui, reliqua ab authoribus petat, aut per se inuestiget. Genere porro scriptiōnis vsus sum facili, humili, & ad rerum narrandarū vsus accommodo, nec dedi operam ut reconditis verborum sententiis narrationem obscurarem, vel ad ostentationem stylum exornarem; sed præcipuam curam in scribendo duxi, ut ab omnibus, qui vel linguam Latinam à limine salutauerint, intelligar, profimq; potius plurimis, quā paucis. Nō enim ut laudem aliquam aucuper, susceptus est à me hic labor: sed eo dūtaxat animo, ut quod Patria, Pietati, Catholica religioni officium debebam, id quoquo possem modo dissoluerem. Caterū vereor maximè fore nonnullos, quibus hæc mea non satis arridebunt, quod sacra Romana, ritusq; fastidiant. Sed meminerint me hoc Fidei meæ debuisse, nec decuisse celari, quod eiusdem antiquitatem non parum confirmaret, Lectoremq; certiores redderet, quid per vniuersum Orbem sparsa Ecclesia, etiam Romano Pontifici non subiecta, in negotio religionis sentiant. Scio etiam his obloquuturos plurimos, & religiosum hoc iter superstitionis damnaturos: quibus ego nihil respondeo, sed ad Sanctorum Patrum monumenta & exemplarcmitto. Constat enim à multis iam seculis, atq; omnifere ætate, ex Oriente, & Occidente, immo ex remotissimis Orbis partibus infinitos Christianos feruore spiritus ductos in Palestinam abiisse, ut veneranda loca inuiserent, & in ijs Deum Seruatorem suum adorarent, in quibus ste-

Epist. ad
Deſſid.Epist. 11. ad
Seuerum.Epist. ad
Marcell.

bruiſſe ceterant pedes eius. Adoraſſe enim (ait D. Hieronymus) vbi ſteterunt pedes Domini, pars eſt Fidei, & quaſi recentia Paſſionis & Crucis vi- diſſe veſtigia. Et Paulinus: Non aliter (inquit) affectus hominum ad Hieroſolymam rapit, niſi vt loca in quibus corporaliter præſens fuit Chriſtus, videant, & contingant. Quod ſtatim à Chriſti adſcenſu infinitos Chriſtianos factiſſe teſtis eſt idem Hieron. Longum eſt (inquiens) nunc ab adſcenſu Domini vſq; ad præſentem diem per ſingulas ætates cur- rere, qui Episcoporum, qui Martyrum, qui eloquentium in doctrina eccleſiaſtica virorum venerint Hieroſolymam, putantes minus ſe reli- gionis, minus habere ſcientiæ, nec ſummam (vt dicitur) manum acce- piſſe virtutum, niſi Chriſtum in iis adoraſſent locis, in quibus primùm Euangelium de patibulo coruſtauerat. Nec immeritò: Oculi namq; via- tori ſoli & nudi ſapè ad ſcientiam non vulgarem, immo ad ſacram & diuina- rum rerum notiſſiam duces exiſtunt; maxime ſi ad mentem & ſalutē ea quæ viderit referat; quod vel maxime peregrinanti commodum fore nemo nega- verit iſs in partibus, in quibus nuſquam non quod ſit admirandum omnibus, venerandumq; immo oculorū lacrymis rigandum, ſeſe offerat. Hic enim Chri- ſti Incunabula cōſpicias, illic vbi cælos adſcendit, alibi vbi voluntaria morte ſeſe dedit, vbi ſepulchro conditus eſt; adhuc vbi educatus, vbi tranſfiguratus, nec non vbi captus, veſtibus exutus, carceri mancipatus, flagellis & alapis dire- ctus, iniuriis & contumeliis affectus, ſpinis coronatus, Crucis pōdere oppreſ- ſus, baiulans ad montē Calvarie perrexit. Omittō cetera, quæ ſerè innumera ſeſe offerunt loca, Chriſti oratione, frequentatione, miraculis, myſterijsq; diuiniſ illuſtrata. Quanti verò & quā arcani gaudijs, quantæq; conſolationis iſta ſit viſio, illi imprimis norunt; quibus ea videre datum eſt: cum non animo ſo- lum, ſed panē oculis ſeſe inferant hīc à Chriſto celebrata myſteria: quæ mirā ſanè luce mentem luſtrantium perfundunt, trepidantēſq; per Hebræorū ſcri- pta, ac ſacros codices, cum veteris tum nouæ Legis ducunt, docent, atq; erigunt: quinimmo & animus ipſe tantarum rerum, & ſacrorum locorum adſpectu at- tollitur, & grandior ſeipſo fit. Quis verò vana Cæſarum ethnicoꝝ ſepul- chra; ac Regū monumenta; breui collapſura, templa, theatra; arcus; porticus; & quæ quidā maximi faciunt, rebus hīs ſacris poſtponenda non ducat? Fatuus proſectò ſit, aut ethnicus, qui contra ſentiat; maxime cum hæc hominū mortā- lium, Deumq; neſcientium, illa ipſius Dei & hominis, vniuerſi conditoris, ac humani generis Redemptoris, cuiusq; Matris ſanctiſſima, atque inter mulieres maxima, memoriā referant: quæ vel idē intuituum oculos in ſtuporē ra- piunt; quod ſummam & ineffabilem Dei miſericordiam, & in nos mortales amorem vel maxime teſtentur; adeoq; præſentes, eaq; conſpicantes pæna Altiſſimo concinere, laudibuſq; diuinum celebrare numen cogant; ita vt viſa ſalutis hominum quodammodo proficiant. Sanè qui mentis oculis ſacra hæc lo- ca rectè cernat, voluatq; animo, quanta hīc Deus pro homine paſſus eſt, ad al- tiora & cæleſtia adſpiret, terrena hæc, verè terrea ſpernat, deſpiciat, abijciat, anheletq;

anheletq; totus ad supernam illam sedem, & beatorum spirituum patriam
 necesse est. Atqui hac non sic ex aliorum locorū intuitu & peragratione posse
 consequi quisque prudens facile mecum arbitrabitur. Vtique si prudentiam,
 scientiam, aliāq; commoda consideremus, quā tacitā quadam vi ac viā ex pro-
 fanā peregrinatione nasci constat, minora sanē, nec conferenda cum his, quæ
 HIEROSOLYMITANA PEREGRINATIO pariat, fatebimur. Hac siquidem
 non solum prudentiam humanam, quæ plerumque cecutit, & stultitia est
 apud Deum, sed diuinam generat, Fidem instruit, nutantes confirmat, pie-
 tatem & charitatem in Deum ac proximum adauget, vitia dissuadet, suadet
 virtutes. Quod si ita est, ut reuerā est, merito HIEROSOLYMITANAM
 PEREGRINATIONEM longē aliis anteferimus, atque illum beatum dici-
 mus, cui illa loca adire, atque id videre datum est, quod hoc præsertim seculo
 adeo paucus contingit. Neque hæc à me dicuntur ut laudem inde aliquam au-
 cuper, laboremq; meum magnopere extollam, vel meipsum prædicem; sed
 solummodo ut peregrinationum comparatione quantum inter illas intersit,
 patefaciam, ostendamq; toto eos errare cælo qui Peregrinationem Hierosoly-
 mitanam iniuriā damnant. Nam (ut cetera præteream) offert etiam HIE-
 ROSOLYMITANA PEREGRINATIO per commodam occasionem multas
 Europe peragrandi prouincias, nominis claritate eximias, & rerum gestarū
 gloriā in clytas, insulas item & Maris Adriatici, & Mediterranei, veterum
 scriptis vel maxime illustratas, & celeberrimas, opibus item, atque omnium
 rerum copiā affluentes: quarum omnium cognitionum plurimum lucis vete-
 rum historiarum lectioni adferre neminem esse puto qui dubitet. Absque lo-
 corum enim cognitione caca est omnis historia. Hinc verē Hieron. Quomo-
 do Græcorum (inquit) historias magis intelligunt, qui Athenas viderint;
 & tertium Virgilij librum, qui à Troade per Leucatem, & Acroce-
 raunia ad Siciliam, inde ad ostium Tiberis nauigarint; ita sanctam scri-
 pturam lucidiùs intuebitur, qui Iudæam oculis contemplatus sit; & an-
 tiquarum urbium memorias, locorūque vel eadem vocabula, vel mu-
 tata cognouerit. Non mirum igitur, si Catholici zelo fidei & feruore spiri-
 tus ducti in Palestinam abeant, venerāda loca inuisant, & in ijs Deum Ser-
 uatorem suum adorent, in quibus stetisse pedes eius Christiana religio docet;
 ut inde vel beneuolam animi propensionem & studium erga suum Seruato-
 rem ostendant, vel discendi desiderio se ardere demonstrent. In eo quidem
 errant plurimi, qui ideo à Catholicis ad loca sancta peregrinationes suscipi
 credunt, quod ipsi Diuinitatem certo loco circumscriptam putent, cum Deum
 de se dixisse sciant, Cælum & terram ego impleo: Et de Deo Prophetam:
 Domini est terra, & plenitudo eius: orbis terrarum, & vniuersi qui ha-
 bitant in eo. Sciunt in omni loco Deum adorari, ubique orantium preces ab
 eo audiri: corda hominum eum intueri, non loca respicere. Scriptum est enim
 à Ioanne: Veri adoratores in spiritu adorabunt Patrem in omni loco. Et à Paulo ad Timotheum: Volo viros orare in omni loco, leuantes puras

In Præfat. ad
 lib. Paralip.
 ad Dom. &
 Rogat.

Hier c. 35.
 Psalm. 29.

Cap. 4.
 1. Cap. 4.

P R A E F A T I O A D L E C T O R E M.

manus sincerâ & dilceptione. *Volunt his laboribus & itinerum difficultatibus dignos pœnitentia fructus facere, Deo grati animi obsequium præstare, Crucis & Passionis vestigia lambere, suum erga Deum amorē testari, oculos re adamatâ pascere, nec animum solum oblectare. Est enim amantium ingenium non solum eius, quem amant, contemplatione frui, sed & domum, vestes, calceamenta, & si qua minutiora sunt, cum admiratione spectare. Futurum quoque auguror, ut simulatq; nasutior aliquos viderit hos ITINERARI HIEROSOLYMITANI libros, tetricâ & corrugatâ fronte eos aspernetur, repentem stylium accuset, & me bonas horas male collocasse subsannet, quod ijs describendis tempus consumpserim, quæ alijs facundiori ac facundiori stylo descripserint. His vulgato isto respondeo*

οὐ πᾶσι πάντως ἐστὶν δὲ τῶν καλῶς.

Condire scitè non cuilibet datum est.

Scripsi pro meo modulo quæ viderim, obseruauerim, experimento didicerim, addidi pauca ex aliorum relatu: quæ singula à nullo authore hætenus tradita, vel scriptis mandata, aut obseruata putauerim: an verum dicam, candidus Lector iudicet. Esto quoque, sint scripta ab alijs, multa tamen rerum vicissitudine, vetustate, ac bellorum turbinibus mutata, sublata, mutari, ac sustolli indies plurima nemo non nouit. Quare, quod æquus iudex minimè negaturus est, illorum scripta nouo delectu relatuq; quandoque indigere necesse est. Non damnandus igitur, aut arguendus acrius, qui aliorum scriptis, ob varias rerum metamorphoses, aliquid addat, aut ampliet, vel ea nouo aliquo scripto elucidet. Interim cum Momis, & obtrectatoribus, veluti scorpys, venenata lingue arcuato vulnere contra me insurgentibus, nihil mihi negotij est. Nasutorum quoque satyricos sales nihil vereor; modò pijs & beneuolis opellam hanc meam non sentiam sorde: quibus si satisfaciam, si grata fuerit arriseritq; mea scriptio, bono euentui me litasse existimabo. Caterùm Beneuole Lector, si quid in hoc meo HODOEPORIGO boni reperiās, si commodum aliquod ex eo percipias, nam

cuncta legenti

Forfitan occurret, vacuas quod mulceat aures,

Pœniteatque minus suscepti in fine laboris.

Deo (à quo omne datum optimum) acceptum feras: si quid verò neglectum, perperam, aut minus cultè dictum offendas, humana imbecillitati adscribas, piè corrigas, ac veniam largiaris. Nosti vetus illud: Molâ litat falsâ, qui thura non habet. Accipe igitur hunc meum qualemcunque laborem fronte exporrectâ, & quâ soles humanitate complectere, & si pius es, lege, fruere, boni consule, ac vale.

INDEX CAPITVM

LIBRORVM QVINQVE

HODOEPORICI

HIEROSOLYMITANI.

LIBER PRIMVS.

Maritimum iter à Venetijs Iaffam vsque continens, habet capita viginti.

CAPVT I. Ex Venetijs discessus. Primum mari discrimen maximum. In onerariam adscensus: eiusque conditio, ac horrida nox procella. pag. 1

II. Isthriae prouinciæ, vrbiumque in ea & oppidorum descriptio. 4

III. Phanatici sinus, Vscochæ gentis, insularumque in Adriatico mari occurrentiũ, nec non & vrbium marimarum Illyricæ oræ ad Venetos spectantiũ descriptio. 11

IV. Vrbis Ragusiæ, eiusque Reipublicæ brevis descriptio. 16

V. Castrinoui, Cathari, Butuæ, aliarumque Illyrici vrbium marimarum, nec non totius Illyridis brevis delineatio. 19

VI. Albania, eiusque vrbes, Ceraunij montes, atque accolarum eorundem ad Turcas defectio: insulæque & scopuli Corcyræ adiacentes describuntur. 23

VII. Corcyræ insulæ descriptio. 26

VIII. Epiri regionis, adiacentiumque insularum descriptio. 40

IX. Ithacæ, Cephaleniæ, & Echinadum Ionij maris insularum descriptio. 44

X. Zacynthi insulæ, & sepulchri Ciceronis ibidem reperti descriptio, & brevis elucidatio. 48

XI. Peloponnesi, eiusque Littoralis tractus cum insulis adiacentibus, Plotis, Cythera, aliisque brevis descriptio. 56

XII. In Cretam è naui descensus; ibidem mora: ac Candidæ vrbis, eiusque magistratuum descriptio. 64

XIII. Cretæ insulæ vltior descriptio: & Cretenſium mores. 72

XIV. E Creta discessus. Insularum Rhodi & Carpathi descriptio: In Cyprũ appulsus, eius ad Meridiem littoralis tractus

delineatio.

85

XV. E naui in Cyprum descensus; ibique mora. Cómercij & Arnica oppidorum, Vallisque salinarum descriptio. 94

XVI. Cypri insulæ descriptio. 99

XVII. Nauigium ex genere Caramussalinorum conductum. Discedendi venia cum difficultate ab Eminò obtenta. Ex insula discessus, & ad nauigium mari reditus: inibi cum nauarcho litigium, eiusdemque exactio. Libani montis conspectus, & ad littus Phœnices appulsus. 113

XVIII. Vrbis Sidonis descriptio: in portum Tyri appulsus: ibidem mora & trepidatio: ac vicinorum Arabum in littore tripudia & lotio. 116

XIX. Vrbis Tyri descriptio. 119

XX. E portu Turiensi discessus: nouæ nauarchi insidiæ. Ptolemaidis, Caiphatis, Cæsaræ Palæstine, aliarumque marimarum vrbium, ac totius Palæstinae littorales tractus, Ioppen vsque descriptio. In portum Ioppenſem appulsus, atque ibidem mora. 124

LIBER SECVNDVS.

Peregrinationem enarrans in Palæstinam, capita habet viginti.

CAPVT I. E naui in littus Iassenſe descensus. Iassæ seu Ioppes descriptio. Iter Ramam vsque: & vrbis Ramæ delineatio. 132

II. Rama discessus. Cræbræ Arabum vexationes. Per montana Iudææ iter: & ad urbem Hierosolymam appulsus. 142

III. In urbem Hierosolymam ingressus: Benigna admodum apud Minoritas omnium nostrum receptio. Monasterij & templi sancti Saluatoris descriptio Deque ceremoniis in aduentu Peregrinorum à Minoritis fieri solitis; eorundemque Minoritarũ conditione & numero, 150

IV. Sacr

- IV. Sacri Monumenti Dominici Basilicæ introitus: eiusdemque ac Templi montis Caluarie descriptio, solemnitas item processionis ibidem habitæ, sacrorumque locorum inibi existentium narratio. 154
- V. Regiorum aliquot sepulchrorum Regum nempe Hierosolymitanorum posterioris æui in Golgothano delubro existentium descriptio: deque eorundem Regum serie, gestis atque obitu brevis enarratio. 188
- VI. Diuersarum Orientis nationum Christum colentium, in Hierosolymitana vrbe ac in Resurrectionis Dominicæ fano continuo degentium consuetudines, ritus, ceremoniæ, & hæreses. 194
- VII. Ritus & ceremoniæ in creandis militibus, Hierosolymitis, obseruari soliti. 213
- VIII. Variæ antiquitates in itinere Bethlemitico conspectæ, Bethleemæ situs, tractus, conditio, Delubri amplissimi, ac Monasterij contigui descriptio. 122
- IX. Variæ iuxta Bethlehem lustratæ antiquitates: Fontis signati, Piscinarum & horti conclusi Salomonis, nec non vallis Mâbre, & oppidi Hebron descriptio. 240
- X. Ad montana Iudææ profectio: in qua Sepulchrum Rachelis, Ioannis Baptistæ Eremus, eiusque incunabula: Vallis Raphaim, Fons Nephtoa, aliæque perlustratæ antiquitates & oppida. 244
- XI. Variarum antiquitatum, locorumque sacratorum, tam intra quam extra Sacræ vrbis mœnia exstantium, eorum maximè quæ illi ab ortu adiacent, descriptio. 253
- XII. Aliæ rursum quam plurimæ ad diuersa lustratæ antiquitates; ac inter eas loca sacris mysteriis memoranda, tam in vrbe Hierosolyma, quam in suburbanis locis existentia. 279
- XIII. Monumentum B. Mariæ virginis secundo inuisum, Ædes D. D. Ioachimi & Annæ parentum Mariæ, Arx Antonia, Porta speciosa templi Salomonis, aliæque antiquitatis lustratæ vestigia. 300
- XIV. Sepulchrum Regum Iuda, ac specus threnorum Hieremæ extra urbem Hie-

rosolymitanam exstantium descriptio. Bombycum item in Oriente natura, ac earundem pastura. 303

XV. Arcus Ecce homo, & ædium Herodis descriptio: Deque supremi Chieccagiæ in urbem Hierosolymitanam aduentu. 306

XVI. Mira quædam de Mahometanis Peregrinis natione Indis, eorumque precibus in Minoritarum templo habitis. Itē de Mahometæorum opinione de Christo, saluatore nostro, eiusque matre Maria. 308

XVII. Peregrinationis in Hiericho, ac montem Quadrantanam siue Quarantenā, aliaque circumuicina loca descriptio. 310

XVIII. In Dominici Monumenti Basilicam secundo admissi cum Primatē quodam Turca, plurimis eum comitatibus Hoggiis & Santonis, seu Mahometanæ sectæ religiosi, 313

XIX. Emaus castelli, Ramatha, Sophia, Machabæorum Modin, locorumque circumuicinarum lustratio, & descriptio. 314

XX. Hierosolymæ vrbis brevis descriptio: & ab ea discessus. 318

LIBER TERTIVS.

Syriacam profectionem Alapiam vsque elucidam, capitula habet viginti quinque.

CAPVT I. Syriæ (quæ Italis Soria est) descriptio. 326

II. Hierosolymis discessus. Mora in Bira paggo: eius loci, ac Chani vicini, aliorumque Chanorum, & Imarathorum Turcicorum descriptio. 331

III. Discessus ex Macmas. Difficilis eo die profectio: Silo mons, Lebna, Campus Iacob, & in eo puteus Samaritanæ, aliæque notatu digna. 335

IV. In Sichem ingressus: ibidem mora eiusdemque oppidi situs, & descriptio. 338

V. Ex Sichem discessus, Sebastēs vrbis situs & conditio. Maurorum ibidem cum nostris Mucharis litigium, & discrimen nostrum maximum. Ad oppidum Gilin seu Chilin appulsus, eiusque descriptio. 344

VI. Salem, Naimque oppida, Montes Gelboe, & Hermon. Nazareth oppidū. eius-

- eiusque situs & conditio. Variæ ibidem toleratæ à Mauris ducibusque itineris contumeliæ, iniuriæ, exactiones. 346
- VII. Ad montem Thabor profectio: difficillimus eius adscensus, situs & conditio; quæque ex vertice eius collustrata à nobis sint. 354
- VIII. Turcarum Carauanæ: Horum proficiscendi mos; itemque orandi. Ad mare Tiberiadis descensus: eiusque ac locorum circumiacentium descriptio. 357
- IX. Iordanis amnis fons seu origo, itemque occubitus. Pons Iacob illi impositus. Aquæ Maron: & Tracunitidis regio. 361
- X. Ingressus in Damascum: ibidem mora, & varij casus. 364
- XI. Damasci vrbis, eiusque suburbanorum descriptio. 372
- XII. Discessus ex Damasco: & Libani montis descriptio. 379
- XIII. In Resta pago mora & pernoctatio. Bassæ Cairensis comitatus amplissimus. Genizarorum Damascenorum tyrannis, instituta, mores. 381
- XIV. Doume Sardinaia, & Hadra pagi: eorumque situs, ac circumiacentium agrorum conditio. 386
- XV. Per loca deserta iter, & in ijs varia Chana; eorumque descriptio. 388
- XVI. Semfini siue Chemsij oppidi situs. Ab Arabibus discrimen: eorumque conditio, vita, mores, instituta. 389
- XVII. De Truscorum siue Drusorum conditio, moribus, & vitæ genere. 395
- XVIII. Emesæ siue Hûsi vrbis descriptio. 397
- XIX. Ex Emesâ discessus. A Cadio iniuriæ: eiusque ac Turcarum superstitiosi ritus. Rostel & Haman vrbiū situs, & descriptio. 399
- XX. Ex Haman vrbe discessus. Cairensis Bassæ Carauana cum nostra coniunctio. Eius castrensia tentoria. Iuxta Sechon Ghan Turcarum castrametatio. Coquendi modus, & victus paritas. 402
- XXI. Camelus quid animalis. Genera horum duo, eorumque conditio. 403
- XXII. Varij peragrati pagi, eorumque situs & in vrbe Alepum ingressus. 405
- XXIII. Alepi vrbis encomion, situs, natura

loci, merces, fructus, & incolarum conditio. 406

XXIV. De mercatoribus Occidentalibus Alepi commorantibus: eorumque consilijs iudiciarijs. Item de mira columbarum industria, & conditione. 413

XXV. Alepinæ vrbis incolæ, eiusque magistratus primarij. Bassæ in vrbe cum solemnî pompa introitus, ac publicæ præces, eiusdemque in administranda republica conditio & cura. 415

LIBER QVARTVS.

Særa, ritus, mores, & instituta, habitus, & consuetudines Mahometæorum, itemque Christianorum in Syria commorantium comprehensio, Capita habent nouendecim.

CAPVT I. Trimestris in vrbe Alepo mora. Turcarum seu Mahometæorum sectæ origo, atque inde nata hæresis Persarum. 420

II. De varijs Mahometææ Legis cultoribus, eorumque (& præsertim Turcarum) conditione varia. 425

III. Mahometææ Legis præcepta, ritus ceremoniæ, superstitiones. Varia item de Deo, de Christo, eius matre Maria, de salute hominum, sacris Biblijs, vltimo Iudicio, Paradiso, Inferno, Angelis & Damonij opinione. 428

IV. De Turcarum varijs lotionibus & balneis; deque balnearum apud eos forma & vtu. 436

V. Templâ Mahometæorum: precandi ritus & ceremoniæ: conciones & superstitiones. 437

VI. Ramadam siue Ieiunium menstruum, quotannis apud Turcas aliosque Mahometæos celebrari solitum. Festa annua, & superstitiosæ Turcarum observationes circa lunæ incrementum & decrementum. 443

VII. De varijs Mahometææ legis ecclesiasticis viris; eorum muneribus, conditione, & vitæ genere. 445

VIII. Mira quædam de Santono quodam Mahometæo, vulgò pro sancto habito. eius mores, conditio, ex vrbe Alepo discessus, & in Palæstinâ peregrinatio. Deque Peregrinantium ad Mahometis sepulchrum

INDEX.

- chrum numerosissima carauana. 440
- IX. De varijs Mahometæ Legis religiosi.
Eorum mores, vitæ genus, & vitia. 453
- X. Senis Mahometæi vulgò pro sancto habiti ridiculi mores, vita & condicio. 455
- XI. De religiosi Sacquatijs nomine; aquam cuiuslibet obuiò offerentibus. De studio Turcarum in exstruendis Imarathis, Chanis, siue Carauansaraijs, Pontibus, alijsq; publicis ædificiis. Deq; variis Mahometæorũ eleëmofynis, votis, & pijs operibus. 453
- XII. Agonizantium Mahometæorum status & conditio, eorum testamẽta. Mira quædam somnia de animarum statu in diem vsque Iudicii. Mos item sepeliendi mortuos. Eorum cœmiteria. Vulgarium sepulchrorum formæ, & Primatum monumenta, itemque parentulia. Necnon Christianorum & Hebræorum cœmiteria & sepulchra. 460
- XIII. De Bassis, Sanicacchis, & Subassiis, supremis Turcarum magistratibus, eorumque munere, moribus, & conditione. Deque variis Turcarum militibus, necnon atrocium criminum pœnis. 464
- XIV. Varia quædam circa Syriæ indigenarum mores & conditionem, tam Mahometæorum, quàm Christianorum. 471
- XV. Variæ Turcarum monetæ, earumque genera & pretia. 478
- XVI. Priuatorum in Syria ædes, & habitacula. Varia in iis supellex, & circa domestica cultus. 480
- XVII. Varia apud Turcas ciborum genera, & coquendi modus; ac potiones variæ. 482
- XVIII. Vestes Turcarũ Maurorumq; iteq; Christianorũ & Hebræorum habitus: & in quibus ab inuicem secernantur. 484
- XIX. Turcicarum ac cæterarum in Syria feminarum habitus, ornatus, ac mores. 487
- LIBER QUINTVS.
- Antiochia, aliarumq; Syriæ vrbiũ lustrationem, ac reditum per mare in Italiam, vrbiq; Venetæ breuẽ descriptionem continens, Capita habet quindecim,*
- CAPVT I. Genizarorum in vrbe Alepina seditiones, & aduersus Bassam, Castriacosque milites motus. 491
- II. Ex Alepo discessus. Iter Antiochiam vsque: & Antiochenæ vallis lacusque descriptio. 493
- III. In vrbem Antiochiam ingressus. Discrimen à Genizaris Damascenis, Cadij intercessione sedati milites. In vrbe mora, eiusque lustrationes. 496
- IV. Descriptio vrbi Antiochiæ. 498
- V. Ex Antiochia discessus. In montem Amanum adscensus; eius conditio, & situs; ac Bailani Chani omnium maximi descriptio. 501
- VI. Iter Alexandretam versus. Eius situs, ac tam veteris quàm nouæ descriptio, ibidemque mora. 502
- VII. Ex Alexandreta discessus. In nauem adscensus. Horrida mox in ipsa statione tempestas, & discrimen maximum. Sinus Issici descriptio; & in Cyprum appulsus. 504
- VIII. E naui descensus. In Cypro mora; & in ea lustratæ vrbes. 506
- IX. E Cypro discessus. Iterum mari discrimen maximum, & procella horrenda. Nauis obitus, & sepultura. Methone tandem conspecta. 507
- X. Maris discrimen tertium. Raguseæ nauis occursum: nautarum mutua saluatio. Piraticæ nauis nos insequētis effugium, aut prægressio. Malacia maris. 509
- XI. Pueri in mare casus, & interitus. Delphinorum conspecta copia. Bellæque eius descriptio. 510
- XII. Insularum Strophadum descriptio. 511
- XIII. E naui Zacynthum descensus: ibidem mora; atque abitus. Aduersi venti, auræque demum felix. Cephaleniæ, & Corycæ, totiusque tractus maris Adriatici, Quaruarium vsque nauigatio. 512
- XIV. Ad portum Ruigni appulsus, atque aliâ conductâ naue Venetias vsque nauigatio. 514
- XV. Venetæ vrbi breuis descriptio. 515

Accessit in Calce Synopsis Reip. Venetæ.

FINIS.



AD LECTOREM PEREGRINANTEM

P A R Œ N E S I S.

THEOCRIT consilium est optimū sanè ac salubre, ne quis nudis pedibus montem perrepat, qui rubis tribulisque sit obfitus. Quo exemplo haud obscurè admonet, nihil temerè aggrediendum : sed eum qui vel genus aliquod vitæ nouum suscipere, vel rem arduam aggredi proponit, armatum esse debere aduersus occursura incommoda: ea ratione, ne postea suscepti eum laboris pœniteat, nève in opere deficiat. Eodem quoque pertinent exempla à Christo adducta, quibus insipientiæ eum tacitè arguit, qui vel turrim Luc. 14. volens ædificare, non prius sumptus computet ad perficiendum opus necessarios, vel qui bellum initurus aduersus inuadentem se cum viginti millibus, non prius cogitet an cum decem ei occurrere possit. Sanè quemadmodum temerè illum audere iure dixeris, qui imparatus cum parato, inermis cum armato congredi audeat : sic eum quoque temeritatis notam incidere non negaueris, qui illotis (vt aiunt) manibus, nullis acceptis admonitionibus, nullis instructus rebus necessarijs, aut ignarus prorsus eorum, quæ sibi vel vitanda, vel sequenda fuerint, *Hierosolymitanum iter*, varijs casibus & difficultatibus obnoxium ingrediatur. Hac igitur in re vt Peregrinanti aliquo modo prosim, consilioque eum iuueni, operæpretium duxi, prius quam itineris nostri rationem atque ordinem prosequar, pleraque eorum hîc recensere, quæ ad *profectionem Hierosolymitanam* instituendam cognitu necessaria putauerim : rem illi non ingratam me facturum arbitratus, si quæ vitare, quæ curare, de quibus sibi prospicere debeat præmittam : vt æquiori animo, quæ occurrunt pericula, incommoditates, labores & molestias ferre, euadere, superare, aut ex ijs sese extricare commodius possit, adeoque facilius itineris sui scopum attingere, & ad finem opratum institutam profectionem perducere queat. Nam si quis viam initurus prius secum meditetur, quo pacto aduersam ærumnam ferat, occursura incommoda superet, normamque sibi præscribat, quâ se in rebus gerendis regat, atque etiam se plurimis periculis, ærumnis, necessitatibus fore obnoxium sibi certò persuadeat, quæcunque tandem euenerint, imò quemcumque casum fortuna inuexerit, quietè atque æquo animo feret: nihilque ei inopinatum, nihil nouum erit : certè minori cum angore & molestiâ omnia sustinebit, quàm si horum ignarus, ac planè securus ea sibi ex impro-

† 2 uiso

uifo ingruere sentiat : reque ipsa demum experietur, verum esse quod vulgò fertur, iacula præuisa minùs ferire : & quod ille ait :

Prospice qui veniunt hos casus esse ferendos:

Nam lenius lædit quicquid præuideris ante.

Illud autem in primis itineranti scire oportunum fuerit, quo portu soluendum, atque vnde maritimum iter aggrediendum sit : quod vt explicem, hæc præmittenda erunt. Solent Christicolæ *Hierosolymam* profecturi quotannis circa dominici Corporis festum ex omni ferè Occidente Venetias confluere, ac feruore spiritus rapti; neglectis omnibus, suæq; vitæ periculis contemptis, concito gradu turmatim accedere, vt inde sacram processionem, pietatis intuitu inchoatam, maritimo itinere peragerent. Veneti enim Christiano quodam zelo in peregrinantium commodum & vtilitatem, pro eorundem copiâ triremes circa idem tempus expedire consueuerant, quibus recto expeditoque itinere ire, redire, atque ipsam peregrinationem facili negotio absoluerent omnibus dabatur. Verum annis abhinc circiter triginta, ereptâ illis ab Amurathe Cypro insulâ, à tam salutari instituto destiterunt : ea fortassis (vt opinor) ratione, quòd nullos ferè posthac, aut paucos sacro huic sese accingere itineri cognoscerent. Quare qui nunc Venetias veniunt, non statim nauem Iassam Palæstinæ portum navigaturam inueniunt : sed onerarię se committunt, quæ vel in Cyprum, vel Alexandriam Ægypti, aut Alexandriam Syriæ, in sinu Illico positam urbem, vulgò *Alexandretam*, vel Tripolim nauiget : postea altero nauigio conducto, reliquum iter ad Iassæ portum absoluunt, & *Hierosolymâ*, ac circumiacentibus locis perlustratis, eodem nauigio ad locum vbi illud conduxerint, reuertuntur; vbi quandoque in tertium & quartum mensem sedere debent, dum onerariâ naue oblatâ in Europam renauigent. Hinc sumptus hac tempestate ampliores, cassarra Turcis Maurisque soluenda, accetera vestigalia auctiora sunt : quini-
mò molestiæ, labores, & difficultates grauiores; quibus omnibus pluri-
mi ab itinere deterrentur. Quem verò huiusmodi causæ non morantur, sed iam firmiter decreuerit viam ipsam ingredi, cogitet in primis non profanum, non voluptuarium, sed sacrum ingressurum se iter. non lucri, non vanæ gloriæ, nec ambitionis causâ suscipiendum : sed solo pietatis intuitu, gratum diuino numini obsequium vt præstet, & Crucem cum Christo ferat. Antequam verò se in viam det, res suas domi disponat, testamentum condât, vxori & liberis (si quos habet) de necessarijs prospiciat : denique ita se habeat, quasi nunquam ad proprios lares rediturus. Vbi Venetias venerit, nauem non conscendat, nisi animæ viatico munitus totum se diuinæ custodiæ commiserit, & veniam proficiscendi à Pontificis Legato Venetijs commorante obti-
nerit.

nuerit. Nam Pontifex pœnâ anathematis decreuit, ne quis eo incon-
sulto illuc proficiscatur: à quo anathemate, nisi ab ipso Pontifice, vel
eius Vicario aliquo, vel Guardiano Hierosolymitano nemo absolui po-
test. Legatus autem veniam liberè impartitur, literas etiam testimo-
niales, quas secum ferat, concedit. Solet is peregrinantem interroga-
re, an sumptibus itineris ferendis par sit; qui nisi centum aureos vt mi-
nimùm se habere iurauerit, ad profectiōem non admittetur: quod
ea ratione institutum arbitror, ne quis temerè itineri huic sumptuoso
se se committat, nève, cum in Palæstinam venerit, Franciscanorum
monasterio (cui potius emolumento esse debeat) damno & nocumen-
to sit. Minoritæ enim, aut itineris comites, si quis vacuâ crumenâ Pa-
læstinam accedat, ac consueta vestrigalia, seu cassarra, Hierosolymis &
Ramæ solui solita, pensitare nequeat, illius supplere vicem, atque eius
nomine solutionem Turcis præstare coguntur. Suo itaque quisque se
pede moduloq; metiatur, antequam itineri se se accingat: videatque
in primis an tantum sibi pecuniæ suppetat, quâ necessarijs satisfac-
cere sumptibus queat. Sanè si commodè proficisci quis, nec incom-
modare alijs velit, minori nequaquam summâ, quàm centum aureo-
rum tutò confici maritimum id iter posse certò sciat, atque hac in re
experto credendum haud dubitet.

Vt verò Lectori præcipui sumptus innotescant ordine eos hoc loco
recensere non absonum visum est.

Pro naulo in primis Cyprum vsque, aut Alexandriam Syriæ, aliâve,
quæ suprà memorauimus loca, quisque sex soluat oportet ducatos
Venetos argenteos, vel ad minus quinque.

Pro victu menstruo, si Nauarchi mensa frui quis velit, Ducati de-
cem; si Architriclini, sex soluendi sunt.

Pro naulo actuariæ navis, quâ Cypro Iassam nauigatur, Cechinos
aureos triginta, aut quadraginta, plus minusve expendere necessum
est. Ad quam summam singuli ratam suam portionem, pro numero
peregrinantium, conferre debent.

Pro cassarris Iassæ Maidini triginta quinque, aut quadraginta; &
Mucharis pro vecturâ asinorum Maidini totidem persoluendi sunt.

Ramenfi Subassio pro comiteatu, aut saluo conductu, vt vocant,

Hierosolymam: vsque, Cechinos sex aut septem: Pro introitu urbis Hierosolymæ Cechinos duos: Pro ingressu basilicæ Sepulchri Dominici Cechinos nouem: Pro cereis selquicechinum: Pro iuribus Curialium semicechinum quisque pensitare cogitur,

Si quis verò secundò ingredi Sepulchrum Dominicum expetat, siue vnus, siue plures fuerint, duos Cechinos soluant oportet.

In reditu Ramensi Subassio, Caffararijs Iassæ, ac Mucharis tantumdem soluendum est, quantum in aditu quis soluerit.

Interpretibus Cyprio, Ramensi, & Hierosolymitano, quod quisque pactus fuerit, præstandum est.

Minutulæ expensæ Arnicæ, Iassæ, Hierosolymis, & reliquis in locis terrâ, marique, vel victus, vel vecturæ occasione, vel liberalitatis ergò fieri solitæ, quæque ab Arabibus itinera obsidentibus exiguntur, cum incertæ sint, exprimi hîc nequeunt. Hierosolymis, Bethleëmæ, atque Arnicæ, vel Tripoli Minoritarum monasterijs victus occasione elemosinæ fiunt, pro cuiusque conditione, vel arbitrio liberæ. Cæteras expensas, terrâ marique extra ordinem fieri solitas, vel victus, vel valetudinis ergò, aut vestium, aliarumque rerum necessariarum causâ, vti incertas discreto Lectori indagandas relinquimus. Cæterum de Cechini Ducatiq; Venetorum valore, deque Turcicæ monetæ æstimatione postea suo loco dicemus.

Animæ verò, cæterarumque rerum, quas diximus, curâ habitâ, corporis nequaquàm negligenda est: quinimò vel maximè eius procuranda sunt commoda, ne in itinere viator deficiat, aut quo minus voti cõpos fiat, impediatur. Primò itaque vnde commodiùs maritimum hoc iter inchoetur explicabimus. Sunt qui Massiliam Galliarum urbem maritimam eligant, atque inde Tripolim Syriæ urbem adnauigent: sunt qui Venetias accedant, atque illinc Cyprum, vel Alexandriam Syriæ petant. Ego etsi Massiliam præcipuum Galliarum portum sciam, Gallis in primis cõmodissimū, nauibusque instructum, quibus cum in Cyprum, & Tripolim præsertim tutò naugetur: Venetiarum tamen portum, vt longè frequentiore, cõmodiore, & vtiliore altero, deligendum suaserim. Consultius enim Peregrinanti fore nemo negauerit, si eam adeat urbem, in qua maiori comitum frui copiâ datur. Cõmodiùs siquidem multis quàm paucis comitibus nauigamus. Curet itaque Viator, si salutis, si crumenæ consultū velit, vt circa finem Aprilis, vel Maii initium Venetias se conferat: eò namque tempore, qui iter illud instituere

tuere proponant; confluere illuc solent. cum his se coniungat: quanto enim plures fuerint itineris comites, tanto securius minoriſque diſpendio iter inſtituetur. Caueat autem ne leuioris conditionis onerariam, aut malè cōpaſtam, aut veterem adſcendat, ſed ex maioribus benè inſtructam, cui præſit Nauarchus non imperitus, quæque rectà Cyprum, vel Tripolim, aut Alexandriam Syriæ petat: alioqui vel maximè verendū eſt, ne naufragio obnoxium ſe reddat, vel in piratas incidens (qui maria illa hac maximè tempeſtate ſummopere infeſtant) vitæ ſuæ periculum incurrat; atque ita prius vitam quam viam finiat: nè ve ſi merces alicubi exonerentur, & Nauclerus ſuis negotijs impeditus tardiùs ſoluat, nauigandi oportunitatem perdat, maioribuſque ſe diſpendijs oneret. Hac autem in re vel Minoritæ, Procuratoris Terræ Sanctæ nuncupati, Venerijs in monaſterio Diui Franciſci (cui cognomen à Vineâ eſt) plerumq; degentis, vel mercatoris alicuius operâ conſilioq; vratur. Vbi verò onerariam pro voto naſtus fuerit, cum eius tabellione ſeu ſcribâ agat. Huic enim mercium recipiendarum, & à vectoribus naui exigēdi cura cōmiſſa eſt. Nauem tamen non adſcendat, niſi ſcribam in procinctu eſſe comperiat, ne ante tempus nauis incommoditatibus ſe exponat. Solent etenim Nauarchi, etſi aſſerant ſe proximo quoque die vela facturos, diſſerre abitum in plurimos dies. Mox cum Nauarcho de victu conueniat: propriâ namque viuere quadrâ, niſi plures ſimul victitent, eademque vrantur menſâ, permoleſtum eſt. Præter hanc victus rationem de ceteris in itinere neceſſarijs ſibi proſpiciat; eaque in primis curet, quæ contra nauſeam, & vomitum ex maris agitatione oboriri ſolitum, atque ad corporis ſordes & immunditias euitandas, aut depellendas, aliaque effugienda incommoda, vel maximè requiruntur. Non enim temerè, vel imparatè, aut neglectis ijs, quibus indigere quis poſſet, iter hoc, tot periculis, tantifque laboribus & incommodis obnoxium, inſtituendum quis putet. Nam quantamcunque etiam adhibuerit quis in perquirendo diligentiam, re ipſâ demùm comperiet ſemper ſibi aliquid deeſſe, quo vel maximè indigeat: cognosceretque nequaquam ſibi pro voto ſatiſfactum eſſe. Vt verò Peregrinanti conſilij optimi copiam faciam, eumque rectè inſtruam, pleraque eorum quæ ſcitu neceſſaria putauerim, recenſebo, ad minutias & leuiſſima quæque etiam deueniens.

Culcitram igitur, quiſquis eſt, ſi commodè proficiſci velis, corporis tui longitudini conuenientem, lanâ vel floccis ſultam, cum cervicali binifque linteis: capſam item ligneam, ac ſerâ munitam, longam pedes ſex latam tres, cui vt fulcro culcitram imponas, quæq; ceteris tuis recipiendis rebus ſufficiat, mercari ne negligas. Quatuor adhuc vel ſena tecum ſeras induſia, abſque collarijs, aut ſi nauis, ſimplicibus tan-

tum

tum nequaquam rugatis. Tegumentum capitis, quo in naui utaris, lancum sit more nautico. Duo item linea, duoque lanca paria caligarum; duo calceorum: sudariola quoque, linteola, mappulae, & mantilia aliquot haud negligenda sunt: quo facilius aduersus pediculos, aliasque sordes tueri te possis; quae si semel adhaerint, non facile excuties. Saponis etiam libram unam atque alteram emito; quo ipse, si opus fuerit, lauare indusia, linteolaque cetera possis. Et si verò victum à Nauarcho emeris, nisi habeas quo stomacho fastidienti quandoque cibos, opituleris, non est quod ab eo aliòve expectes quicquam, qui laboranti tibi subueniat: quisque enim hinc quae sua sunt quaerit, sibi que commodare mauult, quam alteri. Proinde biscocti panis optimi libras viginti, vasculum vini melioris, quod stomacho conducatur, liba aliquot Veneta, vulgò *Bozzelai* dicta: cinamomi, gingiberis conditi vncias duas, aut tres, nuces myrticas, caryophylla aliquot, aliaque stomachum corroborantia emere ne omittas: istaeque necessitate tantum exigente vtendū scias. Punica quoque mala, aurantia, citrea (quae in Corcyra. Zacyntho, Creta, Cypro, ac Tripoli abundè proueniunt, atque ad sitim extinguendā in primis oportuna sunt) cōpares. Quia verò sepe numerò nauigationi non assuetis, & maximè coeliacis, ex ventre laborare contingit, huic morbo nisi in tempore medelā quis adhibeat, in vitā discrimen ne incidat vel maximè verendū est: necesse igitur erit, vt de pharmacis, quae aluum mouent, tibi prospicias. In primis verò Sacchari librā unam, vuarum passularum, quas pharmacopoei Veneti ad laxandū aluum cōponere solent, libras duas, itemque iolapij violati vncias tres, aut quatuor, quod aquā mixtum aduersus febres, atque aestum solis corpori summo operè conducit, coēmas: quae quidem omnia in arcā tuā condere poteris. Vinum tamen architriclino, si fidum putaueris, committere licebit. Capsam verò vel scribā vel nauarchi operā loco comodo collocari curabis: quam naui egressus, siue Tripoli. siue Arnicae, Minoritarum custodiā relinquere tutum erit. Cum enim reliquum itineris lassam usque actuariā naui conficiatur, capsā nihil opus est: sed vbi in Cyprū, vel Tripolim redieris, relictam in nauem inferre licebit. Quia tamen Venetae pleraque naues in reditu vt plurimum adeò mercibus onustae sunt, vt vix Peregrinanti commodus pateat locus, ideoque in patulo ipsi quandoque haerendum sit, è re tuā futurum puta, si Arnicae capsam venundes; aut si in nauem recipi mauis, te duplō plus soluturum scias, quam antea solueras: quinimò à nautis (quorum singuli destinata & praescripta habent in nauibus loca, quibus ipsi proprias capsas collocant) locum aliquem, quo capsam reponas, conducas necessum erit: eā conditione, vt eā tibi ad libitum

vri li-

vti liceat; aut si locus non erit, capsæ alicuius vsum redimas, quo cubare desuper, ac morari interdiu noctuque liberum tibi sit. id enim nisi feceris, nullibi locus tutus erit; & tu acceptus nemini. Exulat quippe apud nautas plerumque omnis humanitas; nec vel tantillum commoditatis Peregrinanti concedendum putant, nisi pecuniâ redemerit. Si verò capsam nullam habeas, locus tibi à nautâ conducendus erit, quo collocare culcitram, illiusque capsâ condere cæteras res tuas, ac cubare desuper possis. Gausapinam seu stragulum habeas, quo te nocturno præsertim tempore tegas, & aduersus frigus noctisq; incommoda tuearis. Etsi enim in aditu ob Solis ardorem, æstusque nimium, vixeo, indigeas; in reditu tamen, qui Hyeme plerumque contingere solet, carere eo nequaquam commodum erit: cum frigus, pluvia, ventique vbique ingruant: & nisi habeas quo te aduersus tot ærumnosi falli incommoda tueris, facilem in morbum incides. Si cum Gallica nauis Tripolim perrexeris, Venetæ siquidem hoc tempore rarò eam urbem petunt, etiamsi in aditu comparare tibi Gausapinam neglexeris, poteris iam eâ in vrbe eam tibi mercari, & Massiliæ cum lucro vendare.

Vestis superior sit vilis, sordida, ac pannosa planè; aut si placet, obsoleta, stricta, non laxa, & ad ralos vsque demissa, coloris cineracei, quo plerique Seraphici vtuntur. Cinctura etiam, ac capitis tegmen eiusdem conditionis. Ab interiori quoque, subligaculis puta, thorace, caligisque absit omnis ornatus, siue sericus, siue argenteus, aut aureus: omnia rudia sint, & vilia. Si enim ornatum aliquem vestium Turcæ, Maurive animaduertant, principem te virum, aut diuitem rati, insidijs & auanijs Turcicis obruent, quærentq; quo noceât, & pecuniâ extorqueant. Etsi verò in nauis quibusvis vti vestibus liceat, cum tamen adsint plerumque Armenij, Græci, Turcæ, aut Hebræi, qui ex vestium ornatu occasionem captare possent, vt te criminis alicuius apud iudices insimulent (inuidet siquidem, atque odio habent Orientis populi vt plurimum Occidentales) nequaquam è re tuâ futurum arbitris ornatum aliquem vestium admittere: quinimò quo humilius, vestiaris, quòve sordidioribus vtaris pannis, securius iter perages, minusque periculi tibi conciliabis. Vitidis verò coloris vestimentis, limbis, fulcimentisque nequaquam vtaris: eiusmodi enim vestiri Christianos nefas esse putant Turcæ: cum solis Mahometæ, qui genus ad Mahometem referant, quive Mechanam Peregrinationem peregerint, id liceat.

Arma nulla tecum feras: cultello apud Turcas Maurôsve in publico non vtaris: nam si ab ijs cum cultro conspectus fueris, per vim tibi eâ auferent; & si recuses, resistasve, verberibus, pugnisq; te excipiet.

Pecuniam secreto loco conde: quātum habeas indices nemini: nec nisi noto, aut, quem tibi redditurum certò scias, pecuniam mutuò des; aliàs enim & amicum, & pecuniam perdes.

Tesseras collybisticas, vulgò literas cambij, vel saltem cōmendatias, ad mercatorem aliquem, siue Italū, siue Gallum, aut Anglū. Arnicæ vel Tripoli cōmorātem, tibi procura: quibus, si res exigat, vti queas: si nullis indigeas, oneri saltem, nec damno vlli tibi futuras existimā.

Vbi iam Venetā excessum naui, atq; in Cyprū ventum erit, de nauigio, quo in Palestinam transfreteris; suscipienda cura est. Hīc Lectorē admonitū velim, si plures fuerint itineris comites, aliquem vt eligant, qui acri iudicio sit, Græcū item, Italicūve idioma calleat. Is si desit, qui ingenio ac rerum experiētiā præstet cæteris; quò rebus gerendis aptior esse possit. Si verò solus ferendo oneri par esse nequeat, collega illi detur, qui consilio iuuet, & operā. His pecuniā expendenda cōmittatur: Hi acceptum ferant & expensum referant: eā ratione ne Turcæ, Maurive, ac cæteri Orientales, si singulos in marsupiiū immittere manus videant, pecuniosos arbitrentur; adeoq; Turcicis auanijs vexent, pecuniā scilicet vt extorqueant. Mahometæi siquidē, atq; Orientales ferè omnes Occidentaliū pecuniæ inhiant: studentq; per fas & nefas eorū euacuare crumenas. Electus præterea Iudiciariū cōsulem, siue Venetū, siue Gallū adeat, ac Minoritarū cōmendatione eius patrociniū in cōducēdo nauigio vtatur. Is enim cū auctoritate eniteat, atq; omnibus & Christianis, & Mahometæis notus sit, de Nauarchi & nauigij cōditione securiūs inquirat & faciliūs de pretio nauli cū nauiculario cōueniet. Animaduertat autē Peregrinans, ne cū Græco nauarcho cōtrahat, cū fidē pleriq; fallant, & Latinis in primis insensī sint; sed cū Syro potius, aut Mauro, Cōsuli noto: qui si Italicā calleat linguā, vti pleriq; solent, pro interprete esse poterit: sin minus, interpres adhibendus erit, qui in itinere, quousq; in Cyprū, vel Tripolim redieris, comitetur, rebus cæteris opem ferat, necessaria procurat, singula diligenter cōponat, cū Castarijs paciscatur, & omnium nomine, vbi opus fuerit, respondeat.

Pactum cum Nauarcho hac conditione fieri consuevit, vt peregrinantibus lassam deductis, ipse in portu eorum reditum in diem decimum septimū, aut decimum octauum exspectet: si in plures reditum differant, in singulos dies Cechinū Venetum exsoluere habeant: Reuersus cum rebus omnibus incolumes eò reducere, vnde eduxerat, teneatur; aut si quod damnum acceptum sit, suā id culpā non accidisse probare: quā de re etiam fideiussorem dare, & instrumento iudicario obligare se ante profectionem nonnunquam solet.

Nauli dimidium, vbi lassam ventum est: Nauarcho soluitur; reliquum cū eò reuersus erit, vnde soluerat; nisi cum eo egeris, vt te lassam

fam solùm vehat: tunc enim integra solutio præstanda est. Nauli ratione expeditâ, cibaria si defint, aut non sufficiant, ab Electo in quindecim dies pro numero comitum comparanda sunt. puta carnis fassamenta, lucanicæ, oua, cocta omnia: nam coquere in nauigio nihil licet. Oleum item & acetum, vinum quoque, & aqua recens, dulcisq;, ac fructus recentes. Et si verò Iassæ portus à Salinarum statione, vnde plerumque onerariâ naui exceditur, ducentis tantum miliaribus, aut eo circiter distet, si rectâ nauiges; nonnunquam tamen, nisi secundo vento vela facias, decem, quindecim, viginti, aut pluribus diebus captare terram non licebit. cum non rectâ viâ altum petere, sed obliquâ ire necesse sit. In Cypro siquidem æstiuis temporibus vt plurimum Corus & Africus dominantur: quapropter retrocedendum est ad Caput felium, seu Gauata promontorium vsque, si tutò Iassam nauigare velis.

Annonam omnem, ne à nautis absumatur, capsq; inclusam, & reliquas res in itinere vsui futuras, nauiiculæ inferri Electus curet: maximè si cum Nauarcho pactum sit vt te reducat, vnde eduxerat. Cætera verò quibus ad necessitatem non indigeas, nec vsui tibi futura putaueris, comitum capsis (si tua nauigio illata sit) includere poteris: capsam tamē non in naui, etiam si cum eâ te in Europam rediturum spes, sed apud Minoritas (apud quos cum in aditu, tum in reditu morari, victum emere, domicilio vti licet) relinquere tutius erit.

Caucas autem, cum alicubi stibsis, ne fructibus te ingurgites: nam damnosissimi sunt, & dysenteriam generant; ficus præsertim, anguriæ, & pepones: modicè autem sumpti non efficiunt; maximè si haustum vini superaddas. Ab aquæ etiam nimio potu, Tripoli præsertim, itemque vini, omnino abstineas: nihil enim in his regionibus est periculosius. Itaque si salutis tuæ consultum velis, sobrium assiduò te exhibe, atque omnem cibi potusque excessum caue.

Itineri iam accinctus, præter annonam & summè necessaria, vt indusium vnum atque alterum, cum collarijs aliquot, & sudariolis, nihil cura: nam si plurimis onustus sis rebus, summam in terrestri itinere senties molestiam. Hic demum te præmonitum velim, innumera ferè in maritimo itinere, quo Iassam pergitur, toleranda fore incommoda: præter nauiis enim agitationem, quæ nauseam parit, ac cibos potumque stomachum continuò fastidire cogit, sub dio interdum noctuq; cubare necessum est. Nulla hic quies, nulla commoditas, nullum solatium: dolor, labor, & horror iugiter adstāt: sentinæ grauis putor, vomitantiū & ructantium fœtor, ac postico crepitantiū malus odor spiritū tibi præfocant: æstus diei, solisq; ardor vehementissimus, frigus item, ros, humiditas nocturna te excruciant. Nauticum genus, asperū

nimis & rigidum, neque ægris aut languidis amicum, sed inhumanum prorsus assiduò te vexat, affligit, opprimit. Immanes namq; barbari, & immites planè, quantumvis præ ægritudine loco te vix mouere queas; attamen modò huc modò illuc discursitare, ac mutare sessionis locum sæpius compellunt: in imam carinam nonnunquam detrudunt, pedibus calcant, cõuicijs & iniurijs laceffunt, deridēt, cibaria eiam te inuito absumunt, & deglutiunt: quæ omnia æquo animo sustineas oportet.

Iassam vbi veneris, in portu hærendum erit, donec Ramensis accedat interpres: qui si absit, Bethleëmiticus aliquis aduocetur, linguæ Italicæ peritus, qui è nauigio te educat: quo nondum præsentē, caue ex eas, ne Maurorum, Arabumve insidijs (quorum plurimi in vicino litlore iugiter hærent, & quotidie suas exercent mercaturas) te temerè cõmittas. Facile enim, si non adsit, linguæ Arabicæ gnarus, qui te comitetur, laboranti opem ferat, reprimatq; barbarorum insultus, in discrimen incidas, quo te difficulter exemeris. Interpres hîc Mucharos (hoc est, asinorum atque animalium sarcinariorum actores) itemque milites qui te Ramam vsque comitentur, adducit, de Caffarorum solutione, deq; cæteris in itinere obeundis curam gerit, eoq; comitante terrestre carpitur iter. Quisq; Peregrinantium asino hîc vehitur: pedibus incedere nulli licet. Asinis nulli sunt stapedes, nullum frænum, nullæ habenzæ, nec sella, sed elitelæ tantùm prorsus incõmodæ: stapedes igitur sibi quisque conficiat, qui plerumq; ex asseribus fune adaptatis cõponuntur: quos asino non accõmodet quis nisi ad censurus iam: & vbi descenderit, receptos custodiat: id enim si negligat, surrepturos Mucharos, neque reddituros nouerit. Mucharis præter vesturæ pretium, quemadmodum & nautis, qui te Iassam vsque deduxerint, gratuitum donum (vulgò cortesiā vocant) vltro præstandū est: quod si quis recuset, vel inuitum fustibus cogent vt soluat. Eadem & cæteris Mucharis (quorū operâ postea in conducendis asinis, in Bethaniâ, Bethleëmâ, alijsque vrbi circumiacentibus locis inuisendis vteris) ratio est. Caue autem ne in itinere à reliquo comitatu longiùs te disiungas, nève præcedas: sed ducem, vel interpretem sequaris, eiusq; adhæreas lateri. Mahometæorū quoq; cœmiteria equitando ne transeas. Santono aut Seripho obuio in itinere ex asino descendens honorem exhibeas. Urbem equo aut asino insidens ne ingrediaris, nisi vapulare à barbaris malis. Hoc præterea moneo, hoc amicè obtestor, humilē, modestum, cautū circumspēctum vbiq; te exhibeas. Hierosolymis, aut alibi Turcarum in ditione solus ne incedas, aut diuageris, sed comitem tibi adhibeas Arabicæ linguæ gnarum, qui te vbiq; gradientem defendat, instruat, atq; opem ferat. De Christianâ religione cum Mahometæo nequaquā disputes; nec in eos eorūve sectam inueharis; nullū verberes; si

res; si illi te, vindictam ne sumito, sed æquo fer animo: secus enim si faxis, manifestum vitæ periculū incurres, aut magnā pecuniā salutem redimes. Nullum deride: cauillari cum aliquo caue: iocos & sales fuge; ad contumeliam enim omnia accipiunt, magis quā ad leporem, vel urbanitatem. Neminem aperto capite saluta; sed vulgarem illorum in salutando morem obserua; capite ad ventrem inclinato, manibusq; ad pectus appositis reuerentiam honestioribus exhibe. Messitas eorū non ingredi: foeminarum consortiū vita; easq; vel publicè incedentes, vel subdialibus sese pauimentis cōtinentes, nequaquam saluta, aut diligentius obserua: niſtare etiam, aut eas notare digitis omnino caue. Si quos ebrios obuios habeas, de viā decede. Curiosius mœnia, arces, munitiones, locaque publica lustrare noli: pedem nullibi firma, vt denotes aut describas quicquam quod publici iuris sit; suspiciosi enim cū sint Turcæ, Maurique, emissitium te rati in vincula illicò rapiunt. Tripudijs, festiue eorum publicis ne te intermisce, nisi Genizaro comite. Conditionem tuam nulli Orientalium aperi; præsertim si nobilis, aut diues sis, sed plebeium vbique hominem te simula: seruum si tecum adduxeris, tanquam fratre & comite vtaris; nec vllam operam ab eo in publico exigas. Liberalius nummos ne eroges: pecuniam enim profundere in partibus illis cum primis periculōsum est. Nam si quis id faxit; illi Turcæ cæteri que Orientales (spe lucri cui vel maximè inbiant) magis insidiantur. Hispanum Germanūve, aut Italum ne te dixeris: sed si Italicam calleas linguam Venetum; si Gallicam, Gallum; si Anglicam, Anglum. hos enim ferunt; reliquos non item. Hinc etiam vel maximè tibi cauendum puta ab Hebræorum cōsortio, ne ex loquelā tuā cuias sis cōjiciant: nam cū varijs imbuti sint linguis, & Christiani nominis oſores maximi, facilè fiet, si te nec Galilæum, nec Anglum, nec Venerū sentiant, vt te pro coriphæo, & Osmanidarum hoste pessimi delatores suo cum emolumento denuncient. Venetis, Gallis, Anglisque, in onerariā si adsint, beneuolum te præbe: quorum verò magis arridet conditio, quosve in itinere profuturos tibi arbitreris, horum amicitiam demerere, ac fide, officio, humanitate tibi deuinci. Orientis etiam Christianis, si qui fortè in naui fuerint, vt plerumque contingit, facilem & benignum te exhibe: neminem eorū iniurijs laceſſe, aut opprobrijs irrita. In eorum quoque contemptū de religione, ritibusque eorum sermonem ne misceas, ne quandoque tibi vbi in Cyprum, aut Syriam veneris, par pari referant, deq; illatā iniuriā acrem vindictam quarant: quinimò eorum potiùs tibi conciliare animos, ac captare beneuolentiam modis omnibus stude; vt si auxilio, aut adiumento tibi esse nequeant, damnum saltem non inferant, aut aliquo modo noceant. Orientalium Christianorum familiaritate in

Cypro aut Palestinâ licitè , quidem vti poteris ; nequaquam tamen eorum te fidei temerè committas , eorūve suasionibus facile ne pareas ; & si vt Turcarum templa adeas , vrbium mœnia munitionēve lustres , extra urbem deambutes , suadeant , hortenturve , nequaquam obtempera : subdola siquidem gens est , & ad fallendum nota atque astu plerumque id faciunt , vt vitæ Peregrinantium insidientur , incautos obruant , criminis apud iudices insimulent , deferantque innocentes ; pecuniam scilicet vt eliciant , & aliorum malo lucrentur . Fateor quidem non omnes esse eiusdem conditionis : sunt enim qui faueant Occidentalibus , qui iuuent consilio , quique vbi opus esse cognouerint , opitulentur aduenis : vt plurimum tamen inhumani sunt , & infidi , barbaro potius , quàm Christiano nomine digni .

Quod si vniuersam Palæstinam , Syriamque lustrare , atque vnâ cum Christicolis Orientis sacra inuisere loca , & in primis Paschalis festi ceremonias , Orientalibus consuetas obseruare , varijsque eorum sacris , ritibusque ecclesiasticis intercesse desideres , in Augustum differre abitum licebit , nec opus est vt cum primâ discedas naui , quæ in Syriam nauiget . Cùm verò Venetæ pleræque onerariæ Alexandriam Syriæ in sinu Issico sitam urbem petant , ibidemque merces suas exonerent , illuc te conferas : inde verò terrestri itinere Genizaris comitantibus Aleppum pergas : quâ in vrbe hiemandum est , atque in proximum quadragesimale tempus differendus abitus . eo namque tempore innumeri panè Orientales vndequaque Aleppum confluunt , sacro sese vt accingant itineri , ac Hierosolymam pergant ; Pascha ibidem suo quisque ritu celebraturi , eo præsertim intuitu , vt ignem sophisticum celestem ab Orientalibus creditum , à Græcorum Patriarchâ enundinentur . Quo quidem comitatu tutò proficisceris , si habitu mutato , Armeniorum vel Syrorum more vestiaris , Armenioque vel fido alicui Maronitæ , qui tutelam tui patrociniumque suscipiat , commenderis . Syriæ præcipuæ vrbes hoc itinere , Apamia , Emesa , Damascus , aliæque , ac Palæstinæ regiones omnes , viginti plerumque dierum spatio lustrantur . Vbi Hierosolymam eo comitatu veneris , tribus vltimis sacre hebdomadæ diebus Domini Sepulchri Templum , aliaque vrbis Hierosolymæ sacra loca penetrare , & inuisere vlla absque tributi solutione licitum erit : quinimo ad ripam Iordanis fluuij , in quo Christus à Ioanne baptizatus est , cōcurrentibus vndique Christianis Orientalibus , liberè accedere poteris , cùm aliàs sine maximis impēsis , & Genizarorum comitatu nequaquam liceat . His ad sua redeuntibus , Aleppum repetere cōmodè licebit . Eodem pænè modo , & tempore , si cum Gallicâ naui , aut Venetâ
è Cy-

è Cypro Tripolim accedas, terrestri inde pariter itinere in Orientalium Christianorum comitatu Hierosolymam pergere; eademque quâ ventum est viâ, redire Tripolim commodè poteris. Si verò hîc comitatus tibi non arrideat, nec è re tuâ futurum arbitreris, Orientalium fidei te committere, primam è Veneto portu Alexandriam Syriæ nauigandi occasionem ne negligas: inde verò Alapiam pergas: mox reliquum terrestre Hierosolymam vsque absoluturus iter. Solus tamen viam ne ingrediaris: sed Genizaros tibi adhibe comites, qui te ducant, reducantque. Hi nocturno plerumque tempore, Arabum grassationes æstusque diei veriti, iter hoc conficiunt: quod quidem maximè dispendiosum est, & periculis plenum, Arabumque excursionibus (quorum manus rarò equidem effugere datur) in primis infestum. Hæc sunt, Amice Lector, quorum te præcipuè admonitum volui: quæ æqui bonique consulas. Plura adferre potuissem: sed ne nimius videar cætera tibi indaganda relinquo. Vale.

I

IOANNIS COTOVICI VLTRAIECTINI ITINERARII HIEROSOLYMITANI ET SYRIACI

LIBER PRIMVS.

Maritimum iter à Venetis Iaffam vfque
continens.

CAPVT I.

*Ex Venetijs difceffus. Primùm mari difcrimen ma-
ximum. In onerariam adfcenfus; eiusq; conditio,
ac horrida mox procella.*



ANNO à partu Virgineo CIO. IO. XCVIII.
quarto Nonarum Sextilium, qui dies erat
Dominicus, summo manè, cœlestibus pri-
mum refectus dapibus, & falutari sumpto
in Diui Marci Basilicâ Viatico, ex vrbe dif-
ceffi Venerâ; cymbamq; meritoriam, vul-
gò *Gondolam* vocant, quatuor inſtructam
remis, conſcendi, quæ ad onerariam duce-
ret, quâ cum Cyprû petere proproſueram.
Hæc (cui nomen *Nanaſarra*) inter ceteras
maxima, quippe quæ cuparum ſexcentarum ſupra mille pondus de-
portare aſſerebatur: cupas vero ſingulas ponderis mille librarum com-
putant Veneti, Cyprum & Alexandretam Syriæ proſectura, Meta-
manci portum non ita pridem exierat, atque anchoras iccerat in ſta-
tione, quam vulgus Italûm *Peſſoroffo* appellat. Diſtat is locus à portu
circiter ſex millia paſſuum: vbi omnes præcipuè magnitudinis naues,
quò commodius mercibus onerari queant, ſtatiuum locum habent.
Diui itaque Nicolai portu, aliàs à duabus arcibus vtrimque poſitis Ca-
ſtrorum dicto, egreſſi, vbi ad quartum milliare ventum fuit, iam um-
onerariæ nauis: ecce vehementi eoque ſubitario ex adu-
pente

pente vento, progredi ulterius prohibemur. Obluctantur nautæ, ac vel inuitis ventis pergere, ac iter cœptum perficere conantur. Vbi verò iam nimium intumeſcentibus vndis frustra deſudare ſe vident, nec quicquam proficere; cedere tandem, & auerſa prora portum repetere, non ſine ſummo discrimine ſunt coacti. Terrebat non nihil infaſtum adeò principium: neque tamen deſpondebam animum; quinimo meliora ſperans, diuinoque conſiſus numini, quærebam occaſionem maioris nauigij, quo rurfum me mari committerem, ne incaſſum eo die tererem tempus. Cogebam tamen per horam vnā atque alteram, cum ventorum interim fremitus furioſus augetur, nec eſſet qui ſe aduerſantibus ventis committere auderet, in portu ſubſiſtere. Tandem lembo (Peotam dicunt Veneti) octo inſtructo remis, atque ad onerariam properanti, me credidi: de naulo cū Nauarcho cōueni; rebusque meis è cymbâ in nauigium tranſpoſitis, remis iterum portu egredimur. Vix autem miliario à portu peracto, dum furibundo obnitimur Æolo, tumentesque ſulcamus vndas, in nouum discrimen incidimus: rupto namque præ nimio ventorum fremitu ferro temonis, fluctibus penè obruimur: tantumque haurimus aquæ, deſiciente gubernaculo, vt vix euadendi naufragium ſuper'eſſe ſpes videretur; ac niſi ſummâ indiſtriâ & diligentiâ temonem iam quaſi amiſſum nautæ recuperaffent, actum erat de nobis. Perterriti idcirco nautæ de reditu cogitant, ferri in primis reſciendi cauſa: temonem interim funibus ligant, & firman, aquam ex hauriunt; ventoque in puppim capto, portum ſecundò repetimus: Vbi toto eo die, ventis interim furētib, & impediētib, abiturum, hærendum fuit, Mediâ verò nocte ſubſequenti, cum iam ventus aliquantulum conqueſceret, tranquillumque ſe redderet mare; rurfum iter ſuſcipimus, ac remis mare ingredimur, ſeliciori quidem euentu: ſub ipſum namque diei crepuſculum ad onerariam peruenimus.

Erat Nauarchus (quem Patronum Veneti nomināt) *Baptiſta Tagierus*: tabellio autem ſeu ſcriba *Alphonſus Zilius*, vterque Venetus. Scribæ quidem apud Venetos merces omnes aſſignantur, qui eas in codicem redigit; de naulo mercium, ac nauigantium reſponder, eſtque ſecundus à Nauarcho, eoque inuito nemo in nauem recipitur. Hic igitur ſtatim, vbi nauem conſcendi, de naulo quærit, vt ſoluam expetit: ego quantum alij ſe daturus promiſerant, ſoluturum polliceor. Ille verò nil mihi cum ceteris, velle ſe decem Cechinos aureos, quos niſi pendam, naui exire iubet: putabat etenim, quòd alienigena eſſem, me metu concuſſum, iniquæ ſuæ obtemperaturum exactioni; ſua tamen ipſum feſellit opinio: ſyngraphum ſiquidem, quod à Clariffimo viro IOANNE NA-
 ro, nauis auctore ſeu domino acceperam, quo cum antea de naulo ſex
 Venetorum conueneram, ipſi obtuli: id vbi vidit, obſtupuit,
 deri tam vilipretio me pepigiſſe ait: dominum quidē donare
 ſuum

suumcuilibet posse: sibi autem hoc non licere, Ego verò è re meâ futurum ratus, si me homini insinuarem, verbis cum demulcendum statui: captare id circo beneuolentiam, addere officia, & prædicare ipsius fidem cœpi: quippe quem suo functum munere, nec humanitatis prætermisisse officium, ac sui heri, non aliorum inuigilare commodis oportuisse dicerem. Hisce alijsque blandis verbis hominem adeò deuinxî, vt benignum deinceps & beneuolum omnino se mihi toto itinere exhibuerit; statimque loco satis commodo capsam, measque res omnes à nautis collocari iusserit.

Primum atque illuxit dies, qui tertius Nonarum Sextilium erat, Peregrini, vt ex habitu me itineris comitem futurum cognôrunt (tunicâ etenim cinerea ad talos vsque pendente indutus eram) gratulati aduētum, salutarunt humaniter. Præter Franciscanos numero decem, duo aderant Peregrini, viri religiosi, alter Lusitanus præbyter, alter Italus, ex Marcâ Anconitanâ, ordinis Eremitarum Dñi Hieronymi monachus. Cum Lusitano ante aliquot dies forte fortuna Venetijs in Marciano foro mihi obuio amicitiam contraxeram: ceteri ignoti prorsus, excepto Vicario Hierosolymitano, Minoritarum duce: qui vt erat vir summæ humanitatis, de rebus in itinere necessarijs paulo ante benignè admodum me instruxerat. Aderant quoque in naui præter Italos, & Dalmatas, ac nautarum cateruam numerosam, variarum gentium mercatores plurimi, Turcæ, Persæ, Syri, Armenij, Indi Græci-que: dixisses te urbem non nauem videre; tanta quippe aderat hominū multitudo, tanta gentiū diuersitas. Videre ibi erat & viros, & feminas nobiles, & plebeios, senes, & pueros, sua quæque lingua sermocinantes, in varias classes & cubicula diuisos.

Hæsimus autem ea in statione toto biduo, Venetos quosdam patri-tij ordinis in Cretam magistratus ineundi causa à Senatu ablegatos, expectantes. His tertio demum die in nauem receptis; nautarumque mox habita recensione, cum sol iam ad occasum vergeret, vela præparari iussit Nauarchus: ventus siquidem se nostro itineri non alienum exhibere videbatur.

Horâ itaque primâ antelucanâ insequentis diei, ipsis nempe nonis Sextilibus, anchoras eruiimus, vela ventis damus; ac spumas salis naue secantes, iter aggredimur, flâteque Vulturno altum petimus. Ad quintam tamen inde horam tanta repente malacia extitit (quam nautæ *Bonazzani* vocant) vt in alterum nos vsque diem retineret ociosos; vix enim quicquam proficitur, placidum ventis cum stet mare. A Meridie rursus Euro-auster à protâ insurgit: vnde non sine ingēti molestia obliquândo cursum, reliquum diei, noctemque proximam transeginus. Orto iam sole, Pyranum Istriæ oppidum eminens se nobis conspiciendum præbet. Nautæ se nihil aduersantibus ventis posse proficere cum

viderent, Istriam versus iter capiunt; haud procul à Pyrano anchoras iaciunt: ibidemque per noctem (cum ventus magis ac magis intumesceret) subsistimus. Interim ex Franciscanis quidā febre correptus, scaphā in Continentem traicitur, & ne aliis impedimento sit, ac suæ magis saluti consulat, in proximum Istriæ monasterium, ut se conferat, à Vicario, literis additis, iubetur. Primo diluculo sublatis anchoris velorum iterum pandimus alas; ac zephyro leniter spirante, Istriæ littus legimus; vento quæ licet exiguus, secundo tamen, velificamus.

Sexto Id, Sextil. Ciuitatem Nouam, & Parentium, Istriæ vrbes maritimas, itemque Orfarium oppidum, vento utcumque placido prætergredimur. Mediâ nocte subsequenti horrida procella oboritur: erumpunt nimbi, tonitrua, fulmina: aberamus autem à continenti non plus vndecim millibus passuum: vnde & maius instare periculum videbatur. Verebamus enim, ne vis procellæ ex improviso subortæ in vada cæca, scopulosque propinquos impelleret nauem: & nisi summâ celeritate vsi fuissent nautæ, vix vela collegissent. Sequiebant ab alto rabidi fluctus, mugiebat à profundo pelagus, vndarum cumuli spondas interdum superabant; modo à puppi, modo à prorâ tumidissimâ procellarum rabie concutiebamur, omnia plena metu, horrenda omnia. Nauis quoque, licet velis contractis & demissis, adeò vi ventorum in latus dextrum ferebatur, in quam partem etiam malus procumbebat, ut nonnunquam à tumescentibus vndis superari videretur: quapropter Nauarchus veritus ne ventorum rabie malus disrumperetur, atque inuerteretur nauis, secures præparari à nautis iussit, quo instanti periculo præsto essent, & si opus foret, malum præciderent. Quartâ tandem horâ, languescente paulatim vento, periculum euasimus: velis tamen demissis, totâ eâ nocte nauigauimus. Dura quidem hæc nobis nauigandi visa initia: verum spes diuini auxilij nos pascens, ad hæc & maiora ferenda & subeunda accendebat animos.

Postero die pleno fulcantes æquora velo, ventis vbique propirijs, Ruignum, Polam, & extremos Istriæ meridionales scopulos, vulgò Phanatica promontoria à tergo reliquimus: totoque Istriæ littore abraſo, Phanaticum ingredimur sinum. Priusquam tamen institutum profequamur iter, paucula, quæ de Istriæ situ, fertilitate, & conditione nobis innotuere, cum aliàs eam perlustrauerimus, annotare non absounduximus.

CAPVT. II.

Istria Prouincia, urbiumque in eâ & oppidorum descriptio.

EST Istria Italiæ Prouincia Plinio decima, à Neotericis decima nona & postrema habita, ab Istro duce, à Iano Italiæ rege illuc missa.

vt auctor est Caro, vel vt alij volunt, Plinium sequuti ab Istro flumine ^{Lib. 3. ca. 18.} hodie Danubio, nomen sortita. Incipit à Formione amne ^{Lib. 3. ca. 17.} *Risanum* hodie vocant Itali, pertinetque vsque ad Arsiam flumen, & tanquam peninsula, inter duos posita sinus, Tergestinum, & Phanaticum, in Adriaticum excurrit mare. Latitudo, auctore Plinio 40000. passuum, ambitus 122000. continet, à septentrione habet lapides, seu Alpes; quæ di- ^{Lib. 3. ca. 18.} uidunt Carniam & Pannoniam ab Italia: ab occasu Firmio est, & pars maris Adriatici: à meridie finitur Adriatico: ab oriente Illyrico iungitur; à quo Arsiâ flumine dirimitur; qui in Phanaticum sinum, hodie à multitudine cadauerum, quod frequentibus ibi tempestatibus plurimi submergantur, Carnarium vel Quatnerium dictum, labitur. Venetæ reipublicæ maiori ex parte subdita est; pars Austriacis paret. Quæ Veneti iuris est, annuis magistratibus, à magno Consilio (vt appellant) cõmissis, administratur. Regio est fertilissima, in vberes amcenosq; colles, ac mitia montana, planitiesque amplas culturæ aptissimas distincta. Siluis quoque cædis, maximè apud S. Vincentium, copiosa. Ferax vini, & olei, vtriusque præstantissimi præsertim olei, quod cum Venafrano, vel quocunque alio laudatissimo conferri possit: pascuis vberima, & armentis diues. Fructuum hic omnis generis maxima copia. Mare etiam piscibus abundat; cùm maritimæ oræ sinuosissimæ, & tourtuosæ pleræque sint. Sal quoque magna quantitate in maritimis colligitur, non modico reipublicæ emolumento. Frumentum non omnino nascitur multum, vtrum soli naturâ, an hominum negligentia, atque incuria, certi quicquam quod asseram, non habeo; putauerim tamen hominû inertia, vel infrequentia potius, quam soli conditioni adscribendum; vel eo magis, quod inculta pleraque & deserta iaceant maritima præsertim loca, amœna licet & feracia. Incolæ in aëris intemperiem, continuos morbos, & febres, quibus debilitari se aiunt, quo minus agriculturæ operam dare valeant, rejiciunt. Id quidem re ipsâ comperi, cum illic agerem, omnes ferè, maximè maritimos, liuidos, pallidos, ac macilentos breui tempore effici, ac subeunte morbo maturiùs extinguui. Accepi etiam à viris fide dignis, Senatum Venetum exteris quibusque, Reipublicæ tamen subditis, qui colendæ telluris voluntate ducantur, sedem in Istriâ, atque agros ad colendum concedere, & cõcessisse iamdudum gratis: nullos tamen, quod aliorum periculis terrentur, præter Cyprios, Græcosque per paucos, conditionem accepisse: maluisse enim his emolumētis carere, quàm immaturæ mortis præsentissimo periculo se obicere. Multa oppida ac ciuitates continet prouincia; infrequētes penè omnes, præsertim maritimas, idque ob aëris intemperiem, & inclementiam, vt memorauimus Prælarce teris Iustinopolis, totius Istriæ primaria, & caput, à Formione distans quinque millibus passuum, quam Istri populi, Illyrico tumultu, ex

Continenti in iusulam olim Ægidam, postea Caprariam, vel ut alij volunt Pullariam nomine, fugientes, condidere, & in gratiam Iustini secundi Imperatoris Iustinopolim dixere. Cuius rei vel maximè fidem facit insigne vetustatis monumentum in memoriam Iustini Imperatoris marimori, incisum, his verbis:

D. N. CÆSAR IVSTINVS P. SAL. PIVS FOELIX VICTOR AC TRIUMPHATOR SEMPER AVGVST. PONT. MAX. FRANC. MAX. GOTH. MAX. COS. IIII TRIB. VII IMPERATOR V. CONSPICVAM HANC ÆGIDIS INSVLAM INTIMI MARIS ADRIATICI COMMODISS. INTERIECTAM VENERANDÆ PALVDIS SACRARIVM QVONDAM ET COLCHIDVM ARGONAVTARVM PERSECVTORVM QVIETEM OB GLORIAM PROPAGANDAM IMP. S. C. IN VRBEM SVI NOMINIS EXCELLENTISS. NVNCVPANDAM HONESTISS. PPP DESIGNAVIT FVNDavit C. R. P. Q. ET GENTE HONESTISS. REFERTAM.

Hodie vrbs *Capo d'Istria* vulgò appellatur, & ligneo ponte Continenti iuncta, arce *Leonina* nomine mediocriter munitur. In ea magistratus Venetus titulo Prætoris, quem Potestatem Veneri appellant, residet: estque ciuitas utcunque frequens, & episcopali sede insignis. Post hanc Pola, dein Parentium, tum Ciuitas Noua, maritimæ omnes, & episcopatu nobiles. Harum vetustissima & nobilissima est Pola, Istria, & Italiae urbium postrema; à Colchis (ut multi putant) condita Hæc Romana facta colonia, & Pietas Iulia appellata, ut Plinius notat, in eum modum postea excreuit, ut inter primarias Italiae vrbes annumeraretur: cuius rei testimonium facile etiamnum præbent præclara multa & illustria antiquitatis monumenta; quæ temporis iniuriâ haudquaquam consumi potuere. Extat omnium, quæ in Italia sunt, pulcherrimum Amphitheatrum, integrum prope & illæsum, solis deficientibus gradibus, quos ligneos olim fuisse multorum opinio est. Vetustissimi item Theatri ampla vestigia, epigraphæ, & epitaphia frequentissima, ac peruetusta: è quibus vnum atque alterum in studiosorum antiquitatis gratiam hic adjicere placuit. Prope Rattam vrbs portum arcus visitur triumphalis, ordinis Corinthij, in cuius fronte supra absidem in ipso nempe zophoro, cui A. pro signo dedi, hæc legitur pedali-
bus literis inscriptio.

SALVIA POSTVMA SERGI DE SVA PECVNIA.

Singulis item pedestallis siue stilobatis superioribus sequentes insculptæ sunt inscriptiones, in dextro nimirum B. litera notato.

L. SERGIVS C. F. ÆD. II. VIR.

L. SER

HIEROSOLYMIT. ET SYRIAC.

7

In medio C. litera signato,

L. SERGIUS L. F. LEPIDUS AED.
TRI. MIL. LEG. XXIX.

In sinistro, cui litera D. pro nota est,

C. SERGIUS C. F. AED. II. VIR QVINQVE.

Iuxta Amphitheatrum sepulchrum visitur tali inscriptione.

MANILIA PAUL. DE PATRIMONIO SVO SIBI ET AV RELIO
COMPATRI SVO DOMVM AETERNAM POSVIT.

Aliud ibidem.

VLPÆ ATHENIA DVL. HERACLI. PA. SOCR. B. M. P.

Iuxta ædes Pontificias.

IMPERATORI CAES. PIO FELICI INVICTO AVG.

In cathedrali Ecclesia.

M. BARVIUS SOTER BAR. ASCLEPIADORÆ FILIÆ
PIENTISSIME.

Apud S. Ioannem.

MARCO LVRIO HIALISSO PATRONO ET LVRIÆ LIB.
ET M. LVRIO ZOSIMO M. LVRIUS ZOSIMVS LIB. F.

In sacello Octaviani Augusti.

ROMAE ET AVG. CAES. INVIC. F. PAT. PAT.

Apud S. Germanum.

I. O. M.

C. IVLIUS CHRYSOGONUS EX VOTO FECIT.

Apud

Apud S. Vitum.

AVR. SOTER ET AVR. STEPHANVS AVR. SOTIRIÆ
MATRIPIENTISS. RELIG. LVCIF. METVENTI.

In horto apud S. Stephanum.

AVID. MAXIMINA DOMVM ÆTER. V. S. P. SI QVIS
ALIVD CORPVS SVPERPONAT DET FISCO
CCC. MILL.

In æde diui Matthæi.

POLÆ SEX. PALPELIO P.F. VEL HISTROLEG.
TIB. CLAYDII CÆS. AVG. PROCON.

Iuxta ædem diui Matthæi.

C. HELVIUS IULIANVS IVLIAE FORTVNATÆ CONIVGI
CASTISS. ET INCOMPARABILI SPLENDIDISS.
ORDO AQVILEIENSIVM.

Apud S. Martinum.

IVLIAE CHRYSANTIDI ANN. XXX. MEN. III. D. XXXIX.
LVSIDIENVS NESTOR AVG. POL. CON. INCOMPARABILI
CVM QVA VIXIT ANN. XVI. SINE VLLA QVERELA B. M.

Iuxta ædes Pontificias.


MAX. TRIB. P. VI. CON. II. P M. AVRELIUS MENOPHILVS
ORNATVS IVDICIO EIVS EQVO PVBL. SACERDOS TVSCVLA-
NVS ÆDIL. POLEN. CVM MENOPHILO PATRE LIB. AVG. N. N.
EX PROCVRAT. INDVLGENTISS. L. DDD.

Apud Pratum magnum.

DONAT. AVG. LIB. ET ANNIA PRIMITIVA HANC SEDEM
FRVCTVM LABORIS SVI VIVI SIBI
POSVERVNT.

His addidimus & faciem arcus triumphalis, vt inde eius forma le-
ctori magis innotescat.

Alia



B

Alia

Alia præterea multa vetustatis indicia, inscriptiones varias, æ
prisci seculi monumenta conspicias, pleraque vel vetustate cō-
sumpta, vel confracta; quæ studio, ne tædio Lectori sim, præte-
reo. Cæterum vrbs ipsa Pola situ licet peramœna, promontorio, & sinu
ditata, qui portum efficit latitudinis mille, longitudinis duorum mil-
lium passuum: ob cœli tamē inclementiam infrequens est, ædes vacuæ,
viæ quoque publicæ gramine passim obductæ: quæ desolationem faci-
lè testantur. Sæpius autem direptionem & excidium passa, ab Attilâ
funditus diruta, à Genuensibus aliquoties direpta, à Venetis incendio
pænè absumpta, ab iisdem denique restituta in eam formam, quâ nunc
cernitur, redacta est. Parentium vulgo *Parento* vrbs antiquissima, hac
ætate perexigua, portu gaudet satis amplo, & securo; ventis licet meri-
dionalibus obiecto. Aquæ ad hominis potum indigens, nec habitatori-
bus frequens est, ob aëris intemperiem. Ciuitas Nova vulgo *Citta noua*
olim *Æmonia*, prope quam Nauporti sunt ostia, nunc *Quieti*, in quem
ex Alpibus exorientem, Argon nauim fuisse dimissam narrat Plinius.
Vrbs est nequaquam tuta, nec frequens: cœlo namq; subiacet iniquo
& inclementi. Hinc incolæ plerique morbofi.

*Petr. Iustin.
Hist. Ven. li. 5*

Lib. 3. ca. 17.

Inter oppida maritima Arupinum, hodie Ruignum, *Ruigno* & *Vma-*
gum cæteris præstant, cum clementiori cœlo, tum hominum frequentia.
In Arupino agro marmor exciditur, vulgo Istrianum dictum, in multo
apud Italos, præsertim Venetos, pretio. Huius oppidi scemine, quod na-
turæ arcanum arbitror, ferè omnes claudicant. Accedit adhæc Pira-
num, cuius supra meminimus, itemque Orsarium, vnicum eâ in pro-
uinciâ Pontificij iuris oppidum, cum reliqua maritima Venetis pareat.
Id exiguum admodum & angustum habet territorium, cœlo gaudet sa-
tis benigno, & præsidio munitur, Pontificis magistratu Præfecti titulo
in eo ius dicente, & rempublicam administrante.

In mediterraneis sunt Buleæ, & Montona, amœna & frequentia satis
loca, aëris clementiâ, nec non rerum omnium copiâ valdè præstantia.
Relinquo Digranum, Grisignanum, Primontium, Portulâ, & Raspum
seu Rasponum, non spernenda oppidula. Excellit vbertate soli, & no-
minis celebritate Raspum, præsertim opimos ob prouentus magistra-
tus Veneti, qui titulo Prouisoris singulis biennijs à Veneto Senatu illuc
mittitur, & quotannis tria millia ducatorum aureorum lucrari dici-
tur. Hinc prouectæ ætatis viris, & senatorij ordinis patritijs, atque opti-
mè de Republicâ meritis, tenuioris tamē fortunæ, quo rem auctiorem
reddant, magistratum hunc conferunt. Sdrigna quoque oppidum in
interioribus habetur, quod multi Stridonem putant, Diui Hieronymi
patriam: alij tamen negant, cum Stridonem non Istriæ, sed Dalmatiæ
oppidum fuisse velint: quorum opinionem Blondus acriter impugnat.
Ruigno paruæ aliquot insulæ adiacent, *Brionides* appellatæ, lapidum
fodi-

Ital. illustr.

fodinis percelebres: qui Istriani dicti, ingentes exciduntur, & Venetias delati, ad publica & priuata exstruenda ædificia, in maximum ciuium vsum, & Reipublicæ commodum cedunt.

Tres præcipuos habet Istria fluuios, Formionem, Arsiam & Nauportum. Formio nunc Risanus, iuxta Piranum, Nauportus, qui & Ister hodie Quietus, prope Ciuitatem Nouam in Adriaticam excurrunt mare. Arsia vitimus Italiæ terminus, in Fanaticum sinum se exonerat.

Inter Istriæ montes famâ & nominis claritate antecellit Mons maior vulgò dictus, altitudine nubes scindens, & nauigantibus longè conspicuus, rarifq; simplicibus, seu medicæ virtutis herbis percelebris.

Istriorum ingenia mirum in modum mitia, atque ad humanitatem maximè prona sunt, ad literas quasi à naturâ facta, & nisi vt plurimum paupertas obstaret, summi & præclari viri inde prodirent: nam ad quodcunque literarum genus se conuerterint, summam in eo laudem & gloriam consequuntur. Venetis autem legibus viuunt; & à magistratibus Venetis per vrbes atque oppida dispersis reguntur. Crebra eorum apud historicos fit mentio. Liuius gentem feram appellat, & durata laboribus corpora, eorundemque tolerantissima. Lucius Florus castris C. Manlium exuisse tradit: sed dum prædæ opimæ incubarent, vinoque sepulti in ludos verterentur, iam partam victoriam cum sanguine & vino reuouisse. Strabo pugnaces vocat, & ab Augusto Cæsa-
Lib. 3.
Lib. 11.
 re tandem expugnatos ad vnum omnes scribit. Sabellicus multa olim cum aduersus Romanas legiones, tum Venetos forti & excelso animo gessissenarrat. Sed iam satis de Istria: Iter nostrum prosequamur.

CAPVT III.

Phanatici sinus, Vscocha gentis, insularumq; in Adriatico mari occurrentium, nec non & urbium maritimarum Illyricæ oræ ad Venetos spectantium descriptio.

PHANATICVS siue Phlanaticus sinus à Phlanatibus Illytici populi, vt Plinius autumat, nomē habet, Melæ Polaticus hodie *Culphus*
Quarnerius vel *Carnarius* à cadauerum multitudine dictus: cui priscum nomen respondere aliqui putant, quasi à tempestatum frequentia, atq; (vt ita dixerim) insaniâ *Fanaticus* appellatus fuerit. Est siquidem procellis & tempestatibus valde obnoxius, ac nautis idcirco vel maximè formidabilis: longitudine sexaginta millia passuum, latitudine quadraginta continens. Eum vix eramus ingressi: ecce aduerso murmure mox intonant venti: dumque renitimur, & nunc sursum, nunc deorsum iactamur gurgite vasto, vix tertio demum die periculosissimum illum maris tractum non sine ingenti molestiâ & tædio traiecimus. Interim insulas Niam, & Sansegum, Chersum, item & Orsarum, antiquis Cre-
Lib. 3. ca. 10.
Strab. lib. 7.

psam, & Apforum, vel vt alij volunt Absyrtides, ab Absyrto Medea fratre crudeliter ibi ab eâ necato, appellatas, præterlabimur.

Sunt hæ insulæ Veneti iuris omnes: quarû duæ priores desertæ omnino, & inhabitatæ, ac pecoribus magis quàm hominibus frequentatæ, pro pascuis vsui sunt. Reliquæ duæ & frequentiores & cultiores, sibi contiguæ hærent, solâ fossâ eaque manu factâ diremptæ, ponte ligneo vtramque insulam coniungente. Circuitus centum quadraginta millium passuum est. Diues vtraque vberimis pascuis. Abundant propterea carnibus, lacticinijis, & lanâ: vini etiam vtcunque feraces, ac syluis cædvis copiosæ: ex quibus materies ad fabricandas tritemes commodè Venetias asportatur. Frumento tamen (vti & reliquæ Adriatici maris Insulæ) omnino indigent. Duas tantum continent vrbes, sic satis munitas, eiusdè, cuius & insulæ, nominis. Ossarum ob populi frequentiam, & cœli clementiam Episcopali eminet sede, vtriusq; licet vtatur Antistes titulo.

Tertio id. Sextilis, vento in puppim flante præternauigamus insulas Vetiam, seu Vegiam, vel Veglam, veteribus Curcitam vel Curiçtam, Arbam item, & Pagum, rupemque altissimam à formâ Pomum nuncupatam, falconibus celebrem. Hæc in medio maris Adriatici sita, æquali vtrimque distat spatio. Sunt & hæ insulæ Venetis subiectæ, situ amœno, vino, leguminibus, & armentis abundantes, frumento non itè. Cæteris frequentior est Vegla, cuius ambitus octoginta milliaria complectitur; habetque urbem cognominem, & portum satis commodum, Notho licet subiectum.

Arba triginta milliarium circuitus est: continetq; oppidum sic satis frequens, portu verò caret.

Pagus centum & decem millia passuum ambitu suo continere dicitur, situ oblonga & stricta. Oppidum habet non ita frequens. Salis autem copiâ (qui in ipso littore colligitur) abundat.

Singulis hisce insulis magistratus Venetus Comitris titulo in iure dicundo præest. Quod verò infrequentiores sint, ex eo maximè causari multi putant, quod continuis piratarum depredationibus obnoxia habeantur, & inprimis quotidianis ferè Vscochorum excursionibus infestentur. Sunt autem Vscochi diuersis ex nationibus collecti, Haidones, Morlachi, Martelossij, Chimaritæ vel Chimariotæ à Dalmatis appellati. agreste admodum, & ferox genus hominum, syluis & nemoribus prædandi causa assuetum, durum & velox, indomitique vigoris, aduersus omnes cœli iniurias, & in omne belli facinus paratum. Nudis pedibus, aut tantùm carbatinis, (Itali *Opanchos* vocât) per rupes & cautes confragosarum vallium, asperrimorumque montium crepidines, caprearum more, mirâ celeritate discurrunt. Sagittis & fundis, aut sclopetis eminus, cominus autem præpilatis quibusdam sparibus, paruisque

paruisque securibus in hostes vruntur. Morlachia montes & Dalmatiae scopulos passim inhabitant. Nobiliores tamen & ditiores (quod securiores sint) Seniam Illyrici continentis urbem, Austriacis parentem, velut tutissimum contra hostes propugnaculum incolunt: in qua & præcipuam belli sedem hætenus fixere. Piraticam præterea exercent, suisque myoparonibus ultrò citroque vagantur, ac prædationibus pelagus omne vicinum, insulasque adjacentes infestant, Turcis & Iudæis in primis infensi, nec Christianis quandoque parentes, maximè Venetis.

Insulis hisce, scopulisque Sancti Stephani, Coronatâ, Liguri, Soltâ, alijsque superatis, Iaderam quoque, & Sicum, seu Sebenicum Illyrici continentis vrbes, Venetis pariter parentes fascibus, eo die præteruecti sumus.

Est autem Iadera (Veneti *Zaram* vocant) ciuitas vetustissima, Dalmatiae metropolis, in littore maris sita, formâ oblongâ quadrangulâ, muris lapideis & propugnaculis munitissima, marinis fluctibus vndeque cincta, & sublicio tantum ponte, quâ Orientem spectat, fossâ subitus labente, continenti iuncta; habitatoribus frequens, solo opimo, & fertili, ac præ cæteris Dalmatiae urbibus rerum omnium copiâ abundans. Venerus magistratus Comitibus titulo in eâ sedem habet, atque incolis ius dicit, & præscriptis legibus iustitiam administrat. Beati Simeonis prophetæ, qui Christum in vlnas suas Euangelij testimonio accepit, & benedixit, reliquijs in primis clara est: quæ in Cathedrali Ecclesiâ honorificè condita, in maximâ ab omnibus veneratione habentur. Huius sancti viri corpus (vt à Iadertinis accepimus) insigni Dei beneficio, nullo medicamento fucatum, illæsum planè & integrum in hunc usque diem permanet. Iohelis quoque prophetæ corpus sub arâ maximâ summi templi hîc conditum ferunt. Vrbs hæc post septenam à Venetis ad Pannonas defectionem, à Ladislao tãdem Rege, Ludouici Pannoniae regis ex Carolo filio nepote, dum pecuniarum indigus bellum in Neapolitanos pararet, centum aureorum nummum millibus, vnâ cum toto agro, ac pelago & insulis, quæ ad eius fines pertinerent, Venetis vendita est: atque sic tandem omnis belli motu sedato, ciuibisque in officio detentis, maritima nauigantium securitas reddita est.

*Petr. Justin.
hist. Ven.
lib. 6.*

Sicum, Plinio Sicum, hodie *Sebenicum*, insignis Dalmatiae vrbs est, in intimo Sardonici sinus secessu, ad radices eminentis cliui posita, muris turribusque lapideis cincta. Arx in summo monte vrbi imminet, sic satis firma, & præsidio munita. Ambitus vrbis miliarij Italici. frequens populo, & rerum omnium copiâ affluens. Agrus habet fertilem, oleo, suauis, vinoque præstantissimo abundantem. Sinus, itemque portus, piscibus optimis, auratis præsertim copiosus.

Lib. 3. ca. 21.

Ad huius sinus ostium Arx iacet, muris & propugnaculis ad omnem vim hostilem depellendâ, & portû defendendû munitissima, aptissimaque; quæ mari circumcincta, à D. Nicolao nomen habet. Prædiarius in eâ miles publicis Venetorum stipendijs alitur: estque omni annonâ & bellico apparatu instructissima. Præest incolis, accolisque in iure dicundo, Veneto nomine vnicus magistratus, Comitibus titulo clarus, præscriptis legibus rempublicam administrans.

Vtriusque urbis incolæ homines sunt ad omnes & necessarios usus accommodatissimi, laboris etiam patientissimi, & mirifice præ cæteris illius tractus indigenis ad percipiendas disciplinas naturâ duce instructi. Cæterum Illyrici omnes (vt author est Strabo) latrocinij olim admodum dediti, hodie etsi paulò mansuetiores, & humaniores effecti, bellicosi tamen & pugnacissimi sunt, ac durum in armis genus hominum. Hinc plurimos semper & strenuos præclarosque duces, armisque gerendis idoneos aluit prouincia. Christianæ in primis libertatis contra Turcas terra marique propugnatores acerrimos: qui fidelem sæpius & insignem Venetis contra communem Christiani nominis hostem operam nauarunt.


Lib. 3. c. 20.
Appian. lib.
1. bel. civ. c. 2
Flor. 1. 1. c. 6.

Inclinante iam die Lissam insulam, quæ & Issa, vitium, optimique vini feracissimam, præterlabimur. Nocte subsequenti ventis secundis Phariam insulam, quæ Plinio Pharos est, Demetrii (vt quidam volunt) patriam, hodie Lysnam vel *Liesenam* ab Italis nuncupatam præterimus. Hæc omnium maxima quæ in Adriatico existunt mari, centum quippe & quinquaginta millia passuum suo ambitu continet: infrequens tamen, & parum fertilis, ob scopulosum solum. Distat à Continenti mille circiter passus, Salonæ Dalmatiæ urbi Diocletiani Imperatoris patriæ opposita. Portu ditata est capacissimo, ac satis tuto. Piscium quoque mirâ copiâ abundat. Arx haud procul à portu, milite prædiario, multisque alijs modis munitissima, eminenti sita loco, suburbio proximo imminet, portumque ab hostibus commodè tutatur. Eius cura custodiaque magistratui Veneto ex ordine patritiorum Castellani titulo demandata est. Præest præterea insulanis in iure dicundo Venetorum nomine (ad quos insula pertinet) magistratus, titulo Prouisoris. Is in suburbio domicilium habet, & insigni apparatu, plurimis stipatus doriphoris in publicum prodit, ac summæ auctoritatis est.

Primâ luce insequentis diei Curzulam insulam, antiquis Corceyram Melenam, id est Nigram, quinquaginta milliarium circuitu, vento flante leniter, mox Meliten, siue Melitusam, vel Meligenam, hodie Melendam insulam, primâ quasi postmeridianâ horâ præteruehimur. Illa Veneto paret imperio, & exiguum habet oppidum, habitatore frequens, terram vberem, & in primis vini optimi feracem. Hæc verò Ragusæ subiecta Reipublicæ, obscura omnino, & infrequens, olim (vt fer-

(vt fertur) catellis, qui feminis in delitijs fuere, clara fuit.

Postero die tanta tranquillitas maris (quam vulgus nautarum *Bo-
NAZZANA* vocat) subito oborta est, & in serum vsque vesperum duravit,
vt nihil ferè eo die proficeremus: quo demum die inclinante, atque ad
Euro-austrum vergente vento, nobis omnino cōtrario, in peius inci-
dimus : in tonantibus enim aduerso murmure ventis, iactamur vndis,
ventisque proram vertentes obluſtamur toto triduo.



Interim Diomedæ insulæ, quæ & Theueria & Trimerus Tacito, se *Strab. lib. 6.*
nostro præbuere conspectui. Hæ vulgò hodie *Tremiti* appellatæ & cō-
tra Apuliam sitæ, haud procul à Gargano monte numero tres sunt; à
Diomede rege Tydei Ætolix regis filio Diomedæ olim dictæ; quem
ibi casu appulsum sedem fixisse, & è vitâ excessisse, ac sepultum narrant
historici: cuius item sepulchrum, eiusq; vxoris, & filij etiamnum iuxta
castrum ostendi memorant incolæ. Ad Lateranenses autē Canonicos,
vulgò regulares dictos, pertinent: qui arcem altâ in rupe & inaccessâ
munitissimâ, militeq; præſidiario custoditam, inhabitant: in qua cœno-
bium est, & templum Diuæ Virgini sacrû, miraculis percelebre, suntq;
cœnobitæ (vt ferunt) non tam in insulanos, quàm ad nauigantes omnes
officiosi & perhumani. Aues insula nutrit fulicarû similes, Diomedæas
vulgò dictas, quas nusquam gentium, præterquam ibi enasci fama est.
His color candidus, ignei oculi, ora dentata: noctu volitant, clamorem *Solin. l. 7.*
que edunt humanæ voci persimilē. de quibus mira narrant authores. *Plin. lib. 10.*
cap. 44.

Tertio demum die Dalmatiæ rursus orâ conspicimus. Nauarchus ubi se nihil perficere animaduertit, terram portumq; peti vicinum imperat. Ventum itaque in puppim capimus, ac terram versus nauigamus: dumque turgidis velis rapidas fulcamus vndas, Angustam Ragusæ iuris insulam, vini atque olei feracem, ac sardellarum piscatione nobilem, à læua reliquimus. Mox ad insulam cognomento Mediam, Ragusæ item subditam vela dirigimus: ad quam tandem sole medio hærente cœlo appulimus.

Hæc Continenti vicina portum efficit satis tutum, & capacem; in quo iactis anchoris in tertium vsque diem substitimus. Etsi verò solum habeat ut plurimum scopulosum, & sterile; arte tamen & incolarum industriâ adeò cultum & elaboratum euasit, ut nihil cultius, elegantiusve spectari vsquam detur. Plurima namque & magnifica sanè hic viuntur ædificia: horti item & viridaria varia omnis ferè generis arboribus referta, & in primis Ficubus, Lauris, Oleis, Citreis, Aureisq; malis cultissima. Nec desunt vineæ, nobilissimi vini feraces. Sepes ibidem videre est passim ex myrtis nullo ramusculorum discrimine artificiosissimè concinnatas. Charnubi hîc quoque, quarum fructus siliquas, vulgò panem Diui Ioannis nuncupant, mirum in modum dulces, copiosè proueniunt. Vicinum mare, portusque piscibus abundant.

Ventis obstantibus toto triduo è portu soluere non licuit: quam nacti occasionem, plurimi è nostris commeatus in primis comparandi causâ Ragusiam se contulere; ad duodecimum à portu sitam lapidè: quam cum aliàs ipse quoque perlustrauerim, libet obiter quæ de vrbe hac clarissimâ, eiusque situ, formâ regiminis, alijsq; notatu dignis obseruauerim, breuibus adicere.

CAPVT IIII.

Vrbis Ragusæ, eiusq; Reipublicæ brevis descriptio.

EST Ragusia à Turcis Dobronica appellata: Epidaurum dixerunt veteres; celeberrimum & nobilissimum totius Dalmatiæ emporium: Vrbs frequentissima, muris, turribus, portis, atque arce validâ munita, ad littus posita, partim plana, partim cliuosa. à littore enim paulatim per dorsum collis assurgit, formamque refert quasi triangularem: ædificijs verò cum publicis, tum priuatis, fontibusque limpidissimis, & frigidissimis ornatissima, ut opulenta, ita luxui, libidini, & fastui dedita. Portum habet tutissimum, sed manufactum, nec multum, amplum: quem ferrea cathena vtrîmque extensa noctu præsertim munit, ut nauibus vel triremibus exteris liber aditus præcludatur, & in expedito sit, quas velint naues vel admittere, vel excludere. Haud
procul

procul à portu è regione arcis Scopulus iacet, *Chiroma* vulgò dictus, ad Venetos (vt volunt) pertinens, vrbi portuique multum infestus; quem maximo pretio à Venetis comparare sæpius Ragusæi, sed frustra, tentauerunt. Eo quippe frenum ijs Veneti injiciunt, prohibentque ne limites extendant, urbemve munitiorem reddant. eaque de causa venditionem illius recusasse fama est, ne scilicet urbis locique munitione confisi, ipsis vnquam insultare audeant, aut arcem in eo, si ad illos pertineret, inexpugnabilem construunt: id enim si contingeret, non solum urbem ipsam munitiorem fieri, sed nec classe cingi, aut pati obfidionem, tormentisve bellicis à littore quati, vel lædi vilo modo posse vulgò persuasum est. Territorium urbis perexiguum est, saxosum, & naturâ sterile, longitudine viginti quinque, latitudine sex, aut octo ad summum millia passuum continens; gentis tamen mirâ industriâ atque arte adeo excultum, atque ad eam fertilitatem, venustatem, & elegantiam redactum, vt præternauigantium & spectantium oculos in admirationem rapiat, atque detineat. Amœna enim tota ea littoris ora vltra citraque colles, cuiusvis generis arboribus vestitos, vineis & viridarijs expolitos exhibet: in quibus myrteta, rosaria, laureta, Hesperidumque plantas nobilissimas, miro odore fragrantem cernas. In excolendis autem cautibus hunc fere obseruant modum. Saxa ingentia excauant, atque in quadratam adaptant formam, ædificijs construendis percommodam; minutias relinquunt, easque, terrâ inter saxa erutâ, & egestâ, obruunt, montesque seu colles graduum instar componunt, saxisque pro fulcimento adhibitis, terram ingerunt aliunde asportatam, quam nauibus faburræ loco impositam aduehant, & in ipso littore exonerât, adeoque alienâ tellure paternum solum colunt. Mirum sane & iucundum visu inter vastissimas illas rupes cautesque squalidas arte excogitatum quod natura negauerit. Tot enim egregiæ vndique conspiciuntur villæ, superbis exornatæ ædificijs, vineis, atque viridariis, cuiusvis generis arboribus cultissimæ, vt nihil vacuum reperiatur: quinimo ob situm elegantiam, ædificiorum pulchritudinem, variumque ornatum, ac pulcherrimum prospectum, miram denique omnigenium fructuum copiam, atque eximiam hortorum culturam, odorumque fragrantiam, nympharum sedem (vt in fabulis est) meritò dixeris. Præter Continentis oram parua aliquot insulæ Ragusino parent imperio; Angusta nempe, Meleda, & Media, quarum supra meminimus. His adde & quartam, cui à Diuo Petro nomen est, iam dictis non inferiorem. est namque situ amœna, culturâ, & nobilium ædificijs, villisque nitidissima. Sunt autem omnes, Meledâ exceptâ, frequentes admodum, nec minus ac reliquum Continentis territorium, pulcherrimis ædificijs, vineis, hortisque excultæ, ac omni rerum copiâ abundantes. Inter cæteras Continentis oras plurimum emicat pagus littoralis *Granosa*

vulgò appellatus; portu namque ditatus amplissimo, tutissimoque, hemicycli formam referente, ducentarum & amplius triremium capaci, cui à salutarì Cruce nomen inditum est; fontibus quoque irriguus, & splendidis, magnificisque nobilium primatumque palatijs conspicuus; hortis insuper & viridarijs cultissimus, ac populo frequens, situ; ornatu, frequentia, & rerum omnium copia reliquos pagos longè superat, ut primas sibi partes iure vendicare videatur.

Vrbis Ragusiæ ciues incolæque ut plurimum opulenti, & mercaturæ in primis dediti, ultra centum & viginti onerarias naues easque caueatas, sexcentorum cadorum aut eo circiter capaces, præter minora navigia possidere dicuntur. Solertis ingenij homines, ad omnes necessarios usus, & præsertim negotiationem, ac navigationem aptissimi, atque ad percipiendas doctrinas naturâ instructi: molles tamè, & effeminati, luxuque nimio diffuentes. Illyrico seu Dalmatico more plerique vestiuntur: penulæ crurum tenuis aliam super induunt vestem paulò longiorem, laxis medijsque manicis, quam vulgò *Croatam* appellant: interiorem zonâ sericâ vel gossypinâ cingunt leuiter, exteriorem incinctam pro pallio ferunt. Nobiles & honestiores ciues Venetum imitantur amictum, tunicâ & pallio, non togâ. Nobiles matronæ gemmis, auroque nitentes, comptæ admodum & ornatae incedunt, nudo plerique pectore, Venetarum more; suntque proceræ ut plurimum, formâ venustâ, facie, & pectore candidissimis. Idiomate omnes vtuntur Slaunico; Italicam quoque callent linguam, nobiles præsertim & honestiores ciues, sed vocabulis corruptam, & omnino impolitam ac horridam. Liberâ autem ciuitate fruuntur, nulliusque parent imperio, sed sub tutelâ Pontificis Romani (cui se crediderunt) viuunt immunes, exiguo contenti districtu, limites extendere non student: Malunt enim cum nullus iniuria suos rueri limites, quam cum multorum fraude alienos inuadere. Hinc ab armis securam & quietam ducunt vitam: quo verò terrâ marique securiores sint, Turcarum Imperatori viginti millia, Venetis decem millia aureorum tributî loco annuatim pensitare dicuntur. Proprijs legibus viuunt, optimatibus Rempubicam administrantibus, Iuniores ubi vigesimum quartum annum attigerint in patritiorum numerum adsciscuntur. Hi Consilium rogatorum suffragijs constituunt, quod ex centum Senatoribus constat, penes quos omnis Reipublicæ cura & summa rerum consistit. Magistratus siquidem creant, officia muniaque cætera distribuunt, Ducem eligunt, reliquaque & belli & pacis negotia expediunt. Dux, qui supremus est Reipublicæ magistratus, principemque locum tenet, singulis bimestribus uti (& cæteri magistratus) successorem habet. Veste Ducali purpureâ, seu coccineâ, manicis laxioribus, pileoque holoserico rubro in publicum prodit; duodenis

comitatus Senatoribus ; penes quos summa est auctoritas ; Duci enim in gubernandâ Republicâ assident, sententias dicunt, vnaque iustitiam administrant, & comitijs præsent. Publicis autem aluntur impensis, & in prætorio durante magistratu degunt : neque vrbe excedere liberum est: quod eâ ratione constitutum est, vt occasione postulante omnibus horis præsto esse, & subuenire Reipublicæ necessitatibus tutius, ac commodius possint. Arci vrbi contiguæ, quæ & portui imminet, nouus indies præfectus (*Castellanus* vulgò dictus) præficitur, mirâ quâdam obseruatione. A solis enim Senatoribus, seu supremis illis consiliarijs eligitur; electus inclinante die, publicis ministris ad id destinatis secretò denunciatur, iubeturque, vt quantocyùs hominem, etiam per vim, si renitatur, in arcem pertrahant: quem illi quocunque in loco inuentum, pallio capite obuolutum, in arcem rapiunt: quâ egredi in alterum vsque vesperum sub poenâ capitis vetitum est: interim tamen victus illi suppeditatur è publico: postero autem die accepto stipendio dimittitur, atque alius rursus in eius locum subrogatur. Cæterum vrbs ipsa Archiepiscopatu nobilis, inter Illyrici metropolitanas sedes primas tenet. Metropolita plures sub se habet Episcopos, Stagnensem, Roffonensem, Bossonensem, Tribunensem, Catharensensem, Bracensem, Rosensem, & Bidnanensem. In vrbe verò iuxta Ædem primariam Diuo Triphoni sacrum domicilium habet, & ritu Romano sacra peragit, moribusque Romanis viuit. Haud procul ab vrbe ortum versus verus Ragusia, Epidaurus olim dicta, visitur, deserta penè, & ædificijs infrequens. Hæc à Gothis deuastata, & diruta, nunquam hætenus restituta est: è cuius ruinis noua Ragusia ædificata dicitur. Hæc de Ragusia, eiusque Republica, & territorio dicta sufficiant: Iter nostrum prosequamur.

CAPVT V.

Castri noui, Cathari, Butuæ, aliarumq; Illyrici urbium maritimarum, nec non totius Illyridis brevis delineatio.

TERTIO demum die, qui decimus Kal. Septembris erat, primâ luce subductis anchoris è portu soluimus, ac flatu secundo vela damus læti, mox turgentibus velis Ragusiam, Castrum Nouum, itemque Butuam, siue Buduam, vel (vt alij volunt) Buluam, Illyrici continentis oppida maritima, eo die præterlabimur. De Ragusiâ iam diximus: de reliquis oppidis, quo ordine in itinere occurrerunt, aliqua referemus; & primo loco de Castro Nouo.

Id Turcici iuris oppidum, validis propugnaculis, firmoque Turcarum præsidio munitissimum, ad fauces Rhizonici, seu Rhizici, aut Rhizeorum sinus in sinistro ostij cliuo ad Occasum positum est, eâ formâ *Strab. lib. 7.*

& naturâ, vt tutissimum & ingentem præbeat portum. turritam verò instar arcis munitionem habet, & per dorsum collis, ædificia ab infimâ oppidi parte, quæ mari alluitur, assurgunt: in summo castellum naturâ & arte munitum sedet. Chersego Dalmatiæ quondam regulo à Turcis ademptum, postea ab Hispanis, Venetisque Andreæ Doriæ & Vincentij Capelli ducum auspicijs Turcis ereptum; denique ab Ahenobarba seu Barbarossa archipirata & Turcarum supremo duce circa annum à Christo nato 1538. Hispanis denuo ablatum (qui duce Sarmiento viro impigro in eius expugnatione ad vnum ferè omnes conciderunt) in Turcarum permansit potestate. Sinum ipsum hodie Culphum Cathareum (*Golfo di Catharo*) Itali indigitant, ab vrbe Catharo, cui Ascrinium & Rhizinium & Rhiso olim nomen fuisse putatur. Eius ostium præcludere Turcæ sæpius conati sunt, vt Venetis aditum ad interioris sinus urbem Catharum prohiberēt: frustrati tamen conatu ab opere destiterunt.

Est autem Catharum in intimo Rhizonici sinus secessu oppidum, Veneto imperio subditum, firmum aduersus Turcas præsidium, validis fortissimisq; propugnaculis & munitionibus, ac milite præfidiario munitum: quod mare ad Orientem sese intorquens placidè alluit. Regio vicina apricis cultisque collibus peramœna est: sed Catharum obstantes ad dextram montes ita opacum reddunt, vt incolæ brumali tempore paucis horis videant solem. Hinc cælo inclementiori, & assiduis pluuijs obnoxium est.

Butua siue Bulua extremum Illyrici Continentis, quod ad Venetos pertinet, oppidum maritimum, exiguum quidem, nec multū frequens est, muris, turribusq; non admodum firmis, agrum habet amœnum, & feracem, vitibus in primis cultissimum. Fœminæ ob summam constantiam, animique fortitudinem passim commendantur. Hæ siquidem vltimo contra Turcas bello, viris omnibus Turcicæ classis in propinquâ statione hærentis metu oppido effugientibus, arreptis armis, mœnia, patriamq; aduersus barbarorum iniurias fortiter tuentes, perpetuum muliebris fortitudinis, atque inauditæ audaciæ exemplum posteris reliquerunt.

Sole ad occasum vergente, Antibarim urbem vel Antibarrum vulgò *Antuari* Archiepiscopatu quondam nobilem, infrequentem tamen hodie, & parum munitam ventis secundis præterlabimur. Hæc Venetis adempta, & à Turcis vltimo contra Venetos bello capta etiamnum Ottomaniaci iuris est.

Mediâ nocte subsequenti rursus segnes nos adoriuntur venti, ludūt, ac detinent, & tranquillitatis lentissimo tædio lassant toto biduo.

Tandem lento pede secundum litrus nauigantes, Olchinium superamus. Id Romanorum olim oppidum, antea Colchinium à Colchis eius

eius conditoribus (vt Plinius vult) appellatum, hodie Dulcinium, *Dol. Lib. 3. ca. 21.*
cigno ab Italis appellatur; estque ad sinus Lodrini situm ostium, quondam Venetis, nunc Turcis subiectum, à Selimo secundo vltimo contra Venetos bello armis expugnatū; infrequens hodie & immunitū.

Olchinio à tergis relicto sinum ingredimur, cui vulgò culphi Lodrini nomen est, *Golfo di Lodrin* in quem Boliana & Drino amnes, Scodram oppidum præterfluentes, atque ambientes, influunt.

Est autem Scodra insigne Illyrici oppidum, hodie *Scutari* ab Italis appellatum, Romanorum quondam colonia, Venetis postea subditum, nunc Turcici iuris, naturâ munitissimum. Sedet enim arduo montis supercilio, circumque exesæ & præcipites rupes; in proximo habet lacum vulgò *de Penta* nomine, octuaginta millium passuum circuitus, ex quo Boliana amnis oritur, oppidum ab austro alluens, à quo ortum versus haud procul abest Drino. Inter hos amnes planicies latissima iacet, campi que miræ feracitatis, vbi tam læta sunt pascua, vt ab his pecora depelli quandoque necesse sit, ne nimia saginâ pereant. Cæduas item ad maritimam oram iuxta Drini ostium siluas habet, ex quibus materies ad fabricandas naues commodè exportatur.

Hic vltimus Illyrici ab Ortu terminus est. Tota siquidē regio (vt author est Ptolomæus) ab Histria, seu Arsia flumine ad Macedonię vsque confinia, secundum maris littora iuxta Scardum montem, ac Drinum, *Lib. 2. Geograph. c. 17.*
 seu Drinonem, vel Drilonem fluuium producit. Mediterranea eius ad Pannonem, & Misiam superiorem, hodie Bosnam, sese pandunt. Pomponius Mela tamen & Dionysius Alexandrinus multo ampliorē eam statuunt. Totam enim maris Adriatici oram à Tergesto Histrię oppido ad Ceraunios vsque montes Illyrijs adscribunt, eosque vltra Danubium habitare docent. Contrā Plinius eam inter Arsiā & Titium fluuios constringit. Hodie Illyricum communi vocabulo *Sclauonia* vocitatur, à gente Sclauonia, Germaniæ olim populo, nunc Boëmōs appellamus; qui (vti Blondus refert) eam expulsis indigenis occuparunt, diuiditurque à Neotericis in Dalmatiam, Albaniam conterminam, & Liburniam, siue Croatiam; quam alio nomine Comitatum Iaderæ nuncupant. Sunt tamen qui Illyricum in Sclauoniam, Dalmatiam, & Albaniam diuidunt, constituuntque Sclauoniam ad Occidentem, Albaniam ad Orientem, medianque inter eas Dalmatiam. Longitudo iuxta *Ptolomæi* eiusque sequacium opinionem ab Arsiâ ad Drinum, vel Bolianam amnes 480. millia passuum colligit, latitudo 120 millia: cū alij contrā eius latitudinem 325. millium passuum statuunt, longitudinem ad 800. millia extendant. Vniuersus autem oræ Illyricę cursus maritimus plurimos portus habet, optimos & capacissimos; quod ex sinuoso eius litore, frequentibusq; & adiacentibus insulis (quas supra numerum nullenarium adscendere narrat Plinius)

Lib. 3. c. 25. euenit. Sinuum Illyricorum Virgilius meminit.

Antenor potuit mediis elapsus Achinis

Illyricos penetrare sinus.

Lib. 7.

Quia verò (vt diximus) Illyrici maritimæ oræ sinuosissimæ, & tortuosæ pleræq; sunt; mare idcirco, portusque omnes, & sinus optimis piscibus abundant, & Sardellarum in primis piscatione celebrantur. Regio omnis Illyrici calida est, vt Italia, & (vt Strabo scribit) frugifera, bonisq; feracissima fructibus, oliuetis, vinetisque speciosa; nisi sicubi horridæ & asperæ rupes iacent. Lacubus quoque & fluuijs irrigua, ac pascuis vberissima, minuta licet producat animalia. Quæ supra hanc sita est regio, montosa est, tota frigida, & niuosa, maximè qua ad septentrionem vergit. Ciuitates Illyricum habet plurimas, & insignes: præstant cæteris Iadera, & Ragusia, quarum suprâ meminimus. Maritima regio populo frequens est, cuius vrbes vt plurimum Venetis parent, Seniâ flumine & Bucari exceptis, quæ Austriaci iuris sunt; itemque Scardonâ Salonâ, Castro Nouo, Scodrâ, Antibari, & Olchinio, quæ ad Turcas pertinet, & infrequentiores sunt. Quatuor in eâ numerantur Archiepiscopatus: Iadrensis, Ragusinus, Antibarensis, & Spalatrensis. Iadrensis, & Spalatrensis ad Venetos spectant, Ragusinus ad Ragusæos, Antibarensis sub Turca later: quibus singulis plurimi subsunt Episcopi.

Strab. lib. 7.

Augustus Cæsar hanc primus bello afflixit, armisque domitam Romano Imperio adiecit: in qua quidem expeditione duo ipse vulnera accepit, vnâ acie dextrum genu lapide ictus, alterâ autem & crus, & vtrumque brachium ruinâ pontis fauciatus. Plurima verò oppida in eâ pessum dedit, & funditus diruit. Nec minorem postea cladem, vrbiumque depopulationem, & excidium à Gothis passa est. Nostrâ hac tempestate ab armis necdum libera, sed assiduis quotidianisque Turcarum, & Vscóchorum excursionibus, & deprædationibus obnoxia.

Lib. 7.

Incolæ Illyrici latrocinijs olim supra modum dediti, atque ex raptu viuere soliti à Liuiio idcirco gens fera, & latrocinijs infamis; à Strabone quoque agreste genus hominum, gensq; piratica appellantur. Primi etenim naues Liburnicas, siue myoparones, Italis hodie *Fregatas* appellatas, mirum in modum veloces, ac leues, ideoque piraticæ exercendæ aptissimas, inuenere. Nostrâ ætate paulo mansuetiores effecti, ligneis plerique habitant ædificijs, culmo contextis, præter paucas littorales vrbes, in quibus humanius degunt: suntque omnes Latinorum sacris imbuti, & Romanæ Ecclesiæ obseruantissimi. Corporis autem staturâ proceri vt plurimum, tam viri, quàm fœminæ, neruosi quoque, robusti, & laborum tolerantissimi, atque durum in armis genus hominum, navigationi vel maximè assuetum, & ad omnia accommodatissimum. Latissimè eorum idioma patet, quod vulgò Sclauonicum appellatur: ab Adriatico enim pelago ad mare vsque septentrionale extenditur, vnturque

turque eo Boffinenses, Poloni, Boëmi, Lituani, Russi, & Bulgari. His de Illyrico dictis, ad institutum reuertamur iter.

CAPVT VI.

Albania, eiusq; vrbes, Ceraunij montes, atq; accolarum eorundem ad Turcas defectio; insulæq; & scopuli Corcyra adiacentes describuntur.

DECIMOQVINTO Kal. Septembris circa vesperum fera ex improviso cum nimbo impetuoso procella oboritur: mox venti voluunt mare, magnaue surgunt æquora, & inhorruit vnda tenebris. Vela idcirco quantocyus contrahunt, ne vis procellæ nauem in vada cæca impelleret, nève contra votum aliquò abriperemur. Adeo verò validi fluctus, ingentesque procellæ intumescebant, vt nauem sæpenu-merò supergressi operirent vasa. Quassati igitur hoc modo insanis vndarum cumulis, totam insequentem noctem duximus insomnem. Postridie tandem ventorum cessante rabie, quietum paulatim se reddidit mare. Circa tertiam dici horam in puppim leniter vento insurgente, feliciter progredimur, fluctusq; Adriaticos commodè sulcamus, relictis eo die à tergis Lisso, Epidamno, & Aulonâ oppidis maritimis, itemque Saxone, siue Safone scopulo, coralli piscatione celebri, ac piraticâ statione (vt Plinius scribit) noto.

Lib. 3. cap. 25.

Hucusq; Hadriaticum mare, quod & Adrianum, & Superum, hodie Culfus Venetiarum (*Golfo di Venetia* id est Sinus Venetus) appellatur, extendi autores volunt: totumq; eum maris tractum à Venetijs Safonẽ vsque, & Hydruntem Italiæ oppidũ maritimũ, quod è regione est, 646. millib. passuũ dimetiuntur. Latitudinẽ variã statuunt: maior ducentorũ millib. passuũ censetur. Hoc autẽ loco minor & angustior est hic Sinus, quàm alibi vsipiam: nam sexaginta tantum millia passuum cõplectitur,



Lib. 3. c. 10.

Fratri huius angustias (vt scribit Plinius) pedestri continuare transitu, quo Græcia Italiæ iungeretur, pontibus iactis primum Pyrrhus Epiri Rex cogitauit, post eum M. Varro, cum classi Pompeij piratico bello præflet: vterque tamen opus infectum reliquit.

Iacet autem Sasonis scopulus ad fauces sinus Aulonam urbem aluentis, habetque ab Ortū Aulonam, ab Occasu Hydruntem, à Septentrione Dyrrachium, ad Meridiem Acroceraunium promontoriū, Albaniam ab Epiro dirimens. Albania namque, quæ pars Macedoniæ est, & Illyrico atque Epiro contermina, ab amne Drino vsque Ceraunos montes secundum maris littora extenditur, ab Ortū strateos, & Camelos montes, à Meridie Epirum, ab Occasu Adriaticum, ab Aquilone Illyricum habet. Insigniores maritimæ vrbes Epidamnus, siue Dyrrachium, Aulon, Lissus, mediterraneæ Apollonia, hodie Pyrgo, & Croia. Regio partim montosa, partim plana, ferax frumenti, vini, & olei. Incolæ bellicosissimi, originem à Scythiis ducere dicuntur, proprioque vtuntur idiomate, à Græco & Illyrico planè differenti. De urbibus, oppidisque, prout in itinere occurrerunt, pauca addere placuit.

Lissus oppidum ad Drini ripam iuxta littus maris situm, Romanorum quondam colonia, hodie Sancti Alexij, *Alesio* nomen habet: estque locus exiguus, & infrequens, celebre tamen ob Alexandri reguli, vulgò *Scanderbegi*, patriam; qui peritiâ armorum clarus, & Turcarum hostis acerrimus, res præclaras bello gessit, ac paruâ sæpe manu ingentes barbarorum copias fudit; cuius martia virtus multorum scriptis celebratur.

Epidamnus ad littus maris oppidum à Corcyræis (vt Strabo vult) vel ab Epidanno barbarorum rege (vt Appianus censet) à quo & nomen sumpsit, conditum, antiquitate & nominis claritate percelebre, Romanorum postea colonia, propter inauspicatum nomen Epidamni, quasi à damno dictum, à Romanis (vt Plinius scribit) Dyrrachium, appellari cœpit. Strabo ab Chersoneso, vbi situm est, sic dictum putat. Fame Cæsaris contra Pompeium pugnaturi, & Ciceronis exilio in primis clarum. Hodie exiguum, semidirutum, & parum frequentem refert locum.

Lib. 3. ca. 22.

Aulonia, quam veteres Aulonem dixere, Plinius Oricum vocat, à Colchis condita, ab Italis hodie *La Vallona* appellata, celeberrima Albanæ vrbs est, in littore maris ad interioris sinus secessus ad radices altissimorum montium posita, duplicique arce firmissima, quarum altera *Canina* dicta, eminenti rupi imposita, urbem ab omni parte optimè tuetur, altera in ipso littore extructa, vulgò *il Torrazzo* dicta, portum nauiumque stationem sic satis securam reddit. Picis abundantia, salisque fodinis, quibus vicini scatent montes, ditissima, & habitatore Turcâ Hebræoque vtcunque frequens.

Croia

Croia vrbs quæ & Antigona olim in montis crepidine, iugis, aquæ fontibus illustris, inexpugnabilem situm habet; Lisano amne iuxta fluente: estque totius Albanix regia, quondam Clarissimi Principis Scanderbegi sedes, qui duas, easque arctissimas, in eâ perpeßus obfisiones, contra potentissimos infensissimosque Christiani nominis hostes Amurathem, & Mahumetem secundum, strenuò vrberem tutatus est; eamque prius quàm virâ excederet, sponte Venetis donauit, ne tantæ Reipublicæ destituta præsidio Turcarum in manus mox à morte suâ veniret: qui haud multo post eam tertio oppugnatam, tandem fame acerbâ domiti, amisere, & in hunc vsque diem, Turcis reliquere. Ab hac vrbe Croiæ familiæ Belgij proceres nobilissimos nomen tulisse, eamque aliquando possedisse quidam putant. Paucula hæc de Albania sufficiant: nunc iter prosequamur.

Nocte proxima, aurâ secundâ crebrescente, felicissimo sanè cursu, turgidisque velis, Ceraunia, seu Acroceraunios montes (quos vulgus Italûm *La Cimera* vocat) Merleras, Corcyram, Paxum, & Antipaxum insulas superauimus. Pargam quoque Epiri oppidum à tergo reliquimus, ac tantum eo die profecimus, quantum antea nunquam. Coro etenim spirante (quem vulgus Italûm *Maeßrale* vocat) nil nobis felicius, nil optatiùs accidere poterat: cum in Orientem nauigantibus omnium secundissimus habeatur.

Sunt autem Ceraunia siue Acroceraunij vulgò *di Chimara* vel *Cimera* Plin. lib. 4. cap. 21. montes Epiri altissimi, à crebris sic dicti fulminibus: qui à littore maris vasti & præcipites artolluntur, & protensi ab Occidente in Orientem, continuo & longissimo tractu Epirum interfecant, ac longè lateq; in mediterranea sese extendunt. Circa hos Adriatici maris finem, & principium Ionij Strabo ponit: cum tamen Ptolomæus contrâ sentiat, & à monte Gargano Ionium mare initium sumere scribat. Lib. 7. Lib. Geogr. 3. c. 16.

Horum montium accola Cimeriaci vel Cimeritæ vulgò *Chimariotæ* appellantur, agreste & ferox genus hominum, rapinis & latrocinij assuetum, nomine tenus Christiani, ac Græcæ Ecclesiæ subditi: qui licet Christianis studiosiores sint, quàm Turcis, ac re ipsâ compertum sit, vltimo præsertim Turcarum contra Venetos bello, Turcis, non Venetis fuisse infestos, tamen vbi prædæ occasio se offert, parcunt nemini. Et si verò liberi hætenus fuerint, adeoq; nec Venetos, nec Turcâ, quamuis vicinum, & potentiâ formidabile, aut quemuis alium (rupium asperitate confisi) dignati fuerint dominû, tandè tamen anno à Christo nato 1590. (quo Corcyræ eram) Turcico iugo colla dare sunt coacti. Grassante siquidè tunc tēporis per vicinas circûquaq; regiones fame, & peste, cū eorû plurimi fame ferè enecati Corcyrâ fruges emendi causa

(vti consueuerant) confluerent, non solum fruges denegatae, sed & portu prohibiti, & à triremibus Venetis profligati sunt: publico addito magistratuum edicto, ne quis Corcyrensiū Cimeritam aliquem sub pœnâ capitis in insulam admitteret, reciperetve. Veriti enim magistratus ne insulam contagione pestiferâ infectarent, vt publicæ saluti consulerent, omnino arcendos eos statuerunt: quocirca miseri hac spe frustrati, omniq; ope destituti, Turcis sese vltro dederunt, datis obsidibus, pactoq; inito cum Saniaccho Epiri, vt cuiq; eorum Osmani-darum vti solo, & per vicinam regionem annonæ comparandæ causâ excurrere tutò liceret.

In cursu lateris aquilonaris adiacent Corcyra octo parvæ insulae, Merleræ communi nomine appellatae: quarum nomina antiquitus fuere (vt Plinius scribit) Ericusa, Marathe, Elaphusa, Malrhace, Trachia, Pytionia, Prichia, Taracia. Distât autem à septentrionali Corcyre angulo seu Cassiopæo promontorio millibus passuum decem & octo, vbertate soli vel maximè commendabiles, & pascendis gregibus aptissimæ: hodie tamen desertæ omnino, commodam piratis stationem & latibula præbent.

CAPUT VII.

Corcyra insula descriptio.

Plin. lib. 4.
cap. 12.

Odyss. lib. 6.

Strab. lib. 6.

Odyss. lib. 7.

CORCYRA in Ionio mari sita, vicina Adriatico Epiro adiacet, nomen pro temporum diuersitate nata varium, Corcyra namque dicta ab vna ex filiabus Asopi, ibi sepulta; quam Neptunus rapuit, & in hanc detulisse scribit Diodorus: ex quâ natus est Phæacus, Alcinoi iustissimi Phæacum regis pater, à quo deinde Phæaciæ nomen obtinuit, cum prius Scheria, Homero testè, diceretur, hodie *Corfu* ab Italis Græcisq; appellatur. Hanc alij Ephyrâ, & Corfiniû, nec non Corinthû à Corinthijs nuncupatâ volunt: nam & Corinthiorum & Samiorum aliquando colonia fuit. Nominis occasionem dedisse fertur Bacchiadum familia: quæ à Corinthijs in exilium acta, pars Siciliam, pars Corcyram duce Chersicrate adnauigauit, eamque pulsus indigenis occupauit. Vlyssis naufragio, & Alcinoi hortis pendulis, qui biferi fuisse putantur, eiusque magnificentissimâ, regiâ auro & argento fulgente apud Homerum vel maximè celebratur. Distat autem à Continenti, freto Corcyreæ nomine interiacente, ferè duodecim millibus passuum: quâ tamen Butrotum Epiri regiam spectat, duobus tantum abest miliaribus. Formam habet oblongam, & obliquam, instar falcis, vnde etiâ Drepanum (vt Callimachus vult) dixere veteres: quod quidem nomen ante-

CORCYRA
CORPHV.



Lib. 4. Argonaut.

antequam Corcyrà diceretur fortita est, atque à falce quâ Iupiter Saturno patri virilia amputasse, & in insulam proiecisse legitur, originem cœpit, licet alij ab illâ falce, qua Saturnus Cœlo patri genitalia abscidit, nomen sumpsisse putent. Meminit huius falcis Apollonius:

*Insula ceruleo nemorosa Ceraunia ponto
Cingitur, hac celat falcem (mibi parcite Musa
Inuitus nam prisca cano hæc) ut fama, parentis
Saturnus quâ olim genitalia membra cecidit.*

Ambitus secundum quosdam 150. millia passuum continet. Alij 120. quidam 97. nonnulli 80. tantum milliaria computant. Diuersimodè etiam de longitudine sentiunt, variantq; authores. Plinius passuum 97. millium statuit, neoterici 54 milliariibus constare dicunt. Maior latitudo (quæ ab vrbe veteri Epirum spectante ad Angelocastrum, in vltiori situm littore protenditur) viginti quatuor millia passuum complectitur. Quâ Italiam respicit, vt plurimum montosa est, ab Ortu verò quâ Epirum spectat, & in mediterraneis in fertilissimos pulcherrimosq; distincta colles vallesq;, amœnissima est. Benignitate soli nulli terrarum secunda, vini & olei feracissima: densæ etenim oleis sylvæ nullâ ferè cultorum operâ proueniunt, & propagantur; citreis, aureis, alijsq; varij generis arboribus abundat: melle quoq; & cerâ copiosa est: frumento non item. Vastata siquidè anno 1537. à Chiradino Ahenobarbâ Turcarum archipiratâ immanissimo, ac sexdecim & eo amplius omnis sexus & ætatis hominum millibus in captiuitatem abductis, ita infrequens reddita est, vt longo post annorum curriculo deserta & inculta magna ex parte iacuerit. Fluuius in ea nauigabilis nullus, sed quatuor duntaxat riui seu torrentes potius, vulgò *Paniza, Barbara, Euripos, & Rotamos* dicti. Vnicus lacus, *Corizi*, nomine, duorum millium passuum circuitus, atque optimis anguillis abundans. Portubus insuper plurimis *Gipsos, Cassiopeo, Sidareo, Timonco, & Euripo* accommoda est. *Sidareus & Timoneus* ad occiduum insulæ latus Italiam spectant, reliqui in interiori sinu seu freto contra Epirum iacent. Vrsos autè aut lupos nequaquam producit; feras tamen syluestres, apros, damas, ceruos, lepores, cuniculosq; alit quamplurimos: omnis quoq; generis volucrum copiam habet. In quatuor verò regiones (*Baronias* vulgò vocant, quarum tituli ad nobiles quosdam Veneros pertinent) tota insula diuiditur. Harum prima ad Ortum vulgò *Leuchimos*, altera Occiduum spectans *Argiros*, reliquæ ad Meridiem & Septentrionem positæ *Mesos & Loros* appellantur: habentq; singulæ octo sibi subiectos pagos (quos vulgus *Casalia* vocat) infrequentes pænè omnes, & ignobiles. Planities seu valles præ ceteris duas habet præcipuas, fertilissimâ glebâ insignes, & culturæ aptissimas; derelictas tamen hætenus, & incultas: quarum altera à Diuâ Catharinâ, altera

altera à Diuo Georgio nomē sumpfit. Hanc anno à nato Christo 1591. cum Corcyra degerē, Itali aliquot ex Marcā Anconitanā Senatus Veneti auctoritate, auspiciisq; Illustris viri Guidi Ascanij, ex Marchionibus Montis S. Mariæ, qui tunc temporis militum præfidiariorum nouæ arcis Corcyreæ præfectum seu gubernatorem agebat, ad culturam redegerunt. Lacum siquidem, qui in mediâ erat valle, atq; aërem ab cœnolos vapores inclementiorē reddebat, deductâ ad mare vsque per abruptas crepidines perq; confragosas rupes fossâ, exsiccarunt, vallemq; totam salubriorem reddiderunt: quam demum omni extirpatâ zizaniâ, soloq; aratro scisso, frumento consueuerunt, Pagum etiam in eiusdem vallis ad ortum cliuo condiderūt, cui Castri Franci (quasi à Francis, quo nomine Italos Græci denotant, conditum) nomen inditū est: quem & vineis, & horris, viridarijsq; breui tempore excoluerunt. Anno verò sequēti vberimâ & copiosâ collectâ messe, in publicę letitiæ signū gratū populo edidēre spectaculū. Quotquot enim huic agriculturæ initium dederant, atq; operam nauauerant, rusticis instructi instrumentis, ad sonitum tympani ordine militari summâ ciuium incolarumq; congratulatione ac plausu urbem intrârunt: cēturio falcem, signifer pro vexillo spicarū falcem gestabat, ac varia reliqui: eoq; ordine totam circūeuntes urbē incolas omnes rei nouitate & insolito spectaculo detentos, mirū in modum exhilarârunt. Oppida seu castella muris cincta duo in insula visuntur: quorum vnū haud procul à littore, iuxta aquilonare promontorium colli insidet non multum eminenti, Butrotū t piri olim regiam spectās. Id Cassiope veteribus appellatū, & Iouis Cassij templo in signe, hodie collapsum planè, desertum, & ruinis plenum, nil præter muros, turesq; aliquot semidirutas ostēdit, diciturq; vulgò *Casopo*: à quo haud procul abest vetusti operis templum, musliuo opere ornatū, D. Virgini sacrum, & nautarū votis percelebre; quod ab oppido vicino S. Mariam Casopæam vulgò nominant. Templum vnâ cum oppido à Turcarū piratâ Ahenobarbâ, dum insulam deuastaret, ac depopularetur, flammis absumptum & dirutū, multo tempore squalidū, collapsum, & ruinosum iacuit: donec tandem opere & ære Ioannis Pasqualici viri Clarissimi ac Veneto nomine maris Adriatici quondam præfecti anno salutis 1598. instauratū, & restitutū fuerit, monasterio addito sic satis cōmodo, quod muro vndiq; septum (quo tutior cōtra prædonum & piratarū incursiones esset locus) Calogeris Græci ritus monachis, securum præstat habitaculum, ac nauibus, & triremibus, vicinū portum Casopæum nomine, appellētibus, summo vsui est. Promontoriū, quod in proximo esse diximus, à vicinâ syrri, seu arenarū cumulo, qui velut anguis in aquis latitat, vulgò Serpæ nomen obtinuit: est namq; mare ibidē vadosum, nec supra 5. aut 6. pedes profundū: ideoq; nauigantibus vel maximè periculosum,

ut non incongruenter ab angue latente nomen sumpserit. Alterum huius insulæ oppidum seu castellum ad occidentum positum latus, Italiam respicit, Angelo-castrum vulgò dictum. Id arcis speciem præ se ferens, in rupe eminenti, atque vndique præcipiti fundatum, situ munitissimum, & loci asperitate inaccessum, contra piratarum deprædationes, & hostium insultus tutum insulanis præstat refugium. Vnicam præterea insula urbem cognominem habet, ad interioris littus (quâ Bastiam Epiri vicum non ignobilem spectat) sitam, & duabus arcibus præaltis in rupibus positis, quas mare circumfluit, non solum situ, sed etiam opere munitissimam, nihil (ut equidem viderim) aduersus omnem vim hostilem firmitus, nihil inexpugnabilius: quæ ut lectori magis innotescant, pauca hæc à me de situ earum obseruata subnectere visum est. Tota machina in quinque arces, seu distinctas munitiones diuiditur. Inferior, quæ cæteras suo ambitu ac mœnibus complectitur, formam ferè triangularem efficit, constatque (præsertim qua mare spectat) ex asperrimis, & altissimis rupibus, quas mare alluit. His nihilominus validissimæ munitiones, & propugnacula superstructa, ab ea parte inexpugnabilem reddunt. Quâ verò urbem respicit, duo muniunt vasta propugnacula, *Bellouarda* ab Italis nuncupata, fossis profundissimis, latissimisque septa. Muri crassitudinis stupendæ fulciunt aggeres latissimos, & meatibus concameratis peruios. Tres hæc continet portas, quarum una, quâ ad mare itur, & meridiem spectat, vulgò *Portella Castelli* dicitur: altera quæ ex opposito latere pariter ad mare ducit, à proximâ triremium statione *Mandrachij* porta appellatur; tertia quæ ad urbem ponte sublicio accessum præbet, vulgò Regiæ nomen habet. Cum autem, ut diximus, tota arx solidis rupibus imposita sit, duo rupium cacumina cæteris altius eminent, quæ singula arcem continent: quarum altera mare, altera urbem spectat, utraque longè lateque in vicinum omne solum ac mare dominante. Priusquam verò ad supremas has arces detur accessus, altera atque in ordine secunda in ipso rupis adscensu occurrit arx, quæ medias ferè rupes occupat, vulgò *Cittadella* dicta, munitionibus & propugnaculis adeò munita, ut nihil ad eius defensionem desideretur. Hæc unicâ portâ ab arce inferiori separata, arctâ angustâque semitâ aditum admittit. Arce mediâ superatâ, ad summitatem rupium supremarum arcium sedem peruenitur. Res equidem visu admiranda, tormenta bellica inusitata magnitudinis incam altitudinem, præruptasque rupes (penè dixerim) inaccessas, innecta esse. Adeò enim arcta est semita, quâ ad summitatem itur, ut vix singulis per gradus rupi incisos pateat adscensus: quæ vel duo milites tuto tueri possint. Harum una quæ mare spectat, diuiditurque ab alterâ quasi centum passuum interuallo, scalâ ligneâ, eaque angustâ aditum præbet, & assiduus

affiduis militum vigilijs custoditur. Tormentario quippe pulvere referta, qui in abdito eius ventre reconditur, atque ad nouem millia cadorum adscēdere dicitur, quasi tota pensilis est. Ad hanc nulli hominū, siue ciuis sit, siue inquilinus, aut alienigena, datur aditus, solis exceptis magistratibus, militumque praefectis, ac cohortium centurionibus, cæterisque praesidiarijs militibus; quorum fidei concredita est; qui quotidianas inibi agentes excubias, alternis diebus mutantur, ac mutua vicissitudine sibi succedunt. Altera quæ urbem respicit, cæterisque supereminet, ac tanquam regina caput inter nubila cōdit, aërea idcirco à Virgilio non inmerito appellata, omni apparatu bellico, ac milite praesidiario instructissima est. Ex eâ rursus ab occasu scalâ subterraneâ rupi incisâ, ad quintam descenditur munitiōem; quæ vrbi opposita, à formâ, Semiluna, vulgò *Melatuna* appellatur, estque tormentis bellicis instructa, & per se munitissima, & inaccessa. Hic arcium situs, hæc facies. Ex quibus facile colligi potest, non vnâ, sed quinas arces, vno tamen eodemque ambitu, muro licet quintuplici, varijsque propugnaculis cincto contineri: adeoque admirandam hanc molem inexpugnabilem reddi. Cæterum præter situs asperitatem, & propugnaculorum, firmitatem, non solum milite praesidiario satis valido, & numeroso singulae arces munitæ sunt, sed & omni annonæ copiâ, bellicoque apparatu instructissimæ, vt nihil ad longissimam etiam cuiusvis potentissimi hostis perferendam obsidionem desideretur. Ad hæc alia ab occiduo vrbis latere arx prærupto in scopulo, atque vndique præcipiti, mari, vallibusque ab omni parte cincta, superioribus annis extructa est, prioribus non infirmior, nec immunitior. Muris siquidem fossisque profundissimis in ipsâ rupe incisis, propugnaculis item varijs, ac duplici vallo, cuniculisque (quos Itali *Casamattis* appellant) longè munitissima, tota ferè subterraneis cauis & meatibus quasi pensilis est: qui eâ ratione in ipsâ rupe excisi sunt (tota enim arx rupes est) ne si virgēte necessitate eam derelinquere defensores cogantur, hostis eâ ad libitum potiatur; vtque tormentario supposito puluere, in aërem agi, ac funditus euertere subito possit. Est autem arx ipsa ad occiduum (vt diximus) vrbis posita latus, eiusque muris contigua, ac D. Georgij monti opposita, urbem ipsam à latere occidentali, & septentrionali optimè defendens, ac muniens, diciturque ab incolis (quod recens condita sit) Arx Noua, in differentiam alterius, quæ Arx Vetus appellatur. Inter has media vrbs iacet, per se quoque opere & situ munitissima, quæ nec propugnaculis caret, & à mari vndique ferè alluitur. Eius situs ita se habet: Formam refert penè quadrangularem, efficitque peninsulam: vnico siquidem duntaxat latere Occidentem versus terræ cohaeret; reliquum mare lambit. Quia verò à latere occiduo Saluatoris, &

AEnéid. lib. 3

Georgij

Georgij montes oppositos habet, qui vrbi imminet, & vel maximè infesti sunt, fossâ idcirco ab eâ parte altissimâ, & tribus validissimis muniti-
tionibus cingitur: quarum duæ extremæ, altitudine, murorum crassitie
aggerumq; latitudine vel maximè cōspicue sunt. Harum altera ad me-
ridiem posita; à loci propinquitate *Castrado* vulgò dicta, vrbis angulum
constituit, respicitq; ab vno latere Meridiem, ab altero Occidentem:
altera, quæ ex aduerso est, *Foscarena*, à Iacobo Foscareno, D. Marci Pro-
curatore amplissimo, ac maris quondam pro Venetis Architalasso, eius
auctore sic dicta, Arci nouæ adiacet, licet inferior, spectatq; Occidentē
& Aquilonē. Has media interiacet tertia, à formâ planâ ab Italis *Piatta*
forma vocata, opere, & aggeribus prioribus haud infirmior: cui à Septē-
trionali latere proxima hæret vrbis porta primaria, ex candido & duris-
simo saxo eleganti opere constructa, cui regię porræ nomen est. Hæc
dum suis muris ad Foscarenâ munitiōem protenditur, quā deniq;
sequitur arx noua occiduum vrbis angulū (vt diximus) constituens, quæ
& ipsa rursus vrbis mœnibus Aquilonē spectantibus coniungitur. His
centū fere passuum interuallo porta *Spilea* nomine, ordine secūda, quæ
ad mare ducit, annectitur, à quâ denuò continuato ordine, inflexo ramē
& incuruo, prout rupiū situs & defēisionis ratio postulat, mari eas vndiq;
alluente, ad vsq; tertiū vrbis angulum mœnia ipsa extenduntur. Aquilo-
nare id vrbis latus paruam insulam oppositâ habet, ducentis fere passi-
bus ab vrbe diremptam, vulgò *Maripetri* scopulum dictâ. Nominis oc-
casionem dedisse fertur nobilis quidam Venetus, ex patritij ordinis fa-
miliâ Maripetrâ ortum ducens, ad quē hæc insula priuato iure pertinet,
cū prius *S. Viti* diceretur. Est autē oliuetis referta, varijsq; arboribus in-
star nemoris opaca. Hinc apros quamplurimos nutrit, ac domino suo
summo emolumento est. Fretum verò, quod mediū interiacet, ac loco
portus est, à ventis aquilonaribus percōmodè munit, ac nauibus tutam
reddit stationē. Post angulum ordinē tertium sequitur orientale vrbis
latus, in cuius initio D. Nicolai porta est, ad mare ducēs, sic dicta à fano
proximo, in ipso littore extracto. Hæc *Mandrachion* è regione habet.
Locus is est viginti quatuor triremium capax, earumq; stationi desti-
natus, qui iuxta veteris arcis muros positus, & à reliqua statione seiun-
ctus, latissimo aggere ex prægrandibus saxis in præalto mari fundatis,
atque paulatim in crassissimū murum, & supra vndas maris eminētem,
exurgentibus, cingitur, & tutissimum contra vndarum impetum trire-
mibus præbet receptraculū. Totum id ad ortum latus muris haudqua-
quam munitum, sed apertum, *bellouarda* arcis veteris opposita ha-
bet solaque fossâ profundissimâ ab arce dirimitur, ad quam pon-
te sublicio ab eâ parte ex vrbe patet accessus. Hinc rectâ id la-
tus ad quartum vrbis angulum porrigitur, cui à meridionali latere
cohæret

cohæret propugnaculum Molinum nomine, mare & ipsum spectans, atque à Marco Molino, viro clarissimo, & insulæ quondam Præfecto, eius auctore, sic appellatum: quod quidem ad portam vsque Erizam, suis muris protrahitur: inde verò vrbis mœnia propugnacula *Castrado* demum coniunguntur. Atque hic hodiernus vrbis est situs, quem quidem sæpius mutatum ferunt: vbi enim hodie visitur, tertia est, quam habuit sedem. Olim siquidem vbi nunc suburbium, quod Palæopolin, vulgò *Païopolis* id est urbem veterem Græci vocant, ducentis circiter meridiem versus ab vrbe passibus primùm fuit: postea vallem illam, omnem, quæ à radicibus Saluatoris, & Georgij montium ad mare vsq; protenditur, occupauit: demum contractis plurimùm pomœrijs, inter arcem veterem & nouam conqueiuit: cuius iacta fuere fundamenta anno 1572. bello tunc contra Turcam mirum in modum grassante. Hodie autem omnibus numeris absoluta, in eam (quam diximus) formam munitissima euasit. Diuiditur autem in tres regiones, seu tribus, *Spileam*, *Vriouonam*, & *Spianatam* vulgò appellatas, Spilea ad Occidentem, Vriouona ad Aquilonem, Spianata ad Ortum & Meridiem adiacentibus. Spianatæ ædes ex asseribus seu tabulis ligneis pleræque confectæ à nouâ vrbe conditâ initium habuere: cum enim plurimorum, ciuium ædes magnificæ, quo loco prius vrbs steterat, Veneti Senatus edicto dirutæ, & solo æquatæ essent (nam contrahi vrbis pomœria, situmq; mutari, ob defensionem faciliorem, quo ciuium salutis, & securitati aduersus barbarorum incursiones, deprædationesq; magis confuleretur, Senatus decreuerat) post tot & tantarum ædium ruinam, damnum, quod quisque fecerat, meritò resarciendum putauit. Hinc verò totum illud solum, quod longitudine suâ à portâ Eriza ad Vriouoni vsque collem alterum ex aduerso vrbis latus occupantem, protensum interiacet, suæque latitudine ad Diuæ Mariæ sanum vsque dilatatur, eiusdem Senatus consulto magistratuumque Corcyrensiū, operâ, ciuibus pro cuiusque iacturâ æquis proportionibus diuidam, est. Ligneas inter has ædes, & arcem veterem amplissimus patet campus, vulgò *La Spianata* dictus; in quo (vnico excepto prætorio) nullum cernas ædificium. solo autem omnia æquata esse vel eâ ratione putauerim, ne facilis, vrbe occupatâ, ad arcis mœnia detur accessus. Ceterum vrbs ipsa Archiepiscopatu nobilis, plurimis sacris ædibus ornata est: præter Cathedralem enim Ecclesiam, Diuo Arthemio primo Corcyræo Episcopo sacram, quæ in arce veteri loco eminentiori sita est, in quâ & Archiepiscopus sedem habet, tria visuntur Romani ritus templa, Diuis MARIÆ, Iacobo, & Francisco dicata. His, Iacobi æde exceptâ, monasteria satis cōmoda addita sunt, in quibus monasticæ vitæ homines Minoritæ & Augustiniani religiosè degunt, templisque in-

feruiunt, ac sacris, & orationibus vacant. D. Iacobi parochialis Ecclesia est, cui duo sæculares præsunt præbyteri. Huic adiacet Xenodochium insigne, à D. Iacobi sodalibus, Italis pænè omnibus, vnà cum templo in mancipiorum vsum iam pridem erectum. Hi quotidianis ac largis elemosynis, alijsque pijs operibus locum commendant, & in eos maximè exercent, quos Turcicà seruitute elapsos, & in insulà delatos nouerint. Hos enim humaniter suscipiunt, per dies aliquot victum suppeditant, ægros curant; mox etiam dato viatico ad sua remittunt. Post Latinorum templa, plurima quoque Græcorum sunt delubra, angusta pleraque, & sordida, nonnulla etiam ex tabulis ligneis ruditer compacta. Præstat cæteris D. Spiridionis fanum, lapideum totum, & recens eleganti formâ instauratum; Id singulari deuotione à Græcis æquè ac Latinis frequentatur; maximoque hominum vota soluentium concursu celebre est. Sacrum namque Spiridionis corpus miraculis clarum summâ in ueneratione inibi habetur, populoque & Latino & Græco statim diebus ostenditur, cucullo & tunicâ, quibus, dum viueret, utebatur, integris & illæsis indutum. Porro fontibus vrbs caret, aquæ salubrioris indiga, putealis crassa est, & putrida. In vtrâque tamē arce & nouâ & veteri pluuiarum aquarum cisternæ aliquot sunt, ad militum vsum percommodæ. Ad sunt præterea qui ex fonte vicino *Cardaceo* nomine iuxta Palæopolin mille circiter passibus ab vrbe dissito, aquis optimis, & copiosissimis, quæ vel ingenti classi sufficerent, vberrimo, lintibus aquam aduehant, hydriasque eâ plenas platearum diuendant: quâ in re ciuium & incolarum necessitati abundè satis subuenitur. Nec procul inde alius erumpit fonticulus, quem vulgò *Tetradî* indignant, saluberrimis aquis percelebris. Adiacet vrbi Occidentem versus ducentorum ferè passuum interuallo villula, quam vulgò *Paiopoli* vocant, præcipua quondam (vt supra etiam memorauimus) totius insulæ vrbs, in planitie iuxta littus cõdita, loco amœnissimo, & fructifero: cuius adiacentes campi varijs arboribus confiti, & in primis oliuetis, vineisque exculti sunt. Hodie tamen (vt est omnium rerum vicissitudo) exiguus est locus: in quo præter domunculas aliquot ligneas, easque humiles, & vnius tantum contignationis, nihil est quod cernas. Haud procul inde vallis iacet amplissima, cui vulgò Sanctorum vallis nomen est, salinis nobilis, ex quibus maxima salis copia ingenti cum lucro, ac Venetæ Reipublicæ emolumento quotannis colligitur, & publicis horreis conditum postea Venetias nauibus asportatur. Duas insuper valles amplissimas in insula videre est, salis conficiendo destinatas, quarum altera *Alcimos* ad extremum meridionale insulæ posita latus, omnium maxima, altera *Poramos*, in primo ad Occasum ab vrbe sita lapide, cæteris minor est. Singulis Senatus Veneti auctoritate præest Præfectus, itemque Architectus, hunc Prothum, illum Capitaneum.

neum vulgus appellat : quibus vallium operarij sali coquendo destinati, parent omnes. Id vero summopere curat vterque, ne sal (quod publici iuris est) à quopiam auferatur, néve operarij in colligendo sale fraudem aliquam committant : deprehensi capite puniuntur. Salinarij omnes Græci sunt, publicis stipendijs conducti, multisque privilegijs, & immunitatibus à Principe donati ; rerum tamen omnium egentissimi, suisque plerique creditoribus obnoxij : quos, dum in sale coquendo occupantur, quod fit à Kalendis Aprilis ad Kalendas vsque Nouembris, in ius rapere nulli fas est. Ad ducenta autem millia modiorum salis & ampliùs æstate siccâ quotannis colligitur ; qui horreis vicinis inuectus, post à certis magistratibus vendendus Venetias asportatur. Nulli enim priuato id licitum est, nisi à magistratibus comparauerit. Principis siquidem monopolium est sale vendere : quod antiquitus institutum fuisse refert Alciatus. Porro salis conficiendi modus ita se habet : Valles (quas diximus) mari adjacent, è quo deductâ fossâ, facilè marinis aquis vndequaque irrigantur : In plurimas autem areas, easque quadrangulares tota vallis diuisa est : hoc ordine, vt ternæ sibi inuicem cohæreant, atque vna aliam subsequatur : Quæ verò fossæ proxima hæret, lata per quadrum pedes viginti quinque, aggere vnus pedis circumquaque munitur : hanc sequitur secunda, dein tertia, vtraque quâ prima & formâ & magnitudine. Diuiduntur autem singulæ vallo, eâ ratione, ne aqua marina priori areæ immissâ, vterius dilabatur, aut diffundatur. Hæ purgatæ coæquatæ, ac glabræ redditæ, cylindro consolidantur, vti ijs in locis videre est, in quibus frumentum teritur. In primâ areâ, quæ *Vas* appellatur, fossæ vicinâ, aqua per diem relinquitur, in eaque paulatim Solis ardore purificatur : Postridie vicinioris areæ vallo perforato, in secundam, *Caldare* dictam, dimittitur, atque inibi quoque per diem integrum calore Solis coquitur. Tertiò dein die, vbi satis cocta est aqua, factò insuper in vallo foramine, in tertiam aream *Salinam* nuncupatam deriuatur : in quâ item per diem integrum relinquitur : qui si apricus fuerit, vnico in sal durissimum, congelatur, si nubilus, in alterum vsque diem permanet : quod supernat, vel in superficie hæret, candidum est, diciturque Flos salis : quod subiacet, fuscum colorem habet. Flore priùs detractò, mox & reliquum instrumentis admotis extrahitur, & vehiculis impositum in horrea publica (quæ in proximo sunt) inuehitur. Alestini vallis ducentas Salinas, totidemque Caldaria, & Vasa continet. Sanctorum vallis centum. Potami quadraginta. Vt autem planius, lucidiusque lectori innotescat Salinarum situs, earum formam, ac faciem apposuiamus.

Ad l. inter
publica 17.
ff. de verb.
sign.

| | | | | | | | | | | | |
|-----------|----|--------|---------|--------|--------|---------|--------|--------|---------|--------|-----|
| Via regia | | | | | | | | | | | |
| Passa | | | | | | | | | | | |
| Via | ns | Vallus | Vas | Vallus | Vallus | Vas | Vallus | Vallus | Vas | Vallus | Po |
| | | | | | | | | | | | |
| | | | | | | | | | | | |
| Via | ns | Vallus | Caldare | Vallus | Vallus | Caldare | Vallus | Vallus | Caldare | Vallus | Via |
| | | | | | | | | | | | |
| | | | | | | | | | | | |
| Via | ns | Vallus | Salina | Vallus | Vallus | Salina | Vallus | Vallus | Salina | Vallus | ns |
| | | | | | | | | | | | |
| | | | | | | | | | | | |
| Passa | | | | | | | | | | | |
| Via | ns | Vallus | Vas | Vallus | Vallus | Vas | Vallus | Vallus | Vas | Vallus | Po |
| | | | | | | | | | | | |
| | | | | | | | | | | | |
| Via | ns | Vallus | Caldare | Vallus | Vallus | Caldare | Vallus | Vallus | Caldare | Vallus | Via |
| | | | | | | | | | | | |
| | | | | | | | | | | | |
| Via | ns | Vallus | Salina | Vallus | Vallus | Salina | Vallus | Vallus | Salina | Vallus | ns |
| | | | | | | | | | | | |
| | | | | | | | | | | | |
| Passa | | | | | | | | | | | |
| Via | ns | Vallus | Vas | Vallus | Vallus | Vas | Vallus | Vallus | Vas | Vallus | Po |
| | | | | | | | | | | | |
| | | | | | | | | | | | |
| Via | ns | Vallus | Caldare | Vallus | Vallus | Caldare | Vallus | Vallus | Caldare | Vallus | Via |
| | | | | | | | | | | | |
| | | | | | | | | | | | |
| Via | ns | Vallus | Salina | Vallus | Vallus | Salina | Vallus | Vallus | Salina | Vallus | ns |
| | | | | | | | | | | | |
| | | | | | | | | | | | |

Ab occidentali vallis latere, cui Sanctorum nomen est, sinum efficit mare, seu portum amplissimum, cuius ostij medium in ipsis faucibus scopulus occupat, Calogorum monasterio insignis, atque vberis soli. Profundissimum quandoque, & tutissimam stationem, ac ducentarum & amplius triremium capacem fuisse ferunt incolæ: hodie arenarum, cumulis magnâ ex parte vadofus, nullius vsus est: piscibus tamen optimis abundat, & piscinæ loco habetur, ac priuati iuris est; diciturque vulgò *Necrothalassa*, id est Mare mortuum.

Diximus de vrbe atque insulæ situ, & fertilitate: superest vt de magistratibus vrbe, eiusq; incolis, ac eorum moribus, cæterisque eodem spectantibus aliqua addamus. Vrbs atque insula tota Veneti iuris est. Post expugnatam namque à Venetis Gallisque Constantinopolim, illorum armis cessit: qui statim veluti in nouam coloniam ex Vrbe viros aliquot patritios, plebeiosq; eò misere; quorum operâ in officio hæcænus persistunt Corcyraei, & longâ pace cuncta resouente, multisque priuilegijs aucti quiescunt. Summa rerum penes magistratus est Venetos, qui Senatus auctoritate in vrbe resident, populoq; in iure dicundo præfunt, & rem publicam administrant. Horum alter Baili dignitate præfulget, & ciuibus, cæterisque & vrbe & insulæ incolis iudex constitutus est. Alter Præfeti Generalis seu Prouisoris titulo, vniuersæ militiæ, beneficijs, & reliquis stipendia merentibus imperat; solusq; ius dicit; quod Bailo nequaquam licet: neque enim solus iudicat, aut in reos animaduertit, sed in sententijs ferendis assessorem habet; qui & ipse patritius Venetus pari potestate & suffragio, Senatus auctoritate Consiliarij titulo in insulam ablegatur, & in iudicijs Bailo assidet. Sic enim constitutum est, vt duo patritij præter supremos illos magistratus singulis biennijs Corcyram à Senatu mittantur, ea ratione, atque hoc illis iniuncto onere, vt alter quæsturam apud Præfectum Generalem exerceat, alter Baili assessorem agat, & per vices alternis bimestribus in hisce magistratibus sibi inuicem succedant; ita vt qui Assessor Baili fuerit, iam Quæstor euadat; qui verò Quæstorem egerit, iam Baili Assessor fiat: qui si in dicendis sententijs à Bailo dissideat, causa ad Quæstorem remittitur; & cuius ille sententiam secutus fuerit, ea demum, vti debitis suffragijs lata, rata habetur, vimq; sententiæ obtinet: ita tamen, vt ab eâ prouocare ad Quadraginta virum Consilium Venetum parti grauata liberum sit. Quæstor hic publicæ pecuniæ curam & custodiam habet, quam oportune Prouisoris iussu, & in scriptis mandato dispensat, ratione de expensis redditâ. Huic publico nomine Scriba adiunctus est Corcyraeus: qui acceptum & expensum ad calculum reuocat, & in codicem refert. Consiliariorum alter in eâ parte Arcis veteris cui *Cittadella* nomen est, domicilium habet, alter in vrbe

iuxta Bailum: quod eâ ratione constitutum est, vt commodius die noctuq; ciuium & incolarû necessitatibus subuenire, sibiq; mutuo præsto esse facilius queant. Ad hæc arcium custodia penes alios duos patritij ordinis viros est: quorû alter Præfecti titulo, Arcis Nouæ curâ habet, alter Veteri supremâ in rupe positæ præest, *Castellanus* vulgò dictus. Vterq; verò Præfecti Generalis auctoritatè agnoscit, eiusque per omnia paret imperio. His egredi Arcibus sibi creditis toto magistratus sui tempore, sub pœna capitis vetitum est. Omnes autem hi magistratus biennales sunt: & præscriptis legibus rempublicam administrant.

Primarij vbi in publicum prodeunt, magnificam sanè, nec respiciendam, ostentant pompâ: vestibus enim induti holofericis, ad talos vsq; pendentibus togati & purpurati incedunt; plurimâ licitorum, satellitû, ac famulorum præeunte turbâ; quos illi sequentes medium tenent: magnâ eos ciuium, militumque comitante cateruâ. Sunt prætereâ in vtrâque Arce singuli militiæ supremi duces, Gubernatores militiæ vulgò dicti; quibus id muneris iniunctum est, vt de armis, excubijs, cæterisq; militaribus officijs curam habeant, militibusq; imperēt, ac pacem inter eos componât: ad Prouisorem insuper, si quid hi præter officium egerint, aut si ad bellicum apparatus quicquam in arce, cui præsunt, desideretur, referant. Equestri itè militiæ, seu leuis armaturæ militibus, ad littus tutandum destinatis, quos Itali Albanos, Græci *Stratiotas* vocant, suus quoq; supremus dux est, Gubernatoris & ipse titulo insignitus: qui in vrbe moratur, atque vnâ cum cæteris ducibus & præfectis Prouisoris subest imperio. Hic in Arce Veteri inferiori domicilij sedem habet; cuius ædes assiduis militû excubijs custodiuntur. Non solum autè toti militiæ ius dicit, & imperat, sed & stipèdia cunctis è publico soluit; de annonâ, omniq; bellico apparatu curam habet, ac nauticû in primis panem in triremium vsum procurat: solus etiam de causis controuersijsque æris publici, vectigalium, decimarum, aliarumq; exactionum cognoscit. Cæterum insulani omnes Venetorû viuunt legibus; eorumque lites & causæ cùm ciuiles, tùm criminales, iuxta Venetæ curiæ morem expediuntur: sed & acta publica, & priuatarum litium Veneto idiomate non Græco à scribis publicis, iisq; Venetis, aut è prouincijs Veneto imperio subiectis à magistratibus eò accitis, quos *Cancellarios* vulgò vocant, in codicem referuntur. Horum amplum est salarium, certis tamen legibus præscriptum. Summaria hic pleraque iudicia: nulli procuratores, sed soli aduocati; qui vt plurimum viuâ voce, non scriptis priuatorum causas agitant, clientesque defendunt. Urbis incolæ ferè omnes Græci sunt: Itali (militibus exceptis) per pauci; pauciores Albani, seu Epirotæ. Ruri habitâtes & ipsi omnes Græci, ad nouem circiter millia, dum nos Corcyræ essemus, adscendere dicebantur. Ex ijs ad tria millia armis

armis exercendis idonei (vulgò *Cernede*, à secernendo, quasi selecti, à Venetis appellati) censēbātur. Hi sub signa coacti, & in plurimas diuisi cohortes, sub suis militant Chiliarchis: quibus è publico menstrua stipendia, decem nempe Ducatorum Venetorū à Senatu assignata sunt: hoc interim illis incumbente onere, vt sibi subiectos insulanos, statis quisque diebus in armis exerceant, doceantq; miliaria obire munera: piratas insuper, hostilē sive triremes, aut celeres, si quæ terrā prædabundæ captare tentent, ab accessu arceant, & repellāt: eisque, si vim inferāt, cum suis quisq; cohortibus se opponant. Qui verò militari munere nō funguntur, Principis angarijs obnoxij, ad opera seruilia, publicaq; , & remigū, & fossorū, vbi occasio postulat, coguntur. Idiomate omnes ferè, præsertim ruri habitātes, vtūtur Græco vulgari, vocabulis corrupto, atq; ab antiquo illo multū discrepāte. Albani tamen præter Græcā linguā, proprium idioma, quod Albanicū, seu Epiroticū vocant, in vsu habent.

Pleriq; etiam in vrbe degentes, honestiores præsertim ciues, Italicam callent linguam, eaq; vt plurimū in publicis comitijs, tractandisque negotijs coram magistratibus vtuntur; causidicis quoque vbi clientum suorum agunt causas, iudicioq; contendunt, idem obseruantibus Diuiduntur autem vrbis incolæ in ciues, & plebeios; honestiores *Archondes* id est nobiles dici volunt, certumq; explent numerū, quem Vrbs Communitem vocant, & publicum quotannis habent Concilium: in quo communibus suffragijs Venetis magistratibus præsentibus certa suis conferunt & vrbis & insulæ publica munia. Creant etenim tres ciuiliū causarū iudices annuos, qui Bailo in dicēdis sententijs assidēt, habentq; votum consultatiuum, non deliberatiuum; quibus id quoq; iuris est, vt soli in causis summam 55. librarum Venetarum (quæ nostræ monetæ Florenis circiter 20. respondent) non excedentibus, iudicium dent, & sententias dicant: à quibus tamen ad Bailum datur prouocatio. Duos adhæc Syndicos, totidemque Salubritatis Prouisores, nec non Iustitiæ Ministrum, qui ponderibus & mensuris præest: Annonæ quoq; Præfectum, Scribamq; fabricæ publicæ, atque alia minora officia; omnia quidem ad vrbis ornatum, dignitatem, commoditatemq; spectantia: Prouisorem insuper Pargæ (quod in Epiro oppidum est maritimum, Venetis subiectum) itemq; Angeli castri Præfectum publicis votis eligūt. Inter Corcyræas familias opibus & auctoritate eminent Cuchina, & Condocala, vtrāque equestri dignitate decora: his proximè accedunt Bellāda, Petretina, Morella, Lucana, Fortia, Quartana, Maripetra, Triuola & Altauilla. Cæterū Corcyræi ingenio pleriq; sunt acri, & elegāti, vago tamen, subitōq; studiosiores equidem Mercurio, quàm Mineræ, gulæ & luxui in primis dediti, atq; otio torpentes vt plurimū, maioriū suorum hac in re sequuti vestigia, quorum Horatius meminit:

Lucie

Lib. 1. Epist.

*Quis (inquiens) pulchrum fuit in medios dormire dies, &
Ad strepitum citharæ cessatum ducere curam.*

Odyss. lib. 7.

Et alibi *Pinguis ut inde domum posset Phæaxq. reuerti.*
Olim quidem (ut author est Homerus) fuere rerum maritimarum vel maximè studiosi: sælices idcirco ibi nasci viros idem refert, quod Phæacensibus nulla arcus pharetræq. cura esset; sed mali remiq. nauis, ac naues ipsæ, quibus illi plurimum maris eimetirentur. Addit quoque quemadmodum cæteros mortales naualis artis peritiâ Phæaces præstarent, sic fœminas etiam texendis telis reliquas totius orbis præcellere; & id muneris illis à Minerua datum esse, ac bonam mentem habere. Quâ in re haudquaquam à maioribus suis degenerarunt; nam & hodie ad varias artes mirum ingenium habent, & præ cæteris acu optimè pingunt. Hæc de Corcyrà: nunc cætera prosequamur.

CAPVT VIII.

Epiri regionis, adiacentiumq. insularum descriptio.

DIXIMVS suprâ Corcyram insulam Epiro ab Ortu adiacere, ab eaque freto angusto interiacente medio dirimi. Quia verò maritimam eiusdem regionis oram aliquando illustrauimus, plurimæque inuisimus loca, lubet obiter quæ nobis de eius situ & conditione innuere, paucis subijcere.

Plin. li. 4. c. 1

Lib. 7.

Est Epirus notissima Europæ provincia, à Pyrrho Achillis ex Deidamiâ filio sic dicta: cui olim Chaoniæ, & Molossæ nomen fuit, à Chaonibus & Molossis eiusdē regionis populis: qui (ut Strabo refert) totius Epiroticæ terræ quandoque regnum tenuere. Nostræ ætatis Cosmographi Albaniam vocant, ac partem alterius Albanicæ huic conterminæ (quæ pars Macedoniæ est) esse putant, cum eaque coniungunt: quocirca etiam aliqui hanc nouam, illam veterem Epirum appellant, quæ Turcis hodie Ianina dicitur. Terminatur autem à Septentrione Macedoniâ, ab Ortu Ætoliâ, à Meridie & Occasu mari Ionio. Regio quondam populatissima, quatuordecim gentium (ut refert Strabo) quandoque sedes; ex quibus celebratissimæ fuere Chaones, & Molossi; penes quos Dodonæi Iouis templum oraculis clarum extitit: ubi columbæ duæ, vel dæmonum illusionibus, vel sacerdotum fraudibus, dare responsa dicebantur. Herodotus Halicarnassæus fœminas fuisse putat Ægyptias, à Phœnicibus exactas: & primùm apud Thesprotios Fanum Iouis condidisse: columbas autem à Thesprotijs dictas, quod barbarè loquerentur, & simile quid auibus sonarent: postea humanâ voce locutas, cum more ipsorum loqui addidicissent.

Lib. 2.

Urbibus

Vrbibus præterea frequens admodum fuit. Septuaginta enim in eâ à Paulo Æmilio funditus euerfas scribit Polybius : qui etiam centum & 50. millia hominum ab eodem in seruitutem abducta narrat. Hoc verò tempore, deserto, & plurimum vastato solo, vrbibusque deletis, præter oppidum vnum atque alterum, continet nihil. Indigenæ pauci huc illic per agros ruderaque reliquas sparsi, pagos inhabitant ; agrisque colendis, & pascuis dant operam. Ob soli autem sterilitatem (in mediterraneis præsertim) æstiuo tempore turmatim è provinciâ discedunt, proximasque Albaniam, Romaniam, imò & Natoliam accedunt ; relictisque domi vxoribus, & liberis, æstatem ibi transigunt, suasque Turcis locant operas : messe demum finitâ, ad propria redeunt. Idiomate omnes vtuntur Albanico, cuius supra meminimus ; suntque Græci ritus homines, armis & latrocinij in primis assueti, & in mores barbaros effecti. Solum omnè mediterraneum (vt diximus) sterile est, & syluis opacum : maritima ora satis fertilis, & culta. Frumenti quodam genere, quod *Calambochio* vocant, estque *Sorgo* Lombardico non absimile, solo colore differens ; cum hoc rubei, illud albidis coloris sit. Plurimis gaudet portubus, & capacissimis : celebriores sunt Ambracius, Panormus, Onchesimus, Comarus, & Communitius. Hic regio fonte aquis vberissimo nobilis, portum intrantibus commodum, & opportunam aquationem præstat. Amnes præter cæteros duos habet, Acherontem, & Acheloum, nominis claritate insignes. Egregios alit equos, boues item & oues prægrandes. Inter oppida, quæ Turcis parent, præstant Preuesa, & Sancta Maura ; vtrumque maritimum, & milite præfidiario munitum. Vnicum ad Venetos spectat Parga nomine, & ipsum maritimum, Leuchimum orientale Corcyra respiciens promontorium. Porro contra Cassiopeum aquilonare Cocyra promontorium Buthrotum (vulgò *Butrinto* iacet) oppidum, Epiri quondam regia, supra editum collem peninsulae seu Chersonesi formâ in portus ore conditum ; Romanis quondam frequens accolis, nunc habitatore vacuum, collapsum planè, & ruderibus plenum, vix ruinis suis prisca magnificentiae, ac veterum ædificiorum indicat vestigia. Ob piscinas autem, quæ iuxta sunt, optimis diuersi generis piscibus copiosas, locus ipse etiamnum celebris est ; eiusque æstuaria, ac portus *Almorus* dictus, à piscatoribus frequentantur. Videre ibi est tuguriola lignea quamplurima, asseribus, tabulisque ligneis pendulis concinnata, & certo ordine & interstitio seiuncta, piscibus siccandis percomoda. Piscatores namque pisces, maximè quos Cephalos vocant, dum pleno sunt ventre, viuos aperiunt, ventrem ouaque simul excindunt, siccantque sole : quæ vulgò *Botarghe* dicuntur, & in multo apud Italos sunt pretio. Reliquos pisces sale conditos, doliisque impositos, per circumvicinas regiones

maximâ copiâ sed viliori pretio distrahunt. Duodecimo à Buthroto lapide meridiem versus, atque è regione vrbis Corcyræ, in ipso maris littore *Bastia* spectatur, Epiri vicus non ignobilis, supremi Quæstoris totius Epiri (quem Turcæ *Eminum* vocant) sedes, iuxta quem Acheron fluit, Epiri fluius percelebris, & apud poëtas decantatus; quem alij Cereris, alij Terræ filium esse, & ad Inferos missum fabulantur. Hic ex Acherusia palude Thesprotiæ profluens, iuxta Pandosiam vrbem (vt author est Strabo) sub terram occultatur: mox per quandam speluncam, vallemque profundam tanquam ab Inferis emergit: inde multis auctus fluminibus in portum Chemerium illabitur: cuius aquæ olim insuauissimæ fuisse dicuntur: & hinc apud veteres nata fabula, quod Inferos accedat; accedentesque ad Inferos mortuorum animas excipiat, ac trajiciat. Bastiam in ipso littore sequitur Communitiæ portus, mox Fanarus. E regione est Sibota nunc *Synita* parua insula, paulisper à Continenti disiuncta; cuius Strabo meminit, pascuis vberissima, sed ob piratarum deprædationes habitatore vacua. Communitiæ & Fanari portubus proxima est Parga, cuius supra memini, vnicum in Epiro Veneti iuris oppidulum, portu accommodum. Id rupi, quæ mari adiacet, impositum, satis tutum habitatoribus præstat receptaculum. præsidario quippe milite munitum, propugnaculis item, qua cōtinentem respicit, cinctum, vim omnem hostilem, atque accolarum excursions à se facile propellit. Incolæ partim Græci, partim Epirotæ sunt: Græci ritus omnes; quibus in sacris præest Græcus quidam Protopapas. Milites præsidarij vt plurimum Itali sunt; & Romano more ac ritu viuunt, habentque Minoritam sacra administrantem. Cæterum in iure dicundo præest oppidanis titulo Prouisoris nobilis Corcyrensis; cuius magistratus biennio durat; quo elapso, nouus Prouisor publicis Corcyrei Concilij suffragijs subrogatur, & ad oppidum mittitur.

Lib. 7.

E regione Pargæ iuxta promontorium Leuchimum, seu (vt Strabo vult) Leucimam, hodie *Caput Lascarum* à nautis dictum, perexiles iacēt insulæ, haud memoratu dignæ: vulgus nautarum Formicas appellat.

Lib. 4. ca. 12.

Haud procul inde, ac quinque millibus passuum (vt Plinius notat) à Corcyrâ discretæ, duæ aliæ exiguæ iacent insulæ, Plinio Paxoæ dictæ, quas hodie Paxum, & Antipaxum vulgus appellat. Illius circuitus duodecim ferè milliarium est. Fælicis soli, pascuis vberissima, & portu ditata capacissimo, & tutissimo: ob continuas autem piratarum deprædationes habitatore destituta. Huius autem minor est ambitus: pascuis nihilominus atque vbere gleba diues, portum nullum habet. Vtræque ad Parginotas seu Pargæ incolas spectat, ijs ad armenta alenda Senatus Veneti liberalitate jam pridem donata. Diuum Paulum

ad

ad has insulas quandoque appulisse, ac nullum propterea in ijs gigni animal venenosum, vulgò persuasum est. Iuxta alterum ex aduerso Corcyrae promontorium, quod in Austrum vergit, ac Tarentum Italiae oppidum spectat, Phalacrum antiquitus, seu Phalacrium (vt Plinius memorat) appellatum, hodie nautis *Caput Album*, scopulus iacet, *Lagudia* nomine, nauem formâ referens, in quem mutatam Vlyssis nauem à simili specie fabula est. Lib. 4. c. 1

Post Pargam secundum maris littora sequitur Preuesa, Turcici iuris oppidum, olim Nicopolis, in Acarnaniâ Epiri regione situm. Id ab Augusto Cæsare, ob partam ad promontorium Aëtiacum per Marcum Agrippam classis præfectum contra Marcum Antonium & Cleopatram nauali pugna victoriam, instauratum, frequens populo, delubro, luco, gymnasio nobile fuit, ac latos fines habuit. Hodie quoque, etsi viribus diminutum, habitatore abundat, & munitissimum est. Incolæ vt plurimum piraticam exercent, vicinumque mare infestant. Strab. lib. 7.

Subsequitur dein Sancta Maura, veteribus Leucadia, seu Leucas, Plinio Neritis. Hæc olim Continenti continua, peninsulæ formam referebat: nunc in Insulam redacta, atque opera accolarum à Continenti abscissa, à mari vndeque alluitur, ligneoque tantum ponte Continenti iungitur. Meminit eius Ouidius:

*Leucada continuam veteres habuere coloni,
Nunc freta circumueunt.*

Lib. 15. Metamorph.

Posita est autem contra Ambracium sinum, haud procul à promontorio Aëtiaco, Augusti victoriâ claro, hodie nautis *Caposigo*, ambitu 50. millia passuum continens. In eâ oppidum est, eiusdem cum insulâ nominis, longè munitissimum. Incolæ maiori ex parte Hebræi sunt, Turcæ perpauca, qui vt plurimum latrocinij astricti, piraticam ducunt vitam, vicinumque peruagantes mare, minoribus nauigijs vel maximè infesti sunt, minusque tutam navigationem reddunt. E regione, in ipsâ Continentis orâ mons est altissimus, olim Leucathæ promontorium, hodie nautis *Caposigale*: de quo Virgilius:

Mox & Leucatha nimboſa cacumina montis.

Aenoid. 36.

Sinus Ambracius qui in proximo est, hodie Culfus Laërtiacus, seu *Golfo del Arta*, faucibus spatiosum æquor excipit: habetque in longitudine triginta nouem (vt Plinius vult) millia passuum, in latitudine millia quindecim; cuius circuitus authore Strabone, stadia trecenta complectitur. Ab Ambraciâ, Pyrrhi Epiri quondam regis regiâ nomē obtinuit: fuitque olim Cæsaris naualibus percelebris. In eum Arathus fluuius hodie *L'Arta* suas exonerat aquas. Abundat optimis piscibus, præsertim cephalis: ob *betergas* verò præstantissimas, vulgò cognominatas Laërtiacas, Lib. 4. c. 1.
Lib. 7.

tiacas, siue *del Arta* (quæ plurimæ ibi exsiccata, & alibi siccatis cariores, venum Venetias asportantur) vel maximè celebratur. *Botergæ* quid sint supra explicauimus, vt superfluum sit hîc eadem repetere.

Sinum Laërriacum siue Ambracium sequitur Achelous amnis, hodie *Aspropotamos* & *Geromlea* è monte Pindo fluens, atque Acarnaniam Epiri prouinciam ab Ætolia dirimens, vltimus ab Ortu Epiri terminus. Hic omnium fluuiorum apud Græcos celeberrimus; quem ab Acheloo Ætolia rege nomen sumpsisse putant; de quo mira fabulantur poëtæ: Nam præterquã quòd Oceani & Thetidis, vel, vt alij, Solis & Terræ filium fuisse velint, in varias quoq; formas mutatum tradunt. Cum Hercule pugnam inijsse, ob Oenei Ætolorum regis filiaë matrimonium; sed victum, Amalthææ postea eiusdem regis filiaë procum extitisse, vini præterea mistionem inuenisse. Hinc verò apud veteres inoleuit, vt aquaë omnes quæ vini mistionibus essent aptæ, Acheloia vocarentur. Huius enim fluminis aquas suauissimas, & saluberrimas antiqui crediderunt.

Peculiares quondam Epirus reges habuit, sub quibus multo tempore floruit, dein à Macedonum regibus subacta, plurimos annos illis paruit. Post Macedonum regnum, cuncta in Romanam ditionem concessere. Demum Romano Imperio labente, Turcarum dominio accessit, cui etiamnum subest; regiturque per Saniacum, qui in Deluino vico, in mediterraneis posito, ac sesqui diei itinere à Bastia domicilij sedem habet. Sed iam satis de Epiro: ad institutum reuertamur iter.

C A P V T I X.

Ithaca, Cephalenia, & Echinadum Ionij maris Insularum descriptio.

DECIMOQVARTO Kalend. Septembris Epiri radentes littus, Preuesam Continentis urbem, ac Sanctam Mauram, quarum supra meminimus, itemque Ithacam, Cephaleniam, & Echinades, Ionij maris Insulas ventis secundis ac fauente Æolo præterlegimus. De Preuesa, & Sancta Maura modò egimus: superest vt de reliquis aliqua referamus.

Plin. l. 4. c. 12
Strab. lib. 10

ITHACA Homerici Vlyssis quondam dominio illustris, qui & Ithacus ab eâ dictus est, Ionij maris est Insula, è regione Sinus Ambracij sita, iuxta Cephaleniam, à quâ angusto freto interiacente dirimitur, ambitu suo, teste Plinio, 25. millia passuum cōtinens, vel secundum neotericos 50. millia. Eius forma oblonga, sinuosa, & anfractibus plena: ideoque portuosa. Sicum habet montosum, & arduū saxis, cuius Maro meminit:

Odoid. 3.

— *Et Neritos ardua saxis.*

Olim siquidem Neritos etiam à monte eiusdem nominis appellata, nunc Teachia à nautis dicitur, estq; obscura penitus, & exulum sedes:

corum.

eorum præsertim, qui à Corcyra, Zacynthi, & Cephaleniæ magistratibus proseribuntur. Ob continuas quoque prædonum & piratarum direptiones nequaquam tuta, & habitatore infrequēs, pascuis alioquin vberissima. In eā oppidum est eiusdem cum Insulâ nominis, neglectum, & ruinis deforme. Eius frequens apud Homerum fit mentio: nam & Vlysses post reditum in patriam specie mendici, Penelopes procos Odyss. lib. 13 ad vnum omnes hîc trucidasse scribit; eamque apud Orientem & Occidentem solem nauigantibus notam, & in primis pueris educandis optimam, salubremque; & licet asperam, neque equis ferendis aptam: frumento tamen, vinoque vtilem, ac capris bubusque pascendis accommodam testatur. Hîc enim (vt idem ait) imber continuus, rosque virens, sylua omnimoda, irrigationes toto durantes anno adfunt.

CEPHALENIA, quondâ Melena, vt Plinius vult, quæ & Dulichium, Lib. 4. ca. 12 Same, & Taphos appellata, in Ionio mari sita est. Dicta autem Cephalenia, vt quidam volunt, à capitis formâ, quam ab austro adnauigantibus eminus repræsentat: alij autem quod Ionij maris Insulis imperauerit, ac caput extiterit, nomen accepisse putant. Strabo à Cephalo Amphitryonis, vel Deionei filio nominatam, populosque Cephalenes dictos, eamque tetrapolim fuisse, scribit. In eâ quippe Same, Ceritus, Dulichium, & Petilia præclaræ quondam vrbes extitere: quæ nostrâ hæc ætate dirutæ penitus, & ruinis plenæ, nil nisi nomen retinuerunt. Inter vrbiæ rudera, vbi maxima etiamnum veterum ædificiorum extant vestigia, sæpe numismata non in ære tantum, sed in argento, atque auro effabrè excusâ, Græcis Latinisque nominibus inscripta, passim effodiuntur. Ambitus Insulæ (vt Strabo notat) trecentorum stadiorum est; secundum neotericos 160 milliariû: Longitudo autem 80. latitudo 40. milliariaria complectitur. Formam refert ferè triangularem. Ab Ortu Clarentium est vulgò *Chiarenza*, veteribus Sicyone, quondâ Sicyoniæ vrbs maritima; ab Occasu mare Siculû; à Meridie Zacynthû, ac mare Libycum spectat, ab Aquilone Corcyram respicit, & Ithacam, distatque à Zacyntho 12. millibus passuum, freto vtramque diuidente; quod vulgus nautarû Canale Zacynthi seu *Canal del Zante* nuncupat, quemadmodum angustias maris, quæ ex aduerso Insulæ latere sunt, & eam ab Ithacâ dirimunt, Canale Guiscardi seu *Canal Guiscardo*. Regio omnis in colles vallesque vberes distincta, syluis opaca, & vberissimis pascuis diues, gregibus atque armentis abundat: Frumento item, vino optimo, Oleo, Serico, Murice, Mannâ, Melle, Vuis passis, Lanâ, & Caseo copiosa est. Ex lanâ stragulas vulgò *Sclauinas* in maximâ texunt copiâ, easque ad vsum remigum Venetias venum exportant. Sed (vt nihil est ab omni parte beatum) aquis dulcibus indiget, paucisque fontibus irrigatur.

Cæterum in vndeviginti regiones *Pertinentiis* vulgò indigitant, quibus varia imposita sunt nomina, diuiditur. Harum quælibet plurimos sub se pagos habet, quos *Casalia* appellant, exiguos & infrequentes omnes. Plurimis verò & tutissimis gaudet portubus, Argostoli, Guiscardo, Valle Alsâ, Sochino, & Atteriâ: quorum omnium maximus est Argostolis, ad australe positus Insulæ latus, classis quantumvis numerosissimæ capax. Vnicam tantum nostrâ hac tempestate urbem, cognominem habet, ab Argostoli sex millibus passuum distitam, naturâ & opere munitissimam: supremo namque in montis vertice condita, & propugnaculis firma, ambitu suo octingentos circiter passus continet, cui suburbium cohæret satis amplum, & frequens; in quâ Venetus magistratus Prouisor dictus, habitat, atque incolis Reipublicæ Venetæ nomine (cui Insula tota subiecta est) in iure dicundo præest, & rempublicam administrat. Huic assidet & alter patritius Venetus, qui velut à consilijs pari potestate, atque auctoritate publicâ insententijs dicendis suffragia cum Prouisore fert, & iustitiam omnibus dicit. Quæsturam etiam exercet, & publicæ pecuniæ Prouisoris auctoritate (penes quem vti supremum magistratum summa rerum est) administrationem habet. Vterq; autem magistratus biennalis est, & præscriptis legibus iuxta morem Venetorum populo ius dicit. Incolæ vt plurimum Græci, Itali perpauci. Vtræque gens suis moribus, ac sacris viuit, Latinis Episcopus imperat, Græcis Protopapas. Omnes Græco idiomate vtuntur; plurimi licet Italicam quoque calleant linguam; quam in causarum disceptationibus apud magistratus Venetos, alijsque publicis negotijs in vñu habent.

Lib. 3. Dec. 4.

Lib. 3. §. 10

Insula hæc Vlyssis & Laërtis dominio quondam paruit, quam postmodum Marcus Fuluius consul (vt author est Liuius) Romano Imperio subiecit; cui ciuitates omnes (vnâ Samo exceptâ) vltro sese dedidere. Hæc tamen post quadrimestrem obsidionem vi capta, & expugnata, penitus deleta, & diruta, vltimum excidium passâ est. C. Antonius Marci Antonij patruus hic exul à patriâ moram traxit, & in eâ urbem condidit, ac vniuersam Insulam tanquã peculiare prædium subiectam habuit. His vltimis sæculis post varios casus ad Venetos deuoluta est: quibus etiamnum paret.

Strab. lib. 10

ECHINADES Insulæ tres numero sunt, desertæ, saxosæ, exiguæ, ac paruis interstitijs seiunctæ; adeoque marini potiùs scopuli dicendi, quàm Insulæ: vna quidem maior alterâ, infructiferæ tamen omnes: quarum nomina antiquitus fuere, vt Strabo putat, Thoïs, Same, & Dulichium, seu Dolicha: quod item Virgilius innuere videtur, vbi de his, circumvicinisque Insulis meminit:


Iam

*Iam medio apparet fluctu nemorosa Zacynthos,
Dulichiumq; Samosq; & Neritos ardua saxis.*

Nomen autem Echinadum (vt Strabo putat) à maximâ Echinorum Lib. 8.
copiâ inter laxa vicina hærentium sortitæ: hodie mutatis nomenclaturis *Culolares* siue *Curzolares* à Græcis Italisque nuncupantur. Sitæ sunt ad ostium sinus Corinthiaci, quem Turcæ *Inebachinum*, Veneti Culsum Lepanti, *Golfo di Lepanto*, vocant, à Lepanto Ætolix vrbe maritimâ; quam veteres Naupactum dixere, ad dextrum eiuldem ostij sitâ latus. è cuius regione Patraßum oppidum est, priscis Patræ, Achaix quondam vrbs maritima, Andreæ Apostoli martyrio celebris, à quo item sinus Corinthiacus nomen hodie sumpsit, Patraßi culphus, *Golfo di Patraßo* vulgò appellatus. Distant Echinades à Continenti Septentrionem versus viginti millibus passuum, respiciuntque ab Ortu Lepantum oppidum, à quo absunt triginta quinque milliaribus, ab Occidente Sanctam Mauram, à qua 45. millibus passuum seiunguntur, à Meridie Zacynthum, distantem circiter 80. millibus passuum. Famosissimæ hæ Insulæ & in æternum memorandæ, licet infructiferæ, & desertæ omnino, nostrâ hac ætate in omnium ferè ore versantur, ob victoriam à multis seculis inauditam prope easdem à Christianis contra Turcas partam. Percusso quippe fœdere inter Pium Quintum Pontificem Maximum, Philippum Hispaniarum regem, & Senatum Venetum, eiusque fœderis & copiarum declarato Imperatore Ioanne Austriaco, Caroli V. Imperatoris filio, communibus viribus classe ingenti paratâ, potentissimum hostem adorti, vniuersam hostilem classem, deleuere, triginta duntaxat exceptis triremibus. quibus Vluzalis Archipirata fugâ arripuit. Accidit hæc pugna naualis ipsis Nonis Nouembris anno salutis 1571. qui dies D. Iustine Virgini ac Martyri sacer, quotannis apud Venetos in tantæ victoriæ memoriam solemnis est. Fuere in eo conflictu præter spolia immensâ, quæ in potestatem Christianorum venere, cæsa cum Ali Bafsâ, supremo naualium copiarum, duce, hostium viginti quinque millia, capta quatuor millia, liberata Christianorum mancipiorum quatuordecim millia.

CAPVT X.

*Zacynthi Insula, & sepulchri Ciceronis ibidem reperti descriptio,
& brevis elucidatio.*



PLIN. l. 3. c. 19 PROXIMA nocte Zacynthum Ionij maris Insulam, à Zacyntho Dardani filio, qui in eâ olim imperium habuit, sic dictum, *Zanthe* hodie Venetis appellatam abrasimus. Distat Occidentem versus à Cephaleniâ duodecim millibus passuum, ab Ortus Strophades Insulas habet, à Meridie Aphricum mare, à cuius continenti 150. millibus passuum distinguitur, à Septentrione Chelonatam maritimum Elidis oppidum, hodie Castrum Tornesium *Castel Tornese* appellatum, in edito situm colle, cui antiquitus Promontoriû Cheloniticum nomen fuit, spectat: à quo non amplius 12. millibus passuum abest. Sunt qui Hierosolymam hanc Insulam quandoque dictam, & à Veronicâ piissima foemina ad Christi fidem conuersam narrât. **LIB. 4. c. 122** Plinius Hyriam aliquândo appellatam scribit. Circuitus iuxta Plinium 36. millia passuû colligit, alij 60. millia complecti dicût. **LIB. 10.** Strabo vltra 160. stadia ambitû ponit. Quâ Orientem spectat, montosa tota, quâ Septentrionē, atq; in mediterranea amœnis vallibus ornata, fructiferâ, cultissimam, fertilissimamq; vbiq; se exhibet. Vallium maxima, latitudine decem, longitudine 15. millia passuum. conti.

continere dicitur. Aëre gaudet saluberrimo, arboribus cuiusvis generis, ac fructibus, aureis præferrim, citreis, Punicisque malis vel maximè abundat: fontibus quoque & aquis optimis dulcibusque scatet: vini & olei in primis feracissima, frumenti non item. Vuis adhæc Corinthijs, quas Itali passulas vocant, copiosa: quarum pretium (quod ex illis venditis annuatim conficitur) ad centum & quinquaginta millia ducatorum adscendere fama est. Ea propter complures in hac Insulâ mercatores cum Veneti tum Angli abhinc annis aliquot sedem fixere, vuas coëmentes, quas sacco inclusas, nauibus venum per vniuersam ferè Europam exportant. Carnibus aut caseo, cum nulla aut perpauca habeat pascua, maximè indiget. vtrumque tamen ex oppido vicino, in opposito Continentis littore sito, cui Castrî Tornesij nomen est, abundè satis aduehitur, vt incolarum necessitati satisfiat; qui hæc aliaque ad vsum & victum quotidianum necessaria, è continenti vili admodum consequuntur pretio. Pagos quadraginta octo frequentes admodum continere dicitur, præstat cæteris ædium & habitatorum frequentia Velines, ad occiduum positus Insulæ latus: queni mille domibus constare dicunt. A latere meridionali Salinæ visuntur publicæ, amplissime, è quibus maxima salis copia summo Reipublicæ emolumento quotannis colligitur. Plurimi hic portus. ab orientali latere, itemque australi sunt Pelosus, Littachius, Pigalachius, & Sculicadas. ab occasu Nattæ portus, omnium capacissimus; licet non omnino tutus, frequentatus tamen ab omnibus ferè nauibus, quæ ex Occidente in Crætam, Cyprum, Græciam, Syriam, & Ægyptum nauigant: quæ item ex Oriente ad proprias sedes remeant. Nullas enim aut perpaucas inuenias, quæ vel in aditu, vel id reditu ex Oriente hunc portum non petant, & eo appellant: idque præcipuè ob commodissimam atque ad vela ventis danda aptissimam stationem, & aquationem vberrimam. Ab Aquilone D. Nicolai portus est, sic dictus à fano vicino, in ipso littore exstructo; commodus vtrunque, ac satis capax, ventis tamen septentrionalibus obnoxius. Iuxta est suburbium satis amplum & frequens, eiusdem cum Insulâ nominis, hemicycli formam referens. Id portum circumdat, ac longitudine suâ à Septentrione in Meridiem duobus circiter millibus passuum protenditur; latitudine verò ab Ortum in Occasum, vbi maxima est, quasi quingentis passibus patet, iungiturque monti proximo; in quo arx seu vrbs primaria condita spectatur. Priuatorum ædes, quas numero ad quatuor millia esse ferunt; exiguæ pleræque & humiles, atque vnus tantum contignationis sunt, sine fumarijs, vt minori damno (cum frequentes sint ibi terræ motus) labantur: nam si additis fumarijs maiores altioresque extruerentur, terræ motu concussa, grauiori damno caderent. A meridie riuulus Camurra suburbium præter-

fuit, ac mox in mare labitur: cuius aquæ fâlsedine mixtæ non admodû salubres sunt. Præter hunc, itemque alterum nullos alios Insula hæc riuos habet. Visuntur passim ad radices proximi collis veterum ædificiorum rudera complura, mussiui item seu tessellati operis pauimēta, prisci illius seculi monumenta. Ad Septentrionale suburbij latus templum extat Diuæ Mariæ Gratiôsæ titulo insignitû, cui cohæret Minoritarum monasterium satis elegans. Cuius dum fundamenta iacerentur anno salutis 1544. ipsis nempe Kal. Decembris, erutum inter rudera fuit sepulchrum quoddam peruetustum, & lapideum, his insculptum literis:


M. TVLLI CICERO
H A V E
E T T V T E R T I A
A N T O N I A.

quo aperto, intus repertæ fuere urnæ seu ampullæ vitreæ duæ: maior cineribus, minor aquâ referta erat. Hinc existimatum illam Ciceronis cineres, hanc amicorum lachrymas continere: cui fidem facit fundi maioris altera inscriptio, in ambitu concaui insculpta his verbis.


A V E M A R. T V L.


Erant autem urnulæ formâ & magnitudine sic ad vnguem expressæ, ut in adiunctâ tabellâ videre est: quibus faciem addidimus sepulchri, prout illam Venetias delatam in ædibus Illustrissimi viri Federici Contareni, D. Marci Procuratoris amplissimi, ac rei antiquarię studiosissimi asseruatam vidimus. Urnulas verò aliò asportatas intueri haud datum fuit: depictas tamen formâ hac eâdem apud eundem Contarenum conspeximus.

LACHRIMARVM
VRNŪLA



MAIORIS VRNÆ CINERVM
FUNDVS.





M·TYLLI CICERO
HAVE.
ET TV
TEPTIA
ANTONIA

Quomodo autem eò Ciceronis reliquię delatę sint, monumentum-
 que hoc ipsum illi sit erectum, vt rem ab ætate nostrâ remotissimam,
 haud faciliè dixerim. Satis tamen constat ex Liuiio, Appiano, & Plutar-
 cho, quod cum triumviri Octavianus Cæsar M. Antonio Ciceronem, Lib. 120.
 quem Patrem appellare solebat; Antonius verò Cæsari L. Cæsarem, Lib. 4.
 auunculum suum, & M. Lepidus L. Paulum fratrem viros consulares, Plutarch. in
 nefandâ permūtatione necandos concessissent: Cicero vbi hæc verè vit. Cicer.
 audiuit, desperatis rebus, præsertim ex suâ, filij, & fratris, ac fratris filij,
 omnium denique necessariorum & clientum amicorumque proscri-
 ptione, vrbe eo consilio abesse voluit, vt in Macedoniam ad Marcum
 Brutum trajiceret. Primò igitur in Tusculanum fugit: inde transuersis
 itineribus in Formianum veniens, Caietę siue Asturię nauem ingres-
 sus, Circeios vsque nauigauit. Ibi propter ventos aduersos maris tem-
 pestate deterritus, cum in terram descendisset, tædium tandem eum &
 fugę & vitę cepit. Regressus autem ad superiorem villam, moriar (in-
 quit) in patriâ sape seruata. Tandem peruicerunt liberti, & serui, qui
 cum ipso erant, vt iterum nauigaret. Cum igitur ipsum lecticę imposi-
 tum ad mare referrent, adfuere satellites, cum Cn. Popilio Lænate le-
 gionario milite, qui iussu M. Antonij Ciceronem patrem patrię, & pa-
 tronum suum in parricidij iudicio prominentem ex lecticâ depositâ,
 eius mandato, præbentemq; ceruicem immotam, caput tribus feriens
 secansque vulneribus, manibus quoque, præsertim dextrâ, quâ Philip-
 picas scripserat, præcis, crudelissimè obtruncauit ante Christum na-
 tum anno XL. ætatis verò suę LXIII. aut sicuti Aurelius Fuscus apud
 Senecam testatur, LXIV. Ciceronis deinde caput ac manus Romam
 delata, aspexit diu summâ lætitiâ exultans Antonius: & Fulvia eius
 vxor (Dionis historici testimonio) Ciceronis caput manibus pertra-
 ctans deturpauit, & conspuuit. moxq; super genua imponens, ex ipsius
 ore linguam extraxit, eamque acubus, quibus ad ornatum capitis ute-
 batur, multis non sine contumelijs totam pupugit, & perforauit. Vbi
 verò mulier nequissima hac immanitate, & Antonius illo spectaculo
 per diem oblectatus & satiatus est; iussit per contumeliam caput inter
 duas manus pro Rostris affigi; & Popilium ducem satellitum corona-
 uit, adornauitque donatum ducentis & quinquaginta Drachmarum,
 Atticarum millibus, hoc est, vt nunc subducunt, viginti quinque milli-
 bus aureorum. Reliquum verò corpus quò aut delatum, aut à quibus
 sepulchro mandatum fuerit, nusquam me legisse memini. Quamob-
 rem crediderim, aut verisimile putauerim, libertos & seruos, qui cum
 Cicerone erant, & quieti iussu domini passi fuerant, quod fors iniqua, &
 M. Antonij impietas tulisset in eum, accepisse cadauer, & combussisse,
 & mox conscendentes nauem ad nauigandum paratam, cum cineribus

ipſius, & forſitan vxorē, & alijs propinquis, & amicis ex timore bellorū ciuiliū Zacynthum Inſulam in ipſo nauigationis curſu appuliſſe, ibiq; ab amicis, qui aderant, cineres illos humi cōditos fuiſſe. Deinde Marcū Ciceronis filium (quē Octauianus, vt ſe à Ciceronis traditione, aut nece excuſaret, Pontificem ſtatim declararat, nec multo poſt Conſul factus, ſibi collegam delegerat) in memoriā patris cū in Italiam rediret (in Grāciam enim fugerat poſt patris ſui mortē Appiani teſtimonio) monumentū hoc pro eā copiā quæ Zacynthi erat, faciundum curaffe. Si quidem & in Macedoniā dignas inferias antiquorum more patri perſoluerat; cum illi M. Brutus ad vindictam patris necandum conceſſiſſet C. Antonium Triumviri fratrem; quem captiuum habebat. Aquæ hæc obiter. Nunc reliqua quæ de Zacyntho dicenda reſtant, proſequamur.

Diximus urbem colli inſidere, cuius cacumen (quod arcem cōtinet) mille circiter paſſibus ab urbe diſtat. Hæc idem cū Inſulā nomē habet, atq; ambitu ſuo mille propemodum paſſus comprehēdit: muris autem aggeribusq; & propugnaculis circumuallata, ac milite præſidiario munita, tutū indigenis præſtat habitaculum, ſubiectisq; vallibus & collibus mariq; omni circumquaque longè lateq; dominatur, & pulcherrimum præbet proſpectū. In eā magiſtratus Venetus, titulo Prouiſoris, itemq; Conſiliarij duo patritij & ipſi Veneti, Prouiſoris in iure dicūdo publicā auctoritate aſſeſſores, ſedem habent. Hi præſcriptis ſibi legibus, vt & cæteri magiſtratus, quorū ſuprà meminimus, inſulaniſ iuſtitiam adminiſtrant, & ſingulis biennijs à Senatu Veneto eò ablegātur, ac prioribus iam reuocatis ſuccedunt. Cæterū ſuburbij vrbisq; incolæ & ciues in nobiles & plebeios diſtinguuntur; quorum pleriq; agriculturæ, vel mercaturæ dant operam; plurimi nauticā exercent: rari mechanicis artibus inſudant: ſuntq; omnes ferè Græci; Itali perpauci. Itali Latinos, Græci Græcos obſeruant ritus. Vtrāq; gens peculiarem habet Antiſtitē Græcus in ſuburbio prope Cathedralem Græcorū Eccleſiam, Latinus in urbe habitat; in quā & Latinorum ſummum exſtat templum. Alibi nuſquam ſub Venetorū Dominio præterquam hîc, & Venetijs, fas eſt Græcos peculiareſ ſui ritus habere Epiſcopos. quod eā præſertim de cauſâ lege vetitum eſt, vt rebellionis omnis tollatur occaſio. Cum enim iam dudum experiētiā ipſâ Veneti didicerint rebellionē omnem vt plurimum ab Epiſcopis Græcis initium ſumpſiſſe, illorum vbiq; auctoritatem omnino abrogandā cenſuere. Eā verò ratione in hac Inſulâ Græcū Epiſcopum admiſſum accepimus, vt Græcis ad ſacros ordines promoueri cupientibus ſolatio ſit, nève ad Epiſcopos Turcæ ſubiectos cōferre ſe cogantur. Hinc ſiquis Græcorū è proximis Inſulis Venetę rei publice ſubditis ſacris initiari velit, hunc adit, & eo conferente ſacros ordines ſuſcipit. Porro ciues ipſi, qui cū in urbe tū in ſuburbio morātur, quotannis

annis instar Corcyrensiū peculiaria comitia celebrāt: in quibus Venetis magistratibus præsidentibus, statis temporibus annuos cōmunibus suffragijs creant magistratus. Hi partim annonæ præsunt, partim ciuiliū causarum iudices existunt, & de leuioris momenti litigijs ad vsque 50. libras Venetas cognoscunt: de quorū sententijs ad Prouisorem Consiliariosq; prouocatio datur. Viuant autem omnes Venetorum legibus, stiloq; Veneto causas litesq; expediunt. Homines sunt vt plurimum industrij, ac solertis ingenij, dicaces tamen, leues & subdoli. Etsi verò in plerisq; Venetos imitentur mores, in eo tamen à Venetis planè dissentiunt, quod longè aliter quàm illi horas numerent. Ab Ortū siquidem Solis principium diei statuunt, horasq; inchoant: ac primam horā vocant, quæ prima ab Oriente Sole præterijt, atq; ita ad Solis vsque occasum horarum numerum protrahunt, rursūq; ab occasu Solis primam noctis horam incipiunt, numerumq; horarum ad vsque Solis ortum, continuant. Ita vt quò longior dies fuerit, plures etiā horæ interdiu numerentur, pauciores noctu, & è contra: cum tamen Veneti ab occasu Solis initium horarum sumant, easq; ad sequentis vsq; diei Occidētem Solem, donec 24. horas absoluerint, numerent. Præter milites præsidiarios, qui in vrbe assiduò excubant, adest quoq; equitum seu velitum cohors, quos vulgus *Stradiotas* appellat. Hi ad littus tutandū contra frequentes piratarū depredationes à Senatu Veneto missi, publica stipendia merent. Sunt autem bellatores optimi, & ad rapacitatē proni, scuto in peltræ formam vtuntur, & incuruato ense, quem *Scimitarram* vocant, ac hastâ longiore, bombycinisque vestiuntur thoracibus. Horum equi velocissimi, quibus prosperas incursiones, depredationesq;, vbi in hostem prodeunt, sæpe agunt. Dūcem seu præfectum habent, quem Gubernatorem vocant, cui omnes obtemperāt. His id muneris præcipuè incumbit, vt æstiuo tēpore interdiu noctuq; per vices littus obequitēt, assiduisq; ferè excubijs atque excursionibus Insulā vbiq; tutam reddāt. Quod si piratarū biremes triremesve approximare littori cōspexerint, signo ex edito loco dato, vel igne, vel fumo, prout tēporis ratio postulat, vicinosq; quosq; cōmilitones, Insulanosq; ad arma euocāt, vtq; ad hostes pellendos præsto sint, admonent. Atque ita breuissimo momento tota pernoſcit Insula, quò concurrendum, quidve agendū sit. Hiberno verò tempore, cum ob continuas maris procellas piratis vix tutū sit nauigare æquor, adeoq; minus periculi Insulanis impendeat, ab excubijs vt plurimū cessant, & in suburbio degunt, cū æstate contrā per vicos pagosq; maritimos distribuātur. Vlyſſi olim Troiano bello subditam fuisse Zacynthum, postea Achiuis cessisse, narrant historici: demū in Romano-
rum potestatem venisse, atque à M. Valerio vi captam testatur Liuius. Hodie Venetorum imperio parer, & longā pace floret. Sed iam satis de Zacyntho: rursū iter aggrediamur.

Strab. lib. 10
Lib. 6. Dec. 3.

CA-

CAPVT XI.

*Peloponnesi, eiusq. littoralis tractus, cum Insulis adiacentibus,
breuis descriptio.*



DECIMOQVARTO Kalend. Septembris secundis ventis Peloponnesiacum litus legentes, Strophades siue Plotas hodie *Striuales* Insulas à dextris reliquimus; mox Nauarinum oppidum portu celebre, Prodanum scopulum, Methonem Messeniæ urbem maritimam, Sapientiam, Capream, Coagulon, & Venetikon scopulos, Acrita quoq; promontorium, hodie Galli cuspidem, & Coronem Messeniæ urbem, felici sanè cursu post terga liquimus. Postero die aurâ secundâ increbrescente, sinum Messeniæ, Italis *Brazzo de Maina*, id est Mainæ brachium, Tenarium promontorium, vulgò *Capo Mattapan*, & Cytheram Insulam feliciter admodum præternauigauimus. De quibus singulis, prout in itinere occurrerunt, aliqua referemus, sed primùm de Peloponneso in genere.

EST Peloponnesus, hodie *Morea* dicta, Chersonesus, seu peninsula nobilissima, teste Plinio, totius Europæ prouinciæ, Isthmo angustissimo Helladi annexa, inter duo maria, Ægæum & Ionium, platani folio non absimilis, angulosis recessibus posita; plurimòs habens Sinus, quos efficit multitudo promonteriorū. Præstant cæteris Saronicus, siue Megaricus, itemq; Crissæus, seu Corinthiacus: quorum hic ab Occasu, ille ab Ortum alluit: atque vix sex millium passuum, vel quadraginta stadiorum, vt Strabo vult, angustijs inter sese dirimuntur. Olim Appia, Argos, & Pelasgia dicta, postea à Pelope Tantali regis Phrygum filio Peloponnesi nomen accepit, nostro hoc æuo à Venetis, Italisq; ac Græcis *Morea* vocitatur, vt & supra memorauī. Strabo totius Græciæ arcem eam appellat: nam (vt idem inquit) præter habitantium in eâ gentium nobilitatem atque potentiam, ipse locorum situs principatum, designat & imperium. Ambitus, authore Plinio 563. millium passuum, est: neoterici sexcenta millia colligūt. Longitudinem ab Isthmo Metonem vsque 170. milliarium statuunt, latitudinem pænè parem volunt: quod & Strabo sentit; qui ab Occasu in Ortum stadia mille & quadringenta ponit. Isthmum siue angustias illas, quibus Achaïæ seu Helladi Peloponnesus annectitur, authore Plinio perfodere nauigabili alueo tentauere olim Demetrius rex, Cæsar dictator, Caius Caligula, Domitius Nero, infausto (vt omnium exitu patuit) incepto. Huius Isthmi medium Corinthus, nobilis olim Achaïæ vrbs, Romanorum postmodum colonia, clara quondam opibus, post clade notior, occupauit. Hæc à Cicerone totius Græciæ lumen appellata, eò potentia propter situs oportunitatem excreuit, vt vix Romanæ vrbi concederet, tantumq; in fastum euasit, vt Populi Romani Legatos iniuriosius appellare, & (si Straboni credimus) etiam sordibus perfundere non dubitaret. Quare commoti Patres, cum etiam antea crescentem indies vrbis potentiam suspectam haberent, bellum illi inferendum censuerunt. Eò itaque

missio ingenti exercitu, duce *L. Mummi* obsessa, capta, & tota flammis absumpta, soloque æquata est; & solo post se relicto nomine penitus interijt, ac longo tempore deserta iacuit: donec tandem post magna interualla eam Iulius Cæsar restituit, & missis eò frequentibus colonis generis Libertinorum, Latinam coloniam effecit. In huius vrbs conflagratione, quotquot erant in vrbe statuae, & aureæ, & argentæ, & æneæ, in vnum conflatae æri Corinthiaco nomen dederunt: fecitque opulentissimæ vrbs iniuriâ æris notam pretiosiores, vt inde optimum semper habitum fuerit. Hodie in ipso Isthmi medio arx est Acrocorinthos nomine, vtrumque mare contuens, monti eiusdem nominis imposita, triginta stadiorum adscensus, vt Strabo refert: ad cuius radicem fons Pirenes apud poëtas celebris, scaturit. Græci Principes, Turcæ potentiam ac vicinitatem veriti, à mari ad mare ducto per angustias muro, Peloponnesum à reliquâ Græciâ secluserunt, murum ipsum appellantes Hexamilon; quem postea Amurathes Turcarum Imperator, Græcis dormitantibus, atque inter se dissidentibus, & pauore percussis, dirutum, tandem solo æquauit: eundemque licet Veneti postea anno salutis 1453. authore Aloisio Lauredano classis Imperatore rursus restaurauerint, duplicique fossâ per quadraginta stadia ductâ, egregiè communierint (quod quidem opus quindecim dierum spatio triginta hominum millibus tantæ moli diu noctuque operam dantibus, perfectum fertur) paucos tamen post annos immanis rursus Turca funditus diruit: ac superatis, Thomâ, & Demetrio fratribus Peloponnesi Principibus, expulsisque Venetis, totam Peloponnesum occupauit, atque etiamnum possidet. Regio ferè omnis soli fertilitate nulli terræ secunda est, in colles, planitiesque amplas, ac valles ubique amœnas, fructiferasque distincta; atque amnibus irrigua, paludes & lacus exhibet piscibus abundantes: portubus insuper, sinubus, & promontorijs plurimis nobilitata. In octo verò prouincias (vt author est Ptolomæus) nominis claritate eximias, amplisque rebus publicis insignes, & celebres olim diuisa fuit: è quibus prodire plurimi fortissimi herôes, Agamemnon, Menelaus, Ajax, Nestor, alijque. Prouincijs hæc quondam indita nomina, Sicyonia, Messenia, Laconia, Corinthia, Arcadia, Achaia, Elis, & Argia: quæ hodie apud Turcas in obliuionem penitus & desuetudinem abiire. Amplissimis adhæc habitata fuit vrribus: inter quas claruere Corinthus, Megalopolis, hodie Londarium, Argos, Mycene, Lacedæmon, Patræ, Messena, Corone, Metone, Elis, Pisa, & Tiryntha Herculis Iouis ex Alcmena filij patria, vnde Tirynthius dictus est: cuius laudes duosque labores Virgilius elegantissimè descripsit. Vrbes hæc omnes vti & cæteræ, paucis exceptis, dirutæ & solo æquatae nil præter nomen reliquere. Et si verò à veteri gloriâ,

Lib. 8.

Lib. 3. Geograph. c. 16.

Aeneid. 8.

gloriâ, potentiâ, frequentiaque degenerauerit, ac plurimum diminuta sit; attamen rerum omnium abundantia, ac populi frequentia reliquam Græciam etiamnum superat. Amnes in eâ celebres Asopus, Alpheus, Pamisus, Eurotas: quorum nomina hodie exoluere. Mutatis enim nomenclaturis Asopus Arbon, vel Peneius, vel Iliacus, Alpheus Rofeas, vel Orfeas, Pamisus Stromius, nec non Pirnat-zus, vel Pinatzus, Eurotas, Basilopotamos, vel ut alij volunt, Iris, Inachus Planiza dicitur. Montes præ cæteris clari olim fuere Taigetus, Cronius, & Pholoë: quorum nomina hodie etiam murata sunt. Plurimas habet adiacentes Insulas, Strophades, Primam, Sphragiam, Thigamusam, Citheram, Eplam.

Strophades aliàs Plotæ, vel ut alij volunt, Cyparissia, nunc *Strinales* appellatæ, duæ parvæ sunt Insulæ in alto mari sitæ, ac quinquaginta milliū passuum interstitio ab Continenti siue Elide (quæ est regione est) diuisæ. Harum situm faciemque infrà (vbi de reditu in Italiam agitur) describemus.

Nauarinum vulgò *Hanarino*, cui Pilus olim nomen fuit, antiquissima & clara Messeniæ vrbs, ac Messeniorum quondam nauale, & Nestoris sedes, insigne Peloponnesi est oppidum maritimum, iuxta Strab. lib. 8. Coryphasium promontorium, commodo & capacissimo portu ditatum, quem vulgus nautarum luncum *Capo Zunchi* appellat: Id Venetis quondam paruit fascibus, & munitissimum fuit: verum post captas à Turcis Methonem & Coronem, Peloponnesi vrbes, ab Carolo Contareno arcis custode metu exterrito, Turcis est deditum: qui paulo post ob turpem ignauiam à Benedicto Pesareo architalasso Veneto capitali supplicio affectus est.

Haud procul inde à Continenti secretus, Prodanus iacet scopulus, desertus omnino, & inhabitatus: cui olim Primæ & Prote nomen fuit, ingenti aprorum siluestrium copia celebris.

Ordine deinceps Methone occurrit, antiquissima Messeniæ littoralis vrbs. Hæc olim Pedasus appellata (ut Strabo putat) vna ex Lib. 8. septem vrbibus fuit, quas Agamemnon spondit Achilli. Hic Marcus Agrippa Bogum Maurisiorum regem Antonij partes sequutum in Aëtiacâ pugna supplicio affecit, locumque inter nauigandum interceptit. Hic Vluzalis archipirata, vltimò contra Turcas bello, dum deletâ Christianis Turcarum classe fugam caperet, cum triginta triremibus se seruauit. Thucydides Methanam appellat: hodie *Modona* vocatur, estque munitissima vrbs, portu insignis, & Saniacci totius Peloponnesi sedes. Hic inter cæteros Osmânici Imperij Saniaccos primas tenet, diciturque vulgò *Morabegi*, quasi Moreæ dominus, estque ob latum Imperium, summamque potentiam, cuius etiam Bassæ comparandus.

Largo autem alitur stipendio, ad septingenta millia asprorum annua: quæ nostræ monetæ quadraginta nouem millibus florenorum respondent. Mille præterea equitum præfecturam agit, quos ad nutum Græciæ *Begliarbei* cogit. Vrbs hæc Venetis quondam paruit: qui eam eiectis inde prædonibus suæ ditioni authore Rainero Dandulo classis Imperatore adiecere, præsidioque munitam firmarunt, atque ad Baiazethis Imperium vsque feliciter tutati sunt. Is enim cum urbem classe (duce Acmat Balsâ) trecentarum propè varij generis nauium, terrestribus item copijs, quibus ipse præerat, centum & quadraginta armatorum millium terrâ marique obsedisset, ac frustra plurimis oppugnationibus expugnationem tentasset, adeoque maximâ suorum strage toties repulsam passus, obsidij solutionem cogitaret; tandem casu quodam nullo ferè negotio occupauit. Quatuor siquidem triremes commeatibus, bellicis instrumentis, ac milite onustæ, subsidio obsessis à Venetis missæ cum portum adnauigassent, milites & oppidani relictis stationibus, vt præsidium exciperent, vrbe effusi, læti ad portum & mare procurrerunt: quod cum ab hostibus animaduersum esset, illi se mutuo cohortati mœnia defensoribus nudata conscendunt, & irruptione facta, ac cæsis obuijs vrbe potiuntur: quam & in hunc diem occupant.

Lib. 3.

E regione Methonæ parua jacet Insula, Sphagia olim Oenus, & Splatteria, siue Sphaëteria (vt Strabo scribit) hodie Sapientia dicta, duobus millibus passuum à Continenti dirempta, deserta modò & inhabitata: portu tamen satis comodo & capaci nobilis.

Haud procul inde tres aliæ sitæ sunt Insulæ, seu scopuli potius marini, Acritæ promontorium (quod vulgus nautarum Galli cuspidem, *Capo di Gallo* nuncupat) spectantes; quarum maior Tiganusa veteribus fuit, hodie *Capreiam* nautæ vocant; reliquæ *Venetikon* & *Coagulon* nomine nautis notæ sunt, omnes quidem desertæ, & habitatore vacuæ.

Methonem sequitur Acritus seu Acritæ promontorium, & Messenij sinus initium, in quo vrbs Corona jacet, distans à Methona duodecim ferè passuum millibus, si terrestri itinere petatur, mari verò paulo minus viginti. Nam Acritæ promontorium medio ferè intervallo in mare procurrit, & in læuo promontorij littore sensim littora curuantur, & sinum efficiunt, 80. milliarium circuitus, in quo sita est Corona, adeò porrecta in pelagus, vt magnâ ex parte maris fluctibus alluatur: altera pars cuneata in latam cuspidem, transuerso muro sex turribus insigni, & ferratâ portâ, proximam littori (quam Insulam vocant) penitus excludit, & ita à mari recedens paulatim attollitur, vt perpetuo saxo mœnia imposita ad trianguli formam oppidum efficiant. Propè eam Pamisus affluit amnis: estque duplici nauium statione percommoda, atque
vrbs

vrbs munitissima. Hæc quoque Venetis quondam paruit, qui arce firmissimâ altâ in rupe positâ urbem optimè munierant: sed eandem quam Methona passa fortunam, Osmannico tandem jugo se subdidit. Post expugnatam namque Methonam, Coronæi Methonensium casu perterriti, vltro se Turcis dedidere. Etsi verò postmodum ab Andreâ Auriâ fuerit per deditionem recepta, tamen à Turcâ rursus expugnata, & recuperata etiamnum eius paret Imperio.

Post Messeniæ sinum (qui ab vrbe proximâ, vulgò Culphus Coronæ, *Golfo di Coron*, appellatur) Mainæ occurrit portus, aliàs Mainæ brachium, ita dictus, quod montibus vndique præcinctus, brachij curuati similitudinem referat. Cui item Qualliarum portus nomen est: vnicum nauigantibus in toto illo Peloponnesiaci littoris tractu in tempestatibus refugium, tutissimamque nauibus præstans stationē. Qualliarum autem nomen sortitus, ab ingenti & innumerabili coturnicum copiâ, quas Itali à sono vocis *Quallius* vocant, quæ in vicinis scopulis ad stuporem intuentium nidificant.

Incolæ continentis Mainotæ vulgò appellati, agreste & ferox genus hominum, loricâ induti arcum in manibus gestant, & nullius parent Imperio; sed rapinis & latrocinijs assueti; obscuram ducunt vitam; Christiani nomine, sed re ipsâ barbari, & exleges planè. Oppidum edito in colle haud procul à portu conditum (cui Mainæ nomen est, ac Leactrum olim appellatum nonnulli putant) montesque vicinos incolunt. Fuit id quondam munitissimum, & in arcis formam à Turcis exstructum; postea tamen à Venetis Marci Quirini auspicijs expugnatum: qui trucidato præsidio, & plurimâ prædâ, ac triginta & amplius æneis machinis ablatis, ne hostis denuo occuparet, solo æquarunt: vt hodie præter rudera nihil reliquum sit.

Mainæ portum ac Leuctri oppidum subsequitur Tenarum, siue Tenarus, aut Tenarium promontorium, hodie *Caput Mattapanum*, *Capo Mattapan* Sacrâ Neptuni æde, propinquaque speluncâ (per quam, Strab. lib. 8. Cerberum ab inferis reductum ab Hercule fabulæ canunt) quondam celebre. Sequitur dein sinus Laconicus, inter Tenarum & Maleam promontoria medius, quem vulgò *Culphum Colochina*, *Golfo di Colochina* indigitant.

Horsum prominet intra stadia 40. Cythêra Insula, aliàs Scotera, & Porphyrsa, vel secundum Plinium Porphyris seu Porphyritis à marmorum eius generis frequentia. quam (vt Strabo refert) Eurycles Lacedæmoniorum dux suâ ætate in peculiaris juris possessionem vendicauerat. Hodie *Cerigo* Italici Græcisque dicta, ad Venetos pertinet. Circumcirca pusillæ quædam Insulæ seu scopuli potius marini partim propiores, partim aliquanto remotiores adjacent. Distat autem à Za-

*Strab. lib. 8.
Lib. 4. ca. 12*

cyntho milliaribus circiter trecentis, ab ultimo verò Peloponnesi ad Ortum angulo (prisca Maleæ promontorio) quinque, à Creta quinquaginta; poniturq; vltima ex Cycladibus Insula. Sunt autem Cyclades maris Ægæi Insulæ numero 74. sic dictæ, quod cycli in morem rotundæ dispositæ sint: vulgò *Isole del Arcipelago* dictæ, in quarum medio Delos est, prima ad Ortum Rhodus, ad Austrum Carpathus, ad Septentrionem Tenedus, ad Occidentem Cythera. Porro Maleæ promontorium vulgò *Capo Malio* summo cacumine æstate & hieme niuib. operum, nomen sumpsit à Maleâ Argiuorum rege: qui tubam æneam primus inuenisse, & in ipso monte sumptuosissimum Apollini templum construxisse (quod Maleoticum dixit) traditur. In huius templi ruinis sacellum postmodum in honorem Michaëlis Archangeli Christiani ædificârunt, quod etiam nūc exstat. Est autem iuxta Maleæ promontorium difficillima nauigatio; adeò vt nullum esse credatur mare, quod maiores efferat aut periculosiores motus, neque quod magis ab alto immurmurando intonet. Hinc verò fit interdum, vt ex Oriente nauigantes promontorium illud (quod per 50. millia in mare procurrat) trimestri aut quatrimestri spatio vix euadant: adeò enim hic sæua vnda est, vt persequi videatur nauigantes: Virgilio dicente:

————— *Maleæq; sequacibus vndis.*

quod & Statius annuit:

————— *Et rauca (inquiens) circumsonat ira Maleæ*

Sed & venti hic adeò varij, instabilesq; vt sæpenumerò vno eodemq; tempore plures, sibiq; contrarios, atque inter se luctantes esse credas. Hinc mare omne vicinum turbatissimum redditur, frequentiaq; naufragia causantur: vnde natum prouerbiū: Cum Maleam deflexeris, domesticos obliuiscere.

Haud procul à Maleæ promontorio, in ipso Argolici sinus initio, vrbs iacet olim Epidaurum Limera dicta, in differentiam alterius Peloponnesi vrbs Epidauri Æsculapij nomine, in sinu Saronico sita. Hæc hodie præter nomen retinuit nihil; illa etiamnum superest, & à nautarum vulgò Neapolis Maluasiæ *Neapoli di Maluasia* dicitur, à nobili illo maluatico vino, quo eius agri abundant. E regione in eodem sinu ad littus Argium & alia spectatur vrbs, Neapolis Romanæ, *Neapoli di Romania* vulgò dicta, quam Naupliam veteres dixere, Argiuorum nauale. Vtraq; vrbs Venetis quondam paruit fascibus, nunc ad Turcas deuoluta, barbarorum iugum experitur.

Ambitus Cytheræ quinquaginta aut sexaginta millia passuum complectitur, ancipiti autem & valde metuendo pelago, propter angustias ac Maleæ vicinitatem obnoxia est: reliqua etiam maris latitudo tota scopulis

scopulis & cautibus plena spectatur. Regio ferè omnis montosa; vini tamen & olei feracissima. In eâ Venerem conchâ marinâ vectam fabulantur poëtæ; alij natam, & primo cultam, vnde eam (etsi accentus & prosodia repugnet) Cytheream dictam putât; licet alij eandem potius à Cythero Phœnicis filio, vel à Cythera Cypri vrbe, verâ Veneris (vt volunt) patriâ, vel ob celebratum in eâ Veneris templum nomen sumpsisse existiment. Superfunt etiamnum in monte præalto, à portu occiduû versus circiter duodecim millia passuum distito, plurimæ ædificiorum ruinæ, ac rudera peringentia, veteris Cytheræ (vt putant) reliquix: quam idcirco vulgò *Patopolim*, vel *Palæopolim* melius, id est urbem veterem hodie vocant. Iuxta eandem sunt templi vetustissimi amplissima vestigia, quod Veneri olim dicatum autumant. Arcem habet Insula munitissimam, in saxosâ rupe altâ, & vndique præcipiti, vallibus ex omni parte cinctam, loci naturâ, & firmitate inaccessam, & inexpugnabilem; cui vulgò *Capſali* nomen est. In hac magistratus Venetus, quem Prouisorem nominant, Reipublicæ nomine (cui Insula tota subiecta est) domicilium habet, & in iure dicundo, ac iustitiâ administrandâ indigenis præest. Subiacet arci suburbium satis amplum & frequens, Meridiem spectans: aliunde verò arx nisi hac adiri non potest, viâ equidem difficili, arduâ, atque angustissimâ, in ipsa nigri coloris rupe incisâ; nec faciliiori semitâ ex inferioribus ad ipsum suburbium itur. Portu gaudet vtcunq; capaci, comodo in primis, & tuto.

Is à latere situs aquilonari, vulgò Tinæ portus, vel à fano proximo Diui Nicolai dicitur, & ab onerarijs nauibus in Orientem nauigantibus frequentatur. Habet & alium à Meridie portum, quem vulgus nautarum *Delphinium* vocat, nauium stationi non incommodum. Haud procul inde extitisse olim ferunt templum vetustum Helenæ Troiani belli authoris raptu celebre. Incolæ præter præfidiarios milites, qui in arce morantur, pœnè omnes Græci sunt. Vtraque gens Archiepiscopo Cretenſi Romani ritus in spiritualibus paret. Græcis tamen suo more sacra peragere, suiq; ritus habere sacerdotes liberum est.

Circa Meridiem XV. Kalend. Septembris haud procul à Cicerigo Insulâ, Nautis *Cerigorâ*, veteribus *Ægila*, vel *Ægialia*, vel *Epla*, à Cytherâ 25. millibus passuum distante, totidemq; à Cretæ Occidentali promontorio, priscis Cyamo, hodie Sparæ cuspide, vulgò *Capo spada* nauigantibus occurrit Aphricus ventus, nobis omnino contrarius: cui multum frustra obluctantes, & nunc transfuersè, nunc obliquè contra ventum nauem dirigentes, fatigati tandem, cum obniti contra non possemus, proram vertere coacti, ventoq; rapti, in-

Laco-

Laconicum vsque finum delati sumus : rursusque post horam atque alteram ad aquilonem vergente vento , nimbus impetuosissimus cum pluuiâ densâ ac tenebrosâ secutus est : ac ruere cœpit æthere toto turbidus imber aquâ : mox rursus mutati venti,transuersa fremunt,& vesperere ab atro confurgunt (vt ait poëta) atque in nubem cogitur aër. Validis idcirco jactamur vndis : fit clamor ingens , & trepidatio nautarum,verentium ne ventorum rabies in vicinas syrtes (quæ plurimæ in eo mari sunt) nos cum præsentis periculo abriperet. Quare vela celerissime demittere visum est. Verum haud multò post, diuinâ opitulante gratiâ, turbe euauit, & mox,labentibus aliquantulum ventis, velorum iterum pandimus alas,cursusque Cretam versus dirigimus;quam mox procul sublimem conspeximus. Sub Solis occasum placidè Zephyro exorto, eoque prægnantia faciente vela, feliciter admodum progredimur, Cretæque littus eâ nocte legentes, primo diluculo Caneam antiquis Cydoniam, Melecham verticem, priscis Drepanum promontorium,& Rethymum seu Rytimnam Cretæ vrbes maritimas, nec non Sudæ portum (qui veteribus Amphimalæus sinus fuit) hodie totius Insulæ celeberrimum, atque omnium capacissimum, & tutissimum nauium receptaculum,superauimus. Quartâ denique sequentis diei horâ Fraschiæ portum, juxta Dium promontorium *Capo di frascchia* adnauigantes, complicatis velis, anchoras iecimus. Distat is à Candidâ vrbe totius Insulæ metropoli, & regiâ,duodecim circiter millia passuum. Licet autem non omnino tutus sit, ventis quippe aquilonaribus expositus, maximæ tamen onerariæ naues,quæ Candidam petunt,stationem ibi habere, atque anchoras jacere solent, quod Candidæ portus arcto atque angusto claudatur ore, parumque profunditatis habeat,nec præter triremes, ac minores naues, quingëtarum cuparum ad summum capaces, aliàs recipiat.

C A P V T XII.

In Cretam à nauì descensus; ibidemque mora: ac Candidæ vrbis, eiusque magistratum descriptio.

NA v i egredi ad serum vsque vesperum non licuit: nec enim nisi veniâ à magistratibus Candidæ obtentâ in terram descendere vlli fas est. Tabellio igitur ad petendam veniam Candidam scaphâ vt se conferat à Nauarcho iubetur; quo sub Solis occasum reuerso, ac veniam impetrasse se referente, plurimi nauì exiere: pars Candidam rectâ se contulit, pars ad vicinum perrexìt pagum, cui nomen *Gerozodea* est. Distat is à portu duo circiter millia passuum, in proximi montis costâ positus:

positus: In ipso verò adscensus initio ad læuam occurrit littori imposita quadratæ formæ arx (quam *Palæocastrum* vulgò indignant) non ampla, attamen fortissima; quippe quæ in ipsa rupe excisa, fossisque profundissimis, latissimisque circumdata, & propugnaculis firmissimis, ac milite præfidiario munitissima est: vel eo magis cōmendanda, quod portum vicinum ab omni hostili impetu defendat, & piraticas hostilesque triremes facillimè ab ingressu arceat; adeoque & nauibus & triremibus in portu hærentibus securam stationem præbeat. Mons inde paulatim attollitur, & amœnissimæ circumcirca spectantur oræ, Oleis, Lauris, Cyparissis, Myrtisque percultæ. Vbi ad montis medium peruentum est, pagus occurrit satis frequens, situs amœnitate, venustate, pulchritudine, omni denique deliciarum genere adeò nitens, vt nullus spectatium oculus harum adspectu satiari satis queat: ego sanè delectabilius quicquam aut amœnius me nunquam vidisse memini. Cœli hic mira temperies, atque aër saluberrimus. Hic fontes perennes inspicias plurimos, crysalli instar lympidos. Hic hortos & viridaria spectes pulcherrima: in quibus armeniaca mala copiosissimè crescunt, adhæc aurantia, citrina perpetuâ fronde virent; vt toto ferè anni tempore perpetuo Vere fruantur accollæ, cū non solum odoratissimis floribus, sed & fructibus pretiosissimæ hæc arbores onustæ omni ferè tempore conspiciantur. Sunt autem eo ordine seiunctæ, & positæ, vt instar densi nemoris æstiuo tempore contra ardentissimos Solis ardores gratissimam felicissimamque ibi degentibus vmbra præbeant. Nobilissimas has hesperidum plantas alternis ferè diebus olitores aquâ è vicinis fontibus irrigant, eâ industriâ, vt minori quam dimidiæ horæ spatio (licet ambitus sit spaciosus) omnes humectentur. Canaliculos siquidem in ipso solo, quod nonnihil decliue est, ordine certo deductos habent, per quos fontanæ aquæ continuo fluxu ad singulas arbores defluunt: quamlibet verò arborem fossa rotunda, canaliculis cæteris aliquanto profundior, ambit: hæc aquam plantæ irrigationi necessariam recipit, ac detinet: mox impleta, per canaliculum continuum superfluam aquam ad proximam quamque arborem dimittit; atque ita nullo ferè negotio, & exiguo temporis momento omnes circumvicinæ arbores irrigantur. Accedit ad loci venustatem & vbertatem soli viniferarum vitium diuersi generis ingens copia; quarum aliquæ racemos adeò grandes atque vberes producunt, vt etiam decem librarum pondus excedant. Quin, & citrea mala hic adeò ingentia proueniunt, vt nullibi terrarum viderim maiora: quorum plurima humanum caput, quantumvis maximum, magnitudine superant. Hic secus itinera sæpes myrtæ, ac laureæ, Cyparissi etiâ ingentes ac vastæ in viâ ipsâ, quæ ad rurale palatium

ducit, plurimæ videntur; quæ pulcherrimo ordine vtrîque dispositæ, maximam intuentibus oblectationem adferunt. Cæterum tota illa litoris ora adeò culta apparet, vt non solum prætereuntium oculos rapiat, atque delectet; sed vera nympharum sedes (vt est in fabulis) esse videatur. Deniq; tota via iucunda planè est, & placida: ab dextrâ in mare prospectus, ab læuâ fructus, flores, & arbores; quæ hinc inde deductis & murmurantibus irrigantibusque riuus suauissimum odorem exhalant.

Dum verò naus abitur, quæ ad varia lignorum genera, bellicosque apparatus exonerandos publico nomine detinebatur, expectamus, & in Cretâ Insula subsistere cogimur, oportunam naui occasionem inuisendæ vrbi Candidæ, vnâ cum alijs, qui mecum in Gerozodea hæserant, ac nondum urbem inuiserant, eo perreximus, diesque aliquot urbem perlustrando transigimus. Quæ verò interea & aliàs de vrbi situ, conditione, ac statu cognouerimus, paucis annotare visum est.

CANDIDA, vel vt alij volunt, Candia, seu Candax olim Matium, hodie toti Insulæ nomen dat: estque vrbs frequentissima, ac longè omnium quæ in Insula sunt, & maxima, & munitissima, totius Insulæ metropolis, ac sedes regia. Iacet autem ad Septentrionale Insulæ littus, in planitie peramplâ, & cultissimâ, tria circiter millaria ambitu suo complectens, figuramque referens sphericam, ab Occidente & Meridie validissimis cingitur propugnaculis, fossisque profundissimis, rupi incis: ab Orru & Septentrione mare alluit. Cuius extremum aquilonarem angulum arx occupat munitissima, portum despectans, ac detegens; quam mare vndeque alluit; omni annonâ, bellicoque apparatu instructa. In eâ videre est varia inusitatæ magnitudinis tormenta bellica, multiplici fenestrarum ordine ad libellam aquæ ita constituta, vt vel exiguis & humilioribus nauigijs ad urbem accessum, seu in portum ingressum, exitumve facillimè prohibeant. Hæc autem arx saxæ pilâ (molem seu *Molo* vulgò appellant) latâ circiter pedes viginti, vrbi iungitur. Vastum id opus è prægrandibus saxis in mari constructum, portum longitudine æquat, atque ad tuendas à fluctibus naues intra portum securam & percommodam stationem præbet; muroque præalto, quâ parte mare spectat, munitur. Huic ab Orru portus adiacet, tutissimus equidem, sed angustus, & vigintiquinque tantum triremium capax. Contiguum hæret nauale satis amplum, & fabricandis triremibus accommodum, duodecim concameratis constans ædificijs: quæ singula, dum adessemus, triremem omnibus numeris absolutam continebant. E regione arcis Septentrionem versus ad mille circiter passus scopulus iacet, mari circumdatus, olim Dio, nunc Standia, vel Scandia dictus,

Ætus, desertus omnino, atque ob piratarum prædonumque incursiones creberrimas, raris habitatoribus cultus. Urbis portæ quatuor numerantur. Quæ Orientem spectat à fano proximo Diui Georgij nomen habet: quæ Meridiem, Pandocratera, aliàs *Panigrà*: quæ Occidentem, ab angustia *Portella* nuncupatur: quæ verò à Septentrione ad arcem ducit, à Pilâ vicinâ, vulgò Portâ molis, *Porta del molo* dicitur. Ædes pleraque humiles & angustæ, paucis magistratuum, patritiorum, ac nobiliû, exceptis; quæ ex duabus, aut tribus ad summû contignationibus cõstant; cum cæteræ ferè omnes ad vnam tantûmodò cõtignationem assurgât: lapideæ tamen omnes, non rectis, Occidentaliû more, sed subdialibus pauimentis opertæ: in quibus noctû præsertim sub dio dormiunt. Sunt autem eiusmodi pauimenta pedali crassitudine, ex contusâ testâ fistucatâ composita. Vias habet plerasque latas, & rectas; forum item amplum & spaciosum, cuius medium ferè occupat excelsi operis arcus. Iuxta sunt Diui Marci templum elegans, & magistratuum ædes magnificæ. Frequens eo in foro quotidie conuentus est, & deambulatio: certis namque stasisque horis varios hic cum nobilium, tum ciuium, ac mercatorum, militum item, atque aduenarum cætus conspicias. Varijs adhæc Latinorum delubris vrbs ipsa exornata est: nam præter Græcorum plurima, sed angusta, & sordida, atque ex tabulis nonnulla ruditer compacta, octo perampla Latinorum visuntur fana. Præstat cæteris & magnitudine, & structuræ elegantia Diui Francisci basilica, cui adiunctum est Minoritarum monasterium peramplum, vtrumque Alexandri Quinti Pontificis Maximi, Cretâ oriundi, opus. Secundum locum obtinet Augustinianorum Deo Saluatori dicatum, peramplum & id quidem, atque egregij operis ædificium. Accedunt proximè Diuorum Marci, Pauli, Georgij, Mariæ, & Catharinæ insignia sanè & ornatissima templa. Diuæ autem Virginis fano (cui Burgundionum hospitale redditibus opimum contiguum hæret) patricij ordinis Venerus Abbatis titulo præest: diciturque vulgò Burgundionum Abbas: Cuius tituli occasionem dedere piissimi quondam Burgundiæ Duces, qui & templum & Xenodochium in vsum ex Occidente ad Dominicum Sepulchrum Peregrinantium, etfi nunc abolitum, erexerût, ac suo ære dotarût. Sacræ Catharinæ Virginis ædes sub sacrarum Virginum nobilium curâ sunt: quæ ex patriciorum familijs Venetijs oriundis censeris solitæ, monasterium contiguum incolunt: ibiq; res sacra Romano ritu administratur; ac ipsæ Virgines Romano ritu religiosam vitam ducût. Publicis præterea votis ob liberatam à pestiferâ contagione vibem, superioribus annis à fundamentis ædificatum est & aliud Templum formâ octogonâ, necdum cum ibi hæreremus, absolutû, beato Rocho dicatum, non spernendi operis ædificium. Neque prætereunda est

pulcherrimi & vetusti operis basilica Diuo Tito sacra : juxta quam accubat insigne & vetustum Archiepiscopale palatium, Metropolitæ Cretensis habitaculum. In hac corpus Diui Titi, Pauli discipuli (qui primus in vrbe Cortynâ, Cretæ quondam regiâ, ab eodem constitutus Episcopus, Cretensem Ecclesiam rexit) sub arâ maximâ conditum, honorificè asseruatur ; estque in summâ apud omnes, & Latinos & Græcos, veneratione. Archiepiscopalis hæc sedes hodie penes Latinos est, ritusque sequitur Romanæ Ecclesiæ, à cuius Antistite Metropoli ipse inauguratur, & pallium accipit Archiepiscopale. Eius auctoritas latissimè patet: nam in Latinos pariter ac Græcos, Cretenses & Cytheræos ecclesiasticam jurisdictionem exercet; sibi que subiectos habet diœcesanos Episcopos nouem, Cydoniensem, Rethymnensem, Si-tiensem, Hierapetrensem, Chissamensem, Agiensem, Chironiensem, Arcadiensem, & Milapotimensem.

Tres primi in suis vrbibus resident; cæteri (rurales cum sint) in vrbe morantur Candidâ, neque vllam animarum curam habent. Solis autem Venetæ vrbis patricijs, ac nobili genere oriundis hæc dignitas Archiepiscopalis patet, non item alijs: nullus siquidem nisi nobilitate præfulgens à Senatu Veneto (cui ius eligendi à Pontifice Maximo concessum est) ad Metropolitanæ Ecclesiæ regimen admittitur. Ad clauum Archiepiscopatus, cum illic moram traheremus, sedebat Ioannes Contarenius, patricius Venetus, vir summæ eruditionis atque auctoritatis; qui varijs antea Reipublicæ nomine apud externos Principes perfunctus legationibus, multis in Rempublicam meritis ad hanc dignitatem euectus, Laurentio Vetturio patritio & ipsi Veneto non ita pridem successerat. Præ cæteris verò Orientis Episcopatibus Metropolitana hæc sedes Apostolicæ sedis gratiâ plurimis gaudet priuilegijs, & honoribus. Inter alia coccineo tegmine, rubrisque instar Cardinalis vtitur vestibus. Dum verò sacra solemniter celebrat, duos, tresve, aut quatuor à latere assistentes habet Episcopos, qui in vrbe domicilium habere coguntur. Regia hæc vrbs, Venetorum iamdudum colonia, ex ablegatis quondam à Veneto Senatu in hanc Insulam nobilium Venetorum, atque etiam popularium aliquot familijs, mirum in modum indies creuit. Senatus enim Venetus deprehensa Græcorum inconstantia, & perfidia, in quibus domandis centum, & amplius anni maximis Reipublicæ laboribus, periculis, & sumptibus impensum sunt; vt Insulæ statum firmiorem redderet, deduci coloniam in Cretâ salubri admodum consilio censuit: missisque idcirco ex nobilibus & popularibus equitibus, peditibusque, agros inter eos & casalia (sic Græci ex Latino, Italicove formato vocabulo appellant) seu pagos jure feudi diuidi iussit.

Ratio

Ratio autem diuidendorum agrorum hæc fuit. Publici diuifores patritij ordinis à Senatu Veneto communibus fuffragijs electi, poſteaquam 394. cauallerias ſeu baronias (vulgaribus vtar vocibus, cum aliter commodius exprimi nequeant) inſtituiſſent, Inſulamque in quatuor territoria diſtinxiffent, certam ſingulis aſſignarunt portionem. Candidæ namque & Sitiaë territorijs cauallerias 234. Cydoniaë 96. Rethymni verò 64. attribuerunt. Cauallerijs autem in Seruenterias ſubdiuiſis, cuique ſex adſcripſere. Seruenterias item in carattos ſeu geſimas 32. partiti ſunt. Hoc ſingulis iniuncto onere, vt qui integram Caualleriam ſeu Baroniam poſſideret, binos equos, vnum primi, alterum ſecundi ordinis: qui quatuor Seruenterias, equum Cataphractum primi ordinis tantum; qui duas Seruenterias, ſecundi ordinis equum; qui verò vnam, vulgarem ſeu tertij ordinis equum ſuis quique ſumptibus in uſum publicum alerent; ad nutum inſuper Præfecti generalis, vbi occaſio id poſceret, præſto eſſent, Præfectum ſequerentur, ac littus tutarentur. Hinc factum eſt, vt vrbs incolæ, ex Italis Græcisque conſlati, in maximum excreuerint numerum: qui quidem vt religione ac moribus diſcreti ſunt, ita etiam conditione inter ſe diſferunt.

In ciues enim, nobilesque cum Venetos, tum Cretenſes, & in plebeios diſtinguuntur. Itali ac nobiles omnes Italicâ vtuntur linguâ, quæ Græcis *Frangica* vel *Franca* dicitur, & Romanæ Eccleſiæ obſeruant ritus; Græci Græcum idioma, ſed impurum & corruptum in uſu habent, & ſuo more ac ritibus viuunt. Vtraque tamen gens vtramque etiam, callet linguam, præſertim honeſtiores. Qui verò ex patritiorum ordine eò commigrârunt, iura ciuitatis Venetæ haudquaquam amiſere; ſed iſſdem gaudent immunitatibus, & priuilegijs, quibus & cæteri patritij vrbs Venetæ. Liberum namque habent, cum Venetias veniunt, ad publica comitia acceſſum; magiſtratus etiam obire, ſi ſors fauerit, conceditur; modò prius publicis Inſtrumentis cæterisq; ad id requiſitis ſe nobili familiâ ortos docuerint, & Tribunorum plebis (Aduocatores Communis vocant Veneti) decreto admiſſi fuerint. Eadem quoque priuilegia manent & cæteris patritijs Venetis, in reliquis Cretæ vrribus commorantibus, cum & ipſi eiſdem iuris & conditionis cum prioribus habeantur.

Imperium in omnes, cuiuſcunque fuerint ordinis, magiſtratus habent Veneti, ſingulis biennijs eò à Senatu Veneto, ſiue publicis comitijs miſſi. Hi per vices ſibi ſuccedunt, & Senatus auctoritate, ac præſcriptis Venetorum legibus populo ius dicunt. Dignitate cæteros præcellit, qui Ducali poteſtate, & titulo rempublicam adminiſtrat. Huic proximus eſt Præfectus magnus, vulgò *Magnus Capitaneus*;

quibus publica auctoritate & paribus suffragijs in iure dicundo assidēt duo à consilijs; qui tertium ordine magistratum gerunt. Hos sequuntur duo Quæstores, & ipsi patricij Veneti; quibus publicæ pecuniæ administratio & cura commissa est: quam quidem exigunt, erogant, ac distribuunt, pro supremorum magistratuum arbitrio; neq; enim aliter quàm eorum in scriptis mandato expendere quicquam vlli liberum est. Arci præterea præest quintus in ordine magistratus, *Castellanus* vulgò appellatus, & ipse patricius Venetus; cui custodia arcis demandata est; quâ toto sui magistratus tempore exire nequit, poenâ capitis, si contrafaciat, mulctandus. Præter hosce patricij ordinis magistratus, publicâ Senatus Veneti auctoritate vrbis Cancellariæ præsidet ex ordine ciuium Venetorum *Magnus Cancellarius*, sic dictus ad instar illius Veneti: qui cæteris omnibus publicis scribis præest, ac magnum ex suo munere consequitur emolumentū. Magistratus hic ad quinquennium prorogatur: cæteri omnes (vt diximus) biennales sunt. Reliqua verò vrbis munia, & publicâ officia, quæ varia sunt, natalibus nobiles & Veneti & Cretenses obeunt: eaque habitis Comitij Senatus auctoritate confirmatis, quibus publici magistratus Veneti præsent, cōmunibus suffragijs quotannis conferuntur. Porro ciues, vt cæteri vrbis incolæ, & qui in vrbis territorio commorantur, forum Ducis agnoscunt, eoq; iudice suas agitant causas, ac lites, cū ciuiles tū criminales. Vrbis territorium præter 456. minora Casalia, octo oppida, seu castella muris cincta continet: quorum hæc sunt nomina: Maluicinum, Temenum, Castrum nouum, Priotissa, Bonifacij castrum, Beluederium, Priada, & Mirabellum. Horum omnium incolæ sub Imperio dux habet, ijsq; iura dat. In milites verò præsidarios, feudatarios, itemq; cæteros stipendia publica merentes, siue in vrbe, siue in vrbis territorio commorantes, Præfectus Magnus iurisdictionem exercet; atque etiam in causis siue controuersijs æris publici, vectigalium, decimarū, exactionumq; publicarum iudicem agit, & iustitiæ trutinam moderatur. Omnium tamen cessat magistratuum auctoritas & iurisdicctio, si Prouisor Generalis (penes quem summa rerum est) in Insulâ adsit. Is namq; magistratus extra ordinem à Senatu Reipublicæ necessitate exigente ablegari & in Insulam mitti solitus, supremæ apud omnes auctoritatis est, instar regiæ. Eò præsent reliquorum magistratuum (modo id jubeat) silent jura: solus quippe rempublicam moderatur, solus jus dicit, publicoq; ærario præest; solus in cuiusvis generis reos animaduertit; nullaq; ab eò fit appellatio: quinimo de aliorū magistratuum sententijs, si prouocetur, cognoscit solus, easq; pro suo arbitratu vel ratas habet, vel irritas. Quocunq; verò se confert, quasvecunq; arces vrbisve accedit, clauēs illi statim tanquam Dictatori, à loci magistratu offeruntur.

tur. Summo adhæc splendore, ac fastu regio in publicum prodit. Satellites prælongis bipennibus ad 24. bini præcedunt; sequuntur hos simili ordine iustitiæ ministri, hiatores, ac reliqui curiales, dein domestici: mox peditum cohortium præfecti omnes; quos ipse demum purpureâ indutus veste ad talos defluente, coccineoque capitis tegumêto medius inter purpuratos patres, primariosque vrbs magistratus subsequitur, peringenti nobilium, ciuium, militumque stipatus cateruâ. Præfidiarij vrbs milites ad duo millia esse perhibentur; in plurimâs autem diuisi cohortes sub suis præfectis ducibusque militant, ac publica stipendia merent, atque interdium noctuque ad portas, mœniaque vrbs & arcis alternatim excubias agunt; eo seruato ordine, vt qui per dies aliquot ad voluntatem supremi Præfecti incertos, ad arcis custodiam admissi fuerint, alijs subrogatis, ad Vrbis portas excubent. His post dies aliquot ad Arcis custodiam redeuntibus, alij succedunt: atq; ita singulis militum cohortibus vicissim Arcis defendendæ cura committitur; ne ob longiorem moram prodicionem aliquâ moliantur, aut tentandi quicquam in vrbs aut Arcis perniciem habeant occasionem. Præter hos cohortium præfectos primarium ducem habent, quem vulgò Militiæ Gubernatorem appellant, cui omnes subsunt, ac morem gerunt. Is non ex ordine patriciorum Venetæ vrbs, sed è classe illustrium virorum, qui vel exteræ nationis, vel Reipublicæ subditi, bellicâ virtute insignes, sedulam in rebus bellicis, ac fidelem Reipublicæ longo tempore nauârunt operam, Senatus suffragijs censerî solet. cui id incumbit oneris, vt de excubijs agendis, de recensione militum habendâ, de pace inter eos componendâ, sedandisque litibus, deque cæteris quæ ad arma spectant, pertractandis negotijs, curam habeat. Hic tamen supremam Prouisoris Generalis auctoritatem etiam agnoscit, vt & cæteri aliarum ciuitatum arciumque Præfecti: quo absente sub Magni Candidæ Præfecti Imperio est.

Præter Candidam tres sunt in Insulâ Vrbes, quibus præsidium imponitur, Cydonia, Rethymnus, & Sitia: Arces septem: Suda, Palæo-castrum, Spinalonga, Grabussè, Turlurù, Selinum, & Theodoro-castrum. Singulis (duabus postremis exceptis) præest Senatus auctoritate patricius Venetus, quem Prouisorem nominant, qui vnâ cum Militum Præfecto Arcis (cui præest) curam & custodiam habet: solus tamen in suâ Arcis milites animaduertit, solusque ius illis dicit. His de Candidâ dictis, de cæteris Cretæ vrbs, deque situ Insulæ, atque eius conditione, & vbertate, ac Insulanorum moribus, quæ nobis innotuere, explicabimus.

I. COTOVICI ITINERARIUM CAP V T XIII.

Creta Insulaq; vlterior descriptio, & Cretensium mores.



CENTVM vrbium famâ olim claram fuisse Cretam, atque inde Hecatonpolin dictam prisci scriptores tradunt; vt & Virgilius meminit.

*Creta Iouis magni, medio jacet Insula ponto,
Mons Idaeus vbi, & gentis cunabula nostra,
Centum Vrbes habitant magnas, vberima regna.*

Lib. 3. Aeneid.

itemque Ouidius: ——— Creta te, centumq; relictis
Vrbibus.

Lib. 13. Metamorph.

Insigniores fuere (vt Strabo testatur) Cortyna, Cydon, & Gnoſſus Minois regia, & Strabonis patria. Plinius sexaginta tantum suâ ætate extitisse memorat. Ex tot vrbibus quatuor solæ alicuius nominis, præter Castella muris cincta quindecim nostrâ hæc æmpestate supersunt: Candida nempe, Cydonia, Rethymnus, Sitia. Cæteræ omnes vel iniuriâ temporis collapsæ, vel bellorum tumultibus dirutæ, & in cinerem reductæ, prorsus extinctæ iacent. De Candidâ iam diximus satis; superest vt de reliquis aliquid referamus.

Lib. 10.
Lib. 4. c. 18.

Post Candidam prima est Cydonia, hodie *Canæa*, ad Septentrionale Insulæ posita latus, in sexagesimo à Candidâ Occidentem versus lapide; populi frequentia, mercibus, situ, mœnibus, portuque insignis: Quem tamen onerariæ naues propter scopulos commodè ingredi nequeunt: sed quinque ab hinc milliaribus apud paruam Insulam *Tarlum* nomine, tuta munitione insignem, stationem habere solent. Præest vrbi incolisque magistratus Venetus titulo Rectoris; cui in sententijs dicendis, & alter patritius Venetus, veluti à consilijs pari suffragio & auctoritate assidet; vnaque vrbi & territorio imperant, & indigenis iustitiam administrant. Territorium præter 240. minora casalia, quinque oppida seu castella continet: Apicornû, Chissamum, Selinum, S. Nichitam & Sfachiam.

Par magistratus Rethymni rempublicam administrat. Hæc aliàs Rithymna dicta, vulgò *Retimo* ad Septentrionale pariter sita latus, paulo minor Cydoniâ, frequens populo, & munitissima est. Portum habet non multum amplum, ad recipienda tamen minora nauigia accommodum. Sub eius ditione vnicum oppidum Milapotimum (aut Mylopotamo) præter 265. minora casalia, recensetur. Arx in edita rupe in mare procurrente extructa est, vt ab Insulâ auulsa esse videatur: quæ vrbem satis tutam reddit.

Sitiæ vrbi eiusq; territorio (cui Hierapetra oppidum, ac 70. minora casalia subsunt) vnicus magistratus Rectoris titulo imperat, incolisque ius dicit. Hæc olim Cyteum appellata, cæteris minor, populosa tamen, & portu cōmodo omniū postrema habetur; jacetq; haud procul à Sammonio orientali Cretæ promontorio: cui è regione est Rhodus Insula.

K

Est

Est autem Creta Insula à Curetis populis primis illius habitatoribus
 Curetis primùm, vel Cureta, siue Curetum, post à Cretæ quodam Iouis
 & Idæ (vt volunt) filio, Curetum rege, vel à Cretâ nymphâ Hesperidis
 filiâ Creta dicta, Aëria etiam quandoque à temperie cœli, & Macaron-
 esses, siue Macaros, id est beata: hodie *Candia*, siue ab vrbe primariâ
 Candidâ nomine, siue à terræ albedine (vt aliqui putant) appellata.
 Olim quidem celeberrima, cùm indigenarum frequentiâ, atque mirâ
 industriâ, tum soli vbertate, cœlique clementiâ, ac rerum omnium af-
 fluentiâ. Prima namque (vt Solinus refert) inter cæteras orbis Insulas
 remis, armis, ac sagittis clauit, prima litteris iura dedit, equestres tur-
 mas prima instituit, studium musicum prima inuenit, exercuit, ac longè
 lateque diffudit. Multi insuper famigerata fabulis, aduentu Europæ,
 Pasiphaës, & Ariadnes amoribus, Minotauri feritate, fatoque, Dædali
 operibus, & fugâ, Tali statione, & morte, maximè tamen Iouis (cuius
 patria fuit) sede, & sepulturâ. Hinc etiamnum mons altissimus tertio ab
 vrbe lapide, quod in eo Iouem sepultum fama sit, mons Iouis appella-
 tur.

Formam habet oblongam hæc Insula & angustam; porrigiturque
 inter Ortum & Occasum tractu longissimo; à Septentrione verò in-
 Meridiem latitudo patet, hinc Græciâ, inde Cyrenis obiacentibus.
 hæc secundum Plinium quinquaginta, illa 270. circuitus 589. mil-
 lia passuum continet. Aliqui hodie 215. longitudinem, latitudinem 43.
 circuitum 455. millium passuum statuunt. Sunt etiam qui 2300. stadijs
 eius longitudinem constare credant. Alij quatuor millibus & cen-
 tum; latitudinem verò inæqualem ponunt. Sic varij inter se va-
 riant. A Septentrione Ægeis æstibus, & Cretico mari verberatur:
 ab Austro Libycis vndis perfunditur, ab Ortū Carpathijs, ab Occa-
 su Ionicis fluctibus alluitur. Sedet autem medio ponto, quasi maris
 domina; vt non immeritò Aristoteles eam prædicet. Videtur (inquit)
 hæc Insula ad principatum Græciæ nata, ac præclare sita: cuncto nam-
 que imminet mari. Et verè, abest enim promontorium eius Sammo-
 nium (quod Salamonium hodie nautæ vocant) ab Alexandriâ Ægypti
 450. millibus passuum, à Cypro 400. à portu Ioppenfi 680. à Carpa-
 tho 60. à Rhodo 85. Promontorium verò Ermicum à Cyrenarum
 promontorio Phycunte 125. vel secundum neotericos 150. Cyamum
 item promontorium à Maleâ Peloponnesi promontorio 80. à Con-
 stantinopoli 400. à Zacyntho 300. à Iapygio Italiæ promontorio
 500.

Plurimæ eam circundant parvæ Insulæ, ignobiles omnes, & nullius
 nominis, cuniculis vt plurimùm, & arietibus Strifoceris, vel Strifoco-
 ris patrio vocabulo dictis, abundantes. Notiores sunt Claudia, Paxi-
 mados,

mados, Gaideroni, Christianæ, Farioni, & Standia. Claudia, Gaudos Melæ, hodie *Gozo*, Pauli ad eam appulsu in sacris Litteris celebris, Lib. 4. ca. 12. ac portu Hamboio insignis, à latere Occiduo, haud præcul ab Ermico promontorio, Paximados ab Austro, Gaideroni, Farioni, Christianæ ab Ortu : Standia seu Dia ab Aquilone adjacent. Porro tribus promontorijs insignioribus vel maximè conspicua est : quorum duo ab Occasu emicant, tertium ab Ortu. Occidentalium aliud Meridiem respiciens, olim Ermea, seu Ermicum promontorium, antea Criou Metopon, seu Frons Arietis (vt Plinius refert) appellatum, hodie caput Leonis vel Grabussæ, vulgò *Capo Leone* indigitant. Alterum, quod ex aduerso est latere, & Septentrionem spectat, nunc Caput Spatæ, priscis Cyamum fuisse putatur. Orientale antiquitus Sammonium, hodie nautis Caput Salomonium dicitur. Plurimos habet Insula portus. Celebriores sunt Suda, & Spina-longa, omnium equidem capacissimi, tutissimi, & commodissimi. Arx validissima vtrumque munit, & securam nauibus triremibusque stationem præstat. His succedunt Sitia, Voulismeni, Chissami, Selini, & Sfachia portus satis commodi. Fluvius in Insulâ navigabilis nullus, sed riuli duntaxat & torrentes aliquot. Inter cæteros situ, & conditione admirandus Armirò, aut Almyrò patriâ linguâ ab aquæ falsedine sic dictus ; cuius fons octauo ab vbe lapide Gerorodeam versus ad imas montis Stromboli radices peringenti hiatu erumpit ; tantoque impetu & aquarum copiâ è terræ visceribus prodit, vt lacum statim efficiat satis amplum : mox rapido aquarum cursu ad vteriora pergens, decem molarum rotas ad extrema lacus ora positas circumagitat ; inde profundo latoque alueo per mille ferè passus dilabitur, ac flumen efficit, piscium copiâ, & cancris abundans. mox cursu velocissimo ad Aquilonem vergit, saluginosasque suas in mare effundit aquas : quæ quidem à mari proximo per occultissimos meatus, eò vbi primum scaturiunt, fluere putantur ; atque ob torrentium inundationem è proximis decurrentium montibus hieme dulciores fieri creduntur. In huius fluminis vtraque ripâ colocassium copiosè enascitur. Palmas etiam ibidem videre est, sed sine fructibus : maturescere enim fructus illos clima illius regionis non finit. Ab ostio fluminis Candidam vsque propter arenarum cumulos, & latentes cautes tota maris ora importuosa est. Pagis & habitatoribus sic satis frequens est Insula : pagi namque (quorum etiam supra meminimus) 1070. numerantur, vel vt alij volunt 1044. Vrbes quatuor, Castella quindecim. Incolas ad septingentos supra ducenta, & octo millia ante aliquot annos censos fuisse, & ex his quinquaginta millia, ducentos & quinquaginta ad arma idoneos, Calogeros 1000. Papassos 3210. (qui Græci ritus

Lib. 10.

Solim. ca. 17.

Monachi & presbyteri sunt) selectos accepimus. Nec montes Cretæ in partem tacebimus: est Idæus, sunt Leuci, nunc de Madara, sunt Dictænei, vel Dictæ, nunc Cethiæ, sunt Cadisci, itemque Lasti. Sed Idæo (cui nunc Psiloriti nomen est) meritò ac iure attribuitur principatus. Is enim (Strabone teste) Cretensium cunctorum celsissimus surgit, atque supremo suo cacumine ante solis ortum solem videre dicitur; plantis nobilibus, & medicæ vîrtutis, Dactilo Idæo, qui vulgò licet falso Lapis Lyncis appellatur, & famâ nutriti Iouis celebris. Est autè in meditullio positus Insulæ, quaqua versus circuitum habens sexcentorum stadiorum, ac vertice quasi nubes scindens; ex quo vtrumque mare & Lybicum & Creticum spectare licet. Frigori niuibisque adeò obnoxius, ut etiam mediâ æstate vix ab armentis, noctu præsertim, frequètur: quod si interdum pastores summa iuga montis petant, suasque pascant oves; noctu rursus ad ima vallium eas deducere coguntur. Reliquorum montium summitates perpetuâ quoque niue candent: cupressis tamen, ac varijs rarisque plantis nobiles. Inter valles frugiferas præcellunt Arenosa, seu Arenoa, Messarea, & Lissa. Cæteris maior Arenoa est, juxta Siciam urbem, culturæ aptissima, atque vberis soli. Hanc sequitur Messarea, ad trigésimum ab urbe Candidâ posita lapidem, longitudine viginti quatuor, latitudine quatuor passuum millia continens. Tertia Lissa est, haud procul ab Ermico promontorio. Præter has duæ aliæ sunt, situ & rerum ybertate admirandæ. Quarum vna *Sitti* nuncupata, inter asperrimos editosque sita montes, duos tantum, eosque angustissimos, & difficillimos habet aditus; quos paucissimi tutari, atque à quouis etiam copiosissimo exercitu defendere, & prohibere hostium accessum facillimè possunt. Pascua ibi vberima, fontes plurimi, optimas perennesque scaturientes aquas: arborarij prouentus copiosissimi, vineæ feracissimæ, fertilesque campi, cultui aptissimi; ut multa hominum millia quæuis ad victum necessaria ibi habere, ac tutò vivere queant. Altera *Malos* patriâ linguâ appellata, eiusdem ferè situs est: non tamè adeò fertilis, neque fontibus irrigua. In eâ syluæ cupressinæ densissimæ, cupressi verò tam crassæ nonnullæ, ut vix terni homines brachijs iunctis truncum vnus circudent; sed & tantæ altitudinis sunt, ut spectabilius nihil humano visui sit. Frugibus & segetibus vrcunquè abundat, fontibus autem caret; puteos idcirco fodiunt, ex quibus aquam vsui necessariam hauriunt optimam, & salubrem. In Messareâ valle etiamnum, exstant ruinæ amplissimæ Cortynæ urbis antiquissimæ, ac Cretæ quondam regiæ, Diui Titi Episcopali sede insignis; quam Lenæus amnis præterfluit. Hic plurima veterum Romanorum, & antiqui illius sæculi visuntur monumenta, quæ tempus edax rerum cōsumere haudquaquam potuit. Variæ item in vicino solo eruuntur statuæ marmoreæ, & numif-

mata

matà peruetusta, cùm aurea, tum argentea, & ærea, Græcis Latinisque nominibus inscripta, ac Consulum & Cæsarium Romanorum effigies continentia. Ad Septentrionale vallis latus specus ostenditur subterraneus, in costâ montis Idæ excisus; quem Minois fuisse Labyrinthum, Dædali opus, à poëtis decantatum; cuius quoque Ovidius meminit, vulgò persuasum est. Plurimi lapidicinam fuisse, arque ex eâ Cortynæ urbis muros constructos volunt: Vt ut sese res habeat, nihil præter speluncas, ac subterraneos meatus, temporis iniuriâ ac vetustate multis in locis collapsos, videre est: ad quorum penitiora nequaquam datur introitus; nisi facibus accensis indigena quispiam, cui ea nota, introduxerit. Ego sanè antiqui illius Labyrinthi nequaquam reliquias esse putauerim; quod Pomponius Mela veterem Labyrinthum perplexis parietibus, & columnis à Dædalo constructum fuisse narret: hunc verò Pseudolabyrinthum ex solis concauitatibus & subterraneis meatibus constare manifestum sit. Adde quod Plinius veteris Labyrinthi suo tempore nulla extitisse vestigia scribat. Quare antiquæ potius lapidicinæ, quales in Syria vidi plurimas, & præcipuam apud Alexum urbem, duo ferè millia passuum suo ambitu complectentem, & in plurima diuerticula ac latebras multosque anfractus diuisam, quàm Dædalici Labyrinthi esse vestigia, ausim affirmare. Vt autem de vulgaris Labyrinthi situ & conditione aliquid lectori innotescat, paucula à me diligentius obseruata hic adiungam.

Lib. 1. c. 9.

Lib. 5. c. 13.

Est hic, quem vulgus credit Labyrinthum, specus subterraneus, in varios multiplicesque meatus distinctus: ad quorum quatuor duntaxat nostrâ tempestate patet aditus; cæteri incogniti sunt, & inuij, ob pericula, etiam ipsis itineris ducibus. Ostium quadratâ formâ in costâ montis excisum, speluncam refert latam circiter pedes triginta, pastoribus & armentis, noctu præsertim, optatum receptaculum. In eâ plurimorum nomina, qui locum aliquando adiere, epigraphas, inscriptionesque lateribus vndeque, insculptas, vel carbone aut facium fumo notatas, videre est. A dextro speluncæ seu ostij latere, meatus est accessu perdifficilis; angusta namque adeò & depressa per ducentos ferè passus patet semita, vt nisi reclinato ad vterum capite pertransire nequaquâ possis. Hinc ad dextram flectendo, ad secundum pergitur & descenditur specum, situ nonnihil inferiorem, opere altiore, amplioremque; duodecim quippe pedum latitudinem per quadrum continet; extenditurque rectâ lineâ mille ferè passuum spatio: vtrîque verò plurimi occurrunt meatus, viæque subterraneæ, eiusdem ferè formæ cum priori; quos ne quis ingreditur, ductor ipse (qui cunctos præcedit, ac viam sternit subsequentibus) seuerè interdicat. Vbi ad extremum huius viæ ventum est, locus occurrit quadratâ formâ, latus pedes sexdecim, testudineo

opere; è cuius summitate ferreus atque ingens pendet annulus; per quem aqua è viuo saxo affiduò guttatim emanans defluit, & diuturno ac continuo casu fossam latam per diametrum vncias sex in ipso solo seu viuâ rupe effecit. Locum *Capella* (quasi Sacellum) Itali indigitant. ad quem verò vsum olim annulus ille seruierit, ignotum est: sed si cōiecturis vti liceat, ad saxa supra rhedas tollenda lapicidis vsui fuisse putauerim. Ex hoc loco ad dextram rursus flectitur, iturque viâ priori persimili, vbi varij denuo vtrimque occurrunt meatus; quos vt priores ingredi vetitum est. Proceditur autem recto tramito ducentorum quasi & quinquaginta passuum. Inde rursus ad dextram flectendo, tertia occurrit via, prioribus haud absimilis, & eiusdem ferè longitudinis cum præcedenti. In eius vltimo dextri lateris angulo quarta se offert, trecentos circiter passus longa: cuius extremitatem locus occupat quadratâ formâ Italis *La Loza* (quod Porticum sonat) vocatus, latus pedes triginta. Atque hîc vltima est subeuntibus meta: neque enim vltius progredi datur; sed eâdem quâ ventum est viâ, receditur. Totum subterraneum id iter duo circiter millia passuum complectitur: & nisi facibus (quas ductor præfert) illustretur, obscurissimum est. Nullæ enim ibi fenestræ, nulla aëris spiracula: adeò vt nihil præter ipsas tenebras videre sit. Vespertilionum autem domicilia vbique hîc cernas; quorum aliquot millia ijs in antrîs stabulantur, atque dum lucem diurnam fugiunt, eò se tanquam in tuta castra recipiunt. Mirum dictu, pendent è fornicibus innumeri ferè nidi conglutinati, pyramidali formâ pendulâ, in varias multiplicesque compagines distincti, longi plerique pedes quinque, & vltra. Excrementa quoque earum pyramidis instar à fundo assurgunt, & multis in locis altitudine ipsius vespertilionum nidis pendulis coniunguntur. Meatum medium excrementa nidi que occupant: iter propterea, vtrimque transitu patente, non impediunt: neque ipsæ etiam noctuæ transeuntibus molestæ sunt. Et si enim accensæ faces odiosum illis admittant lumen, loco tamen se minimè mouent, sed (quod mirandum sanè) hærent fixæ, & nisi irritaueris, immotæ, adspectu verò horribiles, ingēti pauore subeuntes concutiunt. Cauendum autem est, ne quis subeuntium nidorum compages turbet, iisve noceat, ne nido disrupto, quasi vindictam parantes, celeri volatu, summo ingressorum periculo, & terrore, faces extinguant. Tanto enim impetu, tam horribili sonitu, tantaque frequentia irritatæ volant, vt in medio barathri versari, & dæmonum stridores & vlulatus audire te putes. Neque verò à volatu abstinent, nec à stridoribus cessant, nisi prius omne lumen extinxerint, ac suo modo de illatâ iniuriâ vindictam sumpserint. Quod ipsum nobis petulantia cuiusdam militis accidit. Is enim sapius frustra à ductore admonitus, ne nidulos, offenderet,

deret, siue quod eius verbis fidem non præstaret, seu quod periculum non extimesceret, ausu equidem temerario nidum quendâ gladio dissecuit medium. Nec mora, statim atque offensam sentiêre, subito ac celeri volatu proximas quasque nidorum compages excitârunt: omnesque crebro volatu ingruentes, tanto impetu, tantoque stridore volare cœperunt, alis item rostrisque obuios quosque petere, atque volatum suum in tantum protrahere perseverârunt, vt extinctis facibus in terram proni cadere iuxta ducis nostri consilium cogeremur: vbi per horam ferè integram immoti, horrore penè incredibili perculsi, & quasi semimortui, dum nidos reperiuisent, iacuimus. Tum demum, ductoris admonitu surgentes, igne rursus è silice excusso, accensisque facibus, quasi in vitam reuocati, iter trepidè continuauimus: vesanumque itineris execrati consilium, ex horrendis illis specubus ad superiora tandem euasimus. Saxum omne meatuum coloris est subalbidi, instar marmoris, haud tamen ita durum. In ipso solo rotarum nec non clauorum vestigijs in hunc vsque diem supersticibus: quæ à Cortynę vrbis murorum ædificatione ibi relicta putantur. Porro transitus per subterranea hæc loca cum multo discrimine peragitur, vel ideò maximè extimescendus, quòd saxa ingentia è summitate meatuū pendentia multis in locis ruinā minentur; quæ si cadāt, vel subeūtes obruant, vel iter obstruant necessum est. Arq; hæc de Labyrintho. Modò reliquā Cretæ descriptionē prosequamur. Locus enim iā postulat, vt de vbertate Insulę nōnihil dicamus.

Frugum aliarumque rerum, quibus mortalium vsus indiget, fecunditate, situs amœnitate, & æris clementiā nulli terrarum cedit Creta. in causā esse ipsum cœli clima, cui Insula subiacet, putauerim. Tradunt enim Geographi subiacere eam initio quarti climatis omnium clementissimi, sub nono parallelo, diemque habere æstate longissimam horarum quatuordecim cum quartâ; vt non mirū sit, quicquid Creta gignit, quin proximū sitijs, quæ optima iudicatur. Hinc verò vineis & Oliuetis præstantissimis copiosa, gregibus item & armentis abundantissima est. Oleum, Lac, Caseum, Butyrū, & in primis Vinum habet optimū, album & rubeum, varij generis; Præcipuum est Pramnium, hodie Maluaticum appellatum; cuius ad 12. mille cupas quotannis ex Insulâ venum exportari, & per vniuersam ferè Europā distrahi ferunt. Laudatissimū esse volunt quod iuxta Rethymnū nascitur, magisque diuturnum quàm cætera vina, quæ iuxta Candidam & Caneam crescunt, ac cito coacescunt. In causa est, quod illud coctum & bullitū diuendatur, hæc non item. Est autē duplicis generis in Cretâ Maluaticū, vnum dulce, alterū vinosum: quod vulgò *Maluasias garba* Veneti vocant; nec alibi quā Venetijs venū distrahitur. Frumentū adhæc, hordeū, itemque legumina abundè producit. Arborarij prouetus hîc omnis generis vberrimi: aurâtia, citrina, persica, arme-

Cap. 17.

armeniaque mala: ficus item, amygdala, & melagranata in maximâ copia. Sylvæ hîc quoque cupressinæ ita vulgares, vt domorum omnium trabes, contignationes, tabulataq; omnia, nec non & integrè quandoq; naues ex illis arboribus construuntur. & quod mirandum, cæsa repululant: quod nusquam alibi terrarum accidere scribit Solinus. Lauro- rum, & Myrtorum hîc vbertas maxima. Gossipium abundè hîc prouenit. Laudanum quoque optimum ex cytho frutice nonnullis in locis, & præsertim in monte Idæo, & iuxta Mylopotamum copiosè colligitur. Grana præterea ad tingendam lanam optima, cera, mel, aliaque præstantissima sunt. Pascuis autem adeò exuberat, vt etiam altissimi montes læta pecoribus omni ferè tempore præbeant pabula. Hinc pecudum greges ibi infiniti, arietes prægrandes, quos Strepficheros, vel Striphocheros patrio vocabulo indigitant. Falcones sacri & peregrini, volatilium hostes, aliundè aduolantes, hîc etiam capiuntur. sed & gentiles, & villani, & asteriæ, & accipitres hîc quoque propagantur. Perdicum adhæc, coturnicum, attagenum (quas *Francolinæ* Itali appellant) aliarumque volucrum montanarum, atque nemoralium: caprarum item syluestrium, ac leporum & cuniculorum ingens hîc multitudo; ceruis tamen eget: lupos, vulpes, vrsos, aliaque quadrupedum rapacia animalia nusquam educat: serpens ibi nullus, nec coluber; nullumve aliud veneno noxium animal; præter Phalangium, quod ictum hominem veneno interficit. Sunt quidem angues Ophis, Ochendra, & Tephloti nomine, sed minimè noxij, nec venenosi. Sal insuper ex marinis aquis hic sponte progignitur, spumâ in extremis littoribus ac scopulis relictâ: plurimis item in locis, marinis aquis in scrobem receptis, colligitur. Sed & piscibus mare Creticum abundat; præsertim Scaro, Plinio teste, omnium nobilissimo. Solus enim ruminare, & herbis, non alijs piscibus vesci dicitur. Huius generis pisces apud Romanos quondam in delicijs habiti, Tyberio Claudio Principe à Præfecto classis in Italiam aduecti, inter Hostiensem & Campaniæ oram disseminati fuere. Plantæ præterea hîc singulares; quas nusquam alibi nasci, aut inueniri constat: vt non immeritò Macrobius Cretam herbis generosam esse dixerit. Præstat Dictamus, Pulegio similis, à Dioscoride celebratus, ac maximo in pretio ob peculiarem medendi virtutem apud omnes habitus. dein Alimes, quæ admorsa famem prohibere dicitur; itemque Saluiæ pomella, dulcia admodum, ac gustui grata: quæ melle vel saccaro condita stomacho in primis conferunt. Reliquas, quæ infinitæ sunt, omnes medicâ virtute nobiles, & ad pharmaca viles, omitto, & ad Petrum Belonium eas luculenter in suis Observationibus recensentem, Lectorè remitto. Varij hîc quoque generis flores, rosæ in primis, & violæ odoratissimæ. Vt verò concludam, quicquid hîc terra producit, optimum habetur, & apud

Lib. 8. ca. 17.

Lib. 5. Saturnalia. ca. 7.

Lib. 1. ca. 16.
17. 18.

& apud omnes in pretio est; præstatque cæteris alibi natis.

Haudquaquam tamè hoc elogio digni censendi sunt Cretæ incolæ: tamen si enim regiones illas quibus aër purus est, & tenuis, acuta & solertia ingenia gignere pro explorato habeatur; constetque Cretam, cœli salubritate nulli terræ cedere, atque in primis acris & solertis ingenij homines producere; eos tamen mira soli feracitas corrumpit, minusque industrios, magisque desides efficit: ita ut illud Apostoli Pauli ad Tit. c. 1. ab Epimenide mutuatum, in hodiernum usque diem indigenis optimè conueniat.

Cretenses mendaces, mala bestia, ventres pigri.

Ut plurimum enim, honestioribus demptis, gulæ, crapulis, vinoque, ac Veneri summoperè dediti, inertem in gloriamque vitam ducunt. rari literis aut armis dant operam: plurimi agris colendis, & gregibus pascendis incumbunt. mechanicis artibus pauci insudant. Si qui verò generosiores arma exerceant, maritimo potius quàm terrestri gaudent prælio, & strenui euadunt classiarij. Sagittariâ arte, atque arcu in primis (quem Scythicum vocant) nec Turcis inferiores. Plerique tamen & maximè ruri degentes molles sunt, effœminati, viles, laboris osores, & nullius industriæ. Præstant cæteris & martiâ virtute, & armorum exercitatione Sphachiæ populi, *Sfachiotti* vulgò appellati, indomitum genus hominum, & ferox. Hi iuxta Leucos seu Albos montes vulgò *de Sphachia*, meridionalem incolunt plagam, latrocinij vel maximè assueti, atque optimi & præstantissimi sagittarij, & in hostes pugnacissimi. In maximo propterea apud omnes præsertim ruri habitantes pretio habentur, ac magni fiunt: & patrio vocabulo *Patera*, id est Patres, quasi patriæ libertatis defensores appellantur. Neque solum indigenis, sed & ipsis quoque magistratibus Venetis propter efferatos mores nonnunquam formidini sunt, & terrori. Mille autem viros armis gerendis idoneos cogere dicuntur. Cæterum agris colendis, & pascuis dant operam: gregibus & armentis, atque omni rerum copia abundantes. Ocreati omnes umbilico tenuis, arcubus, sagittis, & acinace armati, quocunque pergunt, incedunt. Ocreas longæ latæque zonæ è corio (qua corpus cingunt) annectunt, lineisque femoralibus induti, solo lineo indusio reliquum corporis tegunt: cuius infimam partem femoralibus (vtri nos) haudquaquam condunt, sed pendulam desuper ferunt. Tripudijs vel maximè delectantur: per horas siquidem plurimas Sole etiam ardentissimo interdiu, noctuque choreas armis non depositis, indefesso labore viri cum fœminis ducunt: quinimò dedecori sibi verti putant, si quis eorum tripudians arma deponeret. Sed & Pyrrhicam saltationem, optimè callent, crebroque exercent. Hæc ita se habet: Caput inter

saltandum iactant, ensibusque scuta cum harmoniâ percutiunt, nunc bini inuicem occurrentes, nunc circulum agentes, nunc in gyrum saltantes. Fœminæ eorum nudis incedunt scapulis, caligas non induunt, nec caput velant, aut faciem fucant: fuscus propterea illis color, ac solis ardoribus adustus.

Iam verò vbi in Cretensium mores incidimus, qui Græcis sub Turcâ degentibus sunt finitimi, postremamque incolunt Græcæ linguæ Insulam, quæ ad Venetos pertinet; exigit locus vt in genere de Græcorum statu, conditione ac moribus, quæ nobis innotuere, nonnulla explicemus. Sunt Græci solertis ingenij homines, linguâ prompti, & plerique supra quàm dici potest ad mercaturam idonei: procaces tamen, arrogantes, instabiles, dicaces, ad contumeliam, & ultionem faciles, suspiciosi, inuidi, & ad fallendum nati. Etsi verò hac tempestate neque Imperatorem, neque Regem, nec Principem ex propriâ gente habeant, censeântve vllum, imò & legibus proprijs careant (extincto namque Orientis Imperio, post captam à Mahomete Turcarum Imperatore Constantinopolim, ad vnam omnes exulare, aut iugum experiri Turcicum, vel sub Principum Latinorum, & præcipuè Venetorum Imperio viuere hactenus sunt coacti) veterem tamen, illam maiorum suorum superbiam, atque arrogantiam haudquaquam exuentes, exteros quosque, & præcipuè Latinos negligunt, contemnunt, vilipenduntque; ac solos se homines esse arbitrâtes, cæteros barbaros existimant. Sux præterea sectæ & hæreseos (imperiti licet & rudes plerique sint) assertores pertinacissimos, & Romanæ Ecclesiæ osiores, rosores, & hostes acerrimos se exhibent; vsque adeò, vt Occidentales omnes vulgò *Scyllos*, & *Haideros*, id est Canes, & Asinos appellare non vereantur: Hi præsertim qui sub Turcico degentes iugo, Turcarum moribus assueti, vitia simul cum barbarie imbiberunt. Mitiores, humanioresque cæteris sunt illi, qui Veneto parent Imperio. Hi namque Venetorum imbuti legibus & moribus, ac longâ Italarum vsu consuetudine, non ita in Latinam Ecclesiam stomachantur vt cæteri: quinimò (in multis licet à Latinis ritibus discrepent) & sacerdotibus, & Sacramentis Latinorum assurgunt, honorem exhibent, & sacris eorum quandoque interfunt. Solemnioribus etiam festis, puta Paschatis, Pentecostes, & Natalis Domini sese Latinis iungunt, solennia sacra vno in templo eademque horâ cum Latinis, diuersis tamen, in aris, peragunt, celebrantque: eo seruato ordine, vt in Euangelijs, & Epistolis recitandis, populoque ex alto suggestu diuulgandis, Diaconus & Subdiaconus Latini primas partes habeant, secundas Græci. Id autem vel maximè in gente hac despiciendum arbitror, quòd nulla apud illos neque ciuitas, nec oppidum habeatur, aut pagus, in quo

Acade-

Academiam, aut Gymnasium aliquod erudiendis iuuenibus puerisve destinatum reperias: neque enim (mirandum sanè) puerorum ingenia literis excolere, artiumque vias iuuentuti tradere, eamque ad humanitatem informare villo modo curant: quinimò rem literariam prorsus negligunt, & à literis abhorrent, vt meritò dici possit omnem eruditionem & scientiam à Græciâ (quæ parens illius quondam fuit) iamdudum penitus exulasse. Ita enim omnia studia sapientiæ in eâ hodie extincta sunt, vt ne vestigium quidem vllum appareat, adeoque Græcos barbariæ omnem cum Barbaris induisse iure dixeris. Idiomate Græco impuro & vocabulis corrupto vtuntur omnes: perinde Græcè loquentes, vt Itali Latinè: in eo tamen differunt, quòd circa propria rerum nomina antiquitatem magis sapiant, ac seruent, quàm Itali. Venetorum subditi, honestiores præsertim, & in vrribus degentes, Italicam quoque callent linguam, eaque vtuntur vbi occasio postulat. Sub Turcâ degentes, præter Græcum idioma etiam Turcicum in vsu habent. Soli ruricolæ, siue Turcis, siue Venetis pareant, ad vnum omnes solâ Græcâ loquuntur linguâ; rarò aliâ. Legibus autè Principum, quibus subsunt, viuunt omnes. Sacra tamè suo more, suisque ritibus, vbicunq; morentur, celebrât. Nobiliores, ac ditiores plerique, in morem eorû cum quibus viuunt, vestiuntur: qui Venetis subsunt, Venetorum; Turcarum, qui Turcis. Plebs sub cuiuscunq; ditione sit, aliquid suæ antiquitatis hætenus retinet: nam plerique, comâ ab occipite nutriunt, sincipite tonso; vtunturque vestibus prælongis. Porro vilis admodum, & tenuis plerisque est supellex: non domus instructa, nec ornata, vti apud nos videre est. Plumeis non vtuntur lectis, sed culcitris, tomento vel floccis fultis; stragulis verò aut gausapis sese operiunt. In ciborum condimentis & obsonijs rudes plerique & simplices: varijs tamen dapibus lautiores, qui Venetis parent; Venetorum & ipsi sequentes morem, quorum mensæ vt plurimum lautæ sunt & opiparæ. Cæterum omnes multibibi, & meribibuli sunt: neque enim vinum, quantum vis potens ac multarum virium, aquâ (vti Italis mos est) diluunt, sed abhorret planè à vino aquâ mixto. Antiquum verò in hunc vsque diem in propinando obseruant morem: in eo differetes à Germanis, quod hi magnis plenisque, vrgent cyathis, illi paruos haustus propinant: neque saltuatim, vti Germani, sed in orbè per vices bibunt: quas si quis præueniat, inciuitatis notam incurrit. Cretenses maximè paruis scyphis bibunt, vt plurimum argenteis, sine pede, aut basi: nonnunquam vitreis, eius formæ, vt è manu deponere cōmodè nequeas. Hos ebibunt planè, & exsiccant. Interdum tamen in Germanorum morè sese ad bibendū prouocant, nullo seruato rum ordine. Propinantes interim se mutuo amplectuntur, manūque alter alterius cōtrectat, illamque osculo excipit, fronti que admouet, dein malâ vtramque exosculatur.

In 3. in Ver-
rem act.

In Procmio
sui oper.

Vino incalcescentes cantharum aquâ plenum iuxta se habent, magnif-
que haustibus se refrigerant. Ditiorem scemina symposijs non inter-
sunt: quas nedum, conuiuia cum amicis celebrâtes, admittunt. Quem
morem à suis maioribus mutasse, ac velut iure hæreditario per manus
accepisse videntur. Nam & Cicero negat apud Græcos moris fuisse, vt
in conuiuijs viris mulieres accumberent. Quod & Æmilius Probus
testatur scemina (inquiens) neque in conuiuium adhibebatur, nisi pro-
pinquorum, neque se debat, nisi in interiori parte ædium: quæ *γυναικω-
νίτις* appellabatur, vel *γυναικείον*; quo nemo accedebat, nisi propinquâ co-
gnatione coniunctus. Quinimo nec in publicum prodire, aut sacris in-
teresse, nisi rarò, & interdum sceminas sinunt. Hæ omnes in luctu suos
quosque defunctos veteri Ethnorum more plangunt, & maioris do-
loris declarandi causa vxores in primis, matres, sorores, ac proximæ
quæque capillum sibi manu discindunt, comam euellunt, eamque ca-
daveribus injiciunt; fletu oculos corrumpunt, frontem genasque lace-
rant, deturpantque; cantilenas adhuc lugubres, seu naniam funebrem
(quam laimon vocant) lamentabili voce cadaveribus exhibent, con-
ductâ ad id muliere, quæ præcinat, & præfectam agat; astantesque ad
complorationes & lachrymas prouocet; quam veteres præficâ dixere:
quâ præcinente, cæteræ omnes cadaveri assistentes, insigni præconio
præteritam extincti vitam, actusque præclaros celebrant, virtutes re-
centent, pudorem, integritatem, & fidem extollunt. Viduæ quoque
summum erga defunctum maritum vt testentur amorem, & affectum,
nonnunquam toto luctus tempore domo non exeunt, vestem non mu-
tant, nec indusum. Multis præterea superstitionibus obnoxij, cum viri-
tum scemina, varijsque hæresibus (de quibus postea) irretiti, obscuram
omnes & ingloriam ducunt vitam. His de Græcorum moribus dictis,
vt tandem Cretæ descriptioni finem imponamus; qui ab initio in Cre-
tâ rerum potiti fuerint, quibusque successu temporis Insula paruerit,
subjiciendum est. Hanc Radamanthus, Minosque reges ab initio co-
luere: postea à piratis vexata in gentium efferarum potestatem peruenit:
deinde Romanis armis, duce Metello deuicta (qui Creticus inde appel-
latus est) sub tanti Imperij umbrâ felicissima aliquandiu quieuit: quo
postea inclinante, in Græcorum Imperatorum partes accessit. Recen-
tissimis verò temporibus, deletâ Myrtilli tyrannide, in Venetorum di-
tionem deuenit. Balduinus enim Flandriæ Comes, Orientis Imperator
electus, ex Bonifacij Monferratensis consensu, qui Insulam ex dono
Alexij Imperatoris tenebat, Venetis libero iure mille auri drachmis
venditam anno 1194. tradidit. Bonifacio in Cretæ compensationem,
Thessaliæ rege declarato. Ad quam retinendam multa ob gentis incō-
stantiam, postea bella vario euentu gesserunt Veneti: quibus tandem
sopitis

Strab. lib. 10

Luc. flor. li. 3.

Petr. Iustin.
Hist. Ven. l. 2,


sopitis circa annum Domini 1367. duce Marco Cornario planè sibi eam subiugarunt; ita vt post id tempus nulla seditio, nullus tumultus, nulli denique motus rem Cretensem ampliùs agitârint; sed fœlicissimè ad hæc vsque tempora sub iustâ Venetorum Republicâ floruerit: cuius auctoritate, legibus, & præsidio tranquillè Creteneses viuunt, atque altâ pace fruuntur. Sed iam satis de Cretâ: ad institutum reuertamur iter.

CAPVT XIV.

E Cretâ discessus. Insularum Rhodi & Carpathi descriptio. In Cyprum appulsus, eiusq; ad Meridiem littoralis tractus delineatio.

DISCESSVS nostri instante iam die, octauo nempe Id. Septembris, nauem conscendimus. Acceperunt & alij duo viri nobiles Ioannes Vetturius patricius Venetus, & Decimus Musanus Vicétinus, vterque Italus, & Hierosolymitani itineris futurus comes. Hi Neapoli clarissimâ Italię vrbe paulò ante nostrum in Cretam aduentum eodè appulerant, in Syriam nauigandi occasionem expectantes. Omnibus itaque in nauem receptis, etsi libenter vela explicuissimus; malaciâ tamen obortâ, è portu eo die soluere non potuimus.

Proximâ luce, quæ festum Sacratissimæ Virginis diem præcedebat, summo manè anchoras educimus: mox flatu secundo surgente, è portu soluimus, placidoque ventorum spiraculo eo die Siriam urbem, Spinalongam Cretæ propugnaculum maritimum, itemque scopulum (qui à Spiritibus nomen habet) præterlegimus. Sole occidente, Sammonium extremum Cretæ Orientale promontorium è conspectu se nobis tulit. Nocte proximâ fœlici progressu, ac vento leni ab alto nauigauimus.



Sexto Id. Septembris Carpathum, Rhodum, aliasque adiacentes Insulas felici cursu præternauigantes, circa meridiem Caramaniam Asiæ continentis prouinciam, olim Pamphyliam & Ciliciam appellatam, eminus conspeximus. Inde saluberrimo vento Attalicum, vel (vt alij volunt) Pamphylicum ingressi sinum, quem vulgus nautarum Sattalix siue Seteliz culphum *Golfo di Satalia* nominat, proram Cyprum versus direximus, atque in altum mare deductis velis, & Continens & Insulæ mox omnes euauere: iamque nil aliud, quam cælum vndique, & vndique pontus. Felici tamen navigatione ac cursu prospero altum illud tertio demum die superauiimus. Eum maris tractû sæuis tempestatibus procellosum, & nautis vel maximè formidabilem, Cyprum vsque trecentis millibus passuum demetiuntur; quem multo periculosiorē præteritis sæculis extitisse; atque tum demum tranquilliorē factum putant, quàm Helena Augusta Constantini Magni mater è Syria redux mare illud primùm transiret. Veterum siquidem memoriâ proditum est, piissimam hanc foeminam post inuentam Crucem Dominicam, cum patriam repeteret, & partem Crucis, ac clauos (quibus sanctissimum Christi corpus transfixum fuerat) secū efferret, & sinum hunc transiret, dum vehementiùs eius vndæ efferuescerent, iniecto vno ex clauis sedatorem reddidisse. Ne verò memoratas Insulas silentio prætereamus, paucula, quæ nobis de ijs innotuere, explicanda erunt.

Distat

Distat Carpathus (nautis Scarpantus, *Scarpanto*) ab ultimo Cretæ orientali promontorio quinquaginta millibus passuum; cui vicinus est Rafus scopulus, seu parua Insula, quæ veteribus Casos fuit, melle olim abundans, piratarum hodie & prædonum nidus & receptaculum. Varia olim Carpathum habuisse nomina referunt authores: nam & Tetrapolis, à quatuor præcipuis urbibus quondam florentissimis; itemq; Pallenes à Titanis filio, primo eius Domino, vel à Pallade, ut alij volūt, quam ibi enutritam, & educatam ferunt, appellata est. Eius ambitus septuaginta millia passuum, vel (ut alij volunt) sexaginta complectitur. Strabo 200. stadia computat. Formâ est oblongâ & arcuâ, montibus Lib. 10. altissimis ardua, & conspicua; marmoris fodinis diues, latissimis pascuis vberima, gregibus, & armentis, perdicibus quoque, & coturnicibus copiosa, ac portibus valdè accommoda. Tres enim in eâ portus conspicias, insignes quidem, ac tutos, capacissimosque; Cheatrum, Agathum, & Tritomum. Cheatros (Italis Gratus) ab Occidente; Agathus, planitie fertilissima nobilis, ab Aquilone: Trithomus (Tristanus nautis) omnium capacissimus & tutissimus, ab Ortû iacet. Propè est suburbium à Græcis habitatum, sic satis frequens; cui Possidium antiquitùs nomen fuisse putatur: hodie ab Insulâ Carpathi nomen obtinet. Incolæ ad vnum omnes Græci sunt, & Osmannico Imperio parent. Turcæ ibi nulli, præter Cadium, qui magistratus est Turcicus. Is licet Insulæ præsit, atque in incolas omnes Imperium exerceat; domicilium tamen inibi non habet continuum: sed tertio quoque mense eò venit, ius Insulanis dicit; & si res ita postulet, in reos animaduertit, moxque Rhodum (cuius Saniacco subest) redit: à quo quotannis etiam nouus magistratus in Insulam mittitur, qui publica vectigalia exigat: quorum collectio penes Græcos est. Plurima in hac Insulâ in hunc vsque diem veterum extant monumenta, atque urbium ingentia rudera. Iuxta portum Agatum Acastiæ urbis, hodie Sancti Theodori ampla spectes vestigia, nec minora Fianti urbis antiquissimæ ad meridionale sitæ latus; maxima denique Tuethos urbis ad Aquilonem positæ. Protheum olim maximum vatem, Oceani & Tethyos filium ibi regnasse ferunt. Vicinum mare ab hac Insulâ nomen tulit, & Carpathium appellatur.

RHODVS



RHODOS pulcherrima Lyciæ Insula, in mari Carpathio sita est, distatque à Carpatho viginti quinque millibus passuum, à Continenti octodecim, circuitu 125. vel secundum alios 140. millia continens. Hæc Soli quondam sacra, inter Asiaticas Insulas, Lesbos & Cypro exceptis, præcipua atque omnium præstantissima fuit, omnium scientiarum mater, & diuitiarum affluens; ideoque cara Ioui tellus à poëtis appellata, fabulæ occasionem dedit, quæ aurum in Insulâ pluvisse, cum Pallas è Iouis capite nasceretur, voluit. Varia antiquitus nomina obtinuit: primum enim Ophiusa, Stadia, Telechinis, Asteria, Athrea, Trinacria, Corymbia, Poëssa, Atabyria, deinde Macaria, & Oloëssa appellata; postremo Rhodus dici coepit. Aedificijs autem, vijs, mœnibus, portis tantum excelluisse scribit Strabo, ut nullam sibi æqualem, nedum præstantiorem haberet: iustitiæ verò cultu, & gubernandæ reipublicæ diligentia, ac rerum navalium peritiâ, & arte militari in primis claruit; ut hinc multo tempore mari dominata sit, & piratas sustulerit. Romanis insuper amica facta, multisque donis exornata, per eos ad Vespasiani usque tempora libera mansit: ab eodem verò in prouinciam redacta, Romano Imperio subdita fuit. Postea labentibus Imperij rebus anno à partu Virginis 667. à Muaviâ quinto à Mahomete Saracenorum Caliphâ occupata, & deleta est penitus. Denique post captam à Salahadino Hierosolymam Mahometæis erepta, & Ioannitarum operâ Christiano cultui restituta, in eorum potestate multis sæculis mansit: donec tandem Soleimanes primus eius nominis Turcarum Imperator eam rursus Osmannico Imperio subiecerit. Is enim anno à Christo nato 1522. numerosissimo comparato exercitu, ac trecentis & eo amplius armatorum cò aduectis millibus, cum eam summâ vi ac grauissimâ sex mensium obsidione, infestissimisq; insultibus coarctasset, Ioannitis interim incredibili fortitudine, animi robore, labore, & patiëntiâ strenuè (vbi pro aris & focis dimicantibus æquum erat, & eorum natales, nominisque celebritas postulabant) resistentibus, tandem, cum nullus (proh dolor) Principum Christianorum in summo rerum discrimine suppetias ferret, commeatu destituti, mœnibus euersis, & partem vrbs hostibus tenentibus, centum fermè millium Turcarum strage ante editâ, dedicationem facere sunt coacti: ea conditione, ut Philippo Villerio Gallo, Rhodiorum tum Principi, ac Ioannitis, plebique vniuersæ cum omni gazâ ac re familiari, quò vellent abire, liberum esset. Atque ita tandem nobilissima vrbs, Insulaque tota Turcarum in potestatem venit, atque etiamnum subest. Qui primi huius Insulæ habitatores fuerint, variè traditur, quos Strabo enumerat, ac liberalium artium & Philosophiæ studijs additissimos scribit. Cato, Cicero, Tyberius, alijque Romani (ut nonnulli volunt) Româ relicta literarum causâ huc transserârunt,

M

acade-

Lib. 37. c. 7.

academiasque Rhodiorum frequentârunt. Ingens quoq; Solis Rhodi colossus eam celebrem fecit. Is (vt Plinius refert) cubitorum 70. altitudinis, Claretis Lydij, Lysippi statuarij celeberrimi discipuli opus, post quinquagesimum sextum annum terræ motu posstratus, iacens quoque miraculo fuit: tantæ enim molis erat, vt pauci pollicem eius circumplecterentur, digiti etiam maiores quam pleræq; statuæ: vasti hiabant specus de fractis membris: Spectabantur intus magnæ molis saxa, quorum pondere stabilierat artifex opus. Duodecim annis tradunt effectum, trecentis talentis, quæ contulerant ex apparatu regis Demetrii. Fuit autem is ob inauditam magnitudinē inter præclarissima septem orbis miracula meritò annumeratus: fecitq; vt Rhodij Colossenses vocarentur: ad quos extat Pauli Apostoli Epistola: licet alij id negent: & Colossam non Rhodum, sed Phrygiæ urbem Laodiceæ vicinam fuisse putēt. Tres autem olim in eâ Insulâ fuisse memorantur vrbes: Lyndus, Ialysus, & Camurus. Lyndus Cleobuli patria primas tenuit: cuius dum fundamenta foderentur, Rosæ capulum inuentum fuisse narrant authores: à quâ demum ciuitas & Insula cognominata creditur. Nam Ρόδον Græcè, Latinis Rosam significat. Quocirca etiam Rhodij Rosam tanquã vrbis Symbolum in numismatibus incudi antiquitus curârūt, addito auersâ parte Solis simulachro, capite radiante, cum Græcâ hac inscriptione ΡΟΔΙΩΝ: qualia ænea atque argentea affabrè facta plurima passim est reperire, & me vidisse memini. Ex his vrbibus vnica hodie superest, eiusdem cum Insulâ nominis, nobilissima quidē, & portu ditata insigni, & securissimo: situ quoq; & propugnaculis munitissima, quæ multo tēpore Rhodiorum seu Ioannitarum militum sedes fuit. Hi hodie Melitenses dicuntur, ab Insulâ Melitâ, in mari mediterraneo è regione Sicilia sitâ, quâ liberalitate Caroli V. Imperatoris Romani, ab eo tempore, quo Rhodo pulsi fuere, obtinuerunt; in eaq; hætenus sedem fixerunt, ac firmissimis propugnaculis contra omnē vim hostilem munitissimam & inexpugnabilem reddiderunt. Vrbs ipsa Rhodus hemicycli formam referens, ad interius Insulæ littus sita, Marmocam Lyciæ, (quæ Asiæ minoris, hodie Anatoliæ, prouincia est) urbem maritimam oppositam habet: à quâ decem & octo duntaxat millibus passuum freto interiacente seiungitur. Incolæ cum Mahometæi, tum Hebræi sunt; Christiani nulli; insidias enim veriti in eâ pernoctare Christicolas non sinunt: interdum tamen annonæ comparandę distrahendæque causâ accedere cuius liberum est. Qui rari habitant, pleriq; Græci sunt, Christianæ fidei, Græco ritu cultores, hortis & vineis excolendis, ac cæteris agriculturæ studijs in primis dediti. Regio omnis pingui & fertili gaudet solo, vberissimis pascuis diues, oleis & vitibus cultissima, atque omnis generis arboribus, aureis præsertim, & citreis malis abundans.

Mira hîc cœli clementia, quòd assiduo Solis splendore illustratur. Sic enim Solinus: nunquam (inquit) ita cœlum nubilum est, vt in Sole Cap. 20. Rhodos nō sit. Hinc arbores perpetuā fronde virescunt, ac perpetuum ver representāt. Vnicus in eā riuulus Gadura nomine, sed innauigabilis. Mons item, omniū qui in eā sunt, altissimus Atabyris est, nunc *Filernus* dictus, Ioui Atabyrio olim sacer: qui & Insulæ cognomen dedit. Plurimi illustres viri & nominis claritate insignes ex hac Insulâ originem duxere, vel donicilium in eā fixere: inter alios Cleobulus, Leonides, Possidonius, Andronicus, & Apollonius: Parrhasius item pictor famosissimus, nec non Polydorus, & Alexander sculptores celebres. Strab. lib. 17

Haud procul à Rhodo occiduum versus Cos iacet, seu Chos, parua Insula, Italis hodie *Lango*, Græcis *Co* & *Stanlo*, aut vt vulgus effert *Stango*, vel vt Bellonius habet *Stancon*, Hippocratis clarissimi medici, & Apellis pictoris celeberrimi patria, ac vino optimo quondam celebris.

Tertio Id. Septembris, superato felici navigatione Attalico sinu, circa quartam à meridie horam, Cyprus Insulâ se nobis conspiciendam dedit. Lapso iam Sole Acamas, seu Acamanthum primum ab Occasu Cypri promontorium, vulgò Caput S. Epiphanij nuncupatum, mox Drepanum, hodie Trapanum, itemque Zephyrium, nunc Maloram. Cuspidem, Paphiam quoque scopulum, Papho obiectum, nec non Cuspidem Albam, *Capo bianco*, priscis Phrurium, primum à Meridie promontorium, nocte sideribus illustri, ac plenâ Lunâ feliciter admodum, ac vento in puppim flante abrasimus. Quartâ dein noctis horâ, velis demissis, veriti ne ventorum impetu longius abriperemur, quàm esset in votis, velocissimum naus cursum cohibere nautis visum fuit.

Proximâ luce Gauata vel Curias promontorium, hodie Caput Felium præternauigantes, reliquum mox littus ad Limissum vsque absoluiimus: in cuius stationem tertiâ diei horâ inuecti, iactis anchoris loco satis commodo, in alterum vsque diem substitimus. Gauatæ promontorium, à felibus à Calogeris in monasterio littori vicino (cui Acrotiri antiquitus nomen fuit) olim nutritis, cognominatum ferunt. Quod eam ob causam factum esse fama est, vt serpentes venenosos & incolis damnosos (quibus circumvicina scatebat regio) captos extinguerent. Arte namque has edocuerant, vt non minus in serpentes hosce sæuissent, eosque venarentur, quàm naturæ instinctu in glires muresque ferri, ipsique insidiari solent. Quotidie enim, vt feras venatici canes, sic illæ angues insectabantur, & quos cepissent, enecabant; & domū ad sonum campanæ, quasi pransuræ redibant: pransæ rursus venatū exhibant, sero vespere monasterium repetentes. Atque hac ratione regionem ab his noxijs animalibus tandem liberatam ferunt.

Nauis tabellio, dum hîc in statione heremus, navi egressus, ac parum-
lo seu ferutorio (vt vocant) uestus lembo, Italîs aliquot, Græcisque cō-
comitantibus, in littus descendit, ad Cadium Turcarum iudicem & Li-
missi prætorem profecturus, vt dona ei pro more offerret: neque enim
nisi oblati muneribus captare terram alienigenis fas est. Veniâ per ta-
bellionem obtentâ, quotquot tum è nostris in terram descendere vo-
luerunt, liberum fuit.

Postero die multi è nostris terram petiere, cōmeatus in primis com-
parandi causâ. Nauarchus hos eâdem de causâ secutus, quod vaccinæ
& pecorinæ carnes vili ibi constant pretio; boues octo, minutulos qui-
dem, sed obesos, duodenis aureis Venetis, id est, Batauicæ monetæ qua-
draginta octo florenis comparauit.

Strab. lib. 5.

cap. 14.

Fuit quidem Limissus veteribus Curias, aliàs Curium dicta, quon-
dam ciuitas, & Episcopali sede nobilis, magnificisq; ædificijs adornata,
nunc pagus tantum, sed satis frequens, iuxta littus in planitie peramplâ
& amoenissimâ positus; quem Lycus riuulus è monte Olympo decur-
rens, præterfluit, moxque in mare illabitur. Terra ferax est vitibus, fru-
ticibus, hortensibus, omnisq; ferè generis arboribus, & præsertim figu-
bus, Oleis, & charnubis. Sunt autem charnubi arbores ingentes, ac latè
expandentes ramos, folijs lauri non absimilibus, latioribus tamen, nec
ita acutis, semper virentibus, ac lætam indigenis æstiuo tempore præ-
bentibus vmbra: feruntque fructus, quas nos Siliquas, Græci *νεροκόμια*
appellant, humano digito nonnihil longiores, falcata pollicari latitudi-
ne, prædulces & gratos palato, nostris fabis non absimiles; duriore ta-
men cortice, & subnigro: semine amaro, & durissimo. Horum cortex,
semine reiecto manditur: succum etiam ex eo exprimunt prædulcem,
& ad cibos condendos optimum. Peringentes hîc iuxta littus cernas
filiquarum congeries, instar montium coaceruatas: quibus naues quan-
doque integras onerant. Ob maximum verò horum fructuum vberta-
tem vili admodum constant pretio, & animalibus in cibum cedunt:
quæ his tanquam gratissimo pabulo saginantur. His quoque (vti vulgò
persuasum est) filius prodigus, cuius in Euangelio fit mentio, implere
ventrem, ac saturari cupiebat; nec erat qui illi daret. Melones, pepones,
cucurbitæ hic maximâ crescunt copiâ. Musæ hîc quoque exquisitissi-
mæ, & saporis optimi. Est autem Musa arbor, seu frutex potius, cuius
fructus quoque *Musa* vel *Musi* dicitur, altitudine sesquihominis, sti-
pite viridi, comam in cacumine habens circumextensam, & folia in-
digitorum modum protensa; adeoque longa, vt staturam hominis erecti
ferè excedant, tam lata verò, vt extensus quispiam faciliè folio vno co-
operiatur. Sunt qui putant hæc prius exsiccata veteribus pro papyro in
vû fuisse: habent siquidem à summo vsque ad imum rectissimas lineas,
ordine

Luc. cap. 15.

ordine certo distantes, quo ferè hodie apud Italos in pergamenis arte fieri solent. Quotannis stipēs exscinditur, vel arefacta planta ex radicibus alios surrogat surculos. Semel tantum ex vno stipite fructus fert, qui plures in vno botro crescunt, aliquando decem, plerumq; viginti, nonnunquam plures: quorum quisque oui habet magnitudinem: suntque obducti cortice, seu folliculo spisso, coloris crocei, instar ficuum, odore rosæ formâ nostris cucumeribus non absimiles, colore primum virides; ast ubi maturescere incipiunt, paulatim in flauum mutantur, vel croceum; sapore quidem dulcissimi, ideoque grati palato, sed stomacho noxij: somnum quippe inducunt, fumo cerebri cauernas implent, & satiant multum, ac citò corrumpuntur: quocirca etiâ plebeis, ac vilioribus duntaxat in cibum cedunt. Vt autem diutius conseruetur, nondum maturi colliguntur, & arenâ obruuntur; denique in cubiculis appensi, vel ad Solem expositi, maturescunt. Sunt qui fructus hosce Paradisi poma appellant, eisdemque esse putant, in quibus comedendis Adamus protoplastes præceptum Domini transgressus legitur. Id autem in fructibus hisce notatu dignum, imò mirandum putauerim, quod in orbiculos concisis venas in singulis reperiatis, crucifixi effigiem utrimque referentes. Gossypium adhæc (Itali Gottonum siue Cortonum vel Bombasum vulgò nuncupant) in maximâ hîc colligitur copiâ. Id ex minuto satis prodit semine, quod terræ mandatum fruticem, producit cubitali altitudine, baccas vel coccum in summitate ferens, ad auellanæ nucis magnitudinem; intra quam baccam gossypium & grana seminis enascuntur; maturitate autem adueniente dehiscunt, & panduntur. Colitur hic frutex frequenti irrigatione, quo ferè modo Italici oryza. In Maio plerumque seminatur, in Septembri maturescit, & colligitur. Frumento quoque & segete variâ abundat hic tractus: semina autem in Octobri plerumque terræ mandant, & in Aprili (quo totâ Insulâ messis est) segetem colligunt.

Incolæ & vicinæ regionis accolæ maiori ex parti Græci sunt, Turcæ etiam, & Hebræi plurimi. Græci plerique mercaturam exercent, vel agriculturæ dant operam: Hebræi quoque mercimonij faciundis rem agent: Turcæ torpent otio. Omnes ob crebros terræ motus humiles inhabitant domunculas, ramis & argillâ in modum pauimenti tectas, atque vniuersum tantum contignationis: quarum ostia adeò depressa sunt, ut nisi inclinato corpore intrare quis nequeat: quod ea ratione excogitatum fertur, ne Turcæ equites patentes ianuas irrumpant, eorumque equi in priuatorum ædibus stabulentur. Paruulam hic Turcæ habent messicam, in quâ Mahometæo more orationibus vacant, suæque sacra exercent. Iuxta sunt publica Turcarum balnea. Nec Græcis suum hîc deest templum, etsi angustum, & sordidum: in quo & ipsi sacra myste-

ria suo ritu celebrant. Pagi vmbilicum arx occupat, quadratâ formâ tormentis bellicis, & Genizarorum præsidio vtcunq; munita; atque ad tutandum littus à piratarum depopulationibus percommoda. Sexto à Limissò lapide, ruinæ plurimæ, ac veterum Romanorum monumenta in ipso visuntur littore; vbi Amatham urbem vetustissimam, Veneti quondam dicatam extitisse fama est: quam Richardus Angliæ Rex solo tenus diruisse dicitur.

Ipsis Id. Septembris rursus anchoras educimus, ac vela ventis dantes, feliciter admodum Insulæ littus ad quinquaginta millia passuum, Cyprium cuspide, nec non Masoto, & Chiti superatis, legimus. Quartâ demum postmeridianâ horâ Salinas adnauigauimus; vbi mox in proximâ statione, fundo ad iaciendas anchoras satis apto, iactis anchoris substitimus, atque in alterum vsque hæsimus diem: neque enim aduersperascente iam die in terram descendere commodum fuit.

Proximâ luce oblati pro more donis Emino (is princeps publicanorum est, & regio prouentus exigit) naui egredi concessum fuit. Quâ antequam egrederemur, inuisum nos venit mercator quidam Italus, ex vicino oppido Arnicâ, Minoritis perquam familiaris. Referebat hic Bassam Nicosianum non ita pridem in vincula coniecisse Venetum, quendam mercatorem, Arnicæ incolam, quod Minoritam ex Germaniâ oriundum, qui anno proximè præterito Christianâ abiuratâ fide Mahometæam perfidiam publicè amplexus erat, ab hac reuocasset, opemque illi ad fugam præstitisset: prætereà percrebuisse, Vicarium, Hierosolymitanum nostri itineris comitem (qui tunc etiam Arnicam, venerat) Minoritæ illi fugam persuasisse, eiusque in primis operâ factû, quod Mahometæam sectam denuò derelictus esset, atque abiurasset; & eâ de re iam Bassæ constare: quare sibi non videri naui vt exeat: rem enim sibi alijsque fore discrimini; neque futurum vt incognitus lateat: plurimos Arnicæ esse, qui eum norint; neque defuturos, qui de eius aduentu Bassam certiores reddant: suadere idcirco, vt in naui latendo periculum effugiat. Hac oratione, & omnium consilio motus Vicarius, solus se in naui continuit, dum expeditis rebus nostris lassam versus nauigaremus.

C A P V T XV.

Enaui in Cyprum descensus; ibiq; mora. Comerçij & Arnica oppidorum, Vallisq; Salinarum descriptio.

DECIMO OCTAVO Kalend. Octobris seruitoriâ scaphâ, seu lintre terram adnauigantes, in proximum littus, loco vulgò Comercio,

Comercio, vbi antiquitus Cypriam urbem (quæ Insulæ nomen dedit) conditam fuisse ferunt, descendimus. Celebris quondam hic locus, & præcipuum totius Insulæ emporium fuit: quod & nomen indicat, & amplæ ruinæ testantur. Concurreunt & nunc quidem eò negotiatores plurimi, sed infrequentiores, quàm solebant Christianis Insulam moderantibus. Ingentia hîc olim extitere horrea, omnis generis mercibus frugibusque (quibus Insula abundat) referta: nunc vel flammis absumpta, vel Turcarum incuriâ (omnia in peius labi sinentium) neglecta.

A Comercio rectâ Arnica, veteribus Piscopiam, à littore mille circiter passus distantem, pedestri itinere perreximus. Progredientibus ad iactum lapidis à leuâ occurrit vetusti operis templum, fornicibus testû plurimis, rotundo schemate, cui Ortum versus adhærent ædiculæ aliquot humiles, & vnius tantum contignationis, ad vsum iter agentium, & in litus descendantium percommodæ: in ijs namque pernoctant Turcæ, ceterique aduenæ, qui eò negotiationis ergo se conferunt. Sacellum, quod ad læuam est aræ maximæ, Minoritæ Arnici à Turcis annis proximè præteritis, in demortuorum sepulturam emêre. Subsistentibus siquidem in statione nauibus, si nautarum quempiam è vitâ excedere contingat, cum non longè absit à littore, humi hoc loco condere, & Romano ritu exequias, & funeralia celebrare solent. A Lazari templo Arnica usque nil nisi ruinas, latosque campos, cappare refferos, atque agros vt plurimum desertos vidimus. Circa meridiem Arnica venimus, & apud Franciscanos diuertentes, per dies aliquot ibi moram traximus.

ARNICAM, seu Arnicum, egregium quondam ac frequentissimum fuisse oppidum, ædificiorû ruinæ & collapsæ ædes satis declarant. Hodie præter domunculas aliquot, easque raras & humiles, atque vnius tantû contignationis, nihil est quod cernas. Superest etiamnum prætorium satis amplum, atque elegans, rustico opere, è saxo quadrato & polito, Venetorû (vt opinor) operâ constructû, sed ruinosum, & penè collapsû; muris tantum vtrîmque extantibus. Huic oppositum est Christianorum quondam templum, D. Rocho sacrum, profanatû hodie, & in messitam versum, elegantis ædificij opus: cui contigua hæret turris æquilatera, & eminens, itemque porticus columnis è marmore decora. Medium inter templum & porticum area latissima occupat; in cuius umbilico videre est columnâ marmoream erectam, cui quondam Leoninum alatum è marmore signum, Venetorû symbolum, impositû fuit. Haud procul inde Minoritæ iuxta exiguum Græcorum arcuato opere templum, parua aliquot cubicula piorum eleëmofynis instaurata inhabitant, eaque, quò contra latronû & furum insidias infestationesque tutiora sint, muro cinxere. Hortû hîc habent omnis generis herbis hortensibus cultissimum, suntque

suntque ut plurimum quatuor numero in maximum peregrinantium, ac Palæstinam adeuntium, atque inde ad patrias sedes reuertentium commodum & solatium. Quantæ enim consolationi sit exteris, linguam Turcicam, Græcamque ut plurimum ignorantibus, longaque iam navigatione defessis, ac penè viribus exhaustis, in terris Turcarum inuenire nostræ religionis homines, qui humaniter hospitio quosque excipiant, liberaliter tractent, recreent afflictorum animos, opem item atque auxilium in necessitatibus ferant, vix dici potest. Præter tutum namque receptaculum, quod peregrinis exhibent, ægrotos curant, ad victum necessaria præbent, negotia peregrinorum expediunt, dolorem afflictis leuant, anxios releuant, & ad meliorem spem erigunt. Hæc autem hospitalitatis & humanitatis officia nemo gratis à Minoritis præstari existimet; etsi enim pro victu, pro labore, pro omnidenique curâ, & officio nihil exigant, petantve; officium tamen gratitudinis est benefacta benefactis cumulare, & remetiri unicuique mensurâ eadem quâ alteri quis mensus fuerit: eodem enim animo debetur beneficium quo datur. Solent propterea peregrini omnes antequam inde discedant, in grati animi signum condignâ largitione acceptum beneficium remunerare, & rependere vices. Id verò si quis negligat, ingritudinis notam incursum se certò sciat: quo nihil apud Deum hominesque odiosius. Cæterum cum nihil in bonis habeant, nullosque possideant agros, quibus victum sibi comparent, aut necessarijs Monasterij sumptibus pares esse queant, solis eleëmofynis mercatorum Arnicæ degentium, nautarumque in proximâ statione adpellentium largitionibus, ac peregrinantium munificentia viuant, necessum est. Hinc etiam apud Venetos consuetudo iamdudum inoleuit, ut quotquot eorum naues eò adpellunt, in Monasterij subuentionem auxiliumve singulæ ducatum Venetum siue aureum Cechinum exoluant. Tùm quoque illis liberum est, ut ad naues in statione hærentes stipis à nautis & viatoribus colligendæ causâ se conferant: qui quidem liberales & munificos se in illos exhibent: & iure quidem; nam maximè æquum est sæcularia ut metant, qui spiritualia seminant. Præter humanitatis siquidem officia, quorum pleraque supra memorauimus, singulis diebus sacra solemnia faciunt, precibus canonicis die noctuque vacant, & Ecclesiæ Sacramenta perentibus administrant: pro quibus tenuem saltem victum piorum eleëmofynis ut habeant, par esse nemo negauerit: dicente

Ad Cor. i. c. 9

Paulo, eum qui altari seruit, de altari oportere & viuere.

Dum Arnicæ hæremus, commodam nacti occasionem, ad Salinas secundo ab Arnica sitas lapide, comitantibus Minoritis, pedites perreximus. Est autem vallis perampla, sex millia passuum, vel secundum alios nouem, in gyrum continens, vndique cincta aggeribus. In eam torrens

ex monte Olympo fluens, atque aquæ pluviales è vicinis montibus influunt, & hyberno tempore lacum efficiunt; profundum plus minus pedes quatuor, aut quinque. Aquæ (quod quidem admiratione dignum est) cum dulces è cælo vel fontibus in lacum congerantur, ex soli naturâ, Solisq; feruore paulatim falsedinem contrahunt: mensibus dein Maio, Iunio, & Iulio, nullâ prorsus arte vel industriâ, sed solo æstu, & Solis ardore purgantur, coagulantur, & in salem albißimum obdurescunt. Res equidem admiranda, & visu digna; mare congelatum dixeris, & instar niuis candidissimum. Sal Augusto mense iam coctus duritie marmor refert; quem mancipia ferreis vncis effodiunt, effossum sacculis immittunt, eosque colligatos, a sinisq; impositos, ad eminentiora vallis lacera deferunt: sacculis denique euacuatis, salem in ingentes cumulos coaceruant. Sub finem Septembris vallem omnino sale denudatam conspicias, salis exceptis cumulis: qui in alterum vsque annum quandoque ibidem permanent, prout maior minorve salis copia nauibus asportatur. Sal qui colligitur, & in vberrimos quæstus crescit, regij iuris est, & ad Principem spectat; cuius colligendi curam, Eminus (de quo supra meminimus) habet. Hic quò commodius salem distrahat, vectigalia exigat, cæteraq; publica negotia expediat, ad locum Comercij quotidie cum suis ministris se confert; atq; in domunculâ, in ipso maris littore exstructâ, sua negotia in serum vsq; vesperum peragit. Affirmant Græci minus iam salis confici, quam olim, dum rerum Christiani in Cypro potirentur, idq; Turcarum inertix & negligentix adscribunt. Illos namq; arte & industriâ naturam ipsam adiuuantes, quotannis stagni fundum ab arenâ superueniente purgasse, aquam marinam, si quando pluviales deficerent, induxisse, abundantes molis euacuasse, aliaq; prout rei necessitas exigebat, curasse; hos cõtra nihil horum facere: quod re ipsâ verissimû cognouimus: Nam & molas (quibus olim in inducendis educendisq; aquis Christiani vsi sunt) cõfractas & neglectas penitus; fossas quoq; (per quas superuacanea aqua pluuialis emittebatur, vel ea deficiente, marinæ aquæ immittebantur) terrâ obrutas, & obstructas conspeximus: quo fit vt tertia pars vallis arenis sepulta, infructifera, & planè inculta, ac deserta prorsus hodie spectetur; & in peius quotidie labentibus rebus, nulli (vt dubitandum est) vsui aut modico saltem breui futura sit. Hinc quæ sit Turcarum supina negligentia, quæve segnities, facile colligere quis potest: torpent otio, labores omnes exosi, nulliusq; industriæ, ventri potius & Veneri, quàm rebus conseruandis, aut agendis studere malunt; & si qua gens ignaua, aut otio dedita est, sanè talis dicenda est Turcica. Inde quoque accidit, vt Cyprus, licet fertilissima olim, & rerum omnium abundan-

tissima, magnâ ex parte deserta, hodie & inculta iaceat. Ipsi enim Turcæ, præterquàm quòd agriculturæ nequaquam dent operam, si quos Græcos indigenas terram colore, atque opibus augendis studeant animaduertant, vel auanijs (sic Itali Turcicas fraudelentias vocant) miseros vexant, vel immensis exactionibus exhauriunt, & ad ossa vsque exco-
riant; vt misellis hominibus vix tantum è terræ frugibus supersit, quo vitam sustentent; cæteraq; sibi necessaria comparent, ac denuò semen-
tem faciant. Vt autem, quæ dum Arnicæ moram traximus, vicinaque peragrauimus loca, de famosissimæ huius Insulæ situ, facie, conditio-
ne, fertilitate, alijsque memoratu dignis, indagauerimus, Lectori inno-
tescant, paucula hæc subjicienda duximus.

Cypri Insula descriptio.



EST CYPRVS inter alias Orbis Insulas nobilissima, & rerum omnium feracissima; situ oblonga, montibus partim, ac collibus fructiferis, & amœnis, partim latâ planitie nobilis. Porrigitur inter Ciliciam, Syriam, & Ægyptum. Eius longitudo (quæ est ab Ortum in Occasum) inter duo promontoria, Acamantha & Dinaretha, siue extremas Clides 220. millibus passuum constat: centum & sexaginta duorum quidam numerum ponunt. Maior latitudo à Cormachite Cilicię angustias versus Aquilonem spectante, ad Phrurium prœmontorium (quod ad meridionale Insulæ situm latus est) 60. passuum millia continet. Ambitus 650. millia complectitur. Strabo 3420. stadiorum numerum ponit. Plinius alium. Distat autem ab Alexandriâ Ægypti millibus passuum quingentis, à Cretâ 400. à Ioppe Iudææ portu 200. à Tripoli Syriæ 100. à Sataliâ, aut Attaliâ Pamphyliæ oppido maritimo 60. Fuit olim varijs nominibus appellata, nunc Acantida Acamantis, Ceraftis, Aspelia, Amathusia, Crypta seu Crypton, Colonia, & Minois: nunc Paphia, Salamina, Ceraunia, & Cytherea, à præcipuis huius Insulæ urbibus; nec non Macaria, id est Beata, ob agrorum olim fertilitatem, & delicias varias: hodie Cyprus vocitatur: in sacris verò Literis Cethin, siue Chitim, vel Chetim nomen obtinuit. Olim nouem regnorum sedes erat, ut Pomponius, Plinius, alijque referunt: in quâ oppida quindecim præcis temporibus hæc illustria fuere, Paphos, Palæpaphos, Cithera, Curias, Cithium, Corinæum vel Ceraunium, Salamis vel Salamine, Amathus, Lapithus, Soloë, Tamafus, Chyttri, Arsinoë, Carpasium, & Golgoë siue Colaë: quæ omnia vel funditus euerfa, & extincta, nil præter nomen retinuerunt, vel in humiles abiire pagos: de quibus hæc paucula retulisse sat erit.

PAPHOS, quæ & Neapaphos, hodie *Baffos*, vna è quatuor Cypri urbibus, quæ vltimorum regum tempore reliquæ fuere, exiguum refert pagum, ad australe situm latus. Ab Agapenore olim condita, Veneris templo, portu, & regiâ statione celebris fuit: Distat à Palæpapho (ut Strabo notat) sexaginta stadijs. Hic Paulus & Barnabas fidem Christi prædicârunt, & Eraphram Episcopum constituerunt.

PALÆPAPHOS, id est vetusta Paphos, à Papho rege Pygmalionis filio condita, ad australe item littus iuxta Zephyrium promontorium sita, poëtarum carminibus nobilis, frequenter terræ motu collapsa, nunc ruinarum tantum vestigijs, quæ olim fuerit, ostendit. Hic olim Veneris templum percelebre existit; in quo promiscui sexus homines nudi Veneri sacrificium facere solebant, quod templum precibus Barnabę Apostoli concidisse, veterum memoriâ proditum est. Hic quoque Paulum & Barnabam Euangelium Christi prædicasse, ac Sergium Paulum proconsulem ad fidem Christi conuertisse; nec non Elymam magum,

Pha. l. 5. c. 31

Lib. 14.

Lib. 5. ca. 31

Asai c. 23.

Genes. ca. 10.

Pomp. l. 2. c. 7

Pha. l. 5. c. 31

Lib. 14.

Act. Apost.

cap. 13.

Hieron. in Vi.
ta Malchi.

magum, Iudæum, & Pseudopropheta cæcitate percussisse sacræ narrant Literæ. Hic etiamnum veteris Ecclesiæ ruinæ ostenduntur, & sub ea fornicus, in quo carcerati fuere Paulus & Barnabas. Adamantes hic in vicino littore reperiri referunt indigenæ.

CITHERA Veneris item vrbs, à quâ Citherea appellata fuit, haud procul à Papho in eodem littore sita, Porphirusæ nomen prius habuisse aliqui volunt: hodie pagus est, Conuclia nomine, cuius territorium, frumento, gossypio, & saccaro abundat, & in primis aquâ optimâ irrigua est.

CVRIVM seu Curias Veneris Acreæ templo quondam insignis, & sedes regia, hodie Limissus pagus est, de quo supra egimus: alij tamen, ubi nunc Piscopia pagus est, in nono à Limisso lapide Curiam extitisse putant.

AMATHVS antiquissima vrbs, & sedes regia, ab Assyrijs Nino regnante condita, à quâ & Insula Amathusiæ nomen sortita est, in sexto à Limisso posita lapide, solo tenus æquata, nil præter rudera vetusta ostendit.

CITHIVM, vel (vt alij volunt) Cithro, omnium totius Insulæ antiquissimum oppidum, à Cithin vel Cethin Noëi nepote (vt ferunt) conditum, hodie Chiti nuncupatum, ad australe quoque situm latus, octauo à Salinis lapide, præter turrim vetustam & semidirutam, humilescque aliquot domunculas, nil reliquum habet. Zeno Cithicus Stoicæ sectæ auctor, & Apollonius medicus, Strabone teste, hic nati dicuntur.

SALAMIS, vel Salamine à Teucro rege Telamonis filio ædificata, postea Costantiæ à Costâ rege nomen obtinuit: distatque à Famagostâ duo circiter millia passuum; humilem modo referens pagum: quem Famagostam veterem appellant. Ex hac Asclepiadem & Solonem Philosophum Atheniensium legistatorem ortos ferunt.

CARPATIVM, siue Carpasium, vrbs antiquissima, iuxta Sarpedonem promontorium (vt Strabo notat) sita, hodie ignobilis est vicus, Carpasso nomine, vel secundum quosdam vulgò Villa Diui Ioannis.

CORINÆVM, vel Ceraunium à Cyro exstructum, in scopulo prærupto, ad septentrionale litus situm, Insulæ olim nomen dedit: diciturque hodie Cerines pagus: habitatore vtcunque frequens, atque arce firmissimâ & inaccessâ, à Lusignan's regibus quondam instauratâ nobilis: quæ etiamnum valido Turcarum præsidio munitur.

LAPHETO vel Lapithos regia quondam sedes, à Lacedemonijs instaurata, statione & naualibus nobilis, distat à Ceraunio duodecim circiter millia passuum: hodie antiquum nomen obtinens, humilem.

refert pagum; sed qui vberrimo gaudet solo, gossypio, saccharo, citreis, aureisque pomis abundante.

Bib. 14.

SOLOE vrbs quondam regia, à Solone (vt quidã volunt) condita, hodie etiam pagus est Solia nomine, ad septentrionale posita latus, inter Cormachiti, & Alexandræ cuspidem media. Strabo Solum antiquitùs dictam, ac portum habuisse, & flumen, & Veneris ac Isis delubrum: eamque Phalerum & Acamantem Athenienses condidisse, incolasque Solios appellatos scribit.

ARSINOË sic dicta ab Arsinoë Ptolomei Lagi regis Ægypti sorore, hodie pagus est Crusocus nomine, aurifodinis, & chrysocollæ, ac vitrioli mineris in primis celebris: alij tamen sitam fuisse putant vbi nunc Lescara pagus est.

Luc. Flor. l. 3

Reliquæ vrbes quo loco extiterint, vel ignotum, vel obscurius traditum. Fuere enim præter memorata, insignia oppida Aphrodisium, Idalium, Centria, Tremithus, Cyniria, Aëte, Macaria, Matium, aliaque complura: quæ quidem omnia ita in cinerem abiire, vt vix eorum aliqua hodie extet memoria. Nostra hac tempestate ex tot vrbibus dux tantum in Insulâ Leucosia nempe & Famagosta remanserunt. Sic autem naturâ comparatum est, vt rerum omnium perpetua sit quædam vicissitudo, & immutatio: nec enim sub Sole est quod stabile sit, ac perpetuum quicquam; sed quæ oriuntur, necessariò intereunt. Quapropter haud mirum videri debet cuiquam, si quemadmodum in reliquis Maris Mediterranei Insulis, ita & in Cypro quoque Insulâ acciderit; vt quæ olim claræ & illustres in eâ ciuitates extiterint, harum hodie vel nullum planè appareat vestigium; vel obscuriores, multoque minores effectæ sint, & rursus aliz in quarundam locum successerint, quæ nunc temporis supersunt, vti in Leucosia (vulgò Licosia, aliàs Nicosia dicta) itemque Famagosta, quæ olim Leucata, & Arsinoë fuisse putantur, videre est. Sed quemadmodum ciuitatum facies immutata, sic etiam regio ipsa variam sæpius perpessa fortunam, diuersos quoque experta est rerum dominos. Nam eiectis ex Insulâ regibus, quos nouem numero fuisse veterum scriptis proditum est, à Cyro Assyriorum Rege occupata fuit, postea Græcorum Tyrannis cessit: Ptolomæo etiam, & Demetrio, Ægypti & Syriæ regibus diu paruit. Inde à Romanis Ptolomæo erepta sine bello, per P. Clodium tribunum Romano Imperio addita est. Eoque postmodum labente ad Imperatores Græcos peruenit: qui constitutis in eâ Ducibus, per multa annorum curricula eam rexere: Quorum tyrannide diu oppressa mansit, vsque dum Richardus Angliæ Rex Hierosolymam contra Saracenos classe profecturus, denegato ei ab Isaace quodam Comneno, Insulæ tum Duce portu, aliisque iniurijs acceptis, indignitate tantæ rei motus, vi factâ Insulam occupauit, eamque latè populatus, vrbes & oppida

pida incredibili quodam successu, celeri victoriâ in potestatem redegit; captasque vrbes magno suorum præsidio munivit. Postea Guidoni Lusignano Hierosolymorum Regi à Saracenis pulso eam vindidit, & cum Hierosolymitani titulo commutauit: atque hinc factum, est vt Anglicis regibus Hierosolymitani regni titulus cesserit. Lusignanus itaque nobilibus Gallis in eam deductis, Gallorum Cyprum coloniam effecit. Postea Sultanis Cayrensibus facta tributaria, extinctis Lusignanæ familiæ Regibus, qui per annos 283. eam rexerant, ad Venetos peruenit: quos ex saie & vectigalibus quingenta millia scutorum annuatim percepisse, ijsque mercibus commutatis, ac Venetias delatis tantundem lucratos esse, fama est. His demum anno 1571. à Turca expulsis, Ottomannis cecit: ijsque etiamnum subest. In quatuor olim regiones, Salaminiam, Paphiam, Amathusiam, & Epithiam diuidebatur: sed hodie in decem ditiones tota Insula distribuitur: quarum hæc sunt nomina: Paphus, Audimus, Limissus, Masotus, Salines, & Messarea; quæ omnes ferè Meridiè spectant, & maritimæ sunt: diuidunturq; à cæteris Septentrionem spectantibus, Carpasia, Pentalea, Ceraunia, & Crusoco continuâ montium serie. Inter has sola regio Vicecomitatus nomine, inter Cerauniam & Salines media, mediterranea occupat. Montana hæc mitia admodum, nec valde eminentia sunt. Altissimus omnium Olympus mons est, Trobodos, vel Trochodos hodie à Græcis appellatus, quatuor milliarium altitudinis, circuitus quinquaginta quatuor; Veneris Acreæ templo quondam clarus, quod (vt Strabo refert) nec videre nec adire mulieribus licebat; in quo monte & Olympiam urbem olim conditam nonnulli putant. Is hodie Michaëli Archangelo dicatus, sacellum eiusdem nominis in summitate habet. A Græcis autem monasticæ vitæ hominibus habitari cœptus, & octodecim monasterijs excultus, adeo procedente tempore hortis, vineis, viridarijsq; ornatus est, vt loci amœnitate, elegantia, & culturâ omnium in Insulâ celeberrimus euaserit: est enim plurimis & lymphidissimis fontibus scatens, ac totus ferè nemorosus. Verum, vt est nihil in rerum naturâ stabile, monachis tandem à barbaris loco pulsus, in desolationem abiit; atque etiam maiori ex parte desertus & incultus iacet. Huic proximus est, & altitudine conspicuus Mons Crucis vulgò dictus, in cuius vertice templum Iouis olim extitit: hodie Cruci sacratum est: cuius nominis occasionem dedisse fertur D. Helenæ in Iusulam aduentus: quæ cum portionem Crucis hîc reliquisset, templo etiam insigni locum illustrasset, à Cruce nomē indidit. Distat autem à Salinis circiter 20. millia passuum, itinere propter crebros & frequētes adscēsus difficili & permolesto: estq; sacello summo iugo montis imposito, in quo etiamnum particulā Crucis asseruari nonnulli putant, per celeberris. Plurima habet Insula promotoria, quorum, quæ ad Occasum, Meridiè, &

Lib. 14.

Ortum

Plin. l. 5. c. 14 Ortum emittit, alibi meminimus, & ordine recensuimus, ut superfluum sit ea hinc iterum enumerare: à Septentrione Crommion vel Crommiorum est promontorium, nunc Cormachiti, vel Cornachietti caput: & Callinula, nunc Limnito, itemq; Delenum. Urbium quas in Insulâ superesse diximus, altera maritima, altera inediterranea est. Maritima Episcopatu quondam nobilis, & portu ditata insigni & tutissimo; ad extremitatem, qua Orientem spectat, iuxta antiquæ Salamis reliquias condita, à Costo rege Diuæ Catharinæ patre, vel ab Augusto, ob partem contra Antonium & Cleopatram Actiacâ pugnâ victoriam, quasi Fama Augusti (ut aliqui volunt) Famagostæ nomen obtinuit, cum antea Artinoë ab eius conditricem (ut multorum est opinio) appellaretur. Est autem urbs sic satis ampla, & frequens, triangularem ferè referens formam, atque vnicum totius Cypri propugnaculum. Nam qua terram spectat, firmissimis munitionibus, à Venetis quondam exstructis, tutissima est; cæterum durissimæ rupi imposita, cuniculis, subterraneisque dolis haudquaquam obnoxia, tamen barbarorum incuriâ & supinâ negligentia incenia hodie passim lacera, & ruinæ proxima spectentur. Altera Lusignanæ familiæ Regum quondam sedes, Leucata prius, à Leucate primi Ptolomæi filio, nunc Leucosia, vel Nicosa dicta, mediterraneum quasi Insulæ occupat: situmque habet in perampla planitie, cui Messarea nomen est, longa septuaginta octo, lata triginta millia passuum; fructiferis circumsepta collibus, situ multum amœna, atque aquis irrigua, & vberima. Templum in eâ cathedrale olim Sophiæ sacrum, eleganti structurâ visitur; cui iuxta accubat Archiepiscopalis domus, in quâ olim Metropolitæ ac regni Primas, natus legatus Pontificis dici solitus, domicilium habuit. Templum hodie à Turcis profanatum, & in Messitam versum, spurco Mahometæorum cultui dicatum est; in quorum ritus tota concessit Insula. Cæterum urbs ipsa prægrandis quidem, ac formâ sphericâ, vndecim propugnaculis munita, latissimisque præcincta fossis, totius Insulæ magnitudine & situ principatû tenet; ruinis tamen deformata, squalida, & immunita; mœnibus laceris, vel ruinam minitantibus, militum incursum & oppugnationem non sustinet. Fluvius seu torrens Pedeus nomine eam interfuit; quod pontes lapidei indicant: estque interdum vehemens & violentus, tamen nos alueum calore siccatum inuenimus. Regia hæc sub Imperium Sultani Cayrensis anno à Christo incarnato 1423. redacta, qui pactus annum tributû, duodecim millium Cechinorum eam regibus Lusignanæ familiæ restituit. Per quinquaginta & amplius deinde annos pace fruita est: donec tandem Iacobus Ioannis regis ex illegittimo thoro filius, expulsâ Carolotâ sorore, & iustâ regni herede, quæ Sabaudicorum Ducis filio nupsérat, ope & auxilijs Sultani Ægyptij eam armis occupavit. Is non multo

multò post, ductâ in vxorem Catharinâ Venetâ, ex nobili Corneliorum familiâ, à senatu Veneto prius in Diui Marci, siue Reipublicæ familiam adoptatâ, & constitutâ, de publico centum millium ducatorû dote, fato functus est, coniuge prægnante relictâ. Quæ cum posthumum masculum edidisset, vix annum superstitem, suorum persuasû Regnum Reipublicæ cessit. In Venetorum itaque redacta potestatem, ad annum vsque 1571. Venetis fascibus paruit: quo tempore cùm Selimus eius nominis secundus Turcarum Imperator eam tanquam in Sultanorum Ægyptiorum iura successor, indicto Venetis bello repeteret, in barbarorum potestatem venit. Post varias namque atrocisque quadraginta dierum oppugnationes, superante hostium multitudine, quos 80 millia armatorum numero fuisse fama est, miserè capta & direpta est; nobilitate extinctâ, cæsis magistratibus, ducibus, præsidarijs, cæterisque vrbis incolis in seruitutem abductis. Atque hinc successu temporis euenit, vt quæ olim regia licet, & illustris extiterit, hodie magnificentiam omnem ob Turcarum tyrannidem amisit. In deterius enim & in præceps cùm ad barbarorum manus deueniunt, alta & regia quæque indies collabuntur & corruunt; auctoritate interim, ornatu, & opulentiâ cuiusque regionis imperij sedem sectante.

Parem quoque fortunam passa est & Famagosta. Post expugnatam siquidem Leucosiam, motis repente castris, ad expugnandam Famagostam aduolârunt Turcæ: quam tamen non eâdem facilitate, sed demum post annuam obsidionem, cæsis in ea septuaginta suorum millibus, potiti sunt; deditibus se præ nimîâ rerum inopiâ ac fame oppidanis, pactâ tamen prius cum Mustaphâ Turcarum supremo duce omnium incolumitate. Sed immanis barbarus prorsus pacti immemor, cùm *Marcus Anton: Bragadenus*, & *Astor Balleonus* primarij vrbis duces, compluribus comitantibus militum ducibus, vrbisque nobilibus, in castra ad ipsum profecti, vt clauibus portarum traditis, abeundi (vti conuentum erat) com meatum peterent; ille verò eos in tentorium ad se introductos prius benignè excepisset, laudassetque eorum fortitudinem, & studium in defendendâ pro Principe suo clarissimâ vrbe; mox in subitum furorem versus, contra datam fidem, ac omne ius gentium, non solum *Astorem Balleonum*, virum illustrem, & militari disciplinâ clarum, aliosque primores cæsis ceruicibus interfici, & cæteros armatâ cohorte hastatisque Ianizaris in eos missis trucidari, sed & *Marco Antonio Bragadeno* vrbis præfecto, inter Venetos patricios armorum studio, & constantiâ singulari viro, post aurium abscissionem, inauditâ barbarie atque horrendo spectaculo, per carnificem Iudæum crudelem in modum viuopellem detrahi præcepit. Qui inspectate totâ vrbe, inter istos acerbissimos cruciatus tantâ fortitudine,

O

animique

animique constantia, atque eâ frontis orisque serenitate dicitur emicuisse, ut lætari potius, quam quicquam pati videretur. Neque his contentus sæuus barbarus, pellem insuper *Bragadeno* detractam Constantinopolim transmitti, ac paleâ impletam in ipso nauali suspendi, iussit: quam tandem post multa annorum curricula eius Frater liberique maximo ære redemptam, Venetias transportari, vnaque mar- morea in Templo D D. Ioannis & Pauli condi curarunt: hoc addito in perpetuum amantissimi patris, atque æternæ memoriæ viri testimonium Epitaphio.

D. O. P.

M. ANTONII BRAGADENI DVM PRO FIDE ET PATRIA BELLO CYPRIO SALAMINÆ CONTRA TVRCAS CONSTANTER FORTITERQ. CVRAM PRINCIPEM SVSTINERET LONGA OB- SIDIONE VICTI A PERFIDA HOSTIS MANV IP SO VIVO AC IN- TREPIDE SVFFERENTE DETRACTA

PELLIS.

ANN. SAL. CIO. IO LXXI. XV. KAL. SEPT. ANTON. FRATRIS OPERA ET IMPENSA BYSANTIO HVC

ADVECTA.

ATQVE HIC A MARCO HERMOLAO ANTONIOQVE FILIIS PIEN- TISSIMIS AD SVMMIDEI PATRIÆ PATERNIQVE NOMINIS GLO- RIAM SEMPITERNAM.

POSITA.

ANN. SAL. CIO. IO. LXXXVI VIXIT ANN. XLVI.

Leucosiâ & Famagostâ expugnatis, Cerauniaque arce in deditio- nem acceptâ, ad reliqua facile oppida & pagos patuit accessus. Nam neque propugnaculis, nec milite præsidario munita, oppugnationem prohibere nequibant, ut nullo negotio in ius Turcarum cesserint: quæ quidem omnia vnus Bassæ hodie subsunt imperio. Is Leucosiæ domi- cilium habet: estq; supremus magistratus Turcicus, auctoritate cū no- stris Proregibus æquiparandus. Nam nō solum in insulanos, sed & om- nes insule magistratus, Saniaccos, Cadios, Subassios, itemq; milites præ- sidiarios, siue equites, siue pedites sint, imperium habet; regniq; totius sūmas, Turcarū legibus, moderatur habenas. Fungebatur hoc munere cū nos in in Insulâ hæreremus, Calaber quidam, humili natus loco, Christianæ fidei apostata, nomine Iasser Bassa, Christianis (ut solent huiusmodi homines) infestissimus. Præter has vrbes pagi vulgò Casalia circiter 850 superesse hodie in insulâ memorantur: qui quidem frequentes olim licet extiterint, & diuitijs ac rerum copiâ abundan- tes, habitatoribus (uti fertur) ad 160000 adscendentibus, nunc tamen Turcarum ob tyrannidem deserti ut plurimum, & infrequentes spe- ctantur.

stantur. Præstant cæteris Lapithus, Cilurus, Carpaffus, Lefcara, Constantinum, Limnari, Silica, Arnica, Pellendria, Chilani, Colofus, Piscopia, Salines, Conuclia, Otima, Serines, Arzus, Omodus, Crufocus, Solia, Morfu, Limissus, & Lefca. Incolæ præter Turcas, Mauros, & paucos Hebræos, maiori ex parte Græci sunt (quibus & sermo Græcus, & Græci characteres; quanquam nonnihil à Creticâ dialecto lingua ipsa euariet) Christianæ fidei cultores, & Græci ritus omnes. Adfunt præterea & Maronitæ, & Nestoriani, Iacobitæ, Cophiti-que, qui è Palæstinâ profugi, captâ iam Hierosolymâ, è Saladini regno pulsi, sed è ibidè fixere; ac suæ quique sectæ in hodiernû vsque diem obseruât ritus. Turcæ (vt fide dignorû relatu accepimus) vix sex millia hominû cõstituût; cùm Christiani è cõtra ad 28 millia, sceminis & pueris exceptis, adscẽdere dicantur. Ferût propterea Cyprij iniquè hoc Turcicum iugum; ast ferunt, cùm nullum speret à Christianis Principibus (à quibus quàm longissimè distiti sunt) opem, auxiliûmve. Tentare idcirco quippiam pro libertate non audent, Putant tamen si à Christianis subsidij aliqua spes injiceretur, cùm nec arma ipsis desint, nec animus, & numero etiam Turcas longè superent, facillimè barbarorum sese excussuros iugum. Sed (proh dolor) ea est hodierna Principum Christianorum misera & planè deploranda conditio, eaque mētis cæcitas, atque inter se inuidiæ odijque acerbitas, ac fidei & pietatis tepor, vt posthabitâ communi omniû causâ, in quâ esse deberent vigilantissimi, malint omnia peruertere, & labanti Reipublicæ Christianæ auxilia subtrahere, Christianû sanguinẽ effundere, & seuum in mutua viscera stringere ferrû, quàm Turcarum iugo & tyrannide oppressis suppetias ferre, & immanissimû Christianorû hostem, ac tyrannû impijssimum bello petere, eiulq; atterere & debilitare vires. Hęc quotidianis lachrymis miseri Cyprij deplorant: neque se vnquam liberandos sperant, nisi cœlitûs auxilium affulserit. Atque hæc & his maiora cùm suâ tum maiorum suorum culpâ mereri se libere confitentur: quippe qui iustum Venetorum imperiû exosi, graui nẽpe se iugo oppressos arbitrati, quod exteræ nationis hominibus parerent, Turcarum se subdi & subesse imperio sæpiûs exoptârunt, eorumq; tyrannidem Christianorum Principum imperio prætulerunt: verum, vt mihi insulanorum Primores narrauerunt, suo malo & damno nunc demum experti sunt, quantû falsâ opinione decepti à vero aberrauerint: Longo siquidem vsu iam planè didicerunt, quàm longè Christianorum Principum mores & moderamina à Turcarum regimine, seu potius tyrannide absint: quantumque inter vtriusque dominatum intersit. Apud Christianos namque ratio, & æquitas, ac pietas locum habent: apud Turcas verò hæc omnia exulant, nilque præter meram tyrannidem inueniri datur.

Sed hæc obiter. Redeo itaque eò vnde digressus eram, regni Cyprij statum & conditionem iam declaraturus. Incolæ ultimo Regum ac Venetorum imperio in sex diuersa hominum genera distribuebantur, Paricos nempe, Lesteros, Perperarios, Albanenses, Venetos albos, & Nobiles. Parihi siue Parici, Latinis Coloni, infimi generis ac seruilis conditionis homines erant, vsque adeò dominis obnoxij, vt prope modum vitæ necisque potestatem in eos haberent. Nam præter censum annum (quem dominis soluere tenebantur) singulis etiam septimanis duas operas gratis præstabant, ac tertiam quoque fructuum partem quotannis referebant: eoque præterea in eos iure utebantur domini, vt libera eis potestas esset eos vendere, ac permutare, carceribus mancipare, proscribere, flagris cedere, tormentis subicere, omni denique pœnâ corporali (solâ capitis exceptâ, quæ ad solum regem spectabat) affligere. Hoc vnico interim miseris illis manente solatio, & spe, quod solutione sexaginta scutorum aureorum personalem libertatem redimere poterant: ea tamen conditione, vt nihilominus agri illorum dominis iure paricorum obnoxij remanerent. Hos sequebantur Lesteri, siue Elesteri, id est quasi liberi, siue libertini: qui quidem & ipsi Paricorum erant è numero; sed pecuniâ, vel gratiâ dominorum, vel aliâ quâdam viâ libertatem consequuti; diuersa tamen ratione. Nonnulli quippe absolute liberi efficiebantur, quum alij personali duntaxat libertate potiti, nihilominus rerum suarum nomine dominis essent obligati, vt qui quotannis quindecim aut sexdecim, alij plura, aut pauciora perpira, siue hyperpira soluere cogebantur: quorum occasione Perperarij siue Hyperperarij coloni in ordine tertij dicebantur. Albanenses ex Albaniâ seu Epiro oriundi, liberi erant homines, & publica sub regibus & Venetis merebant stipendia. Hi littus interdum noctuque obequitabant, per vices excubias agebant, atque à prædatoribus piratisque insulam tutabantur: qui postea cum sedem in insulâ fixissent, Albanensium nomen obtinuerunt. Veneti albi, liberi quidem & ipsi habebantur: census tamen annuos principibus aut nobilibus viris soluere tenebantur. Nobiles cæteris præstabant, & ipsi in duas distincti classes. Primas tenebant Principes, & Barones, seu Domini (vt aiunt) titulati: secundas Patricij reliqui. Neque enim Venetis insulam moderantibus soli nobiles Veneti iure nobilitatis fruebantur, sed & Senatus Veneti priuilegio reliquis omnibus Veneti imperij ciuibus, quos vt minimum quinquennium Leucosæ habitasse constabat, id quoque iuris erat. Hodie barbarorum tyrannide Christianis omnibus eadem conditio est: neque enim nobiles à plebeis discernuntur: sed æque omnes seruiunt, & tanquam vilissima mancipia habentur, dominus, seruus, diues, pauper, senex, puer,

puer, domina, serua : ita vt vnà omnes, nemine proflus excepto, Turcarum iugum experiantur : quorum quidem moribus iam dudum assueti, simul etiam vitia hauserunt : sunt tamen cæteris Græcis Turcarum subditis & humaniores & mitiores, atque in aduenas omnes benigni & faciles : ingenio quidem acuto & subito, ac linguâ manuque prompti; fortes insuper & neruosi, atque armis idonei, sed genio & voluptati præ nimîâ soli feracitate vt plurimum indulgentes. Fœminæ pleræque lasciua, & à veteribus haudquaquam degeneres, quæ (vt Iustinus refert) priusquam nuptui traderentur, exteris nautis se prostituebant : vt non abs re Veneri sacratam Cyprum à Veteribus proditum sit; vel eo magis, quòd omnia ibi affatim suppetant, quæ Veneri fomenta subministrant. Nunc paucula de eius vbertate attingamus.

Abundat Bombyce, seu Serico, Gossypio, Lino, Lanâ, Frumento, Oleo, Melle, Caseo, Butyro, Vinoque præstantissimo, & stomacho in primis vtilissimo, adeoque durabili, vt in octoginta & plures annos incorruptum (vti acceperimus) seruetur. Natura rubrum est, sed (quod mirum dictu) vetustate albescit, & quodam modo canescit; balsamo virtute comparandum, ægrisque corporibus, modicè sumptum, admodum proficuum : cæterum non nisi assuetis, siue nouum, siue vetus, gratum; picem siquidem redolet plerumque, quòd in picatis dolijs contineatur, quæ vina tetro sapore inficiunt, diutissimè tamen conseruant. Vuas adhæc in rugas siccatas, quas vulgò *Zibibo* vocant, nigri coloris optimas, crassasque in magnâ copiâ producit : vt & segetes, ac varia legumina. Dicitur autem vix potest quàm vberis glebæ sit regio, modo in continuis æstatis caloribus humor ne desit, sed diligenter irrigetur : qua in re nullis sumptibus, nullisque laboribus parcunt : nam fluminibus siue torrentibus deficientibus, puteos habent altissimos & patentes, è quibus fictilibus ollis, magnis rotis, ab equo circumactis, aquarum copiam exhauriunt immensam, quâ arua adaquant. Anni tempora hîc cum naturâ nostræ regionis collata, præpostera videntur : æstate enim adeò sicca, atque adusta Solis ardoribus sunt omnia, vt vix ullis in locis (nisi irrigatione iuuentur) vel herbulam conspicias. Hyeme contrâ, post autumnî crebras pluuias, cæpis passim irriguis, lætam vbique herbam, ac prata ridentia spectes; vt hyemem veriùs æstatem dixeris. Sanè iter facientibus, arantibus, & quiduis operæ ac negocij exercentibus, ægris etiam, hyems æstate ipsa multò oportunior est; neque enim frigore molestantur, nisi cum boreales spirant venti, quinimò adeò lenis & tepore mixta solet esse hyems, vt eâ durante, pecora perinde ac si Ver inciperet, virentia pascua saltusque perquirant. Alia æstatis ratio : vehemens enim & omnibus molesta : omnia torpent, nec aduenis, nec indigenis tutum sub

meridiem vsquam progredi: quare domi se continent, ac tectorū præsidio mortiferos Solis calores, quā possunt, fugiunt. Solis autem ortum præuertunt, crepusculum captantes: utq; consulant sanitati, ientaculo aduersus ingruentē debilitatem vires firman. Noctu agricolæ in primis humi prostrati sub dio nudi cubitant, honestiores stragulis incubant, ventisq; expositi, ac linteamine vix operiti obdormiunt. Si proficisci quopiam necessitas vrgeat, noctu id faciunt, interdum quiescunt. Sed iam satis de æstate hyemeque: insulæ vbertatē prosequamur. Miranda hîc ex Ebosîa canna (quam Cannam mellis hodie appellant, ex quâ Saccharū conficitur) arundinum seges est; nec minor gossypij fruticis: vtriusque culturam alibi explicauimus. Alumen scissile album & nigrum, Pix quoque; Resina, Sulphur, Gypsum quod è terra foditur, & Salnitrum multis ibi in locis abundè prouenit, Iaspidem, Achatem, Smaragdum, Crystallum, Corallium, rubrum albumque, nec non Adamantem, orientali tamen & pretio & duritie inferiorem, aliosque lapides pretiosos producit: sed & Auri, Ferri, & Æris fodinis, Vitrioli item omnium optimi, & rubiginis Æris, ad medicinæ vsus idoneæ, nec non Marchasitæ, cum albæ, tum rubæ diues est. Amiantum quoque lapidem priscis notissimum, Alumini scissili (quod vulgò plumosum dicitur) persumilem, qui nullo igne aduritur, apud Amiantum pagum in multâ copiâ gignit. Ex eo lintea & funebres tunicas texere solebant veteres; quæ sordidatæ igne purgabantur, aquâ lotæ indurescebant: his cadauera comburenda, ut cremati cineres commodius conseruarentur, atque à reliquâ fauillâ internoscerentur, obtegere veteribus in more fuit. Sed hodie huius generis telæ vsus exoleuit. Laudanum præterea, Thus, Styrax, Manna, Scammonea, Crocus, Coriandrum, Susimanum vel Sesamum, Rhus seu Sumach, Lentiscus, Rheubarbatum, Colocynthis, Thymiana, Maiorana, Hyssopus, aliæque quam plures plantæ saluberrimæ, ac medicâ virtute nobiles, hîc abundant, Pepones itē, Melones, Anguriæ, Cauli flores, Faba Ægyptia seu Colocassia, aliæque herbæ ad quotidianos hominū vsus optimæ, in maximâ hîc nascuntur copiâ. Iuxta pagū Calopsidē copiosè proueniunt herbæ Sodæ nomine; ex quorū cineribus sapo conficitur, itemque aliæ, quibus undulati panni (quos vulgus Italū Zaabelota appellat, atque ab indigenis è caprarū pilis egregij & plutimi cōficiuntur) purgantur, lauanturque. Puluis adhæc vulgò Cyprius dictus, miro odore fragrans, ac multo in pretio apud Italos è quibusdā herbis odoriferis, vel (ut alij volūt) è rore coloris viridis, supra saxa herbasque decidente, & siccato, dum albescat, cōponitur. Abundat præterea omnis generis arboribus; Cerasis, Castaneis, & Sorbis exceptis; quarum loco præstantioribus, ac multo nobilioribus naturæ beneficio gaudet, Occidentalibus haudquaquā concessis.

cessis, imò vix cognitis, Musis nēpè, Dactylis, & Charnubis. Relinquo Aurantia, Citrina, Armeniaca, ac Punica mala, quorum ingens ibi copia. Sylvæ hîc cupressinæ plurimæ. Terebynthi itē arbores copiosæ. Ex his Resina, quā Terebinthinā vocant, stomacho ac sanguinis reiectioni in primis conducēs, omniū optima atq; odoratissima profluit. Omnis item generis volucrū peringentē alit numerum. Palumbes, Coturnices, Perdices, Attagenes, Anates, Anseres hîc ferè infiniti; Turturū nō minor quàm apud nos passerulorū copia. Hi adeò domestici, vt in tectis, publicis plateis, vt hortis frequentes conspiciantur, & cum hominibus quāsi conuersari videantur. Auiculę (quas Cyprias vulgò appellant Itali) hortulanis Italiæ non absimiles, tam copiosè hîc nascuntur, adeoque pingues, vindemiæ præsertim tempore (quo vuarum acinis & lentisci semine vescuntur) euadunt; vt infinitas ferè aceto odoriferisq; herbis conditas, & vrceolis immissas, venum Venetias exportent. Principum nobiliumque totius Italiæ mensis gratum, lautum, & vsitatum obsonium. Aquilæ & Falcones hîc plurimi. Sacri & peregrini volatiliū hostes aliunde aduolantes, hîc etiam capiuntur. Feræ syluestres, Damæ nempè, Cerui, Lepores, Cuniculi, aliæque hîc innumeræ; noxiæ, aut rapaces nullæ. Verueces præterea prægrandes, ac mirum in modum obæsi, quibus caudæ cubitalis longitudinis, adeò latæ & crassæ, vt non solum posteri ora animalium tegant, sed & librarum duodecim pondus nonnunquam superent. Nascitur hîc quoque Chamæleon animal quadrupes, monstruosum & deforme valdè; vnū (dum Arnica hæreremus) apud Minoritarum Guardianū, vnum apud Græcum quendam illius loci incolā & vidimus viuum, & contrectauimus, cum nequaquā noxius sit. Est autē altitudine palmaris, lōgitudine sesqui palmum non excedens; diuersā varietate conspersus, vt pardus: rostrum habet simile ranæ, caudam prælongam, exilem, ac in tenuitatem desinentem, & implicantem se viperinis orbibus, crura recta, ungues aduncos, vt volucres; pellem asperum, vt crocodilus; ventrem flaccidum, & strictum; latera ventri iunguntur, vt piscibus, & spina simili modo, dorsus gibbosus, vt camelis; incessus tardior, vt testudini. Oculi in recessu cauo, tenui discrimine, prægrandes, & corpori concolores; quos nunquam operit: nec pupillæ motu, sed totius oculi versatione circumaspicit; hianti semper ore; Aliū nunquā purgat, cum sit clausus vndiq; solusq; animaliiū cibo nec potu alitur, nec alio quàm aëris alimento viuit. Sed coloris natura mirabilior: nam ad quoscunq; colores, quos proximè attingit, rubro & flauo exceptis, facillima conuersione variatur: maculas tamen nigras nō mutat, sed pellē tantū, vnde vulgò natum prouerbiū, *Chamaleonte inconstabilior*: quod in hominē inconstantem, ac lubricæ fidei torqueri solet. Ceterum fluuium insula nauigabilem

nauigabilem nullum habet, sed riuulos & torrentes aliquot: præci-
 puos Pedecum, Leucissiam præterfluentem, Lycum ex Olympo de-
 manantem, & Tenum. Ex hisce vbi abundant, aquas rotis hauriunt;
 quibus prædia atque arua circumjacentia humectant. Ob aquarum
 vero penuriam sepius annonæ inopiam passa est hæc Insula; præser-
 tim Helenæ Constantini Magni Imperatoris matris temporibus, qui-
 bus per triginta & amplius annos habitatoribus vacuum extitisse Græci
 traditione populari referunt. Fontibus namque exsiccatis, & hiantē
 terrā æstibus, aridoque effecto solo, agriculturam non exercuisse indi-
 genas, & ob id alio demigrasse omnes. Tandem Helenam præfatam
 cum ad insulam hanc Hierosolymis redux appulisset, tantæ desolatio-
 nis causam sciscitatam, commiserationis intimo affectu motam, pre-
 cibus à Deo pluuiam, & pristinam fontium scaturiginem impetrasse,
 insulamque totam, euocatis è continenti populis, antiquo suo nitore
 & frequentia restitutam memorant. Id præterea Cyprus patitur in-
 commodi, quod vermium quodam genere quandoque infestetur: qui
 singulis ferè triennijs (si sicciore anni fuerint) paulatim crescentes,
 mense Martio iam alati, & digiti crassitudine, longisque tibijs, similes
 locustis volatum instituunt: vbi autem volare incipiunt, velut è cælo
 demissa grando, voraci ore omnia deuastant, ventisque impulsī, tantā
 copiā, ac multitudine volitant, vt instar nebulae densissimæ videan-
 tur: cumque virentem omnem herbam absumpserint, fame demum
 enecati intereunt; fœtoreque terribissimo post se relicto, aërem terram-
 que infestant: ex quo dira quandoque lues oritur. Solent propterea
 incolæ horum oua diligenter inquirere, & inuenta cum suis nidis &
 cubiculis disperdere: id enim nisi faxint, in infinitum prope numerum
 sub torridā illā plagā excrescerent. Quanquam verò pestifero hoc a-
 nimalculorū genere infestetur, æstibusque vel maxime obnoxia sit, at-
 que aëris idcirco nonnullis in locis vigeat inclementia, ad soli tamen
 feracitatem, sitūsve elegantiam, ac rerum omnium affluentiam nihil
 insulae deest; nec vllō externo eget adminiculo: quod & Ammianus
 Marcellinus testatur: *Tanta (inquit) tamque multiplici fertilitate abun-*
dat rerum omnium Cyprus, vt nullius externi indigens adminiculi, indige-
nis viribus à fundamento ipso carinae ad supremos vsque carbasos ædificet o-
nerariam nauem, omnibusque armamentis instructam mari committat. Hæc
 ille. Vnde non immerito olim Macaria, id est beata dicta fuit. Di-
 uitijs namque abundans, & rerum copiā exuberans, ac delitijs affluēs,
 quicquid suauē, quicquid optabile, ac gratum vsquam excogitari po-
 terat, licebat hinc conspiciere, habere, frui. Maximarum eius diuitia-
 rum meminit Lucius Florus. *Cypria (inquit) opes à Portio Catone Li-*
burnis per Tiberinum ostium inuectæ, latius ærarium populi Romani imple-
uerunt

uerunt, quam ullus unquam triumphus. Hodie tamen non eadem manet Insulæ conditio, ac facies: barbarorum siquidem tyrannide (proh dolor) oppressa, antiquo decore & splendore exuta, squalida, inculta, & deserta multis in locis ac neglecta iacet. Ciuitates iampridem famosissimæ, & frequentissimæ, splendidis, magnificisque exornatæ ædificijs, iam ruinosa, sordida, & infrequentes; oppida & pagi, frequentia quondam celebres, deserti passim & desolati spectantur. Est namque Turcarum deuastare vrbes & oppida, depopulari agros, & ad nihilum quæcunque magnifica & splendida reducere. Hæc de Cypri descriptione. Reliqua modò quæ nobis ante discessum ex insula acciderint, prosequamur.

CAP V T XVII.

Naugium ex genere Caramussalinorum conductam. Discedendi venia cum difficultate ab Emino obienta. Ex insula discessus, & ad nauigium mari reditus: inibi cum nauarcho litigium; eiusdemq; exactio. Libani montis conspectus: & ad littus Phœnices appulsus.

DECIMO SEPTIMO Kal. Octobris, Minoritis, atque in primis iudiciario Consule Veneto procurantibus, nuncius expeditur ad Famagustanum portum, nauigij conducendi causâ. Cum etenim in Salinarû statione nullus adesset Caramussalinus (ita actuariam nauem vocant Turcæ) quo cum in Syriam transfretare commodum esset, ad primarium Insulæ portum mittere celerem necessum fuit. Id siquidem iam dudum vñu venit, vt qui in Iudæam nauigare velit, nisi rectâ Tripolim Syriæ petat, primâ relictâ naui, quâ Venetijs disceditur, aliud nauigium ex genere Caramussalinorum, quo in Palæstinam transfretet, in Cyprio conducere debeat: neque enim naues Venetæ in Syriam nauigantes, Ioppensem portum (vt olim solebant) hac tempestate petunt, sed Alexandreram in Sinu Issico sitam urbem adnauigant. Itaque cum in quartum iam diem nuncij reditum frustra expectantibus nauigium satis commodum Salinas appulisse nunciatum esset, ne diutiùs differre abitum cogeremur, Consuli Veneto negotium dedimus, vt cum nauarcho (quem Raissum Turcæ, Veneti Patronum nuncupant) de naulo transigat. Erat is natione Syrus, conditione Christianus, ac præter Arabicam, Turcicam, Græcam, & Italicam callebat linguam. Hanc igitur opportunam occasionem, quod pro interprete nobis esse posset, haudquaquam negligendam putauimus. Post multam tandem & diligentem Consulis operâ & fidem, Cechinis viginti vno Venetis de naulo cum Nauarcho pacti sumus.

sumus. Haud multò post redit nuncius, qui pepigisse se de naulo cum Nautâ Farnagostano triginta quinque Cechinis Venetis, & pro arrhâ sex aureos dedisse, ac ipsum mox cum nauigio affuturû nunciat. Quid agendum hac in re esset, diu hæsimus ambigui: in diuersâ enim tendebant animi: hi minori nauigio, tanquam promptiori & instructiori suscipiendum iter; illi contrâ maiori vastum ingrediendum pelagus suadebant. Tandem in eorum itum sententiam, quibus minor placebat naucula; eâ præsertim de causâ, quòd cooperta, compacta solidè, & duplicibus velis, atque etiam remis instructa esset; qui ad portum capescendum, contrarijs maximè obstantibus ventis, nauigantibus quandoque summo vsui & adiumento esse solent. Dimisso igitur maiori nauigio, quod iam portum appulerat, arrhæ iacturam fecimus; tres insuper toleros nuncio numerauimus. His rebus ita compositis, de veniâ impetrandâ ab Emino pro discessu agitur, eodem Consule curante. Capfas interim, cæteraq; utensilia, in reliquo itinere nulli vsui futura, è naui Venetâ in terram exponi curamus; vt Arnicam Minoritis custodienda in reditum nostrum deportarentur: nihil enim præter cibaria ad alimoniam necessaria, indusia item, collaria, & linteola aliquot, quibus ab immunditia nos tueremur, nobiscum ferre curæ fuit. In littore igitur exposita, à ministris Emini inspecta singula diligenter, & perquisita fuere; certiores vt fierent si quas merces vectigales continerent: nullis verò huiusmodi inuentis, auerendi veniam, post longam tamè moram, concessere. Hisce expeditis, nauiculario iniungimus, vt quæ ad victum necessaria in naui Venetâ relictæ erant, in suam inferat. Eminus ubi id rescivit, nautis ne accedant, aut quicquam nostrarum rerum in suam transferant nauculam, seuerè prohibet; & sub poenâ capitis interdicat, ne se infcio è portu soluant, altumque petant. Nobis verò, quæsito pretextu, nos eum vectigalibus velle defraudare respondet, ac quicquid nostri iuris in Venetâ relictum esset naui, in terram exponamus quantocyûs per interpretem iubet; vt liberè à suis inspicere queat: quod nisi statim fiat, nullam nobis abeundi postmodû facultatem cõcessurû minitatur. Quid multa? nullus omnino excusationi cum esset locus, morem inuiti gerimus: sub vesperum cuncta in littus exponi curamus, & vt ministri perscrutetur ab Emino petimus. Ille quòd serum esse simularet, non permittit: sub dio idcirco, adhibitis custodibus ea relinquere, ac in posterum diem differre abutum coacti sumus. Primâ luce ad nos redit Eminus, inspicere à ministris singula imperat, qui licet nihil quod vectigalium solutioni obnoxium esset, inuenisse se referret, asportandi tamen veniâ denegatâ, abutum nostrum remoratus est; moris esse asserens, vt cortesix sibi (ita gratuitum donum vocant Turcæ Maurique) ante discessum à mercatoribus, ceterisq; alienigenis quipiam

piam detur: neminemq; immunem dimitti: conſuetum idcirco ſe velle munus, priuſquàm abitum paremus: quod ſi denegetur, nequaquàm diſcedendi veniam ſe nobis conceſſurum. Poſt multa, parere neceſſum fuit, cum reniti non daretur. Tribus igitur Cechinis (ſic enim Conſul Venetus cum eo pactus erat) numeratis, abeundi veniā impetrauimus. Omni itaq; com̄eatu celerrimè nauigio impoſito, nauarcho, vt abitū acceleret, & cæteris rebus in itinere neceſſarijs proſpiciat, iniungimus. Is haud ita multò poſt nautas aquandi gratiā ad vicinum littori puteū ablegat: qui vbi rediere, atq; omnia parata renunciarent, malacia ſuboritur, quā in veſperum durante, in ſtatione detenti ſumus. Sole demum ad Occaſum vergēte, ac vëto leniter à terrā ſpirante, omnes (me excepto) nauigium conſcendēre: ego verò, quod vicarium Hieroſolymitanum (qui in eum vſque diem in naui latuerat Venetā) inuiſerem, & ipſi diſceſſum noſtrum lætus annunciarẽ, vnā cum Arnicæ Guardiano ad Venetam nauem in proximā ſtatione hærentem, ſcaphulā ſeu lintre perrexi, & Vicarium anhelantem diſceſſum, vt res ſuas colligeret, quò commodiùs & tutiùs in alterum nauigium tranſponi & recipi poſſent, admonui: ſub mediam quippe noctem adfuturos ſe cum nauigio comites, vt eum è naui liberarent, promiſerant. Statā itaque horā, profundo noctis ſilentio accedunt comites, ac ſummā cum difficultate, nec niſi quatuor tolerorum ſolutione ultra promiſſum naulum, voluiſſe eò accedere nauarchum referunt. Periculum idcirco in morā rati, feſtinanter Vicarij ſarcinas ex Venetā in noſtram transferri, recondiſque curamus. Mox Arnicæ Guardiano valediſto, Vicarius vnā mecum nauigium conſcendit. Interim vnus è comitibus Luſitanus preſbyter, vel nauigij paruitate terrefactus, vel itineris pertæſus, ſe febre correptum ſimulans, Venetam repetit, ac cœptum nobiſcum continuare iter recuſat; commodiorem ſe velle expectare, viribus recuperatis, tranſfretandi occaſionem, aſſerens. Quid ei poſteā contigerit, an ne voti compos factus ſit, vel in itinere defecerit, ignotum nobis hætenus. E Palæſtinā reduces, cū Alapiam Syriæ urbem veniſſemus, id vnum accepimus, Alexandriam Ægypti cum petiſſe, hoc conſilio, vt per Arabiæ deſerta ad Montem Sinai pergeret, inde Palæſtinam accederet, poſteā in Cyprum renauigaturus. Dum verò à naui ſoluimus Venetā, remiſque propellunt nauigium nautæ, ad iaſtum vix lapidis progreſſis nobis, ecce Nauarchus nouas ruſſum molitur inſidias: nimio ſe grauatum onere queritur, ac nolle ſe idcirco progredi. Adhæc ſtrepitus ille edere, ciere turbam, obiurgare nautas, portum ſe repetiturum ſimulare, & niſi nouem aurei Veneti ultra promiſſum naulum numerentur, nunquam ſe altum petiturum minitari: nos contra

demulcere verbis hominem, instare precibus, senos illi daturos aureos, ut institutum iter profequatur, altumque petat, promittere. Precibus tandem promissisque placatus assentitur, velaque faciens iter profequitur. Vento autem placido lente admodum progredimur, vicinunque radentes littus, parum eam nocte profecimus. Proximam quippe luce octo duntaxat milliâ passuum, nec amplius, nos confecisse comperimus; turrique in aduerso littore conspectâ, è regione Chitti, seu Citri promontorii nos nauigare cognouimus. Locus is antiquissimâ vrbe, ac regiâ quondam sede celebris, etiamnum hodie ob viridaria elegantia, pomorumque aureorum & citreorum vbertatem, totius Insulæ præcipuus habetur. Inde ventis ad Aquilonem vergentibus vela in altum dirigimus: mox aurâ inualescente, Cyprus obtutibus nostris subtrahitur, nocteque sequenti, plenâ lucente lunâ, secundis velis ab alto iter peregrimus.

Postero die, vndecimo Kal Octobris, è puppi sequentibus nos ventis, prosperè admodum nauigauimus. Circa meridem terram eminus conspiciamus: summa esse Libani montis iuga nautis referentibus. Sole ad occasum vergente, prospero ventorum flatu terram adnauigantes, Sidonem Phœnices urbem præterlabimur; littusque Phœniciæ Tyrum vsque eam nocte paulatim legimus.

CAPUT XVIII.

Vrbis Sidonis descriptio: in portum Tyri appulsus; ibidem mora; & trepidatio: Vicinorum Arabum in littore tripudia & lotio.

Strab. lib. 16.
Elin lib. 5. c.
19.

1. Antiq. 12.
Hieron. in
Quest. He-
braic. super
Genes.

EST Sidon, Sait hodie, siue Saida Turcis, Mauris, Italisque appellata, vrbs Phœnices quondam opulentissima & celeberrima; in sacris quoque literis clara, ac Tyri æmula: quâ cum & vetustate, & nominis claritate diu certasse fertur; à Sidone primogenito Chanaan (ut Iosephus) vel à Candmo Phœnices fratre (ut alij autumant) condita; Thebarumque, Beotiarum parens, ad radices Antilibani, à quo vix mille passibus abest, iuxta mare in rupe quâdam, longitudine ab Aquilone sese in Austrum extendente, sita; cuius vtrumque cornu castris olim validissimis, sed collapsis hodie, & neglectis, munitum fuisse cernitur. Latronum speluncam, non urbem dixeris; adeo suis ruinis horrida est, habitatore omni penè vacua, paucissimis Mauris, Truscisque exceptis. Portu quidem ditata insigni, & capaci, sed infrequenti. Solo gaudet opimo, & vberc. Agri circumjacentes aquarum riuis & fontibus irrigui, mirâ fertilitate exuberant: incultos tamen plerosque nostrâ hac tempestate conspicias. Claruit olim, Christianâ

stianâ in Syriâ florescente religione, Episcopali sede, Tyrensi Archiepiscopo subiectâ. Fuereque Sidonij (vt Strabo refert) multarum olim atque optimarum artium magistri, atque optimi in primis circa Astronomiam & Arithmeticam Philosophi. Bethus, Diodorus, alijque viri illustres, eodem teste, hac oriundi. Baali siue Belo hîc diuini honores habiti: cui & Iesabel Sidoniorum regis filia, & vxor Achab regis Israhel, altaria erexit, sacerdotes instituit, & sacrificia obtulit; virumque, vt idem faceret, induxit. Coluere præterea Sidonij Astartoth, & Astarten: quos & Salamon rex vxorum ethnicarum instinctu adorasse legitur. In tantæ autem idololatriæ atque immanium scelerum pœnam sæpe variam deuastationem vrbs suæ (quam Hieremias, Ezechiel, & Ioël prædixerant) experti sunt. Nabuchodonosor fame & pestilentia domitam primùm cepit; dein Alexander Magnus; demum anno post Christum natum 636 Saraceni, quorum iugum plurimis sæculis perpeffa est: donec tandem à Balduino primo Hierosolymorum Rege Saracenis crepta, Christianæ libertati restitueretur. Successu verò temporis collapsa, à Diuo Ludouico Gallorum Rege anno 1250 denuò restaurata, ac præfidiario militi tuenda tradita, ad annum vsque 1289 Christianorum imperio paruit. Denique sic permittente diuinâ iustitiâ, à Saracenis rursus occupata, Mameluchorum durum passa est imperium: Quibus circa annum Domini 1517 à Selymo Turcarum Imperatore extinctis, Osmannico dominio cum cæteris Phœniciaë vrribus accessit: ei que etiamnum paret. Haud procul ab orientali vrbs portâ, qua Cæsaream itur, facelli cuiusdam ruinæ supersunt, eo (vt ferunt) loco, quo mulier Cananea pro filiâ suâ demoniacâ Christo supplicans exaudita est.

Secundo à Sidone lapide, Austrum versus, haud procul à littore, Sareptæ vrbs (quæ Hebræis Sarphat fuit) occurrunt reliquæ; vbi Helias propheta à viduâ hospitio exceptus est, cuius hydriæ farina, Vatis promissione & beneficio, non defecit, nec lecythi oleum imminutum est. Vrbs hæc à Christianis Palæstinam moderantibus Episcopali sede, Tyrensi Archiepiscopo subiecta, nobilis fuit.

Secundo à Sarepta lapide Austrum versus Eleutherus fluius ex Libano monte in Ichuræam fluens, inter Tyrum & Sareptam medius in mare illabitur. Ab hoc flumine Antilibanus initium ducit, & contra Aquilonem ultra Tripolim ad oppidum Archis vsque sese extendens, triginta milliarium spatium absoluit: à littore autem haud procul recedit; quinimò multis in locis adeò se mari vicinum reddit, vt ab eo alluatur. Plinius testudinum multitudine eum abundare scribit. Iosephus & sacræ Literæ frequenter eius meminerunt.

Sub auroram insequentis diei Tyri portum ingressi, iuxta vrbs mu-

Lib. 16.

3. Reg. c. 16.
21.

Ioseph. Antiq. lib. 8. c. 7.

4. Reg. c. 23.

Hierem. c. 57
Ezech. c. 28.Ioël. c. 3.
Ioseph. 11.
Antiq. 8.

Matth. 6. 15.

Ioseph. 8. Antiq. 13.
3. Reg. c. 17.
Lib. 2.Ioseph. 13.
Antiq. 7. &
8. Machab. 1.
c. 11, 12.

ros anchoras iecimus; substitimusque ibi toto eo die, nocteque proxima; quod portu egredi aduersis ventis non tutum esse Nauarchus diceret. Interim tamen nec terram captare, nec desertæ urbis perlustrare ruinas datum fuit; vetantibus id maximè Arabibus, in proximo degentibus: quorum metu perterritis, & ne dolos & insidias struerent, veritis, in Continentem descendere haud tutum nobis videbatur. Dum verò in portu hæremus, circa meridiem plurimi Arabum, tam viri quàm scemina turmatim ad littus accurrunt: dumque nostro appropierant nauigio, choros suo more ducere, tripudiare, altum canere, mox fessos tripudijs, marinis aquis se se immergere, ac se mutuo lauare; denique toto sic corpore nudos, iam lotos latoque ad proximum collem arboribus consitum properare; ibique aliquamdiu inter opacas arbores se occultare eminus conspiciamus. Attoniti insolito hoc spectaculo, quod genus hominum esset, quid sibi hæc vellent tripudia, lotiones, cantus, occultationes, à nautis sciscitamus. Illi Arabes esse, ac Veneri hoc modo operam dare solitos respondent. Gens hæc vaga, sine sedibus in tenrorijs habitans, haud procul à Tyro in edito quodam colle castra fixerat. Horum mores & vitæ instituta alibi explicauimus. Post horam atque alterā, vbi nos iactis anchoris in portu subsistere cognōrunt, accurrunt ocyus, & ex urbis ruinis, (à quibus vix iactum lapidis aberamus) proclamant, longumque cum Nauarcho nautisque sermonem miscent: eunt, redeuntque sæpius, nouaque cum nautis colloquia instituunt. Quid tractent, quidve petant, dum à nautis quærimus; ipsi etiam admoniti & rogati nolunt indicare: quod maximum sanè nobis metum incussit, cum Nauarchum potissimum, & nautas de dolo suspectos haberemus. Eorum siquidem fraudem & fallaciam in multis iam sæpius experti, ac dolis struendis, parandisque insidijs id genus hominum aptissimum cognoscentes, verebamur plurimum ne rebus nostris inhiantes, Arabibus nos proderent & venundarent, nostrasque res omnes diriperent. Auxit hunc timorem parua scaphula, seu linter, quæ sola portum nauibus vacuum ad secundam noctis horam ingressa, & lentè ac tacitè remis incitata, tanquam latebras quærens, protinus post urbis muros se abdiderat. Id enim vbi animaduertimus, technas & dolos subesse veriti; haud abs re consternato omnes fuimus animo: vel eò magis, quod omni prorsus humanâ ope destituti, atque vndique barbaris circumsepti, planè inermes, & imbelles in alieno hæreremus solo; nec ipsis quoque nautis satis confideremus; adeoque nulla nobis euadendi spes reliqua fore videretur. Fracti igitur animo, quid consilij capiendum, quidve agendum sit, ignorauimus: tandem è necessitate virtutem parantes, diuino in primis implorato auxilio, vnico in extremis periculis necessitatibusque remedio,

remedio, ac tuto refugio, timorem soluimus: metuque omni deposito, vim vi repellere, si hostis adsit, statuimus; mortem potius oppetere parati, quam viui in manus barbarorum venire. Impetus itaque Arabum in horas imò in momenta expectantes, defensionem nos paramus. Erat in fundo nauigij loco saburræ silicium ingens copia; ex ijs, dormientibus nautis, centena aliquot grandiora eruiimus: his singulis diuisis, ac certo cuique assignato numero, idem de fustibus qui aderant, fecimus. Atque his demum telis, si accedant, latrones istos repellere stat animus. Circa tertiam noctis horam proclamant ex urbis ruinis barbari, nullo à nautis, siue dormientibus, seu somnum simulatibus, quod forsitan nos vigilare cognoscerent, dato responso. Nos verò iam iam adfuturos hostes rati, per integram ferè horam arrectis auribus stetimus; & quanquam neminem se loco mouentem, aut tentare accessum conspiceremus (nox enim sideribus illustris facilem prespectum dabat) impetum tamen repentinum veriti, stationem relinquere, & quieti nos dare, aut somnum capere, totâ eâ nocte nequaquam ausi sumus. Secus autem quam opinabamur successit: nullo enim accepto damno, ut illuxit, piscatores Mauros fuisse ex nautis intelleximus: qui tamen an verum referrent, dubitationem vehementem nobis injecere; cum maxime præteritæ noctis illorum summum atque altum silentium fraudis suspitione nequaquam carere omnibus persuasum esset. Quia verò dum in portu hæreremus, nonnulla de opulentissimæ ac præclarissimæ quondam urbis Tyri situ, conditione, ac facie à nobis obseruata sunt, lubet ea obiter hîc annotare.

CAPVT XIX.

Urbis Tyri descriptio.

Est Tyrus omniû Phœnices urbium vetustissima: potētissima olim, & totius orbis nobilissimū emporium, à Tyro Noëi nepote & Iaphetis filio septimo (ut Berofus refert) paulò post diluuium condita: ut Quintus Curtius, ab Agenore: à Phœnice autē rege, Iosue Israhelitici populi duce, instaurata; Sidoniorū dein sub Sāpstone colonia effecta, ab ijs renouata, Hebræis Sor vel Zor, Gellio & alijs Sarra, Mauris Sur hodie vel Zur dicta; ambitū (teste Plinio) 19 millia passuum habuit. Hæc multis casibus defuncta, & post excidiū renata, nunc tandem diruta penitus, plena ruinis & deserta iacet: quinimo vsque adeò deuastata & euerfa est, ut deserit esse ciuitas; tantumque leuia pristinæ potentie vestigia in ruinarum magnitudine demonstrentur: ita ut non immerito de illa dici possit, quod de magnis urbibus Arcadiæ à quodam dictum olim fuisse refert Strabo: Magna ciuitas magna solitudo est.

Præter-

*Isai. c. 23.**Gen. c. 10.**Lib. 4.**Ioseph. 8. An.**tit. 3.**Instit. Hist.**lib. 12.**Lib. 5. c. 19.*

Præter arcus enim, fornices, dirutarum ædium parietes, turreſque collapsas, ac mœnium reliquias, ruderaque immenſa nihil eſt quod cernas. Communis quidem hæc vrbium Phœnicie conditio eſt, cum vel maiorum barbaries, vel bellicæ frequentes clades totam illâ Phœnices oram, ac politiſſimam regionis faciem mutârint in ruinas deformes, atque horridas deſolationes. Quod an rerum ſolitâ viciffitudine, quâ vetera quæque, magnifica licet atque præclara fuerint, nunc intereunt, nunc noua reſurgunt; eundem & ipſa quandoque finem conſequutura: an verò irâ diuinâ, ſclerum vindice, acciderit, nouit ille, cui nihil ignotum. Sanè conſtat Ezechielis vaticinio Tyrum ob nimium factum, impietatemque euertendam aliquando. Sic enim per eum ait Deus; *In nihilum redigam te, & non eris; & reſiſta non inuenieris ultra in ſempiternum.* Et alibi; *Negotiatores populorum ſibilauerunt ſuper te: ad nihilum deducta es, & non eris uſque in perpetuum.* Et paulò poſt; *Dabo te in cinerem ſuper terram in conſpectu omnium videntium te.* Forma, quantum ex ruinis colligi licuit, ſphærica eſt, trium circiter milliariû ambitus. Situ multùm amœna, rupi duriffimæ impoſita, olim in ſula; præalto quippe mari ſeptingentis paſſibus (vt Plinius refert) vel iuxta

Eiſb. 56. 19.
Eiſb. 4.

e. 26. & 27.

1: Ant. 13.

Q. Curtium quatuor ſtadijs à Continenti diuiſa, marinis fluctibus vndique circumdata erat: quam propterea rectè in corde maris ſitam, urbemque inclytam, ac perfecti decoris vocat Ezechiel. Hanc Nabuchodonosor Chaldeorum Rex poſt excidium Hieroſolymitanum tredecim annis (vt Joſephus ſcribit) arctiſſimè obſedit: ſed cum arietibus, alijsque bellicis machinis muros quaterere nequireret, hac ſpe capiendæ vrbis deiectus, exercitum ſaxa prægrandia comportare imperauit: quibus mare inter urbem & Continentem mediû impleret. Exſtructo igitur aggere, machiniſque mœnibus admotis, cum urbem iam capiendam Tyrij conſpicerent, auro, argento, omniſque ſupellectili præcioſâ nauibus impoſitâ, vrbe fermè vacuâ relictâ, nouas ſedes quaſierunt; & partim in Cyprum, partim Carthaginem, atque alij alias Ionij Ægeique maris inſulas adnauigarunt. Capta denique, combuſta, & fuditus euerſa vrbs, ſeptuaginta annis adeò deſolata manſit, vt in deſertæ vrbis planicie piſcatores retia expanderent & ſiccarent; quod & Ezechiel prædixerat: *Et dabo te (inquiens) in limpidiſſimam petram: ſiccatio ſagenarum eris, nec adificaberis ultra.* Poſt ſeptuaginta annorum deſolationem reſtaurata, ac priſtino nitori reſtituta, ducentis fermè annis floruit. Deinde vetuſto Nabuchodonosoris opere, vel maris illuue, vel Tyriorum induſtriâ deſtructo, ab Alexandro Magno denuò bello petita, & obſidione preſſa, cuiſdem regis operibus ex inſulâ facta peninſula, ruſſum Continenti iuncta eſt. Is enim exſtructis è lignis, ſeu cratibus, ſaxiſque aggeribus, atque impletis freti anguſtijs, poſt ſepem

menſium

e. 29. & 32.

mensium obsidionem eam cepit, diripuit & incendit totam. Agger ille successu temporis ita creuit, vt hodiè, quâ vrbis iungitur, sexcentos & amplius passus in latitudinem pateat, mari vtrîque alluente. Capacissimo & tutissimo quondam ditata fuit portu; cuius extrema latera mare versus ambibat magnæ molis agger, ex ingentibus saxis in mari præalto fundatis, atque in crassissimum exsurgētibus murum; qui contra vndarum impetus procellasque tutam nauibus stationem redderet. Hodie maiori ex parte fluctibus obrutus, & continuâ maris agitatione corrofus, vix vllius vsus esse potest. Eius tamen ampla vestigia (quæ tranquillo interdum mari conspicienda sese præbent) ipsi, dum in portu hæreremus, conspeximus. Sunt autem qui veteris Tyri hæc reliquias putant; sed vbi nunc Tyri ruinæ spectantur, ea nouæ vrbis rudera esse existimant. Præter hunc portum est & aliud intra vrbis mœnia nauigiorum receptaculum, amplissimum quidem & tutissimum, triremium stationi accommodum. Id naues admittit angusto ostio, inter geminas vtrîque turres, ad vsus publicanorum portorium administrantium (vt multi opinantur) olim exstructas. Ostium catenâ ferreâ transuersâ claudi solere vero est simile, vt aditus exitusque nocturni præcluderentur. Hærent etiamnum sinistri lateris turri infixæ decem ingentes marmoreæ columnæ, equo interstitio diuisæ, ad ostij (vt puto) ornatum additæ. Fuit autem Tyrus magnificis quondam columnis, pyramidibusque marmoreis, atque alijs cùm publicis tum priuatis ædificijs mirum in modum exculta: quorum plurima etiamnum vestigia supersunt. Nam præter muros altissimos, excelsasque turres, æquâ inter se proportionem distantes, emicant inter cætera altissimorum parietum Cathedralis Ecclesiæ (in quâ Almericum regio ornata nuptiarum solemnibus celebrasse fama est) reliquias. Duo item iuxta orientalem portam egregij operis templa, magnâ tamen ex parte collapsa, & diruta: maius titulo Sepulchri Dominici decoratum, minus Diuo Ioanni discipulo Domini dicatum; vtrumque reliquijs multorum Martyrum sub Diocletiano passorum quondam clarum. In maiori, ponè Altare maximum, Magni Origenis corpus conditum ferunt. Federici quoque primi Imperatoris hic (dum se lauare vellet) submersi, eo in loco quiescere ossa dicuntur. Extra portam orientalem prope mœnia exiguum visitur sacellum, vbi (vt multorum opinio est) mulierem clamasse sacræ narrant Literæ: *Beatus venter qui te portauit & vbera quæ suxisti*. Alij istius sacelli exstructionem aliò referunt, putantes ibidem extitisse lapidem illum, in quo Christum sedisse, & quiesuisse sæpius à maioribus traditum est. Hunc autem à Christianis in summo honore habitum, & illæsum mansisse referunt: donec tandem anno salutis 1124. Veneti, post expugnatam urbem, eum abstulerint; &

ENC. II.

Q

nauigio

nauigio impositum Venetias asportârint, atque in æde D. Marci exi-
 mio loco collocârint; vbi etiamnum visitur, & à plerisque honora-
 rur. Meminit huius lapidis Andreas Dandulus Venetorum Dux in
 suis Chronicis: qui etiam super eius residuum templum in honorem
 Saluatoris constructum refert. Fuere Tyrij quondam terrâ marique
 potentissimi, nauigationi, & mercaturæ vt plurimum dediti, ac quasi
 vniuersi maris domini: homines vel maximè industrij, atque omnis
 generis artium & scientiarum peritissimi, & (vt Q. Curtius vult) qui
 primi aut literas docuerunt, aut didicerunt. Ob Tyrij quoque colo-
 ris pretiosissimi, & nobilissimi (quem alij purpureum, puniceum, vel
 phœniceum, nos ab vrbe hac Sarrâ *Scarlaecken* vel *Sarlaecken* voca-
 mus) inuentionem, ac confectionem fuere celeberrimi. Peculiarem
 antiquitùs habuere regem, & opulentissimum: quorum in sacris Li-
 teris crebra fit mentio, præsertim regis Hyram, qui Salomone regnâ-
 te clauit, & ad Templi Palatijque regij ædificationem artifices & li-
 gna cedrina è monte Libano ipsi transmisit. Cui Salomon reddere vo-
 lens beneficium, præter olei, vini, & frumenti ingentem copiam, vi-
 ginti oppida donauit: quæ ille vt perlustrauit, spreuit, terramque
 Chabul, id est (Iosepho teste) displicet appellauit. Vt autem Tyrij
 ante aduentum Christi, ac paulò post idololatriæ, alijsque nefandis vi-
 tijs summoperè addicti fuere; Iouem enim (quem Baal nominarunt)
 Saturnum, Herculem (cui nomini vrbē dicauerunt) & Astarten (quæ
 Romanis Pallas) coluere: ita post eius Passionem, Euangelio iam totâ
 Syriâ clarescente, virtutibus, ac veri Dei cultui planè se mancipârunt;
 atque inter primos Christianæ fidei veritatem amplexi sunt; eamque
 intrepidè diuersis persecutionis temporibus confessi, proprio sanguine
 signârunt; infinitorumque panè Martyrum relicto numero confir-
 mârunt. Hinc etiam cum postea altiores Christiana religio radices
 egisset, vrbs ipsa Archiepiscopali sede decorata, totius Phœnices fa-
 cta est metropolis; quatuordecim ciuitatum assignatis ipsi Episcopis.
 Vrbes quibus Archiepiscopatus præfuit, fuere Sidon, Ptolemais, Cai-
 phas, Botris, Tripolis, Orthosia, Archis, Aradus, Fortosa, & Mara-
 clea. Postà tamen, diuinâ sic disponente iustitiâ, anno à Christo nato
 636 à Saracenis occupata, annis 488 eorum iugo oppressa mansit. Bal-
 duinus dein, eius nominis primus Hierosolymorum Rex, anno 1112.
 eam recuperare satagens, post quinque mensium frustra tentatam op-
 pugnationem, obsidionem soluere coactus est. Balduinus autem se-
 cundus anno salutis 1124 per Guaremundū Hierosolymorum Patriar-
 cham eam ex infidelium manibus eripuit, & pristina libertati restituit.
 Copioso namque comparato exercitu, ac Venetæ in primis instructis-
 simæ classis auxilijs, cum terrâ marique eam Guaremundus obsedisset,

Herald. Cont.
Bel sac. lib. 2
G. 2.

CAPVT XX.

Ex portu Tyrensi discessus. Noua Nauarchi insidie. Ptolemaidis, Caiphatis, Casarea Palestina, aliarumq; maritimarum urbium, ac totius Palestinae littoralis tractus Ioppen usque descriptio. In portum Ioppensem appulsus; atque ibidem mora.

NONO Kal. Octobris orto iam Sole Nauarchum anchoras ut eleuet, & è portu soluat, hortamur. Ille verò nauigare se ventus aduersis non posse respondet: ut enim ex præteritæ noctis molestiâ nos metu concussos cognouit, aduersos ventos simulauit, ut pavidos & mente consternatos magis magisque terre faceret, & afflictis maiorem afflictionem adderet: id sibi persuasum habens, se aureos aliquot prius nobis emundurum, quàm discederet: vel eò magis, quòd in portu periculoso, atque Arabum in vicino littore hærentium infestationibus obnoxio, nos minimè velle subsistere, sed quiduis potiùs daturus, ut inde solueret, crederet. Nos verò, cognito eius astu & malitiâ (serenum siquidem erat cælum, ac ventus satis prosper) primum blanditijs, mox minis hominem aggredimur. Hæreat, inquit, quamdiu velis in portu, nihil ad nos: satis annonæ nobis esse ad plurimos diès: ipse, quid è re suâ sit, videat: gratum quidem nobis futurum, si vela faciat, & ventis fauentibus nauiget; sin minus, nihil nos morari: id verò certò sciat, si per ipsum stet, quo minus iter prosequamur, & ipsum annona deficiat, ne vel particulam quidem panis, vel guttam vini se suosque à nobis accepturos: contrà verò, si portu egrediatur, victum omnem se suosque ex voto lassam usque à nobis consequuturos. Victus tandem, siue minis siue precibus, aut promissis, ubi nos sine metu esse animaduertit, anchoras erui, ac vela flatibus dari imperat. Placido igitur vento portu egredimur, ac Tyri moenia præterlegentes, nil nisi immensa rudera, lapidumque acervos passim conspeximus.

Paruo quasi confecto milliario, decidentium aquarum strepitus, ac murmur ingens nostris obstrepit auribus. Vnde aut quales hæ aquæ sciscitatur à nautis: illi fontes esse propè aiunt, è vicino monte tanto impetu scaturientes, ut statim vi ac rapacitate aquarum molas aliquot circumagant, moxque in mare deferantur. Celebris hîc locus est, Puteus aquarum viuentium dictus; cuius in Canticis sæpè meminit Salomon. Continet autem (vti nobis retulere nautæ) fontes seu fauces quatuor amplissimos, quadratâ formâ, muro è saxo durissimo circumdatos; è quibus varij deducuntur aquæ ductus, & riuuli, totam fere Tyri

Tyri planitiem, agrosque vicinos irrigantes, ac fecundantes.

Primo à fontibus milliario Sandalium castrum in ipso littore occurrit, quod ab Alexandro Magno conditum, & ab eo Alexandrium, Arabice Scandarium appellatum, postea à Balduino primo Hierosolymorum rege, cum Tyrum obsideret, restauratum, Sandalium dici coepit: fuitque à dicto Rege traditum custodiæ quorundam Gallorû, quos & nobilitavit, & Sandalino cognomine insigniuit. E quorum profapia originem ducere non obscure putauerim insignem nostræ Batauiæ familiam Sandalinû nomine, viris aliquot dignitate & nominis claritate nostro sæculo percelebrem. Olim quidem illud munitissimum extitit Castrum; nunc verò desertum & dirutum penitus, situm est in agro peramæno, fontibus & riuulis irriguo, atque vberis soli.

Tyr. Bel. sacr.
lib. 11, c. 30.

Haud procul inde in ipso littore turris quadrata spectatur, *Nacora* nomine, recens à Turcis ad piratas arcendos, tutandumque littus exstructa.

Dum sic feliciter progredimur, ventoque placido sulcamus undas, iamque monti Saron vicini sumus, Nauarchus rursus novas insidias parat: & ut erat versutus, & in fallendo exercitatus, ad eliciendam denuò pecuniam, impiam fraudem comminiscitur; esse è nostris (inquit) Hebræum quendam, atque Acrim propterea velle adpellere, ut exeat, non enim, Christianus cum sit, cum Hebræo, Christianorum hoste, se portum Ioppensem accessurum. Obstupefcimus omnes, ac subitâ re perculsi, vnde hæc illi nata opinio, à nautis quærimus: obiectum crimen negamus, Christianos esse omnes, Hebræum neminem, constanter asserimus. Mirari idcirco, quis illi tam insignis commenti author fuerit. Vbi lassam nos conduxerit, experimentum faciat. Quod si, ut autumat, nos falsa dixisse comperiat, non defuturam utique occasionem, quo dignam de nobisumat pœnam. Si tamen Acrim adpellere persistat, faciat quod è re suâ futurum putet: nos causam communem defensuros. Ut autem constantes nos esse, nec hæsitare quippiam animaduertit, mutato consilio, Cypri id sibi pro certo relatum esse inquit: velle tamen nobis fidere, ac rectâ lassam petere. Pergimus itaque, ac montis Saron costam, pagumque Zis Mauris dictum, placido vento præterlabimur. Circa quartam diei horam prosperi à puppi sequuntur nos venti Aquilones: ipsique spirantibus Acræ cuspidem, montemque altissimum, quem Scalam Tyriorum Iosephus vocat: mox horâ quasi meridianâ Acrim, à Tyro viginti millia passuum distitam præter vehimur.

Urbs hæc à Syriæ Regibus Demetrio & Ptolomeo frequentata, prius Accho, siue Aco, & Cod. Straboni Aca dicta, Ptolomaidis postea nomen sortita est: dein Claudij Cæsaris colonia effecta, sed no-

Hieron. in loc.
Hebr. lit. A.
Lib. 16.

*Lib. 1. ff de
Cens.*

mine tantum, non re, vt Vlpianus putat, nunc Acri, & Accon nomen obtinuit; fuitque olim celebris Phœnices vrbs, & Strabone teste, magna ciuitas. Formam habet triangularem: cuius bina latera mare aluit; tertium planitiem respicit, muris & antemuralibus cincta, portis, turribus, fossisque munita, collapsis tamen hodie, & neglectis. Portu ditata capacissimo, tutissimoque, mœnibus partim incluso, vrbique vtilissimo, vel eò magis, quòd tranquillam nauibus præbeat stationem; vnde etiamnum totius Palæstinæ præcipuum est emporium.

Lib. 16.

1. Mach. 10.

*Tyr. Bel. sacr.
lib. 10. c. 28*

Hac (vt Strabo refert) Persæ receptaculo contra Ægyptios utebantur; quam postea Alexander Syriæ Rex Antiochi Nobilis filius occupauit, & in regni sedem elegit; nuptiasque hîc cum Cleopatrá Ptolomæi Regis Ægypti filiâ celebrauit. In Mahometæorum dein potestatem duce Haomero anno salutis 638 delapsam, ac multis sæculis ab ijs

Herold. Cont.

Bel. sacr. lib. 1.

c. 7. & lib. 2. c.

11. & lib. 5. c.

6. 7. & lib. 6

c. 7. 10.

possessam; Balduinus eius nominis primus Hierosolymorum Rex, Genuensium auxilij, & classe septuaginta nauium rostratarum adiutus, post viginti dierum oppugnationem, ciuium deditione recuperauit; & Christianæ libertati restituit, templis item ac curribus mirificè decorauit. Genuensibus pro præstitâ operâ vectigalium parte permissâ, ecclesiâ quoque, & vico, vbi plenam iurisdictionem perpetuò haberent, donatis, assignatisque pro cuiusque merito prædijs & domicilijs.

Herold. Cont.

Bel. sacr. lib. 2.

c. 9. & lib. 4.

c. 13.

Post multa tandem annorum curricula à Saladino Ægypti & Syriæ rege recepta, atque iterum à Philippo Adeodato & Richardo Angliæ Rege, post tertium obsidionis annum Christianis reddita: deniq; anno 1291 à 190000 Saracenis violenter expugnata, & incendio absumpta; postmodum tamen à Mameluchis restaurata; ijsque tandem extinctis à Turcis subacta, Osmannico Imperio addita est, cui etiamnum paret. Superest ex veteribus edificijs peringens & magnificum templum Diuo Ioanni quondam sacrum: cui adiuncta hæret præalta turris; longè adnauigantibus conspicua. Muscarum turrim olim vocatam nonnulli

1. Mac. 5. 10

11. 12. 13.

2. Mach. 13. 5

Act. 21.

autumant; vel ideo fortassis, quod Beelzebus Muscarum Dei fanum ibi extitisse opinio sit: alij tamen Pharum & speculam (quod magis crediderim) fuisse putant; vnde ad indicanda vada nocturno tempore aduenientibus nauibus lumina exhibebantur. Visuntur præterea aliæ multæ hîc vetustæ turres, partim collapsæ, partim ruinosæ: quæ nihilominus etiamnum pulcherrimum eminens prospectum præbêt, atque vrbis magnificentiam ostentant. Frequens huius vrbis in sacris Literis fit mentio. Hic Ionatas Machabæus purpurâ indutus latus regis Alexandri in nuptiarum solemnitate clausit. Eandem postea ingressus perfidè à Ptolemensibus captus est, ac mille Iudæi, qui cum eo intrauerant, interfecti. Hîc Paulus Apostolus Tyro veniens diem integrum

grum apud fratres egit. Christianâ postmodum fide in Syriâ propagatâ, Episcopali sede Tyrensi Archiepiscopo subiecta claruit. Adiacet vrbi Ortum versus planities perampla, & fertilissima, fontibus irrigua, vineis, hortisque cultissima; quam torrens Belus à Galilæa ortum trahens, secatur mediam; atque urbem præterfluens in mare labitur. Id ab Acri cuspide ad Carmeli montis usque promontorium finem efficit, hemicycli formam referentem, latitudine millium passuum duodecim; quem nos recto tramite traiecimus, & relicta ad Izuam Ptolemaide, & Caiphâ oppidulo, Carmelum versus vela direximus: cuius extremum cacumen (quod rostri instar longius in mare se porrigit, distatque ab Acri octo circiter millia passuum) haud ita multo postattigimus. Inde crescente vento, Castrum Peregrinorum, Atrit, & Cæsaream Palestinæ felici navigatione, turgidisque velis paucis horis præterlapsi sumus.

Circa vesperum, languesciente vento, parum profecimus: nec enim cuspidem proximam, distantem à Cæsareâ decem millia passuum, eo die (vti sperabamus) attingere potuimus: irruentibus namque tenebris, vix quinque millia passuum absoluerè datum fuit. Itaque ne in littus parum cognitum impelleremus, ad quintum supra Cæsaream milliarium, quinquaginta millia passuum eo die emensi iter, subistimus; atque anchoras iuxta littus loco sanè incommodo iacere cogimur; vbi multo cum tædio totâ nocte confedimus: exposita quippe aperto mari nauicula, à salientibus vndis in latera impingentibus, quandoque etiam superantibus, mirum in modum, ac velut ebria agitabatur: nos verò sursum deorsumque iactati, & eximmodicâ nauis agitatione conquassati, non solum corpora languida cibo aut quiete non refecimus, sed & totam noctem insomnem traduximus. Ne verò memorata loca silentio prætereamus, ea quæ de ijs nobis innotuere, quæve obseruatione digna duximus, paucis subiiciemus.

Caiphâ olim ciuitas Episcopatu nobilis, à Caiphâ pontifice eius conditore (vt quidam volunt) sic dicta, olim Porphyria, & Porfina, vt Tyrius putat, hodie Cafas Turcis Maurisque appellata; nunc oppidulum, seu humilis potius & ignobilis pagus, ad radices Carmeli ab aquilonari latere in interiori sinu iuxta littus situm habet; à Carmeli extremo cuspide quatuor distans milliâ passuum, totidemque ab Accone. Iuxta fluit, atque in mare se exonerat torrens Cison. Is ex monte Thabor scaturiens, in duos mox diuisus riuos, quorum alter Ortum versus in mare Galilææ labitur, alter ad Occalum mediam Galilææ planitiem

*Tyr. Bel. sac.
lib. 13. c. 2.*

*3. Bel. sac. c.
14. & lib. 10.
c. 6.*

planitem iuxta Naim oppidum perlabens, multisque auctus riuis, tandem iuxta Caipham mari miscetur.

10f. c. 19.

3. R. 18.

Carmelus mons Hebraicè Charmel, mons est excelsus valdè, mari imminens, glebæ olim fortunatissimæ, & vbiq; cultissimus, vitibus, oleis, arbutis, fructiferisque arboribus, atque herbis odoriferis nobilis: nunc contrà totus sterilis, incultus, dumis, vepribus, alijsque arboribus infructuosis horridus. In sacris Literis Helix frequentatione in primis celebris est. Hic namque Baalis, pseudopropheta, numero 850 ad iudicium vocatos, præsente Achab rege, & idololatriæ conuictos neci dedit. Cum enim illi nequicquam cultris se dilaniantes idolo immolarent; ille Deum Israhel, igne cœlitus demisso, verum esse Deum comprobauit: tandemque ad vnum omnes perdidit. Hic fugiens Iseabelem vxorem Achab, longo tempore latuit. Pluiam hac largam, cum regnum Israhel nimia siccitate, sterilitateque diu multumque laborasset, post longas preces à Deo impetrauit. Carmelitarum ordinem ab hoc monte originem & nomen sumpsisse authore Alberto Patriachâ Hierosolymorum circa annum salutis 1200 nonnulli autumant. In occiduo montis cliuo Castellum visitur dirutum; iuxta quod est vetusti operis templum, Diuæ Virgini (vt volunt) dicatum; hodie ruinosum, & derelictum. Haud procul inde in montis decliuitate aliud quoque extat templum Diuo Eliæ prophetæ dedicatum: vbi eum latitasse, atque etiamnum eius speluncam ostendi ferunt.

Arrit olim oppidum in ipso littore positum, angulum seu cuspidem in mare eminentem efficit; distatque à Carmelo decem milliâ passuû, hodie funditus dirutum, & solo æquatum, nil præter nudum nomen, & vetustæ turris reliquias retinet.

Tyr. Bel. sacr.
lib. 10. c. 26.

Castrum Peregrinorum, aliàs Petra incisa, Mauris *Tortora* dictum, decimo milliario ab Arrit positum, cuspidem in mare se extendentem occupat, fossisq; à Continenti diuisum, ac marinis fluctibus circumdatum, insulam efficit; formamque refert quadrangularem, muris undique cinctum, ac quinque turribus exornatum, quarum quatuor totidem angulos occupant, quinta excelsior cæteris medium arcis tenet. Hanc inter scopulos Comes Tolosanus Raimundus, regnantè Balduino primo, ad Peregrinorum securitatem exstruxit. Hodie tamen neglecta, ruinosâ, & habitatore vacua cernitur. Iuxta hanc idem Balduinus in prædones in insidijs latentes irruens, ab vno, casu in regem vibrante iaculum, penè morti traditus est.

Ioseph. 13.
Antiq. 18. 21
C. 14. Ant. 5
C. 15. Ant. 5
10. 12.
Tyr. Bel. sacr.
lib. 10. c. 15.

Cæsarea Palestinæ, prius *Πύργος*, hoc est Turris Stratonis appellata, ab Herode rege postmodum restaurata, Cæsareæ nomen in honorem Augusti Cæsaris obtinuit. Vespasianus postea deductâ eò coloniâ, Flauiam nuncupauit. Vrbs fuit quondam maxima, opulentissima, & potentissima,

potentissima, ac totius Iudææ propugnaculum munitissimum: cuius antiquæ magnificentiæ, splendoris, ac potentiæ facile fidem faciunt ingentium templorum, turrium, atque è marmore ædificiorum reliquiorum amphitheatri, & theatri, aliorumque operum amplissimorum ingentes ruinæ, & perampla vestigia. Hodie tamen suis ferè ruinis sepulta, deformis tota, squalida, & deserta penitus iacet. Mare mediterraneum, in cuius littore sita est, ab Occidente respicit; ab Ortum paludem aquarum dulcium habet. Portum ad urbis ornamentum & defensionem regio planè opere, & magnis sumptibus Herodes exstruxit, & in honorem Augusti Sebasten vocavit: cuius etiamnum aliqua extant vestigia. Hic Cornelius centurio cum totâ suâ familiâ à Petro Apostolo primus ex gentibus baptizatus est. Hic Philippus diaconus Paulum hospitio excepit. Hic Agabus Propheta Zonâ Pauli seipsum ligavit, eumque Hierosolymis in vincula conjiciendum prædixit. Hic causam publicè coram Herode Agrippa & Felice Præsidente Paulus dixit; ac post diuturna vincula à Festo Præsidente ad Cæsarem appellavit. Hic Agrippa, dum quinquennalia celebraret, & ad populum concionem haberet, neque adulatorum voces, Deum eum esse dicentium, reprimeret, ab angelo percussus interiit. Christi fidem amplexa Episcopatu claruit. Postea à Mahometæis subacta, ipsæque denuò à Balduino primo, Genuensium auxilio erepta, & vi capta, ac Christiano cultui restituta, rursus Archiepiscopali sede decorata est; ac viginti sub se Episcopos habuit. Post varios tandem casus Turcarum Imperio addita, etiamnum horum tyrannide premitur.

Ioseph. Ant.

15. c. 10. &

Ant. 17. c. 6.

E. 1. Bel. c.

20.

A. 10.

A. 21.

A. 23. 24.

25. 26.

Ioseph. O.

Ant. 7.

A. 12.

Tyr. Bel. sacr.

lib. 10. c. 15.

16.

Tyr. Bel. sacr.

lib. 10. c. 14.

Hieron. ad

Eustochium

A. 12.

Octavo Kal. Octobris, horâ antelucanâ, anchoris receptis, placido spirante vento, vela in altum dirigimus: Castrum interim Nesifum littori proximum præterlegentes. Locus is apud Turcas Mautofque in summâ veneratione est: Messitam siquidem ibi habent ab accolis summopere frequentatam. Urbem Capharsalama hoc loco quondam extitisse quidam volunt; quæ postea ab Herode Rege restaurata, & in honorem Antipatri patris Antipatrida dicta; Hieronymi demum temporibus Assur vel Arsur dici cœpit. Huc Paulus Apostolus, centum & septuaginta stipatus militibus, Hierosolymis captivus deductus est, Cæsaream inde ducendus ad Præsidentem; coram quo causam suam dicaturus sisteretur. Hanc Balduinus primus Hierosolymorum Rex, Genuensium adiutus classè, terrâ marique obsedit, ac civibus eam dedentibus cœpit, & Christiano cultui restituit.

Peraetis ab alto duodecim circiter millibus passuum, ad lœuam vertentes proram; terram versus nauigamus: paulò post opratam dudum Iassam (olim Ioppen) eminus conspiciamus, læti admodum, ac mirè hilares, quod iam medium peregrinationis laborem ferè superasse-

R

mus.

mus. Inde sensim terræ continenti appropinquantes, circa quartam postmeridianā horam in portum inuehimur: mox summā lætitiā demissis anchoris, flexis genibus hymum *Te Deum Laudamus* pro more concinimus, debitasque Deo Optimo Maximo, quòd tot tantisque laboribus, periculis, & ærumnis defunctos, saluos & incolumes ad desideratum perduxisset portum, gratias egimus. Quibus ritè peractis, Vicarius Hierosolymitanus Minoritatum Dux ex nautis quēdam Ramæ ad ordinarium Hierosolymitani monasterij interpretem Attellam nomine cum literis misit, hoc ei iniuncto onere, vt veniā in Continentem descendendi à Ramæ Cadio impetratā, confestim ad nos rediret; ducesque itineris securitatis causā adhiberi solitos, itemque Mucharos secum adduceret: non enim sine comitatu cuiquam pede terram contingere tutum est. Redit proximā luce nauta, interpretem Damascum profectum renunciat: nec mora, alius statim Hierosolymam mittitur, qui Guardianum Monasterij S. Saluatoris de nostro aduentu certiorē faceret, de absentia interpretis Ramensis nūciaretur instaretque vt quā citissime aliquis ex Berthleemiticis interpretibus ad nos mittatur, qui ē nauigio nos liberet. Interim toto triduo (nec enim citius qui missus fuerat reuertebatur) in portu hærendum fuit. Maritimo autem itinere à Cypro lassam vsque, atque etiā cum hīc in portu subsisteremus, multa nocturni frigoris, & aëris passisumus incommoda, gelidi præsertim roris; qui multo spissior in Orientis partibus cadit, quā in nostris: cum etenim aperto nauigio sub dio dormire cogeremur, adeò singulis noctibus rore conspersi fuimus, vt pluuiā potius madidos, aut aquis immersos dixisses: ex quā re maiorem ego quā ceteri capitis offensam passus sum. Accessit deinde grauius malum, supremum mihi vitæ minitans, periculum. Septimo namque Kal. Octobris, cum ex nostris nōnulli natandi causā sese in portu marinis aquis immisissent (est autem portus vadosus plurimis in locis, & scopulis vt plurimum oblitus) ego quoque aliorum exemplo & suasu allectus, quòd putarent aquæ salitudine crurium scabiem, ex itineris incommodis, cibi item, potusque varietate contractam, tolli posse; natandi imperitus, iuxta scopulum fedi nudus, crura vt abluerem, placido interim spirante vento, sole alioquin ardentissimo, nullum verò inter lauandum sensi calorem: mox in somnum resolutus, per horam atque alterā in ipso scopulo obdormiui: expergefactus pellem crurium, dextri præsertim, ab imo pedis ad supremum vsque femoris ex Solis ardore contractam, turgidam, rubescentemque comperi. Paulò post in nauigium à nautis delatus, dolore auctum sensi, quo indies crescēte, tertio die pedibus insistere nequiui Terrestri denique itinere, dum Hierosolymam proficiscimur, vehementi Solis æstu adeò vtrumque intumuit crus, vt inflatum virem dixisses:

xiffes: tumore verò in saniem & pus paulatim abeunte, summos dolores passus sum: vbi Hierosolymam venimus, in febrem præterea incidi, ac toto quatrinduo cruciatibus immensis conflictatus, morbo pœnè confectus sum. Sed cùm Minoritarum pharmacopœus debita remedia adhiberet, venamque mihi incideret, diuinâ in primis opitulante manu factum est, vt putridâ illâ materiâ maturescnte, ac pelle fatiscnte, sanies erumperet, ac febris me derelinqueret. Atque ita post diès aliquot pristinam sanitatem recepi.

Vnicam è genere Caramussalinorum in portu offendimus nauiculam, quæ paulò antequàm nos, eò Tripoli Syriæ aduenerat. Huic seruatorius erat lembus, nobis nullus, quo in Continentem deportaremur. Id cum animaduerneret illius nauigij scriba, natione Græcus, & Italici idiomatis peritus; vbi nos Venetos esse intellexit, ad nos venit, Venetorum se subditum esse, ac Zacyntho oriundum, ait: vltroque operam suam omnem nobis offert; deque annona in proximo littore comparandâ curam suscipit. Tamen si enim in Cyprio abundè nobis de plurium dierum comœatu prouisum esset, quia tamen Nauarcho, & nautis toto itinere victum suppeditassemus, ac Turcis Maurisque, dum in portu hæreremus, captandæ beneuolentiæ ergo reliquum impartiti essemus, annona nobis defecerat, nihilque eduliorum restabat. Itaque scribæ huius operâ nos subleuante, omnium necessitatibus subuentum ilicò fuit. Nam ille præter panem, aquam, fructusque recentes, etiam piscatorem ad nos adduxit, magnos ac varios pisces venales habentem; quorum quinquaginta libras (pensi siquidem in Palæstina pisces veneunt) tribus libris Venetis, quæ viginti quatuor stuferos nostræ monetæ æquant, emimus. Vili sanè pretio: nam Venetijs tribus vt minimum aureis constitissent.




132
IOANNIS COTOVICI
VLTRAIECTINI
ITINERARII
HIEROSOLYMITANI
ET SYRIACI

LIBER SECVNDVS,

Peregrinationem enarrans in Palesttinam.

CAPVT I.

*E navi in littus Iaffense descensus. Iaffæ seu Ioppe descriptio.
Iter Ramam vsque: & orbis Ramæ delineatio.*



R 3

TERTIVM



DERTIVM iam diem in portu herentes, nau-
tæ expectamus reditum, quem ad Guardianū
montis Sion interpretis euocandi gratia, Mi-
noritarum vicarius Hierosolymam amandaue-
rat. Is quinto Kal. Octobris primā ab ortu so-
lis horā ad nos redit, cum Bethleemitico in-
terprete *Stayá* nomine, ac *Moufá* quodam
Ramenfi, Christiani ritus utroque. Hos à
Guardiano Hierosolymitano missos, ut è na-
uigio nos liberent, nūciat. Interpretes nauem ingressi, adesse duces,
atque in promptu esse asinos, mulasque, quibus Ramam veheremur,
referunt: itineris enim duces, quo securius iter foret, & *Mucharos* (A-
gasones & asinorum aliorumque iumentorum seu animalium baiulan-
tium actores hi sunt) secum adduxerant. De efferendis igitur sarcinis
agitur, curante *Moufá*: quibus è nauigio in lembum transpositis, atque
in proximum littus iuxta vetusti fornicis ruinas delatis, nos quoque in
Continentem descendimus; fornicem ingressi proximum, quo com-
modiùs Solis æstum euitaremus: statimque in genua procidētes, Ter-
ramque Sanctam exosculati, supplices Deo reddimus preces. Is
enim Peregrinis Christiani nominis, Catholicis præsertim mos est: qui
hoc humilitatis actu, confessi prius, & communicati, plenam pecca-
torum indulgentiam (à summis Romanæ Ecclesiæ Pontificibus con-
cessam) consequuntur.

Hæc in littore per horam atque alteram, *Emini* vicarium, cate-
rosque *Cassararios* expectantes. His etenim & vectigalia, & casarri, cum
rerum, tum personarum, antequam itineri nos committere liceret,
persoluendi erant, Vicarius is Samaritanus natione, professione He-
bræus, Turcarum more vestitus erat, & capite quidem pileo è panno
rubro, nō uti cæteris Orientis Hebræis mos est, sed formā tereti atque
rotundā, instar Tulipanthi Turcici. Vbi accessere *Cassararij*, de pretio
pro capitum redemptione, & vectigalium solutione pro sarcinis agi-
tur. Post plurimas rixas contentionesque, semiducato pro singulis,
pro sarcinis verò, quæ ad minoritas spectabant, sex ducatis Veretis
Emini vicario numerandis, pactum fuit. Cum *Cassararijs* pro cassar-
ris cum rerum tum personarum duobus, totidemque cortesijs sic e-
nim gratuitum donum vocant. Adhæc Turris custodi, & *Emini* fa-
mulo maidini deni numerati sunt. Quibus omnibus solutis, à barbar-
orum molestijs liberamur. Ne verò quæ de Iassæ situ, facie, condi-
tioneque hodierna nobis innotuerint, silentio prætereamus, paucula
hæc, priusquam iter prosequamur, subiungere visum est.

I A F F A

I A F F A seu lapho, Ioppen dixere veteres, antiquissima Iudeæ ciuitas iuxta littus maris à laphete Noëi filio ante Diluuium condita; ^{Ios. 19. Plin. l. 6. c. 13.} vrbs quondam fuit frequentissima, atque ampla, vt & rudera peringētia, & dirutorū ædificiorum ruine amplissima, quæ in editum lapidum aceruum, atq; eminentē clium exaggeratæ, & coaceruatæ sunt, id facile testantur. Sita in edito promontorio, distat à Cæsareâ Palæstinæ ^{Strab. lib. 16. 2. Paralip. 1.} triginta millia passuum, ab Hierosolymis quinquaginta: portu quondā Iudeæ nomine, tutissimo quidē, licet paruo, nobilis: in quo olim ligna Libani, aliaque ad Templi ædificationē necessaria ratibus applicuere. Is nunc arenosus, & multis in locis vadosus, minoribus tantum nauigijs non caueatis, vsui est: angustum habet ostium, atque aditu difficile, & periculosum; quod vix nisi Aquilonari vento subeas. In sacris Literis præclaræ huius vrbs crebra fit mentio, estque Petri hospitio apud Simonem coriarium, & miraculis memorabilis. Tabitam hîc ad vitam reuocauit, viros Cæsareâ à Cornelio centurione angeli monitu misos suscepit. Hîc idem Petrus extra se raptus vidit vas instar lintei magni, è cœlo in terram demissum, quadrupedibus, serpentibus, & volatilibus cœli refertum, audiuitque vocem de cœlo dicentem sibi: *Petre, occide & manduca.* Hîc Ionas nauem intrauit, cum fugeret à facie Domini in Tharsis. Hîc Iudas Machabæus portum succendit, scaphas exussit; & qui ignem effugerant, gladio peremit; vt Iudeos à Ioppitis fraude submersos vlcisceretur. Hac tempestate adeo deuastata est, vt ciuitatis faciem omnino amiserit; adeoque lapidum potius congeries, quàm ciuitas dicenda sit. Tres solum fornices ex tot tantisque veterum ædificijs in ipso littore reliqui & semidiruti super sunt: turris item his contigua, & moenium pars exigua, è saxis quadratis: reliqua collapsa omnia, & in cinerem versa. E fornibus duo Mauris stabuli & habitationis loco sunt: in ijs quippe cōueniunt interdium, & domiūt noctu: tertius ad Emini vsu occlusus est. Littus sub vrbs ruinas emporij loco indigenis seruit: segetes enim hic ac fruges, fructusque recētes ex vicino solo, aut è proximis maritimis vrbsibus huc aduecta, Mauri quotidie venū exponūt. In ruinarū fastigio duę quadratæ formę & pinnatæ prominēt turres, nouiter exstructæ, Itolorū peristrophijs nō absimiles, bōbardis & custodibus ad littus tutandū munitæ, viginti fortè passus ab inuicē distātes: quibus proxima est cisterna aquæ frigidæ & optimæ, aduenis in portu hærētibus sūmo vsui. Portum (quātū visu colligere licuit) manu factū, atq; inter scopulos excavatū existimaui: opinionis meæ hāc causam habeo, quod totus ille tractus portū ambiens, qui à meridie præsertim & Occidente ab vndarū impetu procelliisque interna tutatur, & securā nauibus stationem reddit, non ex congestis arte saxis fabricatus sit, vt multi errore ducti autumant; sed

sed ex perpetuâ constet rupe : quæ, quâ parte Occidentem respicit, continuâ maris agitatione , & fluctuum impetu concussa, multis in locis corrosa & perforata conspicitur: quâ verò Meridië spectat, cum amplior sit ac latior, nec tam vehementi vndarum percussioni obnoxia, integrior minusque læsa remansit. Horrea meridionalibus his scopulis (complanatis vt plurimum) quandoque fuisse imposita opinio est. Amplum siquidem planumque locum, mercibus deponendis custodiendiisque accommodum exhibent. Atque ita se rem habere, non leui argumento sunt excisæ in ijs columnæ aliquot, quibus rudentes alligari solent: quarum vnâ atque alterâ, dum in portu me laurem, me conspexisse memini. Monstrantur in ipso littore iuxta portum faxa quædam ac rupes prægrandes, ad quas Andromedam à belluâ marinâ deuorandam, nisi Perseus illam liberasset, catenis alligatam ferunt. Sæpius direptionem & excidium passa est vrbs hæc. A Machabæis namque aliquoties occupata, à Romanis bis capta, & fuditus excisâ à Gallis etiam (quamuis turribus tunc & muris validissimis munita) expugnata, & Mahometæis erepta; rursus ab iisdem recuperata, denique à Turcis subiugata, etiamnum his subiecta manet. Christianis Palæstinam moderantibus, Episcopali sede & comitatus titulo nobilis, diu claruit. Cuius titulo in hunc vsque diem patritius quidam Venetus ex illustri familiâ Contarena donatus, & vulgò *Conte del Zaffo* dictus, inter equites auratos Venetos primas tenet. Atque hæc de lassæ vrbe sufficiant : iam iter prosequamur.

Solutis Emino vectigalibus, Cassararijs item ex voto satisfactis, clitellarios conscendimus asinos : nam in equis istac iter facere, aut sellis vti, Christianis nefas esse putant. A sinis nullierant stapedes; nonnullis etiam nullæ habenæ : quâ de re à Vicario Hierosolymitano itineris duce præmoniti, priusquam nauigio exiremus, quisque sibi par stapedum ex funibus asseribusque, quo in itinere vteretur, confecerat. Coeptum itaque carpentes iter, præcedentibus in equis itineris ducibus, Emini nempe Ramensis filio, Arabum duce, & Genizaro milite, acinace, hastâ, & clypeo armatis, cliuum inter lassæ ruinas ascēdimus. Vbi ad summitatem eius ventum est, amplam ingredimur planitem, aridam, incultam, & ex parte arenosam : in qua tamen sceniculum & thymiana abundant. Etsi verò campos hîc vbique apertos habeas, eminus tamen montes, maximè ad Orientem, facîle conspicias.

Ad quingentos ferè passus progressis, obuiam venêre duæ Arabum turmæ, nullo nobis ob ducis præsentiam illato damno. Hi in ipsâ viâ vtrinq; tentoria fixerant, suosque pascebant greges atque armenta, è camelorum, bouum, & caprarû numero non spernendo constantia. In hac planitie Ionathas Apollonium ducē cum suo exercitu deleuisse fertur.

Ad

Strab. lib. 16.

Eli. li. 5. c. 13

1. Mach. 10

12. 13 14. 15

2. Mach. 12

Egesip. lib. 2.

c. 14

Tyr. 10 Bel.

Sacr. 7. 18 21.

Ad tertium à Iaffâ lapidem castellum Afor seu Iasor, ruinosum hodie, ac vicum ignobilem & exiguum pertransijmus medium. Paulò ulterius ad dextram elegantem Turcarum reliquimus Messitâ, novem sphæricâ formâ fornicibus ornatam. E regione huius Messitæ puteus extat aquæ optimæ: ea rotis circumactis hausta in supposita labra effunditur: estque non solum hominibus & animalibus, sed agris quoque vicinis adaquandis percommoda. Substitimus hîc aliquantulum, sitis extinguendæ causâ, quâ vel maximè ob vehementem solis ardorem atque æstum pænè intolerabilem laborabamus omnes. Vicinum omne solum opimum, & agriculturæ commodissimum, ac satis cultum offendimus: præter agros enim Gossypio cultissimos, plurimos etiam *Angurijs* refertos videre erat. Est autem *Anguria* fructus maior humano capite, cortice viridi, formâ rotundâ, multi succi, humorisque, coloris rubri vel albidî, & maximè refrigerantis: ita ut à morbidis & febricitantibus edatur impunè: nam mirum in modum sitim sedat; ut hac de causâ in regione aridâ & caloribus infestatâ in pretio habeatur. Miranda hîc quoque ex Ebosîâ cannâ (quam Cannam mellis hodie appellant) arundinû seges erat; ex quâ Turcæ Maurique Saccharum conficiunt; exprimuntque liquorem ad sitim sedandam Orientalibus vîtatam. Ut autem Lectori notum fiat, quis in excolendis Sacchari canneris apud Turcas sit vîsus; lubet obiter hîc adjicere, quæ ea de re ab indigenis didicimus. Agros ferè planos, irriguos tamen, & decliviores, ut aqua post irrigationem paulatim in inferiores agri partes decurrat, seminandis Sacchari arundinibus deligunt. Has in frusta sectas, & medium pedem longas, mense Aprili seminât, terraque obruunt: quæ ternâ repastinatione herbis internascentibus exsurgunt, frequenterque irrigantur: gaudent enim & campo aprico, & plurimâ irrigatione. Ad trium ferè digitorum magnitudinem, sex verò aut quinque pedum longitudinem excrescunt. Has autem paulatim maturescêtes circa Nonas Decembris demetunt. Est verò Cannæ mellitæ caudex nodosus totus, spongiosus, plenus medullâ, cortice tenui, dulci succo: qui hac arte exprimitur. Caudex totus frustatim concisus, ac torculari compressus, succum emittit; qui in cacabum dimissus, igne supposito concoquitur, & expurgatur: sed moderatè coctus in speciem mellis traducitur: perfectius deinde in vasa figulina reconditus, ubi refrixerit, in saccharum vulgare, perfectissimè verò, ac tertio recoctus, repurgatusque, in laudatissimum coalescit.

Post sitim sedatam rursus iter carpinus, Ortumque versus proce-
dentes, mox Liddam, urbem antiquissimam Diospolim olim nuncu-
patam, distantem à Ramâ tria millia passuum, eminus conspeximus.
Hæc Diui Georgij martyrio, ac tumulo, & in primis Petri Apostoli

A. 5.

Tyr. Bel. sacr.
lib. 7. c. 12.

dicatione, & miraculo celebris est. Nunc solo æquata, & in cinerem ferè versa, tota neglecta iacet: præter pauca enim Maurorum tugiola solum superest templum, in Martyris memoriam à Richardo Angliæ rege (vt aliqui putant) restauratum supra fundamenta antiquioris delubri, à Cæsare Iustiniano (vt volunt) erecti: quod paulò ante aduentum Bullionij Ducis cum suo exercitu Saraceni solo tenus deiecerunt; ne Christiani in vrbe Hierosolymæ oppugnatione trabibus Ecclesiæ, quæ multæ proceritatis erant, vterentur, easq; in machinas & tormenta conuerterent. Id hodie partim in Messitam versum Turcis seruit, partim etiam cum adiuncto monasterio in Calogerorum Græcitas monachorum domicilium cessit, atque etiamnum vsui est. Plurimi in hoc martyris corpus, alij caput tantum asseruari putant. Vt vt est, non solum Orientis Christicolis, sed & ipsis Mahometæis vel maximè venerabile est: qui & frequentissimè illud inuisunt. Quotquot enim à Mechanâ peregrinatione per Palæstinam ad propria redeunt, deuotionis ergo adire illud haud negligunt; precibusque inibi Deo redditis, largas etiam eleëmofynas erogant, & martyris sepulchrum venerantur. In summo siquidem honore Diuum Georgium habent, vt quem suæ sectæ protectorem eximum existimant: quod vel inde facile quis colligat, quòd Christi Diuorumque imagines vbicunque reperiunt lacerent, deleant, deturpent; ab vnius tamen Georgij imagine abstineant: cuius rei oculati testes sumus. Dum enim Arnicæ (quæ Cypri oppidum est) moram per dies aliquot traheremus, omnes quidem imagines in Minoritarum sacræ ædis parietibus depictas, vel oculis, vel faciebus, vel aliâ parte defædadas, mutilas, aut laceratas omnino offendimus: at solius Georgij equo insidentis, & tulipanto ornati, imaginem Turcas illæsam reliquisse comperimus.


Iter prosequentes Ramam versus, iuxta oppidum ad dextram ingens & insigne ac vetusti operis præteruecti sumus fanum, quo nullum illâ in regione vidimus vel elegantius, vel magnificentius. Id eleganti & præaltâ turri ornatum, insigne olim monasterium contiguum habuit, Sophiæ sacrum; cuius etiamnum plurimæ supersunt reliquie: inter quas videre est varia Christianorum monumenta, & sepulchra per vetusta: nunc verò in Messitam versum, & à Santono, qui proximas ædes inhabitat, occupatum, Christianis haudquaquam patet. E regione templi secus viam ampla & profunda visitur piscina, seu aquarum pluuiarum conserua, quadratâ formâ, ex quadratis & dolatis lapidibus constructa, triginta circiter pedum latitudinis; quam transeuntes aquâ penitus carentem ac siccam inuenimus.

Ad uesperas ceterè iam die Ramam venimus: urbem ingressi secus moenia ad solitum peregrinorum hospitium vrbe muris contiguum deducimur.

cimur. Id Nicodemi domum & habitationem quondam fuisse vulgò persuasum est. A Philippo postea Burgundionum Duce coemptum, & in Franciscanorum monasterium, ac Occidentalium Peregrinorum hospitium conuersum, eorum vsui hætenus cessit. Egregium sanè & peramplum fuisse ædificium, extantes adhuc reliquiæ & ruinæ peringentes satis testantur. Has inter Sacellum ostenditur ruinæ proximū, in quo olim Crux peruetusta collocata fuit; nunc Lucam (quæ vrbs Italiæ est) translata, & à Lucēsis in summā veneratione habitam: quam Nicodemi opus esse veterum memoriā proditum est. Tria tantum quatuorve hodie supersunt cōcamerata cubicula: reliqua exterioribus exceptis muris, collapsa, & ruinosā iacent. Cubicula hæc nil præter nudam humum nudosq; parietes continent; quos interius ambit murus, tres circiter pedes altus, latus totidem, superficie planā, qui scamnorum nec non culcitrarum loco Peregrinis seruit: nulla enim hic alia scamna, nullæ sedes, nulli lecti, nulla vtenilia; vt carcerem veriùs dixeris, quam diuerforium. Licet autem omni cōmoditate careat, nec hospitij nomen mereatur, eā tamen ratione commendandum est, quòd cisternam seu dulcis & salubris aquæ puteum in mediā arcā contineat, Peregrinis ad sitim sedandam in primis oportunam; aduenis item interdiu noctuque tutam præbeat stationem & receptaculum. A Turcarum namque ac Maurorum infestationibus, molestijsque securi hinc quiescunt & pernoctant. Neque desunt interim Christiani indigenæ, qui in ipso impluvio, quasi in foro publico, oportunè sanè quævis ad alimoniam necessaria, præter vinum, abundè venum exponunt; panem puta subcineritium (Fogaccios vocant Itali) carnes coctas, gallinas, anates, perdices, oua, pisces, fructusque recentes: quæ omnia mediocri quidem venundant pretio. Depositis itaque sarcinis, rebusque nostris pro temporis ac loci commoditate collocatis, ad Subassium, itemque Eminum mittimus interpretem, vt de solitâ cafarrorum & vectigaliū solutione cum utroque agat, & abeundi veniam impetret: proximā enim luce discedere decreueramus. Is mox re infectā redit: excusare se Subassium, & quod malè haberet, domo sibi egredi non licere, ideoque sarcinas nostras inspicere nequaquam posse refert: abesse quoque supremum Arabum ducem, rediturumq; crastino: differendam idcirco abitum in tertium vsque diem, atq; interim de cafarrorum solutione commodius agi posse: postridie verò Subassium si virēs ipsi suppeterēt, ad nos venturum, vt Raisium (ita Guardianum appellant Mauri) inuiferet, eiq; de nouā dignitate gratularetur. Putabat enim Subassius Minoritarum Vicariū, quòd octo secum adduxisset monachos, in Guardianum electum, ideoque consuetum se munus accepturum.

Quarto itaque Kal. Octobris, vti promiserat, nostrum accedit hospitium

pitium Subassius, Emino comite: Storeâ humi stratâ, in patulo vt confideat vterque, per interpretem inuitatur: Illi pedibus pro more decussatim inter se complicatis, resident. Vtroque salutato & nos affidemus. Resalutant illi comiter: deque itineris successu quærunt. Post multa Vicario fâlicem cum dignitate gratulantur aduentum, illique fausta & prospera omnia precantur. Mox de donis, quæ attulisset, subdit Subassius. Vicarius adhæc per interpretem respondet, gratias se quidem habere de tantâ humanitate; Raissum tamen (quod ille putaret) non esse se creatum; de muneribus igitur adferendis non cogitasse. Ille instare, ac dicere, certò sibi de dignitate constare; nec admittere excusationem: velle vt sibi satisfiat: id nisi fecerit, non dimissurum se quenquam. Vicarius contrâ negare, & addere, si sibi nolit fidere; Hierosolymam mittat, qui de rei veritate inquirat: mansurum se dum nuncius redeat: si mendacem comperiat, pœnâ dupli mulctet. Vbi intrepidum Vicarium animaduertit, verbis eius fidem adhibens, acquiescit. Porro de summâ caffarorum nihil quicquam remittere Minoritis voluit. Licet enim dimidium ij pendere consueuerant, ille integrum poposcit; atque sex Cechinos aureos, vt nos singuli, soluere iussit. Quinimo & pro cortesîâ Emini filio omnium nomine sesqui cechinum dare coacti sunt. His rebus expeditis, solutisque caffarris, ac discedendi veniâ obtentâ, cum Mucharis de pretio vecturæ agitur: cum quibus post multas rixas, clamores diutinos, ac strepitus peringentes (nihil enim barbara illa gens absque strepitu agere aut pacisci cum aliquo nouit) de talero pro quolibet conuentum est. Dimissis Mucharis, ac quartâ iam instante noctis horâ, quieti nonnihil nos dedimus, proximâ luce profecturi. Priusquam autem iter prosequamur, quæ de Rammæ hodiernâ conditione, situ, facieque obseruauimus, duximus addenda.




RAMMA, quæ & Rama, Turcis Remle, Mauris Ramla, quod ^{1. Mach. 11.} terram arenosam significat, in peramplâ, fertili, & amcenâ sita planitie; insignis quidem olim, & splendidissima, & opulentissima ciuitas; atque vniuersæ Iudeæ præcipuum emporium fuit: cuius rei facile fidem faciunt ingentes ædificiorum ruinæ, ædesque collapsæ amplissimæ, florentissimæ & ditissimæ quondam vrbis testimonia: nunc vero ruinis deformis, infrequens & collapsa vt plurimum, fœda & squallida iacet; ita tamen, vt inter ruinas casulæ quamplures surgant. Muris verò, fossis, turribus, portisque hætenus maiori ex parte integris, vtcunque munita est. Arimathiam olim nuncupatam nonnulli autumant, illius Iosephi patriam, qui Saluatoris nostri corpus sanctissimum à Pilato acceptum, & sindone inuolutum, Sepulchro suo nouo condidit. Visuntur in hac vrbe duæ insignes Ecclesiæ; in Turcarum ambæ Messitas versæ: quarum vna Diuo Ioanni discipulo Domini dilecto dicata, antiquum nomen obtinet; altera quadraginta martyribus sacra, & Diuæ Mariæ ad martyres appellata; ob martyrum reliquias ex Sebeste Armeniæ maioris vrbe huc delatas, etiamnum Christianis venerabilis est: neutram tamen intrare, nisi solis Mahometæis permittitur. Bazarrum autem (Forum sic hodie vocare consueuerunt Mauri Turcæque) hic visitur satis amplum, ex quadratis & dolatis constructum lapidibus, & in porticus aliquot & officinas diuisum. Noui ^{Ioan. 19.}

insuper, cum adessemus, inchoatum erat publicum Chan, seu diuersorium ingens, atq; amplū, quadratâ formâ, lapideum totum, & in varia cubicula diuisum; spatiosam in medio continens arcē. Eius generis ædificia Mauri Chan, Turcæ Carauanseræi, hoc est ædificiū destinatum Carauanis, appellāt: in eâ namq; Carauanzæ (quæ hominum animaliumq; itinerantium, ac sagmata portantium copiosa sunt agmina) diuertūt ac stabulantur noctu, quo securiores sint aduersus Arabes. Solo gaudet fertilissimo, frugibus multifarijs, frumento nempe, hordeo, & leguminibus, vitibus etiā, & oliuis, alijsq; diuersi generis arboribus satis culto. Incolæ (qui quidem infrequētes) plerique Mauri sunt, Christiani pauci, Turcæ pauciores. Hisce omnibus præsumt in iure dicūdo Cadius & Subassius, supremi vrbis magistratus Cadius primas tenet; penes quem omne iudicium consistit: Subassius secundas: is fontes ad iudicium cogit, in crimina inquirat, reis torturam, adhibet, & in eos pro Cadij arbitrato animaduertit.

CAPVT II.

Ramā discessus. Crebra Arabum vexationes. Per montana Iudea iter: & ad Vrbem Hierosolymam appulsus.



A Castellum boni latronis.
B Arabes equitantes.
C Puteus S. Iobi.

D Casale.
E Peregrini iter facientes.
F Ecclesia septem fratrum Machabeorum.

TERTIO

TERTIO Kal. Octobris, horâ tertiâ antelucanâ excitamur à Mucharis: equitandum esse obstreperant: cogunt iumenta, nocte licet subobscurâ, conscendere. Comitantibus igitur interpretibus, Mucherorum duce, ipsiſq; Mucharis per medium vrbis asinis insidentes cum sarcinulis nostris procedimus: quod alioqui illucescente die haudquaquam licuisset: indignum quippe facinus Mahumetæi putant (ijs maximè in partibus) Christianû suas per vrbes aut oppida equitare, aut equo vel asino vehi. Vrbe egressi, Ortum versus, per amplissimam planitiem iter egimus. Ad decimum demum ab vrbe lapidè collem adscēdimus, oleis ficubusq; cultissimum; in cuius summitate castellum vetustissimû, ruinofum, & habitatore vacuum ad dextram præteriuimus. Id vulgò Boni latronis Dismæ castrum vocant; quem eo loci natum putant. Celebre quondâ fuit ob insigne delubrum; cuius etiamnum supersunt vestigia plurima, & ruinæ amplissimæ: hodie etiâ Christianis Catholicis venerabile est. Transeuntes enim eminus salutant, Christum latronem ad se trahentem adorant; & vt ipsos quoque ad se trahat, suppliciter precantur: vtî à nobis quoque factum est. Hac siquidem actione septenariam à Pontifice Maximo concessam indulgentiam promerentur.

A læuâ ad iactum lapidis Turcarum extat Messita, quam olim ritui Christiano dicatam, & in honorem septem Martyrum Machabæorum (quorum etiam corpora eo loci condita putantur) exstructam asserunt: iuxta quam fonticulus est aquæ optimæ.

Mox vbi collem adscēdimus, equites duos admissis equis ad nos properare cōspicimus: illi iam vicini, gradû sistamus inclamitant: paremus iubente Interprete, quod Arabum esse ducem, nec eius imperium, vllomodo esse contemnendum, diceret. Is verò plures nos esse ratus, quàm Ramæ annotassent, adeoq; fraudè cōmisisse existimans, denuò omnes numerari iussit: vt verò vidit nos dolo minimè obnoxios esse, placatus barbarus, non solû dimisit immunes, sed & comitē se nobis adiunxit, & ad fastigiû vsq; proximi collis benignè deduxit, atq; ibi maidinis aliquot corteliæ nomine ipsius famulo numeratis, à nobis discessit.

In descensu collis alius Arabum Dux nobis obuius, casaros deposcit. Vt autem ab Interprete Mucharisque intellexit consuetos à nobis solutos esse Ramensi Subassio, nullâ illatâ iniuriâ abire nos sinxit.

Progressi ad quingentos circiter passus, puteum secus viam ad læuâ offendimus, rotundi atque ampli oris, & profundum maximè: quem vulgò lobi puteum vocant.

Inde duo quasi millia passuû progressi, tertium ab Arabibus duodenis; humi in ipso itinere sub olearû umbrâ procubentibus, subsistere cogimur: viâ namq; præcluserant, nec abire sinebāt. Quid velint quærimus: illi casaros sibi soluendos aiunt. Interpretes Ramæ omnia Subassio

soluta


soluta respondent: Syngraphum exhibent: Mucharos etiam idipsum affirmaturos addunt. Viso Syngrapho, examinatisque Mucharis, transitum concedant: prius tamen quam progredi liceret, panes aliquot cortesiae loco ipsis dono relinquere oportuit.

Haud procul inde ad Orientem asperius, ingredimur iter: à littore namque haecenus amœna & fertilissima planities est, per paucis admodum, ijsque amœnis & fructiferis interiacentibus collibus. Hinc Hierosolymam vsque montes sunt saxosi, vallesque asperrimæ, & parum fertiles. Itaque per opacas & angustas valles inter altissimos asperrimosque vtrimque montes, sylvis densissimis refertos, Iudæa montana adscendimus, viâ admodum difficili, saxosâ, & asperâ.

Vix autem medio inter nemorosos montes peracto milliario, Arabs quidam arcu sagittisque armatus nos insequitur: gradum ut sistamus inclamitat: nos tamen pergimus. Ille tandem anteuertit iter, & viam impedit, ac casaros sibi dari postulat: & nisi pareamus, aduenturos statim, qui sibi opem ferant, abiturumque nobis impediunt, minatur. Etsi verò iam Ramæ omnes solutos & interpretes & Muchari dicerent; ille nihilominus urgere solutionem, addere minas, atque etiam vim inferre cœpit. Quocirca periculum ab importuno barbaro veriti, maidinos aliquot per Interpretem illi numerari iussimus. Quibus numeratis, inter horrida montana per frondosas sylvas, Charnubis, Lentiscis, Arbutis, Terebinthis, Ilicibus, Eleagnis, Oleis, Palmis, Moris albis, alijsque diuersi generis arboribus refertas, iter prosequimur: in quo item variæ nobis occurrerunt plantæ saluberrimæ, & medicâ virtute notabiles; Cistus, Ledon, Thymbra, Smilax aspera, Maron, Origanum heracleoticum, Tragoriganum, Umbilicus seu Coptyledon, Thymus, Hyssopus, Stachys, Ruta silvestris, Asphaltites, Cyclaminus, aliarumque.



Ad quintum inde miliarium ædificium quoddam vetustum, ruinosum, quadrangulum, inscriptionem Arabicis literis rotundo in saxo incisam continens, à dextris reliquimus. *Serith* vulgò id nuncupant; distatque à Ramâ viginti milliâ passuum, totidemque ab vrbe Hierosolymâ. Hinc ad læuam montem adscendimus altiore cæteris. Vbi ad summam ventum fuit, rursus ab Arabibus casaros exposcentibus progredi vetamur. Interpretes consuetam casarorum solutionem Ramensi Subassio factam, reliquos verò extra ordinem solui solitos ex pacto Mucherorum Ducem soluturum aiunt: id vbi intellexere, missos nos faciunt. Vix tamen ad iactum sagittæ progressos Mucherorum Ducis perfidiâ subsistere iterum cogunt. Is siquidem cum paulò ante præcedere nos iussisset, casarosque Arabibus eo loci solui solitos, quos ipsemet soluere tenebatur, nos soluturos putaret, moram in itinere datâ operâ traxerat; quòd crederet nequaquam nos dimissuros Arabes, nisi debitis numeratis casarris, atque ita se liberum à solutione futurum. Verum sua ipsum fefellit opinio: cum enim præterisset nos conspexisset, ac ratus ob moram quam traxeramus, Arabibus esse factum satis, è latebris prosilit, iterque prosequitur. Vbi ad Arabes venit, circumstant hominem, casaros exigunt. Negat ille se daturum; nostrum esse soluere. Reuocant igitur nos: facturum se vt soluamus. Parent Arabes, atque illico nos reuocant. Vbi coram adstamus, strepitus ingentes edunt, mendacij Interpretes arguunt; falsò nos solutionem in alium reiecisse inelamitant: minas præterea addunt, ni duplum loco pœnæ soluamus. Interpretes contra, summâ se affici iniuriâ à Mucherorum Duce, qui falsi ipsos insimulare audeat, constanter affirmant: eum soluendorum casarorum onus in se suscepisse: Ita enim nos cum eo conuenisse, nihil vsquam de nostro expendendum esse. Obtestantur adhuc Mucherorum fidem: ipsos præsentibus fuisse quando pactum cum Duce ipsorum iniretur: quòd si aliter comperit fuerit, velle se pœnæ libenter subiacere. Acquiescunt Arabes, interrogant separatim Mucharos, quærunt de pacti conditione. Ii Interpretum dicta confirmant, Ducemque solutioni obnoxium esse fatentur. His expeditis, & veritate iam compertâ, homines licet barbari, æqui tamen hac in re obseruantissimi, innocuos nos, Duce contento dum satisfaciatur, dimittunt.



Ios. 21.
1. Paral. 6.
Ier. 1. 11. 29.
3. 2.

Inde quinque millia passuum ulterius procedentes, in declivi quodam loco obuetis referto (Anathoth fuisse putatur) ad dextram iuxta viam reliquimus Templū elegans atque amplum, ex quadratis & dolatis constructum lapidibus, Diuo Hieremiæ prophetæ (ut volunt) dicatum; atque eo positum loco, quo olim Sacerdotum ciuitas, natali Hieremiæ prophetæ celebris, extitit: vbi & agrum emit à patruele suo. Id quidem nostrâ hac tempestate etsi integrum quasi sit, soloque careat recto, derelictum tamen, atque omnibus ornamentis vacuum cernitur. Ingentes iuxta hoc visuntur ruinæ diruti cuiusdam monasterij, à Minoritis quondam habitati; quod Arabes abhinc annis octoginta inualisse, & monachos omnes trucidasse, ac bonis omnibus spoliassē, fama est. Prope id fonticulus extat aquæ optimæ: Maurorum tamen incuriâ neglectus, parum iter facientibus proficuum, & nullius ferè vsus est. Hinc ad dextram flectentes Orientem versus, per costam montis processimus: mox aliquantum viæ emensis, ad Meridiem eminus ostensum fuit rotundum collis cacumen, ceteris circumiacentibus montibus eminentius; quod Modinum Machabæorum seu Modeim vocitant: in quo Mathathiam patrem, Iudam strennum, fratres, filiosque sepultos sacræ narrant Literæ.

1. Matth. 2.
9. 13. 16.
4. Mach. 5.
10. 13.



Octauo hinc miliario ad Vallem Terebinthi, pugna inter Dauidē & Goliath celebrem peruenimus. Locus quo Goliathi in terram prostrato caput à Dauide abscissum traditur; amplissimo quondā delubro à Christianis instaurato notabilis fuit. Huius fani, itemq; adiuncti monasterij opere rustico ex pregrandibus saxis quadratis & dolatis constructi, etiamnū plurimæ supersunt reliquiæ. Iuxta quas pons lapideus in viâ occurrit, torrenti impositus; ex quo Dauidem cōtra Goliathem pugnaturum quinque collegisse lapides sacra Scriptura testatur. 1. Reg. 17.

Ponte superato, ad læuam fleximus, torrentemq; siccis pedibus transiuimus: mox in proximum diuerrentes oliuetum, ex longo iam & difficili itinere fessi, fame etiam ac siti ferè exhausti, ex asinis descendimus ibidemq; sub vmbrâ Olearum nonnihil quieuius, ac biscocti panis frustulâ, & dulcis aquæ haustu è proximo fonte nobis allato, cum nullus alius nobis cibus esset, nec potus, famem sitimq; utcunque subleuauimus.

Vallis hæc angusta, vix quingentos passus suo ambitu complectitur: solum habet opimum, Oleis præsertim, alijsq; arboribus satis cultum. Ad aquilonare vallis latus in ipsâ accliuitate montis Turcarum visitur Messita, fornicibus aliquot ornata, cui contigua hæret ædiculæ quædam, vulgò *Calonia* vocatæ. Præter has, ruinasque Templi & monasterij, nullas alias in ipsa valle ædes, aut ædium vestigia conspicias.

Refecti aliquantulum (vt diximus) cœptum carpinus iter ; asiniſq; vecti montem Sochet adſcendimus: inde per vias præruptas, difficiles, maximeque præcipientes, accliu modò, modò decliu ſemitâ gradientes, nihil vſquam præter horridos, ſteriles, & incultos montes, ac lapidum acervos, vallesque deſertas conſpicamur : neque enim vrbs ipſa Hieroſolyma priùs conſpicienda datur, quàm aridos illos incultosque montes ac valles ſuperaueris. Quæ intuentibus nobis non tam ſtuporem attulere, quàm maledictionis Diuinæ manifeſtum indicium fuere. Cum enim terram hanc Promiſſionis, & præcipuè Hieroſolymitanam plagam, rebus omnibus abundantem, & fertiliffimam ſacræ Paginæ olim extitiſſe confirment, & terram fluentem lacte & melle, itemque terram Frumenti, Hordei, ac Vinearum; in quâ Ficus, & Melagranata, & Oleæ naſcuntur ; cuius lapides ferrum ſunt, & de cuius montibus æris metalla fodiuntur, paſſim appellent : quis non hodiernam ſterilitatem ex diuinâ vindictâ proueniſſe iudicet; & aliquo modo huc pertinere quod in Euangelio à Domino prædictum legitur: *Hieroſalem (ait) qua occidis Prophetas, & lapidas eos qui ad te miſi ſunt, quoties volui congregare filios tuos, quemadmodum gallina congregat pullos ſuos ſub alas, & noluiſti: ecce relinquetur vobis domus veſtra deſerta.* Etſi verò in primis iræ diuinæ hanc terræ deſolationem attribuendam putemus, ex ſoli tamen conditione, & hodierno montium valliumque ſitu, ac facie facile colligitur, Hieroſolymitanum omne ſolum, vicinoſque agros, arte, & labore, hominumque indiſtriâ potiùs quàm naturâ fertiles olim extitiſſe. Regio ſiquidem per ſe ſterilis & petroſa eſt; qualem etiam olim fuiſſe teſtatur Strabo, & ratio ipſa dictitat: quis enim legit vſquam terram in ſaxa mutatam eſſe? Non mirum igitur ſi ceſſante hominum indiſtriâ & agriculturâ, prout ceſſat hodie maximè, fertilitas quoque inſta diuinum eloquium, & prædictionem ceſſauerit. Quid enim eſt fertiliffima prouincia, ſi ei agriculturam ſuſtuleris? tribulos planè & ſpinas, dumos, ac vepres producere, & ſqualidam effici, quæ priùs ſegete variâ ac fructibus abundauerit, nemo eſt qui neſciat. Quantum autem florentibus Iudeorum rebus indiſtriæ & laboris in colendis agris ipſi poſuerint, & quanto ſudore petroſos ſterilesque montes in amœniſſima vineta, & oliueta mutârint, montes gradatim compoſiti, & ad cultum præparati, ſatis ſuperque indicant: non obſcurum meâ opinione argumentum, quòd ſaxis excavatis, terram inter ſaxa erutam, vel aliunde aſportatam ingeſſerint, atque ita montes per ſe ſteriles, ſaxis pro fulcro terræ adhibitis, graduû inſta compoſuerint; vineiſque ac ceteris plantis excolendis idoneos reddiderint. Nam ab ipſis radicibus vſque ad ſummitatem montium muri quibus olim vineæ cingebantur, ita ſubſtructi conſpiciuntur, vt


graduum

Exod. 3.
Deut. 8.
Ezech. 20.

Matth. 23.

Lib. 16.

graduum theatri speciem quandam representent. Neque id à veritate absonum alicui videri debet. cum id ipsum in alijs quoque regionibus fieri pluribus notum sit, & ipsi sapissimè vidimus: immò in plurimis Iudeæ locis inter glaream saxi & ruderibus in cumulos coaceruatis, etiamnum vineas & varias arbores crescere omnibus, quæ ea loca adierint, constat.



A Fons Gihon.

B Moschea.

C Peregrini in terram prostrati.

D Sepulchrum Turcarum.

E Mons Olivæ.

F Sylo.

Circa vesperum sole ardentissimo pænè exhausti, & ex longo eius diei & duro itinere fessi (quadraginta duo enim miliaria per loca asperrima confeceramus) ad collis fastigium, è quo ciuitas Hierosolyma primùm conspici potuit, peruenimus. Distat id ab Vrbe quingentos circiter passus, viâ ad Urbem vsque decliui. Quâ conspectâ, & a finis illicò desiliunt omnes, in genua procidunt; ac terram pro more deosculati, hymnum *Vrbs beata Hierusalem* elatâ voce concinunt: mox recitatis aliquot à Vicario, cæterisque qui aderant Minoritis, solitis orationibus, Versiculis, Antiphonis; gratijsque Deo optimo Maximo persolutis, quòd ad hanc suo sanguine pretiosissimo sacratam Urbem, cuius videndæ desiderio ardebamus, nos perduxisset incolumes, pedi-

tes omnes reliquum itineris ad Portam vsque vrbis proximam confecere, me vno excepto, quod pedibus æger, ex iumento descendere, & insistere pedibus nequirem. Cordè tamen humili & contrito, quod Deus non despicit, quantas potui Deo Saluatori gratias egi Vbi iam Portæ (cui à Iaffa nomen est) proximi essemus, atque ego cæteris pedibus asino insiderem: ecce Archisantonus (qui dignitate ac veneratione apud Mahometæos par est Catholicorum Archiepiscopo) eques nobis obuiam fit, pedite vexillum turcicum, arabicis ex auro notatum literis præferente. Quem vbi Minoritæ conspicati sunt, veriti ne siequitantem Mauri effenderent, ac in contemptum sacrorum suorum id fieri existimarent, me fustibus cæderent, vt ex asino descenderem, ac pedibus reliquum itineris conficerem, admonuere. Parui, licet inuitus, & ex iumento decidens, ad Portam non sine immenso crurium dolore claudicando perueni. Vbi nos Turcæ integram ferè horam (denunciato interim Zaniacco vrbis nostro aduentu) remorati sunt. Nam sine eius veniâ Christianis alienigenis urbem intrare non permittitur. Collis ex quo primùm Vrbis patere conspectum suprà diximus, mons Gihon est, in sacris Literis celebris, & petrosus valdè. Extenditur autem decliuitate suâ ad vsque Portam vrbis veterè, olim Iudicalem appellatam, partim vrbis mœnibus inclusus, partim urbem ab Occiduo & Aquilonari latere cingēs; à Meridie verò valle interiacente mediâ ab vrbe & monte Sion diremptus. Fontem in eodè monte scaturientem, quem sacra Pagina Superiorem appellat, ad differentiam alterius, ad imos eiusdem montis radices emanantis, qui Inferior dicitur, etiamnum superesse, eundemque esse aliqui volunt, qui ad dextram viæ in ipso descensu muris circumdatus ostenditur, ac Turcis loco lauatorii est. Ad læuam è regione fontis plurimæ visuntur vineæ, & horti arboribus varijs exculiti: iuxta quas in ipsâ viâ Moschea cernitur recens extructa & muris cincta, Leonis simulachro contra Legem Turcarum supra ostium insculpto.

CAP V T III.

In urbem Hierosolymam ingressus. Benigna admodum apud Minoritas cœnium nostrum receptio. Monasterij & Templi sancti Saluatoris descriptio. Deq; ceremonijs in aduentu Peregrinorum à Minoritis fieri solitis: eorundemq; Minoritarum conditione & numero.

POST longam moram, vbi Chiecagiæ ministri vnâ cum Monasterij Interprete ac Minoritâ quodam tandem aduenissent, in Urbem introducimur. Chiecagia enim (qui vices Saniacci vrbis sustinebat) veniam intrandi Urbem Guardiani rogatu iam nobis concesserat. Urbem

bem ingressi, ad laeuam primùm ingredimur viculum, mox Septentrionem versus ad Monasterium Minoritarum ducimur. Id titulo Sancti Saluatoris clarum, in monte Gihon iuxta vr̄bis muros positum, Templum eiusdem nominis exiguum sanè intra septa comprehendit. Totum ædificium etsi non valde amplum, ad duplicē tamen cōtignationem assurgit: cuius inferior pars hortum & aream in medio cōtinet, & in concamerata aliquot cubicula diuiditur: superior Templum, Porticum, Claustrum, Monachorum cellulas, Refectoriū, aliaq; cubicula habet; & Minoritis satis commodam ac tutam habitationem præbet. Prius verò quàm ad penitiora Monasterij introduceremur, Turcici ministri (qui nos comitati fuerant) omnium nomina, cūm propria, tum patris cuiusq; tacito familiæ cognomine, notarunt. Mox ingressi Monasterium, in inferiori areā sarcinulas nostras exponi curamus, vt Emini ministri an vectigales essent, cognoscerent: quas vbi immunes esse cognōrunt, discessere. Quibus digressis, Guardianus ceteriq; Minoritę humaniter ac benignè admodum nos excipiunt, & ad superiora Monasterij deducunt claustra: me verò ex cruribus & febris vehementissimè laborantem, vixque loco me mouere valentem, vnus Monachorum dorso sublatum ad Peregrinorum cubiculum deportauit. Fuisse quidem olim quatuor numero cubicula Peregrinorum vsui destinata, à Minoritarum habitatione & cellulis nonnihil separata; sed duo tantum hodie, eaque inferiora ad fornicis formam & arcuato opere ædificata supersunt; reliquis superioribus ab hinc annis aliquot Zaniacci Vr̄bis iussu (quod nimium eminere, atque Arci vicinæ imminere diceret) deiectis, parietibusque demolitis. Vbi ad superiora ventum fuit, Minoritę omnes, vnaque comites, post preces in Templo peractas, ad pedum lotionem, supplicationem, ceterasque ceremonias in Peregrinorū aduentu à Guardiano fieri solitas, se præpararunt: quibus tamen ob corporis languorē, summā cum animi molestiā interesse non potui. Hæ verò (vti comites postea retulere) ita se habent. Primùm quærit Guardianus an facultatē à summo Pontifice Romano, aut eius Vicario aliquo, vel Nuncio Apostolico habeant Peregrini, vt ad sacrosanctum Domini Sepulchrum se cōferant. Sub pœnā siquidem excommunicationis haud impetratā veniā Pontificiā Catholicorum nemini sanctissima hæc adire loca vllō modo fas est: si quis tamē casu vel negligentiā eā nō impetrauerit, aut eā opus esse nescierit, Guardianus potestate à sede Apostolicā sibi cōcessā in eiusmodi casibus dispensare, & ab excommunicationis sententiā eum absolvere potest. Lectis autem veniæ literis, si qui Peregrinorum eas habeant, Minoritę solemnē instituunt processionē, siue supplicationē circum superius claustrū, præcedente Cruce, ceroferarijs, & Thuribulo. Sequuntur Minoritę: subsequuntur

Peregrini.


Peregrini bini ordine, hymnum concinentes : *Te Deum Laudamus*. Hoc completo, & consuetis recitatis orationibus, ac canticis, in ipsâ porticu ante fores Ecclesiæ scamnis insidere Peregrini iubentur : Seniores è fratribus eorum lauant pedes; iuniores abstergunt linteo, & deosculantur. Peractâ lotione, Guardianus breuem de dignitate locorum Christi sanguine aspersorum, ad Peregrinos orationem habet: singulos admonet, vt toto spiritu orationibus vacent, mentem ad Deū eleuent, eius mysteria contemplantur, ac gnauiter deuotioni incumbant: temporalia omnia & mundana iam posthabenda, Crucem esse portandam cum Christo, adesse enim tempus pœnitentiæ, quo transacta peccata deplorent, & exuto veteri homine, ac criminibus sacramentali Confessione expiatis, sacrâ demum Communionem se muniât, quo præteritorum laborum præmium abundantius consequantur. His præhabitis, & datâ omnibus à Guardiano benedictione, ad cœnam inuitantur, & satis lautè, loco à Minoritarum Refectorio semoto reficiuntur. Quâ finitâ, post Preces in Templo Deo Optimo Maximo exhibitas, ad cubicula Peregrinis destinata deducuntur. Vbi non plumeis lectis, sed duris culcitris, absque linteis, vestiti, ac solo stragulo tecti, indormiunt. Caterùm Minoritæ Hierosolymitani, computatis simul quinque Bethleëmæ degentibus, itemque tribus Templo Sepulchri Dominici inclusis, numerum plerumque viginti quatuor Monachorum constituunt; viuuntque Catholicorum Principum eleëmofynis: quas Christianâ pietate singulis annis, aut ad summum triennijs transmittunt. Quibus si destitui eos contingeret, nec necessarijs sumptibus satisfacere, nec Turcarum vexationes redimere, nec onera Peregrinorum sustinere, immò nec in vnum quidem mensem victum sibi comparare commodè possent. Nihil enim proprii ijs in partibus cum possideant, & exiguas eleëmofynas à Peregrinis (qui rati cò hac tempestate veniunt) accipiant, varijs tamen & frequentibus Turcarum auarijs reddantur obnoxij, victum etiam omnem & vestitum ære redimere cogantur, tot sustinendis oneribus, tot superandis incommodis impares eos esse viribus facilè quis viderit. Commendandi sanè omnibus sunt modis, quòd humani sint, & hospitales maximè, Peregrinis quibuscunque omnem exhibeant operam, quid facto opus, quidve declinandum sit, cum fide edoceant. Quare maximo quin Peregrinis sint & solatio & vsui, neminem esse puto qui dubitet. Sine his enim nulla aut rara loca insigni aliquo mysterio clara adire, aut penetrare vlli commodum esset: nam neque adessent qui circumducerent, qui sacra aliqua loca indicarent, ab iniuriâ defenderent, & ad magistratus Turcicos prouocarent. Denique cum indies illi victum Turcis Maurisque plurimis suppeditent, beneuolos se erga omnes

omnes exhibeant, adeoque de ijs bene mereantur, ne ingratitude notam subeant Barbari; néve tot ac tanta negligere Monachorum beneficia videantur; horum respectu mitius cum Peregrinis agere eos facile credendum est, quod alioquin non facturos, aut si faxint, post plurimas demum iniurias, & emunctiones præstituros putauerim. Porro id summâ admiratione dignum censeo, quòd soli Minoritæ, etsi varias & innumeras diuersis temporibus perpeffi calamitates, oppressiones, carceres, & mortes, tot seculis ijs in partibus inter medios Barbaros Fidei Christianæ hostes acerrimos sedem fixerint, cum nullo alij Christianæ ac Catholicæ religionis viri tentare id ausi vnquam fuerint; neque etiam si tentent, admittantur. Diuini sanè numinis nutu id factum existimo: vt sicut author eius religionis Diuus Franciscus vitâ Christo similior fuit, sic à solis posteris eius post res perditas Christianorum ibi sacra ritè fierent, vnde salus hominum prodijt.

Secundo ab ingressu vrbs die Monasterij pharmacopæus & medicus laicorum senior de venâ mihi sinistri brachij incidendâ, suasit, ac persuasit vtiliter: nam quinto post die febris me dereliquit: atque inde paulatim cœpi conualescere.

CAPVT IV.

Sacri Monumenti Dominici Basilica introitus: eiusdemq, ac Templi montis Caluarie descriptio. Solemnis item Processionis ibidem habitae, sacrorumq, locorum inibi existentium narratio.



- A Ostium Ecclesie S. Sepulchri, per quod ad penitiora datur aditus.*
B Ostium alterum muro obturatum.
C Locus sessionis Turcarum.
D Scala quâ olim ad montem Caluarium dabatur adscensus.
E Sacellum montis Caluarij, eiusq, fenestra qua supra aream patet.
F Sacellum B. Virginis & Ioannis Euangelistae.
G Turris ecclesie fastigio carens.

- H Introitus adium Abassinorum.*
I Introitus immolationis Isaac.
K Locus immolationis Isaac.
L Testudo templi S. Sepulchri.
M Apertura testudinis, qua lucem in templo admittit.
N Testudo Ecclesie Golgothanae.
O Cochlea quâ ad summitatem testudinis adscenditur.
P Area templi.
Q Ostium Ecclesie Gracorum atq, adium Patriarchae.

QVINTO Non. Octobris (qui Diui Francisci profestus erat) ab Urbis Chiecagiâ intrandi Sepulchrum Domini venia impetrata est, solitis prius solutis vectigalibus, quæ huiusmodi sunt. Pro Urbis introitu duo Cechini Veneti: pro ingressu Sepulchri Dominici Cechini nouem: Semicechinus pro Saccharo (vt aiunt) Officialium: Selquicechinus pro cereis, in Processionibus ac sacrorum locorum visitatione

ratione incendi solitis. Neque enim aliter quàm horum præstitâ solutione, in templum sacrosanctum patet introitus. Circa horam igitur Vesperarum, Monasterio Minoritarum egressi, comitantibus Guardiano & cæteris Monasterij Fratribus, vnico custode Monasterij relicto, ad læuam Orientem versus, viâ leniter decliui descendimus. Est siquidem Monasterium in monte Gihon situm loco eminentiori ipso Caluariz monte: à quo distat passus circiter 160. Aliquantulum progressi, à dextrâ Meridiem versus ingredimur viculum, in cuius ferè medio, iuxta vetusti operis Arcum transuersim positum, à sinistro latere primus ad Aream Sacræ Basilicæ Dominici Sepulchri est aditus, ostio angusto & depresso, adeoque humili, vt nisi reclinato ad ventrem capite ingredi nequeas. Inde sub fornice triginta passus longo ad interiorem Aream Basilicæ Sacræ contiguam itur: prius tamen per gradus aliquos descenditur: & circiter decem passus procedendo, relinquitur ad dextram publicus Turcarum carcer, vetusti operis turris, Areæ meridionale claudens latus: Patet autem area in latitudine pedes circiter sexaginta, longitudine latitudinem nonnihil superante, quadratis è marmore strata lapidibus, & ædificijs vndique cincta; cui Cophtorum atque Abassinorum domus & Oratoria, itemque pars Montis Caluariz ab Ortum, publicus carcer à meridie, Græcorum Patriarchæ ædes atque Angelorum templum ab Occasu, à Septentrione ipsa Sepulchri Dominici Basilica adiacent. In cuius ferè medio lapis insculpta Cruce ostenditur, quo loco Christum Cruce onustum & fessum cecidisse veterum memoriâ proditum est. Is cancellis ferreis circumdatus, Christianis omnibus venerabilis est, atque osculari ab ijs solet. Basilicæ frontispicium Meridiem spectans (etsi potius eius latus dicendum sit: non enim valæ Golgothanæ ædis, per quas ad vtrumque delubrum datur aditus, à fronte, sed à latere sunt meridiano) eleganti & regio est opere, ex quadratis & dolatis constans lapidibus, foliatis ornatum coronis, fascijs, columnis, parastatis marmoreis; ordinis Gothici. In eo duæ sunt ianux, quarum medium murus occupat, Turcis sessionem præbens, altus pedes tres, latus quinque. Quæ ad læuam adambulans occurrit, Peregrinis aperitur, cæterum clausa remanet; quæ ad dextram, ac Caluariz montis gradibus adhæret, muro obstructa est. Vtraque architrabe marmoreâ transuersariâ fulcitur: in quâ diligenti manu incisæ sunt variz figuræ, Lazari resuscitationem, Christi in Ciuitatem Sanctam introitum, nec non euentium & vendentium in templo eiectionem repræsentantes. Gradus per quos ab exteriori Templi parte ad montem Caluariz quondam patuit adscensus, etiamnum extant numero quatuordecim: in quorum summitate paruum atq;

angustum est Sacellum, quadratâ formâ, alterum ex aduerso Areæ angulum complectens, quatuor ornatum columnis, angulos totidem sustentantibus, spherico coopertum fornice. Id vnicam à Meridie fenestram habet, quâ lucem admittit; cæterum muro vndique obturatum, nemini accessum præbet. Referunt Minoritæ hoc loco stetit se Virginem Mariam cum Ioanne Discipulo, quando vnigenitus Dei Filius è Cruce vtrumque alloquens dixit Matri suæ: *Ecce Filius tuus*: dein Ioanni: *Ecce mater tua*. E regione huius Sacelli alterum aduersæ Areæ angulum occupat Turris insignis, atque alta, ex quadrato constructa lapide, quaqua versus æquilatera, lata pedes amplius duodecim, ex parte tamen collapsa, carensque fastigio: quæ media inter Græcorum ædes, & Dominici Monumenti Templum, vtriusque lateri adhæret. Postquam autem ad Templi fores venimus, quæ aduenarum tantum occasione (vt diximus) patefiunt; nec nisi tributum soluentibus sunt peruix, aliàs seris & repagalis occlusæ, ac sigillo Saniacci perpetuò munitæ: offendimus illic Turcas quosdam muro (qui medius est inter Templi fores) tapeto instrato insidentes, nostrumque expectantes aduentum: qui vbi nomina singulorum annorassent, atque iterum nos numerassent, templū nobis patefecere: quod statim ingressis nobis conclusum est, admissis prius nobiscum ex Urbis incolis compluribus Christianis: qui quotiescunque Christianos alienigenas introduci norunt, aduolant, vt & ipsi sacrosancta loca inuisant. Neque enim vlli id denegatur, modo Portæ custodi Maidinum soluat, vt peregrini. Indigenæ Christiani sacrorum locorum visitatione cursum peractâ, mox exeunt, ijs egressis denuò fores occluduntur, sigilloq; Saniacci muniuntur. Proxima verò luce reaserantur, vt qui velint, possint exire: plerique per diem & noctem includuntur, vti Peregrino natione Gallo, qui paulò ante nostrum aduentū è Tripoli Syriæ Hierosolymam venerat, atque vnâ nobiscum Sepulchrum Domini ingressus erat, cæterisque Minoritis contigit. Si quis tamen diutius inibi hæreere velit, facillè conceditur. Nos enim sex dies ac noctes totidē in Templo mansimus: septimo die, solutis denuò duobus Cechinis, exiimus. Vt autem in Templo morantibus alimenta quotidie subministrari commodius queant, inest ostio Templi foramen quadrangulare, latū pedem vnum, craticulâ ferreâ in modum crucis obductum; per quod singulis ad victum necessaria à suæ nationis hominibus in vrbe comorantibus quotidie porriguntur.

Ingredientibus Ecclesiam primo loco occurrit Lapis Vnctionis Domini; sic dictus, quòd in eo vnctum fuisse Dominum à maioribus traditum sit. Vltèrius, Septentrionem versus, ad læuam est sacellum, seu ædícula Sepulchri Domini, ad dextram Chorus Ecclesiæ Golgothanæ.

thanæ. Vtroque præterito, rectâ ad Sacellum Apparitionis Mariæ Virginis peruenimus. Id aulæis sericis vetusti operis ornatur, Minoritisque loco Ecclesiæ, Chori, & Sacrarij est; horas siquidem Canonicas quotidie hîc concinunt, solemnia celebrant; & pretiosa ac rara Principum atque Magnatum donaria, quæ religionis aut voti causâ in sacrosanctæ Dominicæ Resurrectionis Templo dedicata sunt, sacræ nempe vestes, ac vasa sanctiora, aurea, & argentea, tapetes item, & aulæa serica, asseruantur, capsisque conduntur. Tria autem ad Orientem continet altaria: quorum medium Diuæ Virgini sacrum, Altare Maius à Minoritis appellatur; in quo & Sanctissimæ Eucharistiæ sacramentum thecâ ligneâ inauratâ conditum honorificè asseruatur: eo verò loco Christum Salvatorem post Passionem suam Matri apparuisse, piè à Christianis creditur: atque inde Sacellum nomen Apparitionis sumpsisse putatur. Quod à dextris est, Crucis Ara appellatur: quod à sinistris Altare Flagellationis dicitur, à parte columnæ, ad quâ vinctus & flagellatus est Saluator; quæque ibi intra cancellos ferreos custoditur. Locus ipse satis amplus, formam quadrangularem refert, concameratus totus, atque vnicâ fenestrâ, quâ parte Orientem spectat, supra Aram Maximam admittens lucem.

Post preces ibidem Deo Optimo Maximo fusas, Minoritæ sacris induti vestibus, Guardianum Pontificali habitu, mitrâ, & pastorali ornatum baculo, ad sacrum vsque Saluatoris Domini Monumentum deduxere: mox solennes Vesperas ante fores Dominicæ sepulturæ suauis symphonîâ decantârunt. Iis peractis, & ad sacrarium reuersi, sacras deposuere vestes: & Guardianus Pontificalibus exutus ornamentis, paulò post Aram Maximam thure adoleuit, Minoritis interim Antiphonam *Salve Regina* concinentibus. Mox recitatis Litanijs maioribus, quas Catholicas vocant, sollemnis instituta est Supplicatio; hoc ordine. Præcedebant Cruciferi, Ceroferarij, & Incensor: sequebantur Minoritæ bini numero, dein Guardianus solus: postremò Peregrini, cereum quisque ardentem ferentes manibus. Egressi Sacrario, ac lento incedentes pede, Canticis & Hymnis Deum Optimum Maximum laudabant, eiusque sacra commemorabant mysteria, vtramque & Golgothæ & Sanctissimi Sepulchri circumeuntes interiorē Ecclesiæ porticum; apud singula Sacella, mysterio aliquo notata, precibus intenti, aliquantulum remorabantur: Guardiano interim declarante mysteria ibidē à Salvatore peracta, rem sacram in ijs contentam, indulgentias etiam ea deuotè accedentibus à summis Pontificibus Romanis concessas; additâ pro cuiusque loci reuerentiâ breui exhortationiculâ, memores vt essemus Passionis Domini: Terere siquidem nos pedibus ea loca, quæ vel Christi Sanguine adpersa, vel gloriosâ eius Resurrectione

surrectione essent illustrata, vel angelicâ præsentiâ nobilitata, aut Matris Domini, Apostolorum, & Sanctarum mulierum frequenti visitatione decorata, totque piorum Christianorum & Sanctorum hominum osculis & lachrymis irrigata: Ideoque debere reputare nos indignos, qui ad Sanctissima hæc loca admitteremur. Ut autem clarius atque euidentiùs Lector intelligat, quæ in hæc sacratissimo & augustissimo Templo extant loca, Christi mysterijs clara, solemni Supplicatione ab aduenis adiri solita, qui item hymni, Orationesque singulis in locis à Minoritis decantari dicique solent, initium & finem Supplicationis breuiter enerrabimus.

Math. 27.
Ioan. 19.

In Epitaph.
Pauli.

Incipit itaque solemnisi Ecclesiæ Supplicatio ab Altari Flagellationis Domini, de quo suprâ diximus, columnâ illâ, ad quam Christus flagellatus est, quamque suo pretiosissimo cruore tinxit & adpersit, notabili. Hæc olim teste Hieronymo porticum Ecclesiæ maioris Montis Sion sustinens, venerabilis extitit: à Mahumetæis deinde fracta, & in duas partes diuisa, vna Romam delata, altera (maior nempe pars) in Sacello Diui Thomæ Montis Sion diu custodita fuit. Postmodum auctore Fratre Bonifacio eiusdem Ecclesiæ & Monasterij Guardiano, ad Templum Sanctissimi Sepulchri translata, & in frusta aliquot diuisa, ac parte vnâ ibidem relicta, cæteræ partim Paulo Quarto Pontifici Romano, partim Imperatori Ferdinando, Philippo Hispaniarum Regi, Senatui Veneto, & Reipublicæ Ragusinae distributæ, & dono datæ fuere. Constat autem e marmore coloris rubri, candidis intermixtis notis, instar Porphyretici lapidis. Ante Aram ipsam Minoritæ flexis genibus in memoriam flagellationis Domini sequentem concinunt Hymnum.

*Eia fratres charissimi,
Christi mortis mysteria
Canamus, & vestigia
Sequamur corde Flebili.
Qui penam primi criminis
Delet vigore sanguinis,
Hunc ad columnam acriter
Cedit Pilatus pessimus.
Cur sic, o crudelissime,
Flagellis eum percutis,
A quo vitam acceperas,
Vitam conaris rapere?
Cur tu columna soluere
Tunc noluisse Dominum,*

*Cum te crudeles milites
Rigassent eius sanguine?
Cur non fregisti illico
O tu columna immobilis,
Dolore Christi nimio
Flagellis tantis languidis
Iam orans fudit sanguinem,
Qui potuit sufficere;
Nam gutta eius sanguinis
Thesaurus fuit omnium.
Nos ergo qui diligimus
Hunc flagellatum Dominum,
Rogamus ut criminibus
Suis ignoscat meritis.*

Grillo

*Gloria tibi Domine,
Pro tanto fuso sanguine.*

*Et alaparum copiâ,
Vultui sacro inditâ. Amen.*

Hymno dicto recitantur postea sequentia.

*Antiph. Apprehendit Iesum Pilatus, & ad columnam ligatum fortiter
flagellavit.*

Vers. Languores nostros ipse tulit.

Resp. Et dolores nostros ipse portavit.

Guardianus dein Orationem ad Deum habet his verbis.

*Adesto nobis, Christe Saluator, per tuam personalem flagellationem, &
per tuum stillantem & adpersum sanguinem pretiosum: ut omnia peccata
nostra deleas: nobisq; tuam gratiam tribuas: & ab omni periculo & aduersi-
tate protegas: & ad vitam aeterna gaudia nos perducas. Qui vivis &c.*

Sacello apparitionis egressi, ad læuam Ortum versus flectunt, & Choro Ecclesiæ Golgothanae ad dextram relicto, ad antrum quoddam subobscurum eunt; quod Carcer Christi ab Orientalibus Christiculis appellatur: in eum enim coniectum Saluatorem, cum ad Golgothæ montem baiulans Crucem duceretur, asserunt: ibique depositâ Cruce hæsisse, dum illa adaptata fouea, in quâ erigeretur, excavata, cæteraque salutis nostræ mysteria ad crucifigendum Dominum perfecta essent. Interim dum ad antrum proceditur, sequens à Minoritis concinitur Hymnus.

*Qui lucem dedit patribus,
Cum illos ab his tenebris
Eduxit, & cælestibus
Ornavit donis gloria,
Qui est Saluator Seculi,
Ac vitam propter hominem
Mortis paratus tradere,
Obscuro datur carceri.*

*O dolorosa vincula,
Quæ Dei Patris Filium
Tenetis velut pessimum,
Ut mortem detis corpori.
Dimittite hunc, & soluite
A Iudæorum vinculis,
Qui delictorum vincula
Solvit amore, morteq;.*

*Suffeceris iam tradere
Cum Iudas ille voluit
Denarijsq; vendere
Pro tali breui numero.*

*Solve tu Iesu animas
A criminum contagijs,
Quæ pietate corporis
Tuis sacri deficiunt.*

*Ob peccatores talia
Tulisti in te Domine,
Ut tuam lucrifaciant
Et mereantur gratiam.*

*Ignosce nobis Domine,
Qui peccatorum pondere
Grauamur hic, quotidie
Ut detur tibi gloria. Amen.*

Descenditur

Descenditur autem ad Carcerem tribus gradibus : estque sub Georgianorum curâ; qui vnicâ tantum lampade locum illuminant : cæterum omni penitus ornatu caret. Hymno finito, concinunt Minoritæ sequentia.

Antiph. Ego eduxi te de captiuitate Aegypti, demerso Pharaone in mari rubro, & tu me tradidisti carceri obscuro.

Versf. Dirupisti Domine vincula mea.

Resp. Tibi sacrificabo hostiam laudis.

A Guardiano dein sequens recitatur Oratio.

Domine Iesu Christe, Angelorum decor, gaudium & libertas animarum, qui pro redemptione mundi capi, ligari, carcerari, alapis cedi, flagellari, & conspuisti voluisti : Fac nos, quæsumus, indignos famulos tuos, penas & contumelias pro tui nominis gloriâ latenter suscipere : ut ad tuæ pietatis consortiū mereamur feliciter peruenire. Qui vivis &c.

Hinc egressis iuxta ipsum Carceris ostium, à sinistro latere tabula marmorea occurrit, quatuor suffulta columellis, sub quâ saxum eiusdem amplitudinis solo affixum hæret, duo rotunda continens foramina, sesquipedis interuallum distantia, & profunda. Orientis Christicolæ locum hunc venerantur, pedes foraminibus inserunt, tabulam superiorem deosculantur, & capitis vertice tangunt: Occidentales contra nullum honorem exhibent, sed tacitè prætereunt. Affirmant illi Christum Dominum in foraminibus illis pedibus constrictum tanquam compede vinctum fuisse.

Post passus aliquot ad læuam rursum flectitur Orientem versus, à sinistro Chori latere: præteritoque Sacello, in quo verum Crucis titulum (qui nunc Romam delatus in Ecclesiâ Sanctæ Crucis visitur) olim asseruatum ferunt, ad aliud Sacellum acceditur, priori proximum, quod Armeniorum curæ custodiæque commissum, eodem ferunt positum loco, quo milites Christi Saluatoris iam Cruci adfixi diuiserunt sibi vestimenta, & super tunicam eius inconsutilem miserunt sortem. In progressu ad hunc locum sequens canitur Hymnus.

*Psal. 21.
Lam. 19.*

CANAMVS modo canticum

Ad Saluatoris gloriam,

Dicamusq; iniuriam

Quam passus est ab impijs.

A Patre qui est genitus,

A quo semperq; gignitur,

Sed idem in essentia

Patris atque Paraclyti.

Qui à cælorum sedibus

Descendit huc obediens,

In habituq; hominis

Proprietate moriens.

Qui cælos implet lumine,

Ornat quoque sideribus,

Et quem adorant Angeli,

Vestitu priuant milites.

Qui

Qui vitam dedit mortuis,
 Donatq; Sanctis gloriam,
 Amore motus feruido,
 Et Charitatis opere.
 Qui vinum fundit vineis,
 Fructusq; dat arboribus,
 Suis priuatur tunicis,
 Sicq; nudus relinquitur.
 Qui vestit volatilia,
 Diuersisq; coloribus
 Ac ornat agros & seis,
 Ipse priuatur vestibus.
 O gens iniquissima!
 Quis te ditauit crimine,

Vt sortem in his poneret
 Vestes, atque diuideres?
 Hic super sacrat sumus
 Vestes miserunt milites,
 Danesq; sortes omnibus
 Vt unusquisque raperet.
 Hic locus est sanctissimus,
 Vbi David oraculum
 Completum est in sortibus,
 De Christi sacris vestibus.
 Precamur ergo cernui
 Te creatorem saculi,
 Iam sic priuatus vestibus
 Nos indue virtutibus. Amen.

Vbi iuxta Sacelli Aram ventum est, sistitur: canuntque Minoritæ le-
 quentia.

Antiph. Milites postquam crucifixerunt Iesum, acceperunt vestimenta sua,
 dantes unicuique militi partem.

Vers. Diuiserunt sibi vestimenta mea.

Resp. Et super vestem meam miserunt sortem.

Tum hanc ad Christum fundit Precem Guardianus.

Benigne Iesu Christe, qui pro nostra redemptione ab indignis peccatorum ma-
 nibus non solum in Cruce nudus suspendi, & mori voluisti; sed etiam tuas sa-
 cratissima vestimenta a partiri, & donari permisisti: concede ut spoliati vitijs,
 virtutibusq; adornati, tibi Deo viuo & vero in cælesti gloria presentari me-
 reamur. Quæ viuus &c.

Paulo vterius ad læuam per gradus triginta ad Diuæ Helenæ Sa-
 cellum descenditur: transiturque inde per gradus vndecim viæ rupi-
 incisos ad Caluariæ montis Cryptam subterraneam: in qua Christi
 latronumque Cruces, Clauī quoque & Corona spinea ab Helenâ Cō-
 stantini Magni matre, muliere laudatissimâ inuenta fuere. Cauerna
 hæc longitudine pedes circiter viginti tres, latitudine sexdecim con-
 tinens, formam refert quasi triangularem: in qua etiamnum cernitur
 rupis scissura, quæ tempore Passionis Christi contigit. Huic olim val-
 lis cadauerum nomen fuit: in quam damnatorum quondam cada-
 uera, patibula, ac reliquæ immundæ illuuijs proieciabantur; vbi etiam
 à perfidis Iudeis Christi Passionem ac memoriam abolere cupientibus,
 Christi & latronum cruces proiectas fuisse veterum memoriâ proditum
 est: quæ cum trecentos & sexdecim annos ibi latuissent, ab He-
 lenâ

Sulp. Seuer.
 lib. 2. Sac.
 Hist.

Jerem. c. 31
 Euseb. de vita
 Constan.
 Paulin. ad
 Seuer. epist. 2.
 Ruffin. in Hist
 Eccles.
 Ambros. in
 Orat. de obit.
 Theodos.

lenâ pijsimâ foeminâ sublatiſ sordibus effoſſæ , atque illinc erutæ ſunt. Locus vbi Crux Chriſti inuenta dicitur , Altari & accenſâ lampade aſſiduâ illuſtratur: & in eo quotidie ferè Sacrum à Minoritiſ peragitur. Iſ ſpecum ſubeuntibus aduerſus, primùm occurrit: cui à dextris hæret locus, in quo latronum cruceſ repertæ fuere, tribus ardentibus lychniſ continuò illuſtratus. Dum itur ad hunc locum, ſequentem canunt Hymnum Minoritæ:

Ad Crucis locum pergere

*Debemus, & hunc querere,
Velut fecerunt Martyres
Qui meruerunt gloriam.*

O Crux miranda gloria

*Scala! ad cæl' os eleuans;
Per quam adſcendit Dominus,
In eâ fuſo ſanguine.*

O Crux arbor digniſſima!

*Qua mediante anime
Adſcendunt ad celeſtia,
Et beatorum præmia.*

O Crux ſcala exceſſior

*Cunctiſ altis arboribuſ!
Adiuvā nos ab infimiſ
Ad cæloſ uſque ſcandere.*

Hæc illa eſt altiſſima

*Scala, quam ſanctiſſimus
Iacob vidit in ſomnio,
Per quam pergebant Angeli.*

O crux ſic admirabilis,

*Ornata Chriſti ſanguine!
Quæ cum Sanctoꝝ agmine
Mundum illuſtrâſ lumine.*

O Crux arbor dulciſſima!

*Quæ mortis dâſ myſterium
Chriſti, nobiſ & præcium
Donâſti, atque gauſium.*

O Crux aue ſpeſ unica!

*Inuenta hic ab Helenâ:
Per te hic nobiſ gratia
Detur, & ſuſum gloria Amen.*

Post Hymnum decantatum dicuntur ſequentia.

Antiph. *Orabat Iudaſ, dicens, Deus Deus meus, oſtende mihi lignum ſanctæ Crucis; cumq; adſcendiſſet de lacu, perrexit ad hunc locum, vbi iacebat ſanctæ Crux.*

Verſ. *Hoc ſignum Crucis erit in cælo.*

Reſp. *Cum Dominuſ ad iudicandū venerit.*

Guardianuſ denique Chriſtum Saluatorem inuocat, oratq; hiſ verbis.

Deuſ, qui hic in præclarâ Crucis ſalutiſeræ inuentione Paſſionis tuæ miracula ſuſcitâſti: concedere ut vitaliſ ligni prætio æternæ vitæ ſuffragia conſequamur. Qui vivit &c.

Hinc ad ſuperiora, quâ ventum eſt viâ, reſſeſſi, adeunt Sacellum Diuæ Helenæ dicatum, Arâ inſigni, ſolioq; marmoreiſ exornatum. Hoc ex ſolido marmore, eoq; albiſſimo, exſtructum, Chriſtiani Orientaleſ Helenæ ſedem fuiſſe autumant: idq; ex maiorum traditione accepiſſe memorant. Hic ruriſ ſubſtititur, atque in laudem Helenæ Hymno ſequenti decantato, reliquæ pro more à Minoriti� dicuntur Preceſ.

Nunc

*Nunc Helena suffragia
Queramus primū laudibus,
Vt cum beatis meritis
Acquiras nobis veniam.*

*Deuota Christi Helena
Crucem quasuit feruida:
Quam reperit cum Titulo,
Coronā, Clauis, Lanceā
Quam Crucem vt acquireret,
Tulit timorem omnibus
Sub pœna mortis ilico,
Amore ardens cœlico.*

*Inuentā Cruce Domini,
Canamus illi canticum,
Qui dedit talem gratiam,
Donatq; sursum prœmium.
O Helena sanctissima,
Qua Crucem tantę gratie
Amasti totis viribus,
Nos tuis iuuā precibus.
Exaudi sancta Trinitas
Preces Sanctorum omnium,
Vt per eorum merita
Dones & nobis gloriam. Amen.*

Antiph. Helena Constantini mater Hierosolymam petijt.

Vers. Orapro nobis Beata Helena.

Resp. Vs digni efficiamur promissionibus Christi.

Dein Guardianus Deum hac Prece alloquitur.

Deus, qui inter cetera potentie tue miracula etiam in sexu fragili virtutem rectę intentionis corroboras; pręstā quasumus, vt S. Helena Regina exemplo, cuius studio desideratum Regis nostri lignum sanctę Crucis detegere dignatus es, ea quę Christi sunt, iugiter indagare, & te fauente consequi mereamur. Per eundem Christum &c.

Est autem Helenę Sacellum quadratā formā, ceteris vtriusque Templi Sacellis & maius & altius, quatuor marmoreis suffultum & ornatum columnis, ac fornice tectum sphaerico. Columnę ob loci humiditatem, nam subterraneus est, guttas emittunt: Nonnulli id miraculo attribuunt; putantes eas lachrymas fundere, & quasi Passionem & Mortem Domini sui plangere. Quod quale sit, pius Lector iudicet. Constat nihil esse hominibus tam incredibile & absurdum, quod Deo volente fieri non possit. Inde ad superiorem rursus adscenditur Ecclesiam; ad cuius summitatem vbi ventum est, ad læuam est Sacellum Abassinorum, columnā in primis venerabile; in quā Christus a Pilati militibus chlamyde coccineā indutus, arundinem dextrā tenens, spineā coronā (quam ē Rhamnō, *Nausēgi* Arabibus dicto, plexam multi putant) coronatus, illus, consputus, & alapis cæsus est. Vnde Coronationis & Improperij Columna etiam num dicitur. Est autem duorum pedum altitudine, colore candido, nigris intercurrentibus maculis, ac mirē splendentibus, quę sub altari lampade semper accensā illustrata asseruatur. Dum ad hunc proceditur locum, Hymno sequenti Flagellationem Christi commemorant Minoritę.

Christiam improperia,
 Quae tulit, & ludibria
 Canamus, & purpuram
 Vestem, sputa, & alapas.
 Iam flagellato corpore
 Christi Iesu, effunditur
 Sanguis ab his crudelibus,
 Aue Rex q̃ clamantibus.
 Perfundunt vultum sanguine,
 Fixa Corona capiti,
 Quam ponunt illi milites,
 Spinarum, & arundine.


Heu qui semper gloria
 Honorisq̃ meruerat
 Coronam! cur sic vepribus
 Circundant, & aculeis?
 Fundamus vultum lachrymis,
 Pro pietate Domini,
 Vultum cuius sic impij
 Fuderunt sputis sordidis.
 O tu Iesu Sanctissime,
 Concede nobis pretij
 Partem Sacratī Sanguinis,
 Quem tunc fudisti capitis. Amen.

In Sacello sequentes concinuntur Versus.

Antiph. Ego dedi tibi sceptrum regale, & tu capiti meo imposuisti spin-
 ream coronam.
Vers. Posuisti Domine super caput eius.
Resp. Coronam de lapido pretioso.

Orationem demum subnectit Guardianus ad Christum Dominum,
 his verbis.

Domine Iesu Christe, qui humano geni condolens, Coronam spinarum in tuo
 Sacratissimo capite suscepisti, & sanguinem tuum pro salute omnium fudisti:
 respice ad indignas preces nostras: ut à te clementer exauditi, indulgentiam
 & remissionem omnium peccatorum nobis tribuas, per tuam magnam miseri-
 cordiam, & pietatem. Qui vivis &c.



*A Sacellum foueae Crucis.
 B Sacellum crucifixionis.
 C Scissura Montis Calvariae.
 D Sacellum D. Ioannis.*

*E Sepulchrum Godefridi Bullionēsis.
 F Sepulchrum Balduini.
 G Petra unctionis.
 H Ecclesiae introitus.*

Paulò vltteriùs, à dextro Chori latere ad octo circiter passus Occidentem versus procedentibus, Scala ad læuam se offert sacri Montis Calvariae, vnde viginti gradus continens, inferiores ligneos, superiores lapideos. Hos Christiani omnes discalceati, vel nudis pedibus ascendunt. Vbi ad summum peruentum est, primò occurrit locus, quo Agnus ille innocens & mundi Saluator Christus, qui peccatum non fecerat, peccatum (id est) hostia factus, pro peccatis nostris, nudus, quasi noxius in Cruce pependit, medius inter duos latrones, facie ad Occidentem versâ, & morti voluntariae pro Mundi salute æterno se obtulit Patri. Intransibus ad læuam est murus, instar altaris, altus pedes plus minus duos, coopertus tabulis marmoreis, colore albido, latus pedes septem, longus decem. In huius medio Fouea illa est toto terrarum Orbe sacratissima, atque æternâ memoriâ digna, in quam inserta fuit Christi Crux Salutis nostræ pignus eximium, formâ rotundâ, profunda sesquipedem, latitudine per diametrum vncias sex

continens, marginibus argenteâ laminâ obductis, quæ Græca hac inscriptione notata est.


Ὡς δὲ ὁ Θεὸς βασιλεὺς ἡμῶν πρὸ αἰῶν,

εἰργάτατο σωτηρίαν ἐν Μέσῳ τῆς γῆς.

Hic Deus Rex noster ante secula

operatus est salutem in medio terræ.

Psalms 75.



A Crucis fouea.

B Loca crucium latronum.

C Scissura montis Caluariæ,

D Certina serica oratorium montis, Caluariæ medium diuidens.

E Ara Sacelli crucifixionis Domini.

F Locum crucifixionis D. N. Iesu Christi.

G Adscensus ad Montem Caluariæ

H Columna medium oratorij occupans, totumq; fornicatum opus sustentans.

Sternitur præterea lamina patinâ argenteâ, in quâ celata est Passio Domini. Supra sacratissimum hunc locum, è fornice pendent lampades 32 die noctuque ardentes, Christianis oleum & ellychnium subministrantibus. Murus qui ab altari seu loco Foueæ ad fornicem usque assurgit, & orientale sacelli constituit latus, panno holoserico obtegitur, acu elaboratis in eo Christi crucifixi, Mariæ, & Ioannis Crucii adstantium imaginibus. Iuxta foueam vtriusque visuntur cretæ Cruces marmoreæ, eo (vt ferunt) positæ loco, quo olim Latronum Cru-

ces

ces extitere. Locus Crucis latronis dextri septentrionem spectat, distatque à Foucâ Dominicæ Crucis pedes quatuor, palmos duos. Sinistri Meridiem respicit, abestque ob scissuram rupis (quam tempore mortis Domini contigisse sacræ narrant Literæ) pedes paulò minus sex. Porro scissura illa, quæ etiamnum superest, & inter Foueam Dominicæ Crucis, & Crucem iniqui latronis conspicitur, lata palmos tres, multorum opinione ad Centrum vsque Terræ porrigitur; crediturque à nonnullis, impiorum à Christo separationem denotare. Dum ad hunc proceditur locum, dumque hîc sistitur, sequentem concinunt Hymnum Franciscani: quo finito, cæterisque solitis completis Canticis, ac recitatâ Oratione à Guardiano, qui adfuit Christicolæ profundunt vota & Preces, singultibus atque imis suspirijs locum implent; addunt lachrymas & oscula, quibus animi dolorem (quem ex Christi Passione concipiunt) ac tanti accepti beneficij memoriam testantur. Quæ autem Minoritæ altiori voce psallunt, & recitant, hæc sunt.

*Ad Montem nunc Caluaria
Pergamus cunctis laudibus,
Vt Christus suâ gratiâ
Ignoscat nobis omnibus.*

*Ad Montem sanctum ibimus
Deuotî totius viribus,
Iesumq; contemplabimur
In cruce fixum pendere.*

*Ad Montem hunc sanctissimum
Eamus, ubi sanguinis
Christus tunc sacrificium
In Cruce pendens obtulit.*

*Ad locum hunc peruenimus,
In quo Saluator sæculi
Se obtulit pro omnibus,
Et hic emisit spiritum.*

Antiph. Ecce locus ubi Saluator mundi pependit; ex cuius latere sanguis in redemptionem, & aqua ad nostrorum criminum ablutionem exiit. Venite adoremus.

Vers. Adoramus te Christe, & benedicimus tibi.

Resp. Quia per sanctam Crucem tuam hic redemisti mundum.

Oratio Deus Pater æternæ pietatis, & infinitæ charitatis, qui furorem iræ tuæ, quem nos pro peccatis nostris merebamur, hoc in loco super Filium tuum unigenitum, totius humani generis redemptorem ostendisti, cum ipsum in Cruce suspendi permisisti, Aceto & Felle potari, Clavis & Lanceâ

Ecce locus sanctissimus,

Sacratu Christi sanguine,

Qui hic salutem anima

Inuenit Crucis opere.

Confixa clavis viscera,

Tendens manus vectigia,

Redemptionis gratiâ

Oblata est hic hostia.

O sacer Sanguis, victima

Salutis nostræ anima,

In hoc fusus Caluario

Ex Christi Iesu corpore.

Gloria tibi Domine,

Pro nostro passo scelere,

Infunde nobis gratiam,

Quam acquisuisti sanguine. Amē.

*Lanceâ vulnerari voluisti: concede nobis indignis seruis tuæ sanctissimæ Mariæ
iustitiae eiusdem Filij tuorum doloribus compatiens, ut fructum tantæ Passio-
nis & eius Mortis in æternæ felicitatis gloriâ perfrui mereamur. Per eun-
dem Christum Dominum &c.*

In altari Crucis Latinis Sacerdotibus sacra facere nequaquam per-
mittitur, Georgianis Græci ritus Monachis huius Sacelli possessori-
bus id prohibentibus: prophanari liquidem putant Græci sua altaria,
si Latini sacra in ijs mysteria celebrent. Liberum tamen est cuius quo-
libet tempore locum accedere, orare ibi, exosculari Foueam, hym-
nos & laudes psallere, cæteraque pietatis officia exercere.

Hinc Meridiem versus proceditur ad aliud Sacellum priori conti-
guum; ubi Saluator noster supinus, manibus & pedibus perforatis, ac
largissimè sanguine fuso Cruci clavis affixus est. Id 33 lychnis pensili-
bus continuò ardentibus illustratur, & sub Minoritarum curâ & cu-
stodiâ est: qui duo ibi altaria, vnum ad Orientem, alterum ad Septen-
trionem honorificè ornata erexere; in quibus diuina Mysteria quoti-
die ferè celebrant. Pauimenti medium quadratâ formâ varij coloris
lapillis ingeniosè tessellatum, bellis renidet emblematis, pannoque
lineo contextum, in summâ à Christianis veneratione habetur: nec
nisi nudis pedibus, vel flexis genibus calcare Christiano fas est, idque
ob reuerentiam pretiosissimi sanguinis Christi ibi copiosissimè sparsi.
In cuius rei memoriâ Christo laudes exhibent hoc hymno Minoritæ.

O amor desiderij

Nostræ salutis pretium!

Qui pedes manus percuti

Hic extendisti Crucig.

Decreti tunc chirographum

Christus extinguit cupiens,

Hic crucifigi manibus

Permisset, atque pedibus.

Nec tantis in doloribus

Oblitus erat Virginis,

Tensus in Cruce brachijs

Ipsam reliquit Virgini.

Et hunc illi Sanctissimæ

Matri donauit iuuenem,

Quem diligebat feruente

Ex charitate nimia.

O gutta Christi sanguinis,

Valoris tanti pretij,

Quæ infiniti meriti

Fuisti nostris cordibus!

Gloria tibi Domine

Pro effusione sanguinis,

Quem hic sudisti vulnere

Ut nos ditares meritis. Amen.

*Antiph. Ego quasi Agnus innocens ductus sum ad immolandum, postquam
carnem meam totam verberibus repleuerunt; ita ut numerare va-
lerent omnia ossa mea, & pupugissent caput meum spinis, & ve-
pribus, foderunt hic manus meas, & pedes meos ferreis clavis confi-
gentes Cruci.*

Vers.

Vers. Ipse vulneratus hinc propter iniquitates nostras.
Resp. Cuius linore sanati sumus.

Guardianus denique Christum Dominum precatur his verbis:

Domine Iesu Christe, Fili Dei viui, qui hunc sanctissimum locum pro salute humani generis pretioso sanguine tuo consecrasti: ad quem horâ tertiâ baiulans Crucem duci voluisti; ac demum horâ sextâ Cruci affixus pro peccatoribus exorasti, Matremq; dolorosam Virginem virginicomendasti: concede quaesumus, ut nos & omnes qui hinc tuo pretioso sanguine redempti sumus, & tua memoriam Passionis celebramus, eiusdem Passionis beneficium consequi valeamus. Qui viuís &c.

Vnicam hoc Sacellum fenestram habet supra Aream Templi respicientem, per quam lumen immittitur: spectaturque Sacellum (cuius supra meminimus) Mariæ & Ioannis sub Cruce statione notabile; vbi Saluatoris Christi è Cruce pendentis verbis Virgo virgini commendata, & Ioannes in Mariæ filiū adoptatus est. Porro Crucis & crucifixionis loca, etsi in duo diuisa facella intransitibus, primâ facie videantur; sub vno tamen fornice mussiuo opere ornato, ac maiori ex parte lampadum fumo offuscato, vnicum tantum constituunt quadratâ formâ Oratorium, latum circiter pedes 32. in medio columnâ marmoreâ arcuatam opus ad formam crucis sustinente. Cortina verò ferica Phrygio opere ex auro Christi crucifixi, eiusque Matris, nec non Ioannis discipuli iuxta Crucem stantium imaginibus intextis, à summo fornici ad imum vsque pauimenti dependet, ac intercolumnium vestit: quod à muro Orientem versus ad columnam vsque marmoreâ in medio Oratorij extenditur, atque in duo facella locum quodammodo diuidit. Pars quæ Septentrionem respicit, Georgianorum est; quæ verò Meridiem spectat, ad Franciscanos pertinet.

Ioan. 19

E Monte Caluariæ eâdem quâ adscenditur scalâ, & descenditur, iturque Occidentem versus ad locum seu lapidem vnctionis Christi appellatum: Priusquam tamen eò deueniatur, accedunt aliqui locum seu Sacellum sub Monte Caluariæ, atque ipsâ Crucis Foueâ positum, Diuo Ioanni Apostolo sacrum, in quo à dextro altaris latere scissura illa spectatur Montis Caluariæ, cuius supra meminimus, quæ à summitate fornici seu rupis ad sacelli vsque pauimentum detegitur: quâ verò parte magis patet, Christiani Cophti ardentem lampadem habent, in Adami primi nostri parentis memoriam; cuius caluariam ibidem humiliatam & inuentam multi putant. Quod & Cyprianus testatur: *Christi sanguine* (inquit) *adpersa creditur Adami caluaria, qui sub loco quo Crux Domini fixa est, humatus traditur ab antiquis.* Alij tamen in

In tractatu
de Resurrexio
ne, Christi

Y

Hebron

Tertul. lib. 2.
contra Marcio-
nem.
Basil. in Levit.
14. 5.
Ambros. serm.
71.
August. lib. 8.
de Civit. Dei
Hier. in Epi-
taph. Paula &
in Math. c. 27.
Chrys. in 1. 2.
homil. 84.

Hebron iuxta Speluncam duplicem vnâ cum Euâ vxore Adamum sepultum existimant; caput verò postea in Montem Caluaræ translatum, ibique conditum volunt.

Ad locum vñctionis gradum facientes, sequentem psallunt Hymnum Minoritæ:

Ad Iesum modò ungere

De vñctionis oleo

Pergamus omnes feruide,

Vi nos inungat gratiâ,

Qui pietate nimia

Nomen effusum oleum

Habet, atque dulcissimum,

Cordis ungamus lachrymis.

O tu excelsa pictas,

O Iesu ardens charitas;

Qui mortem morte destruis,

Et vitam donas mortuis!

De Cruce iam depositus,

In matris suæ brachijs.

Repositus, ut creditur,

In loco isto ungitur.

Contempla matrem lachrymis

Plenam, atque mœroribus,

Dolore mortis Filij,

Cuius amore moritur.

Hic q̃ Ioannes adfuit,

Qui matrem loco filij

Postquam ad Vñctionis Petram ventum est, genibus flexis petram circumdant, ac Hymno finito sequentia recitant.

Antiph. Vnguentum effusum nomen tuum, ideo adolescentula dilexerunt te.

Vers. Dilexisti iustitiam, & odisti iniquitatem.

Resp. Propterea unxit te Deus Deus tuus.

Dein à Guardiano oratur hoc modo:

Dulcissime Iesu Christe, qui in tuo sanctissimo corpore tuorum condescendens deuotioni fidelium, ut te verum Regem & sacerdotem ostenderes, inungi ab ijsdem tuis fidelibus voluisti: concede, ut corda nostra vñctione Spiritus sancti valeant ab omni infectione peccati continuo praeservari.
Qui vivis &c.

*Recepit virgo Virginem,
Pro pietate mortui.*

Veni Ioseph sanctissime,

Tu Nicodeme propera

Huc, cum mixturâ aloë

Ac myrrha Iesum ungere.

Nunc ergo super sidera

Preces pro nobis fundite

Ad Iesum Dei Filium,

Quem hic unxistis mortuum.

Quem hic in vundâ sindone

Ligastis, & cum linteis,

Tam ijsq̃ aromatibus.

Ipsam rogare precibus.

Beata vestra brachia,

Quæ meruerunt cingere

Corpus Iesu sanctissimum,

Et id unguentis ungere.

Gloria tibi Domine,

Decus tibi perpetue,


Honor tibi sanctissime,

Pro unguentorum nomine. Amē.

Petra hæc Vnctionis Christi vulgò appellata, pauimenti medio affixa hæret, cui Templi ostium à Meridie, Chorus Ecclesiæ Golgothanæ à Septentrione est: supra quam de ligno Crucis depositus Saluator noster, Iesus à Iosepho ab Arimathiâ, & Nicodemo occulto eius discipulo, alijsque eius deuotis & familiaribus balsamo, myrrhâ & aloë Iudaico more inunctus, & mundâ sindone inuolutus traditur. Est autem colore viridi, cancellis ferreris altitudine palmorum quatuor inclusa, ac tabulâ marmoreâ cooperta, longitudine pedes octo, latitudine duos, totidemque palmos continens; cuius oræ circumquaque tessellato opere ex lapillis rubris, nigrisque intermixtis plurimum relucet. E fornice supra Petram, octo die noctuque ardentes pendent lychni, oleum Christianis subministrantibus; adeo vt locus ob continuam lychnorum pensilium illustrationem magnam venerationem præ se ferat. Ferdinandus Medices Magnus Hetruriæ Dux præteritis annis voti ergo septum æneum, regium sanè opus, tres circiter pedes altum, longum octo, in quo artificiosè Vita, Passio, & Resurrectio Christi cælata sunt, Hierosolymam perferri curauit; quo Petra Vnctionis cingeretur: Verùm cum breuius esset, & lapidis mensuræ non responderet; nec adesset qui lapidem ad septum accommodaret, in Montis Caluariæ Sacello iuxta Crucifixionis locum à Franciscanis hætenus seruatür.

A lapide Vnctionis triginta circiter passus Occidentem versus ad Sanctissimum Christi Saluatoris Monumentum proceditur, relicto ad læuam subfusco colore lapide, tēpli pauimento affixo, formâ, rotundâ, lampade accēsâ de super pendente assidue illustrato: quem eo positum loco Christiani Orientales asserunt, quo virgo Maria à Filio suo vni-genito Ioanni discipulo è Cruce commendata est: Occidentales tamen id factum esse aiunt vbi nunc Sacellum Montis Caluariæ est, cuius supra meminimus. Cui opinioni & ego facile annuerim: nam & locus ille Cruci vicinior est, vt facilè verba Domini percipere vterque potuerit; cum vix ex altero loco ea audire potuissent: quippe qui sub monte est, & à loco Crucis ferè passus quinquaginta remotus. Adde quod iuxta Crucem Domini stetisse Matrem Iesu & Ioannem discipulum sacræ referant Literæ; vt inde etiam Latinorum opinio verisimilior habeatur.

Iohan. ca. 19.



A Cubi seu fornix sepulchri Domini.

B. Antrum sepulchri.

C. Antefacellum.

B. D. Interior pars & altare Antri Domini.

C. E. Interior pars antefacelli.

F. Ostium antefacelli.

G. Ostium antri Domini.

H. Lapis supra quem sedit Angelus Domini post resurrectionem Christi.

Vbi ad Dominicum Monumentum ventum est, ante ostium genibus flexis sacrum Christi thalamum foris omnes salutant: mox circum-eunt, à latere incipientes dextro: iterant tertio: dumque progre-diuntur, sequentem psallunt Hymnum Minoritæ:

*Ad locum tam sanctissimum
Sepulchri Christi corporis
Eamus totis mentibus,
Querentes Iesum laudibus.*

*Ad locum tam amabilem
Cunctis Christi fidelibus,
Pergamus iam cum iubilis,
Fervore moti spiritus.*

*Ecce Ioseph decurio,
Arimathea nomine,
Qui Christi corpus unxerat:
Cuius erat discipulus.*

*Et Nicodemus pariter,
Cum sanctis quoque alijs
Tulerunt hoc in proprium
Sepulchrum pleni lachrymis.
In hoc exciso lapide,
In quo nunquam quis fuerat;
Perunctum ponunt mortuum
Corpus Christi sanctissimum.
Tunc currunt duo pariter
Ad gloriosum tumultum;
Sed præcucurrit citius
Ioannes Petro iunior.*

Ioannes

Ioannes tamen ingredi
 Non vult pro reuerentiâ
 Pastoris iam Ecclesiæ,
 Intus tantum prospiciens.
 Tunc vidit linteamina,
 Quibus cum aromatibus
 Corpus Iesu ligauerant,
 Sacratumq; sudarium.
 Iesum tamen non viderat,
 Qui iam liber à mortuis
 Fuit, peracto tempore
 Dierum trium spatij.
 Iam anima sanctissima
 Ad inferos descenderat,
 Ut lumen daret mortuis,
 Ad cœlosq; perduceret.
 Contriuit portas arcas,
 Ligauitq; Luciferum
 In pœnis hīs perpetuis,
 Suā virtute propriā.
 Sic ergo tulit animas,
 Atque Sanctorum corpora,
 Quæ resurgentes pariter
 Conduxit ad cœlestia.
 Vnitur posthæc anima
 Sacrato Christi corpori,
 Cum in utroque fuerit
 Excelsa met Diuinitas.
 Resurgit tunc in gloriā,
 Passurus nunquam ampliùs,
 Sed vitā beatissimā
 Vsurus, & perpetuā.
 Resumpsit Iesus omnia,
 Quæ patiens amiserat,
 Et sanguinem, & alia
 Ad unionem corporis.
 Reuoluit tunc ab ostio
 Sepulchri huius laq; idem
 (Vi legitur) hic Angelus,
 Ad resurgentis gloriā.

Fit terra motus maximus,
 Quo perterrentur milites,
 Ruunt terrore homines
 In terram velut mortui.
 O diuina potentia,
 O summa sapientia,
 Qui post tormenta talia
 Resurgit tantā gloriā!
 Surgunt manē mulieres,
 Cum super terram tenebra
 Effent adhuc, sed anxie
 Cuius erant discipula.
 Pergunt in primā Sabbathi
 Aromatum huc copiam
 Portantes, his vt vngerent
 Corpus Iesu Sanctissimum.
 Tunc Iesum non inueniunt,
 Sed vident solos Angelos
 In albis hic sedentesq;
 Qui dicunt ipsum viuere.
 Ex his ergo miraculis,
 Ac tantis his prodigijs,
 Pergunt huc gentes omnium
 Regnorum, atque partium.
 Ad hunc currunt ex partibus
 Mundi totius homines,
 Ac etiam mulieres,
 Omnes amare anxij.
 Ex Orientis partibus,
 Ex Aquilonis montibus,
 Meridiei plagisq;
 Et ab Occasus omnibus.
 Festinant Parthi, Medi q;
 Sic Elamitæ properant,
 Atque Mesopotamij,
 Simul & Cappadocy.
 Ex Pontiq; Prouinciā,
 A regione Lybia,
 A Phrygiaq; populi
 Omnes amore properant.

*Gentes sic ex Pamphylia,
Et ex Aegypti partibus;
Atque totius Asia,
Ad locum hunc perueniunt.
Pergunt Romani aduena,
Omnes feruore calidi,
Ob Christi reuerentiam,
Ac Matris suae virginis.*

*Agamus ergo gratias
Simul cum his omnibus;
Ut suam ob victoriam
Donet nobis & veniam.
Gloria tibi Domine,
Pro tantis donis gratiae,
Quibus ditasti animas,
Quae tuam colunt gratiam. Amen.*

Hymno completo, Guardianus & Peregrini relictis ante ostiolum calceis, Sacellum (Anticapellam vulgò dictum) Sacro Monumento contiguum introeunt, ibidemque precibus Deo Saluatori porrectis, lapidem mox ante Monumenti ostiolum solo affixum, & Angeli post Christi Resurrectionem sessione notabilem, exosculantur: dein sacrum accedunt Sepulchri Dominici antrum; vbi contemplantes mysteria ibidem à Deo Salvatore peracta, orationibus aliquantulum vacant, Minoritis interim concinentibus sequentia:

*Antiph. Quem totus mundus capere nequiuerat, hic vno saxo clausus fuit;
atque Morte iam perempta Inferni claustra penetrauit.*

Vers. Surrexit Dominus de hoc Sepulchro. Alleluia.

Resp. Qui pro nobis pendit in ligno. Alleluia.

Guardianus dein Christum Saluatorem sequenti affatur Oratione:

Domine Iesu Christe, qui in horâ diei vespertinâ de Cruce depositus, in brachijs dulcissimae Matris tuae (ut piè creditur) reclinatus fuisti, horâq; ultimâ in hoc sacratissimo Monumento Corpus tuum examine contulisti; & die tertia mortalitate deposita gloriosus exinde resurrexisti, Angelos quidem eius Resurrectionis testes apparere iussisti: tribue quasumus, ut nos & omnes quos in orationem commendati suscepimus, qui de tua Passione & Morte memoriam facimus, Resurrectionis tuae gloriam consequamur. Qui vivis &c.

Oratione dictâ singuli summo cum silentio Preces aliquantis per continuant, lachrymis locum rigant, gemitibus atque osculis Saluatoris nostri thalamum, ac sanctissimum Sepulchrum (quod gloriosum fore praedixit Isaïas) meritò honorant & venerantur. Etenim vacuum sit Monumentum, sacrosancti tamen Corporis sanguinisque pretiosissimi contactu consecratum, omni sanè admiratione & veneratione dignum censi debet, iuxta illud, *vestigia pedum eius adorabunt*; vel eò magis, quòd inde Iudæis & Mahumetæis insultare possumus, inde gloriandi, inde exultandi rationem sumimus. Hinc mendaces mendacij conuincimus, hinc Fidei sacrae fundamenta iacimus, dicimusque

dicimusque liberè, aut sepultum nobis Salvatorem reddant, aut redi-
uium nobiscum adorent. Alterum eligendum, tertium non restat.
Quis autem tam vecors esse possit, qui hîc sanguinem Christi morien-
tis, pretium redimentis, cicatrices resurgentis seriò non cogitet, in sta-
terâ cordis non appendat; atque ob tantum hîc à Deo acceptum be-
neficium, grarum aliquod animi signum lachrymis saltem, gemitibus,
suspirijs, osculis non edat? Quis saxeus adeò, qui hîc Christi Passionē,
Mortem, Verbera, Supplicia, Conuicia, Sputa, Alapas, Vellicationem,
Vulnera, Flagella ad memoriam non reducat, & totis visceribus non
commisereatur; gloriosam denique Resurrectionem mente non con-
cipiat, & lætitiâ aliquam non ostendat, & exultet? sanè Christianus
dicendus non est, qui hæc negligat, quémve tantarum rerum memoria
non tangat.

Sacro demum Monumento egressis, ad læuam duodecim circiter
passus Septentrionem versus procedentibus, occurrit lapis marmoreus
rotundus, pavimento infixus, marmoreis circulis albidis cineraceique
coloris circumdatus, eodem positus loco, ubi Christum post Resurre-
ctionem Mariæ Magdalenæ à Sepulchro reuertenti in formâ hortula-
ni apparuisse, ac dixisse *Noli me tangere*, piè ab omnibus creditur. Inde
ad quinque passus Septentrionem versus, alius spectatur lapis marmo-
reus, priori persimilis, sed aliquanto minor; ubi Maria steterisse, ac
Rabboni Salvatore dixisse traditur. Dum verò eò itur, sistiturque, se-
quentia à Minoritis psalluntur:

De Magdalena feruida

Queramus nunc quid viderit.

O tu Christi discipula

Dic nobis, quid apparuit?

Sepulchrum cum sudario,

Et testibus angelicis

In albis f. dentibus,

Hac meis vidi oculis.

Meum quarebam Dominum;

Sed tota plena lachrymis,

Hinc inde currens rediens,

Et mori secum cupiens.

Euntibus discipulis;

Non ibam ego illico,

Ignis amoris anxia

Ardebam desiderio.

O vita nostra gloria,

O nostra amor anima!

Clamabam, ut insipiens,

Amore eius languida.

Ipsa post hæc apparuit

Sua diuinâ gratiâ,

Licet tunc non cognouerim,

In hortulani habitu.

Sed qui donauit mortuis

Vitam, & hos ab Inferis

Reduxerat ad gaudia,

Me consolari voluit.

Noli deuota plangere

Maria; si d. quiescere

Oportet ab his lachrymis,

Imple cor tuum gaudijs.

Ad ipsum cito adij,

O tu mi dulcis Rabboni

Dixi, & pedes protinus

Tunc osculari volui.

Sed

Sed ille, quia omnia

*Nondum sciebam optimè,
Ad Patrem non adscenderat,
Noli inquit me tangere.*

Gloria tibi Domine,

*Et nobis hinc ignoscere
Dignere; nam ex cordibus
Maria huic credimus. Amen.*

Antiph. Surgens Iesus manè primâ Sabathi, apparuit hinc Maria Magdalena, de qua eiecerat septem demonia.

Vers. Maria noli me tangere.

Resp. Nondum adscendi ad Patrem meum.

Tum hanc ad Christum fundit Precem Guardianus.

Benigne Domine Iesu Christe, Alpha & Omega, qui manè primâ Sabathi Magdalenam lachrymabiliter te quarentem primum inter peccatores in hoc loco apparere voluisti, & ei te affabilem iucundis confabulationibus & vultu desiderabili præuisti: concede nobis indignis famulis tuis, ut sacratissimam faciem tuam gratiarum plenam in cælesti gloriâ meritis tuæ Resurrectionis videre valeamus. Qui vivis.

Ex hoc loco recta ad Sacellum Apparitionis Beatissimæ Mariæ virginis redeunt omnes: ubi iuxta Aram Maximam in genua rursum procumbunt, & post salutatam Virginē, ac publicas decantatas Ecclesiæ Preces (quas Litanias Maiores vocant) Supplicationi finis imponitur. Hymnus verò & Preces ante Virginis Aram dici solitæ hæc sunt.

Regina Cæli Letare,

Letare super sidera:

Quem meruisti parere,

Vidisti ipsum vincere.

Surgens Christus ab Inferis

Primo tibi diluculo

Venit cum omni iubilo,

Vt daret tibi gaudium.

Quem crucifixum corpore

Dic vidisti tertiâ,

Surrexit iam in gloriâ

Et corporis & animæ.

Ex istis creo omnibus

Sit Trinitati gloria,

Ac tibi Matri Virgini,

Salus nobis in patria. Amen.

Vers. Gaude & letare Virgo Maria. Alleluia.

Resp. Quia surrexit Dominus verè. Alleluia.

Oratio. Deus qui per Resurrectionem unigeniti Filij tui Domini nostri Iesu Christi familiam tuam letificare dignatus es; præsta quesumus ut per venerabilem genitricem eius Virginem Mariam perpetua capiamus gaudia vitæ. Per eundem &c.

Ad altare quod à dextris est Aræ Maximæ, Cruci salutari olim dictum, solemnè Supplicatione, uti ad cætera, non itur. Quo argumento certissimè adducor, particulâ viuificæ Crucis quondâ hoc loco thecâ argenteâ asseruari solitam, ut referunt Minoritæ, non ampliùs hinc haberi. Auget opinionem meam F. Bonifacius, quondam Guardianus Montis Sion. Is enim in libello De perrenni cultu Terræ Sanctæ scribit, Soleimane Turcarum Imperatore in Fratres Franciscanos ante, annos

annos quinquaginta Hierosolymis tyrannicè sæuiente, omnibusque toto quadriennio teterrimo carceri mancipatis, Armenios interim particulam illam Crucis furatos esse, & ad Sebasten Armeniæ maioris urbem transportasse. Etsi vero eodem in libello addat eandem postea maximis impensis redemptam, pristino loco restitutam fuisse; ablatam tamen postea, atque aliò asportatam potius quàm hîc asseruari putauerim. Quis enim affirmare audeat pristino loco redditam, cùm ei nullus exhibeat honorem, aut eam vîlo cultu prosequatur? vbi tamen cætera sacratiora Templi loca & Altaria, quæ vel sanguine vel Passione Christi illustrata, vel aliquo mysterio notata sunt, ab omnibus, hoc solo excepto, venerari, & solemni Supplicatione adiri conspiciat.

Eodem in Sacello è regione Aræ Crucis ostenditur locus subfusco lapide notatus, in quo ex veterum traditione tres cruces simul inuentæ, cùm quæ Domini esset, quæ latronum, sciri non posset, mulieri longâ ægritudine defatigatæ, à Macario Hierosolymitano Episcopo admotæ fuerunt: sed cum duarum nullam virtutem agnosceret, tertia adhibita omnem ægritudinem sustulit. Ex quo facîle colligi datur Cruces omnes vnius formæ fuisse, & similia habuisse foramina: Clavis enim latrones affixos fuisse Cruci, non funibus alligatos, vti passim pictores depingunt, ex eo liquere putauerim, quod idem olim crucifigendi mos fuerit: nam & singuli suam ferebant crucem, omnesque flagris antea cædebantur, & postea crucifigebantur. Vti videre est apud Marcum Tullium in Verrem act. 7. ac Nonium Marcellum in verbo Patibulum; *Deligati* (inquit) *ad patibulum circumferuntur, deinde crucifiguntur.*

Ruffin. lib. 10.
c. 2.
Niceph. lib. 3.
c. 29.
Theodos. c. 11.
l. c. 18.

Ioseph. 1. Bel.
fact. 12.
Macrob. 1.
Saturn. 11.

Quantoperè autem sacrosancta hæc loca, Christi præsertim sanguine, & Passione, ac Resurrectione illustrata, homini pio & Christiano interiores animi sensus moueant, quâ mentis compunctione afficiant, quem denique mundanarum rerum contemptum, vitiorum detestationem, & odium pariant, atque ad diuinum amorem rapiant, vires mihi, fateor, non suppetunt, vt explicem. Hoc vnum affirmare possum, neminem esse tam ferum ac ferreum, neminem tot tantisque flagitijs ac sceleribus coopertum, qui non in ipso sacrosancti Deubri ingressu præsentis numinis cœlestis religione perfusus, molliri tuî sentiat pectus. Nec mirum: cùm etenim eo in loco se esse quis consideret, quo omnium Dominus, Deus & Homo, totius mundi Saluator, ac animarum redemptor, proprium effundere sanguinem, tot pati opprobria, tot affligi pœnis, à plantâ pedis ad verticem vsque capitis flagris cædi non dedignatus est; quinimo Crucis subire tormentum, ac mortem oppetere turpissimam spontè voluit; vt nos in suo


sanguine à peccato laueret, è faucibus Diaboli eriperet, Patri reconciliaret, vitamque æternam omnibus promereretur: qui fieri possit adeò ingratum aliquem esse, ac saxeum cor habere; ut (præsertim cum se harum omnium poenarum causam esse meditetur) dolore non diffluat, & expauescat totus? Quis (inquam) dum hîc Deum pro homine, Creatorem pro creaturâ, Dominum pro seruo, innocentem pro noxio, ac iustum pro iniusto tanta passum esse, animo reuoluit, mentisque oculis cernit, non totus madeat lachrymis? Quis à planctu, à suspirijs abstineat; quis commisereri saltem ac compati Passioni Christi libens nolit? Diuina sanè vis humanos animos ad hoc ipsum videtur impellere: ipsæ etiam ad ipsæ Christi sanguine Columnæ marmoreæ, Crucis fouea, locus Crucifixionis, Vnctionis petra, ac ipsum denique Sanctissimum Sepulchrum, quasi recentia Crucis & Passionis Domini vestigia, oecultâ quâdam vi compellunt & exigunt, ut quisquis accedat, etiamsi ferreus & adamantinus sit, irrigetur lachrymis, atque imo pectore profunda trahat suspiria; adeoque se totum Christo deuouens, abneget semetipsum, & abiectis vitijs & mundi fordibus, nudus sequi Christum malit, proque eius nomine grauissima pati, quàm mundanis delitijs disfluere. Caterùm quod ad Sacrosancti huiusce Templi celebritatem, dignitatem, ac deuotionem attinet, tantam esse affirmauerim, quantam qui oculis non subiecerint, haudquaquam concipere animis possint. Adeò enim sacratissima hæc Basilica, qua nullus sanè augustior locus, nullum in orbe sanum sanctius est, non fidem solum, sed famam quoque ipsam, quæ cuncta in maius celebrare solet, incredibili maiestate & fastigio vincit. Ut autem paucis concludam, libet hîc Iacob Patriarchæ dictum adiungere: *Verè terribilis est locus iste: non est hic aliud, nisi domus Dei & porta celi.*

Licet autem ex formæ diuersitate non vnum esse appareat Templum, sed duo; reuerâ tamen vnicam machinam, & pulcherrimi operis ædificium constituit: haud tamen vno eodemque tempore constructum fabrica ipsa satis indicat, clareque demonstrat alterum altero esse vetustius. Sacrum namque Dominici Monumenti sanum ordinem refert Ionicum, & formam sphæricam; Golgothæ verò Delubrum ordinis est Rustici, ac formæ oblongæ: vnde verisimiliter coniecturare datur hoc à Christianis Regibus, qui diu pòst ab infidelium manibus Sanctam Ciuitatem vendicârunt, & rerum in Palæstinâ positi sunt, exstructum, & in eam formam qua nunc visitur, redactum; ac priori (quod ab Helenâ sanctâ Constantini Magni matre multis ante seculis instauratum, & à Nicephoro Patriarchâ postea restitutum constat) adiectum, atque ex duobus vnum effectum esse.

A porti-

Gen. ca. 28:

Tyr. lib. 8. c. 3.
fact. c. 3.



- A Porticus inferior.
 B Porticus superior.
 C Figura seu pictura operis musaici.
 D Foramen testudinis lucem immit-
 tens.
 E Planta Sacelli S. sepulchri domi-
 nici.
 F Ara marmorea quam Græcorum

- Patriarcha, suis ignem sacrum datu-
 rus, quotannis in vigilia Paschatis
 ascendere est solitus.
 G Locus ubi apparuit Christus Maria
 Magdalena post resurrectionem in
 formâ hortulani.
 H Locus ubi stabat Maria Christum
 alloquens.


Vtriusque autem formam descripturi, primo loco Sacri Monumēti
 Dominici Templum ponemus. Id rotundo schemate (vt diximus)
 constructum, duplici ornatum est peristyllo, altero super alterum sta-
 tuto, utroque columnis & pilis suffulto: inferius duodecim columnas
 teretes, pilas octo quadrangulas continet, eo ordine dispositas, vt
 modo binæ columnæ, totidemque pilæ, modo ternæ columnæ, &
 binæ tantum pilæ concurrant. Interior Templi circulus amplitudine
 per diametrum continet passus circiter septuaginta duos: ex quo fa-
 cile colligere est totius Templi magnitudinem, si diametri lineam
 ducas in circulum. Inferior muri pars à pavimento ad columnarum
 vsque epistylia, marmoreis quondam incrustata & vestita tabulis, à
 Mahumetæis postmodum ad Templi Salomonis (quod nunc visitur)

u. Bel. sac. 4.

ornatum ablatiſ, hodie marmoreo illo ornamento omnino caret. Superior verò pars ab epiſtilyſ ad teſtum uſque muſſiuo ſeu teſſellato opere cum emblematis quondam decorata fuit; cuius etiamnum reliquię plurimę ſuperſunt: inter quas Conſtantine Magni, & Helenę matris figurę qualiſ integrę conſpiciuntur. Hinc veriſimiliter colligi poſſe putauerim, non eſſe quod nunc viſitur templum antiquum illud ab Helenâ vel Conſtantino Magno conſtructum; ſed longè recentius: quod & Tyrius teſtatur: *Eccleſium* (inquiens) *Dominicę Reſurrectionis* (quę per Maximum Epiſcopum, precipiente Conſtantino Auguſto adificata fuerat, ac poſtea per Reuerendiſſimum Modeſtum tempore Heraclij Auguſti reparata) *Heguen* Egypti Calipha funditus deſci mandauit. Et paulò poſt: *Heguen* rebus humanis exempto, *Daber* eius Filius, ad petitionem Romani Imperatoris cognomento *Helio politani* Eccleſiam prædictam reedificandi fidelibus conceſſit poteſtatem; iique *Nicephoro* Patriarcha, Conſtantinopolitani Imperatoris ſumptibus, eam quę nunc Hieroſolymis eſt, ſanctę Reſurrectionis adificauit Eccleſiam, anno ab Incarnatione Domini 1048 ante orbis liberationem quinquageſimo primo, triceſimo uero ſeptimo poſtquam diruta fuerat. Hęc ille. Teſtudo templi ex lignis Cedrinis ſimul conuexis conſtat; formamque hemiſphericam concauam refert, plumbeo cooperta teſto: in cuius umbilico foramen eſt retundum & ingens, inſtar illius quod Romę in vetuſtiſſimo Pantheon templo viſitur, tam ſpacioſum verò, quàm eſt ipſum Dominici Antri Sacellũ. Id dię & Solis radios immittit, locumque illuſtrat abundè. Sub eo foramine, & hiatu patulo, ac quaſi ſub dio, medio Templi pauimento adhæret ſacellum, ſacri Dominici Monumenti rupem continens, formâ oblongâ pentagonâ, cuius exterior pars marmoreis veſtita tabulis, cymatio, coronicibus, Zophoris, epiſtilyſ, decemque eſt ornata columnis hexagonis. Totum autem ædificium in duas eſt diuiſum cellulas: prior quę Orientem ſpectat, vulgo Anticapella dicitur; quę Occidentem reſpicit, Sacrum continet Monumentum, & propriè Antrum ſeu Sepulchrum Domini appellatur. Vtrumque ſubdiali teſtum pauimento, quod à ſolo maioris Eccleſiæ eminet & aſſurgit pedes circiter quatuordecim: cui ornamenti gratiâ impoſitum eſt teſtudineum opus, teſto plumbeo, duodenis ſuſtentatum columellis porphyreticis, ſymmetrię Corinthiæ. In ipſo verò pauimento ſubdiali (ne aqua decidens & conſiſtens Sepulchrum Domini vitiet) canaliculę inciſę ſunt, per quas aqua ad inferiora deſluit. Interiora latera Antri concava candido pariter marmore abducta, viuę rupis excavationem obtegunt. Fornix autem lampadum fumo (quę numero quinquaginta interdũ noctuque Chriſtianorum ſumptibus accenduntur) adeò obſcuratus eſt, ut an ipſe rupes ſit, an calx, vel obdu-

ctum

Altum marmor, discerni nequeat. Concauum ipsum longitudine pedes octo, latitudine septem, totidemque altitudine complectitur: maiorem partem altare marmoreum occupat: id verò locum quo Christi corpus iacuit sepultum, capite ad Occidentem verso, occlusum continet, atque ingredientibus à dextris est, ad septentrionale Sacelli latus, latum pedes quatuor, altum tres, longitudine Antrum æquans: cui super imposita est picta vetusti operis tabula, Resurrectionem Domini referens. Locus ante altare vacuus tres in latitudine pedes continet, ac tam spatiosus est, ut homines quatuor ordine stantes commodè capiat. Supra sacrum Monumentum Minoritæ quotidie diuina mysteria celebrant; quod & alijs sacerdotibus Catholicis permissum est, cæteris non item. Christiani siquidem Orientales precandi tantum causâ locum frequentant: singuli tamen altare ipsum seu sacrum Christi sepulchrum thure quotidie adolent, & certas lampades alunt. Antri ostiolum Orientem respicit, cuius postes & limina è leucophæo sunt marmore, altitudine pedum trium, latitudinis palmarum septem; ut nisi curuato in ventrem capite ingredi nequeas. Antiquis quoque tam humile fuisse ex eo colligi datur, quòd Petrum & Ioannem, illasque pijsimas fœminas, ut possent introspicere, procubuisse & inclinasse se sacra Scriptura testatur. Ex quo item facile colligitur forma ipsius Sepulchri: non enim instar quadratæ est tumbæ desuper excavatæ, & patulæ, uti multorum opinio est, & passim depingitur; sed in ipsius Antri septentrionali latere excisum, & quâ Meridiem spectat, & Christi corpus illatum est, apertum, ut per antri ostiolum introspicientes facile locum quo Christi corpus iacuerat, eiusque Sudarium, & Linteamina videre potuerint: quod aliàs si tumbæ speciem retulisset, nequaquam licuisset. Formam Sepulchri hic addere placuit, ut quæ de eo dicuntur, clariùs elucescant.



A Ostium antri Dominici.

B Sepulchrum Domini.

Ante ostiolum sacratissimi Antri, pauimento Antifacelli affixum iacet lapis ille, cui Angelus insidebat (vt sacra Scriptura loquitur) amictu candido, qui mulieribus, intellecto quod Iesum quærerent Crucifixum, eum reuixisse, & in Galilæam processisse nuncians, ostendit sudarium, & locum vbi posuerant eum. Is sesquipedem per quadrum continet, & lapidem (scripturâ teste magnum valde) ostio Monumenti aduolutum fulciebat. Hic etiam nû superest in Domo Caiphæ, quæ hodie in Templum versa, titulo Sancti Saluatoris claret; vbi Aræ maximæ impositus omnibus Christicolis venerabilis est: asservaturque ab Armenijs eius Templi custodibus, & longitudine pedes sex, latitudine tres, crassitie palmos quatuor continet. Antifacellum foris formam refert quadratam, intus tamen quâ Antro Dominici sepulchri pariete medio iungitur, in rotunditatem desinit. Pauimentum marmore stratum, ac latera pariter marmore incrustata sunt: duas verò vtrimque continet fenestellas, quibus illustratur. Ostium ad Orientem patet, estque nonnihil altius ampliusque ostiolo antri Sepulchri. In hoc facello lampades duodecim ardentes ex fornice pendet. In foribus eiusdem vna. Exteriùs per circuitum sacri Monumenti sex lucent perpetuò. Dextrum Antifacelli exterius latus, quâ Septentrionem spectat, decidentibus marmoreis tabulis, quibus paries tegitur, ruinam minatur: nec tamen Minoritæ audent reficere; prohibentibus id Sanctonis Turcarum, qui nec reliqua Tempia, quæ Hierosolymis vetustate collabuntur, instaurari permittunt; lege id vetitum esse afferentes. Largitionibus tamen, quæ plurimi apud barbaros fiunt, facile à Sanctiaco impetrari id posse putauerim. Nam cum vel labentem murum

rum restaurare, vel furnum construere Minoritæ, aut refarcire aliquid intra septa Monasterij volunt, veniam à Saniacco vt postulent, ac plurimâ largitione gratiam redimant, necesse est: quod si omitterent, aut negligerent, grauissimâ pœnâ multarentur. Narrârunt mihi se paulò antequàm eo venissem, pro facultate erigendi furnum centum Cechinos Venetos Saniacco numerasse: Ex quo quantum pro restauratione Dominici Sepulchri Saniacco numerandum foret, quiuvis facîle intelliget. Antifacelli frontispicio pauimentum adhæret eiufdem cum frontispicio latitudinis, eleuatum à reliquo solo maioris Ecclesiæ palmos duos, marmore stratum candido, sedes vtrunque habens lapideas, marmoreis tabulis inductas. Iuxta pauimentum illud Orientem versus, atque è regione Chori Ecclesiæ Golgothanæ, altare extat marmoreum, quod Græcorum Patriarcha, aut aliquis Episcoporum Orientalium quotannis in ipsâ vigiliâ Resurrectionis Domini adscendere, populo benedicere, atque ignem (falsò cœlestem creditum) schismaticis Orientalibus in ipso Templo dispensare consueuerunt. Non enim, vt olim, cùm Catholici in Palæstinâ Ecclesiam moderarentur: cœlestis flamma (Nur Arabibus dicta) cœlitus amplius descendit; licet Orientales Episcopi ac Græcorum Patriarcha id populo persuadeant; sed è filice ignem excutiunt, ac pro vero Nur populo porrectum, cœlestem esse mentiuntur. Vt autem dolum hunc occultent, ac facilius nimium credulis imponant, die Veneris sancto ab infidelibus claudi sepulchri ostium, & Saniacci sigillo obsignari curant. Mox cum Saniacco, Cadio, Emino, cæterisque Turcarum primoribus pretio componunt, quis eorum prior ingredi, & ignem filice excussum credulo populo pro cœlesti distribuere debeat. Non sic olim: sed ieiunijs, precibus, & lachrymis cœlestis ignis à Deo impetrabatur, populoque in lætitiæ signum & Fidei testimonium tradebatur. Quomodo autem id fieri soleret, Frater Bonifacius in libello De perenni cultu Terræ sanctæ his verbis describit: *Congregabantur (inquit) ad Ecclesiam Resurrectionis Patriarcha, Rex, Clerus, & Populus, à summo manè ad horam vsque sextam, in qua dignabatur Dominus flammam ad locum sanctum mittere, & post longam Orationem mittebatur vnus ex Prælati Montis Sion, vel Montis Oliueti, aut Bethleem, aut Hebron, aut Sancti Habacuc, aut Sancti Saluatoris, & Ioannis ad ripam Iordanis, aut Nazareth, aut Montis Thabor, aut Montis Carmeli, aut sancti Ioannis Baptistæ in Sebasten, aut aliorum locorum: qui enim sanctior inter eos reputabatur, vt esset primus ad lumen accipiendum, mittebatur; & si nondum accensas lampades inuenisset, reuertebatur ad Patriarcham, Regem, Clerum, & Populum, alta clamans voce, Nondum in lumine visitauit nos Dominus Deus è cœlo. Tum augebantur preces, ploratus, & ululatus multus, vt Dominus*

cos,

eos, uti consueverat, visitaret. *Auctâ* verò *Oratione* cum lachrymis, *miserebatur* alius: & sic continuabant usque quo Dominus è cœlo eis miseret ignem, siue donum flammæ: quâ per quemcunque inuenta esset, accendebatur lumen in latitiâ spiritus: & primò Patriarcha, Diacono, & subdiacono: ipsi verò primò Regi; deinde omnibus qui in Choro adstabant, istud sanctum lumen iradebant: Minoris ordinis ministri Populo idem porgebant cum gaudio. Hæc ille. Refert etiam idem Fr. Bonifacius in eodem libello, se quandoque hac de re cum Græcorum Patriarchâ, nec non Armeniorum Episcopo sermonem miscuisse, illisq; exprobrasse summam hanc perfidiam, atque impietatem; dixisse etiam offendere id plurimum Catholicos omnes, Iudæos quoque ac Mahumeteos: eosque cum id negare minimè auderent, excusasse se, ac necessitate coactos id facere asseruisse, ut consuetas eleëmofynas obtineant: quibus si carendum foret ecclesiasticis viris in urbe continuò commorantibus, defuturum ijs quo miseram vitam sustentare possint. Hæc enim de causâ Orientis Christicolæ sanctam Urbem potissimum petere; quæ si deficiat, domi omnes manfuros: atque ita suos solitis eleëmofynis defraudandos: Latinis à Regibus; cæterisque Occidentis magnatibus quæque ad victû necessaria satis abundè suppeditari: Græcos cæterosque Orientis religiosos barbarorum iugo oppressos, solis populi eleëmofynis victitare; nullaque propria bona possidere. Atque ita miseri se tam enorme piaculum ac turpitudinem solius lucri causâ suâ ipsorum confessione, in publicum Christianæ Fidei dedecus committere non verentur: quæ idcirco uti fraudibus obnoxia, ab infidelibus (prohdolor) irrisioni & ludibrio habetur. Posteriori Antri Dominici Sepulchri parti Occidentem versus adiungitur formâ quadrangulari Cophthorum Sacellum rudi opere; in quo suo ritu statis diebus Orationibus vacant, psallunt, & sacra peragunt. E regione est Occidentem versus sub ipso Templi maioris peristyllo aliud Sacellum ligneum, eorundem vsui & sacris destinatum: iuxta quod cubicula aliquot habent, in quibus duo in ipsâ rupe visuntur specus; quos Iosephi ab Arimathiâ & filiorum eius quondam fuisse sepulchra nonnulli autumant. Inde ad dextram procedentibus Aquilonem versus Georgianorum occurrunt cubicula & Oratoria. Rursum ad læuam flectentibus Meridiem versus, sub ipsâ pariter templi porticu, contigua hæret Cophthorum sacello Syrorum & Iacobitarum Oratoria & Receptacula, in quibus & ipsi sua sacra celebrant. Succedunt his ab eodem latere Abassinorum Sacella seu Oratoria, ipsorum quoque sacris destinata. Paulò vterius ad Orientem pergentibus scala occurrit lapidea, muro Ecclesiæ admota, per quam ad superius epistylium adscenditur, in quo Armenij sua habent Sacella & cubicula, muro à reliqua peristylj


stylij parte (quæ neglecta omnino & sordida iacet) diuisa. Georgiani verò & Græci cum eiudem sint ritus, in Golgothanæ Ecclesiæ Choro sua mysteria celebrant, & præter cubicula, (de quibus diximus) & aliud iuxta Montem Caluariæ Sacellum, ac ipsum Montem (vri suprà etiam retulimus) hoc tempore medium possident: quem quidem expulsis Armenijs, post deuictum ipsorum Regem, à Persarum Rege impetrârunt: quapropter maximum & vetus inter vtramque gentem viget odium.

Omnes hæ Christiani nominis nationes suos habent in hoc Templo continuò morantes vel Monachos vel Presbyteros, qui suorum ibi eleëmofynis aluntur, ac viuunt, diuina sacrificia suis quisque ritibus, ceremonijs, & linguis, in distinctis suprà citatis Sacellis & locis peragunt, precibus incumbunt, vnoque ore omnes vnum Christum omnium Saluatorem venerantur, atque adorant; quotidie etiam sanctissimum Christi Sepulchrum, & Caluariæ Montis seu Crucis foueam tunc adolent; ac lampadum suarû singulatim curam habent. Illud autem mirandû in vno hoc Templo tot diuersorum hominû ex vniuerso Orbe confluentium audire dissonas voces, melodias, ceremonias, habitus moresque: qui licet in multis differant, varijsque inter se sectis sint diuisi; in hoc vno tamen concordant, quod Christum Deû laudant, credunt, confitentur. Nec minori admiratione dignum, omnes hæce nationes inter medios Christiani nominis hostes, ac Saluatoris Christi, eiusque Crucis sanctissimæ inimicos acerrimos, Iudæos dico & Mahumetæos, Christum ipsum magnificare, diuinam eius virtutem prædicare, quotidianum ipsi sacrificium publicè offerre, ac Deum verum confiteri (quibus omnibus ipsi vel maximè aduersantur) neminem tamen inueniri, qui contradicere, quive vetare, aut tollere, atque abolere ea vllò modo audeat. Et quod magis mireris, licet Turcæ Maurique Christum nequaquam mortuum, sed in cælos assumptum prædicent, ac certo certiùs credant, quippe quem immortalem fuisse affirmant: nihilominus tamen Sepulchrum eius, & mortis & mortalitatis indubitarum testimonium, in vrbe hac, quam omnes Mahumetæi religionis ergo frequentant, à tot iam seculis intactum reliquerûnt, atque etiamnum relinquunt. Neque enim hætenus quisquam fuit, qui illius euerfionem vnquam tentauerit. Quod diuini sanè numinis nutu fieri existimandum est: scilicet vt perpetuò locum habeat in signe illud Isaïæ vaticinium: *In die illâ radix Iesse, qui stat in signum populorum,* *ipsum gentes deprecabuntur; & erit Sepulchrum eius gloriosum.*

Isa. c. 11.

A a

1 Introitus.



- | | | | |
|---|--|----|--|
| 1 | Introitus Ecclesie. | 9 | Ara Crucis. |
| 2 | Petra unctionis Domini. | 10 | Habituacula Minoritarum. |
| 3 | Via quæitur ad S. Sepulchrum Domini. | 11 | Sacellum Angelorum. |
| 4 | S. Sepulchrum Domini. | 12 | Sacellum carceris Christi. |
| 5 | Locus quo apparuit Dominus Maria Magdalena. | 13 | Sacellum diuisionis Vestimentorū Christi. |
| 6 | Locus ubi stabat Maria Magdalena. | 14 | Descensus Sacelli D. Helena. |
| 7 | Sacellum apparitionis Maria, seu Chorus & Sacrarium Minoritarum. | 15 | Quatuor columna guttas emittentes. |
| 8 | Ara columna Flagellationis Domini. | 16 | Descensus ad locum inuentionis sanctissima Crucis. |
| | | 17 | Vbi Crux Christi inuenta fuit. |
| | | 18 | Vbi reliqua latronum cruces reperia fuerunt. |
| | | 19 | Sacellum |

- | | |
|---|---|
| 19 Sacellum D. Helena. | 30 Locus ubi stabant Maria & Ioannes, iuxta opinionem Orientalem. |
| 20 Cathedra marmorea D. Helena. | |
| 21 Sacellum columnæ improperij seu incoronationis Domini. | 31 Fovea chori Græcorum, vulgò Umbilicus mundi. |
| 22 Scala lignea quâ adscenditur ad Montem Caluarium. | 32 Chorus Ecclesiæ Golgothana. |
| 23 Ara montis Caluaria. | 33 Sepulchra Regū Hierosolymorū. |
| 24 Vbi Christus fuit Cruci cōclauatus. | 34 Turcis Ecclesiæ. |
| 25 Locus immolationis Isaac | 35 Sepulchrum Iosephi ab Arima- thiā, & filiorum. |
| 26 Locus ubi seruatur Ara Melchidech. | 36 Sacellum Iacobitarum. |
| 27 Fovea Crucis, | 37 Sacellum Cophthorum. |
| 28 Scissura montis Caluaria. | 38 Sacellum Abassinorum. |
| 29 Sepulchra Gotofredi & Balduini Regum Hierosolymorum. | 39 Sacellum Armeniorum. |
| | 40 Sacellum Georgianorum. |


Diximus de Sacri Dominici Monumenti Basilicā: reliquum est vt de Golgothæ Templo aliqua addamus. Id Orientem versus situm, priori contiguum, sub vno quasi eodemque tecto cum alterā comprehenditur, vnamque molem constituit. Est autem ordinis rustici, ex quadratis politisque lapidibus, magnifico sanè & pulcherrimo opere constructum, plurimis pilis, parastatisque suffultum, & exornatum. Formam verò refert non omnino tetragonam, nec sphæricam, sed oblongam potius, excedente paululum longitudine. Superior Templi pars fornicata testudinem in medio habet eminentiorem, arenato obductam: ad cuius apicem exteriorem lapideā cochleā adscenditur. Delubri medium Chorus occupat, vnde quaque muro atque ambulo circumdatus: in quo Orientem versus Sacella aliquot conspicias, de quibus suprā egimus. Hoc Græci obtinent, pictisque Apostolorū imaginibus illustrent, & in arā maximā rem diuinam statis diebus celebrant. In medio Chori occidentem versus fovea extrat bipedalis sphærica, in ipso pavimento marmoreo excisa, æneā machinā amplissimā de super pendente. Græci Umbilicum Mundi appellant, locumque esse aiunt, de quo Psalmista loquitur: *Deus autem Rex noster ante secula operatus est salutem in medio terra.* Sed falluntur: Nam, si nuda verba spectemus, Foveæ Crucis in Monte Caluariæ potius conueniunt. Ibi enim indubitanter humanam operatus est salutem Deus: cum è Cruce pendens Christus, & in holocaustum & sacrificium æterno se offerens Patri, totius Mundi redemptionem meruit obtinere. Eri verò inde multi eam opinionē hauserint, vt Hierosolymam in medio orbe terrarum esse cōstitutam putent; decipiuntur tamen, qui verborum coniecturā ducti id sentiunt: nam licet verba quidem id innuere

Psalm. 73.

videantur; aliter tamen se res habet, & fucum illis facit metaphora, quâ per medium terræ designatur Christus, qui interuentu Terræ, id est, humanitaris (cuius symbolum Terra representat) nos seruauit. Cæterum falsam esse illorum opinionem, ac toto cœlo errare, qui Hierosolimam in medio terræ sitam putant, quive asserunt Solis radios ad normam in Hierosolymitanam plagam nullo anni momento decidere, ex vmbri & experienciâ manifestè coniuncitur. Quinimo si ita id esset, necesse omnino foret eam ponere intra Zonam torridam, & Tropico saltem Cancrî subicere: at ab illo longius abesse Cosinographi omnes tradunt: quique eam adierunt, certissimis experimentis planè didicerunt dies ibi accrescere & decrescere, pro temporis ratione; cum æstiu dies ibidem quatuordecim horas habeant, Hyemales decē. Porro longitudinem Golgothanæ ædis, quæ ab Ortum in Occasum porrigitur cubitis centum, latitudinem verò à Septentrione in Meridiem sese extendentem, sexaginta sex metiuntur. Hæc eam Fani partem complectitur, quæ vtrumque Chori cingit latus, Carceris Christi Sacello cum adiunctâ porticu satis amplâ, & aliquot columnis suffultâ, ab Aquilone, Monte Caluariz, & loco amplissimo quadratæ formæ, Vnctionis Petram, & Regia aliquot Hierosolymitanorum Regum sepulchra continente, à Meridie adiacentibus.

C A P V T V.

Regiorum aliquot Sepulchrorum, Regum nempe Hierosolymitanorum posteriori aui in Golgothano delubro existentium descriptio; de quorundem Regum serie, gestis, atque obitu breuis enarratio.



A Sepulchrum Regis Gotifredi Bul- lionensis. B Sepulchrum Regis Balduini.

IVXTA Sacellum Diui Ioannis sub ipsâ rupe Golgothanâ, è regione petræ Vnctionis Domini, locus extat muro circumdatus, pedes circiter

circiter viginti per quadrum complectens, vnico ostiolo accessum præbente: in quo duo è marmore visuntur sepulchra, quaternis columnellis marmoreis imposita, formâ triangulari superius acuminatâ. Quod à dextris introeuntibus se offert, ad meridionale positum latus, Gotifredi primi Hierosolymorum Regis ossa continet, hoc epitaphio antiquo Longobardorum chæretere insignitum:

HIC IACET INCLITVS GODEFRIDVS DE BVLION
QVI TOTAM ISTAM TERRAM ACQVISIVIT CVL-
TVI CHRISTIANO CVIVS ANIMA REQVIESCAT IN
PACE. AMEN.

Alterum, quod à sinistris est ad septentrionale latus, Balduini eius nominis secundi, & tertij Hierosolymorum Regis corpus conditum habet, tali inscriptione:

REX BALDVINVS IVDAS ALTER MACHABEVS
SPES PATRIAE VIGOR ECCLESIAE VIRTVS VTRIVSQVE
QVEM FORMIDABANT CUI DONA TRIBVTA FEREBANT
CEDAR ET AEGYPTVS DAN AC HOMICIDA DAMASCVS
PROHDOLOR IN MODICO CLAVDITVR HOC TVMVLO.

Egredientibus à dextris quatuor alia sese offerunt Regia Sepulchra muro Chori adiuncta, semifracta partim & lacera, partim comminuta, epitaphijs vel vetustate, vel temporis iniuriâ consumptis, & corrosis, vel barbarorum operâ contritis. E quibus sequentem hanc epigrapham colligere duntaxat licuit.

SEPTIMYS IN TVMVLO PVER HIC REGVM. TVMVLATVS
EST BALDVINVS REGVM DE SANGVINE NATVS
QVEM TVLITE MVNDO SORS PRIMAE CONDITIONIS
VT PARADYSIACAE LOCA POSSIDEAT REGIONIS.

Ad maiorem autem Regiorum Epitaphiorum elucidationem pauca hæc de Regum Hierosolymorum serie, gestis, atque interitu in medium adferre placuit.

ANNO à nato Christo 1099 Gotifredus seu Goffredus Bononiæ Comes, ex Galliâ oriundus, Zelo fidei motus, paterno derelicto solo, ac Principatu, pluribus eum comitatibus Regni primoribus, Balduino

& Eustachio in primis fratribus, ac numeroſo comparato exercitu, poſt ſubactam Syriam cœlem, & Phœniciam, Palæſtinam inuaſit, Sanctam Hieroſolymorum urbem vi cepit, ac expugnauit, & è manibus infidelium ereptam Chriſtiano cultui reſtituit: mox Ioppen ſeu Iaſſam, Caipham, Tiberiadem vrbes, ac totam Galileæ regionem, item- que Samariam regno addidit. Sultani etiam Cairenſis exercitum triginta millium hominum fudit. Hic ille eſt, quem cùm Regni proceſſes, octauo poſt captam Hieroſolymâ die in Regem elegiſſent, adeoque coronâ auro gemmiſque diſtincta inſignire vellent, diadema oblatum protinus reſcuſauit: periniquum eſſe inſignis, ſe ibi coronam ferre auream, vbi Rex Cœli atque Orbis olim ſpinis grauem per ludibrium ſibi impreſſam tulerat. Quæ res magnam vti- que & perpetuam ei pèperit laudem, quod pietatem ac modèſtiam regio ſaſtui prætul- erit, atque operibus Regem ſe eſſe, non auro aut purpurâ oſtenderit. Anno à Chriſto nato 1100, duodecimo autem ſuæ adminiſtrationis menſe, aduerſâ valetudine correptus, in medio victoriarum curſu ab hac luce receſſit, & ad ſuperos euolauit. Vir ſanè perpetuo elogio di- gnus, belli & pacis artibus præſtans, viribus corporis, & animi magni- tudine adeò excellens, vt neminem parem ſuâ ætate habuiſſe narrent authores: in quo non luxuries, non crudelitas, non avaritia, non ſu- perbia vnquam cognita eſt: ſed qui tantâ continentîâ, manſuetudine, clementîâ, religione, iuſtitiâ, liberalitate emicuit, vt omnes non mo- dò eum admirarentur, ſed etiam obſeruant, colerent, & ſummo honore proſequerentur. Eius corpus regio funere elatum, in æde Se- pulchri Domini, vt ſuperiùs narratum eſt, tumulatur.

Goffredo vitâ functo, Balduinus eius frater, Comes Ediſſanus in Regno ſucceſſit, atque anno à Chriſti natiuitate 1101 primus in Ec- cleſiâ Bethleëmiticâ per manus Daberti Patriarchæ Hieroſolymorum coronam regni ſuſcepit. Is Regem Ægypti cum ſuo exercitu viginti duorum millium ſtrauit, & in fugam vertit. Cæſaream Palæſtinam, Antipatridam, Ptolomaidem, Tripolim, Biblium, Berytum, Sidonem vrbes, atque Arſur caſtellum expugnauit, ſuoque imperio adiecit. Pha- ramiam quoque Ægypti urbem Nilo adiacentē vi cepit, aliaque egre- gia multa geſſit. Ex Ægypto autem victor domum repetens, graui mor- bo correptus, in ipſo itinere intra paucos dies vltimum fato clauſit diem. Regnauit annis 18. Vir impiger planè, rebus gerendis aptiſſi- mus, ad arma promptus, & militaris diſciplinæ obſeruantiffimus, ſe- mel victus, aliàs inuictus ſemper. Sepultus eſt iuxta Caluarîæ montem. Sepulchrum iniuriâ temporis collapſum, quod ſit, ignoratur.

Balduino rebus ſæliciter geſtis vitâ defuncto, alter Balduinus, huius nominis ſecundus Balduini primi conſanguineus Comitatu Ediſſano
decem

decem & octo annis iterum & sanctior administrare, anno Domini 1118 tertius Hierosolymorum Regno inauguratur. Fuit is militaris artis peritissimus, in rebus agendis prouidus, in expeditionibus sælix, in operibus pius, clemens, & misericors, religiosus, & timens Deum, atque adeò in Orationibus iugis, vt callo genua obdurata haberet.

Gazim autè Turcarum principem Minoris Asiæ Dominum prælio superauit, ac Persas Antiochiam obsidentes binis præliis fudit, victor- que è Syriâ expulit, & Gerazam Decapoleos urbem deditione militum cepit. Hierosolymam rediens, vbi urbem Rages obsessam intellexit, suppetias ei laturus, eò cum exercitu perrexit: dum verò minùs cautè progreditur, insidijs circumventus à Parthorum rege Balach, quinto sui regni anno capitur. Interim Ægyptius Rex in Iudæam arma conuertens, ratus Christianos paucos, iam Rege carentes, faciliè opprimi posse à multis, magnas copias in Iudæam transmisit: quas ferro & igne cuncta vastantes Christianus exercitus duce Guaremundo Hierosolymorum Patriarchâ magnâ cum gloriâ fudit, & superauit. Dein Tyrum urbem maritimam obsedit, eamque post longam obsidionem, variosque certaminum casus, Venetorum auxilio ditioni Regis adiecit. Rex tandem decimo octauo captiuitatis suæ mense, multo ære redemptus, regno restituitur. Mox magnas hostium copias Antiochiam obsidentes profligauit. Regis Ægypti exercitum Acalonam vsque profectus in fugam vertit, & è regno abire coëgit. Damasci pariter regem triplici conflictu superauit, & innumeras ferè hostium copias deleuit; vt hæc omnia eius tumuli secundo loco notatum Epitaphium plenè testatur. Decimo tertio verò anno sui regni in aduersam incidens valetudinem, ex magno labore & intemperie cœli contractâ, accitis filiâ Melesindâ, & genero Fulcone, eidem, (cum prolem nullam virilem haberet) coram Patriarchâ & regni proceribus imperium adhuc viuens tradidit, & habitum religionis assumens, ac vitam regularem professus, paucis inde diebus fato cessit, & iuxta Caluariæ Montem sepulchro, cuius suprà neminimus, conditus est.

Anno igitur 1132 Fulco seu Folcus Andegauenſium Comes, Balduini secundi gener, regno potitur, & à Wilhelmo Hierosolymorum Patriarchâ in Ecclesiâ Dominici Sepulchri ex more coronatur. Princeps pluribus virtutibus ornatus, in egenos liberalis, rei gerendæ aptissimus, in bellicis sudoribus patiens multum, & prouidus: gliscente tamen paulatim discordiâ, & Principum similtate, infælici planè successu rem publicam administravit. Dum enim contra Comitem Ioppensem criminis læsæ Maiestatis reum bellum parat; & Ioppen oblidet, Neapolis à Damascenorum rege incendio deletur, Paneas quoque vi capitur: ea tamen paulò post à Rege rursus obsessa, ciuium deditione recepta

recepta est. Eo regnante Ioannes Imperator Constantinopolitanus contra Antiochenum Principem bellum parat, & Ciliciam occupat. Antiochiam obsidet: pace tamen demum inter partes compositâ, ad propria redit. Interim Rex, contra Sanguinum Turcarum Principem bellum gerens, infelicitè pugnavit, & castris exutus, cum paucis in Castrum Ferrandum serecepit; mox ab eodem obsessus, hosti certis conditionibus id tradere coactus est. Denique anno sui regni vndecimo in venatu ex equo præcipitatus, nulla re memorabili aduersus barbaros gestâ, paulò post moritur, & Balduino & Alamrico vel Almarico relictis filiis, regni successoribus, iuxta Caluariæ montem sepelitur. Sepulchrum tamen ex confractis quodnam sit, ignotum est.

Balduinus vii primogenitus, atque eius nominis tertius, in patris locum anno salutis humanæ 1142 quintus Hierosolymorum Rex subrogatur. Is adhuc impubes, & tredecim annorum adolescens, matris suæ, egregiæ foeminæ consilio multis annis optimè regnum administravit. Alcalonam post longam obsidionem ciuium deditione occupavit. Cæsaream Syriæ, aliasque arces & oppida vi cepit. Contra Noradinum Syriæ Principem infelicitè pugnavit: mox tamen reparato exercitu parem reddidit hosti cladem, atque illum intra vrbis Alapiæ mœnia se abdere coëgit. Eo regnante Edissa Mesopotamiæ vrbs, quam Balduinus primus occupauerat, à Sanguino Mussulæ Domino per vim capitur. Imperator autem Corradus & Aloysius Galliarum Rex Latinis opem laturi in Iudæam perueniunt: quorum auxilijs Damascus vrbs obsessa fuit; potiundæ tamen quorundam perfidiâ speramissâ, re infectâ, obsidio soluta est. Tandem Balduinus Rex anno ab incarnatione Domini 1162, Regni vigesimo, ætatis verò trigesimo tertio, post multas res præclarè gestas, veneno (vt creditur) sublatus, vitâ excessit. Cuius mortem non modo sui, sed multi barbari supra modum luxerunt; vsque adeò omnium gratiam erat promeritus: quem etsi iuxta præcessores suos tumulatum verisimile sit, nulla tamē hodie eius sepulchri extant vestigia.

Defuncto sine liberis Balduino anno 1162 Alamricus eius frater, viginti septem annorum iuuenis, Rex declaratur, & ab Almarico Hierosolymorum Patriarchâ regio diademate insignitur. Hic militaris artis peritissimus, Siraconem Damasci Dominum, bis Ægyptum inuadentem, in gratiam Regis Ægypti, post varios bellicalus non modo acie fudit, sed ex Ægypto profugere compulit. Cum Noradino apud Tripolim confligens, eius exercitum vsque ad extremam internecionem deleuit; dumque ille fugam tentat, gladio relicto altero pede nudus, iumento insidens, vix Christianorum euadit manus. Alexandriam à Siracono occupatam expugnauit, & Regi Ægyptio restituit.

restituit. Mox contra fœderis formam, quam cum Ægyptijs pepigerat, bello eis illato, Belbeys urbem expugnat. Cayrum regiam obsidet: sed ab Ægypti Rege promissis deceptus obsidionem soluit, & ad propria redit. Siraconus dein ab Ægyptijs vocatus Soldanum dolo interficit, & se regni procuratorem constituit: quo paulò pòst mortuo, Salahadinus eius ex fratre nepos, vir impiger, & in armis strenuus, in Sultani dignitate succedens, rege seu Caliphâ per dolum occiso, Ægypti regnum occupauit. Quo cum Rex vario Marte pugnavit, ac plurima prælia gessit. Denique anno salutis humanæ 1173, Regni verò vndecimo, dysenteria obiit, & iuxta Caluariæ montem sepultus. Monumentum nescitur.

Alamrico Balduinus ex Agnete Comitissâ Edissanâ filius, eius nominis quartus, anno ætatis suæ decimo tertio, à partu verò Virgineo 1175 in regno successit. Hic, cum ob corporis imbecillitatem, & varias infirmitates, ac præsertim lepram, matrimonio copulari nollet, posteritati consulens, sororem Sibyllam Gulielmo Marchioni Montisferati nuptui tradidit, ex quo filius Balduinus quintus natus est. Mortuo Gulielmo Marchione, eam denuo Guidoni Lusignano lassensi Comiti dedit; eumque regni Procuratorem constituit, eâ conditione, ut se mortuo, nepotis sui tutelam gereret, ac regnum eius nomine administraret. Verum ille non multò pòst ob suâ in regem demerita, ablatâ ei regni curâ, & administrationis honore, ab omni gratiâ regis decidit. Conuocatis dein regni proceribus, Rex nepotem Balduinum, vix antiorum quinque, Regem proclamauit, eumque vnâ cum regni administratione Tripolitano Comiti cominist. Interim variâ fortunâ aduersus Salahadinum Ægypti Regem bellum gessit, semel ipsius fratrem, bis ipsummet Regem signis collatis superauit; semel tantum pugnam aduersam expertus. Anno autem ætatis suæ vigesimo quinto, regni verò duodecimo, & humanæ salutis 1185 moritur. Vir sanè nulli Regum vel animi fortitudine, vel laborum patientiâ postponendus. Corpus eius in Golgothanô templo illatum, & iuxta antecessores suos sepultum. De sepulchro tamen, quale ex confractis sit, non satis constat.

Octauo à morte regis mense moritur & filius Sibyllæ, regni hæres, Balduinus quintus nomine, puer annorum vix octo; cuius obitum ipsam matrem, impotentis animi mulierem, ac Regine nomen ambientem, lento quamuis veneno accelerasse tradunt nonnulli. Sepultus autem est in æde Golgothanâ iuxta maiores suos: cuius tumuli inscriptionem suprâ annotauimus.

Rege defuncto, Guido Lusignanensis lassensis Comes instinctu Sibyllæ vxoris regnum suppliciter à Templarijs mercatus, Rex creatur, re cum

Tripolitano Comite non communicatâ: qui id agrè ferens, cum & ipse ad regnum adspiraret, & regni administrationem à Rege Balduino quarto sibi commissam diceret, vindictâ studet: quæ postea & emuli Regis fortunam euertit, & sui ipsius quoque res, & cæterorum Latinorum in Asiâ gloriam penitus exstinxit. Occultè namq; fœdere cum Salahadino Ægypti Rege percusso, in Guardonis & Templariorum (quorum ipse studio & operâ ad regni fastigiū euectus erat) perniciem conspirat: locum se fore cōmeatu, ere, & armis, Salahadinum adiuturum iurat. Salahadinus autē cognitâ Christianorum Principum similitate & discordiâ, adeoque spe totius regni obtinendi certò conceptâ, cum valido exercitu Palæstinam paulò post ingreditur, Tripolitano Comite iter per Galilæam præbente, Acconē obsidet; verum maximâ suorum acceptâ clade obsidionem soluit, & in fugam vertitur. Mox viribus reparatis, ad Tiberiadē cum regio exercitu pugnâ init, & prodicione Tripolitani Comitis, eoq; fugiente, vniuersum exercitum deder, Regem capit, simul & sacrosanctam Crucem, fatale regni pignus. Mox etiam Acconē, Biblio, Berytho, alijsq; Palæstinæ oppidis in potestatem redactis, Hierosolymorum urbem obsidione cingit, ac quarto decimo tandem obsidionis die, factâ à ciuibus deditio, occupat: deniq; Alcalonâ expugnatâ, totam Palæstinam, ac Hierosolymitani regni ditionē, Tripoli & Tyro exceptis, suo imperio subiecit. Sic Vrbs Sancta anno à nato Christo 1187, ac vndenonagesimo quàm barbaris adēpta fuera, victori Salahadino tradita, in infidelium rursus cecidit seruitutē: nunquā postea libertati restituta; licet Principes Christiani varijs temporibus summo conatu eam recipere terrâ mariq; attētauerint. Quæ ut virtute atque concordiâ Principum Christianorum, non sine summis laboribus plurimis cladibus, magnisq; periculis à barbarorum iugo vindicata, Christiano cultui restituta est; ita rursus eorundem perniciosâ dissensione deperdita, & à barbaris denuo subiugata, ac spurco Mahometæorum cultui obnoxia reddita, etiamnū infidelibus Turcis paret: quiauctore Selymo, eius nominis secūdo, post deuictos Mameluchos, & Sultanicum Ægypti Imperiū exstinctū, vniuersam Syriâ, & Ægyptū Osmanico Imperio adiecere. Hæc de Hierosolymorum Regibus obiter dicta sufficiant. Reliqua prosequamur, & in primis (quod ad gloriâ, dignitatem, & ornamentū Dominici Sepulchri plurimum facit) Christianorum ex diuersissimis Orbis partibus in Urbē confluentium studia, ritus, & sacra paucis referamus.

CAPVT VI.

Diuerſarum Orientis nationum Christum colentium, in Hierosolymitana Vrbe, ac in Resurrectionis Dominica Fano continuò degentium consuetudines, ritus, ceremoniæ, & hæreses.

FRÆQVENTEM suprà mentionem fecimus diuerſorum Orientis populorum, Christianæ Fidei cultorum, eorum tamē sacra nullibi expressimus.

simus. Idcirco non absonum à nostro instituto putauimus, si breuiter hîc illorum ritus, consuetudines, & rerum sacrarum ceremonias, abusus item, errores, & hæreses, quibus à Latinâ Ecclesiâ plurimum differunt, prout ex fide dignorum relatu, & præsertim viri ecclesiastici Maroniticæ gentis testimonio accepimus, recenseamus.

Diuiduntur Oriëntis Christicolæ in Græcos, Georgianos, Maronitas, Iacobitas, Surianos, siue Syros, Nestorianos, siue Chaldæos, Armenios, Cophotos, & Abassinos. Pleriq; horum scismatici, & hæresibus infecti sunt, Maronitis, Chaldæis Orientalibus, & Franc-Armenis exceptis: qui constanter in Orthodoxâ hastenus Fide, & Romanæ Sedis obedientiâ perstiterunt. His addi possunt & Cophiti, paucis abhinc annis Religionem Catholicam Romanam amplexi: quorum singulorum mores & sacra descripturi primo loco Maronitas ponemus.

MARONITÆ, qui & Christiani cincti, siue Zonarij appellâtur, à longis latiq; zonis, quibus corpus cingût, vniuersaliter Catholicâ Romanâ profitentur fidem, Pontifici Maximo obedientiam præstant, eumq; pro vniuersalis Ecclesiæ Primatè agnoscunt, dicunturque Maronitæ à Marone quodâ Hæresarchâ, qui Macharij Antiocheni Præsulis secutus errorē, vnam duntaxat in Christo voluntatem, vnamq; operationē ponebat. Cuius hæresim quingētos & amplius annos secuti, & Monothelitæ olim appellati, tandē sub Emerico seu Amalrico tertio Hierosolymorū Patriarchâ, Latinis in Syriâ rem publicam moderâtibus, abiurârunt, seq; Catholicæ Ecclesiæ reconciliârunt. Sunt autem ceteris Christianis Oriëntalibus & pauperiores, & pauciores, Montem Libanū præcipuè inhabitât, per vniuersam præterea sparsi Syriâ, in ciuitatibus & oppidis peculiares habent vicos, portis à cæteris distinctos, & in ijs Oratoria, & Tempia. Ingenio omnes plurimum valēt, suntq; homines vel maximè industrij, & ad laborem nati; vt plurimum tamen tenues, & inopes, præsertim qui in vrbibus habitant. Libani accolis lautior fortuna arridet, utpote qui agriculturæ & nutriendis bombycibus dediti (quorum ingentem alunt copiam) parandæ rei sunt studiosiores. Præbiteros (quos *Caccis* vel *Cassis* vocant, quod *Literatum* denotat) communibus sumptibus alunt: nihil enim proprij Ecclesiastici ijs in locis possident. In monte Libano plurimas habent sacras ædes, turribus & campanis Occidentalium more ornatas; quas aduentantibus aduenis, maximè Occidentalibus, congratulationis, ergo pulsare solent: quod quidem nusquam alibi illis in partibus obseruatum cognouimus. Peculiarem sibi habent Patriarchâ, Antiochenæ Ecclesiæ titulo decoratū: quem ab Adriano vi. Ultraiektino illi cōcessum, & ab alijs summis Pontificibus confirmatū prædicant. Is residet in Monasterio Diuæ Mariæ Charnobin, vel Chernubin Montis Libani, habetq;

sub se decem Episcopos Suffraganeos; quorum operâ & consilio in Religionis & Fidei causis utitur, eosque (si ratio aut usus postulet) ad suâ curâ commissas oues, per Syriæ vrbes & oppida dispersas, ablegat. Proprias siquidem diœceses Episcopi nullas habent; sed incertâ sede vagantur, & prout necessitas Ecclesiæ exigit, discurrent; multitudinem moderantur, & Patriarchæ mandata exequuntur. Annulo autem aureo, mitrâ, cæterisque insignibus Pontificalibus, Occidentalium Episcoporum more in sacris mysterijs utuntur; cum tamen eorû apud cæteros Orientis Episcopos nullus sit usus. Adhæc in pane azy-mo, eaque formâ, quâ Latini, solemnia celebrant. Pontifices omnes, uti & Patriarcha, cœlibem agunt vitam, ac Monachi sunt ordinis Sancti Basilij, eodemque quo & Græcorum Calogeri utuntur habitu, caputio nempe & tunicâ nigris. Ex Episcoporum collegio ipsis suffragantibus Patriarcha eligitur; electus à Sede Apostolicâ Romanâ confirmatur. Sub Gregorio xiii Pontifice Maximo in prouinciali Synodo integram Catholicæ Fidei professionem edidere. Multas tamen sedis Apostolicæ permisso adhuc retinent antiquas Ecclesiæ Orientalis consuetudines: quæ hætenus aboleri nequaquam potuerunt. Sacerdotes enim vxores ducunt; Sabatho carnes comedunt; Infantibus recenter baptizatis sacram Synaxim porrigunt; Sub vtraque specie laicos communicant; Pascha stylo veteri celebrant; Sacra mysteria linguâ Chaldaicâ vel Syriacâ peragunt; In precibus publicis dicendis antiquum & Hebræis usitatum obseruant morem: manus namque eleuant, seque incuruant, ac proni in terram cadentes caput inter genua condunt, terramque sæpius exosculantur, quomodo Eliam & vniuersum populum Israhel orasse in sacris legimus Literis. Multas præterea Christicolarum Orientis obseruant consuetudines, quas breuitatis causâ omittimus. In negocijs Arabicâ utuntur linguâ, præter eos qui Cyprum incolunt; quibus Græcum idioma in usu est.

GRÆCI longè lateque per vniuersam Orientem diffusi, pro locorum & regionum diuersitate variâ sortiti nomina: alij Georgiani, alij Syri, alij Græci simpliciter appellantur: omnes tamen veteri Græco idiomate sacra celebrant, & de fide idem sentiunt. In quatuor verò diuisi Patriarchatus, Constantinopolitanum; Alexandrinum, Antiochenum, & Hierosolymitanum Ecclesiam regunt. Antiochenus ob solo æquatam maiori ex parte Antiochiam, Damascum Syriæ urbem primariam incolit: cæteri vrbes, à quibus titulum habent. Posteriores duo Antiochenus nempe & Hierosolymitanus vulgò etiam Melchitæ appellantur. Eliguntur Patriarchæ ex Metropolitanorum numero ab Episcopis prouincialibus: electi verò facultatem primò à Bassa prouinciæ cui subsunt, impetrant; mox confirmationem à Turcarum Imperatore

peratore petunt; quâ obtentâ, Ecclesiasticam iurisdictionem (Turcarum auctoritate muniti) in subditos exercent. Confirmatio maximo ijs quandoque constat, Constantinopolitano præsertim, qui cæteris primatu, dignitate, iurisdictione præstat. Postremum triginta milibus aureorum Patriarchatum à Portâ Osmannicâ nundinasse fama est. Patriarchæ Archiepiscopos & Episcopos suæ sedî subiectos consecrant. Cœlibes omnes, & monasticæ vitæ homines, ordinis Sancti Basilij: cæteris presbyteris, quod vxorati sint, ab his dignitatibus exclusis. Vnicus hic apud Græcos monasticæ vitæ ordo innumeros monachos, & plurima diuersis in locis habet Monasteria. Celebriora sunt Sancti Michaëlis, & Sabæ Palæstinæ Monasteria. Hoc à Diuo Sabâ abbate nomen accepit: fuitque olim quatuordecim millium monachorum sedes; cuius rudera & ruinæ amplissimæ iuxta Herodij castri reliquias etiamnum supersunt. Illud in Vrbe Hierosolymâ est, in quo centum & amplius monachi domicilium etiamnum habent. Sequuntur Montis Sinai, Diuæ Catharinæ titulo clarum, Montis item Athos in Macedonia, Græcis Agion oros, viginti tribus Monasterijs insignis, & Montis Olympi in Bithyniâ, Græcis Calogeron oros Monasteria: quæ in hoc monte plura sunt, omnia & numero & vitæ sanctitate plurimum commendata. Monachi omnes patrio vocabulo Calogeri nuncupantur, non veluti καλὸς ἱερεὺς id est Bonus sacer, quod multis persuasum est, sed quasi καλὸς γέρων (sic enim hodie loquuntur) id est bonus senex: nam senilis ætas huic professioni aptissima est. Tunicâ & caputio vtuntur nigris; nonnulli etiam griseis. Cœlibes omnes & incorrupti, austeram agunt vitam, vigilijs, ieiunijs, summâ abstinentiâ corpus macerant. A carnibus omnino abstinent: præter oua, lacticia, & pisces sumunt nihil. In quadragesimâ, & reliquis ieiunijs (quatuor enim ieiunia in anno obseruant) ne piscibus quidem vescuntur, aut re aliquâ quæ sanguinem nutriat, solis horrensibus herbis, & leguminibus, etiam absque olei condimento, & piscibus salitis, vel siccatis contenti. Agriculturæ in primis, qui ruri degunt, operam dant, & suis laboribus victum quærunt; pauci literis incumbunt, rudes plerique, & literarum ignari. Neque solum Calogeri quatuor annua obseruant ieiunia, sed & cæteri omnes Clerici & Laici. Primam cum Latinis communem habent; in eo solum differentes, quod à Dominicâ Quinquagesimæ eius initium sumant, Latini à quartâ feriâ sequenti. His temporibus piscibus, nisi salitis aut siccatis, nulli vescuntur; duobus tantum exceptis diebus Palmarum & Annuntiationis Mariæ Virginis: quibus piscium esus omnibus conceditur. Alterum ieiunij tempus ab octauâ Pentecostes initium sumit, duratque in festum vsque Apostolorum Petri & Paulli. Tertium, quod à Diuâ Virgine nomen habet, à Kal Sextilibus inchoatur, finitur-

que

que in profesto Adscensionis Virginis. Quartum circa Natalem Domini ad septenam vsque hebdomadam protrahitur. Discrepant adhæc à Romanâ Ecclesiâ in multis, quæ ad Fidem & ritus ecclesiasticos pertinent. Pertinacissimè enim contra Latinos Spiritum Sanctum nō à Filio, sed à Patre tantum procedere contendunt: nec symbolum Athanasij recipiunt. Pontificis Romani primatum negant: idque tantum concedunt, vt primum inter Patriarchas locum teneat, non omnibus imperet. Indulgentias nomine Pontificis promulgatas, & censuras eius ecclesiasticas floccipendunt. Purgatorij locum, quo pœnis sensibilibus animæ defunctorum (qui viuentes in charitate Ecclesiæ mortui sunt, nec tamen perfectam in vita egerunt penitentiam) purgentur, nullum admittunt: sed Dei visione priuari, ac conscientiam suam solummodo torqueri asserunt. Sunt tamen qui Purgatorium nō negant, sed existimant illud esse locum tenebrososum, & laboribus plenum, absque igne materiali. Preces tamen omnes pro defunctorum animis ad Deum fundunt, & eleëmofynas erogant: quas prodesse defunctis putant. Arbitrantur adhæc defunctorum animas iustorum ante diem Iudicij non recipere mercedem promissam, sed in locis conuenientibus expectare illam in die Iudicij recipiendam. Exinde quoque neque has Deum statim videre, neque damnatorum animas ante in Infernum trahi, quàm corpus resumpserint, cum quo postea perpetuò puniantur, autumant. Interea tamen eas futurarum pœnarum timore maximo affligi aiunt. Rationi siquidem nequaquam consentaneum esse putant, vt anima, quæ vnà cum corpore aut virtuti aut vitij operam dedit, prius quàm corpus ipsum, quod organum fuit actionum animæ, condigna consequatur merita, aut pœnas. Hinc etiam existimant neminem Patriarcharum, Prophetarum, Apostolorum, aut Martyrum gloriam cœlesti hætenus fruitum esse, vel etiam in diem vsque Iudicij ruiturum: vnā Virginem Mariam excipiūt: quam singulari Dei priuilegio statim ad cœlos adscendisse fatentur. Et cum hæc eorum opinione ita sese habeant, sanctos tamen tanquam Dei amicos, & cœlestis gloriæ participes inuocant, ijsque inueteratā quadam consuetudine publicè suis in delubris Preces & Vota exhibent: adeoque se factis credere testantur, quod verbis negant. Consecrant in pane fermentato, & aquam vino non miscent, contra antiquum Ecclesiæ usum. Laicos sub vtraque specie communicant, crectos, non genibus nixos. Damnant qui sub vnâ specie Sacramentum percipiunt. Baptizant per verba tertiæ personæ, quo modo & reliquorum ferè Sacramentorum formas proferunt, contra Latinorum morem; quos idcirco non debito modo Sacramenta administrare existimant. Sacramentum Confirmationis, licet expressè non negent, separatim tamen à Baptismate (vti Latinis vsitatum est) non conferūt:

sed baptizatū sacro Oleo seu Chrismate statim inungūt. Extremæ Vnctionis vsum Romano more non habent: oleū tantū in præsentia ægroti benedicūt; quo cum inungunt. Sabbato carnibus vescuntur, neq; vnquā Sabbato ieiunāt; Paschatis & annui Ieiunij exceptis; eius tamē loco quartā cuiusq; hebdomadæ feriā à carnibus abstinent. Barbas studiose admodū nutriunt: imberbes sacerdotio indignos putant. Capillos promissos, & à capite in dorsum dependentes Nazæcorum more gestant. Sacerdotibus vxores (quas ante sacros ordines duxerunt) permittunt: bigamos rejiciunt, nec sacerdotibus, vt ad secundas nuptias transeant, concedunt: neque etiam eorum viduis, quas *Papadiis* vocant, vt viros *Papassos*. Ad sacerdotiū nullos admittunt, vel celebrare saltem non sinunt, nisi prius annum trigessimū attigerint. Sacra mysteria diebus duntaxat Dominicis, festisq; maioribus celebrant, cæteris non item; sed amplexibus vxorum vacant. Priuatas missas non agnoscunt: nec nisi vnā in eodem templo admittunt. Latinorum Sacramentis non assurgunt, nec honorē vllum exhibēt: quippe quos anathematizatos, & in azymo pane non ritè Sacramentum conficere putāt. Quare si aliquē eorum in suis altaribus sacrificasse compererint, ea prophanata esse credentes, diligenter statim lauant, & superficiem abradunt, priusquā in ijs celebrent. Signo Crucis vbi se muniunt, non vt Latini, formam Crucis manibus exprimunt, sed ductā à summo ad imum lineæ transversā ab vno duntaxat addunt latere, vt hoc facto Spiritū sanctum à Patre solum procedere testentur. Laicis tertias nuptias prohibent. Hos legibus soluit Patriarchæ; sed duris legibus, vt biennio à sacra communione abstineant, quartā & sexta ferijs pane & aqua ieiunent, multaq; pauperibus elargiantur. Diuortium vel leui de causā admittunt: maximā putant, si vxor morbo aliquo insanabili laboret. In causā fornicationis posse coniugem innocentem non solum separari quoad thorū, sed etiam quoad vinculum, à coniuge, & aliud matrimoniū inire pertinaciter defendunt. Habent & alios peculiare ritus, & superstitiones; quas, ne legentem fatigemus, omittimus.

S Y R I siue Suriani à Syria Prouincia, siue à Sur oppido (vt quidam volunt) sic dicti, per vniuersam sparsi Syriam, separata per vrbes & oppida habent Tempia seu Oratoria, vicos etiam ab alijs habitatoribus diuisos. Homines autem sunt industrii, ad artes & agriculturam aptissimi, vt plurimū verò vafri, cauti, callidi, ac leues, & ad fallendum nati, ipsis etiam Turcis (quorum vitia & mores longā consuetudine hausere) quandoq; priores. Nam & Christianos alienigenas, maximè Occidentales, quibus fauere & subsidio esse apud Turcas religionis intuitu deberēt, sæpenumero spe lucri apud barbaros deferunt, eorum secreta aperiunt, & calumnijs vexāt. Cauendū igitur vel
maxime

maximè Occidentalibus aduenis, ne horum consuetudine vtantur, sed velut pestem fugiant. Prædicant se Christianorum omnium antiquissimos, quòd Diuus Petrus primò Antiochiæ sedem habuerit, ac inde eam Romam transtulerit, nec subesse idcirco volunt Romano Põtifici; sed cum Græcis eius obedientiam recusant. Peculiarem habent Patriarcham, Melichæ commorantem; cui in sacris obediunt omnes. Is plurimos sub se Suffraganeos habet, & Catholicus à suis vocatur: quod apud illos Primatem denotat: solent enim vtròvis vocabulo indifferenter vti. De Fide eadem quæ Græci sentiunt, excepto quod iustorum animas diuino adspectu & cœlesti gloriâ frui, malos ante diem Iudicij extremum pœnis Inferni torqueri credant. In sacris linguâ vtuntur Græcâ: in negocijs Arabicâ, nonnulli Chaldaicâ. In reliquis conformes sunt Græcis.

GEORGIANI populi sunt Asiæ, maris Euxini accolæ; ijsque potiuntur regionibus, quæ olim Iberia & Albania dictæ, nunc vnico vocabulo *Georgia* appellantur: cui Armenia maior à Meridie, Caucasii montes à Septentrione, ab Ortu mare Hircanum, seu Caspium, ab Occasu Pontus Euxinus adiacent. Regio omnis inaccessis montibus cingitur: Caucasieis enim rupibus niuosi admodum excelsique mōtes, & abruptæ valles cathenatis inter se rupibus annectuntur: vt hinc iniquitate locorum difficultateque egregiè muniti, sola defendentis naturæ munimenta inuadentibus objiciant. Sunt autem homines strenui, robusti, & bellicosi; humani tamè, comes, benigni, & faciles. Diuū. Georgium Martyrem (à quo & nomen sumpsere) in summâ veneratione habent, & præ alijs Sanctis specialiter honorant, ac suum Patronum celebrant: cuius imaginem in signis militatibus depictam perpetuò deferunt. In Persas quidem propensi, Turcis autem hostes infestissimi. Consociatis siquidem cum Persarum rege viribus, quoties belli tempestas inter Turcam & Persam ingruit, Imperium Turcarū inuadunt, & prouincias effusè populantur. Hinc Mahometæi iugi hætenus vixere expertes; & licet à Turcis sæpius bello petiti fuerint, domari ramen & subiugari nequaquam potuere: quinimo suos fines fortiter tutati, bellicosos Turcarum conatus non minori constantiâ quàm in formidabili animorum vigore sustinuerunt: vt in hunc vsque diem, etiam si vndique barbaris septi, atque inter quatuor potentissimos totius Orbis Imperatores positi, Turcam nempe, Persam, Tartarum, & Moscouitam, qui diuersis temporibus singuli eorum regioni inhierunt, suæ Fidei pareant principibus, ac soli præ cæteris Orientis Christicollis libertate fruantur; quam tot iam annis inuictæ virtutis argumento egregiè tutati sunt: vicinis idcirco Turcis potiùs formidandi, quàm qui illos formident. Ex Sultani autem Cairensis singulari indulto, & priuilegio,

privilegio quondam ipsis concessio, & à Turcâ eius in Imperio successoris confirmato, dum singulis annis ad aliorum Orientis Christianorum exemplum Sepulchri Christi honorandi gratiâ Hierosolymam commeant, soli ex omnibus Christianis instar belligerantium magno comitatu signisque militaribus iter agunt, urbemque nullo soluto tributo introeunt, sacraque mox loca explicatis vexillis ingrediuntur. Horum Principum filias plerique Persarum Reges à multis iam annis in uxores sibi adsciscere cōsuevere: quæ res ut firmæ & stabili amicitie inter utramque gentem viam aperuit, sic mutui fœderis fundamentū iecit, pacemque initam firmiorem reddidit. Viri capillos & barbam nutriunt, pileos diuersi colores gestant. Clerici coronas rotundas, Laici quadras in capite habent. Plurimos habent Episcopos, & Monachos ordinis Sancti Basilij; qui licet ab Ecclesiæ Romanæ doctrinâ non ita abhorreant ut Græci, in rebus tamen Fidei, sacrisque ceremonijs ac ritibus Græcorum consuetudines observant; quorum etiam linguâ in sacris mysterijs, ac Sacramentorum dispensatione utuntur: in negocijs verò Chaldæâ, Persicâ, & Arabicâ.

IACOBITÆ nonnunquam Dioscoriani, & Eutychiani appellati, à Dioscoto, Eutychete, & Iacobo, qui eorum hæreseos primi auctores in Concilio Chalcedonensi ab Ecclesiâ damnati fuere: Asiæ populi sunt, urbes & oppida ac pagos Syriæ, & Diarbeciæ, olim Mesopotamiæ passim percurrentes: Nubiæ etiam magnam partem inhabitant; perque Æthiopiam sparsi, in Indiâ usque superiorem se dilatant, pauperculi plerique, ac quotidiano labore victum queritantes. In Alepo tamen & Caramit multos diuites, & honestarum facultatum familias mercaturam exercentes inuenias. Hi primum à Diuo Matthæo (ut volunt) ad Christi fidem conuersi, post à Iacobo quodam hæresiarchâ Patriarchæ Alexandrini discipulo in errores & hæreses inducti sunt. Peculiarem autem habent Patriarcham, quem à Monasterio Gifran, vel Zafran, iuxta Merdin, vel Moradin Mesopotamiæ urbem posito, Gifrani vel Zafrani Patriarcham appellant: quo in loco ante multos annos Patriarchatus sui sedem habuisse dicitur; hodie verò in urbe Carahemidâ, vel Caramit, priscis Amidâ ad maiorem sui commoditatem & quietem residet. Multos hic sub se habet Archiepiscopos, & Episcopos; qui Hierosolymis, Damasci, Alapiæ, Edesse, Mussulæ, alijsque in urbibus Syriæ & Mesopotamiæ, nec non Cipro insulâ domicilium tixere. Plurimi item monasticæ vitæ cultores ordinis Sancti Antoni, varijs in locis per monasteria diuisi, supremam eius auctoritatē agnoscunt, ei que in sacris obtemperant. Hi omnes Calogeros instar celibem agunt vitam, ipsi demque ferè utuntur & moribus & habitu Syriacâ linguâ, Sacerdotibus tantum notâ, rem sacram agunt. In negocijs

Arabicam, & Persicam, aliasque linguas, in prouincijs, quas inhabitant, vsu receptas, vulgares habent. Deficiente are campano, crepitaculis statis diebus & horis vicitim discurrunt, ac strepitum edunt, quo admonentur omnes vt ad Ecclesiam precandi causâ se conferât. Pluribus autem impliciti erroribus, malè in primis de Christo sentiunt; Naturas namque Diuinam & humanam permiscentes, & vnâ confluantes ex duabus, vnâ voluntatē, vnâque operationem in eo constituunt. Negantes esse in Christo post vñionem Verbi cum carne duas integras, perfectas, inconfusas & impermixtas naturas cum vñitate hypostasis, siue personæ. Ad hæc Christi carnem non esse eiusdem naturæ cum nostrâ, neque Verbum in veram Carnem esse conuersum, sed in carnem quandam apparentem & phantasticam simulasse itaque se potius hominem, & natum, & mortuum esse, quàm re verâ fuerit, adeoque cuncta salutis nostræ mysteria, Incarnationem, Passionem, Resurrectionem, Ascensionem, Aduentum ad Iudicium, ficta & simulata esse docent, & illusoria reddunt. Vtque hunc suum errorem & hæresim signo aliquo exteriori testentur, & confirment, vñico tantum digito signum Crucis formant, ynicam hoc modo Christi naturam exprimentes. Purgatorium ignem cum Græcis minimè agnoscunt, Sacramentalem Confessionem Latinis cum Græcis communem, non admittunt; soli quoque Deo, qui corda hominum intuetur, confitendū aiunt. Romani Pontificis Primatum negant, eiusque indulgentias, & censuras ecclesiasticas spernunt. Conciliū Chalcedonenſe non recipiunt. Dioscorum, Eutycherem, & Iacobum, in eodem Concilio damnatos, vt sanctos venerantur. Sacrum celebrât in pane fermentato mixto oleo. Sacramentum Confirmationis Catholicorum more non administrât, sed vnâ cum Baptismi Sacramento certis æquivalentibus verbis conferunt. Sacram Synaxim paruulis recens natis, baptizatis tamē prius, porrigunt: quos etiam Iudæico more circumcidunt: vtrumque enim necessarium autumant. Quemadmodū nec prodesse Baptismum putât, si Chrisma, signū Crucis, & Eucharista desint. Omnes sub vtraque specie communicant. Per verba tertiæ personæ pleraque sua conferunt Sacramenta. Presbyteris vxores permittunt. Locum, vbi publicas Deo fundunt preces, thure adolent: atque ita eas vnâ cum fumo cælū conscendere, & à peccatis se purgari certò sibi persuadent. Frontibus alij, alij genis, alij temporibus Cruces inurunt; eâ ratione, vt ab infidelibus fecernantur, sintque semper memores Passionis Christi: plerique etiam brachijs: quâ quidem adustione à peccato originali se expiari credunt. Sua pignora elementalitigne iuxta atque aquâ baptizâdo, candenti ferro characterē Crucis frontibus baptizatorum inurunt. Hæreseos huius ansam sumunt ex verbis Ioannis, dicentis: *Ipse vero vos baptizabit aquâ & igne.*

igne: sed non satis attendunt, quod Ioannes dicit Christum baptizare igne, non hominem, cui baptismus saltem aquæ creditus est. Ceterum multas alias obseruant ceremonias, Græcis & Surianis vſitatas, quas breuitatis causâ omittimus.

CHALDÆI seu Nestoriani à Nestorio hæretico sic dicti (cuius hæresis in tertiâ Synodo Ephesinâ à Patribus damnata est) Syriam, Mesopotamiam, Assyriam, & Chaldæam regiones passim inhabitant, præcipuè verò eam, quæ inter Mediam & Mesopotamiam Assyriæ adiacet. *Curdistan* Turcæ; hoc est Curdorum regionem hodie appellant. Hi olim à Xenophonte & Ptolomæo Carducci, & Carduini, à Strabone Cardaces, nunc Curdi dicti, populi sunt ferocissimi, bellicosi, latrocinij & rapinis assueti, Carauanis vel maximè infesti, atque omnium Christianorum Orientis pessimi. In horum regione videre est Mossel vel Mussul seu Mozal ad ripam Tigridis urbem munitissimam, fossis murisque cinctam, ædificijs, vijlque publicis celeberrimam, eodem (vt multi volunt) positam loco, quo olim Niniue Assyriæ regia extitit: cuius quidem præter nouæ urbis ædificia, ac circumiacentes pagos, quondam Niniue mœnibus inclusos, nulla hodie aut pauca admodum supersunt vestigia. Duobus hodie subsunt Patriarchis. In duas enim diuisi classes, alij Chaldæi Assyrij Orientales, alij Nestoriani simpliciter appellantur. Hi schismatico Patriarchæ Bagadatis commoranti, illi Catholico & Orthodoxo Patriarchæ in Mozal quondam, nunc varijs in urbibus pro temporis occasione sedem habenti, obediunt. Horum enim Patriarchæ à multis iam annis abiuratâ Nestorianâ hæresi, obedientiâ Romanæ Ecclesiæ præstiterunt, atque à sede Apostolicâ cõfirmati, & titulo Ecclesiæ Musal insigniti fuere; quâ tamè hætenus, à Patriarchis schismaticis impediti, quiete potiri nequiverunt; sed in urbibus Caramit, vel Sarh, seu Seert, aut Zeinalbach in confinijſ Persiæ residere, atque incertâ sede vagari coacti sunt. Ex his *Simõ Sulaca* ordinis S. Basilij monachus Romæ Fidei Catholicæ professione editâ, à Iulio III confirmatus est: qui domum rediēs, Archiepiscopis & Episcopis quibusdam ordinatis Nestorij inuocationē, quæ in sacris à Diacono fieri solebat, rejici & aboleri iussit. Eo fraude Patriarchæ schismatici à Turcis occiso, successit in Patriarchatu *Abdesu* eiusdē ordinis S. Basilij monachus: qui Concilio Tridētino interfuit, Romæq; Pio IV. Põtificali Maximo obedientiâ præstitit, & in patriâ reuersus, quâ plurimos Archiepiscopos, Episcopos, & sacerdotes ordinauit. Cui, paucos post annos defuncto, successit *Atalla*, siue *Attella*, eiusdē ordinis monachus; qui confirmatione à sede Apostolicâ nondum postulatâ diē suum obiit. In cuius locum *Donha Simon*, Archiepiscopus de Celu, suffectus est: qui anno 1588. Gregorio XIII Pontifice Romam procuratorem misit, & per eundē

obedientiam sedi Apostolicæ præstitit, & ab eodem Pontifice confirmatus pallioque Patriarchali donatus est. Est autem pallium circulus ex subtili panno, quatuor aut quinque digitorum amplitudine, ex quo duæ ex eodem panno propendent fasciæ, ita ut cum circulus humeris Patriarchæ seu Antistitis impositus fuerit, duæ illæ fasciolaræ à pectore & à tergo dependeant. Ceterum Chaldæorum Orientalium ditissimi & potentissimi plerique in vrbe Amit, seu Caramit domicilij sedem habent, atque vnicè Romanæ Sedis obedientiam cōseruare adniruntur. Nestorianæ verò sectæ potentiores ditioresque schismatico Patriarchæ deuoti, Bagadatem, Mozal, & Gezirem Chaldææ vrbes primarias precipuè inhabitant. Quoniam verò in Bagadatis vrbs mentionem incidimus, lubet obiter hic multorum errorem (qui eam supra antiquæ Babylonis ruinas ædificatam putant) detegere, ac tam veteris Babylonis, quàm Bagadatis hodiernum situm & conditionem aperire, quemadmodum ab ijs qui vtrumque inuiserunt, accepimus; ut inde dilucidius appareat quàm maximè hac in re plurimi hallucinentur. Est igitur Bagadates, quàm Turcæ, cæteri que Orientis populi *Bagadet* vel *Bagdat* appellant, veteris olim Chaldææ, nunc Diarbec hæ regia, in latâ planitie supra Tigrim posita, in duas diuisa vrbes, quæ flumine interlabente ponte sublicio raribus supra fluium imposito, iunguntur, eo exstructa loco, quo olim Seleucia & Ctesiphonta vrbes extiter. Vtrâque autem vrbem (quæ nunc visitur) instauratam esse à Mahometæ orû Culphis, Mahometi proximis, Arabicæ inscriptiones variz, pedatibus deauratisque literis turribus insculptæ, clarè demonstrant. Babyloniam verò veterem ad Euphratem conditam fuisse, cumque mediam inter-

lib. 16. luisse vrbem tradunt scriptores: cuius etiâ Strabo meminit; qui Seleuciam trecenta stadia à veteri Babyloniam distare scribit: quod item ex ipsius ruinis etiamnum extantibus, & quasi sesquidiei itinere à Bagadate distitis, colligi licet. Visuntur namque hodie plurimæ Babylonis reliquæ prope Felugum vel Felugiam ad ripam Euphratis pagum; vetustissimi in primis atque omnium maximi pontis arcus aliquot semididuri, flumini Euphrati (qui eo loci quingentos circiter passus latitudine continet) impositi. Mœnium quoque rudera atque arcis ruinæ amplissimæ. Turris item vulgò Danielis dicta, è nigro lapide; nec nō plurimæ aliæ & turres, & arcus, ac ruderum ingentia, prisca illius sæculi monumenta. Haud procul inde mons excelsus conspicitur, quingentos ferè passus suo ambitu complectens, atque ob bestiarum tricipitum (quæ Eglo nominantur) valde noxiarum, ac serpentum ingentē copiam, inaccessibilis: qui celeberrimæ illius turris Babylonice à Nemroth rege instauratæ vestigium esse putatur. Sed & tota illa ora, quæ antiquæ Babylonis rudera occupat, in eam vastitatem & desolationem abiit,

abijt, adeoque horridam, sterilem, & desertam vbique se exhibet, vt nusquam vel arborem, vel virentem vllam herbam conspicias; imò nec ædificium, nec casulam aliquam præter veterum ædificiorum reliquias & ruinas, obuiam habeas: maledicti Diuini meâ quidem opinione indubitatum testimonium. Atque hunc verum esse situm antiquæ illius Babylonis, vel eo magis crediderim, quod Hieremiæ vaticinio illam nunquam restaurandam, sed in perpetuam desolationē abituram constet. Sicenim de illâ vaticinatus est: *Eccenonissima* (inquit) *erit ingentibus desertainuia & arens; ab irâ Domini non habitabitur; sed redigetur tota in solitudinem; omnis qui transibit per Babylonem, stupebit. & sibilabit super vniuersis plagis eius.* Et paulò infra: *Quia terra sculpsilium est, & in portentis gloriantur, propterea habitabunt eam dracones, cum fatuis scarijs, & habitabunt in eâ struthiones, & non habitabitur ultra vsque in sempiternum, nec exstruetur vsque ad generationem; sicut subuertit Dominus Sodomam & Gomorrhā & vicinas eius ait Dominus, non habitabit ibi vir & non incolet eam filius hominis.* Quibus sanè verbis manifestè conuincitur Bagadatē urbem (quæ populosa & frequens est) non esse supra antiquæ Babylonis ruinas (vt multi putant) conditam. Neque enim huic Prophetæ vaticinium adaptari vllō modo posse, quinimo conuenire potius situi, quem supra retulimus, quemque veteris esse Babylonis asserimus, facillè quis viderit. Hisce de Babylone dictis, ad propositum, vnde digressi sumus, reuertamur. Supremo Bagadatino Patriarchæ, quem schismaticum esse diximus, multi subsunt Archiepiscopi, & Episcopi, Monachorum item Monasteria ordinis Sancti Antonij quam plurima: ex quorum cœtu cū Archiepiscopi, tum Episcopi omnes eliguntur. Chaldæâ linguâ sacerdotes (qui & vxorati sunt) diuina mysteria celebrant. His verò hæresibus inuoluti sunt. Duas in Christo personas constituunt, Diuinam vnā, humanam alteram, Asserentes non esse à verbo Dei carnem assumptam in vnitāte personæ, sed per solam inhabitationem instar templi sanctificatam, & Christum non esse dicendum Deum incarnatum, sed hominem deiferum, adeoque Christum Deum ab homine Christo separantes, solum hominem, non etiam Deum esse volentem, qui conceptus est de Spiritu Sancto, natus de Maria Virgine, passus, mortuus, & sepultus, quiq; deinde rediuitus in cœlum adscendisse, & rursus ad iudicandum orbem terrarum reuersurus ab Ecclesiâ Catholicâ prædicatur. Hinc etiam in Virgine Mariâ illud *Θεοτόκον* Diuæ Virgini ab vniuersali Ecclesiâ attributum, rejiciunt; eamque purum hominem peperisse, qui non solum naturam, sed etiam personam humanam haberet; & proinde non Dei, sed Christi genitricem affirmant. Spiritum Sanctum quoque non habere per filium

suam subsistentiam, sed à solo Patre esse contendunt. Sacramenta Confirmationis, & Extremæ Vnctionis prorsus ignorant. Nestorium ab Ecclesiâ damnatum, in maximo honore habent, & publicè inuocant. Sacramentorum veras formas non agnoscunt: per verba enim tertiæ personæ, quemadmodum Græci, Sacramenta nonnulla conferunt. In pane quoque fermentato consecrant. Paruulis non minùs quàm adultis Eucharistiæ Sacramentum sub vtraque specie porrigunt. Purgatorij ignem omnino negant; nullumque hominem quantumuis sanctissimum, è vitâ hac mortali egressum, Paradisi gloriæ fore participem ante extremi Iudicij diem, pertinacissimè defendunt. Pontificis Romani Primatum non admittunt. Hos aliosque errores crassissimos veræ doctrinæ longè anteponunt. Cæterùm in negocijs, Arabicâ, & Persicâ vtuntur linguis.

ARMENII per omnem ferè Orientem latissimè sparsi, Syriæ, vtriusque Armeniæ, Mesopotamiæ, Persidis, Caramaniæ, nec non Ægypti vrbes passim inhabitant. Homines sunt acerrimo ingenio præditi, mercaturæ in primis dediti, atque omnium artium mechanicarum peritissimi, cæterisque in rebus vel maximè industrii, erga externos supra modum humani, & benigni; sed & Mahometeis omnibus grati, acceptiores saltem cæteris Orientis Christianicis: quamobrem plurimis apud barbaros gaudent immunitatibus, & priuilegijs. Græcis verò in primis infensî, maximo iam dudum inter vtramque gentem vigente odio, Latinis autem studiosiores, quòd hos pariter à Græcis odio haberi nouerint. Duos habent Patriarchas vniuersales, quorum alter in Monasterio *Ecmeazim*, prope Seruam, vel Eruan, siue Ercuan, Persidis urbem degit; quem, propter maximum & amplius quam mille Episcoporum sub se habentem numerum, Catholicum id est vniuersalem vocant; alter in Cis Caramaniæ oppido sedem habet; cui item plurimi subsunt Episcopi. Ille Armeniæ Maiori hodie Turcomaniæ, cæterisque adiacentibus regionibus: hîc Minori vulgò Anaduote & Pegiam ac circumvicinis prouincijs præsidet. Vterque præter Episcopos, plurima etiam Monasteria ordinis Sancti Antonij sub se habet. Maioris autem Armeniæ Patriarcha *Azaria* nomine Gregorio XIII. Romanæ Ecclesiæ præsidente, professionem Fidei Catholicæ, à Leonardo Abelis Sidoniensi Episcopo, Apostolicæ sedis in partibus Orientalibus Nuncio ac Visitatore Apostolico sibi propositam, amplexus dicitur: quam propriâ manu subscriptam cum epistolis suis ad eundem Gregorium transmisisse idem Leonardus scribit. Porro vterque Patriarcha & Episcopi omnes nihil proprij possident,

dent ; subditorum tamen eleëmofynis fuffentantur . & viuunt. Patrio idiomate facra faciunt. Sacerdotibus vxores concedunt. Iacobum maiorem Apoftolum in fummo honore habent , & gentis fuæ patronum & protectorem celebrant. Cæterum plurimis irriti funt erroribus & hærefibus. In Chrifto in primis (vt & Iacobitæ) vnã tantum naturam , vnã voluntatem , vnãquæ operationem conftituunt ; aiuntquæ Humanitatem abyffo Diuinitatis eſſe infuſam , atque ita ex Diuinitate & Carne vnũ quid factum. Afferunt etiã Corpus Chrifti ſubtile , & agile fuiſſe , non corruptibile , neque accidentibus ſubiectum. Credunt quidem Virginem Mariam Deum peperiffe ; negant tamen eum carnem ex eã ſumpſiſſe ; ſed cœleſte Corpus & ſpirituale è cœlis ſecum attuliſſe ; atque ſubtilitate ſuã & agilitate Virginis viſcera penetraffe , Corpusquæ eius tanquam per canalem pertranſiſſe , atque ita demum ſtatuto à natura tempore editum fuiſſe : Hinc verò incorruptam eam tam antè quam poſt partum manſiſſe volunt. Conſecrant in pane azyro , aquã vino non immiſta. Laicos cuiuſvis ætatis ſub vtrãquæ ſpecie communicant. Ab eſu immundorum animalium Iudaico ritu abſtinent. Nullum eſſe locum purgationis in alio ſeculo , nec vllam animam ante Iudicij diem eſſe poſſe beatam , aut damnatam autumant. Veſperi Sabbathi Sancti oua & lacticia comedunt. Diebus Veneris à Paſchate Reſurrectionis Domini ad uſque Aſcenſionis feſtum veſcuntur carnibus. Natiuitatis Dominicæ feſtum eo die quo cæteri Orientales non obſeruant , ſed ſeptimo Id. Ianuarij , ſeu ipſo Epiphaniæ feſto , quo die Chriſtum ſpiritualiter renatum volunt , non ſine graui errore : Nam ille qui peccatum non commiſit , & in cuius ore dolus inuentus non eſt , non indiguit vt renaſceretur , ſed vim regeneratiuam aquæ contulit , vt nos à peccatis lauaremur. Nec in huius tantum feſti celebratione à reliquo orbe Chriſtiano diſſentiunt , ſed etiam multorum aliorum. Nam Purificationis Mariæ feſtum xvi. Kal. Martij , Annunciationis vii. Id. Aprilis , Transfigurationis verò Domini xviii. Kal. Septembris celebrant. Quadrageſimam quidem eodem quo alij obſeruant tempore , maiori tamen ciborum abſtinentiã quàm cæteri ; neque enim à carnibus & lacticijs tantum abſtinent , ſed ne piſcibus quidem , aut re aliquã quæ ſanguine nutriatur , oleo veſcuntur , aut vino , ſolo pane & aquã , atque vuis paſſis , vel leguminibus , vllò abſque condimento , contenti. Uſuræ autem , ac magicis artibus , omniſquæ generis veneficijs plerique eorum ſummopere dediti ſunt. Cætera Iacobitis perſimiles. Præter duos quos diximus Armeniorum vniuerſales

vnuerſales Patriarchas, eſt & alius Eccleſiæ Primas. Archiepiſcopali titulo præfulgens, cui millia aliquot Armeniorum Franc-Armeni dicti obediunt: qui quidem omnes Latino Catholicoque ritu viuunt. Is in Nexiuano Armeniæ Maioris vrbe, à Tauris Perſidis Regiâ ſex dierum itinere diſtante, ſedem olim habuit, atque inde titulum ſumpſit; nunc verò Nexiuanenſem Eccleſiam Archiepiſcopalem, Diuo Thomæ Apoſtolo quondam ſacram, derelinquere coactus; quod in Moſcheam Mahometi eam conuerterint, in Monasterio Abbaranenſi, à Nexiuano vnus diei itinere diſſito, reſidet: plurimoſque ſub ſe habet ſacerdotes, & monachos; qui omnes inſtitutum Diui Dominici ſequuntur, & coelibem vitam agunt. Beatus ſiquidem Bartholomeus paruus, Bononiâ oriundus, ordinis Sancti Dominici monachus, ad Armeniorum conuerſionem à ſede Apoſtolicâ quondam miſſus, plurimos Maioris Armeniæ, & præſertim Nexiuanenſis prouinciæ incolas Orthodoxâ Fide imbuit, & ad obedientiam, ritumque Eccleſiæ Romanæ induxit: atque in vrbe Nexiuano primus ſedem Archiepiſcopalem conſtituit: cuius ſocij & ſucceſſores deinde plurimum in Armeniâ Maiori Catholicam fidem auxerunt. Oppida quæ Franc-Armeni (ſic dicti à Franchis ſiue Frangys, quo vocabulo Turcæ, Perſæ, ceterique Orientis populi Chriſtianos omnes Occidentales denotant) hætenus poſſederunt, hæc ſunt: Nexiuanum, Abbaranum, Abbragonum, Carua, Saltach, Haſcaſſen, Meaſcen, Carſan, Khabunis, Giabug, Caragus, Chenſug, & Artach: in quibus Monasteria non pauca ordinis Sancti Dominici videre eſt. Sacrum iſſdem fere ritibus, & ceremonijs, quibus Latini, peragunt. ſed linguâ Armenicâ, in pane item azymo conſecrant: cuius rei indubitatum nobis teſtimonium fuit Miſſale (vt vocant) typis excuſum Hieroſolymis in ade Diuo Iacobo ſacrâ (quam Armenij curant & poſſident) à Templi cuſtode nobis oſtenſum. Id enim Armenico charactere è Latino in linguam Armenicam verſum, muſicalibus notis inſtar Latini illuſtratum, & in omnibus Romano perſimile erat: quo in diuinis myſterijs Franc-Armeniorum ſacerdotes vſos fuiſſe, atque vti, cùm Hieroſolymam veniunt, veroliſimile eſt. Quia verò in tremendis myſterijs, alijsque ſacris ritibus plerique Armeniorum cùm Latinis conſentiunt, inde fit vt Latinorum Sacramentis debitum honorem exhibeant, Sacerdotibus aſſurgant, coſque honore pariter & amore proſequantur.

COPHTI ſeu Copti vel (vt alij volunt) Cophiti, quos Syri vulgò Ægophtos, quali Ægyptios nuncupant, Ægypti enim populi ſunt, per vniverſam Ægypti regionem diſperſi, vrbes præſertim Cayrum, Ægypti regiam, Alexandriam, Meſiem, Monſalutum, Buam, & Elchiaſam inhabitant. Peculiatem habent Patriarcham Alexandriæ degentem,

degentem, & in eâ ad sacra peragenda Diui Marci basilicam. Veteri atque obsoletâ linguâ Cophâtâ (quam soli ipsorum presbyteri intelligunt) rem sacram agunt. Epistolam tamen, Euangelium, & præcipuas sacri mysterij orationes, Arabicâ linguâ (quæ ipsis patria est) vt omnibus æquè sacra verba innotescant, Populo interpretantur. Campanas nullas habent, vt nec ceteri plerique Orientis populi; earum tamen loco annulos æneos tabulis ligneis affixos pulsant; quibus populum ad sacrum audiendum conuocant. Parent Patriarchæ plurimi Archiepiscopi, & Episcopi, nec non religiosorum ordinis Sancti Antonij Monasteria complura. Hunc item Abyssinorum Primas Abuna nomine principem agnoscit, & confirmationem suæ dignitatis ab eo recipit. Cæterum Dioscori, & Eutychetis sectantur hæresim, ipsis cum Iacobitis communem. Circumcisionem præterea retinent; eamque ad salutem necessariam, nec sufficere Baptismum, illâ non præmissâ, autumant, neque aquam elementalem solum in Baptismatis Sacramento adhibent, sed ferro ignito baptizatorum frontes, tempora, aut genas adurunt, eisque cauterio characterem Crucis imprimunt; quo originale tolli peccatum autumant. Oportere enim Spiritu sancto & igne baptizati Christianum Scripturâ teste perhibent. Matth. 3. Cruces etiam in brachijs ferro ignito, aut herbæ cuiusdam succo informant; quo signo à Paganis se distinguui, & Crucem ferre cum Domino dicunt. Vnico adhuc digito formam Crucis fronti vel pectori inscribunt. De reliquis Fidei rebus cum Iacobitis sentiunt. Gregorio xii. Pontifice patrum quorundam Iesuitarum operâ & studio inducti fuere, vt abiuratâ hæresi, Romanæ sese Ecclesiæ reconciliare statuerent: cumque iam Synodo prouinciali conuocatâ, hæresim omnem abrogassent, & Romanæ Ecclesiæ auctoritati se submissuros spopondissent, Galli cuiusdam ambitione, ac fraudibus (Dæmonis sanè instinctu) optimum consilium mutauerunt, adeoque salutare negotium penitus euersum fuit. Is enim cum Paulum Marianum, natione Dalmatam, in Gallicæ nationis Consulem Iudiciarium seu Mercatorium in vrbe Cairensi electum, ægrè ferret, quem magistratum ipse vel maxime ambibat, omnem mouit lapidem, quo Marianus magistratu pelleretur: quod vt facilius perficeret, nactus hanc de Iesuitis oportunitatem, quos à Mariano domi suæ ali sciebat, & à quibus reconciliationem Ecclesiæ Africanæ cum Romanâ iam quasi confectam subodorauerat, Marianum vti Osmannici Imperij puerduellem, & hostem apud Bassam Cairensensem detulit, quod apud eum Sacerdotes Francos, Papæ & Regis Hispaniarum emissarios hospitari, ac moliri res maximè momenti in summam rerum Osmannidarum perniciem, ac subuertere populum Christianum Ægypti, & Osmannici Imperij perturbare

quietem diceret. Bassa hac re intellectâ, ac delatoris verbis fidem adhibens, illicò Patres & Marianum apprehendi iubet: in vincula rapit, diroque carceri mancipat: operâ tamen Clarissimi & præstantissimi viri Georgij Emi patricij Veneti, apud Cayrum tunc temporis Veneratorum Consul, solutis priùs decem millibus aureorum, post diuturnos carceres Patres & Marianus pristinæ libertati restituti; sed illi Ægypto iussi statim excedere, re infectâ in Italiam redierunt. Hæc Clarissimus Emus Alapix Venetorû Consul, cùm ab illo hospitio exceptus per dies aliquot Alapix moram traherem, mihi retulit. Posteaquam verò è Syria Venerias rediissem, eos nihilominus cum Romanâ Ecclesiâ in gratiam rediisse & Patriarcham Gabriëlem nomine, nuper ab ipsis electum, missis ad Clementem VIII. Pontificem Maximum legatis, ab eodem confirmatum, pallioque Patriarchali donatum accepi. Cuius Fidei professionem Baronius Annalium tomo VI. ad calcem publicauit. Idem quoque Pontifex in horum gratiam collegium in vrbe instituit, ad eos in Catholicâ Fide, sacrisque ritibus educandis accommodum.

ABYSSINI vel Abassini Æthiopiæ populi; Erythrazi, seu Rubri maris accolæ, Africæ regiones ad Orientem incolunt, parentque potentissimo Æthiopiæ Regi, vulgò à nostris corruptè *Preteiani* dicto, cùm à suis *Belulgiæ* appelletur, quod vetus est cognomentum, à superioribus regibus vsurpatum. Incomparabilis siquidem præstantiæ, immensique pretij gemmam id nomen significat. Proprium tamen nomen & cognomentum quisque Rex habet. Sunt autem homines solertia ingeniorum, & morum grauitate, vitæque & honesti cultus elegantia vel maximè præstantes; præsertim Sceuani regni incolæ, qui gratiâ principis plurimùm florent: nam tanquam rerum præsidēs populos regunt, & rempublicam principis auctoritate moderantur. In primis verò acerrimos se legum vindices exhibent, & in noxios quoscunque seuerissimè animaduertunt. Temere enim à religione desciscientes totius concursu multitudinis lapidibus obruunt, semel verò susceptæ religionis ritus, præceptaque temerè transgressos, & de Deo maximo, Diuisque impiè loquentes, in foro viuos comburunt, homicidas propinquis interfecti occidendos tradunt, furibus oculos eruit. Marium tentasse libidinem, quòd tamen apud finitimos Mahumetanos impune est, extremo supplicio crimen dignum censent. minora verò crimina scriptæ Legis interpretum arbitria subeunt. raros tamen pecunia, vel alterius rei pretium à decreti pœnis absoluit. Rerum autem Ecclesiasticarum primatem nomine Abunam habent. Is ab Episcopis electus, à Cophtorum tandem seu Alexandria Patriarchâ confirmatur. Duodecim ei subsunt Canonici, velut Assessores: quorum operâ

operâ & consilio in rebus gerendis vitur. Ex his Episcopos delectos consecrat: illi ab Episcopis ex sacerdotum numero eliguntur. Præter hos omnes plurima sub se habet Ordinis Sancti Antonij Monasteria: quorum monachi pileis tunicisque vtuntur prælongis, coloris crocei. Rem autem diuinam, ac sacra mysteria veteri Abyssinâ linguâ (quam antiquam Chaldeam esse dicunt) perficiunt. Extant Romæ Abyssinæ linguæ sacri codices typis excusi, quos Abyssini religionis causâ ab Hierosolymis Romam venientes pro insigni miraculo in patriam deferre solent. Romæ siquidem Christianæ professionis Abyssini post Diui Petri templum maximum proprium cum domo delubrum habent, vbi suo more sacra conficiunt, & Pontificis sumptu, Cardinaliumque piâ benignitate aluntur. Imagines pictas tantum (vt reliqui Orientis Christicolæ) in Ecclesijs habent. In publicis precibus tympanis vtuntur Turcicis, & instrumentis æneis, quæ manuum quodam motu percussa sonum edunt, suis hymnis & psalmodijs mirè congruentem. Psallentes assiduo corporis motu sese exagitant, vtrumque per vices flectentes genu. In psalmorum recitatione multo longiores Latinis, singulari disciplinâ ac mirâ quadam corporis fatigatione Laudes, Cantica, Precesque diuinas concinunt. Quadragesimæ tempus summâ eum abstinentiâ obseruant. Hebdomadâ Passionis Domini (quam Sanctam vocamus) sacrum, (feriâ quintâ & Sabbato exceptis) non perficiunt, nec se mutuo toto eo tempore salutant, cereôs vellos in Ecclesiâ accendunt. Sextâ feriâ Saluatoris nostri Passioni sacrâ (quo condolare se Passioni Christi magis testentur) mirâ quadam disciplinâ se mutuis verberibus afficiunt. Nihil prorsus eo die comedunt, nec ab Ecclesijs discedunt; sed orationibus, lachrymis, & disciplinis intenti, in proximum vsque Sabbathum ieiuni in templis pernoctant. Ipsa verò Dominicæ Resurrectionis nocte viri ac feminae simul conueniunt, tympanis, cytharis, alijsque instrumentis musicis personant, clamoribus cantuque dissono perstreperunt, ad plausum manuum choreas ducunt, ac vsque dum illucescat summo cum iubilo & corporis fatigatione tripudiant. Cæterum licet Christi doctrinam partim à Mattheo Apostolo, partim ab Eunuchio Cædaciæ Reginae Æthiopum per Philippum baptizato, se accepisse iactitent, religionis tamen sinceritatem Iudaicis ceremonijs & ritibus inquinantes, Iudaismum etiamnum in multis retinent, & pertinaciter defendunt. Ab impuris namque animalibus abstinent, Circumcisionem obseruant, eamque ad salutem necessariam prædicant. Neque viris tantum decidere præputia, sed è pudendis etiam mulierum carunculam præcidere solent. Sunt tamen qui putant Abyssinos Christianè quidem, & cum verâ Christianorum Fide infantes baptizare, circumcidere autem ad

honorē, non ad religionē, ad signū nobilitatis antiquissimæ, nullo merito, aut Iudaicæ fiduciæ respectu: quod si ita se res habeat, non sunt propterea magis damnandi, quàm si ratione sanitatis aut medicinæ causâ abstinere à carne suillâ, quam tamen Lex Mosaica prohibet. Veteres præterea Hebionitas sequuti, & diem Dominicum & Sabbathum sanctificant: hoc tamen magis reuerenter, quàm diem Dominicum, Baptizant, aquâ & igne, vt Cophiti, masculos quidem quadragesimo, fœminas verò sexagesimo à natali die; quod si interim mori infantem contingat, sufficere illi aiunt matris cum vterum gereret communionem. Baptismi Sacramentum diebus tantum Dominicis, Sabbatisve conferunt. Baptizatis statim Eucharistiam sub vtraque specie tribuunt. Quotannis in festo Epiphaniæ Domini speciem quandam anabaptismi, quoad externam formam, exhibent. Vniuersus enim populus in baptismi semel suscepti memoriam, & ad honorē Christi eo die baptizati magnâ celebritate Fidem de integro proficitur dein in flumen sese intingit, & aquis lustralibus adspergitur; quod & ceteris Orientis populis vñtatum est. Id autem, si externam speciem reigestæ respicias, anabaptismus esse videtur; si causam, voluntatem, & intentionem suscipientium, longè aliud esse eandem enim cum Catholicis efficientiam Baptismo tribuunt, nec anabaptismum necessarium ad salutem credunt. Singulis item annis Quadragesimali tempore solemnè legatione magno numero à suo Principe ad Iudeę sacratiora loca inuicendum missi, plurimos ibi transigunt dies, Deumque pro Regis sui salute, & bono regimine preces & vota offerunt. In reliquis Cophitorum ritus & errores sectantur. Plurimos tamen hæresi abiuratâ Catholicam Religionem amplexos crediderim, vel eo magis, quod qui Romæ morantur, & Pontificis ac Cardinalium sumptibus educantur, Catholicam profiteantur Fidem: quos nisi à Catholicis eò missos verosimile est.

Si quis autem Christicolarum Orientalium (quos supra recensuimus) mores, ceremonias, ritulque sacros rectè consideret, quamuis à Veritatis Orthodoxæ semitâ nonnullos aberrasse intelligat, vestigia nihilominus Veræ Fidei, & traditionis Apostolorū posteris reliquisse faciliè comperiet, dum animaduertit eos etiamnum sacra mysteria, diuersis licet ritibus & ceremonijs, eadem tamen opinione & fide cum Romanæ seu Occidentalis Ecclesiæ Catholicis suo quemque idioma te peragere, statis anni temporibus ieiunia celebrare, iisdem ab esu carniū omnino abstinere, Claustris Monachos concludere, Templis Episcopos, Archiepiscopos, Patriarchas ritè consecrare, In Choris preces Canonicas decantare, In mysterijs Eucharisticis sacra veste & ceremonijs yti, In aris Sanctorum & præsertim Crucis Christi icones,

nes, accensosque cereos non recusare, Præter Dominicum diem, plurimos etiam diuorum festos dies agere, eosque velut amicos Dei inuocandos censere, multosque alios observare ritus & ceremonias, quibus populum ad deuotionem & diuini numinis cultum excitent. Illorum autem hæc commenta esse qui nunc viuunt, vel paulò antè vixerint, nemo prudens suspicabitur, qui experienciâ teste didicerit nunquam in semotissimis mundi partibus disseminatos errores in eisdem ritus eandemque sententiam conspirasse. Atque hæc de Orientalium Christianorum cōsuetudine, ritibus, ceremonijs, & erroribus dicta sufficiat; nunc reliqua prosequamur.

C A P V T VII.

Ritus & ceremonia in creandis Militibus Hierosolymitanis observari soliti.

M S E C V N D O ab ingressu Sanctissimi Sepulchri die, qui quartus, Non Octobris, ac Diuo Francisco sacer erat, summo manè Peregrini omnes ad peccatorum confessionem se præparârunt: cœlestis nempe mensæ ut fierent participes. Mos siquidem est Peregrinis Catholicis, qui sacrum hoc accedunt Templum, in Antro Dominici Monumenti expurgatis primum sacramentali confessione peccatis, sacram sumere Synaxim. Delictis itaque omnium expiatis, & à Minoritis Precibus Horarijs (quas Matutinas vocant) absolutis, circa tertiam diei horam Reuerendū Guardianum pontificalibus indutum ornamentis Minoritæ unaque Peregrini omnes bini procedentes ad Sanctissimū Saluatoris Sepulchrum solemne ibi celebraturum sacrum deduxere. Sub finem verò mysterij (quod quidem egregiâ ac suavi symphoniâ peractum fuit) ad interius Sacellum Peregrini omnes admissi, ac cœlesti mensâ, ciboque salutari refecti sunt. Cū verò tres è nostro comitatu deuotionis ergo ac Fidei Zelo Sanctissimi Sepulchri Milites creari summo perè desiderarent, *Ioannes* nempe *Victorius*, nobilis, & *Patrius* Venerus, *Decimus Musanus*, nobilis item *Vicentinus*, uterque *Italus*, atque ego, indignus licet, atque omnium minimus, voti compotes facti, honore ac dignitate equestri insigniti sumus. Id autem quo ordine factum fuerit, quibusque ceremonijs creentur Hierosolymitani Milites, breuibus subicere visum est.

Guardianus, summi Pontificis pro Christicolis Occidentis in partibus Syriæ Vicarius, ac totius Palæstinæ Commissarius Generalis in creandis Sanctissimi Sepulchri equitibus, auctoritate Pontificiâ fungitur: Episcopali propterea dignitate præfulgens, ornamentis Pontifi-

calibus indutus Equitum creationem peragit, hoc fere ritu. Sacris mysterijs ritè peractis; futuros Equites salutari iam refectos cibo ad Sanctissimum Monumenti Dominici Antrum introduci iubet: breuemque ad eos de dignitate suscipienda Orationem habet: quâ quidem, quæ eis incumbant onera, quomodo in dignitate hac constituti postmodum se gerere, quale genus vitæ ducere debeant, declarat. Fungebatur munere Guardiani, cùm nos Hierosolymis essemus, Reuerendus Fr. *Euangelista Gabbianus Mediolanensis*, Sacræ Theologiæ Doctor eximius, qui priusquam equestrem nobis dignitatem conferret, Italico idiomate hunc fere in modum disseruit.

Dilectissimi in Christo Fratres; Moribus atque hominum institutis ita comparatum est, vt qui ad dignitatem aliquam adspirent, idoneos primùm se exhibeant, ijsque virtutibus eluceant, quæ ad ineundam illam dignitatem vel maximè requiruntur. Honos enim (qui virtutis præmium est) dignioribus iure debetur, non indignis, nec immeritis. Veruntamen cùm generosi animi sit fortitudine clarescere, virtute elucescere, obire res arduas, heroicisque actibus famam & gloriam cōparare: contrà verò vilis, abiecti, atque seruilis ingenij sit vitij sordescere, delitescere in sordibus, nilque præter lucrum quærere, & obscuram ducere vitam: Ego sanè, statum omnium vestrū si rectè considerem, hac obscuritatis maculâ minimè adpersos esse mihi persuadeo: qui spretis tot tantisque periculis, laboribus, incommoditatibus, & ærumnis, neque villo parcentes labori, nec sumptibus, nullâ spe lucri, nullo ambitionis, aut falsæ gloriæ stimulo; sed solo Christiano zelo, & deuotionis feruore accensi, ex remotissimis orbis regionibus huc aduolastis, vt Urbem hanc toto terrarum Orbe clarissimam, & sanguinis Christi adspersione nobilitatā, calcare pedibus, hoc sanctissimum ac gloriosum Saluatoris nostri Sepulchrum, à quo & gloria vestra dependet, inuisere, lachrymis rigare, deosculari, orationibus & precibus vestris frequentare, denique contemplatione mysteriorum Dei hoc loco peractorum frui liceret; quo sanè fortitudinis actu, etsi cetera deessent, quæ ad nobilitatem requiruntur, veræ nobilitatis formam induisse vos planè videmini. Si enim illi Nobiles animi dicuntur, qui gaudent mori, degeneres qui domi desident; quantò nobiliores censendi sunt, qui non inani quodam lustrandarum rerum exterarum desiderio feruntur; sed eò Peregrinationes suas conuertunt, vbi humanæ salutis mysteria ab Vnigenito Dei Filio peracta sunt; eam regionem peragrāt, quam ipse Natiuitate suā nobilitauit, calcavit pedibus, adpersit sanguine, ac præ ceteris totius Orbis prouincijs in sui domicilium & sedem elegit, Præceptis salutaribus imbuat, Miraculis illustrauit, Morte sacrauit, ac denique Resurrectione suā, & in cœlos Ascensione

scensione celeberrimam reddidit. Quæ cum mecum diligenter reuoluo, iniquissimum esse iudicaui, si vos æquissimo vestro desiderio. defraudarem. Prius tamen quàm id ipsum aggrediar, ac votis vestris faciam satis, nonnulla præmittenda duxi, quæ ad rem plurimum facere, ac vobis in primis scitu necessaria putavi. Exponenda siquidem sunt quæ in futuro milite requirantur, quæ ei incumbant onera, quibusque reddatur obnoxius, aperienda insuper postulata dignitatis conditio, ut iam in equestrem ordinem relati, vel eo magis vos viros exhibere; atque omnia ea quæ nobiles & generosos animos decent, summis viribus præstare conemini. Viget autem ab antiquo consuetudo, ut (qui huic ordini adscribi volunt) politicâ & ciuili nobilitate (quam plerique ex genere & virtute meriuntur) eminere, non illegittimo thoro nati, orthodoxæ Fidei deuoti, & nullâ turpitudine infames esse debeant: insuper à vitijs omnibus alieni, nullis inimicitijs inuoluti, nulla ambitione, aut gloriâ mundanâ ducti, sed solâ pietate honorem hunc expetere; denique id solum in votis habere, ut totis viribus studiisque illi fideliter militent, cuius Milites esse exoptant. Id verò Militibus incumbit oneris, ut contra Christi hostes acerrimos viros se & inuictos exhibeant, omni conatu Crucis trophæum defendant. Ecclesiam Christi eiusque fideles ministros, viduas & pupillos omni officio tueantur, iustæque causæ patrocinentur. Si vniuersale bellum ad Palæstinâ recuperandam indicatur, vitam, facultatesque suas exponant: si minus per se ipsos id liceat, per vicarios saltem idoneos id fieri curent. In omnibus denique suæ vitæ actionibus ita se gerant, ut profint omnibus, ob sint nemini; pietatem colant, iusticiam obseruent, charitatem in proximum exerceant, & irreprehensibiles sese in omnibus exhibeant. Hæc sunt quæ milites facere decet; hæc vos libenter sponsuros ut faciatis, imo vltro facturos, nunquam dubitavi. Quod verò ad generis nobilitatem attinet, etsi in futuro Milite vel maximè requiratur, si tamen probitate vitæ illam æquet, & virtutibus compenset; nequaquam respuendum huiusmodi duximus. Summa siquidem & vera nobilitas est, suis clarum esse virtutibus, atque ad eas à naturâ esse compositum. Nam Virtus apud sanioris iudicii homines semper Nobilitatis mater fuit habita: vnde rectè Chrysostomus ait; splendidum & nobilem non maiorum nobilitatem, sed animi virtutem efficere. Quare hanc ad militiæ Hierosolymitanæ dignitatem sufficere verè arbitramur. Qui enim à vitiorum sordibus abhorrent, & toto pectore ad virtutem incumbunt, non possunt esse ignobiles; dicente Deo apud Prophetam: *Quicumque honorificabit me, ego honorificabo eum: & quicumque contempserint me, erunt ignobiles.* Et alibi Scriptura ait; *Seruire Deo regnare est, ac summa ingenuitas; contrà autem vitijs immersum esse, vera est seruitus.* Ne verò

*Ad Antonium
Monachum
Melisse.*

1. Reg. 2.

verò vos lateat, quanti hæc dignitas, hodie Deo iuuante vobis conferenda, fieri apud omnes debeat, scitote non ab Imperatore, Rege, aut Principe aliquo seculari (quorum iuribus tamen derogatum haudquam volo) sed à totius Orbis Christiani Pontifice Maximo Christi in terris Vicario, ac Petri Principis Apostolorum legitimo successore, qui ipsi Imperatori diadema imponit, Imperij insignia tradit, & suâ cum auctoritate in supremo honoris gradu collocat, eam conferri. Hunc etsi præsentem non specteris, per eum tamen, quem ille hæc potestate dignatus est, id præstari, qui dubitet puto esse neminem. Hæc dignitas olim Militibus Hierosolymitanis Templarijs, viris multis nominibus clarissimis conferri solebat. Sed cum illi sensim à maiorum suorum virtutibus degeneres, vitæ suæ rationem negligerent, atque indies magis ac magis in peiora ruerent, tandem opibus, facultatibus, emolumentis, priuilegijs, dignitatibusque omnibus exuti, extremum excidium passi sunt; facultatibus magnâ parte à Romano Pontifice Ioannitis siue Rhodiensibus militibus, nunc Maltenensibus concessis; in cuius rei argumentum Crucem albam, lætitiæ & vtilitatis symbolum, pro insignibus gerunt: vos rubram, quod nullâ spe lucri, nullâ vtilitatis, aut emolumenti gratiâ, sed solâ diuini honoris promouendi, & defendendæ Religionis causâ militari hunc ordinem suscipiatis, nullam aliam inde sperantes mercedem, quàm solam supremi Ducis vestri benignam gratiam: qui non caduca, sed æterna largitur; qui vos quoque, si ritè & iustè munere vestro fungimini, perpetuâ beatitudine remunerabit, & cœlestis gloriæ faciet participes. Fruituri interim dum hac mortali vitâ potiri dabitur, omnibus iuribus, gratijs priuilegijs, immunitatibus, & dignitatibus, quibus Templarij, ac Diui Georgij milites olim gaudere solent. Dixi.

His dictis Minoritæ omnes Hymnum *Veni creator Spiritus* concinunt, mox solitis recitatis Antiphonâ, & Responsorio, Guardianus Deum orat his verbis.

Deus qui corda fidelium Sancti Spiritus illustratione docuisti; da nobis in eodem Spiritu recta sapere, & de eius semper consolatione gaudere, Per Christum Dominum &c.

Deinde Futurus Miles de cōditione suâ à Guardiano interrogatur, quæriturque quid petat, quis sit, an habeat vnde honestè viuere, ac militarem ordinem tueri possit: an firmiter statuatur, ac iurare velit militiæ Sacramentū, quod dicturus est, se nunquā deserturū. Ad quæ ubi genibus procubens responderit, leguntur à Diacono Leges infra scriptæ.

Audi fili mi, Sacramenta militaria hæc sunt.

Miles Sanctissimi Sepulchri singulis diebus habitâ oportunitate Sacrum audire debet.

Necessitate

Neceſſitate exigente bona temporalia, & vitam exponere, uniuerſale ſi bellum ingruat contra Infideles, aut ſi per ſe non poterit, mittere idoneum tenetur.

Sanctam inſuper Dei Eccleſiam, eiufq; fideles miniſtros ab eorum perſecutoribus defendere, & pro poſſe liberare eſt obligatus.

Iniuſta bella, turpia ſtipendia, & lucra, haſtiludia, duellum, & huiusmodi, niſi cauſam militaris exercitij, omnino vitare debet.

Pacem & concordiam inter Chriſti fideles procurare, Rempublicam zelare, & augmentare, viduas & pupillos defendere, iuramenta execrabilia, per- iuria, blaſphemiae, rapinas, uſuras, ſacrilegia, homicidia, ebrietatem, loca ſuſpecta, & perſonas infames, ac vitia carnis vitare, & tanquam peſtem ca- uere: Apud Deum & homines irreprehenſibilem ſe exhibere, ac etiam verbo & facto ſe dignum tanto honore demonſtrare, frequentare Eccleſiam, & di- uinum cultum augmentare tenetur.

Leſtis legibus rurſum interrogatur an eas ſe obſeruaturum ſedulo iurare ſit paratus. Vbi annuit, iuramentum præſtat huiusmodi.

Ego N. profiteor, & promitto Deo Ieſu Chriſto, & Beata Virgini Mariae hac omnia pro poſſe, ut bonus & fidelis Chriſti miles obſeruare.

Guardianus dein ante Sepulchrum Domini procumbenti manu imponitione benedicit his verbis.

Et tu N. eſto fidelis, strenuus, bonus, & robuſtus miles Domini noſtri Ieſu Chriſti, & ſanctiſſimi eius Sepulchri: qui te finito Mundi termino cum electis ſuis in gloria ſua collocare dignetur. Amen.

Mox porrigit calcaria deaurata, ut ea induat, tum enſem nudum, his additis verbis.

Accipe Sanctum gladium in nomine Patris & Filij & Spiritus Sancti (ter ſignum Crucis exprimens) & utaris eo ad deſenſionem tuam, ac ſan- ctæ Dei Eccleſiæ, & ad conſuſionem inimicorum Crucis Chriſti, ac Fidei Chri- ſtianiæ, & quantum humana fragilitas permiferit, cum eo neminem iniuſte ladas. Quod ipſe præſtare dignetur, qui cum Patre & Spiritu Sancto regnat Deus per omnia ſecula ſeculorum Amen.

Miles dein enſem Diacono reſtituit. Is eum in vaginam reponit, & Guardiano tradit. Guardianus eorurſum militem accingit, atque hæc addit verba.

Accingere N. gladio ſuper femur tuum potentiffimè, in nomine Domini no- ſtri Ieſu Chriſti: & attende quod Sancti non in gladio ſed per fidem vice- runt.

Enſe (quem Gotifredi Bullionij primi Hieroſolymorum regis fuiſſe affirmant) accinctus miles ſurgit, eumque ſtringit leuiter, ac Guardia- no porrigit. Mox genua fleſcit, & inclinato capite ſupra Sanctiſſimum Saluatoris noſtri Sepulchrū à Guardiano ordinatur hoc modo. Guar-

dianus ense plano tribus vicibus scāpulas eius percutit, atque hæc adjicit *Ego constituo & ordino te N. Militem Sanctissimi Sepulchri Domini nostri Iesu Christi: in nomine Patris & Filij & Spiritus Sancti; ter signo Crucis addito.*

Osculum dein Militi porrigit, & torquem aureum cum Cruce ex auro collo eius injicit. Est autem huic Ordini Crux rubea quatuor minoribus Crucibus circumdata pro symbolo. Ordinatus Sanctissimū Sepulchrum his ornatus insignibus osculatur. Hymno denique à Minoritis dicto *Te Deum laudamus* alijsque confuetis Antiphonis, Versiculis, & Responsorijs, hanc supra caput Militis Orationem ad Deum recitat Guardianus.

Domine Sancte Pater omnipotens aeternae Deus, qui cuncta solus moderaris, & rectè disponis: quique ad coercendam mi'itiam reproborum, & tuendam iustitiam, usum gladij in terris hominibus tuā salubri dispositione permisisti, & salutarem ordinem ad populi protectionem institui voluisti; clementiam tuam suppliciter exoramus, ut sicut David puero tuo Goliathem superandi largitus es facultatem, & Iudam Machabeum de feritate gentium nomen tuum non invocantium triumphare fecisti, ita & huic famulo tuo, qui noviter in gremio militie collum supposuit, pietate caelesti vires & audaciam ad Fidei & Iustitiae defensionem tribuas & praestes; Fidei Spei & Charitatis augmentum dones, timorem pariter, & humilitatem, perseverantiam, & obedientiam, & patientiam bonam concedas, & cuncta in eo rectè disponas, ut neminem cum gladio isto vel alio iniuste ledat, sed omnia cum coisusta, honesta, & recta defendat, & sicut ipse de minori gradu ad novum Militiae praevehitur honorem, ita veterem hominem deponens, cum actibus suis novum induat hominem; ut te timeat, amet, & rectè colat; perfidorum consortia vitet, & suam in proximos charitatem extendat, in seque incunctis officium suum exequatur. Per Iesum Christum Dominum nostrum &c.

Finita Oratione Miles insignia supra Sanctissimum Christi Sepulchrum deponit, & egreditur. Quod si plures adsint ordinandi, primò ordinatus interim in atrio Dominici Sepulchri remanet, precibusque vacat; atque ita unus post alium introducit, & ordinatur, eodem, quem diximus, modo.

Egressos Antro Dominico Milites, Minoritæ ac cæteri qui adsunt Peregrini Occidentales, hilari ac læto animo excipiunt, Osculo saluant, honorem gratulantur; Christianis Orientis (qui in Templo commorantur) horum omnium in seipsos. Veretur enim Guardianus ne ab his deferatur hic actus. Quare omnia summo silentio peragit.

Recensendæ quidem hæc erant Leges siue constitutiones à Carolo Magno, Ludouico Pio, Philippo Sapiente, & Ludouico Sancto, Gallicarum Regibus, & Gotifredo Bullionio, præcipuo ordinis instauratore,

core, huius instituti equitibus præscriptas; sed quia ex autographo eas in suo Itinerario recitat Iacobus Villamontius, Eques Hierosolymitanus, ad eundem Lectorem remittimus. Cæterum quod ad dignitatem & antiquitatem huius equestris ordinis attinet, sunt qui antiquissimum eum iudicent, ac cæteris omnibus militaribus ordinibus antiquiorem existiment; nec desunt, qui eius originem ad Sanctum Iacobum fratrem Domini Episcopum Hierosolymitanum referre contendant, alij ad Constātinū Magni imperiū rejiciunt. Vt vrest, id sanè constat, Sanctam Helenam eius matrem, post inuentam Crucem Domini, inter alia pietatis monimenta in loco Sepulchri Dominici templum erexisse in honorem Resurrectionis Domini: cui consequenti ætate adiunctum fuit Canonicorum regularium Diui Augustini collegiū, eiusque Sodalibus Sancti Sepulchri custodia demandata: qui multis sæculis etiam occupatā postea à Saracenis Hierosolymā, in eo officio gnaviter perstiterunt, adeoque (annuo barbaris persoluto tributo) Peregrinos quoscunque S. Sepulchrū visendi studio ad urbem confluentes, suis in ædibus iuxta S. Sepulchrū constitutis, perbenignè susceperūt; vnde & Hospitalariorum nomen meruere. Gotifredi autem Bullionij auspicijs, Vrbe barbaris creptā, eiusdē auctoritate Sodalium siue Hospitalariorum constantia, ac laudata virtus, tot annis infidelium vinculis coërcita, tandem quasi relaxata in apertum prodijt, atque in tantū excrevit eorum fama, vt multi ex vniuersā pænè Europā animis & armis hisce consociati, aduersus barbaros & infideles Christianam fidem fortissimè tutati fuerint, nomenque Christianum per florentissimas Orbis regiones plurimum propagarint: quorum incredibili virtute factum est, vt Christianis Principibus Palæstinam moderātibus, Christianorum res in Orientis partibus fæliciter cesserint: sed gliscente tandem inter Principes Christianos discordiā, atque per intestina bella distractis Christianorum animis, vrbeque Hierosolymā à barbaris rursus occupatā, bellicosissimi Sodales Palæstinā discedere coacti sunt: quorum alij in Italiam secedentes, sede Perusiæ constitutā, alij ex voluntate Innocentij viii Pont. Max. in societatem Rhodiorum equitum adsciti sunt: alij ad propria, dum copiz aduersus communē Christiani nominis hostem restaurarentur, remearunt. Interim tamē haudquaquam in desuetudinem abiit creandorum Militum solemnīs vsus ac ritus; sed in ipsā Hierosolymorum vrbe in hodiernum vsque diem à Summi Pontificis Vicario obseruatus est: vt hinc plurimi & Duces, & Principes, ac viri illustres, alijque virtutibus insignes ex vniuersā pænè Europā ad Urbem confluentes, huic Militiæ nomina dederint, & equestri hac dignitate insigniti fuerint. Nec defuere ex nostrā Patria Principes, & viri nobiles, qui in equestrem hunc ordinem omni ferè

*Itin. Ter. S.
Barthol. à Sa-
ligniaco.
Petr. Bellon.
c. 14.
Euseb. lib. 3.
de vit. Con-
stant.*

etate adscripti fuerint: quorum nomina aliquot, quæ ad nostram peruenire notitiam, hic subnectere visum est.

- D. Ioannes Heusda, Dominus eius nominis primus.
 D. Theodoricus eius nominis tertius, Comes Hollandiæ.
 D. Ioannes eius nominis primus Dominus ab Archel.
 D. Robertus cognomento Friso, tutor Hollandiæ, Comes Flandriæ.
 D. Wilhelmus Heusda Dominus, Ioannis secundi Filius.
 D. Ioannes Heusda Dominus, eius nominis quartus.
 D. Walterus ab Egmondâ, cognomento Nequam siue malus.
 D. Gerardus ab Egmondâ, Walteri mali Filius.
 D. Gerardus ab Egmondâ, Wilhelmi Filius, Walteri mali nepos.
 D. Ioannes eius nominis tertius Dominus ab Archel.
 D. Ioannes eius nominis quintus Dominus ab Archel.
 D. Ioannes eius nominis sextus Dominus ab Archel.
 D. Ioannes eius nominis decimus Dominus ab Archel.
 D. Ioannes eius nominis nonus Heusda Dominus.
 D. Wilhelmus Wateringa Dominus.
 D. Ioannes de Abcoude, Dominus de Duerstede.
 D. Ioannes de Montfoort, Henrici Filius.
 D. Herbernus à Buttersloot, Filius Hugonis.
 D. Henricus à Naelwyck, Wilhelmi Filius.
 D. Reinoldus Bredenoode Dominus, Aurei velleris postea Miles sub Philippo Burgundionum D. ce.
 D. Suederus à Culenburgo Ioannis quarti Filius.
 D. Wilhelmus de Abcoude Dominus de Duerstede.
 D. Ioannes de Suylen.
 D. Lodouicus de Montfoort.
 D. Henricus de Nyenelt.
 D. Wilhelmus de Montfoort.
 D. Fredericus Vtenham.
 D. Otto Snappius.
 D. Ioannes de Rynesse.
 D. Stephanus de Nyenelt.
 D. Florentius ab Oey.
 D. Ioannes de Huter.
 D. Paulus à Veliwyck.
 D. Carolus Sandelin.
 D. Antonius à Merthen, Dominus de Essfeyn.
 D. Iacobus de Bronchorst Dominus de Ryswyck.
 D. Ioannes de Asperen Dominus de Vueren.
 D. Laurentius de Voocht de Ryvenelt.
 D. Rodolphus Camps, I. V. D. Canonicus Traiectensis.
 D. Theodoricus Cast. Canonicus Traiectensis.
 D. Ioannes Walderiaulx Canonicus Traiectensis.
 D. Cornelius de Voorn Canonicus Traiectensis.
 D. Henricus de Leuven Canonicus Traiectensis.
 D. Stephanus de Witte.
 D. Ioannes de Vchtenbroeck.
 D. Iacobus


*D. Iacobus Taets ab Amerongen Teutonicorum Equitum apud Ultraiectinos
supremus Praefectus.*

Abfolutis autem à Guardiano ceremonijs, in creandis Militibus obferuari folitis, ac Deo Opt. Max. gratijs habitis, cum iam hora inftaret quâ Turcæ pro more redire folent, fores Ecclefiae reteraturi, Minoritæ cæteri que ante egressum loca omnia vtriusque Templi myfterijs clara denuo vifitarunt, ac mox apertis Ecclefiae valuis ad fua fe recepere domicilia. Quatuor foli Peregrini vnà cum Fratre *Ludonico Siculo* Monafterij Vicario feniore, viro innocentiffimo apud Minoritas in Sanctiffimi Sepulchri delubro manfimus. Horum habitacula iuxta Sacellum Apparitionis Beatiffimæ Virginis in aliquot cellulas diuifa funt. Tres inibi affiduo hærent religiofi: duo sacerdotes, tertius laicus. Horum fenior Præfes Sanctiffimi Sepulchri dicitur, ac cæteris imperat: omnes tamen Guardiano parent. Hæsimus inibi feptem continuos dies, crebris quotidie Sacrorum locorum vifitationibus maximâ fpiritus lætitia & confolatione reficientes animum. Interim quæ victui neceffaria erant, fingulis diebus à Guardiano fuggerebantur. Confuetudo fiquidem apud Francifcanos iam dudû inoleuit, vt Peregrinos Occidentales, quamdiu Hierofolymis moram trahunt, perque circumvicina peregrinantur loca, alant omnes, ac quæque ad victum neceffaria fuppeditent. Id tamen nequaquam gratis fieri quis putet, fed gratiam gratiâ compenfandam nouerit; cùm eodem animo debeatur beneficium quo datur, atque improbus ille exiftimandus fit, qui beneficium feit fumere, & reddere nefcit. Solet itaque quifque Peregrinus fub difceffum largam Monafterio exhibere eleëmofynam, & vt opes ferunt acceptum beneficium remunerare.

Septimo ab ingreffu die (qui feptimus Eid. Octobris erat) fub hœram diei tertiam apertis Templi foribus intromiffi rurfus fuerunt, præter Chriftianos vrbis Hierofolymæ incolas, Minoritæ omnes. Hi ftatim folemnibus facris fe accingunt: illi facra loca curfim vifitant. Poft facra completa myfteria, & reliqua pietatis officia, exire iuffi omnes, non abfque ingenti animi dolore atque afflictione fpiritus exceffimus, iam enim guftum aliquem ex cõfolatione (quam diuinis myfterijs hoc loco contemplandis fentiebamus) haurire inceperamus. Parendum tamen fuit neceffitati, cum hære inibi diutiùs non daretur. Ad Monafterium reuerfi mox à prandio de Chrifti incunabilis proximo die vifendis actum fuit. Interpreti dato negotio, vt Mucharos afinoſque conduceret.

CAPVT VIII.

Varia antiquitates in itinere Bethleëmitico conspectæ. Bethleëma situs, tractus, conditio, Delubri amplissimi, ac Monasterij contigui descriptio.



A Hierusalem.
 B Fons Gihō inferior sive Bersabee.
 C Terebinthus Virginis.
 D Domus Simeonis iusti.
 E Cisterna trium Regum.
 F Sacellum Abacuc.
 G Monasterium & Templum
 D. Helie.
 H Helie effigies lapidi impressa.
 I Domus Iacob Patriarchæ

K Campus Iacob.
 L Sepulchrum Rachel
 M Rama.
 N Cisterna David.
 O Monasterium Bethleëmiticum.
 P Domus Iosephi.
 Q Villa Pastorum.
 R Puteus Pastorum.
 S Tecua.
 T Montes Arabia.

PROXIMA luce sexto Id. Octobris vnâ cum Mucharis, socijsque itineris, Vicario nempe seniore, & Nicolao Mediolanensi Minoritis, itemque Baptista Hierosolymitano, Monasterij Interprete, iter aggredimur, & per Iassæ portam egressi, iuxta Urbis muros pergentes, Castrum Pisanum, à Pisanum Italiae Urbis incolis sic dictum, ad læuam reliquimus.

liquimus. Inde viâ decliui ad sexaginta passus progressi, ponteque lapideo seu aquæ ductu vrbis superato, vallem inter montes Sion & Gihon mediam transuimus, Bersabeæ piscinam ad læuam relinquentes. Hæc olim pomario eius inclusa, hodie muro vtrimquo circumdata, formam refert quadratam, oblongam; continetque fontem à meridionali latere, ex quo in labrum lapideum aqua defluit, ad ad-aquanda iumenta percommoda, estque è regione Montis Sion, haud procul à ruinis Palatij Davidis. Hic fontem ingressa Bersabea; quam vt David vidit, in eius amorem exarsit. Valle superatâ, per lapidum acervos, atque edificiolorum rudera Meridiem versus continuantes iter, viâ accliui, pagum à læuâ prætergredimur, quem ab iniquo contra Christum Saluatorem à Scribis & Senioribus populi habito consilio (vt volunt) Villam Caiphæ, vel Mali consilij vicum vulgò nominant. Is situs est in vertice collis, è regione Montis Sion; constatque paucis tugurijs, Maurorum habitaculis. Inde rectâ Meridiem versus, viâ quæ ad Ebron ducit, perreximus. Hæc vltro citroque feraces amœnosque colles, vitibus, ficibus, oleisq; satis cultos exhibet, ac multis turribus, licet semidirutis, per agros ad vsum vineatorum exstructis, lætum iter facientibus reddit ad spectum,

Vbi ad mille quingentos circiter passus processimus, ad dextram in summitate collis ostensum fuit ædificium vetustissimum, ruinosum, & semidirutum, quadratæ formæ, turris instar amplissimæ; quod Simeonis Iusti (qui Christum Dominum à parentibus Deo in Templo præsentatum in vlnas accepisse, & benedixisse legitur) quondam habitaculum fuisse opinantur.

Paulò vltèrius, ad læuam in ipsâ viâ sub terebintho vetustissimâ, quâ Mauri Botin nuncupant, ex asinis descendimus, precibusque eo loci Deo Opt. Max. eiusque Matri Beatissimæ porrectis, ramos aliquot deuotionis ergo collegimus. Orientis Christicolæ arborem reuerenter obseruant, atque in memoriam Virginis, dum illac transeunt, precibus vacant. Ferunt siquidem Virginem Mariam sub eâ cum dilecto filio sæpius quieuisse, cum Bethleëmâ Hierosolymam peteret. Quod quidem verum esse crediderim, vel eò magis, quod vetustissima & vnica sit, quæ hoc itinere in viâ occurrat, latoque habeat ramos, & densa folia, quæ locum feruoribus æstiuis aptissimè opacant.

Ad mille circiter passus procedentibus in ipsâ viâ ostensa nobis fuit Cisternâ vetus, magnis sectisq; lapidibus strata, quam Magorum seu Stellæ Cisternam vulgò appellant. Stella enim, quæ Magis in Oriente apparuerat, dein Hierosolymam euntibus se absconderat, cum huc Regem Iudæorum Bethleëma quæsituri venissent, rursus ab ipsis visam fuisse veterum memoriâ proditum est. Hic iterum ex asinis descendimus,

dimus, dumque precibus intenti hîc subsistimus, à Minoritis sequentia fuere recitata.

Antiph. Et ecce stella quam viderant Magi in Oriente antecedebat, usque dum veniens staret supra locum ubi puer erat.


Vers. Videntes autem stellam Magi.

Resp. Gausi sunt gaudio magno valde.

Oratio. Deus qui unigenitum tuum gentibus stellâ ducere cœlosti; concede propitius, ut qui iam te ex fide cognovimus, usque ad contemplandam speciem tuam celsitudinis perducamur. Per eundem &c.

Daniel. 14.

Paulò ulterius ad dextram, in cliuo collis proximi, Ædiculam sacrâ inuimus, collapsam penitus, solis muris vtrique extantibus. Prophetæ Abacuc dicatam, quod ibi ab Angelo capillis apprehensum, & in Babylonem delatum ad Danielelem Prophetam, ut eum in Lacu Leonum dapibus, quas ad messorum suos deferrebat, Dei iussu cibaret, veteres prodiderunt.



A Monasterium siue Domus Heliae
Prophetae.

C Templum Abacuc.

D Cisternatrium Regum.

B Effigies Prophetæ saxo impressa.

Inde ad iactum lapidis à læuâ viâ Templum cum Monasterio occurrit, Eliæ Prophetæ titulo clarum, quadratæ formæ, ad instar castri, muris altissimis circumdatum, ostio ferreâ laminâ obducto, occlusum contra Arabum & latronum vastationes, firmum ac tutum Monachis receptaculum: qui numero xvi. ex Calogerorum cœtu domicilium inibi habent, & vicinos agros colunt, possidentque oliueta nonnulla Monasterio adiacentia, & muro à viâ regiâ diuisa. Iuxta angulum meridionalem exterioris muri Oliueta cingentis, in ipsâ viâ, humana effigies ostenditur, lapidi durissimo impressa; quam Eliæ Prophetæ figuram representare ferunt: quem & natum eo loci prædicant.

Hinc

Hinc rectâ decedentes viâ, quâ Ebron itur, ad læuam defleximus, viaque deuexâ ad Orientem perreximus, valliculas modò apricas, modò colliculos amœnos superantes.

Inde ad quartum milliarium vbi ventum fuit, latam offendimus planitiem, pascuis vberriam, oleis etiam ex parte cultam, quam vulgò Campum Iacob nominant. Tabernacula siquidem eo loci constituisse Patriarcham post mortem Rachelis vxoris, ac pecus suum pauiſſe traditur. Quo loco etiam Ruben thorum patris violasse legitur. In eius medio ingentes etiamnum extant ruinæ, Monasterij & templi (cui titulus olim fuit Sanctorum Angelorum) reliquæ. Vtrumque à Diuâ Helenâ eodem in loco fertur exstructû, quo olim Turris Pastorum seu Ader exitit. Iuxta hanc turrin pastores nocte Natalis Domini vigilantes super gregem suum audire meruerunt canticum illud angelicum *Gloria in excelsis Deo, & in terra pax hominibus bonæ voluntatis*. Ruderibus ruinisque superatis viâ equidem difficili, ad Templum tandem, lapidum & ruinarum aceruo pænè obrutum, peruenimus. Id arcuato constructum opere, partem duntaxat fornicis reliquam habet, adeoque ruinis & immunditijs sepultum est, vt horridam potiùs speluncam, quam Fanum putes. Precibus hîc à nobis pro more, & Angelico Cantico à Minoritis, nec non à Vicario sequenti Oratione dictâ, ad superiora redijmus.

Gen. 16.

Nicoph. lib.
30. c. 3.

Oratio. Deus qui miro ordine Angelorum ministeriâ hominumq; dispensas; concede propitius, vt à quibus tibi ministrantibus in cælo assistitur, ab ijs in terra vita nostra muniat. Per Christum &c.

Inter saxa & templi rudera nobiles hæ nascuntur plantæ Maron, Tragoriganum, Thymbra, Onitis, Origanum Heracleoticû. Spectatur insuper ad Austrum non longè ab hoc loco collis rotundo vertice, cæteris circumiacentibus excelsior, quondam arce firmissimâ, in eius summitate à Christianis exstructâ, nobilis; cui Thecua olim, postmodû Bethulia nomen fuit: quam expugnatis iam Hierosolymis, ac totâ Palæstinâ à Mahumetæis subactâ, per quadraginta & ampliùs annos fortiter inuicti Christiani milites propugnarunt, atque à Barbarorum insultibus vindicarunt: donec tandem grassante inter eos morbo derelinquere arcem coacti, ad Libanum montem aufugerint, è quibus Drusorum gentem originem traxisse nonnulli existimant. Ex eo quoque loco videre est Engaddi montes altissimos, Balsami hortis, & fugâ Dauidis notabiles. Ostensi adhæc eminus fuere montes altissimi Seir, Abarim, & Nebo, ultra mare Mortuum positi: ex quorum vertice eminentissimo Moyses vniuersam terram Promissionis, quam ingredi ipse non potuit, procul conspexit. Monasterij ruinis egressi, ad Occidentem fleximus, Bethleëmam versus. Mox in ipso itinere occurrunt no-


bis Mauri, proximi pagi (cui à Pastoribus nomen est) incolæ, cafarros postulant: quibus numerare maidinos aliquot necessum fuit. Vbi ad pagum venimus, alij rursum adfunt Mauri, viam intereludentes: quibus rursus, vt abitum concederent, maidinos aliquot, quos sibi pro cafarris deberi afferebant, soluere oportuit. Pagus hic situs est in colle non multum eminenti, sed saxoso, cryptis & cauernis plurimis pertuso, & ferè concauo; cui Septentrionem versus subiacent nitidissima quædam & amcenissima oliueta. Incolæ omnes Mauri sunt, pauperrimi quidem, atque omnium egentissimi, Solis ardore penè exusti, & macilentissimi, nullis amicti caligis, nec subligaculis, pedibus nudi, præter indusium autem gossypinum, vestemque laneam simplicem, è camelorum aut caprarum pilis diuissim contextam, crurum tenus dependentem (quam Haba vel Gaba vocant, & cingulo è corio mediam cingunt) quo se tegant habent nihil. Partim verò cauernas, & excisa in cauitibus antra, partim domunculas humiles, & angustas, è lapidibus & limo rudi modò conglutinatiss, atque arborum ramis argillâ obuolutis, ad modum pauimenti testas, inhabitant.

Ad extremum huius pagi occidentale latus, Puteus extat aquæ optimæ; è quo mos est Peregrinis eà transeuntibus aquam haurire, & haustam deuotionis ergo bibere: quò minus tamen id nobis liceret, obstitere Mauri, qui nec precibus nec precio induci potuerunt, vt nobis aquæ haustum concederent. Dum enim nos istac transiremus, lapideâ tabulâ os putei Mauri obdiderant. Ferunt Orientis Christicolæ Virginem Mariam cùm illac iter faceret, petijssè ab incolis, vt sibi sitis extinguendæ causâ aquam haurire permitterent, quod cùm ei negassent, diuino miraculo puteum redundasse, atque ita Virginem Beatissimam commodè sitim subleuasse. Hinc rectâ pergentibus Occidentem versus, ad proximi collis radicem, sacra occurrit Ædícula, semidituta, & ruinis plena, eo exstructa (vt fertur) loco, quo olim ædes Iosephi nutritoris Domini extitere; in quibus ab Angelo in somnijs admonitus fuit, vt in Ægyptum cum Virgine & puero Iesu aufugeret. Nos supra Templi ruinas (vt mos est) Preces Deo fudimus, Minoritis interim rem gestam ex Euangelio recitantibus.

Matth. 2.

Inde è nostris aliqui pedibus viâ accliu ad proximi collis verticem pergentes, per hortos Monasterio Bethleëmitico adiacentes, ad proximum properarunt Fanum: reliqui viâ, quæ rectâ ad Monasterium ducit, iter in asinis continuârunt: ac quartâ tandè horâ ad ipsum peruenimus delubrum; ad cuius fores benignè admodum à Monasterij Guardiano, cæterisque Minoritis excepti, ad penetralia deducti sumus. ¶

Situm est Monasterium cum Fano contiguo (cui Sanctæ Mariæ ad præsepem nomen est) in colle humili, ad orientale latus: formamque refert



refert quadratam, oblongam, longitudine se ab Oriente in Occidentem protendente, muris, turribusque præaltis, instar Arcis, vndeque cinctum, & contra frequentissimas Arabum excursiones; ac depredationes munitum, ac tutissimum Monachis refugium, & firmum propugnaculum. Muris olim ciuitatis Bethleëmæ fuisse comprehensum, atque eo exstructum loco, quo ædes Isai patris David quondam extitere, nonnulli autumant. Hodie ab oppido seu pago ad iactum sagittæ abest. Delubri ostium, per quod vnicus ad Monasterium patet aditus, adeò angustum & depressum est, vt nisi incuruato corpore intrare nequeas, ostiolo ferreis laminis contra ignem obiecto. Ingressibus primò occurrit porticus amplissima, arcuato opere: quam transgressis valvæ sese offerunt lignæ, altitudinis circiter pedum duodecim, latitudinis octo; quæ nunquam aut rarò aperiuntur, clathris in Crucis modum sese interfecantibus, obiectis; vnico angusto ac depresso patente ostiolo, per quod ad Delubrum transitur. Sunt autem valvæ vetustissimæ, ex cedrinis lignis, Syriaco opere, literis Arabicis insculptis.

- 1 Primus introitus templi.
- 2 Secundus introitus templi.
- 3 Porticus Templi.

- 3 Nauis Eccl. sive.
- 4 Sacellum Armeniorum, Coptitarum, Iacolarum.

F f 2

Altare

- | | | | |
|----|-------------------------------|----|--|
| 5 | <i>Altare Circumcisionis.</i> | 12 | <i>Refectorium, culina aliq. cubi- cula Minoritarum.</i> |
| 6 | <i>Chorus Ecclesia.</i> | 13 | <i>Turris ruina.</i> |
| 7 | <i>Templum D. Catharinae.</i> | 14 | <i>Habitacula Armeniorum.</i> |
| 18 | { <i>Horti.</i> } | 15 | <i>Habitacula Græcorum.</i> |
| 8 | { <i>Habitacula.</i> } | | |
| 9 | <i>Area.</i> | | |

Niceph. Hist.
Eccles. lib. 8.
c. 8.

Delubrum id ab Helenâ Constantini Magni matre, siue (vt alij vo-
lunt) à Placidiâ, & Eudoxiâ, Theodosij iunioris sorore, & vxore, à fun-
damentis erectum, pulcherrimæ sanè ac regiæ structuræ opus est. Tã-
tam autem præ se fert magnificentiam, splendorem, atque elegantiam,
vt vix inuenias templum quod ei comparetur. Quadraginta quatuor
siquidem prægrandibus columnis, ijsque marmoreis verlicoloribus in-
nititur, quæ in quatuor ordines numero vndenario diuisæ, symmetriâ
quintuplicis porticus elegantem per Templi longitudinem efficiunt.
Pauimentum è marmore constat candidissimo. Muri interiores omnes
à pauimento ad columnarum vsque epistylia tectorio olim marmorato
fuere expoliti. Id tamen abhinc annis aliquot à Turcis ablatum, atque
ad ornatum Templi Salomonis translatum, Templi magnificentiam
nonnihil obscurauit. Reliqua muri pars, quæ ab epistylijs vsque ad te-
ctum assurgit, massiuo seu tessellata opere Veteris Testamenti exhibē-
te historias, mirando artificio, & colorum varietate distincto, tempo-
ris tamen iniuriâ ex parte corroso, & labefactato, exornata est. Tectum
plumbeis coopertum laminis, è lignis constat cedrinis. Chorus, item-
que sacella vtrunque posita marmoreis fornicibus conspicua, plurimis-
que columnis è marmore decora, è concamerato constant opere, sunt-
que ab inferiore delubri parte, muro alto pedes septem, tria continente
ostia, medio obstructo, separata. Sacellum ad dextram vnicum habet
altare, eo loco quo puerum Iesum factum sub lege primitias sanguinis
dum circumcideretur, effudisse traditur: estque Latinorum sacris de-
stinatum. Quod ad sinistram extat, tria, quæ in honorem trium Regū
dedicata, ad Armenios, Cophtos, & Iacobitas pertinent: in quibus
suo singulis assignato altari, sacra mysteria statis diebus suo ritu cele-
brant. Græci Chorum possident: in cuius arâ maximâ singulis diebus
Dominicis, festis que maioribus sacrum peragunt. In festo verò Nata-
lis Domini quotquot Orientis Christicolæ Hierosolymis commoran-
tur, turmatim hoc in Templum conuolant, vt suis quisque sacris in-
tersint: quælibet enim suo more natio Deum hîc laudat, cantibus per-
strepit, tubis & sistris intonat, thure, vnguentis, aromatibusque odori-
feris loca sacra adolet, perungit, contrectat, deosculatur. In inferiori
Delubri parte, ad latus meridionale Fons visitur baptismalis, elegantis
operis,

operis, è marmore Pario, & in ipso alveo aliud vas marmoreum mixti coloris, in formam Crucis excisum. Ad latus oppositum ostiolum ferreis laminis vestitum, ad peristylum Monasterij præbet aditum: quo per Minoritas ad interiora admissi, lotis mox manibus & facie, excussoque pulvere, ad Fanum Divæ Catharinæ ducti fuimus. Id aquilonari maioris Ecclesiæ lateri adhæret, & septis Monasterij comprehenditur: estque non valdè amplum, Minoritis tamen percommodum: nam sacrum inibi quotidie peragunt, Horarias Preces (quas Canonicas vocant) concinunt, ac Sanctissimum Eucharistiæ Sacramentum honorificè capsâ ligneâ deauratâ asservant. Indulgentiæ à Romanis Pontificibus montem Sinæum (vbi Lex data Moyfi) visitantibus concessæ, hanc quoque ædem accedentibus impartiuntur. Precibus hîc Deo redditis, solemni Processioni seu Supplicationi se præparârunt Minoritæ: quæ more Hierosolymis observato peragitur. A Templo autem Divæ Catharinæ sumitur initium, descenditurque per gradus lapideos sexdecim, & Meridiem versus quasi passus centum ad Natiuitatis Domini Antrum proceditur, per meatus obscuros, atque omni prorsus lumine carentes. Lychni tamen aliquot pensiles diu noctuque locum illustant. Priusquam verò perueniatur ad locum Natiuitatis Domini, ad dextram occurrit Eusebij antrum, eiusque sepulchrum: deinde Innocentium Sacellum. Quo transito, atque oblongo arctoque quodam superato Antro, ad Sacellum Natiuitatis & Præsepis Domini acceditur. Catholici iuxta Sacelli ostiolum calceis relictis, nudis pedibus sacrum locum ingrediuntur, ac rectâ ad Altare Natiuitatis Domini procedunt: vbi primùm flexis genibus orant. Interim dum ad hunc itur locum, post recitata in Templo Divæ Catharinæ sequentia,

*Vers. Te ergo quasumus tuis famulis subueni,
Quos pretioso sanguine redemisti,*

Hymnus concinitur à Minoritis *Christe redemptor omnium &c.* in die Natiuitatis Domini in Ecclesiâ cantari solitus. Quo finito, Antiphonam psallunt tabulæ ligneæ frontispicio altaris Natiuitatis Domini inscriptam his verbis:

Hic de Maria Virgine Christus natus est; hic Saluator apparuit, hic cecinerunt Angeli, latati sunt Archangeli; hic exultant iusti, dicentes Gloria in excelsis Deo.

Vers. Verbum caro factum est. Alleluia.

Resp. Et habitavit in nobis. Alleluia.

Guardianus dein Deum precatur hac oratione.

Concede quasumus omnipotens Deus, vt nos Vnigeniti tui noua per Carnem Natiuitas liberet; quos sub peccati iugo vetusta seruitus tenet. Per eundem Christum &c.

Hieron ad
Marcel. vi-
duam.

His præhabitis, propius ad ipsum Natiuitatis locum, sub ipso altari positum, atque æternâ memoriâ omnibus fidelibus honorandum, flexis genibus adrepunt omnes, deosculantur, lachrymis rigant, Iesum, quæ Saluatorem tenellum infantulum à Virgine Matre castis visceribus atque illibato pudore hîc editum, suppliciter adorant. Dein Meridiem versus, ad dextram flectendo per duos marmoreos gradus ad Cunas, seu Præsepe Domini descenditur: in quo vnicus Dei Filius fascibus inuolutus, à Virgine Matre in duorum animalium medio positus, ab iisdem agnitus, & à pastoribus adoratus est. Dum verò hîc sistitur, sequens concinitur Hymnus:

Quando venit ergo sacri plenitudo temporis &c.

Antiph. Pastores venerunt ad præsepe sistinantes, & inuenerunt Mariã, & Ioseph, & Infantem positum in præsepio. Alleluia.

Vers. Notum hic fecit Dominus. Alleluia.

Vers. Salutare suum. Alleluia.

His dictis Deum hac affatur Oratione Guardianus.

Oratio. Domine Iesu Christe, qui humiliter in diuersorio isto nasci, ac in Præsepio inter asinum & bouem collocari, à Mariã Virgine & Ioseph primitus adorari voluisti; da nobis quæsumus in diuersorio Pœnitentiæ renasci, ac in Præsepio Passionis tuæ inter Diuinitatem & Humanitatem tuam continuò collocari, & à Mariã Virgine & Ioseph Sancto discere te solum & verum Deum venerari. Qui viuis &c.

Peractis ibidem Orationibus, & Deoscultationibus solitis, Altare quod ex aduerso est, sub eodem specu acceditur: dicunturque hæ preces & cantica.

Hymnus. Ibant Magi quam viderant Stellam sequentes præuiam &c.


Antiph. Apertis hîc thesauris suis, obtulerunt Magi Domino Aurum, Thus, & Myrrham. Alleluia.

Vers. Homines de Saba venient Alleluia.

Resp. Aurum & Thus deferentes. Alleluia.

Oratio. Deus qui in hoc sacratissimo loco Vnigenitum tuum Stellâ duce reuelasti; concede propitijs, vt qui iam te ex Fide cognouimus, usque ad contemplandam speciem tuæ celsitudinis perducamur. Per eundem Christum &c.

A Locus



- A* Locus natiuitatis Domini nostri Iesu Christi.
B Præsepium Dominicum seu locus Præsepj.
C Ara trium Regum.
D Gradus utrimq; positi, quibus è superiori Ecclesia descēditur ad Natiuitatis specum.
E Gradus seu descensus ad Præsepj locum.

Est autem Sacellū & Natiuitatis & Præsepj Domini specus subterraneus, in rupe excisus, cuiusmodi etiamnum plurima ijs in locis visuntur antra; præfertim verò in Villa pastorum, de qua suprà egimus; quæ habitationis & stabuli loco Mauris sunt. Sitū habet sub Arâ Maximâ superioris Ecclesiæ, desuper postmodum ædificatæ; formamque refert oblongam, si Præsepj locum demas: eo addito, triangulum constituit: longitudine, quæ ab Ortū in Occasum protenditur, pedes circiter quadraginta, latitudine duodecim, altitudine quindecim continens. Pavimentum itemque parietes è candido constant marmore, tabulis nempe marmoreis obducti. Fornix tessellato opere olim ornatus; hodie, temporis partim iniuriâ, partim lampadum septem, continuo ibi ardentium, tumo adeò obscuratus est, ut vix opus ipsum quale sit appareat. Locus Natiuitatis Domini ingredientibus, viâ subterraneâ ex aduerso est, ad orientale Sacelli latus, formam referens semicirculâ, latus pedes quinque, Arâ marmoreâ concavâ ornatus. Tabula namque è marmore candido muro utrimque infixâ, Altare ipsum efficit: in


in quo, tabulâ lignêâ depictâ Natiuitatem Domini repræsentante superimpositâ, sacrum quotidie à Minoritis peragitur. Pauimentum quod sub Arâ est, marmore stratum, formam stellatam refert: in cuius medio lapis ophites sphæricus, latus per diametrum palmas duas, solo marmoreo hæret infixus, profundus vncias duas, plumbeo circulo ap-
plumbatus, omnibus cùm Orientis tùm Occidentis Christicolis venerabilis. Eo namque loco Christum Dominum Mundi Saluatorem ex Virgine natum esse piè ab omnibus creditur. Adhærent Altari v-
trimque gradus porphyretici decem, per quos ad superius adscēditur Delubrum, valuis ferreis vel æneis ab Antro Natiuitatis Domini se-
clusum; quæ rarò, nec nisi Turcis, aut aduenis Occidentis, vel ipsâ nocte Natalis Domini referantur. Constant autem ex opere vermicu-
lato pertuso, vt faciliè quis specum introspiciat: quod ne liberè fiat, né-
ve dum sacra faciunt Minoritæ, à Turcis Maurisue impediuntur, corri-
nis à fornice vtrimque dependentibus, obicem posuere. Ad læuam al-
taris Meridiem versus tres videre est marmoreas columnas, in triangu-
lum dispositas; quæ Antri Præsepis rupem sustinent, & suffulciunt, at-
que etiam ornamento sunt. Inter has ad Antrum ipsum ternis gradi-
bus descenditur. Subeuntibus ad dextram occurrit, Occiduum ver-
sus, Præsepe Domini, altum à pauimento palmos quatuor, formâ o-
blongâ quadratâ, profundum vncias sex, intus forisq̃ue candido obdu-
ctum marmore, ternisq̃ue columellis, (quibus rupes innititur) de-
coratum. Fornix Antri è viuâ ac nudâ constat rupe, lampadum ardē-
tium fumo omnino obfuscatus, omniq̃ue carens ornamento.



In huius Præsepj aquilonari latere interiori res admiranda conspici-
 citur, hominis nempe effigies, cucullatum & venerandum senem bar-
 bâ oblongâ repræsentans; quam natura ludibunda lineis nigricantibus
 tanto artificio expressit, vt omnibus industriè depicta videatur. Sunt
 qui miraculo rem adscribant, ac Diui Hieronymi figuram exprimere
 putent. A meridionali eiusdem Præsepj latere proximè adhæret o-
 pus quadratum marmore vndique tectum, bipedali altitudine Præ-
 sepe superans; vbi dona puero Iesu à Magis oblata, exposita fuisse opi-
 nio est. Sub eodem Antro à latere obiecto altare spectatur marmo-
 reum, in cuius tabellâ depictum est quomodo eo in loco Magi puerum
 Iesum in Matris gremio venerati sunt.

Locum hunc augustissimum, & toto terrarum Orbe celeberrimum
 vnde salus Mundo emerfit, & de quo Psalmista canit *Veritas de terra
 orta est.* quis satis dignè laudare valeat? quo sermone, quâ voce quis
 Speluncam hanc venerabilem, vbi primùm Mundo Deus sub huma-
 nâ formâ illuxit, prædicet? quo præconio, quibus denique laudibus
 sacratissimū illud Præsepe, in quo Christus infantulus vagijt, extollat?
 paruum quidem terræ foramen, sed magno encomio dignum, & (vt
 D. Hieronimus ait) silentio magis, quam infimo sermone honorandū. *Epist. ad Mar-
 cellam.*
 Quare D. Hieronymo obsequens, hæc inquo; ac vires mihi non sup-
 petere vt ea explicem libens fateor. Vnum tamen dicere cogor: Lo-
 cum hunc homini pio, ac singula quæ hic contigerunt studiosè se-
 cum perpendenti, tantam animi voluptatem parere, tantumque
 oblectamentum præstare, vt se diuino quodam nectare perfundi, ac
 mirâ gaudij dulcedine pertentari in intimis præcordijs sentiat, adeo-
 que non in terra, sed in cœlo se versari sibi videatur, vbi omnia myste-
 ria hîc peracta coram intueatur.

Antrum hoc ab Ælij Adriani temporibus ad imperium vsque Con-
 stantini Magni annos circiter 180 (vt author est Hieronymus) immani *In Epist. ad
 Paulam.*
 scelere contaminatum & profanatum fuit. Lucus enim Thanius siue
 Adonidis illud obumbrabat; cui in specu ipso (spurcâ statuâ eius ibi
 erectâ) sacra fiebant, & Veneris plangebatur amasius: quæ omnia
 pijssima Helenâ, tam enorme scelus detestata, penitus aboleuit, sacra-
 que Christi incunabula varijs cuiusque generis ornamentis decorauit,
 ac Christiano cultui restituit.



- | | |
|--|---|
| A Locus Nativitatis Domini | H Sepulchrum SS. Paulæ & Eustochiæ |
| B Locus S. Præsepj | I Sepulchrum D. Hieronymi. |
| C Altare trium Regum. | K Musæum D. Hieronymi. |
| D Descensus Ecclesiæ maioris. | L Gradus quibus adscenditur ad D. Catharinæ eadem. |
| E Introitus subterraneus ducens ad eadem Catharinianam & monasterium. | M D. Catharinæ Templum. |
| F Sacellum Innocentum. | N Altare. |
| G Sepulchrum D. Eusebii. | O Fovea rotunda |

Precibus hinc consummatis, eâdem quâ ventum est viâ, receditur; aditurque denuo solemni supplicatione Innocentum antrum: Inter progrediendum à Minoritis sequens concinitur Hymnus:
Sanctorum meritis inclita gaudia &c.

Antiph.

Antiph. Innocentes pro Christo infantes hic occisi sunt ab iniquo Rege:
lactentes interfecti sunt, ipsum sequuntur agnum sine macula,
& dicunt semper Gloria tibi Domine.

Vers. Sub throno Dei omnes sancti clamant.

Resp. Vindica sanguinem nostrum, Deus noster.

His recitatis ante Aram Innocentum, Guardianus sequentem adjicit Orationem.

Deus, cuius hodiernâ die præconium Innocentes Martyres non loquendo sed moriendo confessi sunt, omnia in nobis vitiorum mala mortifica, ut fidem tuam, quam lingua nostra loquitur, etiam moribus vita fateatur. Per Christum &c.

Antrum id amplissimum formâ quadrangulari, peringenti columnæ ex perpetuâ rupe excisæ innititur; vbi sub altari (quod ad Orientem est) Innocentum infantium corpuscula condita dicuntur. In ipso altari foramen est, per quod locus dormitionis puerorum, atque ossium receptaculum conspici datur.

Hinc ad læuam transitur per antrum oblongum & angustum, altari marmoreo decoratum, vbi humatum ferunt Beati Eusebij Hieronymi discipuli corpus: cui Occidentem versus adiungitur aliud antrū, quadratæ formæ, binis ornatum Aris: quod ad læuam intrantibus occurrit, Beatarum Paulæ viduæ & matris, nec non Eustochij filiæ & virginis Monumentum perhibetur: quod ex aduerso conspicitur, Diui Hieronymi ossa quendam continuisse dicitur: quibus, vt & Eusebij, multorum opinione Romam delatis, vacuum Monumentum hîc remansit. Quod ad Paulam attinet, matrona fuit Romana, ex nobilissimis Romanorum familijs Corneliâ & Gracchâ ortum ducens; Hieronymo familiaris, quæ spretis sæculi pompis & vanitatibus, sacra Iudææ loca peragruit, & tandem in Bethleëm confedit: vbi demum post quatuor à se fundata Monasteria, vnum virorum, tria virginum, quibus ipsa annos viginti præfuit, Deo animam reddidit: cui hoc posuit Epitaphium Hieronymus.

Hieron. in Epitaph. Paulæ

Titulus Sepulchri

*Scipio quam genuit, Paula fudere parentes,
Gracchorum soboles, Agamemnonis inlyta proles,
Hoc iacet in tumulo; Paulam dixere priores,
Eustochij genitrix, Romani prima senatus,
Pauperiem Christi, & Bethleemica rura sequuta.*

In fronte Speluncæ

*Adspicis angustum præcisâ rupe sepulchrum,
Hospitium Paulæ est, cælestia regna tenentis,*

*Fratrem, cognatos, Romam, patriamq; relinquens,
Diuitiis, sobolem Bethlemiti conditur antro.
Hic Prasæpetum Christe, atque hic mystica Magi
Munera portantes, hominib; Deoq; dedere.*

Ex Paulæ & Hieronymi Monumento ad aliud eiusdem Hieronymi
itur diuerticulum seu Musæum, ut volunt, in quo æstiuis temporibus
studijs vacasse, & Biblia ex Hebræâ in Latinam linguam traduxisse fe-
runt. Id ex arcuato constat opere, atque arâ marmoreâ ornatum, cæ-
teris omnibus subterraneis locis & sublimius & lucidius est: quâ par-
te enim Septentrionem spectat; fenestellam habet, qua lux infundit-
tur, cum cæteri omni prorsus luce careant. Ad Occidentale eiusdem
Sacelli latus Scala est lapidea, per quam olim ad superius Delubrum
adscendebatur: ostio tamen à Minoritis postmodum obstructo, ab ali-
quot hinc annis nullius usus esse cœpit. Dum ad hunc itur, ibidem-
que gradus sistitur, Minoritæ Hymnum concinunt: *Iste confessor Do-
mini sacratus &c.* dein recitant.

*Antiph. O Doctor optime, Ecclesiæ sanctæ lumen B. Hieronyme, diuina
Legis amator, deprecare pro nobis filium Dei.*

Vers. Ora pro nobis B. Hieronyme.

Resp. Ut digni efficiamur promissionibus Christi:

Mox hanc subdit Orationem Guardianus.

*Omnipotens sempiterne Deus, qui per B. Hieronymi doctrinam & merita,
Ecclesiam tuam multipliciter illustrasti; tribue nobis quaesumus, ut qui com-
memorationem eius deuotâ mente persoluimus, eius meritis & precibus ad
gaudia aterna peruenire feliciter valeamus. Per Christum Dominum no-
strum &c.*

His finitis, eadem quâ ingressi fueramus viâ, regressi, redijmus ad
Diuæ Catharinæ Templum, concinentibus interim Minoritis Hym-
num *Te Deum laudamus &c.* quo absoluto, cum ad Chorum peruenis-
sent, facta est commemoratio Sanctæ Catharinæ his verbis.

*Antiph. Veni sponsa Christi, accipe coronam, quam tibi Dominus prapa-
rauit in aeternum.*

Vers. Ora pro nobis B. Catharina.

Resp. Ut digni efficiamur promissionibus Christi.

Guardiano deinde hanc subiiciente Orationem.

*Deus, qui dedisti legem Moysi in summitate montis Sinai, & in eodem
loco corpus beata Catharinæ per sanctos Angelos tuos mirabiliter collocasti;
tribue quaesumus, ut ad montem qui Christus est peruenire valeamus. Per
eundem &c.*

Atque hic tandem post recitatas Ecclesiæ preces (quas Litanias
maiores vocant) solemnî Supplicationi finis imponitur. Illud inte-
rim

rim haudquaquam omittendum est, exoleuisse iam dudum morem illum antiquitus in solemni hac supplicatione obseruari solitum. Non enim per subterraneos meatus (quos suprà memorauimus) ex Catharinianâ æde ad Natiuitatis locum procedebant supplicaturi, sed discedentes ex ædiculâ eâdem, per claustrum ambitum, portamque ferream ad Diuæ Mariæ Fanum siue superius Delubrum progrediebantur, & primò Aram Circumcisionis Domini ad dextrum Chorilatus accedebant, fiebantque ibi Preces & Cantica consueta; inde per portam ferream, gradusque lapideos, vtrumque Aræ maximæ cingentes latus, ad sacrum Natiuitatis & Præsepj Domini specum descendebāt: mox ad reliqua Sanctorum Monumenta, donec ad Diui Hieronymi Musæum peruenissent: vbi rursus alta petentes, per gradus lapideos (quorum suprà meminimus) Diuæ Mariæ repetebant Fanum, inde per portam ferream claustrumque Monachorum ad Diuæ Catharinę ædem reuertebantur. Quia verò successu temporis rem multis exemplis edocti, grauissimis periculis plenam esse didicerunt, subterraneam hanc viam excuari curare sunt coacti: quo tutior supplicaturis ad sacrum Natiuitatis locum foret aditus, exitusque.

Solemni supplicatione absolutâ, cum iam hora instaret prandij ad Minoritarum deducti refectorium, vnâ cum illis prandium pro corporis necessitate satis lautum sumpsimus.

A meridie rursus post dictas in Catharinianâ æde à Minoritis Vesperas, Monasteriò egredimur, Vicario Hierosolymitano comite, duceque Interprete, & Orientem versus haud procul à Monasterio Bethleëmitico antrum (cui à Virgine nomen est, quodque item Cryptam Lacteam vocant) subijmus. Id ingressu obscurissimum & arctum, viâ leniter decliuî & saxosa, adeò angustum præbet accessum, vt nisi genibus flexis, aut saltem inclinato ad vterû capite vix penetrare queas. Itaque ne vsquam offenderemus, ardentem quisque manu cereum gestauimus. Ad penitiora vbi deuenimus, antrum offendimus quadratâ formâ, viginti quatuor circiter pedes per quadrum continens; in cuius fere medio Aram marmoream etiamnû integram videre est. Ferunt hoc loco Mariam Virginem cum Iesu infantulo (dum Herodem in Bethleëmiticos infantes sæuientem fugeret) latitasse; atque interim dum filium lactaret, lacte suo locum irrorasse. In cuius rei memoriam Diui Hieronymi ætate templum in hoc ipso loco, itemque Monasterium virginum à Paulâ Romanâ erectum volunt: quod tamen hac tempestate penitus dirutum, & solo æquatum in cinerem abiit, nihilque præter altare marmoreum, & antri foramen rotundû (quod in summitate rupis excisum lucem olim admisisse verisimile est) reliquum ostendit. Huius antri saxum coloris subalbidi duritie cretâ non

superat, vt scalpello radi facillimè possit; id vulgò Lac Virginis vocât, miramq̃ue ei indigenæ viciniquè populi omnes attribuunt efficaciam multis experimentis approbatam Ferunt namq̃ue fœminas lactis inopiâ laborantes, si vel exiguum huius pûlueris abradi, aquâ, vel vino, aut lacte dissoluti accipiant, statim vbi id sumpserint, lacte repleti: idq̃ue non solum à Christianis, sed ab iplis quoque Mahumetæis, & Mauris, & Turcis publicè omnium ore confirmatur: qui hoc ipsum in suis vxoribus & animalibus sæpissimè se expertos aiunt: causam verò virginali lacti attribuunt, ac diuino miraculo adscribunt. Precibus in Antro peractis, ac salutatâ Virgine, singuli de cryptæ lateribus aliquid derauimus, & nobiscum asportauimus. Cuius ego vim in nostratibus fœminis frequentissimè certam didici, atque Orientis populi opinionem haud vanam esse comprobauì. Inde egressi, comitantibus qui introduxerant Mauris, Bethleëmæ incolis, totum oppidum circumuiimus, vicinofq̃ue lustraui mos agros. Mox ad Virginis ædem reuersi, Armenio quodam duce, Syrorum, Armeniorum, & Iacobitarum habitacula & cellulas, meridionali Templi lateri adhærentes inuifimus. Tum sole ad occasum vergente Minoritarum Monasterium repetiui-
mus; vbi pernoctantes pro fortunâ & consuetudine Monachorum lautè satis sumus epulati. Prius tamen quàm ad inceptum iter recurramus, paucula hæc, quæ de Bethleëmâ oppido eiusq̃ue incolis nobis ignotuerè, hic addere placuit.

Inclyta quondam & nobilis hæc ciuitas, in differentiam alterius Bethleëmæ tribus Zabulon, seu Galileæ prouinciæ oppidi, Bethleëm Iuda vocata, quæ & Lehem, & Ephrata ab vxore Caleb olim dicta fuit, à quâ & adiacens regio nomen accepit, sita est in cliuo non multum eminenti, situ arcto & oblongo; cuius longitudo ab Occidente in Orientem protenditur; distatq̃ue ab Hierosolymâ septem circiter passuum millia. Multis autem illustrata mysterijs, multorumq̃ue virorum illustrium Monumentis celebrata, sed Christi præsertim Natalibus nobilis, Dauidis quoque ortu & in regem Israhel vnctione clara, eiusdemq̃ue patria, atque Vrbs Dauid inde appellata; nec non stellæ apparitione, seu Epiphaniæ, ac Magorum adoratione irradiata, ab Hierosolymis oppidorum Iudææ secunda, celebre in sacris Literis nomen obtinuit, vt non immeritò de eâ Prudentius cecinerit.

In Hym. Epiph.

*O sola magnarum urbium
Maior Bethleëm, cui contigit
Ducem salutis cœlitus
Incorporatum gignere.*

*Quem Stella, quæ solis rotam
Vincit decore ac lumine,
Venisse terris nunciat,
Cum carne terrestri Deum.*

Videre

*Videre postquam illum Magi,
Eoa promunt munera,
Stratiq; votis offerunt
Thus, Myrrham, & Aurum regium.*

*Regem Deumq; annunciant
Thesaurus, & fragrans odor
Thuris Sabæi, ac myrrheus
Pulvis sepulchrum prædocet.*

Frequens non solum & amplum quondam fuisse oppidum, non ob-
scuro argumento sunt extantes adhuc ruinæ, & rudera amplissima: sed &
Christianis Palæstinam moderantibus Episcopatu etiam nobilitatum,
scriptorum testimonio constat. Hodie verò ruinosum penitus, & de-
uastatum, nullam prorsus oppidi faciem retinet; sed exiguum potiùs
& obscurissimum refert pagum, seu viculum ignobilem, omni prorsus
nitore & decore prisco denudatum. Nihil enim eius, præter arcus
aliquot, & vetusti operis fornices, parietes, lapidumque acervos, est
quod cernas: reliqua omnia in cinerem abiire. Humiles aliquot ca-
fulas ruditer nuper exstructas, incolæ, vix centum numero, inhabitant;
omnes (præter paucos admodum Christianos) Mauri. Christiani
Græcum observant ritum, pauci Latinum: omnes tamen Italicam cal-
lent linguam, quam Francam appellant, & à pueris ediscunt: Senio-
res Minoritis & Peregrinis Occidentalibus Interpretum loco serviunt:
filios idcirco Italicam institui linguam à Minoritis studiosè curant, ne vn-
quam deficient, qui Monasterij negotijs inseruiant: cui equidem (ut
à Monachis accepimus) diligentem & fidelem hætenus navarunt o-
peram & studium. Cruces ex oleâ conficiunt, quas lapillis ibi colle-
ctis, vbi mysteria aliqua à Salvatore fuisse patrata innotuit, ornant.
Globulos item precatorios è terebintho vel olea, quibus Preces Deo
fundere ad certum numerum consuevere Latini, nec non Sanctissimi
Sepulchri, itemque Præsepis Domini formas lapideas componunt, ac
victum sibi his diuendendis comparant. Cæterum agriculturæ & vi-
neis excolendis inprimis dant operam; quæ quidem vinum præstan-
tissimum, nec cum ullo eius regionis comparandum proferunt. Sum-
mâ verò inopiâ rerum pressi, miseram sanè vitam, variisque fortunæ
casibus obnoxiam ducunt: vel enim Arabum quotidianis deprædationi-
bus infestantur, vel Maurorum delationibus conficiuntur, vel Tur-
carum assiduis exactionibus exhauriuntur, ut nati prorsus miserijs fe-
rendis videantur. Nihil enim, quod vestigalibus obnoxium non sit,
possident: pro ovis siquidem vel caprâ maidinum, pro octo cuiusvis
generis plantis, arboribusvè duos maidinos pensitant; quartam partem
segetum singulis annis fisco inferunt. Cechinum item aureum vxorati
annuatim persolunt; & quod omnium miserrimum est, proprias
sæpe deferere ædes, fugâ salutem consulere, ac quicquid habent supelle-
tilis, & annonæ, Arabum subitis excursionibus & depredationibus
exponere,

*Tyr. 11. Bel.
sacr. c. 12. &
12. Bel. 13.
& 15. Bel.
16. & 17.
Bel. 1.*

exponere, vel fugam pecuniâ datâ redimere coguntur. Hinc sæpenu-
merò pagus ab habitatoribus deseritur, solis exceptis Minoritis, qui
altissimis Monasterij muris inclusi, tanquam in tuto propugnaculo cõ-
stituti, Arabes non magnoperè reformidant. Solum territorij ferax,
coloris veluti cretâ candidi, vineis, hortis, oliuetis satis cultum, & in
valles collesque diuisum, aquæ verò penuriâ vel maximè laborat: nul-
lum enim riuum neque fontem habet, sed vnâ tantum atque alte-
ram cisternam, vel puteum.

C A P V T IX.

*Varie iuxta Bethlehem Lustrata antiquitates. Fontis signati, Pisci-
narum & Horti conclusi Salomonis, nec non vallis Mambre
& oppidi Hebron descriptio.*

QVARTO Id. Octobris vnâ cum Patre Guardiano Betlehemitico,
duobus item Minoritis, Interpretibusque, nec non Mauris ali-
quot, arcubus sagittisque instructis (quos periculorum euitandorum
gratiâ, vt nempe à latronum insidijs, aut repentinis insultibus nos tu-
tarentur, Interpretes nostri mercede conduxerant) comitantibus,
primo diluculo itineri nos accingimus, asinisque vecti Ebron, Fontem
signatum, & reliqua vicina mysterio aliquo notata loca inuisendi ani-
mo Meridiem versus pergimus iter. Medio peracto milliario Botticel-
lam pagum à dextris reliquimus, quem multi Bezech antiquitus fuisse
putant, Adonibezec regiam, vbi ab Israëlitis captus, manibus & pe-
dibus truncatus, Hierosolymam adductus est. Locus est satis frequēs
in adscensu collis Oriētem spectantis, cui Ephrata antiquitus nomen
fuit, & à solis Græci ritus hominibus habitatur. Inde per agros, vineis
arboribusque sic satis cultos, quasi passus quingentos progressi, in lo-
ca inculta & sterilia incidimus. In ipso itinere viæ regiæ magnis lapi-
dibus constratæ fragmenta aliquot (quæ Regum Iudæ opus esse pu-
tantur) passim offendimus. Secundo à Bethlechē lapide, ad dextrâ
eminus conspeximus in imâ valle Fanum vetustissimum, Diuo Geor-
gio sacrum, cui Monasterium adhæret à Calogeris habitatum, atque
à Christicolis Orientis, maximè Græcis, imò ab ipsis Mahometanis
frequentatum, & in summâ veneratione habitum. Concurrente si-
quidem vtriusque gentis multitudine, plurima & varia ibi à Deo fieri
miracula, Interpretes Christicolę, simul & Mauri Mahometæi itine-
ris comites retulerunt. Hinc ad Eurum viâ decliui pergentes, ad val-
lem subiectam deuenimus, in quâ fons ostenditur, quem Fontem si-
gnatum esse aiunt, in sacris Literis celebrem. Distat is à Bethlechē
tria

tria circiter millia passuum, descensumque præbet foramine angustissimo, supra quod Ficus antiquissima patulis diffusa ramis umbram præstat intrantibus latissimam: Hunc & nos intrauimus, sed quisque, quo facilius foret via, ceream faculam ardentem præferebat; est enim locus subterraneus, & obscurus valde, cellam formâ quadratâ oblongâ fornicato opere referens, latam circiter pedes decem, longam viginti quinque; quæ à Septentrione in Meridiem distenditur: in medio fossa est in ipsâ rupe excisa, longa pedes sex, lata duos, totidemque palmos, profunda res, quæ fontis aquam limpidissimam, ac saluberrimam, frigidamque ex ipso viuo saxo exilientem excipit, eamque per canalem continuum rupi incisum diffundit, atque inde per antiquum aqueductum publicis impensis in hunc usque diem conseruatum, in urbem ad Solomonis Templi aream defert.

Viso Fonte signato, proficisci Hebron, inde passuum millia duodecim distantem, erat animus: obstitere tamen Minoritæ, Interpretes simul & Mauri, quo minus eò peregeremus, quippe qui illud iter minimè tutum fore ob vicinos Arabes, maioremque idcirco requiri comitatum asserebant. Hac oratione moti, ab incepto destitimus, & vicina tantum loca circumuiuimus. Quæ tamen de Hebron atque conualle Mambre Minoritarum relatu accepimus, minimè prætereunda duximus.

Pergentibus à Fonte signato Meridiem versus, primò occurrit ad dextram spelunca Odolla, in ipsâ petrâ excisa; locus naturâ munitus; in quâ Dauid Saulis rabiem fugiens, aliquamdiu latitauit, multosque reifamiliaris angustia & cre alieno oppressos ad se fugientes suscepit; ut breui quadringentorum virorum Dux fieret. Hinc ad Conuallem Mambre, fertilitate & amoenitate vel maximè commendabilem, atque Abrahæ Patriarchæ diuturnâ habitatione celebrè, itur. Inde ad locum quo Abraham Isaacum filium circumcidisse memoriâ proditum est. Delubrum eo in loco ab Helenâ olim exstructum, nunc collapsum & ruinofum iacet. Haud procul inde cellulæ Sacræ vxoris Abraham, & Isaac filij eius ostenduntur incunabula. Vestigia quoque Quercus Abraham, sub qua in ipso diei æstu apparuere ei viri tres, quibus pedes lauit, & ministrauit, vnum verò adorauit. Fanum ibi in memoriâ tanti mysterij à Constantino Imperatore exstructum, nunc collapsum venit, nil præter rudera reliquit. Exinde ad agrum Damascenum venit; in quo Adamum primum parentem à Deo creatum, atque inde in Paradisum terrestrem translatum, ex eo verò ob præuaricationis crimen eiectum, ad priorem locum reductum, testatur antiquitas. Vbi etiam ostendi speluncam volunt, in quâ post lapsum pœnitentiam egisse opinio est. Ager iste ad iactum ferè balistæ ab Hebron ad Oc-

Cant. Cant.
tic. Salomon.
c. 4.

1. Reg. 12.
2. Reg. 13.

Gen. 3. 18.
24. 25. 37.
49. 50.

Heeron. in E-
pitaph. Paula

Gen. 18.

Gen. 2.
Ios. ph. 1.
Ant. 2.

*Gen. 23. 35.**1. Paral. 3.**1. Mach. 5.**Ios. 14. 15.**Hieron. in**Epitaph. Pau**la.**Cyprian in**Tract. de Re-**sur. Christi.*

casum semotus, terram habet subrufam, & glutinolam atq; instar ceræ tractabilem, quam qui gestant, ab infortunijs & ossifragijs tutos esse, nec à venenoso animali lædi posse nonnulli autumant. Ob id Mahometæi in diuersas ac remotas orbis partes eam venum transportant. Inde ad iactum lapidis Hebron itur; quæ olim Arbee, & Mambre, & Chariat arbee dicta, Dauidis Regis regni sedes, qui septem annis cum dimidio in eâ regnavit, hodie Mauris Chakil appellatur: estque adeò ruinis suis sepulta, vt ne vestigium quidem vllum vrbs præ se ferat. Iuxta hanc est duplex illa spelunca, quam Abraham cum agro vicino & arboribus emit à filijs Heth quadringentis siclis argenteis, in quæ ius, nec non Isaaci, & Iacobi Patriarcharum, itemque Saræ, Rebeckæ, & Liæ, eorundem vxorum corpora humata esse sacra Scriptura testatur. Sunt qui Adamum & Euam hic quoque sepultos volunt. Speluncam hanc duplicem Helena Sancta eleganti & miræ magnitudinis Templo adornauit, Monasterio addito peramplo. Vtrumque hodie à Mahometæis occupatur, Templo in Messitam verso, nec Christianis idcirco peruiò. Mahometæis ingredientibus nil præter foramen Speluncæ conspicuum est. His de Hebron & Conualle Mambre dictis ad iter recurramus.

Ad iactum lapidis à Fonte signato Ortum versus pergentes maximas dirutarum ædium ruinas conspeximus; quas olim concubinarum Salomonis habitacula fuisse, nonnulli existimant; quorum opinioni non faciliè adhæserim, reclamante maximè Gothicæ ædificij formâ: quare potius posteriorum Christianorum Regum, quibus ea loca in delicijs fortassis fuere, opus esse crediderim. Haud procul inde ad Orientem Salomonis illæ piscinæ numero tres plurimum decantatæ nobis occurrerunt. Hæ maximæ, pulcherrimæ, & admodum profundæ, in ipsâ viuâ rupe excisæ, in valle quadam angustâ inter asperrimos vtrumque montes, loco decliui positæ, eo ordine dispositæ sunt, vt prima in secundam, secunda in tertiam aquas pluuias immittat. Habent autem singulæ suum emissarium, quo aqua vel emitti vel sisti possit, obicibus sublati, vel demissi. Prima passus ducentos longitudine, sed latitudine centum continet: altera pauciores: tertia cæteris minor est. In hæ aquæ pluuiæ olim (vt etiam nunc) decedentes conseruabantur, nam per aquæ ductum veterem in Templum Salomonis hodie etiam aquæ ex ijs deducuntur. Nos eas siccas, & aquâ penitus carentes offendimus, & causam esse didicimus rarissimum imbrem. Sunt enim illis in regionibus pluuiæ adeò infrequentes, vt toto interdum anno aut raræ, aut nullæ fiant: quinimo, vt retulere nobis Mauri itineris nostri duces, totis viginti tunc mensibus in circumvicinâ regione nusquam pluerat, nisi bis tantum, idque mense Aprili anni

1798, atque eo die dum nos adessemus; licet tum vix terræ superficiem imber humectaret: quod equidem Diuinæ maledictionis certissimum argumentum putauerim. Pluviâ enim deficiente terram aridam & torridam fieri; & sterilitatem exinde causari, nemo non nouit: quem quidem pluiæ defectum Deus per Prophetam Iudææ olim comminatus est. *Nubibus* (inquiens) *mandato ne pluant super eam imbrem.* Dum hic subsistimus, mirandamque lustramus Piscinarum molem, quidam è nostris per gradus lapideos rupi incisos ad ima inferioris Piscinæ descendentes, plurimas viridi coloris ranas, easque peringentes & obesas in cœnosâ delitentes aquâ (quæ exigua in infimo angulo remanserat) hamo piscati sunt: quæ oleo frixæ in proximâ cœnâ lauti obsonij loco nobis fuere.

Hinc rectâ ad Orientem stadia quasi duo progressi, Hortum conclusum Salomonis, in sacris Literis celeberrimum adiimus. Is non muro conclusus, nec arte, sed ab ipsâ naturâ montibus asperrimis, & maximè præcipitibus vtrimque septus, vallem paruam refert, longitudine stadia ferè duo, latitudine passus quingentos continentem. Glebæ est fertilissimæ, & fortunatissimæ, coloris nigerrimi, diuersi generis arboribus, Malis præsertim punicis, Aurantijs, Citrinis, Ficibus, alijsque permultis, Nardo etiam & Croco, varijsque fruticibus abundans. Vix autem dici potest, quantum cum èminus tum cominus mirandi sui situs elegantia, amœnitate, ac pulcherrimo prospectu accedentium prætereuntiumque oculos capiat, pascat, atque delectet. Cum etenim circumvicinam regionem torrefactam, aridam, incul-tam, & Solis ardore exustam Peregrini perspiciant, minusque inter petrosos, steriles, squalidosque montes viridaria se reperturos putent, vbi improvise vallem arboriferam, odoriferam, herbidam, floribus, frugibusque ridentem, atque cultissimam offendunt, rei nouitate hærent attoniti, & in summam rapiuntur admirationem. Vbi ad vallis medium ventum est; Mons occurrit, ad septentrionale latus angulum efficiens, atque in hemicycli formam instar arcus sese extendens: cuius costam, quâ Vallem respicit, Villa occupat; quam Salomonis Hettan olim nuncupatam aliqui volunt: hodie ruinosâ penitus, nil præter vetustos fornices aliquot, & acervos lapidum, nonnullaque Maurorum vallem colentium tuguriola continet. Ad radicem montis sub ipso pago fons est, à Fonte signato deriuatus. Is per deductas arte canaliculas, agros camposque omnes Horti conclusi irrigat; humectatque sata: mox in Aquæ ductum (de quo suprâ meminimus) influit, & per eum in Hierosolymam urbem iuxta Salomonis Templū suas effundit aquas. Huic monti vicinus hæret alter, Prophetarum appellatus, in quo olim Amos & Habacuc prophetæ habitasse dicun-

Isai. 6. 3.

Cant. 1. Cant. Salomon. c. 4.

Ecclesiast. 1. 2. Ioseph lib. Ant. 2. c. 7.

Ioseph. 1. Ant. 7.

Hieron. in Prophet. Amos. c. 1.

tur, Urbem etiam vetustissimam Thecuam nomine, hodie in cinerem versam, in eo extitisse fama est.

Superato angulo, fonti iam vicini, eum ab Arabibus sua adaquantibus iumenta occupatum offendimus, ingentem etiam Arabum turmam Camelos suos, capras, & boues plurimos ducentium, & ad fontem properantium eminus conspiciamus. His visis, terror illicò omnium mentes inuadit: quid consilij capiendum, hæremus; fugere neque tempus neque occasio sinebat: quæ enim effugiendi spes, vbi nos asinis tardissimis insideremus, illi contrà camelos atque equos velocissimos haberent? Mauri tandem, qui præsidij loco nobis aderant, vbi propiùs accessissent, ad nos læti reuersi, nihil esse metuendum renunciant; utque progrediamur hortantur, & admonent, vicinos esse, & amicos, non hostes, neque prædones aiunt: præituros se, & si donum aliquod expetant, composituros cum ipsis, facturosque quod è re nostrâ foret, promittunt. Præcedunt itaque, lento & nos subsequimur gradu. Vbi ad fontem venimus, salutamus obuios; reddunt salutem comiter; nullaque iniuriâ illatâ, nulloque postulato dono, immunes præter omnium expectationem dimittunt. A tergo pago relicto viâ petrosâ, arduâ, ac difficili nimis, ad proximi montis cacumen processimus. Hinc rectâ ad Aquilonem per loca inculta & deuia reliquum itineris absoluimus, atque horâ demum secundâ postmeridiana nec dum pransi ad Bethleëmiticum Monasterium redijmus. Vbi nos cibo potuque refecimus.


C A P V T X.

*Ad montana Iudææ profectio: Sepulchrum Rachelis; Ioannis Baptista
Eremus; eiusque incunabula: Vallis Raphaim, Fons Nephthoa, aliæque
perlustratæ antiquitates, & oppida.*

POSTRIDIE, qui tertius Eid. Octobris erat, sub ipso diei crepusculo, Minoritis, Interpretibus, Maurisque (quos suprâ memorauimus) comitati, ad montana Iudææ iter instituimus. Progredientibus itaque à Monasterio Bethleëmitico, Occasum versus, quasi passus ducentos, quo vsque olim oppidi Bethlehem muros pertigisse opinio est, ostensâ nobis fuit Cisterna quædam antiquissima ad dextrû viæ latus, tria continens ora, aquis copiosa. Hanc Cisternam Dauid vulgo nuncupant, eandemque esse volunt, cuius aquas expetebat Dauid, cum contra Philistæos Bethlehem obsidentes exercitum, quæ ad paludes habebat, duceret: dicens (vti Scriptura refert) *Quis mihi dabit*

1. Paral. 11.
2. Reg. 23.

dabit potum aqua de cisternâ qua est in Bethlehem iuxta portam: quam tamen à tribus viris fortissimis (qui per media Philistæorum castra per-
ruperant) allatam, bibere renuit; sed libavit eam Domino; se nolle bi-
bere, inquit, sanguinem eorum, qui eam maximo vitæ discrimine,
attulerant.



A Fornix.

B Sepulchrum seu tumba Rache-
lis.

C Duo minora Sepulchra tumbis
vacua.

D Murus Sepulchra ambiens.

Hinc procedentibus Aquilonem versus, quasi passus quingentos, ad læuam occurrit Sepulchrum Rachelis, vxoris Iacob Patriarchæ, in-
tegrum adhuc, & (quod mireris) omnino illæsum. Id totum lapideū, quadratę formę opus est, quatuor ornatum columnis, seu pilis lapi-
deis quadrangularibus, quę arcuato opere iunctę, arcus totidem con-
stituunt, testudine rotundâ superimpositâ. Inter quas medio solo af-
fixa hæret tumba lapidea, calce vndique oblita, altitudinis pedum sex,
longitudinis septem, latitudinis trium cum dimidio: cuius superior
pars in rotunditatem definit. Iuxta hanc duo alia visuntur Sepulchra
eiusdem fere formę, minora tamen tumbisq; vacua. E regione Mo-
numenti Rachelis, ad Occasum, dirutorum ædificiorum in costâ mō-
tis (cui Ephrata nomen est) ingentes quædam cernuntur ruina; quas
reliquias esse autumant ciuitatis Ramæ; de qua in Euangelio legitur: *Ierem. 31.*
Et vox in Ramâ audita est: Rachel autemplorans Filios suos, noluit consola- *Marth. 2.*
ri, quia non sunt.

Discedentibus à Rachelis Sepulchro, Septentrionem versus, Cam-
pus Ciceris vulgò dictus, cernitur, sterilis planè & arenosus. Occa-
sionem

sionem huic nomini dedisse ferunt insigne Christi miraculum. Cum enim illac iter faceret, hominem semina spargentem interrogasse eum aiunt, quid seminaret: illum verò respondisse, Lapides: subiunxisse Dominum, Lapides seminas, Lapides & metes; illumque messis tempore pro Cicere lapides Ciceri per similes messuisse: atque exinde in hunc usque diem agrum illum nihil aliud producere. Nos plurimos ex ijs collegimus nostrati Ciceri haud ab similes.

2. Reg. 19.

Prope hunc agrum vallis ostenditur Ortum versus, in quâ Sennacherib Assyriorum regis exercitus 85 millium hominum ad interuersionem usque ab Angelo deletus est.

Inde ad stadia quatuor ad dextram in vertice collis dirutarum ædium seu Templi reliquias conspeximus, ubi olim Patriarchæ Iacob habitacula extitisse ferunt.

2. Reg. 23

1. Paral. 11.

14.

Paulò ulterius ad vallem propinquam Raphaim, in quâ Dauid Philistæos secundo fudit & profligauit, descendimus. Hæc à Septentrione in Austrum sese extendens, culturæ aptissima est, ac vineis, fertilissimisque campis abundat. Inde per vallem mediam ad Occidentem flectentes, oppidum Bethsafata prætergressi sumus: mox valle superatâ ad oppidum Alcalha summitati collis impositum rectâ perreximus. Vtrumque à Mauris habitatum infrequens est, ruinisque deforme. His à tergo relictis, longissimo tractu modò ima vallum petentes, modò montium cacumina superantes, continuauimus iter, agrosque passim obuios, hos vineis oliuetisque cultos, alios desertos & steriles offendimus. Longum dein viæ permenſi spatium, ad summum quendam peruenimus montis verticem, è quo à dextris vallem eminens cōspeximus Ioannis Baptistæ natiuitate celebrem, quam pariter vallem Raphaim vocant: eâ verò à tergo relictâ, rectâ ad Occidentem montem adscendimus sic satis altum, in cuius descensu pagum ignobilem & perexiguum, lora nuncupatum, habitatore Mauro, pertransijmus medium. Vbi non solum pueri, feminæque Maurorum iniurijs & maledictis nos laceſſuerunt, verùm etiam lapidibus nos impetentes longè inſequuti sunt. Fontem eo loci profundissimum optimas scaturientem aquas ostenderunt nobis Interpretes: moram tamen ibi trahere, atque antrum ingredi sitis extinguendæ causâ nequaquam ausi sumus; veriti Maurorū insidias, molestiasque; ideoque solo cauernæ ad spectu contenti, illicò discessimus.



Ad mille circiter passus ab hoc pago Austrum versus, alius secus viam, quæ Gazim ducit, iuxta vicum Betforon, olim Betfur, ad radices montis ebulliens Fons visitur, aquis salubribus copiosus, quem Philippi fontem nominant. Huius siquidē aquis à Philippo Apostolo Candacis Reginae Eunuchum, virum Æthiopem, iam Fide instructū, baptizatum esse veterum memoriā proditum est: adire autem hunc præ metu Arabum, quos in vicino esse relatum fuit, non licuit. Ea propter fonte ad lævam relicto, Septentrionem versus pergentes, per loca montosa, arida, & squalida, viâ difficili atque arduâ, tandem pervenimus ad locum, Desertum Ioannis Baptistæ appellatum; vbi in antro quodam rupi inciso, vel à natura instructo, Ioannem à teneris annis (vt multi volunt septimo) ad decimum septimum vsque ætatis suæ annum vitam austeriorem, & ab hominum consortio longè remotam vixisse; donec tandem ad desertum prope Iordanem Iudæis Baptismum poenitentiae prædicaturus se contulerit, veteres prodidere.

AE. 8.
Hieron. in
Epitaph.
Paula.
G. in loc.
Hebr.

A Desertum



- A* Desertum D. Ioannis. *C* Fonticulus D. Ioannis.
B Antrum D. Ioannis Baptistæ. *D* Ruina Monasterij.

Est autem antrum id in costâ montis excisum, loco valdè præcipiti, ac prærupto, ita ut accedentibus, imò eminus intuentibus horrorem incutiat: accessum habet difficillimum. adeoque arduum, ut vix in ipsâ caute vestigia figas: manibus itaque ac pedibus adrepas necesse est. Sed ubi ad summitatem ventum est, in colles vallesque circumiacentes vastum peramœnumque præbet adspectum. Ostium habet angustissimum, ad Ortum patens, cuius pars interior formâ quadratâ oblonga, latitudinis octo, longitudinis pedum sexdecim, speluncam refert latis obscuram, atque vnico tantum patente foramine, qua parte vallem profundissimam respicit, paululum collustratur. Ingentibus ex aduerso ad latus Occidentis se offert murus lapideus, altus pedes duos, latus toridem, longitudine antri latitudinem æquans: quem pro culcitâ & puluinari fuisse Diuo Ioanni opinantur. Super hoc antrum Christianorum operâ postea ædificatum est Monasterium satis amplum; cuius etiamnum peringentes supersunt reliquiæ, cubicula nempe & fornices aliquot, collapsa tamē & ruinosa omnia. Hæc iuxta fonticulus è viuâ rupe aquam optimam & limpidissimam stillat, quæ statim modico foramine, ab eadem, qua genita est terrâ, sorbetur.

Precibus

Precibus hîc aliquamdiu intenti substitimus, concinentibus interim Minoritis sequentia. Ac primùm Hymnum illum *Antra deserti, teneris sub annis &c.* in die Natiuitatis Ioannis in Ecclesia dici solitum.

Antiph. Puer autem crescebat, & confortabatur spiritu, & erat in desertis locis usque in diem ostensionis suæ ad Israel.

Vers. Inter natos mulierum non surrexit maior,

Resp. Ioannes Baptista.

Oratio. Concede nobis qua sumus Domine Iesu Christe, ut qui arduam Precursoris tui penitentiam veneramur, eius etiam virtutes, spreto mundanis affectibus, imitemur Qui cum Patre &c.

His dictis, è longo & permolesto itinere iam fessi, ac æstu vehemētissimo exusti, fame quoque ac siti penè exhausti, iuxta fonticulum in patulo confedimus, ac lassâ corpora nonnihil pane atque ouis nobiscum allatis refocillauimus, aquâ fontanâ sitim subleuant. Iuxta antrum secus viam plurimæ visuntur arbores Charnubi, quæ nobis Siliquæ dicuntur, quarum fructibus Ioannem Baptistam vesci consueuisse, ac Siliquas illas panes inde Ioannis Baptistæ appellatos esse opinio est. Pro cibo fructibus his usos fuisse veteres, humiliores saltem, plurimi putant; quod quidem facile crediderim: nam & hodie hominibus simul & ceteris animalibus in alimentum cedunt.



A Templum D. Ioannis Baptiste.

B Fons B. virginis alias Nephtalim

C Domus Satharia & Elizabeth.

Page. 1.

Hinc digressi, & duorum miliarium, Ortum versus, emensi spatium, vetustum adiunximus Templum, ruinosum & dirutum maiori ex parte, eo loco à Sanctâ Helenâ (vt ferunt) positum, quo olim ædes Diui Zachariæ patris Ioannis Baptistæ extitere; quas Virgo Maria, Elizabeth tunc vterum gerentem salutatura, accessisse legitur, ac salutatam, exultante fœtu in vtero eius, spiritu plenâ exclamasse *Benedicta tu inter mulieres, & benedictus fructus ventris tui: & Vnde hoc mihi, vt veniat mater Domini mei ad me:* ac respondisse Virginē Cantico illo celeberrimo *Magnificat anima mea Dominum*, Sacræ narrant Literæ. Templo additum fuit Monasterium: cuius, vt & Templi, peringentes ruinæ, & extrema præsertim septa Monasterij etiamnum supersunt. Delubrum in duos est diuisum fornices, vno alteri super imposito, inferior integer adhuc Mauris loco habitationis est; in quo altare visitur lapideum: superior collapsus totus, vnicâ duntaxat exceptâ Chori parte per exiguâ; in quâ vtriusque depictas aliquot diuorum imagines conspicias. Moris est hoc loco Canticum Mariæ concinere, hæcque recitare Preces.

Vers. *Benedicta tu in mulieribus:*

Resp. *Et benedictus Fructus ventris tui:*

Oratio. *Omnipotens sempiternæ Deus, qui ex abundantia charitatis B. Mariam Virginem Filio tuo fecundatam ad Salutationem B. Elizabeth inspirasti: presta quesumus, vt per eius visitationem donis celestibus repleamur, & ab omnibus aduersitatibus eruamur. Per Dominum nostrum &c.*

His dictis à Minoritis, abitu paramus. Sed vbi ad ostium claustrum venimus, occurrunt nobis Mauræ, illius loci incolæ, maidinosque poscentes, repagulo obiecto, exitum impediunt: quem tandem solutis maidinis aliquot obtinuimus.

Monasterij septis egressi, ad iactum inde lapidis fontem aquæ viuæ, Nephthoa olim vocatæ, ad dextram viæ prætergredimur. Is hodie D. Virginis Mariæ vel Sancti Ioannis Baptistæ ab indigenis appellatur: estque aquis salubribus copiosus. Solent Peregrini ex eo sitis subleuandæ & deuotionis causâ bibere; quod & nos fecimus. Sunt quoque qui aquam ex eo, vt etiam Iordane, in vasculis ad propria deferant.

Iuxta hunc fontem Fanum extat celeberrimum, & splendidissimū, Natiuitati Diui Ioannis Baptistæ consecratum, eo loco, quo eum natum fuisse testatur antiquitas. Quinimò in sacello quodam seu antro subterraneo in ipso saxo exciso, ad quod à sinistro Chori latere per gradus aliquot descenditur, eius Incunabula venerantur. Sunt qui hoc loco Ioannem à matre occultatum ferant, dum Herodes in infantes sæuiret. Hic quoque Zachariam eius patrem loquelam à Deo recepisse,

ac Canticum illud celeberrimū (*Benedictus Dominus Deus Israel*) Diuino spiritu afflatum composuisse asserunt. In cuius rei memoriam, ac gratiarum actionem & nos quoque idem cum Minoritis in ipso Antro concinuimus, hac additā Vicario Oratione.

Deus, qui B. Zachariam de Sanctæ prolis promissione dubitantem mutum fecisti; cui postmodum credenti ac Spiritu sancto plenum in tuas laudes mirabiliter reuerasti: concede ut eius ac filij gloriosis precibus & meritis linguis nostris incredulitatis vinculo resolutis, ea quæ tuæ placita sunt voluntati, corde credentes, animosè consueamur. Per Christum &c.

In ipso verò delubro sequentem decantarunt Hymnum Minoritæ.

*Vt queant Laxis resonare fibris,
Mira gestorum famuli tuorum
Solue polluti labij reatum,*

Sancte Ioannes.

*Nuncius celfo veniens Olympo,
Te patri magnum fore nasciturum,
Nomen, & vitæ seriem gerendæ
Ordine promit.*

*Ille promissi dubius Superni,
Perdidit prompta modulos loquela,
Sed reformasti genitus perempta
Organa vocis.*

*Ventris obstruso recubans cubili,
Senserat Regem thalamo manentem,
Hinc parens nati meritis uterque
Abdita pandit,
Gloria Patri &c.*

*Antiph. Ex utero vetula & sterilis hic natus est Ioannes procurator
Domini.*

Vers. Fuit homo missus à Deo.

Resp. Cui nomen erat Ioannes.

Oratio. Deus, qui populum tuum in natiuitate B. Ioannis Baptiste latificare fecisti; da nobis famulis tuis spiritualium gratiam gaudiorum, & omnium fidelium mentes dirige in viam salutis æternæ. Per Christum &c.

Delubrum id egregij & magnifici operis fornicibus pluribus rotundo schemate tectum, amplum & quasi integrum adhuc cernitur, à Mauris tamen habitationis loco habitum, sordibus, & animalium immunditijs adeò foedatum & conspurcatum est, ut stabulum potius sordidissimum, quàm Ædem sacram putes.

Post cunabula Præcursoris Domini visitata, & deosculata, Preces quæ peractas, Templo egredimur. In ipso verò atrij limine occurrūt


nobis Mauri, & egressum prohibent. Vbi quid peterent, per Interpretem quæsivimus, casaros se poscere respondent. Nos solitos numerari iubemus. Illi his non contenti, plures sibi dari postulant. Rixatum diu inter Mauros & nostros, & à verbis ad verbera ferè ventum est. Superveniens tandem Genizarus eques litem composuit. Atque ita post solutos casaros à barbaris liberati, iter Genizaro comite prosequimur. Is enim cum comitem ac ducem itineris ultro se nobis obtulisset, ideoque oblatam operam recusare nec fas esse, nec consultum Minoritæ & Interpretes iudicarent, eam acceptavimus, & acceptum beneficium compensaturos promissimus. Proximum itaque arduum & adscensu difficilem montem pedites omnes adscendimus: inde per valles collesque amœnissimos ad tertium vsque milliarium in asinis pergentes Monasterium Sanctæ Crucis, à Georgianis ordinis Sancti Basilij Monachis habitatum, accessimus: vbi militem Genizarum, humanum utique & benignum, dono ei dato, gratijsque peractis, dimissimus. Abbas lætâ fronte exceptos ad penitiora Monasterij deduxit, & Monachorum cellulas, & Tmeplum (quod Monasterij muris continetur) nobis ostendit. Distat ab Hierosolymâ tria circiter millia passuum, totidemque à loco natali Ioannis Baptistæ. Est autem muris altissimis, valvisque ferreis duplicibus, instar Arcis, contra Arabum latronumque imperus ac vastationes tutum ac munitum propugnaculum, eiusdem ferè formæ, cuius & Heliæ Monasterium esse supra retulimus. Templum simul cum Monasterio ab Helenâ in honorem Sanctæ Crucis fabricatum ferunt: sub cuius Arâ Maximâ locus ostenditur, ex quo Olea excisa dicitur, Crucis Dominicæ materia. Nam eam ex Palmâ, Cedro, Cypressso, & Oliuâ factam, citra tamen veterum testimonium, sunt qui putant: atque Orientis Christicolæ ita esse certò credunt.

*Beda in suis
Collect. &
Flor. Bellar.
Traët. de I-
mag. Sanct.
lib. 2. c. 17.*

Hinc discedentes rectâ Hierosolymam perreximus, domoque Simeonis iusti ad dextram relictâ, montem Gihon saxosum valdè, & ruderibus plenum, ac Mahumetæorum sepulchris oblitum transijimus medium. Is è regione montis Sion positus urbem ab Occidente ambit: à qua profundâ vallè separatur; contra Septentrionem verò Urbi iungitur, continetque Monasterium Sancti Saluatoris, aliaque vicina mœnibus loca. In hoc Salomon à Sadoc Pontifice & Nathan Prophetâ sacro oleo in regem vnctus est. Hodie deformis planè, vastus & incultus iacet. Hinc aliquantum viæ emensi per Portam Iassæ Urbem intrauimus, ac sub vesperum Monasterium Sancti Saluatoris ingressi, quieti nos dedimus.

CAPVT XI.

Variarum antiquitatum, Locorumq^{ue} sacratiorum, tam intra quàm extra Sacra Urbis mœnia extantium, eorum maximè, quæ illi ab Ortū adiacent, descriptio.



- | | |
|--|---|
| A Porta D. Stephani. | K Templum spasmatidis B. M. Virginis. |
| B Porta Templi Salomonis. | L Locus ubi Iudei angariaverunt Simonem Cyreneum ad portandum crucem Domini. |
| C Templum modernum Salomonis | M Locus quo Christus fœminis Hierosolymitanis dixit Nolite flere super me &c. |
| D Piscina probatica. | N Aedes diuitis epulonis. |
| E Aedes D. Anna sacra. | O Domus Simonis Phariseæ. |
| F Ostium primum Prætorij Pilati. | P Domus Veronica. |
| G Palatium Herodis. | Q Porta indicalis. |
| H Lectus scale sanctæ quæ ad Prætorium itur. | R Mons Calvaria. |
| I Arcus Ecce homo, & locus quo Christus a Pilato populo ostensus fuit. | |

POST IRIDIE, qui pridie Id. Octobris erat, summo manè, duce Fratre Ludouico, Vicario seniore, ac comite Monasterij Interpretæ, Bethaniam profecturi, Monasterio egredimur; atque Ortum ver-

Matth. 27.
Marc. 15.
Hieron. in
Epistolaph.
Pauli.
Neb. 3. 12.
Ruth. 4.
Deuter. 22.

sus pergentes, rectâ ad Portam Iudiciariam (distantem à monte Caluaria, quem ad dextram reliquimus, quasi passus ducentos) processimus. Hac Saluator noster Christus Crucis pondere prægrauatus, ad sacrificij locum perrexit. Antiquissimam esse Urbis portam, atque ante aduentum populi Israël Hebuseorum temporibus exstructam, sacri Codicis testimonio constat. Iudicialem autem dictam volunt, quod reorum & morte damnatorum sententiæ ibi publicari solent. Hodie transitum nullum præbet, nulliusquæ usus est: maiori siquidẽ ex parte obrurata, & priuatorum prædijs inclusa, publici iuris esse desijt. Ex columnis duabus, quæ portæ olim ornamenti causâ additæ fuere, altera (sed semifracta) superest, ac portæ innititur. Est autem quasi in ipso Urbis medio, in capite viæ Dolorosæ, ad occiduum viculi posita latus, quæ transuersim Viam Dolorosam intersecat, & à Septentrione in Meridiẽ protensa Crucem efficit, relinquiturquæ à procedentibus ad Ortum à læuâ. Portâ ponè relictâ, sub fornice antiquissimo, & prælongo, viam Crucis, vulgò Dolorosam, ingressi sumus. Hanc Christus Dominus plagis & vulneribus saucius, & Cruce onustus, cruentis gressibus calcavit, sanguine suo conspexit; & pondere Crucis depressus, in hac sæpius procidit. Ad centum circiter passus viâ leniter decliui progressis ostensum fuit ad dextram ostiolum domus, ad quod muro recens restaurato, per quatuordecim adscenditur gradus lapideos. Vbi habitasse olim piam Berenicem, vulgò Veronicam, fama est: quæ Christo cum Cruce transeunti capitis sui pepulum obtulit, quo faciem sanguine & sudore conspurcatam tergeret; quod ille acceptum, impressâ prius faciei suæ imagine, ei in amoris sui pignus reddidit; & in hodiernum vsque diem Romæ in Diui Petri Basilicâ religiosè asseruatur, statisque anni temporibus, præsertim verò in Cænæ Domini festo maximâ cum veneratione populo ad eam solemnî Supplicatione accedenti ostenditur. Eadem in via, transuersario superato arcu, ac paulò vterius progressis ad dextram ostensæ sunt Simonis Pharisei ædes; in quibus (vt legitur) Maria Magdalena Christi Saluatoris pedes lauit, capillis absterxit, osculata est, & vnxit; ob quem tam feruentem amorem remissionem peccatorum meruit obtinere.

Lnc. 7.

Cap. 16.

Inde ad quindecim passus procedentibus obuiam fiunt ædes (vt volunt) diuitis illius epulonis, cuius Lucas meminit, ex quadratis & dolatis constructæ lapidibus, magnifico & eleganti opere, altis muris, licet ruinosis conspicuæ, sed habitatore vacuæ & desertæ. Positæ autem sunt ad dextram viæ, quæ priori contigua transuersum agit & crucem efficit, extenditurquæ à Septentrione in Meridiem, cum prior ab Occidente in Orientem protendatur.

Has

Has iuxta Septentrionem versus locus ostenditur in ipsâ viâ, vbi
 Christus Cruce grauatus pertransiens, dixisse fertur mulieribus: *Filia*
Hierusalem, nolite flere super me, sed super vos ipsas flete.

Luc. 23.

Matth. 26.

Marc. 14.

Luc. 23.

Ulteriùs ad decem passus locus occurrit ad quoddam triuium, angulum efficiens, vbi impulerunt milites Simonem Cyrenæum venientem de villâ vt tolleret Crucem post Iesum; metuentes ne totus faucius, & graui Crucis pondere oppressus, ante moreretur, quàm ipsum Cruci affigerent: in cuius rei memoriam Templum ibi olim à Christianis conditum fuit, nunc in Turcarum balneum versum.

Inderelictâ ad læuam Viâ, quæ ad septentrionalem ducit, portam Ephraim nomine, Viâ Dolorosâ proceditur, quæ Ortum versus ad vîque Pilati Prætorium protenditur; quâ nos circiter passus triginta progressi, ad dextram reliquimus Fanum, cui Spasmus Virginis nomen est, ruinosum & collapsum totum, ab Helenâ exstructum eo (vt ferunt) loco, quo Christo sputis deturpato, sanguine madido, spinea corona insignito, ac Crucem baiulanti Mater occurrit, & præ nimio dolore deliquium animi passa est.

Hinc rectâ ad Orientem progrediētibus passus circiter quadraginta, Arcus sese offert lapideus, vetustissimus, ac præaltus, sub quo transitur ad Pilati Prætorium: estque hodiè à muro, qui septentrionale viæ claudit latus, ex parte occupatus. Murus supra arcum eminens, atque Occidentem spectans, nullam habet fenestram: cui foris duæ tabulæ lapideæ infixæ hærent, inscriptione aliquâ temporis iniuriâ exesâ, vt legi nequeat, olim notatæ. Hanc continuissè multi putant *Tolle Tolle, crucifige eum.* Cui opinioni facile annuerim, nam aliàs ad superiorem arcus partem, Porticumque illi superimpositum ab Hoggio quodam Mahumetæo, qui ædes Arcui adiacentes inhabitat, admissus, cum tabulas illas propiùs intuerer, duas in capite tabulæ Aquilonem respicientis animaduerti superessè literas. T O. nullo reliquarum apparente vestigio. Murus supra Arcum, alterum aduersum claudens latus, atque Orientem spectans, duas continet fenestras, columnâ marmoreâ mediâ. Eo verò loco, quo etiamnum extant fenestræ, Christum indutum purpurâ, spineâ coronarum coronâ, atque arundinem sceptri loco manû gestantem à Pilato dicente *Ecce homo* populo ostensum fuisse, veterum memoria proditum est. vnde & nomen sumpsit, atque Arcus *Ecce homo* vulgò appellatur.

Marc. 15.

Luc. 23.

Ioan. 19.

A Arcus



- A* Arcus Ecce homo.
B Lectus Scalæ sanctæ quæ ad Prætorium ducit.

- C* Locus quo Christus à Pilato pulpulo ostensus est.
D Via dolorosa.

Paulò vltteriùs procedentibus ad dextram se offert Lectus (id est locus) Scalæ Sanctæ vulgò dictus, in ipsâ viâ eminens, atque ad Pilati Prætorium præbens aditum. De hac Christus discedens à tribunali Lithostrato, iam flagellatus, ac morti adiudicatus, cum Cruce descendit. Huius scalæ gradus marmorei, qui numero 28 etiamnum sepersunt ab Helenâ (vt fertur) Romam delati, ad Lateranensem Basilicam in scalam vulgò Pilati dictam cooptati; guttulisque sanguinis Christi (vt piè creditur) decorati, in summâ hodie veneratione habètur, & deuotè quotidie, imò singulis ferè horis, maximo hominùm concursu frequentantur, omnibus, quotquot accedunt ne vel ipso Pontifice Romano excepto, non pedibus, sed flexis poplitibus eum adscendentibus.

*Iosaph. 6. Bel.
 6. Act. 12.*

Hinc ad passus octo viculum ad læuam reliquimus, in cuius extremo angulo, & in ipso adscensu montis Bethsethæ, regij & magnifici operis conspeximus Palatium è quadratis & dolatis constructum lapidibus, cuius frontispicium è vario constat marmore, pulcherrimo artificio elaboratum. vulgò Herodis esse Palatium existimatur, multis id negantibus; qui à Mameluchis exstructum putant eo loco, quo veteres Herodis exitere ædes; quod & mihi verisimilius viderur.

Progressis aliquantulū ad Ortū, altera ad dextram occurrit Prætorij porta, recēs exstructa, è marmore candido, croceo quæ, eleganti opere. Domici,

Domicilium hîc habent Turcarum Saniacchi, seu Urbis Præfeti, omnemque tractum illum, qui à meridionali Viæ latere ab Arcu cognomento *Ecce homo* ad hanc usque portam protenditur, suis ædibus comprehendunt.

Ad penitiora Prætorij rarissimè quidem & difficillimè Christianis conceditur aditus, nec nobis, quantumvis multum exoptantibus, concessus. Narrant Minoritæ etiamnum hîc conspici flagellationis Domini locum, sacello ab Helenâ elegâti opere & formâ sphæricâ decoratum, sed abiectum hodie, & in fordidum animalium stabulum conuersum. Cellulas item vetustissimas, varijs imaginibus depictas, in quibus Pilatum cum Christo sermonē miscuisse traditur ab antiquis, nec non Lithostrotum locum, quo Romani Præsides sententiam ferre solebant, tessellato opertum opere. Hîc Pilatus sedens, cupiensque absolvere adstantem Iesum, ut Iudæorum sedaret rabiem, eum flagris cædendum pronunciauit, hac latâ ex veterum traditione sententiâ.

Iesum Nazarenum, virum seditiosum, & Moysia a legis contemptorem, per Pontifices & Principes sue gentis accusatum, expoliato, ligato, & virgis cedente. I licetor, expedi virgas.

Hac verò sententiâ Iudæos nequaquam contentos, sed sacerdotum & seniorum suafu ut crucifigeretur postulantes, vocibusque instantes ut vidit Pilatus, seditionem veritus, acceptâ aquâ lauit manus coram vniuerso populo, dicens: *Innocens sum à sanguine iusti huius: reclamante vero populo, & dicente, sanguis eius super nos, & super filios nostros, & si hunc dimittis, non es amicus Cesaris*, eum demum Crucis supplicio, condemnauit, hac alterâ (ut veteres prodiderunt) datâ sententiâ.

Iesum Nazarenum, subuersorem gentis, contemptorem Cesaris, & falsum Mesiam, ut maiorum sue gentis testimonio probatum est, ducite ad communis supplicij locum, & eum ludibrio regie maiestatis in medio duorum latronum Cruci affigite. I licetor, expedi cruces.

Refert Fr Bonifacius Guardianus Montis Sion in libello, de quo supra meminimus, se quidem sæpius locum Lithostrotum visisse, sed vocatum à Saniacco, cum vel exactionis impositæ, vel multæ imponendæ causâ inuitus adiret. Cellulas autem se perrarò ingressum: ad locum verò flagellationis, vbi multis modis Christus illusus fuit, septimo vix demum anno (absente Saniacco) à vetulâ admissum, atque tum se & quotquot aderant audiuisse quasi ictus flagellantium: & vetulam interrogatam, an hoc sæpius contingeret, respondisse sexaginta annos, quos ibi habitasset, die noctuque indefinenter fuisse audiros. Cæterum quòd multi putant, asseruntque, videri ac conspici ibi hominem assiduò mouentem dextram, & interrogantem subeuntes de

extremo Iudicij die, nugae esse & aniles fabulas putauerim. Nam & Minoritæ eâ de re à nobis rogati, nihil sibi eiusmodi vnquam innotuisse responderunt.

*Tyr. 11. Bel.
sacr. 1.*

Hinc passus triginta procedentes, ad læuam reliquimus Fanum vetusti operis Sanctæ Annæ Virginis matri quondam dicatû, conceptione, & natiuitate Virginis percelebre. Ædes namque Ioachimi & Annæ eo loci quondam extitisse, ibique natam esse Virginem à veteribus acceptum est. Fano contiguum hæret Cœnobium satis amplum, à sanctimonialibus quondam habitatum: in quo Balduinus secundus eius nominis Hierosolymorum Rex vxorem dimissam Monacham fieri compulit. Vtrumque in Mahometæorum vsum cessit, Fano in Mesitram verso, Monasterio in domicilium Seriphi, qui difficillimè Christianos admittit.

Haud procul inde portam prætereuntes septentrionalem Atrij Templi Salomonis, quod nunc extat, ad dextram, viâ positam latus, lychnos aliquot accensos, atque è fornice pendentes conspeximus: subsistere tamen in ipsâ portâ, aut Atrium ingredi nequaquam ausi sumus, cum Christiano homini id minimè liceat.

Ioan. 5.

Passibus quasi quadraginta peractis, ad dextram fleximus, viculumque ingressi, qui ad alteram ducit Atrij Templi portam, vrbis mœnibus contiguum, Piscinam accessimus Probaticam, prope vrbis muros sitâ, & Atrio Templi coniunctam, ita dictam, quod oues pecudæque in eâ litandæ lauabantur olim. Est autem quadrata oblonga, ex lapidibus quadratis æquâ ferè mensurâ concisis & politis constructa, profundissima quidem, & tot ædificijs circumsepta, vt conspici nequaquam possit, præterquam ab eâ parte, quâ Orientem spectat, vbi per murum altum pedes quinque, & fundum, & situm omnè facillè intuearis. Aquis hodie caret, estque partim sterquilinum, & immunditiarum receptaculum, partim cucurbitis, & oleribus culta, viridarij loco habetur: cuius longitudo centum quinquaginta plusminus passus, latitudo triginta continet, Ex quinque porticibus, olim apertis, & multitudine languentium, qui sanitatis causâ expectabant aquæ motum, continuò refertis, duæ tantum hodie ab Occidente patent, reliquis ad Aquilonem obturatis, ædibusque plurimis desuper constructis. Hæc olim à Rege Salomone à fundamentis educta, Iosepho stagnum Salomonis dicitur: fuitque, Moysaicâ vigente Lege, ob plurimas, quæ ibi, ab Angelo aquas mouente, fiebant sanitates, valde celebris; vt videre est apud Euangelistam. Aquarum hæc congeries è Templo originem trahebat: omnes siquidem oblationum & immolatorum ablutiones in hunc decurrebant, & recipiebantur locû, & Nathanei in ea lauabant hostias, quas tradebant sacerdotibus in Templo offerendas; propterea etiam Bethesda

Ioan. 5.

*6. Bel. Iud.
5.*

Ioan. 5.

thesda id est, Domus effusionis appellata fuit Paralyticum hoc loco triginta octo annos infirmum, & sanatum postea Christus sublato grabato iussit abire.



A Porta aurea

B Porta D. Stephani

C Locus lapidationis Stephani

D Templum Sepulchri D. Virginis
Mariae.

E Hortus Oliuarum siue Montis
Oliueti.

F Torrens Cedron

G Pons supra torrentem Cedron.

H Sepulchra Turcarum.

Hinc ad Septentrionem rursus flectentes, per Portam Sancti Stephani vrbe egredimur. Hæc à Prothomartyre Stephano, qui per eam extra ciuitatem eductus, & non longè ab eadem lapidatus est, nomen accepit: quæ & Porta Vallis, & Porta Gregis appellata olim fuit, quòd per eam immolandi in Templo greges in Forum Pecuarium venales adducerentur, quodq; in Vallem Iosaphat ducat. Vrbe egressi, ad dextram reliquimus Portâ Auream, per quam Christus Saluator noster triduo ante Passionem triumphans Vrbem intrauit, turbis præcedentibus, & sequentibus, ac lætâ voce acclamantibus *Osanna filio David: Benedictus qui venit in nomine Domini.* Hodie à Turcis, Dei quodam occulto iudicio (vt multorum opinio est) obturata, nulli est peruia. Distat autem à Sancti Stephani Portâ Meridiem versus passus circiter centum quinquaginta.

2. Paral. 26.
Nehem. 2. 3
1. 2.

Matth. 21.


13.7.

Inde Ortum versus, quasi passus cētum progredientes, mox ad Meridiem fleximus: atque ad triginta passus progressis ostensus fuit ad dextram viæ, quæ ducit Cedar, locus quo Diuus Stephanus cælos apertos, & Christum à dextris Dei stantem videns, pro lapidantibus & persecutoribus orauit, atque in ipso iuuentutis flore lapidibus obrutus, primus post Passionem Christi Martyrij palmam tulit. In cuius rei memoriâ hoc loco eius imago saxo impressa ostenditur.

4. Reg. 23.
2. Reg. 18.
1. Isrl. c. 3.
Zach. c. 14.

1. Reg. 15.
2. Paral. 15.
29. 30.

Hinc Vallem Iosaphat aliâs Conuallem Cedron, quæ & vallis Regis, & Iudicij, & Concisionis, & Montium dicitur, pertransiuimus mediam. Hæc longitudine duorum milliarium ab Austro in Aquilonem protenditur, latitudine angustâ, ruinis enim Urbis, & maximè Templi Salomonis, & Palatij regij, à Tiro Vespasiani filio destructi, magnâ ex parte obruta, & impleta iacet. In hac valle pij ac religiosi reges Iuda, Asa, Ezechias, & Iosias, Templi combusserunt idola, eorumque cineres in torrentem Cedron proiecerunt. Est autem sita inter Montem Oliuarum, & Montem Moriah, hoc ab Occasu, illo ab Ortui adiacentibus; quam torrens Cedron pluuiialibus abundantibus aquis, ex vicinis montibus decidentibus, mediam interfluit, & per vallem Gehennon ransus, mox per plana Deserti in mare mortuum procurrit.



Mausolæum Virginis.

- | | | | |
|---|---|---|--|
| A | Introitus templi seu Mausolæi Virginis. | D | Foramen oratorij, quo lumē immittitur. |
| B | Templi fenestra ad Orientem. | E | Area Templi. |
| C | Introitus oratorij Iesu Christi. | F | Hortus Turcarum muro septus. |

Haud

Haud procul à loco lapidationis Sancti Stephani, ad radicem Montis Oliuarum Templum extat in ligne atque amplum, fornicato opere ab Helenâ (vt volunt) exstructum ; vsque adeo terrâ hodie ex Urbis ruinis contextum , vt solo æquante eius verticem , vix ad limen accedentibus se conspiciendum præbeat : cuius summitatem torrens Cedron abundantibus aquis superfluit. Sepulchro autem virginis Mariæ in primis memorabile , in summâ ab omnibus Christicolis veneratio- ne habetur, descenditurque ad interiora Templi per gradus marmo- teos quadraginta octo aut quinquaginta, latos admodum ac spatiosos. Descendentibus occurrit ad dextram scalæ Sacellum, duabus ornatum Aris; quæ Ioachim & Annæ parentum Mariæ ossa continere dicuntur. E regione ad alterum scalæ latus Sacellum priori persimile ostenditur, vnicam habens Aram, quod Sepulchrum esse ferunt Iosephi nutri- toris Domini. Vtrumque Peregrini visitant, precesque inibi Deo fun- dunt, deosculantur Altaria, Sanctorumque patrocinium inuocant, Mi- noritis interim recitantibus sequentia. Et in primis ad D. Ioachimi Sepulchrum.

Antiph. Similauit te Deus, Ioachim, viro sapienti, qui edificauit domum suam supra petram.

Vers. Ora pro nobis B. Ioachim.

Resp. Vt digni efficiamur promissionibus Christi.

Oratio. Deus qui nos B. Ioachim, patris genitricis Dei commemoratione letificas; concede propitius, vt eius memoriam colimus, etiam pa- trocinium sentiamus. Per Christum &c.

Ad D. Annæ Sepulchrum:

Antiph. Hac est radix & stirps Iesse, Ex qua Virgo sumpsit esse.
Quæ diuinum profert florem, Et fert fructum contra morem.

Vers. Ora pro nobis B. Anna.

Resp. Vt digni efficiamur promissionibus Christi.

Oratio. Deus qui B. Annam matrem tuæ Genitricis fieri voluisti; presta quasumus, vt apud te meritis viriusque matris & filia regna cœ- lestia consequamur. Qui viuis &c.

Ad D. Iosephi Sepulchrum.

Antiph. Sancte Ioseph, suffragia tua nos tueantur iugiter, & ad regna cœlestia nos perducant feliciter.

Vers. Ora pro nobis B. Ioseph.

Resp. Vt digni efficiamur promissionibus Christi.

Oratio. Da quasumus, Domine, B. Iosephi sponsi genitricis tuæ Mariæ so- lemnitatibus gloriari, vt eius semper & patrocinij subleuemur, & fidei congruâ deuotione sectemur. Qui viuis &c.


Vbi ad ima scalæ ventum est, subeuntibus ad læuam se offert puteus seu cisterna aquæ optimæ & frigidissimæ. Hinc ortum versus ad Sepulchrum itur Virginis, Templi medium occupans, in quo carnis resoluta nexibus reposita esse traditur ab antiquis. Id quadratæ formæ opus, cemento & calce extrinsecus illitum, intrâ tabulis marmoreis coloris candidi opertum, duo continet ostiola, vnum ab Ortū, alterum ab Aquilone. Locus quo Sanctissimum eius corpus ab Apostolis conditum, tertio à sepulturâ die vacuus, suauissimo miroque odore fragrasse fertur, quadratæ formæ Tumbam seu Aram albedo marmore coopertam refert, in quo soli Catholici sacrum celebrant: vicienis verò lychnis pēfilibus, die noctuque ardentibus Sacellum ipsum per se obscurissimum Christi fidelium variæ nationis impensis illustratur. Hîc precibus aliquantulum intenti substitimus, Virginisque Beatissimæ patrocinium inuocauimus. Minoritis interim concinentibus Hymnum *Aue maris stella &c.* itemque sequentia.

Antiph. O gloriosa Domina, assumpta super sydera, quæ nec primam similem, nec habes sequentem, sola sine exemplo placuit Virgo Christo.

Vers. Exaltata est Sancta Dei genitrix.

Resp. Super choros Angelorum ad cœlestia regna.

Oratio. Famulis tuis quæsumus, Domine, cœlestis gratiæ munus impartire, ut sicut B. Virginis partus nobis exitit salutis exordium, ita eius Assumptio gloriosa aditum ad gaudia tribuat Angelorum. Per Christum &c.



A Descensus 50 graduum.

B Cisterna.

C Sacellum Sepulchri B. M. V.

D Summum altare.

E Moschea seu locus Orationis Turcarum.

F Sepulchrum Iosephi sponsi B. M. Virginis.


G Sepulchrum SS. Ioachimi & Anna parentum B. M. V.

H Ara.

Cæterum

Cæterum Templum, quod Sepulchri ediculam ambit, totum fornicatum, sed & humidum, & valde obscurum est, cum nullum recipiat lumen, quàm quod apertis foribus per eas, itemque fenestellam, quæ ad Orientem est, admittit. Frontispicium Meridiem respiciens, ele-
natum à terrâ seu Templi Areâ pedes circiter duodecim, muris vtrim-
que iunctis in quadratum surgit opus, paupimeto desuper obducto pla-
no, quod terræ superficiem æquat. Area Templi muris vndique à Viâ
regiâ, hortis agrisque circumiacentibus separatur; quæ cum sit ipsâ
viâ inferior, per gradus aliquot lapideos aditum à Meridie præbet. Iu-
xta Templum peringens visitur arbor Pistaceum nomine, latè diffun-
dens ramos. Eius generis arbores Occidentalibus incognitæ Syriæ
peculiares sunt; in Ægypto quoque copiosissimè proueniunt, nuceq;
producunt Pini nucibus non absimiles, nucleo tamen viridi, medicâ
virtute nobiles, ad hepar roborandum, ac succos in venis eius infarctos
expurgandos in primis vtilis: quas ideò in maximâ copiâ Venetias
mercatores Itali venum deferunt. E nucleis Saccaro indito, placentas
Itali conficiunt, quas vulgò *pistacheas*, aut *Pistacchiare* vocant, in con-
uiujs nobilium, ditiorumque secundâ mensâ inter bellaria apponi so-
litas.

*Oratorium Christi ad radicem Montis Oliuarum, seu antrum in quo solitus
erat orare, in quo & sanguinè & aquâ sudauit. & ab Angelo confortatus est.*



A Locus Christi orantis.

B Locus Angeliconfortantis.

C Introitus antri.

*D Foramen antri quo lumen im-
mittitur.*

Sepulchro Virginis egressi, rursus alta petijmus, atque ad Ixum
flectentes, Ortum versus perreximus, per angustâ semitâ; & aliquan-
tum viâ permenfi, antrum ingressi sumus, ad radices Montis Oliua-
rum, Christi oratione, sanguinis & aquæ sudore, atque Angeli præ-
sentiâ

Hieron. in
Epitaph.
Paulæ.
Math. 26.
Luc. 22.
Marc. 14.
Ioan. 13.

sentia à Patre æterno ad Filium suum confirmandum missi, percelebre, atque omnibus Christianis venerabile. Id figuræ est quasi sphericæ, in rupe excisum, quatuor columnis seu pilis ex eadem rupe cæsis suffultum, latum per diametrum pedes circiter triginta, In summitate rupis iuxta ultimam columnâ, ad Occasum vnicû spiraculû habet, seu foramen rotundum, per quod lumen admittitur. Iuxta murum, qui ad Orientem rupem sustentat, altare quondam extitisse referunt, eo loci, quo Christus prostratus in terram, æternum precatus est Patrem, *Pater (inquiens) si possibile est, transeat à me calix iste: sed non sicut ego volo, sed sicut tu.* Prostrata ibidem iacet columna, pro signo olim (ut volunt) posita, vbi Angelum substituisse, ac Christum confortasse, sacre narrant Literæ. Hic quoque nos subsistentes, precibus aliquantulum vacauimus, gratias agentes Deo Saluatori nostro, de immenso suo erga genus humanum amore, quod humanam suam naturam in eam coarctauerit angustiam, ut pro nostris peccatis pauens & tædens, atque ad mortem tristis hic sanguinem sudarit. Recitata interim à Minoritis fuere sequentia.

Antiph. Dominus Iesus Christus Mundi redemptor, factâ cum Discipulis cenâ, venit in hunc locum, cælestem Patrem oraturus; & cum prolixius orasset, factus est in agoniâ.

Vers. Factus autem est sudor eius,

Resp. Tanquam gutta sanguinis, decurrentis in terram.

Oratio Domine Iesu Christe dulcissime, qui antequam patereris Hierosolyma egressus, ad hunc Orationis tue locum more solito perrexisti, ut te sponte passurum demonstrares; vbi factus in agoniâ, præ angustia calicis Passionis tue bibendi, guttas sanguineas sudasti, tua assumpta carnis veritatem propalando: hinc tuam imploramus clementiam, ut nobis spiritum in oratione corroboras, agoniatua nos sociare digneris, quo nullis temptationibus territi, cuncta aduersantia te adiuvante vincamus. Qui cum Patre &c.

Precibus peraetis, atque antro egressi, ad aream Sepulchri Virginis regredimur; eaque transitâ, atque ad læuam relicto horto quodam areæ Templi adhærenti, muro vndique septo, ac Turcarum Messitâ ornato, denuo Montem Oliuarum adscendimus. Passus circiter quadraginta progressis, ad læuam viæ se nobis obtulit locus Sacello & Altari quodam ornatus; quorum tamen hodie nulla extant vestigia, vbi Thomæ Apostolo videnti Virginem ad cælos eleuari, Zonam eius demissam esse referunt Orientales, pieque ab omnibus creditur.

Paulò ulterius in duas semitas diuiditur via, quarû vna sinistrorsum ad Montis fastigium, vulgò Viri Galilæi nuncupatum, altera dextrorsum ad Adscensionis locum ducit. Hac pergentes summum Montis Oliuarum

Oliuarum petiuimus, relicto ad dextram Horto, in quo Christus captus est, de quo suo loco dicemus. Adscendentibus igitur quasi passus sexaginta, ostensum fuit ad læuā acumen complanatum, Christi quondam (vt ferunt) lachrymis rigatum, vbi (vt in Euangelio legitur) sedēs & adspiciens Ciuitatem Sanctam, prænoscens quæ illi euentura essent, fleuit super eam. In cuius rei memoriam à Minoritis recitata fuere sequētia.

Antiph. Cum appropinquaret Iesus Hierusalem, videns ciuitatem, fleuit super eam.

Vers. Non relinquent in te lapidem super lapidem.

Resp. Eo quod non noueris tempus visitationis tuæ.

Oratio. Inclina, Domine, aurem tuam precibus supplicantium, vt qui super hanc Sanctam Ciuitatem Iudeorum magis infidelitatem, quàm vrbs ruinā, remagnā motum pietate hinc fleuisse credimus, ab omni nos infidelitatis vulnere liberati, lachrymarum tuarum participes, esse possimus Qui vivis &c.

Ex hoc loco Hierosolyma tota oculis objicitur, vt situs, forma, ædificia, ambitus totus, ac quæque eiusdem partes distinctè, ac particulatim internosci queant, præsertim Mons Moriah, & Solomonis Templum, eiufque Area spatiosa: Cuius speciem quantum ex eo loco colligere licuit hinc, breuiter adjicere visum est.

Mons Moriah, aliàs Terra visionis, & Mons Templi dictus, Orientale Vrbs latus constituit, in quo & muri ab Oriente terminantur, excelsus olim & vndique præceps, nunc infimum vrbs locum obtinet, ita vt vix montem repræsentare videatur: quinimò si quis ab Occasu vel Aquilone Urbem accedat, Templum desuper constructum in planitiæ potius humili quàm eminentiori in loco situm esse putauerit. Ab Orru tamen & Meridie, vbi per valles Gehennon & Iosaphat ad Urbē adscenditur, montem esse excelsum liquidò apparet. Adeò verò tractu temporis complanatus est hic mons, vt valli Tyropæon diçet (quæ & Mello vorago, atque olim Montem Sion & Moriah interiacebat media) æqualitate respondeat. Hæc enim ruinis exaggerata & impleta, in tantam altitudinē excreuit, vt hodie cum montis Moriah summitate æquetur; ita vt non incongruèter Iosephus dicat urbem in suo excidio, adeò vastatam esse, vt valles in montes, montesque in valles cōmutati sint. Hic est ille mons, quem Dauid ab Ornā Iebusæo sexcentis Siclis auri emit, & exstructo in eius arēâ altari, holocaustum Deo obtulit, quod ignis è cælo consumpsit: in quo & Salomon, patris in regno successor, Templum Domino augustissimum, totoque terrarum Orbe celeberrimum extruxit. Id post quadringentos & quadraginta annos à Nabuchodonosor Babyloniæ Rege combustum, destructum, & septuaginta annis desolatū, Zorobabel denuò dolatis ac quadratis lapidibus, lignisque, imputribilibus annis quadraginta sex magnificè in-

2. Mach. 3. 5.

10.

1. Mach. 1. 4

6. 13.

Ioseph. 7. Bel.

24. 25. 26.

Bel. sacr. lib.

5. c. 2. & lib.

3. 6. 3.

stauravit: quod quidem ad Machabæorum vsque tempora permansit illæsum; fuitque summi nominis & famæ, & in maximâ apud omnes ferè Mundi incolæ veneratione: adeò vt etiam exteri Principes & Reges plurimi maximis illud muneribus & donarijs illustrarent. Denique post annos trecentos quinquaginta quatuor ab Antiocho Epiphane Rege Syriæ, captâ vrbe, interfectisque triduo octoginta millibus Iudæorum, totidemque in captiuitatem abductis, & venundatis, Menelao quodam ductore omnibus ornamentis, diuitijsque spoliatum, atque idolis pollutum est: quod denique Iudas Machabæus fortissimus Hebræorum Dux, receptâ vrbe, ab idolorum cultu purgauit; eiq; vasa aurea, verumque Dei cultum restituit; ac ne iterum à gentibus profanaretur, altis, fortissimisque muris, turribus, fossis, ac portis egregiè muniuit: in quo & à centum & viginti millibus gentium diu obsessus obsidionem sustinuit. Tandem anno à fundatione sub Zorobabel quingentesimo octogesimo sexto, per Titum Imperatorem post dubium cruentumque conflictum, maximâ vi expugnatum, tantâ à militibus Iudæorum factâ cæde, vt per gradus Templi torrentis instar occisorum sanguis proflueret, à quodam milite, Cæsare licet inuito, face incensum, totum penitus conflagrauit, & solo æquatum est. Post annos autem sexaginta quinque, Iudæis denuò rebellantibus, & Templum restituere volentibus, quinquaginta & octo eorum myriadibus ab Ælio Adriano vno die occisis, Mons Moriah, in quo Templum ædificatum fuerat, ad planitiem reductus est, ruderibus in vallem Iosaphat proiectis, ne vrbs, Montis & Templi præsidio confisa, à Romanis amplius deficeret. Licet autem ab ipso Deo in sedem sui tabernaculi electum, & à Christo Domus Orationis vocatum, eiusdemque frequentatione, doctrinâ, & miraculis illustratum fuerit, funditus tamen demolitum, & fundus ipse ob Iudæorum scelera iuxta Christi oraculum plusquam trecentos annos desertus remansit, nulloque ædificio aut Templo etiam Iudæis contra nitentibus cohonestatus fuit. Ex quo clarè liquere putauerim, quod hodie in Monte Moriah extat Templum, non esse antiquum illud, à Salomone instauratum, vel à Zorobabel restitutum, eum vtrumque (vt suprâ retulimus) funditus euersum sit, sed longè recentius, ab Helenâ exstructum, & à Mahumetæis postmodum auctore Homaro tertio à Mahomete Maurorû Calipha (vt Tyrius putat) auctum, vel restauratum, eodem tamen positum loco, etsi paulò inferiori, quo vetustum extitit. Id formam refert octogonam, constatque opere rotundo, & Græco labore, ex magnis sectis & politis lapidibus, præcellenti sanè formâ, ampla, atque præaltâ: cuius inferior pars marmoreis vestita tabulis, superior lateribus varij coloris, Damasceno opere illustrata est, testudine plumbeis coopertâ laminis

laminis super impositâ , totamque tegente Templi molem : in cuius summo fastigio semicirculus est lunaris ex ære deaurato , Turcarum symbolum , Templis siue Moscheis ipsorum imponi solitum. Intrûs verò in medio Templi infra interiorem columnarum seriem rupes esse dicitur, aliquantulum eminentior, cum subiecta in eodem saxo spelunca, supra quam sedisse Angelum volunt, quæ propter dinumerationem populi à Dauide incautè factâ, percussisse populû sacræ referunt Literæ. Situs autem Templi ita se habet. Binæ aræ seu plateæ amplissimæ atque æquilateræ, vnâ eminentiori alterâ Templum circumdant. Inferiori quadrangula, & æquis distantibus contenta lateribus, per quadrum plus minus trecentorum passuum habet, albedoque marmore vndique tecta, Templo multum addit & splendoris & maiestatis : Solis enim radijs resplendentibus ita refulget, vt intuentium oculi quasi præstrietâ Solis radijs auertantur. Palmis verò, Oleis, Aurantijsque arboribus eleganti ordine dispositis passim consita spectatur. Porro in medio huius aræ planities quædam surgit eminentior, eleuata à solo inferioris aræ pedes circiter duodecim ; cuius item pauimentum è marmore constat candido, atque eodem modo quadrilatera, à lateribus subiectæ ex omnibus partibus æquè distans. Hæc hodiernum Solomonis Templum siue Messitam in medio continet, quaternis scalis marmoreis adscensum præbens, eo ordine dispositis, vt vna Orientem, altera Occidentem, tertia Meridiem, quarta Septentrionem spectent. Orientis scala rectâ ad ingressum Templi ducit : qui vnicus est, & ad Solis ortum Montem Oliuarum respicit. Quatuor autem porticibus siue Oratorijs, ad totidem angulos constitutis, superior area ornata est. Inferior muris vndique cincta altissimis, quinque portis aditum admittit, eo ordine constitutis, vt vna Orientem, quæ hodie obcurata est, & Aurea appellatur, duæ alia Occidentem, quarta Meridiem, quinta Septentrionem respiciant. His addi potest ab eodem latere & sexta, cæteris minor, iuxta Piscinam Probaticam muris vrbs contermina. Intra hæc septa nemini Mahometeorum habitare, nemini etiam introire, nisi nudis & lotis pedibus permittitur. Hibernis temporibus aquæ pluuiæ, quæ plurimæ de Templi descendunt ædificio, quasque aliunde non pauciores excipiunt, limpidissimæ & absque cæno in cisternas defluunt : quæ plurimæ intra eadem septa continentur. Templum hoc per aliquot secula Patriarchali Cathedrâ decoratum, vero Dei cultu celebre fuit : tandem verò à Saracenis occupatâ Ciuitate, inuasum, ac spurco Mahometæo cultu annis quadringentis & sexaginta tribus contaminatum, rursus anno 1100, licet turribus & portis validissimis apprimè communitum, à Duce Bullionense expugnatum, & Christiano ritui restitutum est: denique octoginta octo trās-

2. Reg. 24.

Tyr. Bel. sacr.
lib. 8. c. 2. &
lib. 9. c. 9.

Herold, Cont.
Bel sac. lib.
I. c. 7.

actis annis ob perniciosam Principum Christianorum discordiam à Saracenis rursus occupatum, ac detestabili Mahometæo cultu conspurcatum, etiamnum polluitur: imò ab eius introitu capitali Turcarum decretò Christiani & Iudæi arcentur omnes. Nam si intrasse quis Templum fuerit deprehensus, vel Christi fidem abneget, vel morte plectatur, stipite per medium hominem acto, vel ignibus comburatur necesse est. Vti id quidem Græco cuidam Episcopo, & Minoritæ Hispano superioribus annis contigisse Minoritæ nobis narrauerunt. Hæc obiter de Templo Salomonis: modo ad institutum reuertantur.

Prosequentibus inde ad altiora iter, alius se offert locus, in cuius æquatâ planitie Fidei Symbolum composuisse Apostolos ferunt. Hinc ibi à Minoritis Peregrinisque Symbolum Apostolicum recitari consuevit, quod & nos præstitimus.

Math. 6.

Progressis ad triginta passus, à læuâ locus nobis ostensus est, quo Christus Apostolos orare docuisse dicitur: quare & nos pro more consueto Orationem Dominicam recitauimus.

Math. 24.
Luc. 21.


Haud procul inde iuxta columnam collapsam, alius item nobis demonstratus est locus, quo Dominus Iesus, interrogantibus Discipulis de signis sui aduentus, & consummationis sæculi, omnia, quæ extremum Iudicii diem præcederent, clarissimè prædixisse fertur. Minoritæ ad rei gestæ memoriam tali Oratione vsi sunt.

Antiph. Sedente Iesu super hunc montem Oliueti, accesserunt ad eum Discipuli eius, secretò dicentes, Domine, quando hæc erunt, & quod signum aduentus tui, & consummationis sæculi.

Vers. Consurget gens in gentem & regnum in regnum.

Resp. Et erunt pestilentia, & fames, & terra motus per loca.

Oratio. Præsta nobis Domine Iesu Christe, pater futuri sæculi, ut tuis Sacris actionibus eruditi, Iudicio illo tremendo, de quo Apostolis tuis hoc in loco petentibus locutus fuisti, meritis tua Passionis sanctissima læti interesse mereamur. Qui vivis & regnas &c.



- | | |
|--|---|
| A Templum & locus Adscensionis Domini. | L Locus ubi Christus oraturus reliquit tres Apostolos. |
| B Cellula Divæ Pelagiæ. | M Locus ubi Christus fuit captus. |
| C Locus quo Christus ultimum Apostolis prædixit Iudicium. | N Foramen specus, in quo Christus ter oravit, sudavit & sanguinem & aquam. |
| D Locus quo docuit Apostolos orare. | O Gethsemani. |
| E Locus quo Apostoli composuerunt Symbolum. | P Mausoleum B. Mariæ Virginis. |
| F Locus ubi Christus flevit super Hierusalem. | Q Locus ubi Iudas se laqueo suspendit. |
| G Locus ubi B. V. Maria requievit, & palmam accipit. | R Monumentum Absolonis. |
| H Locus viri Galilæi. | S Pons lapideus supra torrentem Cedron. |
| I Locus ubi D. Thomas accepit cingulum à B. V. Maria. | T Cemiterium iudeorum. |
| K Locus ubi B. V. Maria solita fuit quiescere. | V Vallis ficus maledicta. |
| | X Via quâ itur Bethaniam. |
| | Y Via quæ ducit Hierosolimam. |
| | Z Torrens Cedron. |

Uterius procedentibus, quasi sub ipso montis vertice, antrum occurrit angustum & obscurum, in ipso saxo excavatum, Divæ Pelagiæ Cellula vulgò nuncupatum, cuius esse Monumentum dicitur. Hæc

Niceph. Hist.
Eccles. lib. 17.
6. 5.

illa famosissima ante conuersionem Antiochena meretrix, quæ cum cunctas Antiochæ fœminas formâ, diuitijs, delitijs, & luxuriâ superaret, Christianam postea professâ fidem, prioris vitæ pertæsa, & sexum suum dissimulans, hoc loco habitu eremitico, sub nomine Pelagij austeram vitam duxit, & sanctissimè reliquum vitæ transegit, vt verè omnium virtutum pelagus dici meruerit; cuius animâ ad cœlos euolante, corpus hoc eodem in antro conditum ferunt. Nos quidem id ingredi omnes optabamus, sed Mauri, qui ostium antri præcluserant, ingressum prohibuerunt. Foris itaque salutato loco, ac sanctæ fœminæ reliquijs, eius patrocinium inuocauimus, Minoritis, interim recitantibus sequentia.

Antiph. Pelagia meretrix quadam nocte pœnitentiâ ducta, de domo suâ effugiens, in Montem Oliueti se contulit, & habitum Eremitæ accipiens, in hac parua cellula se inclusit, & Deo in multa abstinentiâ seruauit.

Vers. Ora pro nobis B. Pelagia.

Resp. Vt digni efficiamur promissionibus Christi.

Orat. Exaudi nos, Deus Salutaris noster, & sicut de B. Pelagia conuersione gaudemus, ita eius admirabilis pœnitentia imitemur exemplum. Per Dominum &c.

Math. 16.
Luc. 24.
Act. 1.

Hinc ad passus circiter triginta verticem Montis adscendimus, in quo olim à B. Helenâ Fanum insigne atque per amplum adificatum est in memoriam Adscensionis Domini, hic propriâ virtute super æthera vecti; cuius rudera & extremi parietes etiam nū supersunt, sphericam referentes figuram. In cuius aræ medio Sacellum hodie est rotundo schemate, formâ octogonâ, albido è marmore constructum, operis Dorici, octenis ornatum columnis marmoreis, venustatis causa foris adhibitis, testudineo opere coopertum, ac gradibus marmoreis duobus circumseptum: cuius amplitudo interior per diametrum pedes duodecim continet, aditumque admittit vnico ad Occidentè patente ostiolo. Cæterum cum abhinc annis amplius viginti quinque in Turcarum Messitam versum fuerit, difficillimè Peregrinis patet introitus. Nos casu quodam antè fores reperto Messitæ Seripho, largitione ingressum impetrauimus, nostrasque inibi summâ cum animi consolatione Deo preces obtulimus, Saluatorem nostrum, quasi coram cœlos adscendentem videremus, adorantes, ac diuina eius vestigia venerantes. Videre est in ipso Sacello locum quendam concanum interiori muro Meridiem versus cubitali formâ incisum, statuarum oculis non absimilem, latum pedes tres, altum septem, marmoreo opere ornatum, Turcis sacrum: Dei siquidem nomen tabulæ aureis literis inscriptum hic appensum habent, idque dum Orationes inibi sunt

funt, accenso lychno illustrant, & Seriphus hoc loco, vti sacratione, Preces, Laudesque diuinas peragit. In medio pavementi vnus tantum dextri pedis Christi vestigium saxo coloris subalbidi impressum cernitur. Duo quidem relicta esse verisimile est, affirmantibus id ipsum Sulpitio Seuero, Eusebio, Hieronymo, alijsque, qui vtrumque se vidisse scribunt, ac miranda de ijs narrant: hodie tamen alterum deest, & in Templo Hierosolymorum à Turcis asseruari (vti nobis retulere Minoritæ) existimatur. Dum hîc subsistimus, precibusque vacamus, Minoritæ concinuere sequentia.

Sulpit. Sever.
lib. 2.
Euseb. in vita
Const. lib. 3.
c. 42.
Hieron. in Loc.
Hebr. Aeth.
apost. lib. m.
Niceph. Hist.
Eccles. c. 30.
Paul. Nolan.
Epist. 11. ad
Seuer.

Hymn. Iesu nostra redemptio &c.

O Rex gloriæ, Domine virtutum, qui triumphator hîc supra omnes cælos adscendisti; ne derelinquas nos orphanos, sed mitte promissum Patris in nos Spiritum veritatis. Alleluia.

Vers. Ascendit Deus in iubilatione. Alleluia.

Resp. Et Dominus in voce tubæ. Alleluia.

Oratio. Concede quasumus, omnipotens Deus, ut qui de hoc loco vnigenitum tuum redemptorem nostrum ad cælos adscendisse credimus, ipsi quoque mente in cælestibus habitemus. Per eundem &c.


Discedentibus nobis à loco Adscensionis, iuxta muros maioris nûc ruinosi Fani, ad læuam ostensus est locus, quo Virginem beatissimam, postquam filium conscendisse cælos vidisset, sedentem & quiescentem paululum Angelum adijisse, sui que transitus diem prænuntiasse, nec non palmam ei è cælo attulisse referunt Orientis Christiani, pieque ab omnibus creditur. In cuius rei memoriam Minoritæ cecinere sequentia.

Antiph. Palmam quam Angelus B. Virgini de cælo portauit, nimia claritate splendebat: quæ quidem virga viriditati consimilis erat, sed folia illius vt stella matutina fulgebant.

Vers. Accipe ramum Palma virgo gloriosa.

Resp. Quem de Paradiso ad te attuli.

Oratio. Deus pudicitie ac puritatis amator, qui Virgini Matri palmam præfulgidam, ac virentem folijs in sue testimonium virginitatis egregia manu Angelicâ de cælo misisti: cuius fâlicem eius transitum nuntiare fecisti, ac demum ne teterrimum demonis conspectum res humanas relinquendo videret, eam benignissime exaudisti: concede vt eius apud te intercessio gloriosa nos semper ab omnibus tueatur inimicorum insidijs. Per Christum &c.



Mons Oliuarum.

A Sacellum montis Oliuarum.

B Cellula D. Pelagie.

C Ruinae monasterij.

D Introitus Templi maioris, nunc
collapsi & diruti, ambientis sa-
cellum Adscensionis Domini.

Zach. 14.

Matth. 1.

Daniel. 11.

Matth. 16.

Luc. 24.

2 Reg. 15.

3 Reg. 11.

4. Reg. 23.

Priusquam autem iter prosequamur, de situ & vbertate Montis Oliueti nonnihil dicendum est. Oliueti seu Oliuarum hic Mons ab vbertate frequentium in eo crescentium Oliuarum sic dictus, Inclytus etiam, & Sanctus à Daniele appellatur. Tor verò mysterijs Christi clarus, toties à Salvatore frequentatus, eiusque sanctissimis lachrymis, ac sanguine irrigatus, pedumque vestigijs sacratus, haud iniuriâ celebre in Euangelio nomen obtinuit, & in omnium Christianorum ore versatur. Ceteris autem circumiacentibus eminentior, situ elegantior fertiliorque, Viridarijs, Vineis, Oluerisque cultissimus, Palmis ite, Terebinthis, Charaubis; Pistaceis. Citreis, Aurantijs, Myrtis alijsque odoriferis plantis, & arboribus pulcherrimè confitus: tria continet cacumina; ex quorum medio, cæteris eminentiore, adstantibus & intuentibus Discipulis, facie ad Occidentem versâ, Saluator omnium Christus cœlos adscendit. In hoc item Montis cacumine Dauid Rex fugiens à facie filij sui Absolom, nudis pedibus, & aperto capite flens Deum adorauit. In hoc quoque Monte Salomon, omnis pietatis immemor, ethnicarum suarum vxorum instinctu dijs alienigenis Fana construxit, quæ postea Iosias cum cæteris Idolorum delubris destruxit. Distat autem summus montis apex ab Urbē Hierosolymâ (vt Scriptura loquitur) iter Sabathi: hoc est duo millia passuum, quantum itineris ludæis citra peccatum in Sabathō licebat conficere: tantaque

taque altitudinis est, vt ex eo vastissimus vndique prospectus ad mare mortuum, Iordanem, Montes Quarantenam, Abarin, Nebo, & Phag-gam, Arabiam, aliaque plurima loca pateat. Cacumen alterum Me-ridiem respiciens, nullum hodie habet adificium. In tertio quod Se-ptentrionem spectat, & vulgò Galilæa vocatur, turris est & domun-cula recens exstrui cœpta, ast nondum perfecta. Id nos prætereuntes, ad leuam sine omni cultu reliquimus: nec enim Templum habet, nec vllò mysterio notatur. Galilæam autem dictum aliqui putant, ab ho-spitio, quo olim Galilæi Hierosolymam proficiscentes diuertebant.



A Ecclesia Montis Oliueti.

B Bethphage viculus.

C Fons Ap'stolorum.

D Domus Martha.

E Petra sessionis Domini.

F Domus Mariae Magdalene.

G Sepulchrum Lazari.

H Domus Lazari.

I Aedes Simonis leprosi.

K Ficus maledicta à Domino.

L Via Hierusalem versus.

Inde Ortum versus perguntibus, iuxta viam quæ Bethaniam ducit in planitie quadam non multum amplâ locus ostensus est, quo olim Bethphage sacerdotum viculus exiit, distans à Montis Oliuarû ver-tice passus circiter centum: vnde Saluator Christus in oppositum ca-stellum duos misit Discipulos, vt asinam alligatam cum pullo solue-

Matth. 21.
Marc. 11.
Ioan. 12.
Hieron. in
Loc. Hebr.
lit. B.

M m

rent

rent, & solutam sibi adducerent, vti hanc historiam omnes Euangelistæ plenissimè describunt. In rei gestæ memoriam à Minoritis sequētia recitata fuere:

Antiph. Cum appropinquasset Iesus Hierosolymam, & venisset in Bethphage ad Montem Oliueti; tunc misit hinc duos Discipulos, dicens eis: Ite in castellum quod contra vos est, & statim inuenietis asinam alligatam, & pullum cum eâ; soluite, & adducite mihi.

Versf. Si quis vobis aliquid dixerit, dicite.

Resp. Quia Dominus his opus habet.

Orat. Omnipotens aterne Deus, qui Dominum nostrum Iesum Christum die azymorum super pullum asine hinc Hierosolymam adscendere fecisti, & turbas Iudaorum vestimenta ac arborum ramos ante eum sternere, Osannaq; decantare in laudem ipsius docuisti: fac nos quæsumus famulos tuos & eiusdem Filij tui sectari humilitatis exemplum, & illorum consequi meritum. Per eundem &c.

Viculi Bethphage nulla prorsus hodie extant vestigia, adeoque in cinerem versa sunt omnia, vt ædificium ibi aliquando extitisse nequaquam colligas.

Hinc viâ decliui Bethaniam versus discedentibus, in ipsâ viâ occurrit fons instar putei, iuxta quem Saluatorem reuertentem à Galilæâ & Samariâ sedisse & quieuisse sapius, ac dixisse discipulis suis; Ecce adscēdimus Hierosolymam. veterum memoriâ proditum est.

Paulò vterius ad Meridiem declinantes, relicto ad dextram Bethaniz oppido, inde Ortum versus euntibus; ac passibus quasi quingentis peractis apparuit locus, quo olim Marthæ ædes Christi hospitio nobiles extitisse fertur: eas tamen solo æquatas, & in cinerem versas, nec vllum quidem vestigium reliquisse comperimus. Subsistentibus nobis, & orantibus, hæc à Minoritis recitata sunt:

Antiph. Intrauit Iesus in hoc castellum, & mulier quadam Martha nomine excepit illum in domum suam.

Versf. Martha Martha sollicita es,

Resp. Et turbaris erga plurima.

Oratio. Dulcissime Domine Iesu Christe, qui pro tuâ summâ pietate in hac famula tuæ Martha domo sapius hospitari dignatus es: da quæsumus, ita nos meritis ipsius hospita tuæ conscientia: nostræ habitaculum sanctis tibi præparare actionibus, vt cum extrema dies aduenerit, in cælesti regno tecum penitus hospitari mereamur. Qui viuus &c.

Hunc ad iactum lapidis saxum vidimus coloris subflauo, albidis interfecantibus venis, duorum circiter pedum altitudinis, omnibus cum Orientis tum Occidentis Christicolis venerabile. Illud enim esse produnt, in quo sedentem & quiescentem Saluatorem Martha hisce al-

locuta

Math. 20.
Marc. 10.
Luc. 10.

locuta est verbis: *Domine, si hic fuisses, frater meus non fuisset mortuus.*

Porro maximâ admiratione dignum est, à tot iam seculis, & à tot Peregrinis fragmētis huius saxi asportatis (id quod & nos fecimus) non esse attenuatum. Rem gestam Minoritæ tali Oratione prosequuti sunt:

Antiph. Nondum venerat Iesus in hoc castellum, sed erat adhuc in loco isto ubi occurrit ei Martha.

Vers. Dixit Martha sorori suæ,

Resp. Magister adest, & vocat te.

Oratio. Consolator optime Iesu Christe benigne, qui ad gaudium Maria & Martha sororum de interitu fratris ac pœnâ dolentium Bethaniam adfēdisti, & ex longo fatigatus itinere hic humiliter consedisti; Patris tui gloriam in defuncti Lazari suscitatione mundo gloriosissimè ostensurus: presta propitiis, ut nos per amplam presentis vitæ viam fideliter incedere, ut soluti carnis ergastulo, in cœlestibus tabernaculis tecum mereamur æternaliter conquirere. Qui vivis &c.

Haud procul ab hoc saxo ruinæ quædam diruti visuntur ædificij, Templi & Monasterij vestigia, quæ in honorem B. Mariæ Magdalene supra fundamenta ædium ipsius à Christianis ædificata esse putantur. Hic rursus substitimus, & à Minoritis sequentia recitata sunt:

*Hymnus. Nardi Maria pistici sumpsit libram mox optimi,
Vixit beatos Domini pedes, rigando lachrymis.
Honor decus imp. rium sit Trinitati unice,
Patri, Nato, Paraclito per infinita secula. Amen.*

Vers. Optinam partem elegit sibi Maria.

Resp. Quæ non auferetur ab eâ in æternum.

Oratio. Beate Mariæ Magdalene, quæsumus, Domine, suffragijs, adiuuemur qui precibus exoratus quadriduanum fratrem Lazarum vivum ab Inferis resuscitasti: Qui vivis &c.

Inde rursus ad Occidentem flectentes, Bethaniam venimus. Id oppidum ad radices Montis Oliivarū Meridiem respiciētes situm; distat ab Vrbe Hierosolymâ quasi stadia quindecim, Lazari sepulchro, resuscitatione, Christi lachrymis, Orationibus, frequenti quæ hospito in primis celebre; neglectum tamen hodie, sordidum, ac ruinosum penitus, omnino infrequens est; paucis tantum ibi extantibus domunculis, Maurorum habitaculis. In ipso oppidi ingressu Mauri alii quot occurrerunt, ut nos ad Lazari monumentum perducerent: quibus, uti & Antri custodibus, priusquam ingredi liceret, maidinos aliquot singulatim numerare oportuit. Super Monumentum ab Helenâ delubrum insigne structum etiamnum superest; à Mauris autem in Messitam versum cum sit, Christianis eò ingredi non datur. Per id

Matth. 21.
26.

Marc. 11. 14.

Lucæ 10. 19.

24.

Ioh. 11. 12.

Hieron. in

loc. Hebr.

lit B.

olim ad Lazari Sepulchrum patebat aditus: sed eo impedito, alter ad id paucis abhinc annis à Guardiano Hierosolymitano proprijs impensis excogitatus est, per scalam subterraneam viginti duorum graduum, ab Occidentali Templi latere in ipsâ rupe excavatam. Est autem Spelunca Monumenti duplex: vna alteri super imposita, vtraque quadratæ formæ cellulam referens, inferior nonnihil superiori angustior. Hæc altari ornata lapideo, cuius tegumentum ostium quondam fuisse Monumenti Lazari affirmant, solis Catholicis ad sacra celebranda seruit. Ex hac ad inferiorem speluncam marmore ornatam, & altari pariter lapideo, sex descenditur gradibus. Hanc Lazari esse monumentum asserunt: ex quo iam quatruiduanum & fœtētē eum adstantibus multis Iudæis Saluator noster diuinâ suâ potentiâ ad vitam euocauit. Preibus hoc loco pro more dictis, & à Minoritis Euangelicâ lectione rem gestam enarrantē, ac sequentibus recitatis, discessimus.

Ier. 11.

Antiph. Iesus ergo rursum fremens in semetipso, venit ad hoc monumentum. & ait, Tollite lapidem.

Vers. Hoc cum dixisset, voce magnâ clamauit.

Resp. Lazare, veni foras.

Orat. Omnipotens clementissimè Deus, qui mundum innumerabilibus renouis beneficijs; concede quesumus, ut sicuti Lazarum in hoc Mausoleo quatruiduanum fœtidumq; iacentem, ac magnâ mole lapidis obrutum, qui peccatorem in peccatis mortuum, tuâ solâ pietate suscitatum esse designat, ad hanc mortalem lucem per Vnigeniti tui vocem potenter redire iussisti; sic nos iub. us à vitiorum omnium resuscitados pondere, per eius sacratissimæ Passionis mysterium ad æternam lucem feliciter peruenire. Per eundem Christum &c.

Lazari Monumento egressi, ad Austrum aliquantulum fleximus: vbi collapsi ædificij (Lazari fuisse putatur) ruinas peringentes è quadrato lapide opere Rustico, instar Arcis constructi, & fossis vndequaque cincti, penetrauimus medias.

Ier. 12.

Inde quasi passus quinquaginta progressi, edificium ingens atque amplum accessimus, quod Simonis leprosi fuisse ferunt: in quo Christus sexto ante Paschatis festum die ad cœnam inuitatus, interuenientibus Lazaro, Simone, & quibusdam è suis Discipulis, à Maria Magdalênâ pretioso vnguento vinctus est; cuius odore vniuersa domus impleta fuit. Triclinium vbi cœna hæc peracta esse memoratur, in Sacellum postmodum à Christianis versum, Arâ etiamnum ornatum est marmoreâ. Ædificium nunc abiectum, ruinosum, & sordidum, à nullo habitatur. Sola quædam cubicula & cellulæ Mauris sunt pro stabulis,

Hic

Hic rursus Precibus aliquantulum vacantes substitimus; Franciscanis interim concinentibus sequentia:

Antiph. Cum autem esset Iesus in Bethaniâ, in domo Simonis leprosi, accessit ad eum mulier habens alabastrum unguenti pretiosi, & effudit super caput ipsius recumbentis. Videntes autem Discipuli, indignati sunt, dicentes, ut quid perditio hac?

Vers. Quid molesti estis huic mulieri?

Resp. Bonum enim opus operata est in me.

Orat. Fac nos quæsumus, Domine, exemplo B^e Maria Magdalena, quam in hoc loco super caput & pedes dulcissimi Filij tui recumbentis alabastrum unguenti pretiosi credimus effudisse, eiusdem Domini nostri Iesu Christi mortalitatem posteris designantem; omnes actus nostros rectæ intentionis unguento condire, ut istud venerandum recensentes spectaculum, certæ redemptionis nostræ mysteria fideli mente pertractare mercamur. Per eundem Dominum nostrum &c.

Inde rectâ ad Occidentem, Urbem versus, ad costam Montis Oliueti, qui nobis à dextris erat, iter fecimus. Haud procul inde, in quadam Montis descensu locus ficibus abundans ostensus est, vbi Christus ficui carenti fructibus maledixisse fertur. *Matth. 21.*
Marc. 11.

Descendentibus ad iactum quasi lapidis, ostenderunt nobis Minoritæ locum ad læuam viæ, in quo Iudas, prodito iam Christo Iudæis, pœnitentiâ ductus, laqueo se suspendit, & crepuit medius. Iuxta hunc Iudæorum sunt sepulchra, è regione Montis Moriah, secus vallem Iosaphat: quo quidem in loco & olim extitisse Iudæorum cœmiterium, ex eo probari putauerim, quod in sacris legitur Literis, Iosiam Regem lucum de domo Domini efferri fecisse foras extra urbem Hierusalem, in Conuallem Cedron; & combussisse eum ibi, & redegissee in puluerem, & proiecissee supra Sepulchra vulgi. *4 Reg. 23.*
Hierim. 26.

Inde ad ima Vallis Iosaphat descendimus, eamque transgressi mediam iuxta Absolonis Monumentum (de quo postea) rursum Montem Moriah adscendimus, ac secus vrbs muros Meridiè respicientes, vbi Aream Templi Salomonis sepiunt, gradû fecimus, relicto ad dextrâ Delubro insigni atque amplo, plumbeis laminis testeo, atq; elegatis operis ædificio. Id mœnibus vrbs inclusum, iuxta hodiernû Salomonis Templû, eodê fertur positum loco, quo quondâ Porticus Salomonis extitit: vbi Virgo Beatissima à parentibus Deo præsentata, & cum alijs puellis Deo seruiētibus educata fuit: vbi etiâ postmodû Maria & Ioseph puerum Iesum secundum Legem Moyſis Deo Patri stiterunt, munusq; pro eo Pontifici obtulerunt: Vbi demû Simeon iustus spiritu plenus puerû *Luc. 2.*

olim ad Lazari Sepulchrum patebat aditus: sed eo impedito, alter ad id paucis abhinc annis à Guardiano Hierosolymitano proprijs impē-
 sis excogitatus est, per scalam subterraneam viginti duorum graduum,
 ab Occidentali Templi latere in ipsâ rupe excauatam. Est autem Spe-
 lunca Monumenti duplex: vna alteri super imposita, vtraque quadra-
 tæ formæ cellulam referens, inferior non nihil superiori angustior. Hæc
 altari ornata lapideo, cuius tegumentum ostium quondam fuisse Mo-
 numenti Lazari affirmant, solis Catholicis ad sacra celebranda seruit.
 Ex hac ad inferiorem speluncam marmore ornata, & altari pariter
 lapideo, sex descenditur gradibus. Hanc Lazari esse monumentum
 asserunt: ex quo iam quatruiduanum & foetētem eum adstantibus mul-
 tis Iudæis Saluator noster diuinâ suâ potentiâ ad vitam euocauit. Pre-
 eibus hoc loco pro more dictis, & à Minoritis Euangelicâ lectione rem-
 gestam enarrante, ac sequentibus recitatis, discessimus.

Ioan. 11.

Antiph. Iesus ergorursum fremens in semetipso, venit ad hoc monumen-
 tum. & ait, Tollite lapidem.

Vers. Hoc cum dixisset, voce magnâ clamauit.

Resp. Lazare, veni foras.

Orat. Omnipotens clementissime Deus, qui mundum innumerabilibus
 renouas beneficijs; concede quæsumus, ut sicuti Lazarum in hoc Mausoleo
 quatruiduanum fatidumq; iacentem, ac magnâ mole lapidis obrutum, qui
 peccatorem in peccatis mortuum, tuâ solâ pietate suscitatum esse designat, ad
 hanc mortalem lucem per Vnigeniti tui vocem potenter redire iussisti; sic nos
 iubas à vitiorum omnium resuscitatos pondere, per eius sacratissima Passio-
 nis mysterium ad æternam lucem feliciter peruenire. Per eundem Christum
 &c.

Lazari Monumento egressi, ad Austrum aliquantulum fleximus: vbi
 collapsi ædificij (Lazari fuisse putatur) ruinas peringentes è quadrato
 lapide opere Rustico, instar Arcis constructi, & fossis vnde quaque
 cincti, penetrauimus medias.

Ioan. 12.

Inde quasi passus quinquaginta progressi, ædificium ingens atque
 amplum accessimus, quod Simonis leprosi fuisse ferunt: in quo Chri-
 stus sexto ante Paschatis festum die ad cœnam inuitatus, interuenien-
 tibus Lazaro, Simone, & quibusdam è suis Discipulis, à Maria Magda-
 lenâ pretioso vnguento vinctus est; cuius odore vniuersa domus imple-
 ta fuit. Triclinium vbi cœna hæc peracta esse memoratur, in Sacellum
 postmodum à Christianis versum, Arâ etiamnum ornatum est mar-
 moreâ. Ædificium nunc abiectum, ruinosum, & sordidum, à nullo
 habitatur. Sola quædam cubicula & cellulæ Mauris sunt pro stabulis,

Hic

Hic rursus Precibus aliquantulum vacantes substitimus; Franciscanis interim concinentibus sequentia:

Antiph. Cum autem esset Iesus in Bethaniâ, in domo Simonis leprosi, accessit ad eum mulier habens alabastrum unguenti pretiosi, & effudit super caput ipsius recumbentis. Videntes autem Discipuli, indignati sunt, dicentes, ut quid perditio hac?

Vers. Quid molesti estis huic mulieri?

Resp. Bonum enim opus operata est in me.

Orat. Fac nos quæsumus, Domine, exemplo B. Mariae Magdalene, quam in hac loco super caput & pedes dulcissimi Filij tui recumbentis alabastrum unguenti pretiosi credimus effudisse, eiusdem Domini nostri Iesu Christi mortalitatem posteris designantem; omnes actus nostros recta intentionis unguento condire, ut istud venerandum recensentes spectaculum, certæ redemptionis nostræ mysteria fidei mente pertractare mercamur. Per eundem Dominum nostrum &c.

Inde rectâ ad Occidentem, Urbem versus, ad costam Montis Oliveti, qui nobis à dextris erat, iter fecimus. Haud procul inde, in quadam Montis descensu locus ficibus abundans ostensus est, vbi Christus ficui carenti fructibus maledixisse fertur. *Matth. 21.*
Marc. 11.

Descendentibus ad iactum quasi lapidis, ostenderunt nobis Minoritæ locum ad læuam viæ, in quo Iudas, prodito iam Christo Iudæis, pœnitentiâ ductus, laqueo se suspendit, & crepuit medius. Iuxta hunc Iudæorum sunt sepulchra, è regione Montis Moriah, secus vallem Iosaphat: quo quidem in loco & olim extitisse Iudæorum cœmeterium, ex eo probari putauerim, quod in sacris legitur Literis, Iosiam Regem lucum de domo Domini efferri fecisse foras extra urbem Hierusalem, in Conuallem Cedron; & combussisse eum ibi, & redegisse in pulverem, & proiecisse supra Sepulchra vulgi. *4 Reg. 23.*
Hierim. 26.

Inde ad ima Vallis Iosaphat descendimus, eamque transgressi mediam iuxta Absolonis Monumentum (de quo postea) rursum Montem Moriah adscendimus, ac secus urbis muros Meridië respicientes, vbi Aream Templi Salomonis sepiunt, gradû fecimus, relicto ad dextrâ Delubro insigni atque amplo, plumbeis laminis tecto, atq; elegatis operis ædificio. Id mœnibus urbis inclusum, iuxta hodiernû Salomonis Templû, eodê fertur positum loco, quo quondâ Porticus Salomonis extitit: vbi Virgo Beatissima à parentibus Deo præsentata, & cum alijs puellis Deo seruiëntibus educata fuit: vbi etiâ postmodû Maria & Ioseph puerum Iesum secundum Legem Moysis Deo Patri stiterunt, munusq; pro eo Pontifici obtulerunt: Vbi demû Simeon iustus spiritu plenus puerû *Luc. 2.*

Iesum in vlnas accepit, & Deum benedixit, *Nunc* (inquiens) *dimitte seruum tuum Domine*. Hinc etiam titulo Purificationis, & Præsentationis Mariæ olim insignitum fuisse, narrant Minoritæ: à Turcis autem iamdudum profanatum, & eorum sacris dicatum, Christianis hodie non patet: sed tantum eminus salutare concessum est; vti & nos illac prætereuntes fecimus: Minoritis interim concinentibus sequentiâ:

Hym. *Nunc dimittis seruum tuum Domine, &c.*

Antiph. *Postquam impleti sunt dies Purgationis Mariæ, secundum legem Moysi, tulerunt Iesum in Ierusalem, ut sisterent eum Domino.*

Vers. *Obtulerunt pro eo Domino,*

Resp. *Par turturum, aut duos pullos columbarum.*

Orat. *Omnipotens sempiterne Deus, clementiam tuam supplices oramus, ut sicut B. Virgo Maria intenerâ ac purissimâ eius aetate in hoc sacratissimo Templo educata, Maiestati tuæ humiliter deseruiuit; nec non transactis suæ Purgationis diebus, Filium suum unigenitum in eodem loco cum oblationibus præsentauit: sic nos suâ intercessione faciat purificatis tibi mentibus deservire, & cum bonorum operum oblationibus præsentari: Per eundem Dominum nostrum &c.*

Hinc triginta passus ad Occidentem progressi, vidimus quæ adhuc supersunt antiquæ Urbis mœnia, ex ingentibus constantia saxis, quadratis, oblongis, latitudinis pedum quatuor, longitudinis septem, & amplius; atque ita manibus artificum concinnatis, ut nusquam ferè iuncturæ compaginum appareant: super quæ noui Ciuitatis muri à Soleimane Turcarum Imperatore ædificati sunt.

Matth. 26.
Lucæ 22.

Ad iactum sagittæ, iuxta Urbis muros specus est, in quo Petrus Apostolus post trinam negationem, Salvatore eum respiciente, latitasse, & lachrymis peccatum expiassè dicitur. In cuius rei memoriam hoc loco sequentiâ à Minoritis cantantur:

Antiph. *Tunc cœpit detestari, & iurare, quia non nouisset hominem, & continuo gallus cantauit: & recordatus est Petrus verbi Iesu, quod dixerat, priusquam gallus cantet, ter me negabis.*

Vers. *Et egressus foras venit in hunc locum,*

Resp. *In quo fleuit amare.*

Oratio. *Dâ nobis, quæsumus, Domine, Fidei, Spei, & Charitatis augmentum, ut exemplo B. Petri Apostoli (cui quantum trina de te displicuit abiuratio, amara eius hic ostendit contritio) admissa largissimè flere mereamur, & flendo eadem amplius non admittere. Qui vivis &c.*

Paulò vlteriùs procedentes, reliquimus ad dextram Portam Sterquilini, per quam Christus, à Iudæis captus & vinctus, ad Annæ Pontificis domum deductus fuit.

Inde

Inde passus circiter quinquaginta progressis, ad læuam, iuxta semitam quæ ad Vallem Gehennon ducit, acruus lapidum à Franciscanis ostensus est, quo loco (vt ferunt) perfidi Iudæi è manibus Apostolorum, corpus Beatissimæ Mariæ Virginis ad sepulturam deferentium, eripere conati, ab Angelo autem cæcitare percussi, ab incepto desistere coacti sunt. Cuius rei memoriam, dum hîc sistitur, fiuntque Preces à Peregrinis, tali Oratione Minoritæ celebrant:

Antiph Hic impetum Iudæi in Domini nostri Iesu Christi Matrem unanimitè fecerunt, eius Sanctum funus enervare conantes.

Vers. Dominus adiutor noster;

Resp. Et salus nostra in tempore tribulationis.

Orat. Omnipotens sempiternè Deus, qui cælorum Regina corpus gloriosum ab immanissimo Iudaorum concursu, illud impudenter subvertere nitentium, in hoc potenter eripuisti loco: quasumus nos eiusdem Genitricis Filij tui interuentione à cunctis cogitationum malarum incurribus defende placatus. Per eundem &c.

Inde ad læuam relinquentes Cenaculum Montis Sion, & Dòmum Caiphæ, per Portam Davidis, quæ & Sion, Urbem ingressi, rectà ad Monasterium Sancti Saluatoris, ex longo itinere fessi, Sole iam medio flagrante cœlo, peruenimus, & post refecta aliquantulum corpora quieuius.

C A P V T XII.

Aliæ rursum quamplurimæ ac diuersæ lustratæ antiquitates, ac inter eas loca sacris mysterijs memoranda, tam in Vrbe Hierosolymâ, quàm in suburbanis locis existentia.

PROXIMA luce, ipsis Idibus Octobris, Sole nondum exorto, Minoritis Interpretibusque, (quos suprâ memorauimus) comitantibus, Monasterio egredimur, Pisanorum præterlegentes Castrum. Id Portæ lassensi proximum, à Pisanis, Pisarum Italiæ Urbis incolis, ac Republicâ quondam florentissimâ, dum Christiani rerum in Palæstinâ potirentur supra Urbis muros constructum, atque ipsis mœnibus inclusum, formam habet quadrangularem, è quadrato cõstans lapide, turribus ac muris sic satis validis atque altis, fossisque profundissimis, aquâ tamen carentibus, vndequaue cinctum, tormentis bellicis, præsidioque centum Genizarorum militum instructum; cui cœturio, titulo Boluc-bassi, præest: ad quod vnus tantum ex vrbe patet aditus, sublicio ponte, eoq; pensili, siue versatili, duplicique portâ præcludente ingressum. Christiani in hanc arcem haudquaquam admittuntur.

Castro ad læuam relicto, Ortum versus, Turcarum Messitam, olim Christiano ritui dicatam, eo (vt ferunt) fabricatam loco, quo Iacobus & Ioannes Zebedæi filij nati fuere, præteriuimus.

A. 12.

Hinc vno atque altero superato viculo, per vetustum è viuo lapide fornicem, quem Portæ Ferreæ olim nomen habuisse ferunt, transiuimus. Is hodie terrâ obrutus magnâ ex parte, atque intra Urbis mœnia situs, nullo ostio occlusus, transitum viatoribus ad vicinos viculos, viasque publicas præbet. Ad hanc olim Portam cùm Petrus Apostolus peruenisset, postquam se collegisset, intellexit se Angeli ductu è carcere liberatum.

Ab hac Portâ Meridiem versus pergentes, ad sacram peruenimus Ædiculam, vetustam, & obscuram; à Syris hodie possessam; quo loco (vt ferunt) ædēs olim exitere Diui Marci, quas Petrus Apostolus è carcere eductus accessit, & à Rhodæ puellâ agnitus, & à fidelibus ibi in Oratione persistentibus, summâ omnium cum gratulatione susceptus est.

Inde ad Meridiem prosequentibus iter, ostensæ sunt vetustæ ædiculæ muri, in angulo viæ constituti: quo in loco Thomam Apostolum quondam habitasse opinantur.

A. 12.

Euseb. 2. Hist.

Eccl. 9.

Niceph. 2. Hist.

Euseb. 12.

Hinc ad læuam primum ingressi vicum, in eius ferè medio Atrium accessimus amplum & spatiosum, ad Orientale positum latus: cui per amplum atque insigne cohæret vetusti operis Templum, eo (vt fertur) fabricatum loco, quo olim Forum rerum venalium fuit: in quo Iacobus frater Ioannis primus Apostolorum ab Herodæ Agrippâ glorioso martyrio coronatus est: vbi etiam multis ante temporibus Iosias propheta mortem occubuit. Templum id ab Helenâ sanctâ constructum, Hospitium satis amplum & magnificum contiguum habet, ab Hispanis postea additum; in quo Peregrini Hispani seculis peractis hospitabantur: nunc Armenij vtrumque possident, eorum Episcopo inibi habitante. Ad sinistrum Templi latus Sacellum visitur angustissimum, in quo sub Altari fouea extat rotundo schemate, marmoreæ tabulæ, pavimento infixæ incisa: quæ locum denotare dicitur, quo D. Iacobo ab Herodæ caput fuit amputatum. Hic precibus non nihil vacauimus, & locum sanctum deosculati sumus. Minoritis interim continetibus sequentia:

Antiph. Tradent enim vos in Consilijs, & in Synagogis suis: Flagellabunt vos, & ante Reges & Præsides ducemini, propter me, in testimonium illis & gentibus.


Vers. Constitues eos Principes super omnem terram.

Resp. Memores erunt nominis tui Domine.

Orat.

Oratio.

Præsta quasumus omnipotens Deus, ut intercedentibus Sanctis tuis Iacobo Apostolo tuo, & Iosia, hic pro tuo nomine martyrio coronatis, à cunctis aduersitatibus liberemur in corpore, & à prauis cogitationibus mundemur in mente Per Christum &c.



Precibus eo loci finitis, ac Templo egressi, edes Annæ Pontificis, ad iactum lapidis inde distantes, accessimus. Hæ in Templum (cui Sanctorum Angelorum titulus est) à Christianis versæ, & muris vndique cinctæ, domunculas aliquot atrio inclusas (quas inopes Armeni incolunt) continent. Templum è fornicato constat opere, atque vnico Altari ornatum, sub Armeniorum curâ est: ad cuius sinistrum latus, Septentrionem spectans, vetustissima cernitur Olea, ad quam Christum Saluatorem nocte, dormiente adhuc Pontifice, à ministris ligatum, illudum, & contumelijs affectum fuisse, dum conuocato consilio adduci eum iuberet Pontifex, veteres prodiderunt. In his Saluator noster de doctrinâ suâ, & Discipulis interrogatus, alâpâ à ministro cæsus, multa que alia opprobria passus est. Quorum omnium memoriam agentes, Precibus intenti, non nihil hoc loco substitimus: hoc modo interim Deum deprecantibus Minoritis:

Ioan. 8. 14

Antiph. Ego semper docui in Synagogâ, & in Templo, quo omnes Iudæi conueniunt, & in occulto locutus sum nihil. Hac autem cum dixisset, vnus assistens ministrorum dedit alâpam Iesu, dicens, sic respondes Pontifici?


Vers. Si male locutus sum, testimonium perhibe de malo,

Resp. Si autem benè, cur me cadis?

Oratio. Domine Iesu Christe, mansuetudinis speculum, & pietatis forma, qui ut nobis humilitatis documentum praberet; irrefragabilem doctrinam tuam in hac Anna domo examinari permisisti, ac in faciem illam sydeream in quam desiderant Angeli prospicere, turpissimè cadi sustinuisisti: præsta quasumus nobis peccatoribus, ut in omnibus aduersis te ducem sequentes, nos humiliter & patienter habeamus. Qui vivis &c.

N

Post



A Lapis ad ostium Monumenti Dominici olim positus. B Carcer Christi vulgò appellatus.

Niceph. 8.
Hist. Eccles.
30.

Math 26. 27
Marc 14. 15
Luc 22. 23.
Ioh. 18.

Post preces Templo egressi, mox per Portam Sion, haud procul inde distantem, vrbe exeuntes, ad Domum Caiphæ Pontificis, in Mōte Sion sitam, perreximus. Hæc pariter à Christianis in Templum redacta, ac titulo Sancti Saluatoris insignita, sub Armeniorum curâ est. In eâ lapis Monumenti Dominici, Altari maiori impositus ostenditur. Iuxta Altare locus est angustus & obscurus, quem Carcerem Christi vulgò appellant: eo namque loco (vti veteres tradidere) Saluator noster Christus, iam reus mortis declaratus, in proximam lucem à Iudæis asseruatus est, vt cum diluxisset, ad Pilatum Crucis supplicio addicendus, abduceretur. In hac Principes & Seniores consilio habito quomodo Iesum dolo caperent, & occiderent, Iudæ proditori triginta argenteos numerârunt. Hic Saluator palmis, pugnisque cæsus, sputis deturpatus, facie velatus, à Petro negatus, à perfidis Iudeis & ministris iniquis prophetizare iussus, multis modis illus, ac totâ nocte varijs blasphemijs vexatus, & à falsis testibus accusatus, denique à Pontifice adiuratus, vt an Filius Dei esset confiteretur: Quod cum confessus esset, ille scissis vestibus exclamauit. *Quid adhuc egemus testibus, audistis blasphemiam, quid vobis videtur?* Hic iam quasi blasphemiam conuictus, ab vniuerso Concilio (quod nonnulli sexaginta seniorum fuisse autumant) dignus morte iudicatus est, acclamantibus omnibus, *Reus est mortis.* Quæ quidem omnia à Minoritis Lectione Euangelicâ ad memoriam reuocata sunt; hac addita ad Deum Saluatorem Oratione: quæ dum legerentur, nos quoque Precibus incumbentes, gratias egimus Deo nostro de infinito suo erga genus humanum amore.

Antiph.

Antiph Hic expuerunt in faciem Iesu, & colaphis eum ceciderunt, alij autem palmas in faciem eius dederunt.

Vers. Prophetiza nobis Christe,

Resp. Quis est qui te percussit?

Oratio. Creator uniuersorum Deus, & rector, qui pro redemptione & Mundi salute ad hanc Domum Caipha non solum ligatus adduci, verum etiam accusari ibidem, colaphizari, reus mortis proclamari, faciem conspuere, & velari voluisti: fac nos quæsumus, in presenti vitâ sic uniuersas passionis & dolores tuos amarissimè flere, ut carne soluti de tuâ ineffabili gloriâ unâ cum Sanctis omnibus perenniter collatemur. Qui uiuis &c.

In ipsâ Areâ, quæ Templum cingit, ac muro undique septa est, columna epistylum ostenditur, supra quod, dum Christum Petrus negaret, gallum ter cantasse vulgo fertur.

In eadem Areâ Meridiem versus locus spectatur, Arbore, quæ Aurea mala profert, lapidibus circumdata, notabilis: quem cum esse fecerunt, quo Petrus olim, stans & calefaciens se cum ministris Iudæorum, tertio negauit Dominum: quo eum respiciente, secessit in antrum, de quo supra egimus.

Iuxta hunc locum subdiale pauimentum fornicibus impositum adscendimus, ubi per muri foramen Aream Templumque Saluatoris, quâ parte Meridiem spectat, munientis, sacrum Domini Cœnaculum eminus conspeximus: in quo spemâ ante Passionem nocte cum Apostolis cœnatus, corporis & sanguinis sui sacra mysteria instituit; iuxta quod est locus, quo lauit Discipulorum pedes, linteoque accinctus extersit.

Matth. 26.

Marc. 14.

Ioan. 12.

1. Corin. 11.

Tyr. Bel ser.

li b. 8. c. 5.

Varia præterea in hoc monte extant mysteriorum sacra loca, ad quæ quidem hoc tempore accedere Christianis non licet. Abhinc namque quadraginta annis, aut circiter, Minoritis ex sacro Monte Sion (quem incolebant, & à quo eorum Antistes titulum nactus, Guardianus Sacri Montis Sion dici olim solebat) eiectis, cuncta circumiacentia loca mysterio aliquo notata, à Turcis profanata, Templum Sacri Cœnaculi in Messitam mutatum, & omnis Christianorum cultus sublatus, ceteraque loca vicina Seriphorum habitationi destinata sunt: qui Christianos difficillimè, & non nisi multo ære, ad ea loca admittunt. Putant illi siquidem violari sua Tempia, si alienigenæ legis quispiam ea ingrediatur; largitionibus tamen (quæ nihil non apud barbaros possunt) corrumpi se interdum sinunt, & clam (ne alijs scandalo sint) Christianis aditum concedunt. Quæ verò præter iam dicta in Sacro hoc Monte extant loca Christi & Apostolorum mysterijs celebrata (vti à Franciscanis accepimus) hæc sunt.

Mat. 1. 2.
Tyr. lib. 8. c. 5.

Egredientibus Lotionis loco, alius se offert locus, vbi quondam extiteret ædes, in quibus Apostoli & Discipuli Domini ipso die Pentecostes repleti sunt Spiritu Sancto, descendente super eos in dispartitis linguis, sonitu repentino: & vniuersam replente domum. Dein vbi Christus ipso Resurrectionis die Discipulis apparuit ianuis clausis, stetitque in medio eorum dicens: *Pax vobis; ego sum, nolite timere.* Quo etiam loco octauo deinde die Thomæ Apostolo, cæterisque apparuit. Thomæ autem lanceæ & clauorum vestigia videnda & palpanda exhibuit.

Luc. 24.
Leaz. 20.

Mat. 1.

Inde proceditur ad locum in quo fors cecidit super Mathiam: qui in Iudæ proditoris locum subrogatus, cum vndecim Apostolis annumeratus est. Is præ foribus est iuxta gradus Sancti Coenaculi, parietibus maioris Ecclesiæ ab Helenâ Sanctâ edificatæ, nunc temporis iniuriâ collapsæ, & solo æquatæ, olim inclusus. Illinc passus decem itur ad locum, in quo Maria Virgo decimo quarto post Christi Adscensionem (vt quidam volunt) anno, extremum clausit vitæ suæ diem: quo etiam omnes Apostoli ex diuersis Mundi partibus in ipsâ eius exitus horâ cõuenere. Iuxta hunc locum Sacellum ostenditur, in quo Ioannem Apostolum sacra mysteria celebrasse opinio est. Inde ad Austrum declinantibus alterum occurrit Sacellum, Oratorium Virginis vulgò nuncupatum: eo siquidem loco post Adscensionem Domini Mariam permanisse, Precibusque vacasse, ac reliquum vitæ tempus transegisse, piè ab omnibus creditur Christicolis. Hinc ad Septentrionem remeantibus se offert locus, Diuisionis Apostolorum dictus: vbi post primum Concilium eo loci celebratum, Spiritu sancto iubente, sunt separati, perque vniuersum missi Orbem, ad prædicandum Euangelium, testificaturi cunctis gentibus venisse Saluatorem Iesum, vnicum Dei Filiû, qui credentes in se, & baptizatos in nomine Patris & Filij & Spiritus sancti saluos faciat. Iuxta hunc est alius, in quem corpus beati Stephani Protomartyris delatum, & à quodam Caphargamala Honorij Principis tempore iterum tumultatum ferunt. Sed iam de Monte in genere, deque situ eius & conditione quædam dicenda.

Niceph. 8. Hist.
Eccles. c. 30.

Tyr. lib. 8. c. 5.

Inscr. in Chry

Niceph. lib.
Hist. Eccles. 2.
c. 21.

Tyr. lib. 8. c. 5.



A Canaculum Domini.

B Domus Caipha.

C Locus ubi Iudaei volentes rapere corpus D. Virginis, cecitate percussi sunt.

D Locus ubi D. Petrus fleuit amare.

E Porta Sterquilina.

F Fons & Nativarium Siloe.

G Quercus Rogel.

H Ecclesia Praesentationis D. Virginis.

I Fons Draconis siue D. Virginis.

K Pons supra torrentem Cedron.

L Ager siue campus Acheldeme.

M Locus ubi latitarant Apostoli.

N Mons offensionis siue Mashit.

O Domus Anna Pontificis.

P Coemiterium Catholicorum.

Mons hic Sion, varijs nominibus in sacris Scripturis appellatus, ^{Psal. 2. 23. 47} ^{26.} typum Ecclesiae refert, ac praeter ceteris Montibus tanquam gemma ^{Isa. 2. 3.} pretiosissima in sacris Literis fulget. Hunc arce validâ, atque altis firmisque muris, turribus, & portis munitum, Dauid Rex lebusaïs ^{2. Reg. 5. 7. 18.} ^{3. Reg. 1. 22.} vi armisque eripuit, & primus in regni sui sedem elegit: mox muros, portas, turreſque omnes multo munitiores reddidit, & à suo nomine ^{1. Paral. 11.} ^{17.} Ciuitatem Dauid appellauit; quæ Iosepho Ciuitas Superior est: eo quod in colle sedeat, ceteris circumiacentibus collibus olim excelsiori. ^{6. Bel. 3.} ^{3. Reg. 2.} Arcem item in eius summo vertice à lebusaïs conditum firmiorē fecit.


Ierem. 17.
Eg. 1.

1. Mach. 1.

1. Mach. 13.
14.

2. Reg. 11.

in eaque Palatium postea regium, Domum cedrinam, ac Solium regium ædificauit, mirumque in modum auxit; quæ ipsi & Solomoni cæterisque Iudæ regibus domicilium fuit, atque arcem militum custodiâ seruabatur. Hinc passim in sacris Literis Arx regia appellatur, & Domus David, nec non sedes, Solium, & Thronus David, itemque Aula & Domus Regis. Hanc arcem Antiochus Epiphanes, occupatâ Hierosolymâ restaurauit; in eaque militum suorum præsidium posuit; quodiu multumque Iudæos afflixit: donec tandem Simon Machabæus fame compulsus ad deditionem præsidarijs, eam recuperauit, & ab idolorum sordibus mundatam, comitantibus Iudæis cum laude, ramis palmarum, cinnyris, cymbalis, nabljs, hymnis & canticis intrauit; deditque eam Iudæo militi custodiendam. Reliquam verò Montis planitiem intrinsecus sitam in plateas & vicos David Rex distinxit, atque inibi Præfectis, Ducibus, cæterisque heroibus, ac viris fortioribus domos ædificauit; inter quas & Vriæ fortissimi militis domum fuisse autumant; cuius vxorem Bersabeam lauante se in fonte sui pomarij, quod in imâ valle sub Regis Palatio extabat, atque etiamnum à Minoritis ostenditur, è tecto subdiali Domus regię (quod Sacra Scriptura Solarium domus vocat) visam, formâ mulieris captus, adulterauit Hinc errorem illorum detegi putauerim, qui Dauidem conspexisse Bersabeam putant è Meniano Domus regię; vti quoque passim depingitur; cum id maximè Sacre Scripturæ aduersetur, ac constet apud Orientis populos nullû esse Meniani vsum: nisi largè sumpto vocabulo pro Meniano intelligas omnem editum locum, qui Soli & auræ pateat.



A Cenaculum Domini, & Atrium
Sion.

B Ruine ac rudera Turris David.

C Domus Caiphe.

D Castrum

D *Castrum.*G *Fons Bersabee.*E *Porta Iaffa.*H *Mons Oliuarum.*F *Aqueductus.*

Eundem montem postea Iudas Machabæus, fuso Lyfiæ exercitu, per circuitum reedificauit, solidisque muris, ac turribus altissimis ita munivit, vt Iosephi testimonio vi nunquam, solâ verò fame capi potuerit: quod & Titus Imperator (teste eodem Iosepho) cùm Montem occupasset, confessus est. Cum etenim (vt idem ait) Romani milites arietes muris admouissent, ijsque subito quodam timore perclusi Iudæi, munitiones dereliquissent, & à muris diffugientes se in cloacas occultassent, illi statim, muris vacuis defensoribus, Ciuitatem sine vllo suorū sanguine præter omnem spem occupârunt, ac plurimâ æditâ hominū strage, incendio vniuersam deleuerunt: eamque postero die ingressus Titus, & conspectâ murorum & turrium solidâ altitudine, magnitudine, sublimique singulorum lapidum compagine, quantum paterent, vel quantum erigerentur, miratus validas ciuitatis munitiones, turriumque cautes; Deo (inquit) planè adiuuante pugnauius, & Deus erat, qui detraxit ab istis munitionibus Iudæos: nam quæ hominum manus, aut quæ machinæ aduersus istas valerent? In hoc etiam Monte (vt Sacræ referunt Litere) David, Salomon, alijque Reges Iuda, itemque Ioiada Pontifex sepulti sunt, & à Salomone in patris sui monumentum maximæ illarum diuitiarum: ex quo postea Hyrcanus Pontifex & Dux triamilliâ talentorum argenti extulit. Deinde etiam Herodes Ascalonita simile attentauit, sed flammâ erumpente, & duobus satellitibus interemptis, territus ab incepto destitit, & vt se expiaret, Monumentum candido marmore exornauit. Quâ parte autem Montis hæc sepulchra existât, certi quod asseram nihil habeo, nullo vestigio eorum superstiti. Ea propter hallucinari eos, vel mendacia obtrudere putatrim, qui formam Sepulchri Davidici describunt, & se in illud, Templo Coenaculi subterraneo inclusum, intromissos dicunt. Nam & Beniaminus Iudæus in suo Itinerario illud iamdudum oculis hominum subtrahum esse scribit: idem Breidenbachius innuere videtur, vbi asserit nulum dari accessum Christianis ad regum Iuda Sepulchra in monte Siō existentia. Beniamini hæc sunt verba. Locus (inquit) Sepulchrorum Davidis & Salomonis ab hinc annis mille iussu Patriarchæ Christianorum oclusus, & ab oculis hominum ad hodiernum vsque diem celatus est: corruente enim muro Templi quod in Sion est, lapides ex antiquis Montis Siō murorum fundamentis ad Templi instaurationem eruti fuere: in quibus eruendis casu lapide quodam sublato, Antrium ab operarijs inuentum fuit, quod subeuntes, ad quoddam Palatium marmoreis innixum columnis peruenere in quo Monumentum

videre

1. Mach. 4.

7. Bel. 24.

3. Reg. 2. 11.

2. Paral. 24.

26.

Nesm. 3.

Ioseph. 13.

Ant. 15.

Niceph. 8. His.

Eccles. 30.

Ioseph. 16.

Ant. 12.

videre auro & argento obductum: ante quod mensa erat, in eaque
 "sceptrum, & corona aurea; ad cuius sinistram simili ornatu Sepulchrū:
 "erantque illic vrne conclusæ: quid vero continerent, ignotum fuit.
 "Cum verò homines illi in Palatium penetrare constituisent, turbinis
 "spiritu percussi, ex Antri ostio in terram exanimati deciderunt. Iacue-
 "runt autem eodem loco vsque ad vesperam; cum spiritu alio rursus ex-
 "citati, humane voci similem audiuerunt, Surgite, exite ex hoc loco: illi
 "verò impulsī, atque pauore correpti, maximè tremantes exierunt; rem-
 "que omnem ad Patriarcham retulere. Hæc ille. Ingentium autem re-
 "giorum ædificiorum, quæ in hoc monte olim fuisse sacræ Scripturæ &
 "Iosephi testimonio constat, nihil præter rudera immensa & lapidum
 "aceruos est quod cernas. Superfunt quidem altissimæ turris reliquæ,
 "quam Turrim Davidis nonnulli vocant, eamque esse volunt, cuius in
 "Canticis fit mentio; cuiusque munitionibus ac pulchritudini Ecclesia
 "Christi sponsa à Salomone comparatur: eorum tamen opinioni non
 "facile subscripserim, quod Urbem vniuersam incendio penitus deletā
 "scribat Iosephus. Ceterum vt nunc serres habent, adiacet Mons Sion
 "meridionali Urbis lateri, mœnibus exclusus, inclusus olim, cæteris om-
 "nibus eminentior, vallibus profundissimis, sed vt plurimum ædificiorū
 "& mœnium ruderibus exaggeratis (olim licet adscensu difficillimis)
 "vndique cinctus, ab Aquilone, quā Vrbi cohæret, cum eā exequatur.
 "Denique ita deformatus est, vt vix vnquam in eo Urbem fuisse aduer-
 "tas. Nihil enim est, Turri, Caiphæ domo, & Cœnaculo Domini, San-
 "tonique Turcici ædibus exceptis, nisi immensus lapidū aceruus: quod
 "multis ante seculis Micheas vates prædixerat. *Sion* (inquiens) *quasi*
 "ager arabitur, & Hierusalem quasi aceruus lapidum erit. Similiter & Hie-
 "remias *Sion* (inquit) *disperget, vulpes ambulauerunt in eo.*

Caiphæ domo lustratā, Precibusque inibi (vt diximus) peractis, e-
 gressi, ad læuam fleximus. Haud procul inde, Meridiem versus, ex
 muro seu macerie ostensum nobis fuit, Cœmiterium Minoritarum, in
 quo cæteri Christiani Occidentis, qui Hierosolymis è viuis excedunt,
 impetratā prius à Saniacco facultate, & pro iure sepulturæ soluto pre-
 tio, humanantur. Intra Urbis siquidem mœnia sepulchra habere nemi-
 ni fas est.

Ex eodem quoque loco totum ædificium Cœnaculi Domini cubā
 sphericā ornatum conspeximus; quam supra aperturam summitatis
 Templi respondentem, loco vbi Apostoli receperunt Spiritum san-
 ctum, à Turcis paucis abhinc annis vnā cum turriculā additam, Mi-
 noritæ nobis retulerunt.

Inde discedentes, per angustam mox semitam Austrum versus ad
 subiectam vallem Agrum Fullonis nuncupatam descendimus. Hæc
 pars

pars Vallis Gehennon est, atque ab Acheldemach agro in Occidentem protendens fullonibus olim vsui fuit. Hic enim pannos suos in vicino torrente Gihon, qui ex fonte inferiori Montis Gihon fluit, lotos suspendere, & siccare solebant.

4. Reg. 13.
2. Paral. 33.
Isai. 7. 59.



- | | | | |
|---|----------------------------------|---|--|
| A | Cenaculum Domini, & Mons Sion. | D | Acheldemach. |
| B | Quercus Rogel. | E | Mons offensionis, & Domus matris consilij. |
| C | Locus occultationis Apostolorum. | F | Vallis Ennon. |

Valle superatâ, rectâ ad montem Mashit, id est offensionis, siue Exterminij, perreximus. Is è regione Urbis positus, montem Sion ad Occidentem, Oliueti ad Orientem, Urbis moenia ad Septentrionem habet. Dicitur autem Offensionis, quòd Salomon vxorum alienigenarû instinctu in ipsius cacumine altaria & templa construxerit, Astaroth idolo Sidoniorum, Chamos offensioni Moab, & Melchon abominationi filiorum Ammon: quæ omnia Rex Iosias demolitus est; qui & lucos succidit, repleuitque loca eorum ossibus mortuorum. Superfunt etiamnum in eodem Montis fastigio veterum ædificiorum vestigia aliquot, quæ plurimi reliquias Templorum Salomonis existimant; quorum opinioni, quæ ex sacrâ Scripturâ iam retulimus, aduersantur.

5. Reg. 17.

4. Reg. 23.

Ad costam eiusdem Montis prosequentes iter Ortum versus, quasi ducentos passus, in ipso ferè cliui medio Agrum Figuli, vel Acheldemach, seu Acheldema, hoc est, Agrum sanguinis, vulgò Campû sanctum, accessimus. Is Christi sanguinis pretio, triginta nempe denarijs argenteis, quos Iudas à principibus sacerdotum ad tradendum Christum acceperat, & postea pœnitentiâ ductus in Templum proiecerat, à Iudæis emptus, ad sepulturam Peregrinorum antrum quadratæ formæ

Zach. 11.
Math. 27.
Mat. 1.
Hieron. in
Loc. Hebr.
lit. A.

O o

representen-

repræsentat, amplum equidem atque ingens, muro circumdatum; qui à Montis superficie pedes eminet quindecim, habens in latitudine pedes quinquaginta, in longitudine septuaginta tres; cui superimpositi sunt fornices aliquot sphærici, quibus lumen immittitur, & mortuorum cadauera funibus inferuntur. Opus id ab Helenâ Constantini matre instauratum aliqui volunt. Ad antri latus occidentum paululum adscendentes, per foramen rupi incisum totum perlustrauimus, & cadaueribus pænè refertum inuenimus, plurimis adhuc integris atque illæsis, suisque sudarijs inuolutis, atque eo ordine in ipsâ Antri superficie compolitis, & distentis, ut alterum alterius clauderet latus. Quotquot autem Christicolæ Hierosolymis obeunt, exceptis Latinis hoc loco, Saniacco Urbis pro sepulturâ datis septem aut octo aureis (ut nobis narratum est) sepeliuntur. Fiunt hîc preces à Peregrinis. Minoritæ concinunt sequentia:

Antiph. Principes Sacerdotum acceptis argenteis, dixerunt, non licet mittere eos in carbonem, quia pretium sanguinis est.

Vers. Concilio autem inito emerunt ex illis hunc agrum.

Resp. In sepulturam Peregrinorum.

Orat. Omnipotens clementissime Deus, qui ut mundum priorum parentum lapsu perditum redimeres, Filium tuum unigenitum ad nos profugos non crucifigendum tantum demisisti, verum etiam ut largior quoque esset nostra redemptio, & Scripturæ de eo loquentes finem haberent, vilissimo pretio impreciablem vendi sustinuisisti: quorum equidem denariorum numero hunc agrum emptum fuisse credimus: nobis propterea præsta redemptis, ut dignos pœnitentiæ fructus colligentes, eiusdem Filij tui Pæssionis meritum consequamur. Qui tecum &c.

Inde triginta circiter passus ad Ortum declinantes, alium accessimus specum, plura habentem latibula, Anachoretarum pœnitentium quondam habitacula; in quibus Dominicæ Pæssionis temporæ Apostolos latitasse veterum memoriâ proditum est. Variæ inibi visuntur Diuorum imagines, lateribus depictæ. Sepulchrum quoque ibi ostenditur rupi incisum, Dominico Sepulchro persimile, si Fr. Bonifacio credimus; qui utrumque se inspexisse testatur. Eius formam supra expressimus, ut superfluum sit hîc eadem repetere. Hic rursus funduntur. Preces à Peregrinis, & à Minoritis concinuntur sequentia:

Hymnus. Tristes erant Apostoli de nece sui Domini &c.

Antiph.

Niceph. 8.
Hist. Eccles.
v. 30.

Lib. De perç.
enst.
Ter. Sanct.

Antiph. Omnes vos scandalumpatiemini in me in nocte istâ: quia scriptum est; Percutiam Pastorem, & dispergenter oues gregis.

Verf. Omnes amici mei dereliquerunt me.

Resp. Dominus autem assumpsit me.

Oratio. Benignissime ac semper dulcissime Iesu Christe, derelictorum spes, atque refugium, qui Apostolos tuos nimio terrore perterritos in diuersis locis in tua Passionis agone latitantes, post Resurrectionem tuam in unum congregatos, gloriosâ tui optatâq; presentia consolari sæpius voluisti: sic nos facias tuâ maximâ pietate, & eorum precibus in omni tribulationis euentu solidatos esse, ut te in nobis resurgente, nulla nos aduersitate à te separari unquam contingat. Qui vivis &c.

Hinc rursus descendentes ad vallem filiorum Ennon, quæ & Tophet, & Gehennon, vel Benhinnon, aut Behennon dicitur, ^{Ios. 15. 18.} Aquilonem versus perreximus. Vallis hæc ab Ortum Montem Oliuarum, à Meridie Montem offensionis, ab Occasu Montem Sion, ab Aquilone verò Montem Moriah, vrbisque mœnia habet, estque profundissima, & hortis viridariisque amœnissima, ac fluxu Torrentis Cedron irrigua, olim autem tota memorosa, & delitijs plena fuisse perhibetur. Hic Adonias Davidis filius ad paternum adspirans regnum regium habuit conuiuium. Hic etiam Hebræi idololatram ^{3. Reg. 11.} Moloch idolo (horrendum dictu) super altare Topheth proprios quod ^{4. Reg. 17.} dam immolarunt filios. Hos Achab & Manasses Reges sequuti, filios ^{4. Reg. 16. 28.} suos eidem consecrauerunt. ^{2. Paral. 28.} Quem abominandum ritum Iosias Rex ³³ sustulit, Statuam Moloch contriuit, lucum succidit, locumque mortuorum ossibus aliisque sordibus impleuit. Ob hæc tam detestenda sacrificia, sparsumque tot innocentum puerorum sanguinem, hanc Vallem non amplius Topheth, sed Occisionis aliquando nuncupandam prædixerat Hieremias: qui hic etiam Dei iussu coram senioribus ^{Cap. 7. 19. 32} populi ad terram vas fictile allisit, atque confregit, ut Deum quandoque sic Urbem populumque contritum declararet. Ab his tam crudelibus infantum pœnis Saluatorem analogiam sumpsisse, & Infernum Gehennam appellasse scribit Hieronymus. Abominandum id idolum ^{In loc. Hebr. lib. 6.} concauum, & æneum fuisse tradunt authores, quod capite vitulum, diademate insignito, reliqua parte hominem exprimebat; quod cum igne subiecto totum ignesceret, & mox brachia expansa contraheret, eius cultores filios suos filiasque summa crudelitate eius complexibus cremandos tradebant, uti Hieremias id quoque innuere videtur, ubi ^{Cap. 32} ait: *Aedificauerunt excelsa Baal, quæ sunt in valle filij Ennon, ut initiarent Filios suos & Filias suas Moloch, quod non mandauit illis.* Gratum id obsequium Deo suo credebant, qui Abraham exemplo proprios filios offerrent;

ferrent; durante verò sacrificio Sacerdotes Meloch rauco tubarum clangore, ac ingenti tympanorum strepitu adstantium aures obtundebant, ne flebiles eorum voces, qui exquisitissimis supplicijs torquebantur, in horrendis illis tormentis à parentibus exaudirentur.

2. Mach. 1.

In extremo ad Orientem angulo, vbi cum Valle Iosaphat coniungitur, vetustum cernitur edificium; quod Pureum contutationis sacri Ignis vocant: eo siquidem loco Sacerdotes Babylonicæ captiuitatis tempore Ignem sacrum de altari sumptum condidisse ac (vt loquuntur) contutasse ferunt: quem postea ex Perside reuersi in aquam crassam conuersum inuenerunt: eâ verò cum ligna altaris conspergerentur, adstâte populo omnium cum admiratione Sole refulgente accensa fuere: in cuius rei memoriam postmodum festum Scenopegiæ institutum fuit: Pureus iste ad dextram relinquitur, atque à Peregrinis eminus conspectus præteritur.

Isai 8. 11.

Nem. 3.

Joan. c. 9.

Valle Gehennon superatâ rursus alta petiuimus montemque Moriah adscendentes, ad Siloah fontem perreximus. Is aquis optimis vberimus ad radicem montis Moriah scaturit. Ob cæcum natum hic Christi virtute illuminatum, Christianis in primis venerabilis: quini- mo Turcæ Maurique omnes eius aquas magni faciunt, atque oculorû vitijis prodesse aiunt.

2. Parah. 33.

Hieron. in arg.

supra Proph.

Isai.

4. Esdr. 3.

Haud procul ab hoc fonte iuxta transitum aquarum, quas Rex Ezechias iniecto obstruxerat puluere, Morus extrat lapidibus ad imum trunci circumsepta, eo loco (vt volunt) quo olim Quercus Rogel ex- titit, sub qua Isaias, iussu Manassis Regis prope hunc locum ferrâ li- gneâ dissectus, cõditus est. Duas hic Fons efficit piscinas, quarum mu- ros Sellum filius Cholhoza restaurasse legitur, erantque olim inclusæ Horto Salomonis. Prior autem, quæ in viâ est, iuxta pontem, alterâ capacior, formam etiamnum refert quadratam oblongam, versus fon- tem paululum in rotunditatem desinentem, quam (cum nos fontem viferemus) siccata inuenimus: altera fonti contigua quadratâ formâ aquis abundabat.

Niceph. 8.

Hist. Ecclæs.

30.

Inde per gradus aliquot sub rupis concauo ad fontem descenditur, qui instar canalıs, latitudinis pedum quatuor aut quinque, sub ipsâ ru- pe protenditur. Insignis quondam supra hunc fontem exstructa fuit à pijsissima Helena Ecclesia, titulo Saluatoris Illuminatoris, cuius etiam- num nonnulla remanent indicia. Peregrini antrum ingrediuntur, ma- nus, oculos, faciemque religionis ergo hac aquâ lauant, vti & nos feci- mus, precibus poscentes à Deo Salvatore, ac summo illuminatore, vt sicut cæco nato lumen oculorum restituerat, sic nobis lumen fidei au- geret, corpusque fragile in bono opere corroboraret; quibus hæ quo- que à Minoritis additæ fuere Precationes:

Antiph.

Antiph. Exspuit Iesus in terram, & fecit lutum ex sputo, & linivit super oculos cæci nati; & dixit, Vade, & lava ad natatoria Siloë.

Vers. Abijt ergo ille.

Resp. Et lauit, & vidit.

Oratio. Deus, cui nihil impossibile, sed solo verbo restauras uniuersa, quæ cæco nato eius oculis tuo iussu in his Siloë natatorijs extergenti, clarum tam spiritus quàm corporis reddidisti visum: concede nobis quasumus, hac tua sancta recensentibus opera, ut oculi mentis nostræ luto delictorum infecti, aquæ misericordie tue valeant expiari. Qui viuus &c.


A Fonte Siloë ad iactum lapidis, Septentrionem versus alium accessimus fontem, ab Hieremiâ, & Nehemiâ Fontem Draconis appellatum, ad Montis quoque Moriah radicem iuxta Vallē Iosaphat positū, *Nehemiâ* quem vulgò Fontem Mariæ vocant, quòd Filij sui crepundia, aliosque panniculos in eo sæpe abluerit. Hic profundissimus est, octoginta enim & amplius gradibus ad eius ima hodie descēditur, protenditurque sub ipsa rupe, latitudine pedes duos continens. Mahometzj in eo quotidie se lauant, & Moscheam in muro excisam iuxta habent. Cùm nos illaciter facceremus, Arabes aliquot Fontem occupauerant, quī ne ad infima Fontis descenderemus, aut eius aqua faciem lauaremus (vti Peregrinis mos est) impediuerunt. Eminus itaque salutato Fonte, distulque pro more à Minoritis Precibus, quæ sequuntur, discessimus.

Antiph. Ave Regina cælorum, Ave Domina Angelorum;
Salve Radix Sancta, ex qua Mundo lux est orta.
Gaude gloriosa, super omnes speciosa.
Valde valde decora, & pro nobis Christum exora.

Vers. Ora pro nobis Sancta Dei Genitrix.

Resp. Ut digni efficiamur promissionibus Christi.

Deus, qui virginalem aulam Beata Mariæ Virginis in qua habitares, eligere dignatus es: da quasumus, ut sua nos defensione munitos, incundos sua faciat interesse commemorationi. Qui viuus &c.



A Monumentum Absolonis.
B Spelunca seu latibulum D. Iacobi Apostoli.

C Sepulchrum Zacharia Filij Barachia.
D Torrens Cedron.

2. Paral. 24.
Matth. 23.

A Fonte Ortum versus pergentes Vallem Iosaphat transuimus mediam. Valle superatâ, ad Aquilonem processimus, ubi ad dextram viâ in costâ Montis Oliueti Sepulchrum offedimus formâ quadratâ, rupi incisum; cuius frontispicium quatuor columnis duplicique coronide ornatum est, apice in formam pyramidis insurgente. Monumentum fuisse autumant Zachariæ filij Barachia à Iudæis occisi inter Templû & Altare.

1. Corinth. 15
Hieron. in
Catal. script.
illustr.

Iuxta hoc aliud quoque spectatur Sepulchrum, tribus in facie ornatum columnis, in ipsâ rupe excisus, formam porticus referens: in quo Iacobum Apostolum, cum se voto obstrinxisset, non comesturum panem ab horâ quâ calicem Domini biberat, donec Christum à mortuis excitatum videret, toto passionis tempore latitasse, atque Salvatorem post Resurrectionem ei apparuisse asserunt, quod & piè ab omnibus creditur Christicolis. In cuius rei memoriam Minoritæ concinnere sequentia:

Antiph Tunc relicto Iesu omnes Discipuli fugerunt.

Vers. Iacobus venit ad hunc locum.

Resp. Non se comesturum voverat, nisi prius videret Christum resuscitatum.

Oratio. Domine Iesu Christe, consolator omnium, & Redemptor, qui B. Apostolo

Apostolo tuo Iacobo Iudaorum metu in hoc latibulo tempore tua Passionis secretissime latitanti, tua resuscitatus potentia; apparuisti, eumque comedere benignè inuisti: esto nobis precibus ipsius Apostoli propitius, & presta ut inter has barbaras nationes omisso omnis pusillanimitatis timore, fidem tuam constanter confiteri, & predicare valeamus. Qui vivis &c.



- | | | | |
|---|--|---|--|
| A | Pons lapideus supra Torrentem Cedron. | F | Mausoleum D. Virginis. |
| B | Vestigia pedum Christi saxo impressorum. | G | Mari Hierusalem. |
| C | Torrentis Cedron. | H | Aceruus lapidum iuxta sepulchrum Absolonis Mahometeorum proiectione ibidem processu temporis excretus. |
| D | Monumentum Absolonis. | | |
| E | Sepulchrum Regis Iosaphat, vel | | |

Viginti quasi passus progressis tertium occurrit Sepulchrum, regiū profectò, & egregium opus, ordinis Dorici, columnis, duplicique coronide, ac pyramidalī fastigio decoratum. Totum ædificium ex perpetuā rupe concisum, triginta circiter pedes altitudine continet. Absolonis id esse asserunt, ab eodem dum viueret ædificatum, licet postea in illud illatus non fuerit. Testes sanè sacrae sunt Literæ Absolonem in Valle regis, quæ & Iosephat, erexisse titulum & Monumentum nominis sui, vocarumque fuisse Manum Absolonis. Peringens aceruus lapidum Monumentum cingit, eius causam sciscitantibus nobis retulere Franciscani, Mahumetæos prætereuntes lapides in Sepulchrum injicere, ac hominis impietatem; quod vitæ patris insidiatus fuerit, his verbis execrari: *Maledictus Absalom, qui in parentes se iuravit, maledicti æternam.*

2. Reg. 18.
Ioseph. 7. Ant.
10.

Huic

3. Reg. vii.
4. Reg. xi.

Huic ferè contiguum hæret quartum, lapidibus pænè opertum, vt nihil præter introitus apicem videas, Corinthio constat opere, portæ frontispicium referens, Regis Iosaphat Monumentum, & Vallem subiectam inde nomen sumpsisse vulgò asseritur. Alij tamen Manassis regis esse Sepulchrum existimant, quod potius crediderim: Nam Iosaphat in Ciuitate Dauid cum patribus suis sepultum, Manassæ verò in Sepulchro suo in horto Oza humatum esse, Libri Regum testantur.

E regione vltimi Sepulchri in infimâ parte Vallis, vbi rupes denudata cernitur, quam Torrens Cedron interdum superat, saxo impressa manuum & pedum aliquot vestigia conspeximus: quæ Saluatorem illis impressisse, dum ex Horto Oliueti illac ad Annam Pontificem raperetur, piè ab omnibus creditur: minus integra tamen, nec comparanda cum vestigio pedis Saluatoris, quod in Monte Oliuarum nos vidisse & contrectasse suprâ diximus: quod quidem Peregrinorum iniuriâ (qui malleorum & lapidum ictibus, dum fragmenta conantur auellere; ea vitiant) contigisse putauerim.

Post deosculata pro more Sanctissimarum manuum & pedum vestigia, ac sequenti à Minoritis dictâ Oratione:

Respice quasumus, Domine Deus, super hanc familiam tuam, pro quâ Dominus noster Iesus Christus non dubitauit manibus nocentium tradi, & Crucis subire tormentum. Qui tecum &c.

Ad Hortum Oliuarum processimus, relicto ad læuam ponte lapideo, ex vnico constante fornice; quem Helena Imperatrix construxisse putatur. Is aquis torrentis intumescens (quod quidem rarissimè, & nisi cœlo imbribus abundante accidit) transitum supra torrentem præbet; aliàs siccis pedibus transitur.

Semitâ angustâ pergentes, ad dextram in costâ montis Arcum semidirutum, & pænè collapsum eminus conspeximus, quem vulgò Sepulchrum Iudæ proditoris appellant. Iuxta sunt Sepulchra vulgi Iudæorum.

Procedentes paululum ad Occasum, reliquimus ad sinistram Portam Auream Urbis Hierosolymæ, quam, cum cominus accedere non liceret, eminus salutauimus, ac Christum Quantem adorauimus. Minoritis interim recitantibus sequentia:

Antiph. Rex tuus venit, Hierusalem, sedens super asinam; & pullum filium subiugalis.

Vers. Aperite mihi portam iustitiæ.

Resp. Et ingressus in eâ confitebor Domino.

Oratio. Clementissimè Domine Iesu Christe, qui die palmarum fidelissimâ populorum in te credentium stipatus cateruâ, per hanc sacratissimam

zissimam pontam super pullum Asina, ut nobis praberet humilitatis exemplum, Hierosolymam ingredi voluisti: presta quesumus, ut tu nos humilitatis imitantes vestigia, per illam celorum ianuam, qua tu es, Hierusalem supernam ingredi mereamur. Qui vivis &c.

E regione Portæ Aureæ ad radices Montis Oliueti locus ostensus est, quo olim vicus Gethsemani extitisse putatur, vbi Christus à cœnâ nouissimâ mœstus ac pauens suos reliquit Apostolos, ac solis inde secum assumptis Petro, Iacobo, & Ioanne, ad Hortum Montis Oliuarum perrexit. Hodie verò ita in cinerem hîc omnia versâ sunt, ut ne vllum quidem veterum ædificiorum vestigium superesse conspicias.

Matth. 26.
Marc. 14.

Inde ad iactum sagittæ progressis, in ipso Montis Oliueti radice ostensa fuit maceria vtrîque angusta, instar viculi, ingressum ad vicinum præbens Oliuetum: olim aditum Horti Oliuarum fuisse asserunt, in quo Saluator noster à Iudâ militum cohorte, ac ministris pontificum stipato, proditus osculo, & à cæteris captus, ligatus, atque inde immaniter per torrentem Cedron, ac vallem Iosaphat, Montemque Moriah, denique per Portam Sterquilini ad Pontificis Annæ domum abreptus fuit. Hîc quoque milites & ministri iterum interrogati, quem quærent, ceciderunt in terram supini. Hîc denique Petrus educto gladio Malcho Pontificis seruo abscidit auriculam. Hîc gradum sistentes, pro more precari sumus, recitantibus Minoritis sequentia:

Matth. 26.
Luc. 22.
Ioan. 18.

Antiph. Dederat autem eis traditor signum, dicens, quemcumque osculatus fuero, ipse est, tenete eum, & ducite caute.

Pers. Dixit Iesus tradenti se.

Resp. Iuda, osculo filium hominis tradis?

Oratio. Domine Iesu Christe, humani generis benigne redemptor, qui ob maximum erga nos amorem tuum, à discipulo in hoc Horto Sancto primum tradi, deinde ab immanissimâ Iudeorum manu capi, ligari, atque ignominiose tanquam latro ad Pontificis præsentiam plectendus perducî sustinuisti. postremò vero turpissimam crudelissimamq; mortem oppetere, ut nos de inimici ruigentis captiuitate absolueres, ultro voluisti: concede nobis quesumus, ut cuncta huiusmodi aduersa æquo atque constanti animo tolerare, & toleranda protui nominis gloriâ eidem congaudere queamus. Qui vivis &c.

Iuxta hunc locum adscendentibus nonnihil, in eodem horto nuda rupes ostenditur triplici culmine: qui locus esse dicitur, quo Christus tres reliquit Apostolos, quos secum adduxerat, Petrum nempe, Ioannem, & Iacobum, dicens eis *Vigilate hic & erate*. Vbi etiam paulò post rediens, inuenit eos dormientes, & dixit Simoni Petro, *Simon, dormis, non potuisti unâ horâ vigilare mecum?* Quorum omnium hîc commemoratio fit à Minoritis tali Oratione:

P p

Antiph.

Antiph. *Assumpto autem Iesus Petro & duobus filijs Zebedai, cepit contristari & mæstus esse: tunc ait illis: Tristis est anima mea usque ad mortem: Sustinete hic & vigilate mecum.*

Vers. *Et reuersus ad Discipulos suos, ait Petro.*

Resp. *Non potuisti unâ horâ vigilare mecum?*

Oratio. *Dulcissime Domine Iesu-Christe, qui quantum possit humana fragilitas prænoscis, Discipulos tuos pradilectos, quos ex nimia cordis tristitiaürgens corporis necessitas in validum hic soporem immerserat, benignè excitasti, atque ut Orationi vacarent exhortatus fuisti: omnem negligentia nostra somnolentiaq; torporem à nobis procul repelle, ut saluiferum vita tua decursus vigilantius ac deuotius contemplari mereamur. Qui viuis &c.*

In eodem Horto declinando paululum ad Occidentem locus ostēditur sessionis beatissimæ Mariæ Virginis, ab Orientalibus ita appellatus. Aiunt enim ab Adscensione Filij ad diem obitus sui circumuicina omnia Montis Oliueti loca à Filio suo frequentata, quotidie ferè perlustrasse, contemplatamque mysteria ibi ab eo peracta, & ex itinere fessam ibi confidere solitam: stetisse etiam ibi, atque Stephanum Protomartyrem, Vrbe eiectum, cū lapidibus haud procul inde obrueretur, confirmasse, & precibus suis iuuissē, ne in tormentis deficeret. Hic igitur & nos substitimus, ac Deo fudimus Preces, Virginisq; beatissimæ patrocinium deprecari sumus. Seraphicis interim concinentibus sequentia:

Antiph. *Qua est ista, qua ascendit sicut aurora consurgens, pulchra ut luna, electa ut sol. Alleluia.*

Vers. *Dignare me laudare te Virgo sacra ta.*

Resp. *Damihivirtutem contra hostes tuos.*

Orat. *Respice quæsumus Domine, oculò tua pietatis ad indignas preces seruorum tuorum, & meritis gloriosissimæ Matris tuæ, dum vitâ viuens, huac sacratissimum Montem, diuinis ac copiosis refertum mysterijs, deuotissimè visitaret, sæpius hic sedendo, tuâq; Passionis acerbitatem lachrymabiliter meditando quiescebat: fac nos in hac lachrymarum valle sedentes in umbra mortis ad gloriosum Olympum feliciter transmigrare. Qui viuis &c.*

Hortus Oliueti non continuâ sepe vel pariete sepitur, sed multis semitis interfecatur, & plurimis locis omnibus est peruius. Multæ in eo etiamnum vetustissimæ visuntur Oleæ; quas à Christi ætate superesse, vulgò persuasum est.

Hinc ad Aquilonem pergentes, relicto ad dextram Virginis Sepulchro, locum lapidationis Diui Stephani adiunimus, ibidemque precibus vacantes paulisper substitimus. Minoritæ interim concinuerunt sequentia:

Antiph.

Antiph. Lapidauerunt hic Stephanum Iudei inuocantem, & dicentem, Domine Iesu, accipe spiritum meum, & ne statuas illis hoc peccatum, quia nesciunt, quid faciunt; & cum hoc dixisset, obdormiuit in Domino.

Vers. Stephanus vidit caelos apertos.

Resp. Vidit, & introiuit, beatus homo cui caeli patebunt.

Oratio. Omnipotens sempiternae Deus, qui primicias Martyrum in beati Leuitae Stephani sanguine dedicaſti; tribue quaesumus, vt pro nobis intercessor existat, qui pro suis etiam persecutoribus exorauit Dominum Iesum Christum filium tuum, Qui tecum &c.

Inde alta petentes, per Portam Gregis Urbem intrauimus. Dein recta iuxta Pilati Praetorium per Viam Dolorosam ad Portam vsque Iudicalem processimus. Hinc ad laeuam flectentes Meridiem versus, per plateas vicofque testudinibus coopertos, raris tantum foraminibus in summitate luminis admittendi causa hinc inde relictis, continuauimus iter. Hi etsi plerique collapsi ruinis pleni, & multis in locis neglecti, & sordidi iaceant, ex parte tamen Turcis Maurisque loco Bazarri (nos Forum vocamus) seruiunt. Sub his enim fornicibus in tabernis vtrisque dispositis venalia quaeque habent, seque interdum contra solis aestum, ac pluuiam recipiunt, tutique obambulant.

His perspectis, atque Occiduum versus pergentes, Templum vetustum & ruinosum, vulgo Petri Carcerem, praeteriuimus. Inde ad Aream sanctissimi Sepulchri Dominici processimus, ad cuius dextram ostiolo patente obscuros quosdam ingressi sumus fornices: dein atrium transgressi, & quasi 32 passus difficili incommodoque gradu procedentes, Sacellum accessimus Abassinorum cura & custodice demandatum, Dominicae Crucifixionis Sacello contiguum, soloque muro diremptum, quod Orientalium opinione locus sacrificij Abraham dicitur, & in maxima est apud omnes Christicolae veneratione. Eodem siquidem in loco, Patriarcham Abrahamum, constructo altari Isaacem filium ex diuino mandato voluisse immolare, sed ab Angelo retentum, arietem pro filio in holocaustum obtulisse veteres tradiderunt. In cuius rei memoriam etiamnum in ipso Sacelli medio lapis ostenditur pavimento affixus, nonnihil profundus, tessellato opere, variisque emblematis ornatus, quo loco sacrificium ab Abrahamo peractum putatur.

Huic contiguum haeret & aliud Sacellum, in quo pariter Ara ostenditur lapidea, supra quam Melchisedechem Regem, & Sacerdotem Dei altissimi, sacrificium Deo obtulisse referunt Orientales. His egressis Sacellis peruetusta occurrit Olea, eodem (vt fertur) posita loco, quo aries vepribus irretitus ac haerens ab Abrahamo

apprehensus, & in holocaustum pro filio oblatuſ est. Hæc quidem ita ſe habere, & à Patribus accepiffe Orientales narrant, quibus & plurimi Patrum Occidentaliſ Eccleſiæ conſentiunt: licèt alij contradicant, ac locum Sacrificij Abraham non Monti Caluariæ, ſed Moriæ adſcribant. Melchifedech verò Sacrificium non hîc, ſed in Salem oppido peractum velint. Vt ut eſt, ſat ſit relata referre. Solitis ibi exhibitis Deo precibus, ſalutariſque ante fores Templi Monte Caluarię, & Sepulchro Dominico, ad Monasterium Minoritarum, Sole iam medio hærente cœlo, reuerſi ſumus, viresque noſtras cibo demum paululum reparauimus.

CAPUT XIII.

Monumentum B. Mariæ Virginis ſecundò inuiſum. Aedes D. Ioachimi & Annæ parentum Mariæ, Arx Antonia, Porta ſpecioſa Templi Salomonis, aliæque antiquitatis Luſtrata veſtigia.

DECIMO SEPTIMO. Kal. Nouembris, illuſcente iam die, ad Beatiffimæ Virginis Mariæ Monumentum binis comitantibus Minoritis, perreximus, nemine neque in vrbe neque extra Urbem nobis obuiſo. Vbi ad Mauſolæum Virginis venimus, patente oſtio ad inferiora descendimus, & ſacrum Virginis Sepulchrum inuiſimus, perque horam vnā atque alteram. Precibus inibi vacauimus: altero interim Minoritarum in ſacrâ ædiculâ ſupra Virginis Monumentum ſacrum faciente: quo peracto, & nos ſacræ mentis participes facti ſumus. Poſt ſuſas Preces, ac debitas Deo Opt. Max. eiufque Matri ſanctiſſimæ habitas gratias, Templo egredimur, atque ad Urbem reuerſi, domum DD. Ioachim & Annæ, in quâ dum feſta Hieroſolymis agerent, hoſpitatos fuiſſe, vbi & obijſſe vtrumque, veterum memoriâ proditum eſt, acceſſimus; Templumque à Chriſtianis poſtmodum iſtarum ædiū fundamentis ſuperſtructum, cum Monasterio illi contiguo, perlustrauiſus. Templum id elegantis operis, à Turcis in Meſſitam verſum, ſitum eſt haud procul à Portâ Gregis, è regione Templi Salomonis: ſub cuius Choro ſpecus extant, vulgò Ioachimi & Annæ cubicula crediti; ad quos Templum tranſgreſſis in ipſo Monasterij clauſtro ſcālâ lignæâ patet aditus. Nos quoque ut locum B. Mariæ natiuitate celebrem inuiſeremus, ad ſubterraneos hos ſpecus, obſcuros tamen valde, & omni prorſus luce carentes, ardentibus cereis ideò inſtructi, penetrauiſus. Sunt autem tres numero, quadratâ formâ, cellulæ, viuz rupi incife, eo ordine ut ſibi cohæreant, & ex vnâ in alteram detur tranſitus. Poſtrema ſub ipſâ Arâ ſuperioris Templi, Annæ Thalamus dicitur,

dicatur, in quo virgo Maria concepta & nata putatur. In cuius rei memoriam, Deo, eiusque Matri Preces fudimus; Minoritis sequentia dicentibus:

Antiph. *Gloriosa Virginis Maria & Anna matris eius conceptionis & natiuitatis Ecclesiam deuotissimè visitemus; qua & Genitricis dignitatem obtinuit, & Virginalem pudicitiam non amisit.*

Vers. *Ora pro nobis Sancta Dei Genetrix.*

Resp. *Vt digni efficiamur promissionibus Christi:*

Orat. *Famulorum tuorum, quæsumus, Domine, delictis ignosce, & qui tibi de actibus nostris placere non valemus B. Anna & Genitricis Filij tui Domini nostri intercessione saluemur. Per Dominum nostrum Iesum &c.*

Precibus finitis ad superiora redijmus, donoque dato Seriphi famulo inibi habitantis, ad penetralia introducti sumus, totumque lustrauimus Monasterium. Ædificium est satis amplum, & magnificum, quadratâ formâ in plurima diuisum cubicula, duplici ornatum porticu, vnâ alteri superimpositâ, columnis marmoreis vtraque suffultâ, impluuium in medio satis spatioso. Id culturæ aptatum, pomis aureis, variisque floribus refertum, in hortum amœnissimum, & cultissimum euasit.

Monasterio egressi, iuxta Salomonis Templi vestibulum quod Septentrionem spectat, Arcis Antonianæ reliquias ad dextram viæ reliquimus, vnicum Romanorum per amplum quoddam & regium monumentum. Hodie tamen maiori ex parte dirutum & concisum, exigua tantum partem reliquam habet, constatque è saxis marmoreis miræ magnitudinis. Ab Hircano autem Machabæo in rupe quinquaginta cubitis altâ & vndique abruptâ ædificata, prius Turris Baris dicta, & sacerdotalis stola custodiæ destinata, Pontificum ad Herodis vsque tempora sedes fuit. Herodes verò regnum adeptus restaurauit, & turribus excelsis communiuit, atque vt esset oportunum contra Templum & ciuium seditiones præsidium, militibus custodiendam dedit, eamque Antoniam in gratiam Marci Antonij nominauit.

Ab Arce rectâ ad Occasum prosequentes iter, vbi ad Domum Epulonis venimus, ad Meridiem fleximus, Portam Speciosam Templi Salomonis inuisuri. Hæc ab Occasu ad Atrium Templi accessum præbet; eademque dicitur, per quam Petrus & Ioannes Apostoli adscendentes ad Templum horâ Orationis nonâ claudum medicum eleemosynam petentem, cum neque aurum neque argentum Petrus se habere respondisset, in nomine Iesu curauit. Ego tamen esse antiquam illâ, non facile crediderim, sed aliam potius, & recentiore; nam Templum funditus euersum, & Montem Moriah complanatum esse historicorum testimonio constat: ex quo facile colligere est etiam Portam

*Iosaph. 15.
Ant. 11. &
18. Ant. 12.
Ab. 3.*

Ant. 3.

hanc parem cum Templo ruinam passam fuisse. Est autem opus regium, & admirandum, marmoreum & fornicatum totum, instar porticus amplissimæ, altitudinis pedum circiter triginta, latitudinis viginti quinque, vtrunque tabernis rerum venalium omnis generis ornatum. Porticum ingressis appropinquare Portæ Areæ Templi proximæ, aut inibi subsistere non licuit; sed quasi per transfennam Templum, Areamque amplissimam introspicere tantum datum fuit. Portâ conspectâ, & porticu, ad Caluariæ Montem perreximus, quem ab Orientali latere viâ accliu atque apertâ conscendimus; vbi supra diuæ Helenæ Sacellum eiusque subdiale pavementum procedentes, ad Cophtorum & Abassinorum habitacula & oratoria à Cophto quodam religioso introducti sumus. Quibus perlustratis ad Aream Templi Dominici Monumenti descendimus. Hic quoque salutato Sepulchro Dominico, & Caluariæ Monte, Precibus aliquantulum vacauimus: mox ad Minoritarum Monasterium reuersi, quieti nos dedimus.

In omnibus ferè locis, quos supra memorauimus, pro cuiusque conditione, ac mysterij significatione, à Peregrinis vnâ cum Franciscanis modo quo diximus recitantur Orationes, cum Antiphonis, versiculis, & Responsorijs consuetis: leguntur adhæc plurimis in locis Euangelia, mysteria (quæ in ijs acciderunt) continentia. Religiosus verò aliquis Franciscanus Peregrinorum Dux & comes breui Oratione mysteriorum significationem explicat, & quid in singulis locis à Salvatore peractum sit, enarrat; exhortatione additâ, vt quæ oculis eorum viderint, animo imprimant, eaque diligenter retractent, gratiasque Deo Opt. Max. agant, quòd ea conspicati sint, quæ paucis intueri concessum est. Si quis autem Peregrinorum legere nesciat, vel libellum orationes solitas continentem non habeat, recitatione Orationis Dominiæ & Salutationis Angelicæ satisfacit, consequiturque indulgentias à summis Pontificibus ea loca visitantibus concessas. In ijs solummodo locis, in Viâ Dolorosâ occurrentibus, nonnullisque alijs, intra Urbis moenia extantibus, ad quæ Christianis non datur ingredi, nullæ sunt Orationes, aut Preces, cum vel subsistere inibi, vel in reuerentiæ signum caput aperire non liceat. Quisque tamen in transitu corde saltem ea venerari, & salutare eminus, ac tacitâ oratione loci numen colere potest. Cæterum solo eorum adspectu quemlibet contentum manere necesse est.

CAPVT XIV.

Sepulchrorum Regum Iuda, ac specus Threnorum Hieremie, extra urbem Hierosolymitanam extantium descriptio. Bombycum item in Oriente natura, ac earundem pastura.

DECIMO SEXTO Kal. Nouembris, horâ postmeridianâ, duce Baptista Hierosolymitano Monasterij Interprete, binisque comitibus Minoritis, Vrbe per Iassæ Portam egressi, viâ quâ Sichem itur, Aquilonem versus, processimus. Ad læuam autem viæ hortos plurimos moris albis, Mauris *Tuth* dictis, distinctis ordinibus confitis, refertos præterijmus: quarum folia, ad alendos Bombyces aptissima, Hispanis & Italis inprimis vsui sunt. Longè autem aliter illius regionis homines (vt comites nobis retulere) vermiculos istos pascunt, atque Itali, alijque Occidentis populi. Hi quippe denudant arbores folijs, eaque virentia faccis ingesta domum conferunt; reptantibusque per tabulas Bombycibus ea in pabulum substernunt; bis verò in die pabula mutant, tabulasque ab animalculorum excrementis purgant: donec tandem plenior alueo albescentes, atque adultiores, aranearum in morem ex ore spumâ eictâ, tenuissima fila ducere, & sericeis globulis sese inuoluere incipiant: id vero vbi animaduertunt, detractis arborum ramis, eos imponunt, atque ita in orbem, nucumque modum (cui se irretiunt) glomerare sinunt. Orientales verò, vbi arbores plenæ folijs virescunt, ramos colligant, ac connectunt simul: recensque natos & iam repentis vermiculos arboribus imponunt: qui nulla prorsus humana adiuti ope, aut ministerio, per ramos colligatos ex vnâ arbore in aliam repunt, eas folijs denudant, & pabulum naturâ duce quarunt, donec tandem debito pascendi tempore expleto, robustiores effecti, ac facti, sese ad texendum accingant, opusque suum naturæ instinctu in iisdem arborum ramis conficiant. Licet autem pascendi hic modus, vt multis notissimus, apud Occidentales facillimè introduci queat, tamen quo id minùs fiat, cùm aëris intemperiem, tum tonitrua crebra, ac frigus intempestiuum, quæ nonnunquam etiam media æstate in Occidentis partibus, noctu præsertim, ex improviso ingruunt, obstare crediderim. Nam hæc bombycibus sub dio expositis interitum illicò essent allatura. In Palæstinâ verò nihil horum verentur. est enim ibi aër amœnus, ac die noctuque innocuus, & sudus, nullusque vnquam rigor æstiuo præsertim tempore, hic viget. Mira autem huiusce vermiculi propago: ex exiguis siquidem minimisque Bombycum seminibus, sabulo comparandis, circa

Kalendas

Kalendas Maias subtili linteo inuolutis & muliebrium mammarum calore confotis, vermiculi generantur: qui ne intereant, ab his quibus curæ sunt, alimonia ex mori folijs, modo quo diximus imbuuntur: atque ita fronde velati, educatiq̃ue nono quoque die summam corpusculorum pelliculam mutant; postea adultiores suapte naturâ ad texendum se accingunt, & telis suis semet irretiunt, reconditiq̃ue rursus spoliuntur, atque in subcandidos ad extremum papiliones exeunt: demumq̃ue ex mutuo congressu forminx pariunt, ex quibus propagatâ nouâ vermiculorum sobole ipsi depereunt.

Ex eorum deinde spolijs, quæ nucum ferè formam habent, colore albidis, vel croceis, in ahenum aquâ plenum focoq̃ue adhibitum iniectis, artifices fila glomeratorio extrahunt, torquentq̃ue digitis: quæ tandem lanificio aptata in pannos contextunt, quos Sericos vocamus.

Hortis à tergo relictis, iuxta Turcarum Messitam Mahometæi cuiusdam Sepulchro celebrem, maceriam transcendimus. Eâ superatâ ad Orientem fleximus, hortumq̃ue ficibus & olëis constitum transiuimus medium. Mox per Arcum in ipsâ rupe excauatum, latum pedes octo, Arcam quadratâ formâ latissimam, viuo in saxo excisam, arboribusq̃ue cultam, & horto inferiorem, intrauimus: in quâ ad laeuam Meridiem versus, vetustissimam Porticum, stupendi operis molem, frontispicio Dorici operis adornatam, offendimus. Porticus hæc è viuâ cæsa rupe, latitudinis pedum duodecim, longitudinis viginti quatuor Aquilonem spectat: altitudinem, ruinis maiori ex parte obrutam metiri non licuit. Grandes hîc subesse speluncas, cum narraret Interpres, eas (vt est cupiditas hominum occulta cognoscere) auidius explorare statuimus. In extremo itaque sinistri lateris angulo, Ortum versus, per angustam foueam inter exaggeratos lapides erutam, ad inferiora descendimus. Vbi ad imum venimus, per foramen rupi incisum, lapidibus ferè obturatum, adeoq̃ue arctum, atque angustum, vt vix distentis corporibus humi prostratis, ac repentibus ad interiora penetrare daretur, maximâ difficultate, tenentes accensum manu cereum, fessi ac sudore pænè madidi ad penitiora tandem deuenimus. Subeuntibus primò sese obtulit grande vestibulum, ceu cella, formâ quadratâ, non testudineatâ, lata per quadrum pedes circiter viginti: inde ad alium Ortum versus progressi sumus specum, eiusdem ferè formæ, nonnihil tamen minorem, sex continentem Sepulchra, eo ordine disposita, vt tria Aquilonem, totidemq̃ue Meridiem spectent, in rotundam superius desinentia formam, longitudine pedes septem, latitudine quatuor continentia, canaliculâ rupi incisâ medium intersecante ab inuicem diuisa. Hinc exeuntes, ad Occidentem fleximus, perq̃ue

perque portam valuâ lapideâ è rupe miro artificio excisâ, & versatilem, tertiam accessimus cellam, non minorem alterâ. eiusdemque formæ, ac totidem habentem Sepulchra. Hanc penetrantes, Occidentem versus, ad quartam profundiorē, sed minorem, per sex gradus descendimus: tumbas hinc duas marmoreas, diligenti manu, foliatoque opere fabrefactas inuenimus, apertas ambas, & ex parte contractas; quas Regum Hierosolymorum fuisse Sepulchra vulgi opinio est; à veritate (meâ quidem opinione) haudquaquam aliena: cum sacra Pagina Oziam Regem Iuda in agro regalium Sepulchrorum, quod esset leprosus, non autem in regijs Sepulchris Ciuitatis Dauid humatum referat, quo sanè testimonio planè liquet præter Dauidica Montis Sio, alia quoque regia extitisse sepulchra. Hac egressi ad Aquilonem rursus fleximus, transiitque, quas supra memorauimus, cellis, per portâ, valuâ item lapideâ munitam, quintam ingredimur cellam, prioribus persimilem; itemque sextam, huic contiguam, sed inferiorem, & minorem, duobus quoque marmoreis decoratam Sepulchris, cæteris similibus, in quibus item Hierosolymorum Reges olim humatos existimant. Valuæ hæc ex vnâ eademque petrâ (vt diximus) excisæ in angulis prominentes rotundas extremitates vtrique positi ita insertas habet, vt facili ductu circumferantur, adeoque tanquam cardinibus suspensæ commodè claudi & referari queant: quod vtiq; intuentibus stuporem inicit, & admirationis causam præbet maximam, quomodo nimirum ex vno eodemque saxo id exsculpi potuerit. Et quod magis mireris, etiam tumbæ lapideæ multò maiores sunt, quàm vt per portam introduci queant; vt hinc facile quis existimet non eas arte humanâ importatas, sed intus ex eadem rupe excisas, & sculptorum operâ ibidem formatas esse. Porro specus hi subterranei ad vnum omnes obscurissimi sunt, miro artificio è viua rupe, non concamerato, sed quadrato opere excisi, lati per quadrum pedes plus minus viginti: profundioribus tantum exceptis, quorum latitudo sex, longitudo septem pedibus constat. Opus equidem mirandum, ac memorabile, & non nisi maximis impensis fabrefactum: vt meritò Regiâ Sepulturâ dignum censeatur. Sunt qui Sepulchra hæc regiâ vrbis muris olim comprehensa putent, licet nunc longè extra muros conspiciantur: ex quo ingentem vrbis magnitudinem colligere facile quis potest.

His ita conspectis, Hieremiæ (vt vocant) specum adiimus; in quo Threnos eum de Vrbis excidio composuisse ferunt. Distat à regijs Sepulchris Occidentem versus passus circiter centum: estque quadratæ formæ Antrum, amplum & spatiosum, vnicâ columnâ eiusdem rupis suffultum, triginta circiter passus per quadrum continens.

2. Paral. 24.

Eo egressi, rectà ad Urbem redijmus. In itinere nobis obuiam venerè Maurorum aliquot familiæ: quæ collectis sarcinulis, nouam quærentes sedem, fame (quæ tunc per vicinas regiones grassabatur) cogente, aliò commigrabant. Itineris aliquod emensi spatium, per Portam, quam vulgò Damascenam appellant, urbem intrauimus: inde per viculos quosdam deuios, sordidosque, ac rudibus multis in locis pænè oppletos, ad Minoritarum Monasterium, cùm iam aduersperasceret, reuersi sumus.

CAPUT XV.

Arcus Ecce homo, & ædium Herodis descriptio. Deq; Supremæ Chieciagiæ in urbem Hierosolymam aduentu.

DECIMO QUINTO Kal. Nouembris, eodem, quem suprà memorauimus, Interprete duce, horâ primâ postmeridianâ ad Arcum Ecce homo per ædes quasdam Pilati Prætorio contiguas, aditu equidem difficillimo, & periculoso ducimur: nam Seriphi habitaculum, Messitamque paruulam Arcui vicinam pertransire cogebamur, quam licèt ingredi Christianos piaculum putant, barbarorum tamen animis dono prius placatis, quo difficillima quæque sapissimè superantur, ad superiora ædium quàm occultissimè admissi sumus, scalaque ligneâ Maurorum operâ ædificio adinotâ, ad summitatē Arcus peruenimus, ac summa spiritus consolatione lustrauimus. Id paruum admodum representat cubiculum, quadratum, oblongum, latitudinis pedum sex, longitudinis duodecim, collapsum ex parte, tectoque carens, parietibus vtrimque extantibus. Quâ parte Orientem spectat, duæ sunt fenestræ, à pauimento eminentes quasi pedes quinque, columellâ marmoreâ mixti coloris diuidente medias. Hic Pilatus (vt est maiorum traditio) Iesum Saluatorem diris flagris concisum, consputum, toto corpore sanguine madidum, purpureâ indutum chlamyde, spineamque in capite gestantem coronam, in conspectum principum, ac populi produxit, & dixit *Ecce homo*. Arcus ille, Xysti porticus, frequentibus arcubus supra plateam publicam amplâ latitudine instar pontis exstructæ, ac subdialibus inambulationibus ornata, pars esse creditur. Per hanc à Pilati Prætorio in Antoniam Arcem, & inde in Templum Salomonis transitus erat. Ex hac Præsides Romani, & Agrippa Rex, tanquam è loco tuto populum alloquebantur: cuius frequens apud Iosephum fit mentio. Orationibus hîc persolutis, locoque perlustrato, nec non lapidum aliquot collectis fragmentis, discessimus. Mox Herodis Regis Palatium, è regione Prætorij accessimus, ybi in inferiori

riori domus parte ab Interprete nobis ostensus est locus, quo adductus fuit Iesus ad Herodem Antipam; qui signum ab eo videre dudum desiderauerat; & cum interrogatus nihil responderet, ab eo spreus, illus, pro demente habitus, ac veste albâ indutus, ad Pilatum remissus est. Hinc rursus ne eâdem viâ regrederemur, per obliquos, deuiosque viculos Minoritarum Monasterium reperiuimus, vbi & postero die quieuius.

XIII Kal. Nouembris à Bethleëmita quodam Monasterij famulo relatum nobis fuit *Seraij* regij, seu Portæ Osmannicæ supremi Præfecti Chiecgiam, nobis Vicarium, Mechâ redeuntem, vbem amplo cum comitatu eo die intrasse: sequenti verò Bethleëmam, itemque Hebron profecturum, Patriarcharum Sepulchra inuisendi causâ, plurimosque e primoribus Urbis eum comitatuuros. Ea siquidem Turcarum animis insita est religio, vt voti rei, post Mahometis sui sepulchrum visitatum, non se legitimè votum soluissè arbitrentur, nisi postea Bethleëmam, Hebron, Hierosolymam, ac Lyddam adierint, & Christi incunabula, Patriarcharum, ac Diui Georgij Sepulchra, nec non Salomonis Templum visitauerint. Id vbi intelleximus, non spernendam hanc occasionem rati, quæ ad iter pertinebant summâ cum animi voluptate præparauimus: explorare tamen animi desiderium minimè potuimus, dissuadentibus Guardiano, & primo Monasterij Interprete, *Anna* nomine, qui varia itineris pericula proponebant. Noctu siquidem Turcas, æstum diei declinantes, iter agere, minimè propterea nobis consultum fore tam temerè cum barbaris per loca deserta & incognita itineri nos committere. Summoperè namque verendum esse, cum ipsi in equis proficiscantur, celerique incedant gradu, nos verò asinis vehamur, ne asinorum tarditate impediti eos assequi non valeremus, adeoque omni prorsus comitatu destituti, & à locijs derelicti, viam nescientes, intempesta nocte hac illacque vagari non absque summo vitæ discriminè cogeremur. Quæ cum vera esse & reliqui Minoritæ assererent, dicto parentes, ne pertinaciæ aut temeritatis notam incurreremus, mutatâ sententiâ à proposito abstinuimus. Licet autem id malè nos omnes haberet, atque molestè hanc repulsam ferremus, ferenda tamen fuit. Ea quippe Pegrinorum ijs in partibus conditio est, vt velint nolint, id se penumerò præstare cogantur, quod contra stomachum est, atque ea perferre, quæ nequaquam attrident, adeoque propriâ voluntate abnegatâ, aliorum sequi iussâ, obtemperare alijs, & (vt apud Italos in prouerbij est) longobardâ patientiâ omnia tolerare necessum sit.

CAPVT XVI.

*Mira quædam de Mahometanis Peregrinis, natione Indis, eorumque
in Minoritarum templo precibus, necnon Mahometacrum de
Christo, eiusque Matre Mariâ opinio.*

Nono Kal. Nouembris accessere ad Monasterium Sancti Saluatoris religiosi quidam Mohometæi conditione Deruisij, natione Indis: qui Mechâ (ut ferebatur) cum Chiecagiâ Hierosolymam adorandi causâ venerant, prouectæ ætatis, simplices, rudes, ac subfusi homines, pannosi omnes, pilcolis cinereis, lintæo obuolutis tecti. Horum alter ceruinum cornu gestabat manu, alius pendentem de collo per humeros Tigridis pellem habebat: cumque acriter instarent, ut venia sibi à Guardiano intrandi Monasterium daretur, voti tandem compotes facti ad superiora claustra admissi, & in Templum ab Interprete Monasterij introducti sunt: quibus dum ille, nobis adstantibus, depictas altaribus imagines ostenderet, quid significarent, & quorum personas, atque acta referrent, declararet; nullis ante id tempus visis, stupebant, fixisque in imagines hærentes oculis, Deum suo more adorabant, Christum Dominum laudibus extollebant. aliqui genibus flexis, oculis clausis, ac velut taciti submissæ orationes ad Deum fundebant, alij stantes, oculis in cælum erectis, altâ voce exclamabant, repetebant: quæ pluries *la Illah Ille Allah, Isan Rob Allah, Mahomet Rusul Allah.* quod nobis est, Non est Deus, nisi verus ille Iehoua, vel ille Deus, qui creauit cælum & terram, Iesus Spiritus Dei, Mahometes Nuncius, siue Apostolus Dei. Anteponentes hoc modo Christum suo Mahometi: cum hunc Nuncium, illum Spiritum Dei nuncuparent, & tanquam digniorem primo loco statuerent. Neque id mirum videri cuiquam debet: nam ex Alcorano & Zunâ Mahometææ Legis sacris codicibus constat Christum ab ipso quoque Mahomete magnificari, omnibus præferri Prophetis, imò ipsi Moyse: fateri in super Christum cum animâ & corpore cælos adscendisse, & inde rediturum, ut verum Iudicem, ad iudicandum Mundum, ac Deo proximè in Iudicio assessurum: esse Verbum Dei, virtutem, sapientiam, animam, spiritum, & cor Dei afflatu diuino ex Mariâ semper virgine generatum, suscitasse mortuos, cæcis visum reddidisse, aliaque multa fecisse miracula. Ego quidem, cum in Orientis hærerem partibus, à plurimis intellixi, Mahometæorum vulgus Christum Prophetam tantum, & Mahomete suo inferiorem credere; doctiores tamè, & in literis Arabicis versatos, Santonos nimirum & Scheichos palam asserere, immortalem fuisse, è cælo originem traxisse, è Virgine Maria natum, & gloriosum ad cælos adscendisse, ac suo Mahomete digniorem esse. Licet enim Mahometem magnum fuisse Prophetam asserant; hominem tamen, & mortalem, ac sepulchro conditum, adeoque cum Christo nequaquam con-

ferendum fatentur. Neque Mahometes ipse dissentit: testatur enim in Alcorano se neque miracula fecisse, neque facturum, plurima ignorare, esse purum hominem, tametsi à Deo missum, & inspiratum, neque posse dare veniam peccatorum; esse præterea in libris suis quædã, de quorum veritate dubitari posset, eum tamen Euangelij auctoritatem factam testam habeat, & perfectionem, ac directoriũ salutis agnoscat. Hinc verò apud Mahometæos omnes mos ille seu religio inualuit, quãdo Hierosolymam veniunt, vt omnia loca Christi aliquo mysterio notata, Mortis tantum, & Passionis, ac Resurrectionis exceptis, honore prosequantur, ac sedulo visitent, orationibusque frequentent. Mausolæum quoque Virginis crebro inuisant, & precibus honorent. In summã namque existimatione etiam Virginem Mariam habent: quam & ante & post partum Virginem semper permanisse constanter credunt: eamque Alcorani testimonio tanquam à Deo electam, & summis virtutibus ornatam cunctis Mundi mulieribus anteponunt, atque omni laude dignissimam fatentur. Qua in re Christianis Catholicis proximè accedunt: nam & ipsi Sepulchrum Virginis summè honorant, precibus visitant, eamque beatissimam prædicant, & matricem sequentes Ecclesiam indefinenter salutant, tanquam patronam & aduocatam inuocant, eiusque intercessionem apud Filium suum Vnigenitum efflagitant; atque omni denique laude dignissimam (si diuinam excipias) credunt. Hebron quoque profecturi Mahometæi omnes vel in aditu vel in reditu Bethleëmam accedunt, Christi Natiuitatis specum inuisunt, precibus inibi vacant, tanto spiritus feruore, & reuerentiã, vt etiã Christianis sæpenumero pudorem injiciant. Calceos namque exuunt, vestem superiorem in terram deponunt, ac priusquam ad locum Natiuitatis perueniant, ter quaterve humum deosculantur. Mox suo more profundunt vota & preces, locumque singultibus implent. Peractis precibus haudquaquam auersã facie recedunt, vilipendi enim sacrum locum putant ab eo qui id faxit, sed inclinato capite retrogradi abeunt. Atque hæc ita se habere à Minoritis accepimus. Quid autè nobis hac de re innotuerit, cuius & testes oculati sumus, paucis subiciemus.

XI Kal Nouembris, dum Christi Incunabula reuissimus, perq; Portã ferreã superioris Ecclesiæ ad inferiorẽ Natiuitatis Domini specũ iterũ pergimus, obuiã se nobis exhibet Maurus quidã capularis senex, cereũ manu tenens necdum accensum, qui cum Antrũ Dominicũ velle nos ingredi cerneret, perquã obnixè Minoritas obsecrat, nobiscum precãdi causã vt intromitteretur; cumq; id ei negarent, nec æquũ esse dicerent, vt sacro in loco Mahometæi cũ Christianis simul orèt, (pe tandẽ frustratus, illacrimans, nullamq; vindictã quærens, discessit nõ sine singulari & patiẽtiæ & humilitatis exẽplo. Non omnibus tamen idẽ est

zelus; nec deuotionis feruor, sed hic illo remissior, vti id quoque Christianis (quos non eadem in Deum pietas tangit) euenire quotidiana exempla docent. Nam & alij alijs firmitus credunt, alij alijs vehementius Deiamore flagrant, gratiâ Dei apud hos quàm illos efficacior existente.

Secundâ postmeridianâ horâ insequētis diei inuisum me venit Calogerus quidam nonagenarius, Diui Michaëlis Hierosolymorum cœnobita: cui ego nepotis sui literas Venetijs commemorantis paulò ante attuleram: breui enim me abiturum ratus, literas ad eundem reddidit, atque in grati animi signum Crucem oleagineâ, Saluatoris in Cruce pendentis imagine vtrîque insculptam, corollam item precariam nec non & lapidem ex monte Oreb dono dedit. Huic (mirum dictu) arbuscularum formas natura imprefferat; cumque causam rei tam mirandæ à sene illo sciscitarer, ille mysterium eius loci, quo Deus Moyſi in flammâ ignis de medio rubi ardentis apparuit, continere, ibidemque hunc lapidem inuentum, atque alios passim inueniri, vel à petris auelli afferuit.

C A P V T XVII.

Peregrinationis in Hiericho, ac montem Quadrantanam siue Quarantanam, aliâq; circumvicina loca descriptio.

OCTAVO Kal. Nouembris de peregrinatione Hierichuntinâ, deque præsidio nobiscum ducendo cum Guardiano egimus. Is supremo Monasterij Interpreti negotium dedit, vt cum Subassio Urbis ea de re pactum iniret, & præsidium (sine quo tutò id iter non conficitur) peteret. Interpres iussu Guardiani facturus Subassium adit; quid in mandatis habeat, exponit; sed ille difficilem se exhibens, votis nostris annuere recusauit. Re itaque infectâ mox redit Interpres, nimium pro præsidio postulasse Subassium refert, atque è re nostrâ futurum, ne iter arripiamus ait. Voto idcirco frustrati, Ierichuntinam profectionem postponere coacti sumus. Licet autem Hierichuntinem non acceſsimus, quæ tamen nobis de eâ, deque locis in itinere occurrentibus, ac ceteris circumvicinis ex aliorum relatu innotuerunt, breuiter adiungenda duximus.

Urbe egressi Peregrini, rectâ Bethaniam petunt: inde non procul in ipsâ viâ ad Meridiem progredientibus occurrit Fons Apostolorum, ita dictus, quod sæpius iuxta illum quieuerint, & corpora lassâ Apostoli refecerint. Dein ostenditur arbor Sycomorus, quam Sacheû (vt Christum videret) adscēdisse sacræ narrant Literæ. Non longè à Sycomoro locus

locus est, in quo cæci sedentes secus viam Iesu, transeunte, clamabant *Miserere nostri Fili David*; quorum misertus, visum eis restituit. Inde Luce 19.
Matth 20. locus Adomim transitur, frequentibus olim, vt & nunc, homicidijs, & latrocinijs infamis. Hic homo ille, de quo in Euangelio fit mentio, Hierusalem Hierichuntem petiturus, à latronibus vulneratus, à Samaritano curatus est, Hinc Hierichuntem pergunt. Hæc à Iosue eversa, reædicatori maledictionem imprecante, in hunc vsque diem, paucis tantum extantibus domunculis, ac turri quadrati operis lapidea, derelicta iacet. Est autem in planities sita perampla, montibus in Theatri formam circumdata, amœnissima quidem & pinguis, sed incultra hodie, floribus tamen & herbis odoriferis abundantissima. Mirum sanè quod hic palmas fructus maturos producentes conspicias plurimos: cum tamen iuxta Hierosolimam fructus non producant, licet vnus tantum diei itinere ab inuicem distent. In causa esse putauerim vtriusque loci differentem situm. Hierosolyma enim in montibus altissimis posita, non adeò æstu flagrat. Hiericho contra in valle sita, montibus vndique circumdata, ob solis reflexum immensis caloribus obnoxia est: quibus cum Palmæ plurimum gaudeant, maturitatem inde fructuum caulari facillè quis viderit. Atque hinc etiam est quod fructus & segetes in valle Hierichuntinâ duabus ante hebdomadis quàm Hierosolymis maturescant. Sunt autem tria Palmarum genera, vnum humile: quod dactylos communes profert; quales nostræ quandoque vident regiones. Alterum productius, vt nostra Pyrus: quod dactylos flauescientes & rotundos gignit, optimi saporis, sed non ita durabiles, cum facillè marcescant. Tertium genus in magnam proceritatem excrefcit, oblongos & sapidos habens fructus: quales ad nostras partes non deferuntur. Illud verò omnibus commune est vt in tertio vel quarto anno fructificent, maximè depressiores. Tertiò ferè ab Hierichunte miliario visuntur Castra Galgalæ, & secundæ circumcisionis mysterium, itemque duodecim lapides, ex Iordanis alueo illuc à duodecim viris, ex tribubus Israhel electis, translati, Inde Orientem versus ad ripam fluminis Iordanis itur. E Peregrinis nonnulli in eum religionis ergo descendunt, alij faciem tantum, manus, pedesque lauant, aliqui etiam lagunculas implent, & ad proprias sedes secum deferunt. Lotione pro more peractâ, recitatisque & Lektionē Euangelicâ, & Orationibus consuetis, Occidentem versus, prius ad Meridiem aliquantulum declinando, duo quasi millia passuum proceditur; vbi Templum insigne ab Helenâ supra ripam fluminis quondam exstructum, quo loco Ioannes Christum baptizauit, vnâ cum adiuncto Monasterio videre est. Vtrumque tamen dirutum & collapsum hodie, & à flumine remotum. Nam cum mutato alueo flumen refluxerit, ac retrocesserit, à

fluminis

fluminis ripa duobus circiter millibus passuum abesse cōperitur. Hinc ad Meridiem pergentibus vasta illa occurrit solitudo, exusta Solis ardoribus, Monachis quondam horridum præstans habitaculum, in quâ Dîvus Hieronymus (vt ipsemet testatur) quadriennium peregit. Templum ibidem & Monasterium miræ magnitudinis, vtrumque ruinofum & collapsum, etiamnum ostenditur. Inead Meridiem se offert planities perampla, olim Vallis Illustis, ob sui fecunditatem & amœnitatem sic dicta: in qua quondam exitere vrbes Sodoma, Gomorra, Adama, & Seboim, in sacris Literis celebres: quæ ob nefandum scelus, igne cœlo & sulphure demissis, conflagrata, extincta, & subuersæ in lacum euasere Asphaltitem, sic dictum à bitumine in eo emergente: qui limus quidam est nigri coloris, instar picis, odoris sulphurei. Ex imo autem fundo ebulliens aquis supernat, ventoque agitatus con crescit, & ad litus adnatans copiosissimè ab Indigenis colligitur: dein menstruo mulieris atque vrinâ maceratus resoluitur, & ad corporum curationes ac nauium iuncturas obturandas plurimum prodesse fertur. Læcis hic Mare salsum, ab aquarum fædine, vel salinarum, à maximâ salis copiâ, & Mare solitudinis seu Deserti, ob proximum Arabiæ Desertum, nec non Mare mortuum appellatur, quod nullum gignat piscem, nullumque aliud producat animal viuum: quinimo si Iordanes illi influens, crescentibus aquis imbribus, pisces illuc detulerit, statim moriuntur; est enim pestilens & horribilis totus: aquæ crassæ, spissæ, sordidæ, & fœtidæ: quæ ter in die colorem mutare dicuntur, manè enim nigricantem, meridie Sole intus cœruleum, ante Occasum Solis rubentem vel potius flauescentem colorem exhibent. Latitudo eius sex, longitudo centum millia passuum continet. Fertur quoque ob aquæ densitatem grauissima quæque in eum injecta fluitare; neque facile in profundum demergi quenquam, etiam si velit, posse. Quod ipsum etiam Imperatorem Vespasianum in vinculis natâdi in scijs, quorum manus post terga reuinxerat, expertum esse scribit Iosephus: qui & eius longitudinem ad quinquaginta & octoginta stadia, latitudinem verò ad centum & quinquaginta adscendere narrat. Huius vtraque ripa ad iter medijs diei ad cō sterilem est, vt ne vllum quidem germē producat. In causâ esse aiunt continuam Maris huius exhalationem sulphuream. Hinc montes etiam qui à dextris & sinistris adiacent, steriles omnino & aridi spectantur omnes. Nam quocunque vapor ille sulphureus è mari impellitur, ibi terræ nascentiâ, non secus quàm si pruinâ essent tacta, emoriuntur. Hinc quoque arbores illic spectes visu pulcherrimas, & poma viridantia producentes, ad spectu ridentia & nitida, & quæ edendi generent spectantibus cupiditatem, sed intus famillâ & cinere plena; quæ ipsa etiam, si carpas, fatiscunt, & in cinerem resolvuntur,

resoluuntur, & quasi adhuc arderent, fumum excitant. Mari mortuo à tergo relicto, ad Fontem Helisæi itur; cuius aquæ antea amara, immisso sale à Propheta saluberrimæ & dulcissimæ effectæ sunt: vnde ille nomen accepit. Scaturit autem è pede montis Quarantenæ; est-
 que aquis vberimus, & limpidissimus. Iuxta hunc visuntur arbores prunorum instar, spinosæ tamen, in quibus flores nascuntur vulgò Rosæ Hierichuntinæ, quæ aquis impositæ, etiam aridæ & clausæ statim dehiscunt; mox exemptæ rursus coeunt. Inde ad montem Quarantenam siue Quadrantanā Christi ieiunio, contemplatione, oratione, tentatione, celebrem, & circumiacentibus excelsiorem, difficillimè adscenditur. In eius Orientali latere tria etiamnum supersunt sacella, ab Helenâ (vt volunt) exstructa, sed pænè diruta, iuxta maius cisterna est, in quâ pluiales aquæ colliguntur. Haud procul inde Antrum ingens & horridum visitur, quod Sepulchrum Anachoretarum pœnitentium olim fuisse nonnulli autumant: quod & innumera mortuorum cadauera etiamnum integra & illesâ faciliè testantur. In vertice montis sacellum extat ruinosum, eo loci (vt ferunt) fabricatum ab Helenâ, in quem Diabolus assumpsit Christum, ostenditque ei (vt Scriptura loquitur) omnia regna mundi. His visis, ad Urbem, eadem quâ ventum est viâ, reuertuntur, conficiturque totum id iter trium dierum spatio. Ob nimium autem diei æstus plerumque noctu ad fluvium Iordanem descenditur; sequentem diem in reliquorum locorum lustrationibus insumunt: alterâ verò nocte Hierosolymam redeunt.

4. Reg. 2.
Iosaph. 6. Bel. 3.

Matth. 4.
Marc. 16
Luc. 3.
Ioan. 3.

C A P V T XVIII.

In Dominici Monumenti Basilicam secundo admissi, cum primatè quodam Turcâ, plurimis cum comitantibus urbis Hoggis, & Santonis, seu Mahometana scēta religiosi.

SEXTO Kal. Nouembris iussu Chieciagie Constantinopolitani valuæ rursus Delubri Sanctissimi Sepulchri Dominici aperta fuere. Mos siquidem est Turcis post Templi Salomonis lustrationem etiam Golgothanum Templum & Dominicum Sepulchrum, non religionis ergo, sed rei nouitate ductis, inuisere. Nam cum Christi Mortem negent, atque eum in cœlos assumptum viuum asserant, nec mori potuisse affirmant, vident Christianos, & ineras ineptias putant Passionis & Mortis eius ostendere monumenta, qui nunquam eorum opinione tale quid passus fuerit. Nos autem eam nacti occasionem, vna cum Turcis denudò Templum intrauimus, hæsimusque ibi per sesqui horam. Orationibus interim, & sacrorum locorum visitationibus vacantes,

R r

donec

donec perflustratis à *Chiecagia* eiusque comitibus Christianorum Sacellis, & sacrariis vtriusque Templi locis, ac Minoritarum cubiculis, & receptaculis, exire denuò iuberemur. Prætermagnam hominū cateruam, quā stipatus *Chiecagia* ad Templum venit, plurimi eum comitabantur Santoni & Hoggij (Sacerdotum hæc Mahometæorū sunt nomina) quos in ipso Templi ingressu honoris causā præcedere (licet id præmodestiam recularent) *Chiecagia* ipse iussit. Etsi verò eorum aliqui essent penulati, vilibusque induti vestibus, nonnulli etiam nudis incederent pedibus, ceterisque cultioribus ob id inferiores viderentur, pari tamen honore prosequendos eos censuit, personæ nimirum & graduū honorem deferens, non vestibus. Sunt autem ut plurimum haudquaquam fastuosi, etiam si sint diuites, nec ignominiam ducunt sine ministris pervias ingredi: nihilominus tamen per vniuersas Mahometæorum ditiones in summā apud omnes existimatione habentur, vel ideo quod cœlestia & diuina tractent, quodque se doctores & expositores Mahometææ Legis profiteantur. Hinc quoque aliqui eorum nomine *Alfacqui*, id est Sapientis, decorantur, atque à cæteris omnibus etiam magnatibus capitis tegmine seu tulipanto distinguuntur. Quinimo ut Christianorum Archiepiscopis Crux, sic illorum primarijs Vexillum, fericum hastæ impositum, ac Dei nominis inscriptione literis Arabicis insignitum, à pedite præfertur. Vbi in publicum prodeunt, omnes fere prælongas gestant manu corollas, Christianorum corollis (quibus in Oratione Dominicā & Salutatione Angelicā recitandis vtuntur) non absimiles; hoc solum differentes, quod hæc sexaginta tres globulos, inter denos paulo maiori intercurrente, illæ verò centum equales omnes contineant: quos submurmurando circumuoluunt, ad singulos dicentes *Istasfurak*, quod nobis est Miserere & vel peto veniam.

CAP V T XIX.

Emaus castelli, Ramathæ Sophin, Machabaorum Modin, aliorumque circumuicinarum locorum lustratio, & descriptio.

TER T IO Kal. Nouembris Sole nondum exorto, cunctis Monasterij religiosi comitantibus, vno laico ad Cœnobij custodiam relicto, Emaus profecturi pedites ad Iassæ portam pergimus. Portā autem Iassæ nondum patefactā per vicinam Davidis vel Montis Sion Portam Vrbe egressi, clitellarios pro more conscendimus asinos: quibus iuxta Urbis muros & Pisanorum castrum prosequentes iter, mox Iassæ Portā superatā rectā ad Occasum per Montem Gihon perreximus. Vbi ad collem venimus ab Vrbe circiter quingentos passus distitum, è quo Sanctæ

Sanctæ Urbis prospectus ab Occasu primùm patet, viâ, quæ Iassam ducit, ad læuam relictâ, dextrorsum fleximus, ac semitâ decliui difficili & petrosâ ad subiectam vallem descendimus. In eâ Lyphtam pagum Mauris habitatum à dextris reliquimus. Vallis est opaca, pulcherrima, & amœnissima, oliuetis abundans, cultuique aptissima, fonte perenni aquæ optimæ & saluberrimæ nobilis. Paulò vterius, occiduum versus Torrentem Davidis pugnâ contra Goliath Philistæum celebrem, & in Vallem Terebinthi postea influentem, vado transijmus. Magna siquidem mensium aliquot siccitate torrentes vbique exaruerant. Hinc ad duo millia passuum locum accessimus Christi apparitione memorabilem, quo duobus discipulis, Lucæ & Cleophæ (vt aliqui volunt) Emaus euntibus se coniunxit, eosque ad Castellum vsque comitatus sacram Scripturam & Prophetas de sua Passione loquentes explanauit. Cuius rei vt memoria apud posteros esset, in sinistro iuxta viam cliuo Monasterium & Templum ab Helenâ exstructum est. Vtrumque tamē hodie dirutum & collapsum, nil præter ruinas reseruat. Hic parumper pro more substitimus, Templum eminus salutauimus, orauimus, & post preces, & à Minoritis rei gestæ Euangelicam Lectionem, ad Meridiem fleximus; ac iuxta fontem aquis vberem, ad radicē montis pergentes, Lusam pagum in fastigio montis vicini positum, ad læuam reliquimus. Is vineis Oliuetisque vndique confusus, adeò situs pulchritudine & culturâ omnium animos capiebat, vt eius ad spectu fatiari quisquam vix satis potuerit. Pulchriorem autem, vel cultiorem, elegantioremque me nusquam totâ Palæstinâ vidisse memini. Monte post terga relicto, occiduum versus perreximus. Paulò post alium montem seu cliuum arduum & adscensu difficilem adscendimus: in cuius summitate viculum obscurum & ignobilem, à Mauris habitatum pertransiimus medium. Inde mille passus progressi Emaus Castellum, postea Nicopolim dictum, peruenimus. Id in edito situm colle, loco tamen plano, amœnissimo, & fertilissimo, insignis quondam Palæstinæ Ciuitas fuit; quæ Bedâ teste, post expugnationem Iudeæ sub Marco Aurelio Antonino principe restaurata, cum statu mutauit & nomen: distatque ab vrbe Hierosolymâ septem millia passuum & quingentos. Quam amplum autem olim & frequens fuerit, ingentes ædificiorum ruinæ & rudera amplissima satis testantur. Hodie tamen desertum & habitatore vacuum, nihil præter ruinarum molem, & lapidum acervum ostentat. Accedentibus ab Ortu ad circumiacentes humiliores colles, fertilissimas quoque valliculas, & amplam latamque lassæ planitiem, atque ipsum Mare mediterraneum, lætum & pulcherrimum exhibet prospectum. Perpulchro olim ab Helenâ ornatum fuit Templo, eo (vt fertur) loco, quo Saluator noster in fractione panis à duobus Di-

Marc. 16.
Luc. 24.

Hierôn. in E-
pistolâ Paulæ

scipulis agnitus fuit, Episcopali sede (Christianis in Palæstinâ rempublicam moderantibus) nobilitato : quod quidem sub metropolitano Cæsariensi diu floruit : nunc verò ruinis plenum maiori ex parte collapsum, spinis & vepribus obsitum, neglectum iacet, nihilque præter Chori partem perexiguam reliquam habet. Dum hîc subsistimus, precibusque vacamus, Minoritæ concinuere sequentia, additâ etiam Euangelicâ Lectione, rem hîc à Salvatore gestam, enarrante:

Antiph. Iesus autem iunxit se Discipulis suis in viâ, & ibat cum illis; oculi autem eorum tenebantur ne eum agnoscerent: & increpauit eos dicens: O Stulti & tardi corde ad credendum in his qualocuti sunt Prophetæ. Alleluia.

Vers. Mane nobiscum Domine. Alleluia.

Resp. Quoniam aduersperascit. Alleluia.

Oratio. Pastor bone, & infinitæ clementiæ Domine Iesu Christe, qui die Sacratissima Resurrectionis tuæ duobus Discipulis Emaus proficiscentibus in peregrini transformatus effigiem apparuisti; quibus de te loquentibus Prophetarum oracula interpretatus fuisti, eisq; demum in fractione panis te manifestans esse, infidelitatis velamen ab eorum oculis abstulisti: nobis quasi famulis tuis veræ sapientiæ intelligentiam tribuens, vitæ præsentis peregrinationem disponas in viam salutis æternæ. Qui vivis, &c.

Post preces laudesque Deo Opt. Max. dictas, cum in Cœnæ memoriam à Christo cum Discipulis hîc peractæ, cibum sumere vel maximè in votis haberemus, explere tamen mentem non licuit: accurrentibus siquidem è vicino Mauris, panemque fermentatum (quem subodorati fuerant) poscentibus, à refectiōe abstinere oportuit. Et quanquam vix tantum nobis esset, quantum in viâ ad famem pellen-
dam omnibus sufficeret, vt tamen eos placaremus, panes aliquot inuiti distribuimus: quos illi, cum panem rarò comedant, tam auidè deuorabant, vt canes eos famelicos non homines esse credidisses. Neque his quidam illorum contenti, ad secundum ab oppido lapidè assiduis vocitationibus *Ekmek* (quod Turcico, non verò Mauro, aut Arabico idiomate panem significat) clamantes nos insequuti sunt: donec rursum aliquot panes ipsis impertiremur. A Maurorum clamoribus tandem liberati, reliquum continuauimus iter: mox ad pedem Montis substitimus, cui *Soba* nomen est, Ramatha Sophin, aut Ramathaim Sophim olim dictus, Samuelis prophete patria, eiusque tumulo celebris, atque ipso meridie, æstus, & reficiendorum corporum causâ in proximum Olinetum declinauimus; vbi iuxta fontem Saulis, limpidissimas & frigidissimas emittentem aquas, è viâ scaturientes rupe, sub Olearum umbrâ subsedimus, ac panè & aquâ paululum recreati, per horam vnâ matque alteram quieuimus. Saulem nondum Regem, patris

tris asinos quærentem, hoc loco Samuelem prophetam obuium habuisse, atque in Regem Israhel ab eo ibi vñctum fuisse multorum opinio est. In montis apice insigne Delubrum est, Samuelis Prophetæ Monumento clarum, magnâ tamen ex parte collapsum & in barbarorum hodie Messitam versum; cui coherent humiles aliquot domunculae, Maurorum habitacula. Cùm vero Prophetæ tumulum (cuius ossa in Thraciam translata scribit Hieronymus) atque oppidum ipsum inuisendi desiderio teneremur, Mucharum ad oppidi Santonem à Guardiano mitti curauimus, qui veniam peteret. Is re infectâ mox redit: recusasse Santonem refert, & illico abeundum nobis esse renunciat. Spè hac deiecti discedimus, ac cœptum prosequentes iter, ad Meridiè fleximus. Aliquanto deinde viâ permenso spatio, ad montem venimus Machabæorum Monumentis insignem, Modin veteribus dictum; in cuius cacumine quina offendimus vetusti operis Monumenta, è durissimo saxo, atque in quadratum insurgentia opus, certo spatio inter se diuisa. Indæ viâ modò decliui, modò accliui, difficiliq; ad locum quendam venimus rudibus refertum, ab Vrbe distantem Hierosolymâ duo circiter millia passuum: vbi ex asinis descendentes, hortum penetrauimus Oleis & Ficibus confitum: in cuius ferè medio Antrum accessimus, eleganti porticu, frontispicioque ornatum, quod veterum Hebræorum sepulchrum fuisse existimatur. Cereis accensis Specum ingressi, cum in tres diuisum Speluncas subterraneas, obscurissimas, atq; omni prorsus luce carentes, inuenimus. primam mediæ, mediam extremæ superpositam: quarum vnaquæque decem & octo cellulas, seu sepulchra continebat. Opus equidem mirandum, & maximæ impensæ, quam nisi summi Principes sustinere non potuerunt. Antro egressi, atque in viam reuersi, rectâ ad Urbem inter ædificiorum ruinas, & rudera peringentia perreximus; ac reliquo absoluto itinere, sub Solis occasum Urbem per Portam Iassæ ingressi, inde pedites ad Monasterium Minoritarum redijmus.

Pridie Kalæ Nouembris duce Baptistâ Monasterij Interprete, Xenodochium Urbis publicum, *Marath* à Mauris appellatum, iuxta Salomonis Templi Aream positum, accessimus. Ædificium id est amplissimum, Sultanz cuiusdâ vxoris Soleimanis Imperatoris Turcici sumptibus (vt fertur) exstructum, in varia diuisum cubicula; quæ tamen penetrare Christianis non datur. Itaque ea solùm adiuimus, in quibus & cibi coquuntur, & in egenos quotidie distribuuntur. Caldaria hîc sunt ænea peringentia, ac stupendæ magnitudinis, suis accommodata furnis, in quibus partim hordeum, vel orizam ad cremorem coquunt, partim veruecinam carnem in frustra secatam elixant.

Hæc sunt quæ singulatim de præcipuis & insignioribus Hiero-

Reg. 9.


Epist. ad Vigilantium.

1. Mach. 2. 9.
13. 16.
Ioseph. 3.
Ant. 11.

osolymæ Urbis, eiusque suburbanis locis sacro aliquo mysterio notatis, alijsque nonnullis in circumvicinâ regione existentibus, memoratu digna nobis visa, vel aliorum relatu cognita, narranda breuiter duximus. Reliquum est ut de hodierno urbis situ, conditione, facie, & regiminis formâ, quæ nobis innotuere, aliqua memoremus, ut inde quantum à veteri defecerit, facilius colligi possit.

CAPVT XX.

Urbis Hierosolyma brevis descriptio: & ab eâ discessus.



Portæ Urbis Hierosolymæ loca sacratiora, & celebriora.

- | | | | |
|----|--|----|--|
| 23 | Porta wallis seu Sancti Stephani | 21 | Templum montis Moriah seu Salomonis, hodie Turcarum Moschea. |
| 22 | Porta aurea obturata. | 20 | Platea seu area inferior templi Salomonis. |
| 13 | Porta sterquilini. | 19 | Templum putationis B. M. Virginis. |
| 11 | Porta Sion seu Davidis. | 3 | Templum S. Saluatoris & monasterium Minoritarum. |
| 1 | Porta piscium seu Ioppensis. | 26 | Prætorium Pilati. |
| 35 | Porta Damascena siue Effraim. | 27 | Palatium Herodis. |
| 2 | Castrum Pisanum. | | |
| 13 | Carnaculum Domini & templum montis Sion. | | |
| 4 | Templum Sepulchri Domini & rupis Golgothæ. | | |

28 Arcus

- | | | | |
|----|---|----|---|
| 28 | <i>Arcus Ecce homo.</i> | 9 | <i>Templum D. Iacobi.</i> |
| 29 | <i>Templum spasmodis Virginis M.</i> | 10 | <i>Domus Anna Pontificis.</i> |
| 30 | <i>Locus Simonis Cirenæi, nunc</i> <i>Balnea publica Turcarum.</i> | 12 | <i>Domus Caipha Pontificis.</i> |
| 31 | <i>Domus Epulonis.</i> | 25 | <i>Piscina probatica.</i> |
| 32 | <i>Domus Pharisei.</i> | 24 | <i>Templum D. Anna.</i> |
| 33 | <i>Domus Veronica.</i> | 36 | <i>Bastarum publicum Turcar.</i> |
| 34 | <i>Porta iudicialis.</i> | 17 | <i>Fos Draconis seu B. M. Virginis.</i> |
| 5 | <i>Domus Zebadei.</i> | 16 | <i>Natatorium Siloë.</i> |
| 6 | <i>Porta ferrea.</i> | 15 | <i>Locus plantus Petri.</i> |
| 7 | <i>Domus D. Marci.</i> | 14 | <i>Locus ubi Iudæi conati sunt erigere</i> <i>Apostolis corpus B. Ma-</i> <i>ria.</i> |
| 8 | <i>Domus D. Thomæ.</i> | | |

HÆC, totius olim Orientis clarissima vrbs, Ciuitas Sancta ab antiquis, & Dei, itemque Magni Regis, passim in sacris Literis appellata, à barbaris etiam hodie eodem prope significato *El Cods imbarih*, seu *Cudsimbarih* dicitur. Est autem in Iudæa medio, loco cæteris eminentiori sita, & tanquam regia inter omnes accolæ, ac velut caput in corpore eminet: riuis, tamen, syluis, ac pascuis penitus carer. Ob mirandam autem sui situs elegantiam, firmitatem, magnificentiam, cæli clementiam, solique felicitatem, nec non rerum omnium vbertatem, Vrbs perfecti decoris, gaudium & exultatio vniuersę terrę à Prophetâ meritò appellatur; vetustate verò, ac famâ rerum gestarum, Regumque splendore, qui eam inhabitârunt, & in primis Christi hospitio, Miraculis, Passione, & Resurrectione omnium Orbis totius vrbiu celeberrima euasit. Eam conditam ferunt anno à mundo creato 2033 à Melchisedech Rege, & sacerdote Altissimi, à quo & Salem nominata: postea verò à Iebusæis occupata, Iebus, & Iebusæum dicta est: quibus, postquam eam tenuissent annos octingentos & viginti quatuor, à Dauide eiectis, eius pomœria ab eodem aucta sunt: qui & Arcem addidit, eamque à suo nomine Ciuitatem David appellauit. Atque inde in totius Iudææ metropolim, ac regni sedem euecta, nomen Hierusalem obtinuit. Quam postea Salomon, Dauidis in regno successor, Templo toto terrarum Orbe celeberrimo, Palatio item regio, alijsque clarissimis ædificijs vel maximè illustrauit. Quam etiam alij post Salomonem reges validissimis Portis, Turribus, Muris, Fossis, alijsque splendidis & regijs operibus, & publicis ædificijs illustrârunt, atque ita munierunt, vt totius Orbis inter vrbes facillè principem locum obtineret. Hoc rerum felici statu annis quadringentis & septuaginta septem floruit, habens circuitum quinquaginta stadiorum, fossâ in lapide excisâ, sexaginta pedum profunditate, latitudine verò ducentorum

*Iob. 1. 30.
2. Mach. 3.
Matth. 4. 5.*

Ioseph. 3. Bel. 3.

Ierem. Thers. 2.

*Gen. 14.
Ioseph. 7. Art. 3. & 7. Bel. 261*

*3. Reg. 3. 5. 6.
7. 2. 10.*

Strab. lib. 16.

*Ioseph. 6.
Bel. 8.
2. Reg. 25.
Neem. 1. 2. 3.
4. 5. 6. 7.
1. Mach. 12.
13. 14.
Ioseph. 15.
Ant. 10.*

& quinquaginta circumdata. In eâ autem commorabantur hominum circiter centum & quinquaginta millia. Posita erat supra tres montes Moriah, Sion, & Acra, vallibus interiacentibus, & triplici muro diuisis, extremo tamen Urbis muro firmissimo comprehensis. Regnante verò Sedechiâ, ob Regum & populi scelera, & abominandum idolorum cultum, à Nabuchodonosor Babylonix rege funditus euerfa, ac septuaginta annos deserta fuit; quam Neëmias denuo restaurauit, atque ambitu triginta stadiorum, Portis, Turribus, validoque Muro munivit, Succedente verò tempore à Machabæis, Herode, alijsque Principibus viris, publicis, priuatisque ædificijs mirum in modum aucta, & exornata, pristino nitore restituta est. Atque ita annis 524 nominis claritate, ac rerum magnificentiâ, populique frequentia excelluit. Donec eam Titus Imperator, vti verus necis Christi vindex, anno post Christi Passionem quadragesimo secundo, muro triginta nouem stadiorum circumuallauit, & Iudæos ex omni tribu Paschatis festum ibi celebrantes, velut indagine conclusit; ac post aliquot mensium obsidionem, posteaquam intestinis cædibus, fame, peste, & gladio vndecies centena Iudæorum millia in eâ periissent, totam funditus diruit, & euertit; Hippico tantum, Mariamne, & Phaselo turribus, ab Herode exstructis, Romanis militibus præsidio relictis. Post annos deinde sexaginta quinque, Iudæis rursus rebellantibus, Aelius Adrianus Imperator, turres illas cum reliquo Urbis muro penitus demolitus est, Urbemque sale consperxit, ac nouam à suo nomine Aeliam appellatam, antiquæ Urbis pomerijs plurimum contractis, quo loco nunc Vrbs visitur, condidit, moenibusque cinxit. Cuius opere factum est, ut loca sancta id est Dominicæ Passionis, & Resurrectionis, quondam extra Urbem iacentia, nunc eiusdem Urbis muris circumdantur. In Christianorum verò odium, utque Christi Passionem, & Resurrectionem oblitteraret, in loco Resurrectionis Iouis simulachrum; in Crucis rupe Veneris è marmore statuam; & in Monte Moriah (vbi olim Sanctum Sanctorum extiterat) sui nominis statuam erexit. Helena autem Constantini Magni mater, non passa diutius tam immane scelus, demolitis gentium idolis, atque idolorum delubris funditus euerfis, Urbem nouo Salomonis Templo illustrauit, aliaque in Christi honorem Tempła ædificauit: eosque locos omnes exstructis Basilicis excoluit; in quibus salutaria nobis mysteria Pietatis sue, Incarnationis, Passionis, & Resurrectionis, atque Adscensionis sacramentis Dominus Redemptor impleuerat. Hæc antiquo postmodum recepto nomine à Christianis habitata, & Patriarchali sede insignita, in Christiana religione annis quingentis floruit.

*Ioseph. 7.
Bel. 24. 25.
26.*

*Euseb. in Chrō.
& Hist. Eccl.
Euseb. lib. 4. c. 6.
Niceph. 3.
Ecclesi. Hist.
24.*

*Volater. li. 11.
Hieron. in
loc. Hebr. 16.
Apost. li. H.*

*Hieron. in
Epi. ad
Paulin.*

*Tyr. Hist.
Bel. sac. lib.
14. c. 12.*

Tum anno à Christo nato 636 à Saracenis adempta Christianis, quadringentis & sexaginta annis sub Mahometarum iugo fuit. Dein à Christianis Duce Godefrido Bullionensi, anno à Partu Virginis 1099 summa vi ac fortitudine, multâ cum barbarorum cæde expugnata, & Christiano cultui restituta est, quam per eodẽm octoginta octo annos retinuit, tandem ob maximas Christianorum Principum simultates & discordias, ijs per Salahadinum Ægypti Regem erepta, & Mahometzo rursus cultu polluta, denique anno Salutis 1517 à Selimo Turcarum Imperatore eius nominis secundo; post debellatos Mameluchos, occupata, atque à Soleimane filio, patris in Imperio successore, nouis mœnibus ornata, & cincta, in eam formam, quâ nunc visitur, redacta est. Hæc figura quadrata oblonga, tota montosa est: Montem quippe Moriah, Salomonis Templo, quod nunc extrat, Turcis *Cubi sâhara* dicto, insignem, itemque Sion, Gihon, Acræ montium partem occupat. Inter quos quasi medius assurgit Caluatæ mons, seu rupes Golgothana, non multum ampla, nec eminens, altitudine mōti Testaceo, qui Romæ est, non absimilis, tot in eo collocatis ædificijs, ut superficiem intueri, vel cognoscere vix possis. Hic olim extra Urbem infamis habitus, Christi Passione, eiusque sanguine pretiosissimo, usque adeò nobilitatus, & sanctificatus est, ut nunc Urbis ferè medium obtrinsens, Angelis pariter & hominibus venerabilis sit. Porro tria miliaria aut circiter ambitu suo Vrbs ipsa complectitur: cui ab Ortu adiacent Oliuarum Mons, & Vallis Iosaphat; ab Austro mons Offensionis, & Vallis Gehennon; itemque pars Montis Sion; ab Occidente Montis Gihon pars, & Vallis seu Piscina Bersabæ, quæ aliàs etiam Vallis Ennon appellatur; à Septentrione verò montis Acræ pars. Extendebatur autem antiquitus longitudo Urbis, quantum ex veterum scriptis colligere licet, ab Austro in Septentrionem, sacrum Montem Sion, maximamque Acræ Montis partem mœnibus comprehendens: Latitudo verò quicquid est intra Portam Iudicialem, ad Vallem usque Iosaphat, complectebatur. Hodie pomerijs eius plurimum contractis, longitudine in latitudinem versa, maior Sion & Acræ montium pars, totusque borealis angulus ad Portam usque Ephraim olim sese extendens, mœnibus excluduntur. Gihon verò Montis pars, & Caluariæ, olim extra muros, nunc includuntur. Ita ut ab angulo occiduo iuxta Sancti Saluatoris Monasterium, seu à Iassæ Portâ ad Gregis usque Portam, Orientem spectantem longitudo Urbis hodie protendatur: latitudo verò à Portâ Sterquilini Meridiem respiciente, ad Damasci usque Portam, Aquilonem versus terminetur, Urbem à ternis lateribus valles cingunt, ut diximus, latæ, & profundæ, à Meridie scilicet, ab Ortu, & Occasu, à latere autem septentrionali, usque ad mœnia

S f

patet

*Tyr. Hist. sac.
lib. 8. c. 5. 18.
19. 20. 21. 22.
lib. 9. c. 1. 2. 9*

*Iosaph. 6.
Bel. 2.*

*Hieron. in
loc. Hebr. Ab
Apost. lit. G.*

patet aditus, non præceps, nec angustus, fossis tantum non multum profundis, & aquâ vacuis interiacentibus. Portæ Urbis sex hodie numerantur; nouæ omnes, Aureâ exceptâ, quæ vetustatem præ se fert: veterum, præter hanc, nulla vestigia. Valvæ ferreis obductæ sunt laminis, ne flammis faciliè obnoxia fiant, aut ab Arabibus incenduntur: quod faciliè alioquin fieret, cum nulli pontes penfiles, aut fossæ aditum ad valvas impediunt. Portarum aliquæ antiqua etiamnum obtinent nomina, quod eodem positæ sint loco, quo olim veteres: quas singulas velut ob oculos ordine collocare operæpretium duximus, ut situs inde Urbis liquidiùs constare possit. Incipiemus autem ab angulo Urbis Orientali, Septentrionem respiciente, atque ad Meridiem progrediendo, meridionale latus, dein Occidentale, postremo Septentrionale complestemur: vniuersamque Urbem hoc modo circumibimus. Prima itaque Porta, olim Gregis, vel secundum alios Ephraim, & Vallis nominata, hodie à loco lapidationis Diui Stephani, qui proximus est, Sancti Stephani nomen obtinet, vtrisque Leonis simulachro rudi modo insculpto; quod quidem (cum Mahometæorum Legge depictas aut sculptas habere hominum aut animalium imagines veritum sit) multis admirationi causam tribuit. Quis auctor horum fuerit, nos latet. Putant aliqui, Idum muri portæque Urbis restaurarentur, Christianæ Legis apostatam Vrbi imperasse, eiusque permissu id factum: quod vix crediderim. Huic proxima est ab eodem orientali latere Aurea vulgò dicta, ad amplissimam Salomonis Templi Areâ ingressum quondam præbens, nunc obstructa penitus. Eandem esse, quam ouans Christus intravit, putant Minoritæ, cui opinioni non facile adhæserim: nam cum Templum Salomonis à Romanis dirutum penitus, & solo æquatum esse constet, muris proximis, atque Portæ Aureæ (quæ ferè medium obtinet) nequaquam pepercisse credendum est: vel eo magis, quod muros omnes Urbis dirutos esse scribat Iosephus; quodque totus ille muri tractus, Auream in medio continens, nullam antiquitatem referat, nec ex eiusmodi, adeoque magnis constet faxis, quemadmodum illa antiquissimi muri pars, supra quam noua moenia structa sunt, quæ iuxta Portam Sterquiliniæ etiamnum superest, edificata cernitur; Eo verò positam loco quo vetusta fortassis extiterit, concedendum potius existimo, quam inficias ierim. Hanc à Meridie sequitur tertia, Sterquiliniæ vulgò dicta, cæteris angustior, antiquum vsque in hodiernum diem nomen retinens, licet recens constructa. Huic proxima ab eodem hæret latere Davidis Porta, aliàs Sion nuncupata; quod in montem Sion ducat: quæ & ipsa noua, & in ordine quarta est. Ab Occiduo latere vnica & quinta occurrit, cognomento Iassæ, quæ & Piscium Porta, & Hebron dicitur, Castro Pisano-
ram

rum contigua. A Septentrione demum sexta & vltima sequitur, Ne-
phtalim nomine, nunc Damasci Porta appellata. Omnes hæ portæ, &
muri ciuitatis (Castro Pisano muris incluso, atque ea parte, quæ Ori-
tem respiciens Portam Auream continet, & Salomonis Templi Areã
munit exceptis) iussu Soleimanis Turcarum Imperatoris instaurati
sunt: constantque ex quadratis & dolatis lapidibus, turribus quadratæ
formæ certis intervallis interpositis: quorum crassities, quantum visu
percipere licuit, ad tres circiter pedes extenditur, nullo tamen vallo
aut aggere muniti; quos interius Menianum in summitate ambit, per
quod circumire Urbem commodè possis, foraminibus passim certo
ordine in ipso muro relictis, quo tutius commodiusque eiaculari bom-
bardas, sagittasque in hostes emittere defensores queant. Cæterum
locus in quo Ciuitas sita est, arduus totus & inaquosus, flumina vel
ruios nullos habet: incolæ aquis tantum vtuntur pluuiialibus: mensi-
bus enim hybernis in cisternis (quas in Vrbe habent plurimas) imbres
sibi solent colligere, & per totum annum ad vsus necessarios conser-
uare. Urbis plateæ fere omnes angustæ, sordidæ, ruinisque passim im-
pletæ: imò nonnullis in locis adeò immunditijs & lapidum accruis
exaggeratæ sunt, vt occurrentes Arcus transuersarios nisi ad vterum
caput inclinaueris, transire vix possis. Ruinarum acerui, collapsæ do-
mus, neglectæ etiam & vacuæ plurimæ, vbique ferè sese offerunt. Nul-
la palatia, ædificæ magnificas, nil quod delectet, aut spectatorem de-
tineat vsquam conspicias. Deformata, fœda, squalore obsita omnia.
Infrequens itaque & quasi neglecta iacet miseranda Vrbs; olim licet
frequentissima, & opulentissima; vt verè hic locum habeat Dominica
de desertione Urbis prædictio. Quæ verò hodie integræ visuntur æ-
des, lapideæ quidem omnes, sed humiles pleræque, & vnius tantum
contignationis sunt, pauimento subdiali tectæ: pauca ad secundam
contignationem adscendunt; paucissima ad tertiam, *Bazarra* (id est
Fora) etfi satis magnifica, arcuato quippe opere, atque è quadrato la-
pide equa mensura conciso, multis in locis etiamnum integra sunt; vt
plurimum tamen tabernæ vel ruinis deformes, & sordidæ, vel negle-
ctæ, & vacuæ spectantur. Rari enim hic sunt artifices, nulli fere mer-
catores, præter eos qui annonam, & pannos ex camelorum vel capra-
rum pilis contextos, telasque gossypinas vendunt. Incolæ plerique
artem textoriam exercent, ac texendis pannis, telisque gossypinis ope-
ram nauant. Cæteræ artes vt plurimum silent. Inter priuatas publicas-
que ædes structuræ magnificentia eminent Herodis Palatium, Pilati
Prætorium, Saniacorum hodie domicilium, Xenodochium publicū,
& Diuitis epulonis (vt vocant) ædes. Omnium vero Massifarum &
Templorum præstantissimum est Salomonis, tum Præsentationis Ma-

riæ, vtrumque à Mahometæis possessum, & plumbeis lāminis testum. His non immeritò addi potest Sepulchri Dominici, seu Resurrectio-
nis, & Golgothanæ rupis ad Christianos pertinens Basilica. Sunt præ-
terea & alia Templā haudquaquam contemnenda, partim à Christia-
nis, partim à Mahometæis, vel Mauris possessa; quorum pleraque su-
prà memorauimus. Incolæ Mauri ferè omnes, Christiani pauci, pau-
ciores Hebræi, quàm quis credat; Turcæ verò paucissimi. Christiani
montem Gihon, proximasque Monti Caluariz ædes inhabitant. He-
bræi partem Montis Sion incolunt: Turcæ, Maurique per vniuersam
sparsi Urbem. Hebræi vt plurimum egeni, imò pauperrimi sunt, di-
tiorum alibi commorantium eleémofynis viuere assueti. Viget nam-
que apud illos opinio, suum quem exspectant Messiam, priusquam
Hierosolymā potituri sint, ignem ex improviso è cœlo demissurum, &
statim vniuersam Urbem consumpturum, mox imbre effuso eas ex-
stincturum, vt ab immunditijs, & profanarum gentium, Christiano-
rum nimirum, & Mahometæorum (vt ipsi interpretantur) abomina-
tionibus, longâ habitatione commissis, Vrbs ipsa tot iam seculis pro-
phanata, tota purgetur, & emundetur: eaque de causâ (vt accepimus
adeò pauci, ijque egentissimi, & à cæteris mercede conducti, Urbem
tam horrendæ conflagrationi (vt putant) obnoxiam, incolunt. Præ-
sunt Vrbi populoque tres supremi Magistratus, penes quos omnium
& vita & mors consistit: primus Saniaccus appellatus, summum di-
gnitatis apicem obtinet, præstatque cæteris auctoritate & gradu: nam
præterquam quod in omnes Urbis incolæ, militesque imperium exer-
ceat, etiam vniuersæ Hierosolymitanæ ditionis administrationem &
curam habet. Dum nos Hierosolymis ageremus, Saniaccatus munere
fungebatur Saniacci Gazeræ filius maior, sed cùm per ætatem magi-
stratum obire non posset, per Vicarium (quem *Chieccagiam* vocant) pa-
tris intercedente auctoritate, rem publicam administrabat. Alter *Cadius*
dictus (quod nobis Iudicem significat, Veneti Potestatem appellant)
de causis litigantium cognoscit: estque in ciuilibus atque etiam crimi-
nalibus supremus Iudex. Hos sequitur *Subassius*, id est, Iustitiæ præfe-
ctus, qui nocte præest, in fontes inquit, carceribus mancipat, Cadij
sententias executioni mandat, & vltimum supplicium lictoris operâ
de reis sumit. Hic à Saniacco constituitur, eiusque arbitrio suo mu-
nere fungitur. Hæc de Urbis Hierosolymæ situ, conditione, & facie,
eiusque incolis & magistratibus dicta sufficiant: ad institutum reuer-
tamur.

Pridie Kal. Nouembris nunciatum nobis fuit *Chieccagiam* Constan-
tinopolitanum post biduum Hierosolymā discessurum, ac Damascum
mox Alapiam suâ carauanâ profecturum: quam quidem occasionem

ad Samariam in primis & Galilæam perlustrandam, itinerumque cui-
tanda pericula, vel maximè oportunam rati, in eius comitatu profi-
cisci decreuimus. Postpositâ igitur Montis Sineï, Ægyptique pere-
grinatione, id etiam dissuadentibus Minoritis, & in primis Reueren-
do Guardiano, qui se quoque nobis itineris comitem cum suis futu-
rum Alapiam vsque promiserat, de comparando comiteatu, per soli-
tudines necessario, conducendisque iumentis ad equitandum & sar-
cinas gerendas oportunis, præsertim verò de pacto cum Interprete,
itinerisque duce aliquo ineundo egimus, sine quibus haudquaquam
facile fuisset iter illud tutò conficere. His omnibus igitur diligentis-
simè curatis, impetrataque discedendi veniâ, ac perlustrandi Palæsti-
nam facultate ab Urbis Chiecagiâ, neque enim citra illam Urbem exce-
dere, vicinasque peragrarè regiones vlli liberum est; necessarijs insu-
per in sarcinulas complicatis, cœnâ denique viaticâ in ipso Omnium
Animarum festo vnâ cum Minoritis sumptâ, sequentem recessus no-
stri diem auidè expectauimus.

IOANNES



IOANNIS COTOVICI
V L T R A I E C T I N I
I T I N E R A R I I
H I E R O S O L Y M I T A N I
E T S Y R I A C I
L I B E R T E R T I V S,

Syriacam profectionem Alapiam vsque elucidans.

C A P V T I.

Syria (quæ Italis Soria est) descriptio.



R D I N E M seriemque itineris prosequi-
ri, quo vniuersam ferè Syriam peragra-
uimus, haud absolum nostro instituto pu-
tauimus, si totius Syriæ prouincias, quo
lucidior eius itineris ratio sit, breui vera-
que descriptione declaremus. Aduertat
autem Lector non hîc totam illam à nobis
describendam esse Syriam, quæ Chaldaeam
Babylonem, Mesopotamiam; Assyriam-
que olim comprehendebat: quæ item ab
Illico sinu ad Euxinum vsque pelagus protenta, vtramque Armeniam,
& Cappodociam, seu. Leucosyriam continebat: sed quæ hodie apud
Italos Græcosque Soriæ nomen obtinet, & quam Strabo in quatuor
prouincias Comagenam Cælesyriam, Phœniciam, & Iudæam diuidit:
nos verò in quinque regiones distinguemus.

Est igitur Syria Italis Suria vel Soria, Turcis Soristan, Hebræis olim
Aram seu Aramæa ab Aram filio Sēm appellata, Maioris Asiæ regio,
in umbilico ferè Orbis constituta, quondam potentissima, populosa,
& opulentissima, sacris profanisque historijs celebratissima. atque (vt
author est Plinius) terrarum maxima. Situm habet inter Euphratem
amnē. Ciliciam, Arabiā, & Mare Mediterraneū: cui ab ortu Euphrates
adiacet, & Arabia deserta, à Meridie Arabiæ Petreæ iungitur, ab Occasu
Mare

Lib. 16.

Gen. 10.

Nam. 23.

Ioseph. 1.

Ant. 14.

Plin. 5. Nat.

Hist. 12.

Mare Magnum seu Mediterraneum attingit; quod & Syriacum pelagus ab eo nominatur; quâ parte à mari 350 millia passuum alluitur: à Septentrione Ciliciâ, & Amanò monte, parteque Cappadociâ terminatur. Longitudo eius, vt Plinius refert, inter Ciliciam & Arabiâ 470 millium passuum est, latitudo à Seleuciâ Pieriâ ad oppidum Zeugma in Euphrate 125 millium passuum. Regio omnis Vini, Olei, Frumenti, & cuiusvis generis frugum ferax est; Bombyce & Gossypio abundans, pascuis vberissima, Bobus, Capris, Pecudibus, Bubalis, & Camelis diues. Naturâ adeò pinguis, vt in plerisque locis nullâ culturâ Rosas, Rutam, Foeniculum, Saluiam, Glycyrrhizam, aliasque herbas odoríferas, nobilesq; sponte producat. Porcos syluestres, Capreolos, Onagros, Ceruos, Damas, Lepores, Cuniculos, Perdices, Coturnices, Turtures alit innumeros. Fluijs irrigua est, tutissimâque portubus decorata. Præ maximâ autem temperiæ cœli nec nimio ardore riget, nec maximo calore torretur. Montes ibi celebres Galaad, Carmelus, Thabor, Libanus, Casus, Amanus. Fluij Euphrates, Iordanis, Oron, Singas, Eleutherus, Adonis. Vrbes Hierosolyma, Damascus, Antiocha, Laodicea, Alepum, Apamia, Emesa, Tripolis, Tyrus, Sidon, Berytus, vtraque Cæsarea, Ptolemais, Sichem, aliaque. In quinque hodie diuiditur prouincias, Palæstinam, Phœniciam, Syriam, Damascenam, Cælesyriam, & Comagenam; de quibus singulatim pauca dicemus.

PALÆSTINA ab Hebræorū olim populo possessa, in sacris Literis Terra promissionis, & Terra Chanaan, seu Chananæa appellata, hodie Terra Sancta vulgò dicitur. Hæc à Deo Opt. Max: ad vsum Israeliticæ gentis electa, ditissima, fertilissima, frequentissima & celeberrima multis seculis exitit: nostrâ autem tempestate infrequēs planè, deserta, & inculta vt plurimum, nomine tantùm claret, Ab Ortū Arabiâ Desertâ hodie *Beriârâ*, à Meridie Arabiâ Petrâ nūc *Baraab & Bengancal* ab Occidēte Mari Mediterraneo clauditur, à Septentrione Libano mōti, & Syriæ Damascenę iungitur. Eius longitudo, quæ ab Aquilone, à Ciuitate Dan, ad radices montis Libani sita, quæ & Cæsarea Philippi, & Paneas olim, hodie Velenas appellatur, initium sumit, & Meridiem versus ad vsque ciuitatem Bersabeam, hodie Giblin dictam, mōtesque Seir, & torrentem Besor, siue Desertum Magnum porrigitur, centum sexaginta conficit milliaria Italica, quorum tria vnus horæ iter constituunt. Latitudo verò, quæ ab Occidente, à Mari Magno vel Mediterraneo, in Orientem ad flumen vsque Iordanis plerumque sumitur, relicta eâ parte, quæ trans flumen est, sexaginta tantùm milliaria complectitur: eâ verò comprehensâ ad vsque Montes Seir & Galaad, nonaginta millibus passuum constat. In duas diuiditur partes, Lordane

Gen. 30.
Psal. 73.
Exod. 36.

Iordane interlabente mediam: quæ cis flumen est, tres continet provincias, Iudæam, Samariam, Galilæam; quæ trans flumen, plurimas: Traconitidem, Gaulonitidem, Bataneam, Gamaliticam, Galaaditem, Gergasenorum, & Gadarenorum regiones. Hanc sorte tribus Ruben, Gad, & dimidia Manassis acceperunt, illam reliquæ. Regio omnis etiam hodie inculta, & deserta pleraque, frugibus tamen multis in locis abundat. Ficibus duplicis generis communibus, & Egyptijs, Pharaonis siue Cyprijs appellatis, Vuis, Oleis, Dactylis, Citrinis, Aurantijs, Punicis, Armeniacisque malis, Musis, Charnubis, Pistaceis, alijsque copiosa. Pyra nostratia, Poma, Cerasa, Nuces, similesque fructus nulli aut rari; Damasco tamen, ubi abundè proueniunt, subinde importantur. Melones, Pepones, Cucumeres, Anguriæ, Colocassia, ac Saccharicanneta ibi plurima. Rosas, Rutam, Fœniculum, Saluiam, aliasque herbas medicæ virtute nobiles sponte humus producit. Mannâ etiam ac Melle exuberat. Regionum quæ cis flumen sunt prima Iudæa est.

Hæc ab Oriente in Occidentem, à Mari Mortuo siue Asphaltite lacu, & Iordane flumine ad mare Mediterraneum vsque protenditur, à Septentrione verò in Meridiem à montibus Ephraim ad montes vsque Scir porrigitur. Quatuor olim complectebatur tribus, Iudam, Beniamin, Dan, & Simeon. Est autem situ tripartita, maritima, montana, & cliuosa ex parte & ex parte plana. Maritima à Gazâ hodie Gazera Ioppen vsque vergit: cliuosa plana que pars Ramæ & Lyddæ planitiem, ac tractum illum omnem qui ad Bersabeam in Meridiem se diffundit, comprehendit. Reliqua, Ierichuntinâ Valle exceptâ, montana tota; paucis, ijsque angustis interiacentibus valliculis. Metropolis ei Hierosolyma: plurimæ præterea olim vrbes episcopatu nobiles in eâ extitere, Iericho, Azotus, Iamnia, Ioppe, Lydda, Ascalon, Gaza, Bethleëm, Emaus, Hebron, Rama: quæ quidem omnes, vt & cæteræ non nominatæ, nunc vel in cinerem versæ, vel desertæ, vel vici ignobiles sunt, & obscuri penitus Gazerâ, Ascalone, & Ramâ exceptis: quæ etiamnum muris cinctæ supersunt. Gazera Arabiæ finitima, Saniaccatus hodie titulo insignis, & arce munita, olim Gaza fuit, Philistinorum metropolis: cuius portas Sampson mediâ nocte cum vestibus & serâ asportauit in verticem montis respicientis Hebron, ubi & Templi Dagon (concussis columnis) ruinâ, ad tria hominum millia, & seipsum interfecit. Regio omnis sic satis fecunda, deserta tamen, & inculta vt plurimum: circa Hierosolymam pleraque petrosa & sterilis est, ac rupibus immensæ magnitudinis scater. Ideoque vineis & oliuetis magis accommoda, olei, fructuum, ac vini præsertim ingentem copiam profert: frumenti non item.

SAMARIA, quæ & Samaritis, & Samariensis regio, Iudææ contermina,

Iud. 16.

2. Reg. 23.
2. Reg. 24.

mina, Phœnicia & Galilæa iungitur, Iudæa à Meridie Phœniciâ ab Occidente, Galilæa ab Aquilone adiacentibus, ab Ortu Iordanis allabitur. Olim à tribu Ephraim & dimidiâ Manassis possessa fuit, incipiens à vico Gineâ, atque in Acrabatenam definens toparchiam. Est autem montosa ut plurimum, natura nihil à Iudæa discrepans, in colles vallesque distincta, arboribus plena, pomisque tam sylvestribus, quam facinis abundans, aquis prædulcibus optimisque irrigua, atque vberissimis pascuis diues: deserta tamen hodie plurimis in locis. Præter enim Cæsaream Palæstinam, & Sichem, episcopatu quondam claras, nullas hodie vrbes habet.

GALILAEA Samariæ finitima, vberissima, & pulcherrima Palæstinæ regio, in sacrâ scripturâ celebris, inter montem Libanum & Samariam sita, ab Occasu Phœniciam habet, ab Ortu Iordanem fluuium, & Traconitidem regionem, à Septentrione Libanum montem, à Meridie Samariam attingit, diuiditurque in superiorem & inferiorem. Hæc à montibus Gelboë, iuxta mare Tyberiadis seu Genezareth, ad vsque Bethsaida & Zephet vrbes, ac montem Zabulon protenditur, comprehendebatque olim tribus Isachar & Zabulon. In eâ fuere olim clari nominis vrbes Nazareth, Naim, Salem, Bethulia, Tyberias, Cana Galilææ, Sephoris, Bethsaida, Bethsan, Iesraël, montesque Gelboë Hermon & Thabor. Ab hac prouinciâ Saluator noster nomen accepit quod hic conceptus & educatus sit, ac plurimum habitauerit; primum denique Euangelicæ prædicationis semen sparserit; Apostoli plerique ex hac prouinciâ oriundi, atque adeo Christiani omnes Galilæi quoque olim appellati sunt. Illa verò & Galilæa gentium quaneloque per contemptum vocata, à Zephet initium ducens, longitudine ad montem vsque Libani, fontesque Ior & Dan; latitudine, verò à Phœnicia ad ripam vsque Iordanis, & Aquas Meron extenditur; fuitque olim Aser, & Nephthalim tribuum sedes. Celebres in eâ olim vrbes fuere Emath, Cedus Nephthalim, Cæsarea Philippi, quæ & Paneas, Cephet, Capharnaum: è quibus nostro hoc seculo supersunt Paneas, & Cephet, cæteris vel extinctis, vel in cinerem versis. Vtraque regio situs amœnitate, ac fertilitate soli plurimum præstat, fontibus & torrentibus irrigua, ferax Olei, Vini, & Frumenti, Samariâ & Iudæa nequaquam inferior, imò feracior, amœniorque. Iudæa tamen infrequentior. Quas quidem non sine animi dolore, dum eas peragraremus, desertas, derelictas & habitatore pænè vacuas offendimus.

PHOENICIA, siue Phœnice, & Phœnix à Phœnice rege Antenoris filio nomen sortita, in sacris profanisque literis celebris, pænè omnis maritima est: extenditurque in longitudinem ab Austro in Aquilonem, à Castro nempe Peregrinorum ad vsque Valaniam fluuium, seu

T t

Castrum

Ioseph. 3.
Bel 3.
Ios. 13.
Iudith. 1.
1. Mach. 8.

Hieron. in
loc. Hebr. lq.
G. 9. in loc.
Hebr. Ab. 4.
pessol. l. 6.
Matth. 2. 3.
4. 9. 17. 20.
Marc. 1. 6.
Luc. 1. 2. 43.
8. 23.
Ios. 4.
Ab. 1. 2.
Ios. 9.

Plin. lib. 5.
cap. 12.
Gen. 14.
3 Esdr. 2.
2. Mach. 3.
Ab. 11. 24.

Castrum Margad; ab Ortū partim Syriæ Damascenæ, partim Galilææ iungitur; à Meridie Samariam habet; ab Occidente mari Mediterraneo clauditur. à Septentrione Syriæ cœles contigua, solo Valaniâ amne dirimitur. Tyro & Sidone opulentissimis quondam vrbibus, itemq; Accone, seu Ptolemaide, Tripoli, Beryte, Biblo, Botro, Antarado, maritimis omnibus, alijsq; præclaris vrbibus & oppidis, hodie tamen vt plurimum deuastatis & desertis, celebris fuit. Regio in fœcundissimos colles, vallesq; fertilissimas distincta, agrorum fertilitate nulli terrarum cedit; inculta tamen hodie pleraq; & deserta iacet. Mare vicinû ab eâ nomen habet, & Phœnicû, seu Phœniceum appellatur. Sunt qui Galilæâ & Samariam Hieronymo teste, ad Phœniciam pertinere putent.

SYRIA DAMASCI, seu Damascena, quæ & Libanicam cōtinet, cui & Palmirenam, & Syriam Sobal adiungimus, Phœniciam ab Occasu, Palæstinam à Meridie habet, ab Ortū Arabiæ desertæ, à Septentrione Cœlesyriæ iungitur, partim montosa & cliuosa, partim latâ planitie nobilis. In hac Damascus vrbs totius Syriæ regia visitur. Montana à Libani & Antilibani montium iugis occupatur. Regio omnis amœnissima, fœcundissima, pascuis vberima & fluuijs irrigua est.

CœLESYRIA, siue Syriacœles, id est Caua vel Curua Syria, quæ & humilis, & inferior dicitur, cuius in sacra Scriptura & Iosepho frequens fit mentio, à Valaniâ flumine ad vsque Ciliciam porrigitur; ab Occidente Sinum Issicum habet, à Septentrione Ciliciam, ab Ortū Comagenam, à Meridie Syriam Damascenam contingit. In eâ Antiochia vrbs quondam potentissima, Antiochorum Syriæ regum sedes, ad ripam Orontis fluuij sita, Seleucia Pieriæ, hodie Soldino, Apamia, & Laodicea, nunc Liza, vel Licha, Seleucidis quondam vrbes, & propter concordiam (vt Strabo tradit) sorores dictæ, itemque Emesa, & Alexandreta, in extremo Issicis sinus angulo ab Alexandro Magno condita, aliæq; spectantur oppida. Regio campestris, humilis, & concaua est: mōtibus altissimis quaqua verbum vallata, pascuis in primis abundans, soli vbertate, sitûsve pulchritudine, cæteris Syriæ prouincijs haudquaquam inferior.

COMAGENA, quæ & Euphratisia, eam Syriæ partem complectitur, quam Euphrates fluuius allabitur, estq; Mesopotamiæ contermina, à quâ solo Euphrate ab Ortū dirimitur, habetq; Syriam cœlem à Meridie, Montem Amanû à Septentrione & Occasu. In eâ olim Samosata Regia, hodie præter cætera oppida Alepum visitur, omniû nunc temporis Syriæ vrbiû potentissima, opulentissimaque, ac totius Orientis nobilissimû emporium. Est autem vt plurimum regio montosa: frugibus tamen abundans, ac lætissimis pascuis vberima. Hęc paucula de Syriæ prouincijs summatim dixisse sufficiat: modò institutû prosequamur.

CAPVT

8. Esdr. 2. 6.
7. 3.
1. Mach. 10.
2. Mach. 3.
4. 3.
Ioseph. 11.
Ant. 3. 13.
Ant. 19. 5.
85. Ant. 5.

CAPVT II;

Hierosolymis discessus. Mora in Bira pago: eius loci, ac Chani vicini, aliorumque Chanorum & Imarathorum Turcicorum descriptio.

TERTIO Nonarum Nouembris, Horarijs prius apud Minoritas auditis precibus, quas Matutinas appellant, diuinoque pro felici faustoque itinere inuocato numine, horâ antelucanâ Monasterio egredimur, plurimis comitantibus Monasterij Fratribus; vbi ad Iassâ Portam venimus, occlusam offendimus; largitione tamen à Ianitore facile apertionem eius impetrauimus. Vrbe egressi & Minoritis, qui nos eò deduxerant, valedictis, Deo auspice institutum carpimus iter. Eramus autem vnâ omnes numero quatuordecim, quinque Minoritâ, Peregrini quatuor, dux item & Interpreter, ac Mucharitres. Minoritis hæc erant nomina *Fr. Euangelista à Gabiano* Guardianus Hierosolymitanus, & *Fr. Nicolaus, Mediolanensis*, vterque *Fr. Franciscus Pedemontanus, Fr. Archangelus Brixienfis*, sacerdotes omnes, & *Fr. Aegidius Morlupus Thuscus*, laicus siue conuersus. Peregrinorû nomina supra recensuimus. Interpreti Bethleëmitæ nomen *Musa*, siue *Moufa*; Itineris duci, Ramæ oriundo, *Atlas*, siue *Attellus*; vterque Christianus, ac Græciritus homines. Ex Mucharis duo Mauri, tertius Christianus erat. Relictâ itaque ad læuam viâ, quæ Iassam ducit, iuxta Regum sepulchra (quorum supra meminimus) Septentrionem versus pergentes, inter virentia prata gradum fecimus. Quinto ab Vrbe lapide ad dextram reliquimus Gabee vel Gabaa vicum, olim Leuitarum urbem, & Regis Saulis patriam, sedemque, vbi à Dauide postea sepultus est; vnde & Gabaa Saulis nomen accepit. Hîc quondam Leuitæ vxor nimio concubitu à Gabæonitis (qui tribus erât Benjamin) necata est: ea propter scelus vindicante populo, tota tribus Benjamin, sexcentis reliquis, interijt. Iuxta Gabaa contra viam publicam mons ostenditur, in quo septem filij Saul à Gabæonitis Dauidis Regis permisso crucifixi sunt. Inde ad septimum pergentes miliarium, nunc accliu, nunc decliu semitâ, in loco, cui nomen Bira, siue Elbir (quod nobis puteus seu Cisterna est) substitimus. Pagus est humili impositus colli, ignobilis planè, paucisq; constans Maurorum tuguriolis. Solum habet optimum, Ficubus, Oleis, ac Sesamo sic satis cultû. Frequens & amplum fuisse oppidum, ingentes etiam nû ruinae facile testantur. Jonathan Machabæum hîc habitasse, ac Macmas antiquitus appellatû aliqui volunt. Supremû collis verticè insigne Templû occupat, D. Virgini Mariæ sacrû, ex quadratis cõstructû lapidibus; magnâ tamen hodie ex parte collapsû, muris duntaxat & Cheri parte perexiguâ reliquis, eo exstructû (vt ferunt

Hieron. id loc. Hebr. lit G.

Ios. 18. 21.

1. Paral. 6.

4. Reg. 23.

Ind. 19. 20.

21.

2. Reg. 21.

1. Mach. 9.

1. Reg. 13. 14.

L. 1. 2.

loco, quo olim Deipara Virgo Vnigenitum suum querens Filium, annos natum duodecim non esse in comitatu agnouit: quocirca Hierosolymam reuerſa cum ſponſo ſuo Iosepho, dum ipsum summâ diligentiâ quærit, tandem in Templo disputantem in medio Doctorum inuenit. Ad dextrum Templi internum latus, ruinis quasi sepultum, labrum visitur marmoreum, etiamnum integrum, quod baptisterij loco quondam fuisse, forma ipsa ad modum Crucis satis indicat. Hic pro more à Peregrinis oratur, legiturque Euangelium à Fratribus Minoritis, rem ibidem gestam enatrans: quod & nos præstitimus.

In ipso collis initio, ad læuam viæ fons occurrit, optimis abundans aquis, iuxta quem piscinæ visuntur duæ peringentes, è quadratis fabricatæ lapidibus, quas aquarum pluuiarum receptacula fuisse opinio est: temporis autem iniuriâ collapsæ, hodie neglectæ iacent, nulliusque vsus sunt.

Æ regione fontis, Meridiem versus, ædificium amplissimum ac vastum, instar arcis seu oppidi, muris vndique cinctum conspicitur concamerato opere, pauimento tectum subdiali, latam & patentem in medio continens aream. Huiusmodi autem ædificia per vniuersam ferè Syriam, ceterasque Turcicæ ditionis regiones, cum intra tum extra vrbes atque oppida, & in locis etiam desertis, & ab vrbibus quàm longissimè remotis, visuntur plurima. Mauri & Arabes Arabico vocabulo ea *Chan* vocant; Turcæ *Charauanserai*, hoc est ædificium destinatum Charauanis: nos Pandocheum, aut hospitium, seu diuersorium publicum rectè dixerimus. In eâ quippe, præsertim extra vrbes constituta, Charauanæ (quæ hominum agmina sunt nonnumquàm maxima) cum equis, mulis, asinis, & camelis sarcinarijs, ob itinerum pericula turmatim se coniungentium, diuertunt, noctuque conqueſcunt. Perpetuæ siquidem Arabum grassationes, excursioneseque suspicionem pariunt; quæ frequentiam illis in locis viatorum congregat, vt imminens periculum auxilio mutuo declinetur. Quæ verò vrbium & oppidorum muris inclusa habentur, habitationis, officinæ, & stabuli loco aduenis sunt, instar Fundaci: sic enim Veneti diuersorium publicum Germanorum negotiatorum ad tempus Venetias se conferentium & commorantium vsui destinatum appellant. Hæc ad Bassas primatesque viros pleraque spectant, & priuati iuris sunt: qui concamerata eorum cubicula, & testudinei operis stabula, mercibus deponendis collocandisque iumentis accommoda, exteris mercatoribus locant, atque ingens inde lucrum quotannis consequuntur. Sunt autem multiformia, alia alijs ampliora & magnificentiora. Vetera aliquantò longiora, quàm lata, ad quadratam tamen formam accedentia: recentiora pleraque quadrangularia. Horum aliqua vnâ, quædam

dam binas areas continent; quarum prior ad officinas circumquaque positas pertinet, & Bazarrum seu Forum, itemque Messitam in medio areæ constitutam, plumbeiſque tectam laminis complectitur; altera fontem & stabula, ponendiſque sarcinis, camelis, mulis, cæterisſque iumentis collocandis ſeruit. Hanc plerumque porticus circuit, ſub quâ murus eſt, ſuperficie planâ, tres circiter pedes altus, ac latus quinque, nonnumquàm ſex & ampliùs, lapidibus conſtratus; quæ aduenis (cùm interior ædificij pars multitudini quandoque Carauanorum non ſufficiat) cubicula præſtat, vbi & ſarcinas deponunt, & cibos coquunt. Quod ſi vnicam contineat aream ædificium, ea vt plurimum fontem, & Meſſitam adiunctam habet. Nonnulla tamen, præſertim vetera, à Mameluchis exſtructa, Meſſitis carent. Interior ædificij pars, in quâ homines pariter & iumenta pabulum ſumunt, & conquieſcunt ſimul ex fornicato conſtat operè, vel ſubdiali pauimento, vel plumbo tecta. Hæc aream ipſam ambit, & in quadratum inſurgit opus: cuius extremis parietibus (qui fornicatum opus claudunt) murus adiunctus eſt equâ ſuperficie, latitudinis pedum ſex, nonnumquàm quinque, quandoque quatuor, prout ædificij ratio poſtulat. Hæc aduenis cubilia, hæc cœnacula ſunt. Nonnullis ad eodem parietes foci frequentes cum fumarijs ſunt inædificati, ad rem culinariam expediendam accommodi. Hic paries iumenta & homines ſeiungit; equi tamen ad muri pedem ita ligantur, vt capite ac totâ ceruice promineant, dominisſque ſe caleſcientibus aut cœnantibus adſtent, velut miniſtri, panemque ſi porrigant, aut aliud quippiam de manibus eorum capiant. Cameli quoque ſub ipſo muro infixis terræ vaceris ferreis, fune diſſento coniunctis, ſeriatim capiſtro alligati pabulum ſumunt, mites adeò & innocui, vt licet muro inſidentes ac humi iacentes homines roſtro ſuo tangant, nullam tamen moleſtiam adferant, præter tætrum odorem. In eodem muro lectos ſibi ſternunt aduenæ: tapetem aliqui explicant, penulâ ſuperiniectâ, nonnulli culcitram tenuem circumferunt, eaque pro lecto vtuntur; alij gauſapinâ ſe tantum inuoluunt, quidam ſolo ſtragulo contenti obdormiunt. Turcis equeſtris fella cervical præbet, cæteris vel bulga, vel ſarcina, aut lapis aliquis. Nonnulla horum ædificiorum Maratha vel Imaretha à Turcis appellata, nobis Xenodochia, varijs cubiculis ſunt diſtincta: ad quæ cuiuſſue religionis atque ordinis hominibus, non minus atque ipſis Mahometæis, liber patet acceſſus: ſiue enim Chriſtianus quis ſit, ſiue Iudeus, aut Idololatra, arcetur ab ijs nemo. Quinimò nec ipſi Baſſæ & Sania-ci, primoresſque cæteri indecorum putant cibum in his more mendicorum capere: vti id quidem in hoc itinere frequenti obſervatione glidicimus. Mos ſiquidem ita fert Turcarum, vt ſingulis qui eo diuer-

tunt, modò petant, cibum præbeant, oryzam nempe coctam, vel decoctum ad cremorem hordeum, frumentumve, aut fabam, cum carnis plerumque vecuecinæ frusto, & colipho vno atque altero, vel pane biscocto: nemini tamen inuito præbetur, sed sumit ex eo qui vult. Et quidem peregrinantibus his cibis gratis vesci licet per totum triduum: postea mutandum hospitium. Reliqua verò diuersoria longè aliter se habent: non hîc putes cibos venundari, aut gratis dari, vel mensam instrui, lautis varijsque dapibus refertam, quibus dato pretio vesci liceat, uti in nostratibus solet hospitij: si nihil attuleris, aut quo vescaris tibi prævideris ante, latrante stomacho ieiunus discedes: præter tectum enim, & nudam humum, nudosque parietes, atque aquam frigidam præstant nihil. Quæ singula, prout nobis in itinere occurrerunt, quibusque vsi sumus, suis locis describemus. Nouerit interim lector, ut plurimum his ædificijs esse custodem, perfectumve aliquem, præsertim recentioribus, qui portas noctu occludat & referet; qui & hordeum, paleamque tritam (carent enim auenâ Syri, nec fœni apud illos vsus est) viatoribus diuendat. Interdum etiam Genizari deni aut duodeni præponi ijs solent, qui aduersus iniurias Arabum locum tueantur. Hæc de diuersorijs dicta sufficiant; nunc ad iter pergamus.

In diuersorium igitur, cuius supra meminimus, duce Interprete nos quoque pro more diuertimus, itineris ducem Hierosolymam reuersum in horas expectantes: qui ubi primâ postmeridianâ hora Hierosolymitano quodam comite ad nos rediisset, sumpto mox vnâ nobiscum prandio de discessu egimus. Ille verò multa adduxit, quibus nobis ne eo die discederemus persuasit. Serum esse, nemorosam viam, latrocinij infestam, periculis plenam, nec nisi adhibitis ducibus custodibusque patere, distare proximum Chan quindecim ad minus milliaria, nec posse ad illud, priusquam aduersperasceret, vllò modo peruenire, ideoque consultum videri sibi ut pernoctemus. Hæc eadem cum Interpres, & Mauri, Mucharique confirmarent, obtemperauimus. Interim cum vespertinum tempus instaret, quo omnium saluti melius consuleremus, quove tutior foret diuersorij locus, senos è vicino pago conduximus Mauros, qui nocte proximâ excubias nobiscum agerent. Veriti siquidem latronum impressiones, qui eo in loco grassari sæpenuerò solent, haud tutum putauimus absque Mauros præsidio instantem transigere noctem. Sub Solis Occasum in patulo consedimus, cœnamque humi sedentes sumpsimus, non quidem opiparam, aut copiosam, sed frugalem, & naturæ necessitati satisfacientem, contenti his quæ ex Hierosolymis attuleramus. Vix cœnâ peractâ adueniunt Mauri, atque ob noctis algorem, ex arbusculis aliquot aridis (quas collegerant) ignem sub fornice quodam horrido,

& ruderibus p̄nē oppleto exstruunt, affident suo more, utque nos etiam affideamus, inuitant. Paremus, non tamen scamnis, aut cathedris, nostratum more, infidemus; sed vel humus ipsa, vel rudera, nobis fessibula sunt, vel vivo sedilia saxo. Post moram aliquam discedimus, noctemque totam vigiles traducimus: Non enim somnus oculis, non quies animo dabatur: sed pars in subdiali pauimento superiori obambulat, pars in inferiori hærebat areâ, pars iuxta portam excubias agebat. Attramen fauentibus superis quæta nox, felicia omnia, aduersum contigit nihil. Hactenus Hierosolymis duris culcitris, sine linteis, soloque recti stragulo indormieramus, iniqua sanè cōditio, homini præsertim Batauo, mollibus stratis plumeisque lectis assueto. Sed leuiora hæc; maiora iam subeunda erant incommoda, relinquenda culcitra; humi cubandum, stratoque nonnumquam gramineo, etiam sub dio, pluuioque cœlo: neque enim toto terrestri itinere Alepum usque quicquam nostrum culcitram vltus est; sed substratis humi clitellis, sarcinisque, aut vestibus, inter Agasorum aulae cubuimus omnes.

CAPUT III.

Discessus ex Macmas. Difficilis eo die profectio. Silo mons, Lebna, Campus Iacob, & in eo Puteus Samaritana, aliæque notatu digna.

PRIDIE Nonarum Nouembris secundâ antelucanâ horâ, sarcinas à Mucharis colligi, & iumentis inaponi, ac maturare abitionem dux iubet. Ij statim dicto audientes, equos asinosque onerant: quibus expeditis iter aggredimur nocte subobscurâ, stellis aliquantulum micantibus. Præcedebant Mauri itineris duces, arcubus, sagittisque instructi: sequebamur pedetentim & nos, arduâ sanè & præruptâ viâ. Illucescente iam die, ad dextram viæ Palmam monstrârunt comites, quam vulgò Delboræ Prophetissæ palmam vocant: sub quâ crebrò eam sedisse, & iudicasse populum Irahel vulgò persuasum est. Ind. 8. Inde Aquilonem versus continuantes iter, viâ accliu, decliuque, saxosâ prorsus & aspera, perque frondosas ac densas Cedrorum & Illicum sylvas, horridos modò montes, faxeasque crepidines, ac rupes, modò valles umbrosas, & opacas superantes, difficulter admodum processimus. Occurrebant in viâ præter Cedros Piceas & Illices, nunc Oleæ, Esculi, Aræ, Lentisei & Cocci arbutule, nunc Charnubi, Terebinthi, Andrachnæ, Alinternæ & Sycomori innumere. Est autem Sycomorus, quæ & Ficus Cypria dicitur, eò quòd in Cyprio abundet, Arabibus *Mumeis* dicta, arbor ingens, atque alta, folijs moro persimilis, nonnihil tamen rotundioribus, atque integris. Fructum fert similem

ficui

ficui domesticæ, sed paulò dulciorem; sine feminibus, palato quide m
gratum, sed stomacho noxium: ea propter in pauperum plerumque
cibum cedit. Andrachna sylvestris arbor est, similis Vnedoni, folio
minore, nunquam decidente. De Charnubis & Terebinthis suprà
egimus. De Cedris suo loco dicemus. Herbæ præterea nobiles, puta
Tragoriganum, Zygis, Onitis, Maron, Libanotis, aliæq; passim in viâ
se offerebant.

Iud. 11. 10.

27.

Iosaph. 5.

Ant. 2.

1. Reg. 1. 2.

3. 4. 14.

3. Reg. 2. 11.

12.

Duodecimo à Macmas lapide, ad dextram viæ, montem præterve-
himur, omnium qui in Iudæa extant altissimum, Silo antiquitùs nun-
cupatum; in summo cuius vertice olim ciuitas ædificata fuit eiusdem
nominis; in quâ Iſraheliticus populus plurimos annos, ad Samuelis vs-
que tempora, sacrificia celebrauit, & conuentus habuit. Arca enim
Dei cum Tabernaculo Fœderis multo tempore, vsque dum caperetur
à Philistæis, in eo mansit. Templum ibidem à Christianis postmodum
exstructum, collapsum hodie penitus & dirutum spectatur.

Iudææ montibus asperis ac horridis superatis, ad ima cuiusdam val-
lis Samarizæ provinciz horâ quasi meridianâ descendimus: mox ad di-
uerforium amplum, in ipso vallis initio ad radices montium positum,
& ex parte ruinosum, diuertimus: Viæ namque longæ molestiâ fessis
quiescere nonnihil, ac famem sitimque subleuare erat animus. Ex iu-
mentis iraque iuxta fontem seu cisternam diuerforio proximâ descen-
dimus, ac raptim & stantes cibum sumimus: cumque quatuor vix buc-
ceas comedissemus, ingentem hominum cateruam per devia mon-
tis ex improviso ad nos properantem eminus conspiciamus: equites
esse omnes, pedites perpaucos animaduertimus. Terror illico nos
inuadit. Celerrimè iraque iumenta conscendimus, & fugam arripi-
mus; sed frustra: vix enim medio confecto milliario nos consequun-
tur. Subsistimus igitur, propiusque accedentes Turcas esse, & Subassij
Neapolitani cohortem, insequentem Arabes latronesque, comperi-
mus. Vbi coram astitere, qui simus, quove tendamus interrogant, Dux
noster itineris rationem patefacit; peregrinos nos esse, Christianos,
Venetos, atque Hierosolymis Damascum; inde verò Alepum profi-
cisci, respondet. Re intellectâ, verbisque ducis fide adhibitâ, dimit-
tunt immunes. Solus Subassij coquus, cæteris insolentior & inhumana-
rior, quamuis poscenti integros aliquot panes dedissemus; ijs tamen
minimè contentus, ut erat vini auidus, vtriculum vino plenum (*Bora-
chium* appellant Itali) muli clitellis alligatum, per vim vni nostrum
eripit, colapho etiam, cum nonnihil reniteretur, addito. Id autem,
vbi Subassius rescivit, restitui nobis illicò, sed vacuum, satis humani-
ter iussit. Metu hoc liberati iter continuamus, vallemque fertilissimam,
oluetis undique refertam, amœnissimamque pertransimus mediam,
relictò

reliſto ad laeuam vico quodam exiguo in Occidentali cuiusdem vallis latere, cui olim Lebna nomen fuiſſe ferunt.

Valle ſuperatâ rurfum alta petimus: inde ad tertium milliarum planitiem denuò, ſeu vallē amplam adſpectu pulcherriſſimam, atque vberis ſoli ingredimur. Hanc Campum Iacob vulgò indigitant: eſtque ille campus (vt ſolunt) quem Iacobum Patriarchâ Iosepho filio ſuo extra fratrum portionem dediſſe ſacræ teſtantur Literæ; dicente Iacob ad filium, *Dotibi partem vnā extra fratres tuos, quam tuli de manu Amorrhæi in gladio & arcu meo.* Vallis hæc longitudine quatuor, latitudine duo tantum millia continet, extenditurque à Meridie in Septentrionem, montibus, ſeu collibus fructiferis, cultuique aptiſſimis, nitidiſſimisque vndeque cinctâ. In extremâ huius vallis aquilonari parte Samaritanæ Puteus ſeu Fons oſtenditur, iuxta quem Saluator Dominus (vt ſacræ teſtatur Pagina) Samaritanam allocutus, potum ab eâ petijt. Is in orbem lapidibus ſubſtructus, marginibus ſolo eminentibus collapſis, & demolitis ſaxis, hodie obrutus, & ad ſummitatem uſque impletus, aquis omnino caret, deſijtque vilius eſſe uſus. Fano quandoque Chriſtianorum operâ circumſeptum fuiſſe, indicant ruinæ & reliquæ ampliſſimæ. Eſt autem hîc puteus ad ſiniſtrum Chori latus, iuxta Aram maximam. Gen. 48.
Iof. 24.

E regione huius Templi Occidentem verſus, angulus extat montis Garizim: in cuius vertice vetuſtum ædificium formâ ſphæricâ ſpectatur, quod Iouis Delubrum fuiſſe aliqui exiſtimant: alij tamen à Chriſtianis ibidem exſtructum ferunt. Hîc ille eſt mons, in quo Iosue altare Deo ædificauit, & Deuteronomium populo prælegit; in quo & benedicentes ſtabant, qui maledicentibus in monte Hebal aduerſo ſtantibus reſpondebant; fuitque olim ab Iſraëlitis ſacrificij & orationis cauſâ vel maximè frequentatus. Quod & Mulier Sichemitis innuiſſe videtur, dum à Chriſto ad colloquium admiſſa *Patres* (inquit) *noſtri in hoc monte adorauerunt, & vos dicitis, quia Hieroſolymis eſt locus ubi adorare oportet.* Ioan. 4.

Haud procul à Puteo, Aquilonem verſus, duodecim Patriarcharum, ſeu filiorum Iacob ſepulchra etiamnum extare, & ab accolis frequentari plurimi putant. Quæ dum nos deuotionis ergo pedites adire volumus, à Mauris in proximo hærentibus impediti, gradum ſiſtere compellimur. Voto itaque fruſtrati, ad noſtri itineris Ducem celeri pede reuertimur, conſcendiſque iumentis Sichen verſus procedimus. Sepulchrorum locum eum eſſe volunt agrum quem Iacob emit à filiis Hemor, patris Sichen, centum nouellis ouibus: in quo Deum fortiſſimum Iſraël inuocauit, & poſteà Iosephi oſſa condita ſunt. Gen. 33.
Iud. 24.
Ab. 7.

CAPVT IV.

*In Sichem ingressus: ibidem mora; eiusdemq; oppidi situs,
& descriptio.*

RELICTIS ad dextram Patriarcharum Sepulchris, occiduū ver-
sus declinantes, vallem (in quā Sichem est) ingredimur. Hæc ab Orien-
te in Occidentem procurrit, longitudine tria circiter millia passuum,
latitudine quingentos, & ad summum mille passus continens. Vrbs
ipsa, quam multi non Sichem, sed Thebas (licet falsò) olim fuisse pu-
tant, montibus vtriusque circumdata, distat à Puteo Samaritano mille
fere passus. Soli fertilitate, amœnitate, situque elegantia, ac fontium
perpetuâ scaturigine nulli secunda. Suburbana prata aquis irrigua,
oluetis, vineis, viridariisque exulta, cuiusvis generis arboribus, hor-
tensibus, fructibusque, præsertim Moris albis (quarum folia ad nu-
trios Bombyces aptissima sunt) vel maximè abundant. Melones,
Cucumeres, Cucurbitæ, Raphani, Tuberes, Lactucæ, Caules, Boragi-
nes in tantâ illuc copia, ut nusquam in totâ Syriâ vberior. Adiacent
autem ab Austro & Aquilone duo montes altissimi, ab Australi itemq;
aquilonari ventis urbem vallemque defendentes. Hinc verò miram
illuc vigere cœli temperiem; salubremque ideò, amœnam, fortunatam-
que effici regionem putauerim: ventos siquidem illos plurimum satis
plantisque officere, ac noxios flatus edere, omnibus notum est: contra
his exclusis, ridere prata, ac perpetuò vere autumnosq; gaudere acco-
las constat. Montem meridionale claudentem latus Bethel olim ap-
pellatum, in quo Ieroboam Regem Israël vitulum aureum collocasse
legitur, ex aduerso verò Septentrioni oppositum, atque Aquilonari
urbis adiunctum lateri, Dan nuncupatum aliqui volunt: quorum opi-
nioni non facile adhæserim; sed illorum potius veriore existimaue-
rim, qui eos Garizim & Hebal iure optimo quondam appellatos pu-
tant. Nam si naturam & conditionem vtriusque montis spectes, no-
mina rebus congruere comperias: Ille enim (quem incolæ etiamnum
Garizim vocitant) soli utique fecundissimi, oliuetis, vineis, viridariis-
que vndique cultissimus, fontibusque irriguus, pulcherrimum eò ac-
cedentibus præbet adspectum, Benedictionis propterea Mons non im-
merito dicendus. Alter verò mons, huic oppositus, Char Ebal dictus,
sterilis, contra, horridus, desertus, incultus, petrosus totus, atque ari-
dus, maledictionis nomen accommodè meretur. Nec me mouet D.
Hieronymi opinio. Licet enim vehementer errare Samaritanos scri-
bat, qui iuxta Neapolim Garizim & Gebal montes ostendere volunt,
cū

3. Reg. 12.

Iud. 9.
Deuter. 11.

In loc. Hebr.
N. G.

cùm illos (vt ait) iuxta Galgalam esse sacra Scriptura testetur, quam quidem ad orientalem plagam antiquæ Hierichus cis Iordanem ponit, vbi Iesus secundo populum Israëliticum circumcidit, & Pascha celebravit, quodque iuxta Hierichum duos esse montes vicinos, sibi oppositos, vnum Garizim, alterum Gebal appellatum, asserat: alibi tamen testatur iuxta Sichem ad fontem vbi Dominus Samaritanæ mulieri locutus est, Ecclesiam fabricatam esse ex latere montis Garizim. Idem quoque confirmat in Epitaphio Paulæ, vbi scribit Sichem (quæ nunc Neapolis appellatur) exstructam esse ex latere montis Garizim, circa puteum Iacob, super quo residens Dominus, & sitiens, atque esuriens, Samaritanæ fide satiatus est. Quibus equidem testimonijs Samaritanorum opinionem planè confirmat, nec sibi constare videtur. Neque enim video, quomodo hæc sibi repugnantia conciliari vlllo modo queant. Aut enim dicendum est, hunc aut illum librum non esse Hieronymi, aut in altero eorum hallucinatum esse; cùm utique simul subsistere nequeant: vno siquidem concesso, alterum corruere necesse est. Nam si Garizim propè Galgalam (quæ à Iordane stadijs quinquaginta distat) iuxta primam Hieronymi opinionem ponas, falsum erit Ecclesiam fabricatam super fontem, ad quem Dominus Samaritanæ locutus est (quæ Evangelij, atque etiam ipsius Hieronymi testimonio iuxta Sichem est) positam esse è latere montis Garizim: nisi duos dixeris fuisse montes Garizim, vnum iuxta Sichem, alterum iuxta Hierichum, quod nusquam sacra Scriptura indicat. Si verò huius fontis Ecclesiam (cujus etiam nunc reliquæ aliquæ supersunt, spectanturque ad pedem montis australi lateri vrbis Sichem adiacentis) è latere montis Garizim iuxta Sichem ædificatam asseras, dici non potest iuxta Galgalam situm esse Garizim, nisi duas Galgalas, vnam iuxta Iordanem, alteram iuxta Sichem seu Bethel ponas: quod quidem Hieronymus innuit, cùm dicit iuxta Bethel aliam quosdam Galgalam suspicari. Vnde cùm Scriptura dicat montes Garizim & Hebal esse trans Iordanem, pone viam, quæ vergit ad Solis occubitum, in terrâ Chananæ, qui habitat in campestribus contra Galgalam, quæ est iuxta vallem tendentem & intrantem procul; de Galgalâ potius eam loqui existimaverim, quæ iuxta Bethel seu Sichem est, quàm de eâ, quæ propè Iordanem esse nonnullis creditur. Quod verò addit Hieronymus montes iuxta Sichem plurimum inter se distare, nec posse inuicem benedicientium siue maledicentium inter se audire voces, hoc quidem ob loci distantiam facile quis crediderit: vrbe namque interiacente mediâ, quasi mille passus disiunguntur. Parum tamen id mihi probare videtur, cùm clamantiû voces inter concaua montium longius personent, quam quis credat: præsertim verò quod sacra Scri-

Deut. 11.

In loc. Hebr.
Act. Apost.
lit. S. ad
verb. Sichem.
Epist. ad Eu-
stoch. virg.

In loc. Hebr.
lit. G.
Deuter. 11.

prura contrarium testetur, referatque Ioathan in vertice stetisse montis Garizim, eleuataque voce clamasse ad viros Sichem, stantes iuxta quercum in Sichem, longumque cum ijs miscuisse sermonem. Quo sanè testimonio planè conuincitur, & montem Garizim iuxta Sichem esse, non autem iuxta Hierichum, vel Iordanem amnem, & clamantis vocem ex vertice montis Garizim ab habitatoribus Sichem in imâ valle commorantibus commodè intelligi potuisse. Non enim censendū est Ioathan frustra clamasse ad Sichemitas, nisi iudicasset illos clamorē suum exaudituros. Quod si Sichemita in imâ valle cōstituti, vocem Ioathan ex summo montis cacumine perceperint, non mirū si benedicientium, & maledicentium in vtroque monte voces ad populum in mediâ stantem valle peruenerint; maximè cum sacra Scriptura excelsa voce eos clamasse, & non in summis montium apicibus, sed in ipsis radicibus benedictiones & maledictiones promulgatas testetur. Cæterum vt meam de hac D. Hieronymi opinionem, & quid verè Hieronymus senserit, sententiam dicam, haudquaquam existimauerim virum tam insignem, & Hebraicarum literarum peritissimum, locorumque terræ promissionis exactissimū indagatorē, in re adeò leui lapsū fuisse, ac sibi contraria scripsisse. Igitur veram eius opinionem eam esse iudicauerim, quæ in Epitaphio Paulæ ad Eustochium virginem, itemque in locis Actorum Apostolorum de situ montis Garizim continetur, non autem quam in Tractatu de Locis Hebraicis videre est, quæque priori opinioni planè aduersatur. Nam id opus non esse Hieronymi, sed Eusebij, atque à Hieronymo tantum translatum, ipsum procemium satis indicat. Sed hæc obiter, nunc ad institutum reuertamur. Mons Gebal aut Hebal antris & speluncis plenus, quasi totus cauernosus est, ab eo præsertim latere, quo urbem spectat, & maledicentes stetisse opinio est; vbi innumeros etiamnum specus subterraneos videas; quos Hebræorum antiquitū sepulchra fuisse, multi putant. Neque id absolum putauerim: nam & hodie Mauris, Turcis, cæterisque vrbs incolis sepulturæ loco cedunt.


Iuxta vrbs muros, ab orientali latere Messita visitur, quadratę formæ ædificium, cui fons adiunctus est, aquas suas in subiectum labrum, seu quadrati operis tumbam ex Pario marmore candidissimo effundens. Hanc D. Ioannis Baptistæ quondam continuisse ossa, fama est; à Sebastii autem Samariæ regiæ Templo ibidem etiamnum extante, ac D. Ioanni quondam sacro, à Saniacco Neapolitano aliàs asportatam, atque eo loci, quo nunc spectatur, ad Messitæ fontisque ornamentum translata afferunt.

Haud procul inde extra vrbs mœnia, & altera cernitur Messita, iuxta quam sunt ædes satis amplæ, Seriphi siue Santoni cuiusdam habitaculum,

bitaculum, ad quas difficillimus Christianis patet aditus. Referunt indigenæ Sacellum seu cubiculum in ijs extare, arcâ lapideâ ornatum, depictâ in pariete arbore ramorum duodecim, quibus singulis additum est Arabico charactere nomen cuiusque filiorum Iacob, quorum ibi condita corpora idcirco multi putant: licet alij propè Puteum Samaritanum eorum Sepulchra statuunt: Hic vero Iosephi tantum ossa contineri asserant: quod & Hieronymus innuere videtur, & Beniaminus Iudæus in suo Itinerario testatur.

*In loc. Hebr.
Act. Apost.
lit. S.
Gen. 12. 33.
34.
Ios. 13.
Ioan. 4.
Ioseph. 5.
Bel. 4.
Plin. lib. 5.
cap. 13.
Hieron. in
Epiraph.
Paula.
In tract. de
Vir. illust.*

SICHEM, quæ & Sichima, vel Sichimi, & Sichar in sacris appellatur Literis, Iosepho Mabortha, Plinio Mamortha, olim Abrahami & Iacobi Patriarcharû sedes, à Simeone & Leui filijs Iacob, ob stuprum Dinæ sororis vastata, ac postea sæpius rerum immutationem & excidium passa, hodie Neapolis, vel Naplos, seu Naplosa dicitur; Iustini Philosophi & martyris (vt Hieronymus meminit) patria. Estque totius Samariæ vrbs primaria, amœnitate, & delitijs (vt diximus) abundans, inter duos virimque posita montes, Garizim & Hebal, figuram referens quasi sphericâ, atque ambitu suo duo circiter millia passuum comprehendens. Aquis autem vel maximè abundat, fontibus vbique per plateas, viasque publicas passim scaturientibus. Insignior cæteris est qui iuxta vrbs Imarethum amplissimum spectatur, marmoreo ornamento decorus, Fons Iacob vulgò appellatus. Hic siue ob aquarum scaturientium vbertatem, siue quòd potu omnium opinione saluberimus habeatur, præsterq; cæteris in vrbe fontibus, adeò apud omnes vrbs incolæ exterosq; celebris fuit, vt nemo non ex eo aquas hauriat, præferatque cæteris fontium aquis. Cunctæ terè vrbs domus humiles, atque vnus tantum contignationis sunt, paucissimæ ad secundam adscendunt: lapideæ tamen omnes, & subdiali pauimento tectæ; plurimæ verò ruinosæ, collapsæ, & desertæ, vrbi plurimùm gratiæ adiungunt, ac foedam visu multis in locis efficiunt. *Mesitas*, siue *Zumas* quatuor continet, satis amplas, turribus sphericæ formæ (quas *Maidinas* Mauri vocant) spectabiles. Multis in locis vijsque publicis variæ fractæ iacent columnæ marmoreæ. Præstant cæteris duæ miræ magnitudinis & marmoris qualitate eximiæ; quæ semifractæ, & neglectæ in Bazarro veteri, haud procul ab vrbs Imaretho spectantur, suntque Porphyretico lapidi non absimiles, tam crassæ ambæ, vt vix bini homines brachijs connexis eas complectantur: argumentum meâ opinione haud obscurû, quòd opulenta olim, & sumptuosius, magnificisq; ædificijs ornata fuerit hæc vrbs. In Bazarro nouo, quod ad occidentalem vrbs plagam est, à sinistro seu meridionali viæ latere, vetustæ turris muro viam spectanti infixâ hæret basis marmorea, hac inscriptione Græcâ.



ΑΥΤΟΚΡΑΤΟΡΙ
ΑΔΡΙΑΝΟ ΑΝΤΩ
ΝΕΙΝΟ ΚΑΙΣΑΡΙ
ΣΕΒΑΣΤΩ ΕΥΣΕ
ΒΙ ΚΙΡΙΟΜΟΥ ΦΙ
ΛΙΑΣ

Reliqua iniuriâ temporis corrosa, & vetustate oblitterata legi nequaquam dantur. Præter Imarethum, de quo *suprà* meminimus, amplissimum quoque in vrbe fere medio visitur *Chan*, seu publicum diuersorium, quadratæ formæ opus, duplici ornatum porticu, vnâ alteri impositâ, spatiosam in medio continens aream; cuius vmbilicum fons & Messita occupat. Ædificium fornice constat duplici; estque duarum contignationum: cuius pars inferior animalium stabulis destinata: superior in quadraginta cubicula ad hominum vsus diuisa est; vnoquoque latere denas cellulas cum suis fumarijs continente. Ab anteriori ædificij parte (qua ingressus ad Aream interiorem patet) ampla atque excelsa spectatur Porticus; cuius vtrumque latus rerum venalium officinas plurimas comprehendit, & indigenis loco Bazarri seu Fori publici seruit. Est autem totum lapideum, & plumbeis laminis tectum: additque vrbi magnum ornamentum. Incolæ Mauri plerique, partim quoque Iacobiticæ sectæ Christiani, partim Turcæ, & Iudæi sunt: quibus in iure dicundo hodie præsunt tres supremi magistratus, Saniaccus, Cadius, Subassius: de quorum munere alibi egimus. Iudæi Samaritani sunt omnes, Cuthei etiam dicti, nec non Aharonitæ,

haronitæ, quod originem ab Aharone se ducere affirmant; ideoque cum cæteris Iudæis extra familiam suâ matrimonia nulla ineant: nam genus illorum alijs immisceri piaculum esse putant.

Urbem ingressi, ad proximum diuertimus Charauanseraium, seu diuerforium publicum, iuxta urbis muros, loco accliui, & in ipso pede montis Garizim positum, ruinosum maiori ex parte, & casui proximum. Horridam dixisses speluncam, imò potius latronum receptaculum, non diuerforium Parietes fumo obfuscati, atrii Vulcani officinam referebant. Pauimentum non lapide stratum, sed puluere & stercore testum, haram porcorum ostentabat. Ostium, aut fenestram, quæ noctu occluderentur nullæ. Denique præter horrorem & tetrum odorem nihil erat quod conspiceres, olfaceresve. Obellum diuerforium, cui nihil minus quàm nomen diuerforij conuenit, quantum differs à nostratibus? In his omnia nitent, omnia splendent, varia hic supellex, vinaque varia, mensa instructissima, lecti mollissimi: in illo contrà horum omnium ne umbrâ quidem: ut verè hic dixerim Syriam nobis patrias delicias planè ex animo deleuisse, memoriamque earum obliterauisse: sed hoc saltem nobis pacto profuisse, quod ad reliqua ferenda postmodum idonei facti fuerimus. Sarcinis igitur sub dio relictis, Agasonum seu Mucherorum operâ pauimentum famentorum fasciculo verri, & in angulum diuerforij sordium puluerisque cumulum projici curauimus: mox sarcinis intro portari iussis, loco patulo consedimus, & humi sedentes cœnam sumpsimus. Licet autem horrorem omnibus incuteret, eâ tamen ratione gratum nobis hospitium fuit, quòd non solum testum, sed & lætum prospectum præberet: nam ex editiori eo loco magnâ cum voluptate totam ferè urbem lustrare dabatur. Hæsimus ibi toto biduo, Chiecagiæ Constantinopolitani expectantes aduentum, cum quo Damascum proficisci proposueramus. Is siquidem pridie ante nostrum ex Hierosolymis discessum Lyddam profectus, Diui Georgij Fanum voti causâ inuisurus, inde Neapolim siue Sichem venire decreuerat. Est autem Georgij delubrum Mahometæis vel maximè venerabile, votisque percelebre, ob martyris ibi conditum corpus: quem suæ sectæ militem fuisse autumant, ac *Deseleth tozatel* id est candidi equi militem vocant, ideoque in summo honore habent. Vbi verò renunciatum esset concilium mutasse Chiecagiam, & à Lydda digressum, recto itinere Galilæam versus pergere, nec accessurum Sichem, periculum in morâ rati, parare abitum, ac cœptum prolequi iter statuimus, ut eò citius in eius esse comitatu liceret, fieretque nobis eodem duce securius iter. Quàm ocysimè igitur discedendi veniam per Interpretè ab urbis Præfecto impetrari curamus: non enim nisi cum veniâ, pre-

tio prius emptâ, ab vrbe discedere, quod Frangios nos esse subodoratus erat, licuit. Sunt siquidem Turcici magistratus plerique pecuniæ auidissimi, quibus nisi cum munere adsis, surdæ sunt aures: nec quicquam concedendum putant, nisi donis muneribusque prius placati. Fungebatur tum Saniaccatus munere, qui præcipuus est vrbis magistratus, Saniacci Gazeræ filius minor, Hierosolymitani Saniacci frater: propter ætatem tamen, per Chiecagiam, cognomento Mifemis, patris sui mancipium, & abiectæ conditionis hominem, rempublicam administrabat. Præter titulum autem nudumque nomen vterque filius habebat nihil; summâ rerum penes patrem manente; cui omnis Palæstina obtemperare cogebatur. Is siquidem peculiosus maximè, ac rerum copiâ diuitijsque affluens, summæ apud suos auctoritatis erat, adeoque se omnibus Palæstinæ indigenis formidabilem reddiderat, vt nemo esset qui eius imperium recusaret.

CAPUT V.

Ex Sichem discessus. Sebaſtes vrbis situs, & conditio: Maurorum ibidem cum nostris Mucharis Litigium, & discrimen nostrum maximum. Ad oppidum Gelin seu Chilin appulsus, eiusque descriptio.

SEPTIMO Id. Nouembris, sub auroram, à Sichem discedimus, continuâ concomitante nos pluuiâ: atque ita pergentes, cum tempus & præsens occasio diuturnam moram non permetteret, nec subsistere, aut sub tectum nos recipere daretur, circa tertiam diei horam, post colles vallesque plurimas, incultas plerasque & desertas, viâ modo accliu, modo decliu superatas, Sebaſten venimus, Samariæ quondam regiam, duodecimo à Sichem positam lapide.

3. Reg. 16.
15. Ant. 9.
1. Bel. 6.

Vrbs hæc Hebraicè Samrah vel Somer ab Amri rege Iſrahel condita Iosepho Samaritis, Eſtenias, & Marion est postea in honorem Cæsaris Augusti ab Herode Antipatri filio Σεάστη, hoc est Augusta, appellari cœpit. Fuitque olim Regū Iſrahel sedes & regia: quibus extinctis, Herodes Galileæ & Samariæ tetrachæ in eâ sedem posuere. Est autem sita in vertice montis amœnissimi, cui Semeron antiquitūs nomen fuit, ex quo longissimus quaquaversum patet prospectus: quem Amri Rex Iſrahel duobus talentis argenti à Semero eius domino emit, urbemque in eo condidit. Olim quidem superbissimorum ædificiorum structurâ clara fuit: eam tamen cum Hircanus Iudæorū summus Pontifex fossâ, duplicique muro circumdedit, cinctamque per octoginta stadia per filios Antigonum & Aristobulum tandē expugnasset, solo adæquauit. Quam rursus Herodes Antipatri filius à funda-

2. Paral. 13
3. Reg. 16.

Ioseph. 13.
Ant. 17.

à fundamentis instaurauit, firmissimisque portis, ac muro validissimo per viginti stadia muniuit. Templum etiam maximum, sesqui stadij magnitudine, modis omnibus ornatissimum, Augusto Cæsari dicauit.

Hodie adeò deuastata est tota ciuitas, vt præter lapidum acervum & ruinarum molem, ac nudam humum, conspicias nihil. Neque enim ex tot veterum monumentis & regijs ædificijs quicquam superest, quam tres ingentium columnarum è marmore ordines, quæ in supercilio montis etiamnum stantes supereminent; quas platearum sustinuisse testudines plurimi putant; alij tamen regij Palatij, ac deambulatoriorum monumenta esse dicunt. Diuus Ioannes Baptista, Herodis iussu, suadente Herodiade Philippi fratris sui vxore, quam inuito fratre sibi pellicem adiunxerat, gladio cæsus, hîc palmam martyrij accepit, & à discipulis sepultus est. Locum Christiani postmodum rerum in Syriâ potientes insigni Ecclesiâ illustrârunt: cuius vtrimque parietes etiamnum integri extant; cætera collapsa omnia. Torquebat omnium nostrum animos, cum hîc hæreremus, cûpido inuisendi Sanctissimi Præcursoris Domini Sepulchrum, sed ruinarum mole obstructis portis, nullus dabatur aditus: tandem ductore Interprete per foramen in imâ parietis parte excisum, quod Maurus quidam ostenderat, proni adrepentes ad interiora Templi penetrauimus, locosque tumulo quondam Ioannis Baptiste, nec non Helisæi & Abdæ prophetarum monumentis celebres inuisimus. Dum verò precibus intenti laudes hymnosque in Ioannis prophetarumque memoriam pro more concinimus, Mauri (qui sordida quædam tugiola, seu antra potius, in decliuitate montis, iuxta Ioannis Baptiste Templum, ex congestis lapidibus sine calce aut limo, rudi modo coaceruata, inhabitant) superiorem Templi partem occupant, stomachantur in nos, derident, conuicijs, probriisque laceßunt, lapides in nos deiciunt, atque exire Templo compellunt quâ venimus viâ, haud sine molestiâ, maiori tamen terrore quàm damno. Vbi verò ad altiora euasimus, Mauros & Mucharos nostros inter se rixantes inuenimus; quorum iurgium vsque adeò creuit, vt à verbis & contumelijs ad pugnas & verbera veniretur. Clamoribus interim in cælum vsque omnia implentibus Mauris; accurrunt propterea & reliqui eius loci incolæ, atrocia minantur, & in Mucharos nostros irruunt. Vix à sanguine & cæde abstentum: & nî Interpres, sedatis Maurorum animis, pacem inter vtrosque composuisset, fortassis omnes in præsens discrimen incidissemus. Periculum itaque in morâ rati, barbariemque & insultus Maurorum veriti, statim inde auolamus; nec ob tam festinatum abitum cætera antiquissimæ ac Regiæ vrbis loca, & rudera ingen-

Marc. 6.

*Hieron. in E-
pistolaph. Paula*

tia, montisque supremum verticem, & in primis seriem illam columnarum, vti vel maximè optabamus, cominus accedere & perlustrare licuit.

Relictâ igitur à læuâ Samariâ, siue Sebaſte vrbe, in vallem propinquam descendimus, vbi sub ficu viæ proximâ ducem nostrum (qui in itinere cum Turcis sibi obuijs substiterat) expectantes, atque æstû fugientes, nonnihil quieuiſmus. Mox vbi aduenisset, cœptum carpsimus iter, colles vbique amœnos, & fœcundos, vberimis & lætissimus interiacentibus vallibus, superantes; in quibus etsi nulla ferè cultura exerceatur (vacua siquidem est habitatoribus regio) sui tamen situs amœnitate adspicientium oculos mirum in modum perstringūt, oblectantque. Spectantur etenim hîc circumcirca Olearum & Lentiscoreum syluæ, perpetuis frondibus virescentes, amœnissimæ quoque oræ Myrtis refertæ passim in itinere occurrunt. Vliginosa adhæc atque vberima pascua, multa herbarum ac florum varietate ridentia, plurimis in locis conspiciuntur.

Sole ad Occasum vergente, Gianin, siue Ginum, vel (vt alij volūt) Gilin, seu Chilin, vltimum Samariæ prouinciæ oppidum, ac terminum peruenimus. Id ad radicem montis Ephraim positum, distat à Samariâ vrbe duodecim millia passuum, habitatore sic satis frequens. Incolæ plerique Mauri, Christiani pauci, Turcæ paucissimi, Nullis autem cū sit cinctum muris, vicum potiùs refert, quàm oppidum. Fertili gaudet solo, situmque habet pulcherrimum: nam valli latissimæ imminet, lætissimumque indein circumvicina loca montesque Gelboë (qui è regione sunt) prospectum præbet. Hîc Christum decem mundasse leproſos ferunt; quorum vnum post mundationem reuersum, Saluatori gratias egisse sacra Scriptura testatur. Pernoctauimus hoc loco in diuersorio publico amplissimo, & pinnatis cincto muris, instar oppidi, duas areas amplissimas, edesque plurimas continente. Arearum altera insigni Messitâ testudinei operis, ac plumbeis laminis testâ, itemque Cadij ædibus latissimè patentibus, altera fonte & fornicibus amplissimis Carauanorum vsui destinatis conspicua est. Præter Cadium nullus hîc magistratus. Is in oppidanos iuris dicundi facultatem habet.

Luc. 12.

C A P V T VI.

Salem, Naimq; oppida. Montes Gelboë, & Hermon. Nazareth oppidum, eiusq; situs & conditio. Varia ibidem tolerata à Mauris ducibusq; itineris contumeliæ, iniuriæ, exactiones.

POSTRIDIE, qui sextus Id. Nouembris erat, secundâ antelucanâ horâ excitamur omnes à Mucharis nostris, equitandum nobis esse

esse incondito clamore obstrepitantibus, Vnde dulci rupto somno, statim spissis nos credimus umbris, atque oppido Chilin discedimus. Ad quartum inde milliarium vetusti cuiusdam delubri rudera & ruinas peringentes prætergressi sumus. Id autem eo loci à Christianis, quondam exstructum ferunt, quo Apostolos suos spicas in die Sabbathi colligentes Christus defenderit.

Inde ad octauum milliarium, Aquilonem versus, oppidum Salem Melchisedech Regis panis & vini oblatione, ac fede, atque Abrahæ ab eo datâ benedictione (vt vulgò persuasum est, celebre, ad dextrâ reliquimus. Id nunc solo tenus dirutum, exiguum atque ignobilem refert viculum. Gen. 14.

Hinc ad pedem montis Gelboë continuantes iter, vallem mox Iesrahel, crebris olim famosisque conflictibus Gedeonis, Saulis, Achab, & Tartarorum contrâ Saracenos illustrem, prætervehimur. Mox monte Hermon à dextris relicto, in eius aquilonari latere Naim oppidum eminus conspeximus.

Montes Gelboë & Hermon ab Occidente in Orientem ad Iordanem vsque amnem pertingunt; quos interfecat vallis Iesrahel, monte Gelboë ad Austrum, Hermon ad Aquilonem valli adiacentibus, sex circiter milliaria (quod spatium vallis latitudo continet) disiunctis. Sunt autem quibusdam in locis aridi, petrosi, & steriles, quibusdam lætissimis pascuis vberes. Ob eandem verò Saulis & filiorum eius in sacris Literis percelebres. Hic namque cum contra Philisteos exercitum duceret, castrametatus, & ab hoste fusus Rex Saul, proprio gladio cecidit, vnaque Ionathan cum duobus fratribus interemptus est: quibus idcirco pluiæ acroris defectum Dauid imprecatus est. Atque hinc plurimi sterilitatem horum montium imprecationi Dauidis attribuunt; cum tamen & alios eiusdem conditionis montes ibidem videre sit. Iud. 6. 7.
1. Reg. 31.
3. Reg. 10.
1. Reg. 31.
2. Reg. 1. 21.
1. Paral. 10.

Naim seu Nain oppidum, filij vnici viduæ resurrectione in sacris Literis notum; hodie perexiguum & obscurum refert pagum, paucis habitatum Mauris, situm (vt diximus) in latere septentrionali Montis Hermon minoris, in secundo milliario Montis Thabor, haud procul ab Endor, quem præterfluit Torrens Cison. Luc. 7.
Hieron. in
Epiraph. Pau-
la.

Naim à dextris relicto, ad Occidentem fleximus, ac Torrentem Cison, vallemque Esdrelon mediam transeuntes, ad montana Nazareth iter direximus. Tantus autem hic erat æstus, vt terra scissuris contracta viscera panderet, hiarerque calore: nos quoque Sole medio flagrante cælo, vehementissimo torrebamur ardore. Valle superatâ, in humili quodam vico, cui Buria nomen, ad montium Nazareth radices posito; ex iumentis descendimus, reliquum itineris

Nazareth vsque ad adscensum montis difficilem & arduum, ac præruptas præcipientesque semitas pedibus facturi. Sarcinis itaque depositis, ac subducis nostri custodiâ relictis, iter aggredimur. Erant itineris comites Interpres, ac duo Muchari, duo item Mauri, eius loci incolæ, arcubus iaculisque instructi, ab itineris nostri duce conducti; ut nobis contra latronum infestationes (quæ frequentes ibi accidere solent) Maurorumque insultus præsidio essent, reducerentque saluos vnde eduxerant. Vix dum autem ad iactum sagittæ progressi eramus, cum ecce alij quatuor subsequuntur nos Mauri, qui gradum sistere cogunt, ac velle se comitari nos obstrepitant: sibi enim vti veris Cassararijs, huiusmodi emolumenta deberi, non illis, cum quibus dux noster pepigerat, aiunt: Hi contra audacter id negant, legitimos se esse duces, & cassararios, pepigisse nobiscum, ac standum pacto, illos verò, quod serò venerint, sibi imputare: neque enim se iure suo cessuros, ynquam respondent. Dum ad hunc modum inter se diu rixantur Mauri, atque mutuis sese conuicijs laceffunt, nec cedere alteri alteris volunt, Mucharorum alter, nostri itineris comes, maximum nobis imminere periculum ratus, si iter prosequamur, reuertendum esse statuit. Horratur itaque & admonet, ne progrediamur cum barbaris: quod si in proposito persistamus, sese solum ad ducem rediturum ait. Nos altum hominis veriti, ac ne studio id faciat, ut itineris incommoda effugeret, arbitrati, ipsius parere monitis, ac sequi consilium recusamus, præ nimio enim desiderio inuiscendæ urbis Nazareth, quæcunque accidere possint pericula, obfirmato animo pati decreueramus. Discedit itaque ille, nobis renitentibus, reditque ad herum suum. Remanent nobiscum Interpres, atque alter Mucharus, Christianus vterque. Priusquam verò progredieremur ulterius, Maurorum componi litem curamus; atque animû vtrisque nostrum per Interpretem exponimus; nihil nos curare qui ex illis nos comitentur, non esse nostrum inquirere ad quos huiusmodi emolumenta spectent: viderint ipsi quibus debeantur: Interim id sciant præter promissam mercedem nihil nos soluturos: Rogare itaque inter se conueniant. Quod si non faciant, iam iam reuersuros ad ducem nostrum. Illi vbi id nobis animo fixum sedere, ac creditum parare animaduertunt, ut erant ingenio vafro, & ad fallendum maximè apto, pacem compositam simulant, promissâ mercede se contentos fore respondent, & licet omnes nos comitentur, animi causâ id facere, atque è re nostrâ futurum si maior adsit comitatus: proinde procedamus alacriter, nec dubitemus quippiam, ex voto successura omnia. Credimus barbarorum perfidiæ, vanisque promissis, sed magno nostro malo: quos enim nobis subsidio futuros sperabamus, hos

hos nobis damno & nocumento maximo fuisse re ipsâ postea cognovimus. Continuumus itaque iter, atque ardua quadam viâ, & præcipiti semitâ, altum petimus. Vbi ad montis verticem venimus, planitiem amœnam & herbidam offendimus: quâ superatâ, paulò post urbem Nazareth læti eminus conspiciamus. Inde viâ declivi ad imam vallem descendimus: eaque ponè relictâ, collem rursus (cui vrbs ipsa infidet) adscendimus. Hæc pulchra quondam & florens Galilææ Math. 2. 4. 13
Luc. 1. 2. 4.
Ioan. 1. 1. 6 ciuitas, Christi in primis conceptione, educatione, eiusque matris Mariæ habitatione clarissima, omni hodie ornatu & cultu destituta, ac suis pænè ruinis sepulta, vix humilem & abiectum refert pagum. Præter collapsas enim domos, arcus, murosque vetustos, ac viles aliquot domunculas, Maurorum habitacula, nihil est quod cernas. Hæc in foueis exstructæ, intus & foris lapidibus sine calce aut argillâ temerè sepiuntur, vt extra vix domus appareant: adeò, vt si quis locorum imperitus ad oppidum venerit, naturalem arbitraturus sit lapidum esse congeriem, non hominum habitaculum, in domuum medio domos quaesiturus. Situm tamen habet pulcherrimum, & amœnissimum, soloque gaudet vberi posita siquidem in costâ montis cultissimi, & nitidissimi, Meridiem respiciente, amœnis vndique & fecundis collibus septa, valli imminet, vberimus pascuis, fructiferisque campis opimæ. Incolæ Mauri omnes, atque omnium pessimi, quos toto itinere experti sumus: Duo tantum hic è plurimis superstites Christiani: reliqui vel morbo extincti, vel (vt intelleximus) ab iniquâ illâ generatione trucidati. In vertice montis oppido proximi, Meridiem versus, Templum cernitur semidirutum, à Christianis exstructum, iuxta locum qui Saltus Domini appellatur, quo Iudæis Christum Salvatorem præcipitem dare volentibus, ipse transiens (vt sacræ referunt Literæ) per medium illorum ibat. Ad radicem eiusdem montis, iuxta Maurorum tuguriola, in ipso oppidi ingressu, vbi Deipara Virgo ab Angelo salutata fuit, inclytum religionis Templum extitit, Annuntiationi Virginis sacrum, Archiepiscopali olim sede præcellens, ex quadrato constructum saxo, columnis marmoreis, porphyreticisque sublime, & per amplum, sumptu atque magnificentiam insigne: vti ex ingentibus columnis, partim cōfractis, partim ruinis sepultis, cæterisque Templi reliquijs, altissimisque parietibus, etiamnum extantibus colligitur. Ad iactum lapidis, Septentrionem versus, ruinæ conspiciuntur arcuati operis, orientali Christianorum quondam Delubri, Gabriëli Archangelo (vt ferunt) dicati, & super fundamenta domus Iosephi, nutritoris Domini exstructi. Iuxta hunc locum fons est optimas emittens aquas, quæ Hieron. in
Loc. Heb. A. B.
Apost. lit. N. Mariæ Fontem vulgò indigitant, quod ex eo Maria Virgo aquam hauisse,

hausisse, eamque bibisse, & linteola filij sui ad eundem fontem lauisse afferatur.

Dum oppido pedites appropinquamus, in ipso adscensus initio peringens Maurorum cuneus fit nobis obuius. Inclamitant barbari, rabida in nos maledicta conjiciunt; verbisque ignominiosis prosequuntur, detestantes & fidem nostram, & genus. Progredimur nihilominus, & salutamus pro more gentis comiter omnes, capite inclinato, manibusque adpectus compositis, qui Turcis Maurisque salutandi mos est. Interim præcurrunt aliqui, ut ostium Sacelli Annuntiationis Virginis (quod sub maiori Ecclesiâ est) occupent, atque ingressum prohibeant. Nos per Interpretem aditum petimus, munusculum ab exteris dari solitum pollicentes. Illi Cechinum à singulis expectunt. Nos nimium illos petere: sufficere Sultanium seu Cechinum pro omnibus: pauperes nos esse de industriâ subjicimus. Profiteri autem se egenos, imò paupertimos, ijs in partibus, Occidentalibus vel maximè necessum est. Id enim nisi quis faxit, vel vanijs Turcicis, vel manifesto vitæ periculo se reddet obnoxium. Post multa, in duos Cechinos cum barbaris paciscimur: ijsque ante ingressum numeratis, præeuntibus illis introducimur. Descendentibus singuli singulis in fidei nostræ despectum impingunt colaphos, addunt verbera, & canes, porcos, bestias, atque infideles appellant: nobis interim hæc omnia ut externis æquanimiter & tolerantibus & dissimulantibus; cum & tempus & locus id maximè postularent. Nam si ægrè quid feras à barbaris, ferendum tamen; aut si reclames, resistatve, in peius ne incidas, verendum est. Descenditur autem per gradus lapideos duodecim ad locum subterraneum, rupi incisum, ubi Virgo Maria ab Angelo salutata dicitur. Is sub ipso Choro superioris Ecclesiæ (ut diximus) in tres diuiditur cellulas, subterraneas sibi cohærentes, quarum prima longitudine pedes decem continet, latitudine sex; estque Altari decorata lapideo, sicut & media; sed sex tantum per quadrum habet pedes, ut postrema quatuor: In mediâ, ab occidentali latere duas ingentes videre est columnas marmoreas, fusci coloris, candidis interuenientibus maculis, distantes inter se pedes circiter quatuor: quarum vna Meridiem respiciens eo fertur posita loco, quo Angelus Beatissimam salutauit Virginem, opposita illi ubi precibus intenta sedebat, dum ab Angelo salutareretur. Precibus solitis hîc à Minoritis peractis, & rei gestæ historiâ Euangelicâ recitata, abitum paramus: cumque iam scalæ essemus proximi, accurrunt Mauri, atque exitum negant. Nos rei nouitate attoniti & perculsi, causam per Interpretem quærimus: nec enim quicquam debere putabamus nos amplius, cum antea ipsis ex voto satisfecissemus. Illi cortesiam se velle (ita gratuitum appellant donum,

huma-

humanitatis causâ dari solitum) respondent: nos, si exitum permit-
tant, præstitutos promittimus. Renuunt immanes barbari, atque om-
nis rationes expertes: addunt etiam minas nisi obsequamur illicò. In-
terim Maurus quidam ostio proximus, securim manu tenens, primû
prodeunti se conscissurum caput inclamitat. Reuocamus gradum ita-
que, & precamur vt quam velint cortesiâ, exponant; obtemperatu-
ros nos, quoad poterimus. Negant iterum, adduntque minas denuò
ad maiorem metum. Nos rursus obnixè Interpreti saltem exitum con-
cedant, vt de pretio cum illis agat, rogamus. Vix id tandem annuunt.
Interprete egresso pueri, feminæ, alijque clamores tollunt, per Sa-
celli fenestras lapides & maledicta in nos ingerunt, Vix occultandi lo-
cus: & nisi in angulo extremi Sacelli nos abdidissemus, lapidibus obru-
ti fuissetemus. Post longam moram, redit Interpres, & Mauris pretio
sedatis, exeundi veniam obtinuisse renuntiat. Læti igitur, etsi læsi, &
lapidibus contusi, antro egredimur. Dumque altum petimus, circum-
stant Mauri, atque ostio proximi, rursus colaphos incutiunt, cedunt,
maledicunt, execrantur. Antro seu carcere veniùs hoc modo egressi,
etsi reliqua mysterijs notata loca adeundi summa nobis cupido esset,
minis tamen Maurorum exterriti, ac veriti nouas insidias, illicò abi-
uimus; eminus ea conspiciari contenti, cum cominus accedere non
liceret. Mediâ ferè superatâ valle, Mucharum nostrum abesse compe-
rimus; quem dum opperimur, accurrit ocyus Christianus quidâ Naza-
reus, vrceolum aquæ ex fonte Mariæ (cuius suprâ meminimus) afferens:
gratissimum sanè donum. Bibimus ex eo omnes. Mox hominem dona-
tum, gratijsque actis, dimisimus. Cum autè diutiùs Mucharus morâ tra-
heret, ne rursus barbari nos insequerentur, cunctantiùs progredimur:
binis tantû comitantibus nos Mauris, & Interprete. Vallem transgressi,
proximû adscēdimus montem: in cuius summitate rursus subsistimus;
donec tandem Mucharum cum cæteris Mauris celeri aduentantē gra-
dû conspiciamus. Vbi accessere, barbaros in causâ fuisse, quod morâ tra-
xerint, referunt; eos quippe equis nostris ephippia detraxisse, nec volu-
isse nisi ære redēpta restituere. Hæc cum narrarēt, efferendû esse malum
respōdemus, vtque iter continuēt, rogamus. Præcedunt igitur, sequimur
& nos: verû vix viginti progressos passus, gradû sistere cōpellunt Mauri,
primi itineris duces, promissam sibi expetētes mercedē. Nos nullâ no-
bis superesse pecuniâ, nec posse illorû votis satisfacere; deducant nos
ad proximû pagum, ibi ducem nostrû ipsis soluturiû respondemus. Illi
cōtrâ priùs quàm eo discedamus loco, sibi satisfieri velle, & nisi pareā-
mus, statim verberibus nos oneratos minantur. Nec mora fustes arri-
piunt, retrorsum nos abigunt; ac quosdam progredi volentes fustes gra-
uiter mulcant. Coacti igitur quod petierant soluimus. Quibus cum
canina

canina ora, manusque ferales argento obstruxissemus, satisfactum iam omnibus esse arbitrati, progredimur. Ast non multò post referre pedem urgent & reliqui quatuor; utque ipsis tantundem demus, imperant. Obtemperandum protinus, nisi rursus fustes experiri, ac vapulare malimus, inclamitant. Quid multa? nullus neque excusationi, nec rationi locus. Cædunt iterum fustibus nonnullos, in fugam vertunt omnes, ac Nazareth versus abigunt. Mox reuocant, ac nî pareamus se sagittis nos esse transfixuros minantur. Fracti animo, ac metu & minis exterriti, inuiti barbaris obsequimur. Quid enim inermes contra armatos? Quid contra paratos imparati? Quid linguæ & locorum ignari, in barbarico solo constituti, atque hostibus undique septi, pauci cōtra multos egissemus? Sanè nihil restabat aliud quam ut forti animo aduersa hæc ferentes, & tempori seruiantes & loco, ipsi spe meliorum nos consolaremur, cum præter obsequium & patientiam nullum nobis superesset remedium. Solutione hac se cōtentos simulant, pergunt iter: subsequimur & nos. Superato autem montis fastigio, ubi ad locum quendam præruptum & præcipitem venimus, tertio viam intercludunt, ac gradum figere impellunt, & cortesiā (ut ipsorum verbo utar) se velle exponunt. Demulcere verbis barbaros, excusare denuò, ac deprecari obnitimur: solutione saltem ut differant, dum ad proximum pagum ventum sit. Nil tamen valere preces, promissionesque: nullæ denique admissæ excusationes, frustra tentata omnia: obtemperandum clamitant, & nisi sponte pareamus, vim illaturos. Nec mora: fustibus rursus in nos sæuunt. Vapulamur innoxij, nemo tutus, vna omnibus conditio, senio nequaquam parcitur, nec stemmati. Neque his contenti immanes barbari, ictus ictibus accumulāt. Interpretem namque ac Mucharum, ut magis, ac suo pro arbitrio grassari in nos, ac sæuire possent, abigere conantur. Resistunt illi pro viribus, ac verbera licet excipiant, ictusque plurimos, non tamen discedunt. Nonnulli præcipites se nos daturos minantur, in terram protrudunt aliquos, adduntque verbera. Quibus cum vnus restitisset, ac pugnum vni illorum intulisset: ille irā concitus, ac frendens, pugione (quam Cugnaram vocant) hominem inuadit; ac nî Interpres ictum frustraasset, confodisset, aut ut minimum grauitè læsisset. Dum hæc in nos moliuntur truces Mauri, ferè feroces, non homines, inexpectatò, ac velut è cælo demissus superuenit Christianus ille Nazareus, qui paulò ante aquam nobis è Fonte Virginis propinauerat: oportunum sanè nobis subsidium, ac salus. Is enim, re intellectâ, truculentos barbaros placat, timorem soluit, atque efficit ut sceleratorum manus euadamus: sedatisque eorum animis, quantum cortesiæ soluendum illis sit, indicat. Cui obtemperan-

temperantes, ac gratias agentes, quod indicasset, soluere Interpretem iubemus; Christianum verò ut nobiscum maneat, atque ad proximum comiteretur pagum, obsecramus. Hoc periculo ac metu liberati, Deo Opt. Max. quod periclitantibus suppetias tulisset, atque Angelum misisset, qui nos è latronum manibus liberaret, gratijs actis, pagum versus pergimus, decliui ac præruptâ viâ. Vbi in imam vallem venimus, quartò iam aggrediuntur nos Mauri: rursumque pecuniam exposcunt, terrentque minis interueniente tamè Christiano illo Nazareo, feritatem deponunt, & à vi abstinent. Interim illorum primarius, sed ætate minimus, ad spectu truculentus & sæuus, ferocior atque inhumanior cæteris, plenus irâ, contumelijs Christianum afficit, conuitijs proscindit, fidem improperat, ac ter quaterve tustem lateri eius impingit, in hæc fere prorumpens verba: Perfide & infidelis, causa es quòd maiorem summam ab istis Frangijs (sic enim vniuersi Occidentis populos appellant) non obtinuerimus: à te stetit, quo minus voti compotes facti sumus. Quid tibi rei cum exteris, quos nec noueris, nec videris vnquam. Nostram potius fouere debueras causam, quàm alienigenarum. Id quia non feceris, dignas aliquando perfidiâ tuâ lues pœnas, nec vindictæ suo tempore deerit occasio. Ille verò misericordiâ se motû, ac nostri misertû, nil præter pietatem exercuisse se, atque id fecisse quod sibi fieri voluerit; iustam causam exigisse ut miseris aduenis auxiliaretur, neque pœnam vllam ob id, sed præmium potius mereri, maximè, quod pace inter vtrosque conciliatâ, nobis persuaserit ut sibi suisque præter mercedem etiam munus daretur. His igitur, alijsque blandis verbis vix barbarum tandem placauit. Postquam verò ad pagum, vbi sarcinas reliqueramus, peruenimus, ducem nostrum non minori affectum damno & molestiâ comperimus; cibum namque ipsi omnem per vim Mauri eripuerant: largitione ad hæc res nostras bis terve à barbaris redemerat. Velis itaque equisque (ut aiunt) abitum parantes, Christiano in primis Nazareo pro fidei suo patrocinio maidinos aliquot dono datis, & Interpreti ac Mucharo Christianis, qui nos defenderant, & verbera nostrâ causâ pertulerant, satisfactis, sarcinas raptim collectas iumentis imponi curamus, & ex pago illo infausto, execrando, nec nominando quidem, atque ab istis non tam hominibus quàm brutis discedimus. Quanquã verò omnes famelici essemus, & maximè sitiremus; cùm à secundâ antelucanâ horâ ad vsque secundam postmeridianam nihil præter verbera & iniurias gustassemus, ac pedites multum viæ confecissemus (distat siquidem Nazareth à pago illo duo millia passuum, & ampliùs) de cibo tamen sumendo nullus nostrum erat qui cogitaret. Adeò siquidem omnium animos angor, & discedendi sollicitudo inuaserat, occupa-

cūpaueratque, vñ nihil magis nobis in votis esset, quàm inde auolare, satis esse putantibus gentem effugisse nefandam. Neque his omnibus immanissimæ bestię latiatæ, etiam abeuntes longissimè insequuntur, ac lapides in nos emittunt: quibus & nos oppressissent, nisi velocissimo cursu, & diuinâ in primis ope illorum sceleratas manus effugissemus.

CAPVT VII.

Ad montem Thabor profectio: difficillimus eius adscensus, situs, & conditio; quæq; ex vertice eius à nobis collustrata sint.

A PAGO illo infando Septentrionem versus rectà ad montem Thabor processimus; Vbi ad radicem venimus, cum Cassarariorum principe casu nobis obuio, de Thabor monte inuisendo egimus, pacto inito, vt tribus numeratis toletis, duos è suis concederet itineris duces, qui nos ad verticem montis deducerent, à prædonibus defenderent, reducerentque incolumes ad proximum Chan. Conditione acceptâ, Mauros nobis permittit, & securitatem promittit. Iumentis itaq; sarcinisque ducis nostri curæ iterū commissis, datoq; illi negotio, vt aduentum nostrum in proximo exspectaret Chano, iter arripimus, ac pedites omnes anteeuntibus Mauris, nostro Interprete, atq; altero ex Mucharis comitibus, læto gradu montē Thabor adscēdimus. Ne verò à proximi pagi (in costâ montis Thabor Meridiem spectante siti) habitatoribus Mauris conspiceremur, & noua pericula ac barbarorum molestias experiremur, ab occidentali montis latere gradum fecimus. Inclinando iam die, ad summum fere montis iugum, summo quidem cum labore & tædio peruenimus. Vrgebat omnes fames & sitis, toto corpore manabat sudor, rigeant præ nimia defatigatione membra, adeoq; lassī & fracti eramus viribus, vt vix vel respirare, vel loco se mouere cuiquam daretur: quinimò velut semimortui humi prostrati, spiritum iam emissuri videbamur. Posteaquam aliquantulum quieuissemus, spiritu reuocato, ac resumptis viribus, labori nos iterum accingimus, atque anhelantes, intercluso pænè spiritu, partim scandentes, partim reptantes per pendulas petras, scopulosque acutissimos, nunc baculis, nunc manibus nos vicissim erigentes, attrahentes, promouentes, in summum montis verticem euasimus; sed quantâ cum difficultate, obstantibus vbique vepribus, dûmetis, & saxis ingentibus, non facile dixerim. Est enim adscēsus montis à medio vsque ad summum adeò difficilis, lubricus, præruptus, salebrosus, atque arduus, vt difficillorem nec viderim, nec conscenderim vnquā; vel eò magis, quod circumcirca ad

montis

montis fastigium prægrandes rudera & dirutorum ædificiorum dispersæ iaceant ruinæ, Templorum nempe & Monasteriorum (quæ ibidem sexdecim maxima fuisse fama est) reliquiæ; quæ viâ vndiq; impediunt, & adscensum difficiliorem reddunt. In summo montis supercilio viginti stadia pater planities, quam Iosephus Galilææ, præfectus quadraginta diebus se muro scribit circumdedisse. Hæc maiori parte ruinis hodie obsita, tota squalida iacet. Inter has trium insignium sacrarum ædium semidirutarum perampla visuntur vestigia. Præstant amplitudine & operis magnificentiâ, quæ in mediâ planitie sitæ, adiunctas sibi amplissimi Monasterij, ducentorum quandoque Monachorum sedem, ruinas habent: quas ab Helenâ in honorem Apostolorum Petri, Ioannis, & Iacobi exstructas, & à Pannoniæ regibus postmodum auctas ferunt. Basilica maxima Episcopali sede quondam nobilis, antistiti suo à monte Thabor Episcopi nomen ac titulum dedit. Inter has Ecclesiæ ruinas collapsa Porticus spectatur, cui ostium ab Oriente est, quod ad locum Triû Tabernaculorû aditû præbet; in quo Saluator Christus clarissimâ luce circumfusus, aliâq; formâ indutus, cum Moyse & Heliâ colloquutus est. Hic in tria diuisus sacella contigua, medium Saluatori, quod à dextris est Moyse, tertium Eliæ attribuitur: quæ quidem ob ingentem ruinarum molem difficilemque accessum cominus inuisere atque accedere non licuit. Eminus itaque salutare locum cõtenti, Christo glorioso debitas preces persoluimus. Iuxta hæc rudera ampla & profunda est cisterna, in ipsâ rupe excisâ, aquis abundans: ex qua post preces, hydriâ æneâ (quam Minorita conuersus opportunè secum attulerat) appenso fune aquam hausimus, & cum toto illo die nec cibum nec potum sumere licuisset, frustulo panis biscocti, & aquâ frigidâ non nihil languida membra refecimus.

Mons Thabor Iosepho Itabiriû, Polybio Mastoim, quatuor circiter milliaria altitudine continet; Iosephus in triginta stadia consurgere dicit. In medio Galilææ planities situs, à radice paulatim attollitur, à medio ad summum vsque verticem maximè præceps, præruptus, adscensu est difficilis, & à Septétrione inaccessus: miræ alioquin pulchritudinis, amœnus, amplus, atque rotundus, à circumiacentibus (quibus sublimior est) seiunctus: varijs arbutis, arboribusq; vndique confitus, densisq; syluis perpetuò virentibus refertus, & omnigenorum florum odore fragrantissimus, cœlique temperie felicissimus. In eo videre est Illices altissimas, Arbutos, Lentiscos, Charnubos, Oleas, aliâq; varij generis arbores. Omitto plantas medicâ virtute nobiles quamplurimas, quas passim tellus hîc producit. Ex montis summo iugo magna cum lustrantium voluptate atque admiratione latè vndiq; prospectus pater. Ab Ortus liquidem & Austro Mare Mortuum, Arabiam Deser-

4. Bel. 4.

Niceph. 8.
Hist. Eccles.
30.Tyr. 2. Bel.
sacr. 13.Matth. 17.
Marc. 9.
Luc. 9.
2. Petr. 1.4. Bel. Iud. 4.
Polyb. lib. 5.

Judith. 1. 4. 7
2. Paral. 35.

Jud. 4.
4. Reg. 23.
2. Paral. 35.

tam, Montes Seir, Galaad, & Hermon, Iordanem amnem, Mare Genesareth, ac multos prætereà colles, vallesque fertilissimas conspicias: ab occasu montem Carmelum, vrbesque Zepheth, & Nephtalim, hodie Suzim, ac Mare ipsum Mediterraneum; ab Aquilone montem Libanum spectes. Ceterum planities Galilææ, quæ montem circuit, cui & Eggedon, & Efdrelō vallis, & campus Maggedo olim nomen fuit, hodie Campus Saba, à pago quodam vicino appellata, latissimè patentes habet campos, longitudine decem millia passuū continens, latitudine ad mare Galilææ & Iordanem vsque sese extendens. Olim glebâ optimâ, fertilitate, & rerum omnium copiâ, frumento, vino oleo, nulli terrarum cessit; agris hodie incultis & desertis. Ob Sisaræ autem necem, deletio eius exercitu iuxta torrentem Cifon, & Iosifæ regis interitum celebris. Lustrationibus in monte peractis, Precibus ac Laudibus Deo Opt. Max dictis, atque Evangelicâ lectione rem gestam enarrante recitatâ, refocillatisque demum corporibus, cùm longius illîc adueni noctis demorari non daretur, sub Solis occasum ab orientali montis latere, viâ maximè præcipite, ac plus minus mediâ horâ interdum supini cadentes, quod in descensu facile contingit, ad ima montis descendimus, Inde rectâ ad diuersorium proximum *Ain el tuchiar* nomine tertio à Monte situm lapide properantes, post secundam tãdem noctis horam, nullo prorsus accepto incommodo, peruenimus. Ibi paulò ante Chiecagiam Constantinopolitanum, itemque Mechanum Cadium cum suis Carauanis aduentasse summo cum gaudio comperimus. Tum verò à nobis omnis fugit timor, & trepidatio, videntibus tanto nos hominum stipatos exercitu, vel eò magis, quod Hierosolymitani cuiusdam nobilis operâ (qui & ipse eodem in comitatu erat) Carauanæ duces nos nostrasque res omnes in suam tutelam & fidem recepisse, & tutò nobis in eorum comitatu licere esse, intelligeremus. Quare priorum omnium molestiarum obliti, curam omnem deposuimus, in portu nos post id tempus nauigaturos sperantes. In diuersoriū denique, & sub tectum admissi, locus nobis satis quidem iniquus, pro multitudinis tamen, loci, & temporis ratione non spernendus, ubi pernoctaremus, assignatus est. Erat autem plenus sordibus, & rudibus opplerus; adeoque angustus, ut vix iumentorum onera nostrasque sarcinas caperet. Inter has dormiendum erat. Itaque partim sedentes, partim suspensi, & cubito sarcinis innixi, sopori nos dedimus: & licet incommodè quiesceremus, benè tamen nobiscum agi putauimus, quòd sub tecto esse liceret, cùm multi è Turcis sub dio dormire cogerentur.

CAP V T VIII.

*Turcarum Carauana; Horum proficiendi mos; itemq; orandi: Ad
Mare Tyberiadis descensus: eiusq; ac locorum
circumiacentium descriptio.*

POSTRIDIE, quinto nimirum Id. Nouembris, nocte nondum elapsâ in Turcarum comitatu viam ingredimur, facibus accensis præeuntibus. Mos siquidem ita fert Turcarum, vt, cum noctu plerumque ijs in partibus, æstate maximè iter agant, Solis æstum vt effugiant, faces ardentes Carauanis suis præferri à seruis camelis insidentibus summo-perè curent; eâ ratione, vt sint viarum indices, ne si qui tardiùs incendant, obscurâ nocte à ceteris separentur, neve à rectâ viâ declinent. Cum iam luce sceret, Cadius & Chiecagia Carauanâ subsistere iubent; Precibusq; vt vacent omnes, imperant. Ex equis itaque iumentisque descendunt, ac Preces, facie ad Meridiem versâ, stantes, solitis ceremonijs (de quibus alibi dicemus) fundunt. Quibus peractis iter prosequimur. Est autem Turcarum moribus receptum, vt ante Solis ortum, dum iter agunt, diuinum priùs placare precibus numen satagent, quàm iter prosequantur. Tam accuratè verò Preces hæc in omni fermentatione obseruant, vt nec diuinæ nec humani quicquam auspicentur, quin Deum suo more sint cõprecati: Meliores hac in re censendi ipsi Christianis: quorum pleriq; dū iter agunt, in re diuinâ negligentissimi sunt. Ea quoque Turcis conditio est, vt itinerantes à summo manè ad serum vsque vespèrum iter continuent; nec vsquam subsistant, semel tantum singulis diebus cibum sumere contenti.

Superatâ circa Meridiem latissimâ Galilææ planitie, viâ leniter declui, ad Mare Genezareth, seu Tyberiadis descendimus. Inde iuxta littus maris prosequentes iter, ad læuam reliquimus Bethuliam oppidum, Iudith viduæ patriam, eminenti situm in monte, ruinis deforme, & desertum penitus.

*Iudith. 6. 7.
15.*

Paulò post montem præteriuimus in sacris Literis celebrè, quem quidam Christi & Apostolorum Mensam appellant, ob multa nimirum millia hominum ibi à Christo Salvatore septem tantum panibus, paucisq; pisciculis saturata. Hic excelsus valdè, atq; ob virentem herbam, floresq; quibus abundat, amœnissimus est: quem & frequentatum à Domino, eiusq; Apostolis legimus. Hic enim sæpissimè orationi vacauit, Apostolos instituit sermonem de Octo Beatitudinibus, deq; cæteris Evangelicis Perfectionibus habuit. Ad pedè eius montis loco cæpestri, idem Saluator noster dæmoniacos plurimos, languentesq; curauit, & multitudinem præceptis salutaribus instruxit. Parbo vltèriùs

*Math. 15.
Marc. 8.*

*Luc. 6.
Marc. 3.
Math. 5. 6.
7. 10.*

progressi, iuxta ipsum littus vallem transijmus pulcherrimam & vberem, etsi hodie incultam, diuersi tamen generis arboribus opacam. Hic enim Ficus, Oleas, Musas, Palmas, Poma, nucisque cernas. Quibus visis, certè Naturæ vim vel maximè admirati sumus, quod deficiente culturâ & hominum industriâ, tam varias arbores inter se maximè repugnantes sponte humum proferre conspiceremus. Hanc vallem mediam interfuit riuius, qui à fonte viuo, ex monte vicino (quem Mensam Christi appellari paulò antè diximus) scaturiente, originem trahit, ac tribus riuiis in Mare Galilææ labitur, suasque in illud exonerat aquas. Horum alter Bethsaidam præterfluit, tertius inter Bethsaidam & Carpharnaum marinis sese ingerit aquis.

Ioseph. 3. Bel.
Luc. 8.

IOAN. I. 12.

Inde Aquilonem versus procedentes, à Meridie Bethsaidam venimus, Petri, Andreæ, & Philippi Apostolorum patriam, & in sacris Literis celebrè ibidemque iuxta littus in virèti prato per horas aliquot, ob sacram lauationem à Turcis in Mari Genezareth fieri solitam; cum Turcarum Carauanâ subsedimus. Variæ in itinere occurrerunt plantæ singulares; Colocassia, Brassica syluestris. Radix Rhodia, aliæque: Arbores item Musæ, & Napecæ plurimæ. Est autè Napeca antiquitus œnoplia dicta, arbor spinosa, fructus habens dulces, & saporis optimi, formâ syluestribus pomis non absimiles, sed intus nucem continentes, instar oliuæ: cuius folia perpetuò virescunt. De Musâ eiusque fructibus suprâ egimus.

Hiero. in loc.
Hebr. lit. B.
Luc. 9.
IOAN. I. 12.

BETHSAIDA nobilis quondam Galilææ vrbs, in ipso littore Maris Galilææ condita, vna è Decapoleos regionis vrbibus, hodie exiguus & ignobilis pagus, paucissimis constans tuguriolis, Maurorum habitaculis, aquilonarem maris angulum occupat: iuxta quem fluit riuius, limpidis optimisque aquis scatens, quæ in vicinum Mare Tiberiadis influunt. Helenam hic suprâ fundamenta domus Petri Ecclesiam erexisse author est Nicephorus: eius tamen nulla hodiè extant vestigia. Hic Christus Petri locrum febricitantem solo tactu sanauit, cæco visum restituit, multosque ante ædes Petri varijs afflictos morbis, dæmoniacosque curauit.

Libr. 8. Hist.
Eccles. c. 30.
Matth. 8.
Marc. 1. 8.
Luc. 4.

Num. 34.
Deut. 3.
Ios. 11. 12. 13.
19.
Isai. 9.
IOAN. 6. 21.
Luc. 5.
Plin. 5. nat.
Hist. 15.
Ioseph. 5.
Ant. 1.
Egesip. lib. 7.
c. 28.

MARE GALILAEAE, quod & Tiberiadis Zenereth, & Stagnū Genezareth in sacris appellatur Literis, Iosepho Lacus Genezar, hodie Tabariæ dicitur, aquas habet dulces, salubres, & fontanis ac fluuialibus aquis (vt volunt) & leuiore, & meliore: estque collibus amœnissimis fructiferisque vndique cinctum: longitudine (vt Plinius vult) sexdecim, latitudine sex tantum continens milliaria, & vt Iosephus, & Egesippus censent, longitudine centum & quadraginta stadia, latitudine quadraginta. Iordanis fluuius medium perfluit; & in lacum postea Asphaltitem labitur. Oppidis quondam egregijs & celeberrimis circumseptum, hodie vel in cinerem versis, vel ruinis deformibus, &

horridis

horridis : viles nunc tantum & humiles aliquot in littore viculos habet. Christi autem miraculis clarum, in sacris Literis vel maximè celebratur. Nam in littore inter Capharnaum & Bethsaidam iter faciens Petrum & Andræam, ac Zebedæi filios in Apostolos eligere dignatus est; siccis pedibus suprâ eius vndas ambulauit, vento & fluctibus imperauit: ortam tempestatem sedauit, & ventos compescuit, soloque verbo cunctis stupentibus mare tranquillum reddidit. Petrum hîc pænè submersum è fluctibus liberauit. Discipulis (quos post Resurrectionem suam frustra piscatos esse nouerat) stans in littore ad dextram nauigij, vt rete mitterent, iussit: quo facto, præ nimîâ copiâ piscium scisso reti, agnouerunt Dominum, & Deum confessi sunt. Varij autem generis optimos & prægrandes in maximâ copiâ producit pisces hic lacus; Troctas, Lupos, Squalos, Cyprinos, aliosque, sapore tamen & specie (vt Iosephus vult) ab alterius loci piscibus discretos: cuius quidem rei experimentum (vt postea dicemus) facere non licuit.

Quarto à Bethsaidâ lapide, contra Boream, eminenti in monte plurimæ visuntur ruinæ; quæ antiquæ vrbis Cedus Nephthalim reliquæ putantur. Octauo quoque à Bethsaidâ milliario, in ipso maris littore, Meridiem versus, Tiberias, olim Zenereth, totius quondam Galileæ caput, ab Herode tetrarchâ in Tiberij Cæsaris honorem ædificata, eminens conspicitur. Hæc Decapoleos terminus, & Galilæorum maxima, magnificis exornata ædificiis, magnisq; dotata immunitatibus, balneis quoque & aquis salubribus calidisq; ex humo ipsâ scaturientibus (quas Tiberiæ thermas olim appellârunt) nobilis, frequentissima priscis temporibus extitit. Postea, Christianis rerum in Palestinâ Dominis, Episcopis, & Principis Galileæ sedes fuit: nunc verò diruta, ruinis horrida, habitatore vacua, serpentum est habitaculum. Hic ab Helenâ sanctâ Duodecim Thronorum Templum magnifici operis exstructum olim ferunt: quod solo æquatam, nullum penitus vestigium reliquit.

E regione Bethsaidæ, Orientem versus secundo vix milliario, viculus cernitur in littore, Taboga nomine, Palmis confitus, vix sex aut octo Maurorum tuguriolis excultus, Hunc Magdalum nonnulli existimant, Mariæ Magdalene castellum, à quo & nomen sumpsisse putatur, purpuræ tinctura quondam celebre.

Haud procul inde, iuxta ipsum littus, supra ripâ occidentalē Iordanis, Capharnaû spectatur, præclarum olim ac nobile Galileæ emporium, Christi habitatione, ac miraculis celeberrimū. Hic enim paralyticū sanauit, cæcis visum reddidit, demoniacū mutū sanū fecit, à Centurionis seruo paralytim depulit, mulierē à sanguinis profluuio liberauit, filiam cū Principis Synagogæ iā mortuā ad vitā reduxit. Licet autē opulen-

*Ioan. 6. 21.
Matth. 13. 2.
14.
Luc. 5. 8.
Marc. 4.*

*Ios. 11.
Num. 34.
3. Reg. 15.
Ioseph. 18.
Ant. 4. c. 3.
Bel. 16.
Tyr. 14. Bel.
sacr. 12. c.
18. Bel. 6.
Niceph. Hist.
Eccles. lib. 8.
6. 30.*

*Matth. 4. 3.
Luc. 4. 5. 7. 8.
Marc. 2. 5.*

*Hieron. loc.
Hebr. lit. C.*

tiâ, frequentiâ, & ædificiorum splendore maximè olim fuerit, hodie tamen in cinerem omnino verſum, ac ſepultum ſabulo, quatuor tantum aut quinque Maurorum tuguriola in littore reliqua habet. E cuius regione eſt Choroſain ciuitas, inter Decapoleos vrbes quondam inclyta, in orientali Iordanis ripâ, ac in ipſo maris littore ſita, ruinis omnino deformis, & deſerta hodie, nil præter nudam humum ac rudera oſtendens.

*Matth. 14.
Marc. 6.
Luc. 11.
Luce. 6.*

Montem quoque vltra mare ex vico Bethſaidâ conſpicias licet, in quem Chriſtus cum Diſcipulis à prædicatione feſtus ſeceſſit, ac cum ab Apoſtolis, vt multitudinem ſequentem abire ſineret, moneretur, quo ſibi quiſque commodiùs, imminente iam veſpere, in vicinis villis de cibo proſpiceret, miſericordiâ motus, vt maiſtatis ſuæ gloriam vniuerſo populo manifeſtam faceret, cateruatim in gramine accumbere eam iuſſit, & quinque panibus ac duobus piſcibus, Benedictione Diuinâ multiplicatis, ſaturauit.

Luc. 8.

Ex eodem quoque vico Geraſenorum mons ad orientale pariter maris littus ſpectatur, in quo olim Geraſa ciuitas munitiſſima fuit: quæ nunc ſolo diruta, & in planitiem verſa eſt. Hic Chriſtus dæmoniacoſ illoſ ſæuiſſimoſ, qui nullis cathenis aut compedibus conſtringi poterant, ex altero dæmonum legione eiectâ, liberauit. Huic proxima olim fuit Gadera ciuitas, in môte pariter poſita, nunc ſolo tenuis diruta, balneis quondam nobiliſ: cuius aquæ (Gadarenæ olim dictæ) ad radicem montis erumpentes, tanti apud veteres habitæ fuere, vt ſecundas poſt Baianas retinuerint, & plurimus ad eas fuerit populorum concurſus. Meminere harum Plinius & Hieronymus. Hæſimus Bethſaidæ in quartam poſtmeridianam horam. Cadius interim & Chiecagia fixis in ipſo littore tentoriis, ſacræ Lotioni ſuo more ſe preparârunt: eam namque quotquot è Mechâ eò veniunt, corporibus adhibere ſunt ſoliti, atque ad ablutionem peccatorum plurimum facere exiſtimant. Ne verò nudi à nobis conſpicerentur, extentis cortinis proſpectum in mare per aliquot paſſus prohibebant. Nos interim piſceſ guſtare cupidi, interpretem ducemque noſtrum ad piſcatores Mauroſ coëmendorum piſciû à cauſa mandamus: qui cum nullos captos eſſe retuliſſent, remittimus, & vt piſcatum eant petimus; promittentes duplum ſoluturos. Annuunt primò, ſed mox abnuunt. Veriti enim, ne ſi quos caperent, Turcæ eoſ nullo dato pretio vi auferrent, piſcari non auſi fuere. Itaque Turcarum ob præſentiam ab eſu piſcium Maris Galilæi nobis omnino abſtinendum fuit. Æſtu tandem aliquantulum remiſſo, Turciſ proſciſcentibus, cætero cum comitatu ſubſequimur, viâ accliu, ac petroſa nimis & aſperâ, ad ſerum uſque veſperum. Sole ad occaſum vergente, ad diuerſorium publicum peruenimus, quarto à Bethſai

*Plin. lib. 5. c.
18.
Hieron. in loco
Hebr. litte-
ra G.*





à Bethsaidâ lapide, in valle situm Dothaim, iuxta cisternam Ioseph; in quam vt sacræ narrant Literæ à fratribus demissus, & extractus postea, Ismahelitis mercatoribus venditus fuit. Cisterna hæc marmoreo capitello etiamnum ornata, ternisq̃ sustentata columellis, quartâ comminutâ, vel ablata, aquam continet optimam, & frigidissimam. Ex eâ hydriam impleuimus, bibimusq̃ omnes.

Iuxta hanc duæ hærent Turcarum Messitæ, vtræque sphærica: maiori plumbo testæ ædes coherent satis amplæ, à Santono quodam Mahometæo habitatæ. Ad Læuam occiduum versus in humili colle dirutarum ædium maximæ conspiciuntur ruinæ, quas à filiis Iacob, cum armenta ibi pascere, exstructas, vulgò persuasum est.

CAPVT IX.

Iordanis amnis: eius fons seu ortus, itemq̃, occubitus. Pons Iacob illi impositus. Aqua Maron; & Traconitidis regio.

QVARTO Id. Nouembris, tertiâ antelucanâ horâ à Chano val-
lis Dothaim nocte subobscura, facibus pro more præeuntibus, disce-
dimus: ac viâ leniter decliui pergentes, orto Sole ad Pontem Iacob
Iordani fluuiio impositum deuenimus. Is totus lapideus, tribus inniti-
tur arcibus, spondis vtrîmq̃ munitus, longitudine sexaginta pas-
sus, latitudine pedes circiter sexdecim continens. Positus est autem
hic Pons inter Mare Tiberiadis & Lacum Samachenitem; hoc vix
mille, illo oëties mille passus ab eo distante. Lacus hic Aquæ Meron,
vel Merom in sacris Literis, hodie autem Aquæ Maron nuncupatur;
estq̃e abundantibus aquis triginta stadia nonnunquam latus, & sexa-
ginta longus: quem Iordanis amnis perfluit medium. Dum nos istac
transiremus, rotundam referebat formam, atque aquis suis vix quin-
gentos in circuitu passus continebat: cumq̃e ab Interprete quære-
remus cur adeò immunitæ essent aquæ, respondit, id quotannis ferè
eo maximè tempore euenire: nam ex resolutione niuium à Libano
Monte defluentium, sub finem hiemis, aut in ipso veris initio valdè
excrefcere: æstate verò & autumno deficere, & nonnunquam are-
fcere, & exsiccare. Quod facilè crediderim: cum enim niues lique-
fiunt, necesse est stagnari arua, atque obrui, nisi quis ingruentem
fluxum & aquarum vim per fossas & canales diuertat. Propter humo-
ris autem exuberantiam arbuſta illic multa, calamiq̃e, ac spineta
surgunt. Ad has aquas (vt habetur Iosue ii.) conuenerat Iabin Rex ^{Ios. ii.}
Aſor, cum multis regibus auxiliariis: super quos irruit Iosue, & tra-
dente eos Deo, plerosq̃e ex ijs aut occidit, aut fugauit.

S. 32.

Locum, quo Pons extat, Vadum Iacob vulgò nominant, quòd Iacob Patriarcha à facie fratris sui Esau in Mesopotamiam profugus, & indereuersus cum duabus turmis in baculo Iordanem hìc transiisse putetur: nos equidem cùm illac transiremus, amnem vadofum comperimus. In cliuo Ponti proximo iuxta occidentuam ripam plurimæ videntur ruinæ, quæ vetustæ arcis, ibidem, à Balduino quarto Hierosolymorum Rege contra infidelium è Syriâ excursionses deprædationesque exstructæ, reliquix putantur.

Priusquam pontem pedibus transiremus, relictis sub ducis & Mucherorum custodiâ iumentis, ad fluuium Iordanis pro more descendimus, faciè & manus religionis ergo loturi, atque ex eo bibituri. Rapidissimum hoc loco cursum habet, alueo non multum profundo, lato tamen circiter passus viginti; nigri coloris producente lapillos, eosque durissimos. Vtraque ripa Salice, Tamarisco, & Agnocasto, aliisque, ac præsertim cannis prægrandibus, è quibus Arabum plerique lanceas conficiunt, referta est.

Isa. 3.

4. Reg. 2. 5.

Math. 3.

Lucæ 4.

Marc. 1.

Ioan. 3.

Egesip. lib. 3.

c. 26.

Ioseph. 15.

Ant. 10.

Iordanem fluuium in sacris Literis celeberrimum, & Christi baptismo nobilitatum, à fonte Phialâ in Traconitide regione ortum ducere multi putant; alij tamen à fontibus Ior & Dan, ad radicem Libani scaturientibus, originem trahere volunt. Vt ut sit, nomen saltem ab his accepisse certum est. Hi enim supra Samaconitem paludem iuxta Cæsaream Philippi, siue Paneadem, quæ hodie Mauris Velénas est, confluentes, vno facto alueo, Iordani nomen induunt. Hinc mox Traconitidem ab Itureâ, & Galilæâ superiori separans, in vallem quandam, cuius medium Aquæ Meron occupant, influit, stagnumque intersecat; Inde Orientem versus flectens, sub ponte fluit Iacob; mox iuxta Capharnaum & Corozaim Mari Galilææ miscetur; idque medium permeans, atque in Austrum cursum dirigens, iuxta pedem montis Hermon minoris, fluuij formam recipit: inde Cison torrentis ab Occasu, & Iaboc fluuij ab Ortus fluentium auctus aquis, Iordanis maior appellatur, diuidensque Peream à Samariâ, & Moabitidem à Iudæâ, longissimo tractu adducentorum triginta stadiorum longitudine, per vastam solitudinem in Mare Mortuum delabitur; cui commixtus, & nomen amittit, & saluberrimas limpidissimasque suas perdit aquas.

Lotione peractâ, Ponteque pedibus transito, rursus iumenta conscendimus, iterque prosequimur, viâ quidem leniter accliu, sed petrosâ & difficili nimis. Regio omnis trans Iordanem Traconitidis nomen habet, extenditurque à Meridie in Septentrionem, à Mari nempe Geneza-reth ad radices usque Libani, complectiturque terram illâ omnem, quæ orientalem Iordanis ripâ & montes Seir & Hermon interiacet. Soli habet plerumque saxosum, & asperum, multisque subterraneis meatibus

&

& cauernis cōcauū, vnde & nomē sūpisse creditur : Τραχῶν enim Græcis locū saxosum significat, & Trachones etiā dicūtur occulti sub terrā meatus, ac specus. Fōtibus & riuis penitus caret; ideoq; pluuias aquas incolæ per trachones in lacunis tam naturalibus quam artificiosè factis diligenter colligūt. Pascuis alioquin multis in locis lætissima, & nemo-ribus opaca, Esculo in primis, & Illice ac Cocca arboribus copiosa est.

Hermon mons, qui hac in regione ob summam altitudinem longè lateq; se conspiciendum præbet, vltimus ad Orientem Terræ promissionis est terminus : eamq; à Syriâ Damascenâ, & Arabiâ Deserta diuidens, à Septentrione Libano monti se copulat ; atque inde in Orientem sese extendens, totam Traconitidem circuit, iungiturq; tandem post longum tractum, Meridiem versus, Seir, deinde Galaad montibus. Licet autem pro eacuminum ratione diuersa fortiatur nomina, vnicam tamen & perpetuam seriem montium constituit, atque vniuersæ Palæstinæ ab orientali atque etiam à meridionali latere pro muro est.

Primo à ponte milliariorum, in edito quodam colle pagum eminus monstrarunt comites, vulgò Lemie dictum, locum vulgi opinione asserentes esse illum, quo Iacob reuertenti è Mesopotamiâ occurrit Esau frater, & se mutuo amplexati sunt. Veteribus Socoth fuit ; sic dictus à tentorijs, quæ Iacob hîc defixerat.

Gen. 33.

Inde per densissimas Illicum & Esculorum syluas, perq; loca saxosa & aspera, difficillimaq; profecti sumus. Circa Meridiō Ortum versus ex alto colle amplam laramq; planitiem eminus conspeximus (Tabernacula Cedar olim nuncupata, de quibus in Canticis & Psalmis fit mentio) vberissimam, amœnissimam, & prospectibus liberam, pascēdisq; gregibus aptissimam. Hîc, vt olim, sic etiamnum statis annis temporibus celeberrimæ aguntur Nundinæ, conuenientibus ex omni fere circumvicinâ regione negotiatoribus : qui cū tentorijs vtantur versicoloribus, pulchrum admodum ad spectum præbent, & Ciuitatis amplissimæ, seu Castrorum faciem repræsentare dicuntur.

Canz 1.
Psalm. 44.

Sole ad Occasum vergente, post longam difficilemq; viam, Conetrim venimus, vbi & pernoctauimus. Diuersorium id est, seu Imarethū Turcicum amplissimum, instar Oppidi, muris vndiq; cinctum, portis, turribusq; munitum, mille & ampliùs passus ambitu suo continens. Messitam egregij operis, amplam, & plumbeis laminis tectam, Bazarum item, & Balneas magnificas, Areasq; plurimas, ac Stabula ingentia suis muris comprehendens. Mustapham Bassam authorem operis ferunt. In eo alienigenæ, cuiusvis religionis, toto biduo, modò id expectant, victum gratis habent; qui tamen vt nobis impartiretur haudquaquam postulauimus; licet Turcæ omnes eodem vñ fuerint.

Tertiò Id. Nouēbris secundâ ante Solis exortū horâ, itineri nos rursū

accingimus, per loca vmbrosa & syluis opaca pergentes. Longum denique emensi iter, latissimam ingredimur planitiem, vastum mare nobis quodammodo apparentem, scopulosam, horridam, aridam, squallidamq; in quâ neque domicilium vllum, nec arborem, nec virentem vllam herbâ, non spinas, non vepres, non arbusta, vel minuta quidē, sed nudam tantummodo humum, acuminatis vndiq; refertâ lapidibus, offendimus. Fuit itaq; eo die præ nimîâ scabricie iter difficillimū, & periculosissimum. Nam etiâ equi sine fessoribus, quod gressus firmare ob lapidum scabriciem nequirent, frequenter cespitabant, & in terrâ corruiebant, quantumuis tardissimè progredierētur. Longo hoc & difficili peractō itinere, ad Chan quoddâ Zaza, inclinante iam die appulimus.

Ædificium id est amplum & magnificum, ære Sinan Bassæ (vt ferūt) recens exstructum, fontibus, balneis, & Messirâ insignibus instructum, viridario quoque eleganti, arboribus & hortensibus plantis exculto, exornatum, vnicam tantū Aream in medio continens. Sitū habet ad pedem mitis & amœni cliui, iuxta dulcis aque riuulū, cui horrida illa & petrosa planities à Meridie & Ortū adiacet, ab Aquilone verò & Occasu herbidis lætisq; pascuis longè lateq; patentibus cingitur.

Substitere hîc Turcarum Carauanæ per horam vnā atque alterā, vires vt cibo reficerent, & iumenta pabulum fumerent. Nos quoque eam nacti occasionem, fessi & esurientes afflicta membra potu ciboq; nonnihil refocillauimus. Primâ noctis horâ discedendum in clamitāt, abitumq; parant. præeuntibus Turcis, subsequimur & nos, ac totâ eâ nocte sideribus illustri, & plenâ lucente lunâ, Damascum versus pergitur, viâ quidem planâ & facili, sed sine omni quiete & somno.

Secundo à Damasco lapide, ad læuam ostēsæ nobis fuere diruti cuiusdam Fani ruinæ, eodem (vti ferunt) exstructi loco, vbi Paulus insequens Christi fideles, luce è celo circumfulgente, ex equo prostratus, & cæcitate percussus, audiuit vocem cœlitus dicentem *Sanle, Sanle, quid me persequeris?* Qui cū interrogaret quid facere deberet, Damascum ire ad Ananiam, vt sanaretur, iussus est.

CAPV T. X.

Ingressus in Damascum: ibidem mora, & varij casus.

PRIMA antelucanâ horâ sequentis diei, qui pridie Id Nouembris erat, Damascum peruenimus. Intromissis Turcis, nos quoque Ianitori dono dato ingressum impetrauimus. In urbem recepti, sed quo diuertendum esset incerti, ducis suasu ad Maronitā quendam iuxta Australem commorantem Portā secessimus; Vbi in humili domūcula stabulo

stabulo potius assimilandâ quàm domui, (nihil enim præter nudam humum nudosque parietes continebat) deponi sarcinas curauimus. Mox somno oppressi, ac longo itinere languentes, humi per horam vnam atque alteram optatò quieuimus. Sed ob nimiam loci incommoditatem, ac pulueris & sordium copiam, sumpto prandio inde discessimus, & cubiculum apud Hebræum quendam Italicum callentem idioma conduximus.

Subsistentibus autem Damasci Turcarum Carauanis, & Cairensis Bassæ aduentum (qui cum ingenti comitatu iam breui affuturus dicebatur) expectantibus, vt contra Arabū vim & excursiones tutiores essent, & nos abitum distulimus. Non enim nisi maximis Carauanis propter latrocinantes in regione illâ vndiq; Arabes, terrestre illud iter patet, ac tutum est. Quæ verò interea nobis acciderint, quæque in vrbe ac suburbanis locis perlustrauerimus, paucis enarranda duximus.

Decimo septimo Kal. Decembris, ad ædes ducimur Ananiæ discipuli Domini, & Pauli Magistri. Hæ iuxta australem portam sitæ, locum referunt subterraneum, quindenis gradibus descensum præbentem, in duas diuisum cellulas concameratas, contiguas, imaginibus depictas: quarum cellularum altera (quæ intransitibus ad dextram est) altare habet lapideum, Christianorum hodie Iacobitarū Oratorium, vbi sacra mysteria celebrant. Precibus eo loco dictis, vrbe egredimur, & secus vrbis muros ducimur, vbi aliquo viæ emenso spatio, à circumducentibus ostensa nobis fuit Porta quædam vrbis hodie muro obstructa, quam Diui Pauli nominant incolæ iuxta hanc fenestra in ipso muro conspici datur, per quam Paulum Apostolum (sportâ demissum Damascenorum euasisse manus ferūt, quod & sacra testantur Literæ

Post triduum, relicto Hebræi hospitio, ad Christianum Maronitam Guardiani adhortatione secessimus. Is enim Christianis Orientalibus nos offendiculo futuros ratus, si diutius apud Christianæ fidei hostes nulla urgente necessitate hareremus, aliò commigrandum, ne quem offenderemus, censuit. Ea propter, opera cuiusdam sacerdotis Maronitæ, apud textorem quendam prope Ananiæ ædes duo cubacula in superiori ædium parte satis commoda, nulla tamen supellectili, nec scamnis, nec cistis, nec lectis instructa, conduximus, ibique donec discederemus, mansimus. Dum verò ob mutatum hospitium optimè nobis prospectum existimamus: ecce (vt est rerum humanarum conditio instabilis, & euentus varius) amari quippiam iterum prosperis nostris misceri voluit Deus. Decimo tertio namque Kal. Decembris Licetorum Præfectus magno comitatu nostrum accedit hospitium, ac quatuor è nostris, cum reliqui exiissent, ædibus extrudit. Id vbi hospita nostræ innotuit, excurret & ipsa, & exitium nobis imminere rata, crinem

ta crinem discerpit, pectustundit, & magno ululatu nos sublequitur; sed reuocare gradum iussâ domum illachrymans redit. Vbi vero à populo conspecti sumus, inconditis clamoribus & sibilis maximè pueri nos excipiunt, vndecunque ad nos concursus fit; hi execrationibus nos laceſſunt, illi lapidibus, alij immunditijs nos impetunt, plurimifque iniurijs onerant. Quos tandem liſtorum præfectus compescuit, & ab iniurijs vt abſtineret, admonuit: atq; ita demum illuſos, conſpurcatis, ac trepidos, poſt ſuperatos aliquot viculos, nos ſecum ad Subaſij ædes abducit, & in carcerem detrudit, mox reliquos domũ reuerſos abripit, & ad primos in carcerem trahit. Nos rei nouitate, etſi nullius mali conſcij, obſtupeſcimus. Turcicas quidem eſſe fraudulentias, vt pecuniam extorqueant, ſuſpicamur. Verũ quid ei rei prætexant, quid nobis obſicere, quãme in nos conferre culpam velint, ignoramus.

Tandem poſt morã aliquam iudicio ſiſtimur. Subaſſius namq; Diuanum (id nobis concilium eſt) conuocari iuſſerat. Conuenerant autem ſeptuaginta circiter Turcæ, Genizari omnes, & primores vrbis, quos ſcamnis parietibus admotis per gyrum inſidẽtes inuenimus. In medio cõſtituimur. Vbi coram aſſamur, Subaſſius ruſoſa frõte, toruiſq; oculis nos intuens, qui ſimus, vnde veniamus, quõve tendamus ab interpretenõſtro querit. Is omnium nomine Venetos nos eſſe, ac religionis ergo Hieroſolymorũ urbem, & Chriſti incunabula viſitaſſe: nunc verò Alepum verſus pergere: atque inde primã nauium ex vicino Alexandræ portu occaſione Venetias tranſfretaturos reſpondet. Ille verò mendacij & falſitatis Interpretem arguens, longè aliter ſe rem habere compertũ ſibi eſſe; Vngaros nos, atq; emiſſarios, Oſmannici denique Imperij hoſtes eſſe, ſubjicit; Stomachantur & reliqui in hominem, immerentem licet & innoxium furere, fremere, & maximè terribilia ei minari incipiunt; temerarium & perfidum vocant, pœnas idcirco ſuæ temeritatis luiturũ, quod peſſimos homines, atque Oſmannicæ quietis perturbatores perditiones Turcicas circũducere auſus ſit; & vt ipſi maiorem metum incuterent, mortem etiam, niſi noſtrã conditionem aperiat, minantur: quod ſi Vngaros nos fateatur, prout iam ſatis id ſibi conſtare aſſerebant, pœnã omni liberandum, atq; hanc ſolã ſupereſſe ſpẽ, qua ſaluus euadat, aiunt. Is contrã ſe verè & ingenuè locutũ, ignorare prorsus noſtrã conditionem, cũ alienigenæ ſimus, illud ſibi cõſtare, Venetos nos eſſe appellatos vbiq; , Venetorum audiuiſſe nomen, aliorum nequaquam: nullam præterea noſtri habere notiçiã: eſſe nobis Hieroſolymorũ Chiccagiæ com meatũ, in eo noſtrę conditionis teſtimonium reddi, & diſcedendi ab vrbe, totamq; Palęſtinam peragrandi veniã concedi: inſpiciant ac legāt, id ſi fecerint, verum ipſe an falſum dixerat

dixerit, constitutum. Annunt tandem barbari: ostendi literas iubent. Porrigimus: legunt, releguntque sapius. Vbi verò eorum votis haudquaquam respondere, sed testari nos Venetos esse, & voti causâ iter illud suscepisse, animaduertunt; mox literas (sumptâ occasione, quod incuriâ ducis nostri sigillo Saniacci carerent) suspectas, inualidas, nullaq; fide dignas esse inclamitant. Schedulâ abjiciunt: ac protinus projici in terram Interpretê, calceis exui, ac vapulare iubent. Ille pœnam deprecari, ac innocentia suâ testem Deum inuocare: sed frustra: nil enim valere preces, nil excusationes. Calceis exuitur, verberatur miser & innocēs, nobis adstantibus, maiorem vt conciperemus metum. Mos autem est Turcis cū flagris aliquem cœdendum censent, pedum plantas fuste percutere, non virgis nates aut dorsa cœdere. Interim dum plagas excipit miser, miserandoque clamore pœnam deprecatur, suggerunt illi lictores, & Turcæ, inculcantque crebrò, Vngaros nos esse vt prædicet. Ille constanter id negare, Venetos nos esse asserere, non Vngaros, non speculatores, neque Imperij Ottomanici hostes. Post multa tandem verbera (quæ quidem pro iudicis arbitrio multiplicantur) conspicati quòd neque minis neque verberibus consentaneas sibi responsiones aliquas extorquere possent, noua tentant ac moluntur. Viciniae nostræ Præpositum, necnon hospitij dominum accersiri iubent; eosque mox à lictoribus adductos iudicio sistunt. Acriter vtrumque obiurgant, conuicijs proscindunt, & contumeliis onerant, hunc quidem, quòd inconsulto magistratu alienigenas, hostesque Imperij excepisset, ædiumque suarum cubacula nobis locasset; illum verò quòd nostrum aduentum Subassio non indicasset: tum etiam vt in posterum cautiore, atque aliis exemplo sint, pœnis afficiendos censent, ac fuste plecti imperant. Nec mora, obtemperatum illicò à lictoribus: Calceis exuuntur, vapulant & ipsi, immerentes licet, & innoxij, dumque verbere sub duro tristes eorum fatigantur pedes, in cœlum clamores tollunt, ac pœnam deprecantur. Vbi verò iam satis pro iudicum arbitrio vapulassent, dimittuntur. Neque his contenti truces barbari, rursus nos minis aggrediuntur. Quo verò magis terrefaciant, seniores è nostris pari plecti pœnâ iubent. Arripiunt hominem lictores, & in terram prosterunt: reclamantibus tamen nonnullis Ianizerorum, ab incepto abstinere. Interea dum sententiæ inter ipsos variant (hi namque pœnâ de nobis statim sumendam; illi contrâ experiundum prius, anne sponte nos Vngaros fateamur, censebant) addunt ex ipsis aliqui animum, admovent, hortanturq; liberè conditionem nostram vt aperiamus: minorē namq; , aut nullam de nobis sumpturos se pœnâ, id si faciamus: suo periuicaces nos exhibeamus, ac obstinato animo in proposito perseueremus.

seueremus, in crucem nos acturos minantur. Nos minis nequaquam perterriti, infracto animo Venetæ Reipublicæ nos esse subditos, non Vngaros, non emissarios, non proditores, sed innocuos, sed Peregrinos, ac votireos religionis ergò iter hoc instituisse: nullum denique in Osmannicum Imperium nos fraudem, damnum, vel detrimentum moliri. Adesse insuper in publico Diuano viros quibus optimè noti sumus, quique ante annum vnum atque alterum Hierosolymis nos & viderint, & familiariter nobis vñ sint, obtestari nos illorum fidem, vt nostræ innocentie testimonium præstent, respondemus. Aderat quippe inter alios Genizarus quidã Hierosolymis Bolucbassij, id est, centurionis anno præterito functus munere, ac Guardiano nostro optimè notus, quem vel eò magis nobis patrocinatorum sperabamus, quod crebrò Minoritarum accedere Monasterium, atque illorum vti mensa, ac cibis vesci solitus esset: ideoque Monasteriò vel maxime obstrictus, specimen aliquod gratitudinis iure optimo Monachis edere teneretur. Verùm vt sunt Barbarorum ingenia ad ingratitudinem pleraque prona, Genizarus ille, acceptorum beneficiorum immemor, aut dissimulator, & ingratus prorsus, ne verbum quidem ad relata respondit; adeoque non agnoscere se quempiam è nostris simulauit. Tandem vbi intrepidos, constantes, minimeq; consternatos nos animaduertunt, nec quicquam nos velle confiteri pro votis suis cognoscunt, consilium mutans, exire nos moxque redire imperant. Vbi denuo coram adstamus: Et si, inquit, satis sibi constet de nostrâ omnium conditione, mitius tamen nobiscum velle agere, quam mereamur: poenam idcirco, quâ afficiendi eramus, in multam centum Cechinorum mutasse, atque hanc absque morâ soluendam esse. Interpretes pauperes nos esse, atque infimæ sortis homines: quibus iam omni pecuniâ exhaustis vix tantum suppetat, quod alimentis necessarijs in itinere commendis Alepum vsque sufficiat: propterea lytrum nec posse nos soluere, nec spem esse vt soluamus, responder. Illi contrà Frangios vt plurimum pecuniosos esse, & prædiuites, eos præsertim qui longinqua adeant loca; non enim illa confici absque multo ære posse subjiciunt. Vtcunque tamen se res habeat, necessum fore, modum vt incamus, quo sententiæ satisfiat, si salutem, si liberationem expectamus, non defuturam pecuniæ acquirendæ occasionem; adesse enim Christianos, & Hebræos, qui spe lucri mutuam dent: denique absque integrâ impositæ multæ solutione minimè nos è vinculis liberandos. Quid multa? necessitati parere oportuit. Cechinos quadraginta per interpretem offerimus. Illi oblatos recusant: integrum lytrum soluendum inclamitant; adduntq; minas, nisi pareamus illicò. Interim ex Ianizaris vnus, Cypro oriundus, Soleimanes nomine, vir vtique humanus,

& quod

&, quod in apostata mireris, nobis propitius, ac fautor, operam suam interponit, ac tandem in quinquaginta Cechinos multam reducit; eosque statim nostro nomine Subassio se soluturum promittit. His itaque atque altero Cechino Licitorum Praefecto numeratis, è vinculis liberati, læti hospitium repetimus. Circa vespertinum inuisum nos venit Genizarus, redemptionis nostræ post Deum præcipuus auctor; cui nihil lucri expetenti, quantum pro nobis exposuerat, restituiamus; deque tantâ erga nos humanitate gratijs habitis, liberaliter excepimus, ac vino nonnihil exhilarauimus.

Vndecimo Kalend. Decembris, vicinæ nostræ Praefectus, pluribus comitatus Christianis, nos adit, de plagis sibi illatis queritur, ac satisfieri sibi pro verberibus nostrâ causâ acceptis postulat: cui etsi minimè obligatemur, suafore tamen Genizaro duos dedimus Cechinos. Capiziliorum quoque seu lanitorum Praefecto quinque poscenti Cechinos, Genizaro deprecatore vnico satisfacimus. Interpreti adhuc & hospitij patrono quatuor soluere necessum fuit.

Genizarus hic quamdiu Damasci hæreremus, crebrò inuisum nos venit; prandium etiam multoties nobiscum sumpsit; utque maiorem in nos testaretur adfectum & fidem, ad cœnam secum ut veniremus, suasque inuiseremus ædes, additis etiam precibus inuitauit. Cui id non semel recusauimus, quòd ob recentes carceres, Turcarumque vehementes suspiciones minimè tutum fore iudicarem. Licet autem iam sæpe humanissimum eum experti essemus, suspectam tamen habebant quidam è nostris hominis fidem, quod Græcus esset, & apostata, Venerici prouerbij memores. *Chi si fida in Grego, Non hà il ceruel intre- go.* homini idcirco ignoto, barbaro, & infideli non esse credendum putabāt; veriti ne infidias nobis strueret. Visti tamen multis precibus, venturos nos tandem proximo die ad cœnam promissus: maximè cum aliqui nostrum diffidentiam eam (ut pote in hostium potestate planè constitutis neutiquam nobis profuturam) meritò damnassent, ut præposteram.

Decimo itaque Kal. Decembris, circa secundam postmeridianam horam ad nos redit Genizarus, promissisq; standum admonet. Imus cū illo, inuiti licet, & ut ita dicam, cōtra stomachum, Ducit nos haud procul à Diui Pauli portâ, ad ædes quasdam muris vrbis continguas, latâ areâ hortoq; ornatas. Eas se animi relaxandi causâ cū commilitonibus sæpenuerò adire: præter has tamen & alias sibi esse, quibus familiam aleret, habitaretq; cum vxoribus, ait. In cubiculo autem eminenti, atq; à reliquo ædificio semoto, supraque vrbis muros exstructo, ex quo in vniuersam ferè vrbem prospiciebatur, cœnâ præpari à suis (Christiani hi erant omnes) curauerat. Solū tegumento stratū erat serico: è parie-

tibus varia armorum pendebant genera; Lectuli ornatus sericus non inuenustus. In medio cubiculi mentam rotundā instructā inuenimus (Tabaccam Mauri vocant) altam à solo semipedem, corio coopertam rubro, sine mappā & mantilibus. Discumbimus solo vnā omnes, poplitibus complicatis more Turcarum. Dapidibus lautissimis more gētis nos reficit, hilariter excipit, vinum quoque Sardanaticum optimū, album & rubeum fūdit, propinatq; . Indulgemus genio in serum vsque vesperum, Cœnā peractā, ac gratijs habitis, discedendi veniā petimus. Concedit: comitemq; se nobis exhibet: extra urbem ducit, & sacra se nobis ostensurū loca promittit. Vbi è regione portæ Diui Pauli ventū fuit, in latam quandam aream, sepe vndiq; cinctam introducit, in cuius medio capitellum ligneum, arā ornatum lapideā, de quo pendebat lychnus ardens, offendimus. Diui Georgij ædes hoc loco quondam extitisse, atque hinc Berytum abiisse, Oriētalium Christicolarum opinio est. Iuxta capitellum antrum erat, in quo Paulum Apostolum rabiem Damascenorum fugientem aliquamdiu latuisse Orientales memorāt: postea verò Martyrū Sepulchrum effectum, in summo semper honore in hunc vsque diem à Christianis habitum asserunt. Locus is Christianorum ibi commorantium cultu crebrā conuentione & Precibus frequētatur, ardēti lychno illustratur assiduò, ac sacrosanctus habetur. Huc quoq; Genizarum illum cum cæteris Christianis precatum Christiano ritu quotidie venire solitum accepimus: quod etiā tum comprobauit. Nam adorantibus nobis Saluatorem omnium Deum flexis genibus, ipse quoque orationi vacare nostro ritu non erubuit: quinimo vt rem Christianam valdè sibi cordi esset declararet, capitellum id proprio arēa fundamentis se velle restaurare, atque ex ligneo lapideum efficere, areamq; latissimam (quæ sepe eingebar) lateritio muro munire, ac tutam reddere testabatur. Inde ad urbem regressi, primarias eius ædes accessimus, non tamen intrauimus, sed in ipso atrij limine substitimus: nam ingredi Turcarum penetralia, maximè vbi feminæ adsunt, Christianis non licet. Socerum verò prouectæ ætatis virum euocatum vt conueniamus, atque salutemus, petit: prodeunti salutem Tureico more manibus capiti non nihil inflexo impositis impertimur, summam humanitatem & beneuolentiam generi sui per Interpretem prædicamus, æternū nos ei obstrictos fore, palam confitemur. Ille probare se eius factum, Subueniendum aduenis, opemq; præstandam in necessitate constitutis: id enim Deo gratissimum esse ait: se quoque Frangijs (sic enim omnes Occidentales indigitant) fauere, ac fausta precari, adeoq; se suaque omnia nobis offerre. Nos rursum generum suum satis beneuolentiæ nobis præstitisse, nec esse quod desideremus amplius: pro isto tamen in nos animo gratias agere, ei que

ei que optata nos à Deo precari, respondemus. Post hæc veniâ ab utroque impetratâ, discedimus, & hospitium repetimus.

NONO Kalend. Decembris ad Fontem Diui Pauli vulgò appellatum ducimur, in quo ab Ananiâ eum baptizatum ferunt. Is nunc ad. 9. publicæ plateæ est expositus, atque aquis abundat. Haud procul inde in ædibus Santoni cuiusdam Turcici ostensa nobis fuit Messita parvula, cui Gemma nomen est, sepulchrum continens marmoreum, coopertum panno cimati, Arabicâ inscriptione insculptum; quod Ananix esse autumant. In vico adhuc iuxta australem portam vetustissimū nobis ostendēre duces Templum, Syrorum hodie vsui dicatum: quo olim Iudæ Apostoli ædes extitisse volunt: in quibus Paulus hospitio exceptus visum recepit, & Spiritu sancto repletus est.

Aduenerat Damascum VIII. Kalend. Decembris maximo comitatu Ægyptij regni Bassa, Constantinopolin ad causam coram Imperatore dicendam profecturus. Hūc siquidem quod Genizarorum stipēdia interuertisset, querelis eâ de re ad Portā Osmannicam delatis, Masul (id est omnibus honoribus exutum) Imperator declarauerat, alioque in eius locum suffecto, ac die dicto, quo sub pœnâ capitis præsto esset, per Chiausium mutum ad se euocauerat. Castra hūc iuxta vrbis mœnia in prato latissimo ad ripam Abanæ fluminis locarat. Id ubi nobis innouit. auidi spectandi res externas, eò nos septimo Kalend. Decembris contulimus. Disposita hūc illūc eleganti ordine castrensia tētoria, mirificam sanè præbebant speciem, varietateq; suâ morabatur omnium animos, & oculos. In medio Bassæ tentoria fixa erant, quæ à cæteris formâ & amplitudine distincta, & in varia diuisa cubicula, castrorum formam referebant, cortinis viridis rubrique coloris veluti muris vndique cingentibus. Erat eius comitatus amplissimus, adeoque illustris, vt cum regio fastu & splendore certare potuisset. Aderant quippe duo circiter millia hominum, cameli plus minus sexcenti, equi quingenti, centum & viginti muli, auro & argento (vt ferebatur) onusti, dromedes plurimi, equi item regij nobilissimi quasi centum, quos mancipia toto itinere manuducebant: omitto iumenta cætera, ac peditum ingentem copiam. Quis verò hæc in homine priuato, & peculatus reo non miretur? quis summam hanc & penè incredibilem barbarorum magnificentiam & fastum non obstupescat? Sanè si magnorum Principum, atque etiam Regum Christianorum spectes considerare comitatum, nihil ad hunc esse fatearis necesse est.

QVINTO Kal. Decembris dux noster Bassam proximâ luce cum Mechano Cadio & Chicagiâ Cōstantinopolitano discessurū nūciat: cū his itaq; iter cape sēdū nobis esse, & necessaria cōmēda monet. Re auditâ obtēperamus, ac statim annonā omnem, ceterasq; res in itinere

nobis vsui futuras per Interpretē comparari curamus; habitū quoque Turcicū, Zonas itē, & capitis velaturas, vt hoc prætēxtu liberiorē vbiq; accessū & recessū haberemus, cōsilio ducis nostri emimus Priusquā tamē ad hoc iter progrediamur, quæ de vrbe hac celeberrimā cognouimus, quæq; obseruatu digna putauimus breuibus duximus subiūgēda.

CAPVT XI.

Damasci vrbs, eiusq; suburbanorum descriptio.

EST DAMASCVS Hebraicē Damseck, Schiā Turcis, Maurisq; appellata, totius Syriæ regia, vrbs vetustissima, ampla, ac potens, publicis ædificijs nitida, mercaturā, & negotiantium inquilinorum frequentia copiosissima, tota per circuitum muro fossaq; duplici, muro nempe & antemurali, ac robustissimis portis laminis ferreis obductis & iustæ altitudinis turribus æquā proportionē distantibus, cincta, ac munita: sex millia passuum suo ambitu comprehendens: sita in planitiē latissimā, ad radices montis Libani, ibi Hermonij dicti, à quo non amplius duo millia passuum abest. Ab Hus filio Aram (vt author est Iosephus) condita, & Aram antiquitus dicta: à Damas demum filio Eliezer, Abrahami procuratoris filio, qui eam postea instaurauit, Damasci, vt aliqui volunt, nomen obtinuit. Benignitate autem soli, ac rerum omnium copiā, hominumq; frequentia, amœnitate, clementia cœli, situ, pulchritudine, ac omni deliciarum genere nulli Orientis vrbi cedit. Aquis in primis abundat, ac fontibus irrigua est; Percurrunt siquidem urbem plurimi riui, qui toti vrbi ferē vicatim fontes subministrant: adeo vt non solum per Chana, Messitasque omnes, ac magnatum ædes, sed etiam per singulas fere domos, ædesque priuatorum diuisæ in plurimos digitos aut fibras fonticulorum venæ distribuuntur, quas vbique locorum in atrijs & cœnaculis videre est. Fluium quidem nauigabile nullum habet, sed duos riuos, ex Hermonio monte delabentes rapidos & valde pisculos Abanam, seu Amanam, vel Amnam, & Farfar, vel Pharpharam appellatos sacris in Literis in primis celebres, aquas limpidissimas, optimas, atque saluberrimas producentes: quæ intus forisq; urbem beant, Amna urbem influens, Pharphara præterfluens, & hortos ac viridaria omnia irrigans, imò & circumuicinū omnem agrum ex propinquo deductis aquarum meatibus, irriguum omnino & vliginosum reddens. Hinc ager eius quamuis soli naturā sterilis, & aridus sit; frumenti, viniq; generosissimi ferax, atque etiam pecoribus pascendis aptissimus est. Addunt vrbi non minimam venustatem, pulchritudinem commoditatemque, innumera ferē pomaria, horti, viridaria, vineæque, quæ vndique urbem ambiunt,

1. Ant. 14.
Hieron. in
Genes. 10. 15

4. Reg. 5.

biunt, atque instar densorum nemorum ad tria & ampliùs per circuitum milliaria sese extendunt: quæque populis alba & nigra, & salix procera vndique sepiunt, cuiusvis generis arboribus, fructicibus, rosis, floribusque odoriferis, mirè fragrantibus referta. Hic namque Pyra, Poma, Prunaque diuersi generis suauissima, optimaque, Persica, Punica mala, Chisomele, Amygdala, Musæ, Ficus omnium laudatissimæ mira vbertate proueniunt. Hic vuarum recentium tanta copia, adeoque ætatem ferentium, vt toto ferè anno passim per urbem venales extent. Hic flores, colores, odores, delectabiles. Hic denique tanta amœnitas, ac variorum fructuum vbertas, vt non immeritò Paradisus terrestris à multis appelletur: ideoque quod de Alcinoi hortis vatum princeps cecinit, Damasco adscripsim libens

*Hic nemora in cælum latè crescentia surgunt,
Puniceæ pomum grani malumq; pyrûmque,
Et dulces ficus, & magna Palladis arbos.
Non illis borealis hiems, non officit æstas
Terrida, sed placidas Zephyris spirantibus auras
Arboribus totum superat sætura per annum,
Et poma insenuere recentia poma priori;
Et noua iam mihi superaduenit vuarum cemo.*

Hinc verò caput Syriæ, Ciuitas laudabilis, vrbs lætitiæ, & Domus voluptatis in sacris Literis meruit appellari. Haud iniuriâ: quicquid enim amœnum, quicquid suaue optari potest, licet hinc conspici, habere, frui. Quam benignum autem cælum sit, ex eo argui satis potest, quod nonnunquam noctu sub dio dormire cœacti, nullam vnquam grauedinem capitis quisquam nostrum senserit. Hæc tamen rerum omnium abundantia, ac mira vbertas, quæ luxps factusque, ac scelerum & vitiorum sepe numero existit ministra; luxuriant enim (vt ille ait) animi rebus plerumque secundis; effecit, vt toties Damascus diuinam iustitiam vindictamque senserit, ac iuxta Prophetarum vaticinia excidium, denastationem, euerisionem, atque incolarum interitum, depopulationemque perpeffa fuerit, adeoque non solum Ciuitatis Regiæ formam amiserit, sed nec oppidi faciem retinuerit, quinimo lapidum potius acruum, seu ruinarum molem quandoque representauerit. Hinc toties etiam rerum immutationem experta, externis regibus seruiuit. A Dauide siquidem regni limites proferente expugnata, multo tempore Hebræorum iugum sensit. Donec tandem vltimis Salomonis temporibus seruitutis excusso iugo propriū rursum regem

Isai. 7.

2. Reg. 8.

1. Paral. 18.

Ierem. 49.

Amos. 1.

Amos 1. 3.

Isai. 2. 10.

17.

Ierem. 49.

Zach. 9.

2. Reg. 8.

1. Paral. 18.

3. Reg. 11.

4. Reg. 16.

Hier. in Isai.

17.

Ios. 4. Ant. 14.

Herold. 4.

Contin. Bel.

Sacr. 14. &

6 Contin. 4.

10.

Onuph. in

Chron. Eccles.

Tyr. 14. Bel.

Sacr. 12.

elegerit. Verùm non multò post Achab regis auxilijs ab Armeniorum rege Teglatphalasar occupata, ac penitus exusta est. Viribus deinde nonnihil reparatis, rursùm à Babyloniorum rege adeò deuastata est, vt dudum ciuitatis faciem perdidit: donec tandem à Ptolomæis iterum instaurata, pristino decori restitueretur. Postea sub Pompeio Magno à Marcello subacta, in Romanorum potestatem deuenit. Dein Romani Imperij labentibus rebus, à Saracenis 636. occupata, rursùm à Tartarorum rege Haalos anno supra millesimum ducentesimo sexagesimo secundo expugnata: postmodum anno 1400. à Tamerlane Parthorum rege funditus diruta, & solo æquata est. Denique in Sultani Caisrensis ius cessit: qui eam in pristinum statum restituit, præsidioque Mameluchorum firmavit: cuius Imperio multis temporibus paruit. Tandem Selymus Turcarum Imperator eius nominis secundus, anno à nato Christo 1517. deuictis Mameluchis, ac Sultanico extincto Imperio, Ægypto omni atque vniuersâ Syriâ subactis, eam Osmannidarum Imperio subiecit, cui etiamnum parer, ac durum seruitutis iugum sustinet. Cæterùm Christianâ in Syriâ florescente fide Archiepiscopatus titulo vrbs ipsa claruit: fuereque ei subiecti vndecim Episcopatus, qui hodie ad vnum omnes extincti iacent. Græcorum tamen Patriarcha, titulo Antiochenus, ob solo æquatam maiori ex parte Antiochiam, hîc Græco populo præest, & sedem habet.

Suburbia hîc species elegantia & ampla, variorum ædificiorum & hortorum culturâ, nec templis quidem Turcicis deficientibus, amœnissima, nonnullis verò in locis non eadem domorum frequentia, quæ in vrbe est, sed interiectis nonnullis areis separantur: structurâ alioquin ab vrbis ædificijs parum differunt.

Bazarra, foro nundinisque destinata, in vrbe visuntur amplissima, latissimaque, magnifico atque arcuato opere constructa, multò nobiliora, atque ampliora quàm quæ totâ Syriâ viderim. Hæc officinis vtriusque pulcherrimis (in quibus cuiusvis generis merces venales reperias, artesque mechanicas exercentium copiam cernas) ornata sunt; ad eum modum distincta, vt vnaquæque ars, & quoduis pænè mercium genus peculiarem habeat locum. Ex his plurima ferreâ cathenâ transuersâ in ipso aditu præcluduntur, ne interdum equis iumentisque cæteris pateat transitus: noctu verò obserantur ostijs, ne vlli hominum animaliumve in ea detur aditus. Horum officinæ tamen haudquam totis diebus patent, sed constitutis tantùm horis aperiuntur: quibus mercatores eò conuenire, suæque expedire negotia solent. Matutino namque tempore ab horâ diei tertiâ meridiem vsque; postmeri-

meridiano verò ab horâ vesperarum , ad Solis vsque occasum patefiunt: cæteris occlusæ remanent, & negotiationes omnes silent. Mechanicarum tamen artium opificibus omnibus horis suas artes exercere liberum est: eoque iure fruuntur & annonæ venditores: integris enim diebus in obsopolij Bazarro tabernę patent. Videre ibi est maximam ex ære portam, quam à Tartaris Hierosolymis illuc aduectam ante annos 350. ferunt incolæ.

Plurimæ per urbem extant amplæ ædes, Chanseis Mauris dictę; Textrinę hæ sunt publicæ; in quibus sericarij textores, & polymitarij, Mauri plerique, summâ industriâ artem textoriam exercent. Sunt quippe Damasceni in texendis byssinis, & sericis, undulatisque omnifarijs diuersi generis floribus versicoloribus elegantissimo artificio intertextis, ac tapetis, itemque ex Xyli seu gossypij fruticis lanugine candidissimis tenuissimisque conficiendis telis peritissimi, ac inter omnes Syriæ indigenas celeberrimi. Hinc serica illa lineaq; vulgò Damascena appellata, ob operis elegantiam, & excellentiam, uti pulcherrima, rarissima, & præstantissima per vniuersum ferè Orbem venum à mercatoribus exportantur. Arcus præterea, cultelli, enses, acinacesque undulati in maxima hic conficiuntur copia, Damasceni & ipsi ubique terrarum nuncupati, atq; ob incomparabilem & rarissimam chalybis temperaturam, summo apud omnes in pretio habiti: ita ut verutum ipsum, seu lamina alicuius ensis aut acinacis centum aliquando & amplius constet aureis. Eius quippe ferri seu chalybis ea vis est, ut vno ictu, nihil retusæ eius acie, etiam militum galeæ discindantur. Varij item generis utensilia ænea, emblemate vermiculato ex argento vel auro in tessellas aptato mirâ arte hic affabrè fiunt. Omitto cætera ad mechanicas artes spectantia; longum enim foret singula ordine recensere, quæ hic venustè tanè & expeditè Damasceni componunt. Qua in re maiorum suorum sequuntur vestigia: qui idcirco ab Ezechiele plurimùm laudantur in multitudine operum suorum, in multitudine dinerfarum opum, in lanis coloris optimi, & vino pingui, vel porius D. Hieronymo interprete pinguisimo; nam maximè nutrit, & saporis optimi stomacho palatoque gratissimum est. Ut autem Damascenus populus industriâ, operibus, atque opibus cæteros Syrię incolas longè antecellit, sic etiam quicquid Damascena terra producit, optimum, atque apud omnes in pretio est, præstatque cæteris alibi natis. Hinc etiam vuarum acini, Mauris Zibib vel zibeben dicti, itemque Pruna passa, seu siccata, nostris longè maiora, & à Plinio laudata, hic præstantissima sunt: quæ idcirco sub Damasceno nomine tanquam

Cap. 27.

Lib. 13. c. 5.
O. 11. 1. 13

tanquam nobiliora cæteris, vbiuis locorum venum à mercatoribus distrahuntur.


Varia præterea in vrbe videre est publica ædificia, sumptuosa, ampla, atque magnifica, Chana, Imaretha, Messiras, ac Balnea superbissima: quibus pulcherrimi additi sunt fontes, ad hominum iumentorumque quotidianos vsus accommodi. Præstat cæteris cum structuræ magnificentia, tum operis elegantiâ, atque amplitudine, vetustissima & augustissima Christianorum quondam Basilica, nunc in Messitam versa, ab Heraclio Imperatore (vt volunt) Diuo Ioanni Baptistæ, vel (vt alij putant) Diuo Zachariæ eius patri dicata. Plumbeis namque laminis tecta, pinnaculo deaurato in tecto medio assurgente, vel maximè coruseat, variòque marmore & insigni celaturâ decorata, operis sui magnitudine, varietate, atque altitudine se maximè spectabilem exhibet. Eius aquilonari lateri spatiosa adhæret Area, marmore constrata, & nobilissimâ circumdata porticu, columnis: è porphyrite lapide ornata; in cuius ferè medio octo visuntur columnæ marmoreæ, in orbem distinctæ: abactus seu armarium his superpositum, in quo sacra Ecclesiæ volumina ab eo tempore quo vltimò capta à Mahumetanis vrbs fuit, recondita putantur. Ab occidentali latere in ipso Ecclesiæ frontispicio (quod totum marmoreum est, operisque elegantissimi) peringentes spectantur valvæ aeneæ trigeminæ: quæ inter cætera vetustatis insignia principem locum tenent. Harum mediæ cæteris maiores, elegantius celatæ manu, Græcam inscriptionem continent: quam tamen eminus (nam propius accedere Christianis non licet) legere non potuimus. Viginti quinque gradibus marmoreis frontispicium longitudine æquantibus, ab eâ parce ad templum adscenditur. Hos iuxta fons visitur patenti Euripo, copiosas, perennesque effundens aquas, crystalli instar limpidas. Ab australi verò latere tres alias eiusdem ferè magnitudinis valvas ex ære geminas insigni formâ conspicuas videre est: ad quarum medias, per porricum satis amplam longitudinis passuum circiter quinquaginta, columnis marmoreis vtrîmque ornatam, patet aditus, descenditurque ad templum ab eâ parte decem circiter gradibus. Ab utroque verò graduum latere duæ ingentes, & mirandæ magnitudinis visuntur columnæ, ex ophite lapide, Græca pariter inscriptione celatæ: quæ tamen literis magnâ ex parte corrosis, & temporis iniuriâ & vetustate exesis, difficillimè, nec nisi à propius accedente legitur. Referunt Græci ritus Christiani hanc inscriptionem vrbs excidium atque expugnationem Iustiniani temporibus factam continere. Ex eo autem loco interiora templi introspicere prætereuntes commode queunt. Nos cum eò transiremus quadruplici columnarum serie

rie suffultum, & exornatum, lychnisq; pensilibus plurimis decoratum, ac marmore stratum animaduertimus. Affirmant Mauri duas in templo asseruari arcas marmoreas, etiamnum integras, & illas, viridi panno coopertas; quarum vnam Zachariæ Sepulchrum ferunt, alteram, cuiusnam ossa contineat, ignorant: vtramque tamen in veneratione habent. Ad Templi Chorum procedentibus, locus se offert marmoreis columnis circumdatus; in cuius medio monumentum item è marmore visitur, Sancti cuiusdam ossa continens, Mahometæi locum hunc, itemque Chorum ingredi religioni habent, aditumque omnibus prohibent. Ne verò quis temerè aut imprudenter ingressum tentet, vtrumque seris & repagalis perpetuò obdunt, & occludunt. In ipso ferè vrbis vmbilico Arx est altissima iuxta ac munitissima, è candido marmore, quam Florentinum quendam ædificasse fama est: cuius rei vel maximè fidem faciunt insignia Florentinæ vrbis Lilio designata, in ipso muro insculpta. Est autem quadratæ formæ opus, muris, turribusque lapideis altissimis, fossisque profundissimis cincta, prædiario milite ex Genizarorum ordine munita. Fossæ diuersi generis arboribus, præsertim verò Moris albis, Vitibus in super, atque oleribus consistæ, viridaria, hortosque summâ cum spectantium voluptate repræsentant: quæ licet aquâ careant, facillimè tamen, si occasio postulet, per deductos arte ex propinquis riuulis Euripos, in eas brevissimo tempore deducitur: neque defunt interim canaliculæ, per quas aqua, quatenus culturæ sufficiat, iugiter defluit, quâ & horti quotidie irrigantur, & humectantur abundè. Vnicam tantum Arx habet portam, quæ ab ortu per sublicium pontem præbet accessum: cui vtrimque è muris dependent cathenæ lapideæ, mirâ arte fabricatæ, quatuordecim prægrandibus annulis oblongis, adeoque crassis, ac tantæ magnitudinis, vt stuporem intuentibus injiciant, vel eò magis, quod non arte coniunctas, sed ex vno eodemque lapide mirandâ industriâ perpolitè excisas narrent incolæ. Murus ambit Arcem (vt nobis Genizarus retulit) crassitudinis pedum quatuor; eiusdemque crassitudinis sunt & turres; quæ numero quatuordecim arcem sepiunt, muniuntque: eo ordine dispositæ, vt tres ab orientali latere, totidemque ex aduerso, ab australi verò quatuor, & quatuor à septentrionali numerentur. Tormentis bellicis, è muris turribusque prominentibus, minoribus tamen, sic satis instructa, & prædiario milite ex Genizarorum ordine (vt diximus) munita est. Præsidium ducentorum militum esse perhibetur; ex quibus in ipso ingressu viginti circiter quotidie excubant, ferreæque cathenâ per pontem transuersim ductâ animahbus aditum prohibent. Exteris, imò nec ciuibus, nec inquilinis Mauris accessus ad eam patet.

Via vicique Urbis plerique filice conſtrati ſunt, latera quadrupeda-
li fere latitudine vtrimque eminent, medio inſtar canalis non nihil pro-
fundo, latitudinis pedum quatuor, aut quinque, vt ſaltu quis inter me-
dium id percommode ſuperare, atque ex vno in alterum aſſilire latus
queat. Hic Carauanæ Camelorum ſingulæ, ac cætera iumenta ſarcinis
onuſta ad diuerſoria publica pedetentim permeant, ſine moleſtiâ &
impedimento vtrimque tranſeuntium. Canalis ille medius pluuias ac
fontanas aquas ſuperfluas, iumentorum excrementa, & viarum ſordes
recipit, & ad cloacas deſert. Hinc latera illa cùm nitidiora habeantur,
cuiuſuiſ ſexus hominibus mundum & percommodum tranſitum præ-
bent. Rhedarum ac plauſtrorum hic nullus uſus: aſinis, alijsque iu-
mentis ſarcinæ atque onera omnia quoquò portantur. Sunt præterea
publicæ viæ, plateæque, præcipuis exceptis, vt plurimum portis ſeiun-
ctæ, atq; in vicinias plurimas diſtinctæ: quarum vnaquæque ſuum ha-
bet Præfectum: qui, ſi quod ſcelus, furtum, aut homicidium maximè
noctu committatur, manè Subaſſio indicare tenetur.

Priuatorum ædes ferè omnes è lateribus Sole ſiccitatis, & argillâ ru-
di modo compactis, aut calce obductis conſtant: adeò vt maior pars
maligno ſatis caducòque ædificio conſtructa ſit, nonnullæ tamen ex
cocto latere, calce aut cæmento conglutinatæ, pauciſſimæ ex lapidibus
compoſitæ ſpectantur. Omnes autem licet extrinſecus inelegantes &
viles appareant, intùs tamen comptè & ornate diſpoſitæ, varijsq; man-
ſionibus & cubiculis diſtinctæ, vario etiam marmore atq; opere teſſel-
lato egregiè elaboratæ conſpiciuntur: eumq; pauimento ſubdiali, non
recto cuneatim coeunte cooperiantur, facilis eſt è ſuperiori parte ex
vnâ in aliam tranſitus; maximè quando cohærent.

Incolę partim Turcæ, Mauri, & Hebræi, partim etiâ Chriſtiani ſunt,
varijs inter ſe ritibus diuiſi. Præter Turcas, omnes ferè mercaturam,
vel artes mechanicas exercent Chriſtiani itemque Hebræi à Turcis
Mauriſq; ſeparatas habitant regiones. Omnes vnus Baſſæ (qui ſum-
mus eſt magiſtratus) agnoſcunt imperium: neque iſ in urbem ſolùm,
ſed velut Prorex in multas alias longè lateq; ac vniuerſam Paleſtinam,
Ægyptum uſque dominatur. multoſq; ſibi ſubiectos Saniaccos habet,
Præter Baſſam autem Cadiuſ, Subaſſiuſ, cæteriſq; inferioris ordinis ma-
giſtratus, in hiſ quæ ſui muneris ſunt, populo præſunt, ius dicunt, &
iuſtitiam adminiſtrant: Cæterum hic omnia pondere veneunt; panes
nimirum, piſces, carnes, legumina, fructus, imò ligna: quorum
mira ibi penuria, ob maximam hominum frequentiam. Nam rotuluſ
Damaſcenuſ (qui ponderis eſt genus, libris ſeptem Venetiſ vaciſſque
duabus reſpondens) Maidino Turcico (cùm illic hæreremus) con-
ſtabat Aquam roſarum albarum & rubrarum (quarum maxima hic
copia)



copia (non pondere, vt Itali, sed ad mensuram diuendunt. Verueces hincernas adeo obesos, vt pinguedine fere diffuant, suntque adipe omni ex parte eum in modum obducti, vt carnem internoscere minime queas; adeoque grandes, vt ducentas libras nonnunquam pendant: caudas vero duodecim pondo cubitali longitudine trahunt; reliqua corporis formâ Cyprijs persimiles, licet maiores. Hæc de Damasco: nunc ad iter nostrum redeamus.

CAPVT XII.

Discessus ex Damasco; & Libani montis descriptio.

QVARTO Kalend. Decembris postquam Damasci sexdecim integros dies transegissemus, tertiâ diei horâ sarcinis complicatis, discedimus, damni accepti, ac molestiarum haud immemores. Suburbio superato, per planitiem spatiosam, campestem, irriguam, & vlginosam iuxta Libani montis radices iter flectentes, circa meridiem Restâ venimus. Pagus is est sic satis amplus & frequens, habitatore Mauro, quinto à Damasco situs lapide, à Libano duo distans milliaria: fecundiatque vberis soli gaudens agris, iisque cultissimis. Priusquam verò iter prosequamur, libet obiter de Libani montis, toto terrarum Orbe celeberrimi, situ, vbertate, amœnitate, fructibus, & populis nonnulla hic commemorare.

LIBANVS hebraicè Lebanon, insignis Syriæ mons, sacris Literis celebratissimus, Palæstinæ seu Terræ Promissionis ad Septentrionem terminus eam à Syriâ Damascenâ diuidit. Omnium Syriæ altissimus, iuga in cælum tendentia, ac vertice nubes scindentia habet, mons montium idcirco non immeritò appellatus, quadragesimo & amplius milliario terrâ marique conspiciendum se præbet, suaque altitudine pluribus in locis perpetuas contrahit umbras, à quibus frigora manant, & quibus demum exceptæ niues hærent rupibus, ac diuturnæ fiunt: vnde concretæ & in glaciem versæ caniculares etiam dies exspectant, & paleis, ne liquecant inuolutæ, ad vrbes circumuicinas deferuntur, atque in Bazarris venudantur. Brachiorum verò anfractibus ad Mediterranea vsque longè lateque porrigitur, & vt Plinius refert à Sidone Symiram & Palmirenam vsque regionem 1500. stadiorum longitudine extenditur, diuersaque fortitur nomina, ac multos includit vicos & pagos. Naturâ humidus, imbribus frequens, plurimis ac limpidissimis fontibus scaturit, non solum in radicibus, atque imis locis, sed & in medijs, atque etiam in summis iugis, è quibus adeo copiosæ emanant aquæ, vt earum potu non ne-

Deuter. 3. 34
Num. 34.
Ose. 14.
Ioseph. s. Ant
3.

Hieron. in
Zach. 11. &
Ose. 14.

s. Mat. Hist
20.
Hierem. c. 18.

rosi pecudum greges (quibus maximè abundat, ob frequentia, læta, atque vberima pratorum pascua) satis superque satari queant. Plures præterea riuos, torrentesque, ac fluuios fundit, gignitque. Præcipui sunt Iordanis, Eleutherus, Adonis, Hodie, Canis, Lycus, Affi, Abana, & Pharphar. Valles habet plurimas planas & vmbrosas, quasdam etiam decliues, & apricas, vineis, frumento, hordeo indico, ac cuiusvis ferè generis leguminibus cultissimas. Frondosæ ac densæ olearum sylvæ, varij item generis arbores vberimè hîc crescunt. Cupressi, Larices, Abietes, Pini, Buxi, aliæque. Propter quas dotes ab Oseâ maximè celebratur. Nec dissentit Hieronymus: qui nihil in Terrâ Repromissionis ait eo esse nemerosius, neque condensius. In summis iugis excelsissimæ Cedri, à Salomone toties decantatæ, quibus ad Templi Hierosolymitani ædificationem plurimum usus est, etiamnum spectantur. Vidimus quidem in confinibus Iudææ & Samariæ Cedros, sed nusquam tam proceras: quarum speciem paucis describemus. Est Cedrus Libani arbor conifera, perpetuò virens, pino excelsior, tam crassa, ut vix quatuor interdum, imò quinque viri brachiorum coniunctione truncum complecti queant. E trunco exsurgunt rami frequentes, ac crassi. Hi longè lateque sese diffundunt, & gravitate suâ truncum quandoque incuruant, æqualitate ramorû adpectu pulcherrimi: arte excultos & concisos existimes. Radices habet raras, per summa terræ dispersas, ac detectas ut plurimum: folia angusta, tenuia, dura, & acuta, mucrone capillato, & spinoso: ligno contorto, nodoso: medullâ rubente. Fructus odoratos cyparissinucibus seu conis similes, aliquanto tamen maiores. Per autumnum autem novos fructus cum anniculo dependentes cernas. Vina producit hic mons clarissima, pinguis, mireque fragrantia, ac gustui gratissima, cum alba, tum rubra: quæ epota hærent stomacho, ac leniter permeant, fouentque naturæ vires, præsertim Sardanatica, sic dicta à pago Sardinaia; quo loco Noë primam plantasse vineam, ebriumque à Chan filio illusum fuisse veteres prodiderunt, Sæpius illud Damasci gustavi: & Cretico & Cyprio longè anteferendum iudico. Nullum quippe ventri tumorem, nullum vesicæ impetum gignit: gratum ori, gratum stomacho, ventrique cibo commixtum facile conquiescit, abstergitque mordaces curas, humanis mentibus infestas: cuius laudem extollens Oleas propheta. *Memoriale* (inquit) *eius sicut vinum Libani. Quare meritò cum Boëthio exclamare hîc possem. O felicia huius regionis vina, quæ labantem mæore, animam curisq; depressam, modico haustu erigunt, firmantq; nutantem?*

Manna quoque hîc copiosè colligitur, perfectissimum sanè atque optimum, Italicum longè superans. Cadit autem sub auroram in modum roris & pruina; adhæretque graminibus guttatim, lapidibus quoque

Cap. 14.
Hic. in Zash.
11. &
Ose. 14.
Cant.
3 Reg. 5.
4. Reg. 9.
2. Paral. 2.
Psal. 28. 36.
Isai. 2. 60.
Hier. in Isai.
60. &
Ezech. 27

cap. 14.

que & folijs arborum : cumq; colligitur coagulatur , & ad Solem vel ignem resolvitur : gustu dulce , sicut mel , dentibus adhærens comedentis.

Thus quoque selectissimum, ac fragrantissimum, optimumq; etiam Oseâ teste, hic colligi olim solebat , atque etiamnum colligitur, niuibsq; perpetuis albescit : quod Liban (vt author est Hieronymus) Hebræis dictam, monti nomen dedisse putatur. Herbis item plantisq; medicis, aromaticisque diuersi generis , mirum in modum abundat : quarum optimo fragrantique odore venenosa animalia pelli , ac fugari dicuntur. Cæterum reliquas Syriæ oras amœnitate, fertilitate, situ, pulchritudine, ac omni deliciarum genere, & rerum vbertate, Oleo, pecore, Bombyce, frugibus, ære, ferro, feris, ac volatilibus facile antecellit. Maronitæ populi, Christianæ ac Catholicæ fidei obseruantissimi, nec non & Drusi, seu Trusci, Gallorum (vt ferunt) reliquæ, Libanum, eiusque adiectam regionem incolunt. Hi nutriendis bombycibus (quorum maximam alunt copiam) summi operè dediti, sericisque conficiendis pannis aptissimi artifices , maximum suâ industriâ & opere quæstum faciunt. Hisce de monte Libano enarratis, ad institutum redeamus.

CAPVT XIII.

In Restâ pago mora, & pernoctatio. Bassæ Cairensis comitatus amplissimus, Genizarorum Damascenorum tyrannis, instituta, mores.

Mo x vbi Restam venimus, Mechanum Cadium, itemque Chiecagiam Constantinopolitanum, in quorum comitatu Damascum veneramus, iam aduentasse, ac pagi Messitam cum suis occupasse comperimus : cumque nullum ibi esset publicum diuersorium, sub dio exponere sarcinas nostras, atque iumenta necessum fuit. Hæsimus eo loci in solis vsque occasum. Interim Bassam Cairensensem regio sanè cum comitatu ac fastu ad proximum pagum prætereuntem auidè spectauimus. Comitatus is horas licèt ampliùs sex istac permearet , ad uesperascente iam die necdum transgredi desierat. Tanta enim camelorum lentè progredientium, equorum, mulorum, aliorumque iumentorum aderat multitudo, vt copiosum dixisses exercitum. Agmen postremū præcedebant viginti quatuor sclopettarij ; Occidentales omnes, ac Fidei Christianæ desertores. Sequebatur Bassa sex stipatus cursoribus. Erat is natione Persa, nomine Ibrahim, prouectæ ætatis vir, & (vt facies indicabat) sexagenarius, procerus, patrio more barbatus, barbâ oblongâ, capillis canescentibus, vultu seuerò, facie pingui, ac suffusca,

adpectuque grauis. Vehabatur autem nobili ac præstantissimo mulo, Turcico cooperto stragulo, Phrygio opere ex auro insignito: quod non sellis nostratium more injiciunt, sed equorum, mulorumve eo contegunt clunes. Indumentum Bassæ ex viridi serico rasō, formā communi talari, interiori cingulo leuiter stricto, è quo pendeat acinacis aureo ornatus capulo. Tegmen capitis (quod Tulipanthum vocant) amplum atque ingens, è gossypinā telā viridi & tenuissimā, mirā arte per varias circumflexiones compositum. Cursores vestibus induti purpureis crurum tenus, aureisquē cincti zonis, è quibus pendent acinaces, Seife Arabibus; Italis Cimitarri dicti, manubrijs auro obductis, pileolis (quæ Turcis Vscufij sunt) ex argento deauratis pro capitis tegumento utebantur. Subsequebantur Bassam viri aulici, iuuenes quasi ducenti, in equis nobilibus, ac splendidè phaleratis. Post hos cameratum vehiculum, in quo languentem quendam Bassæ affinem (vt ferebatur) duo muli portabant, vltimum claudebat agmen.

Potuissemus & nos vltius eo die progredi in Bassæ comitatu, verum suasu ducis nostri in sequentem diem abitum protraximus. Dicebat hic è re nostrā futurum si in Mechani Cadij & Chiecagiæ comitatu maneremus; eo præsertim intuitu, quod horum Carauana numero multo inferior esset, ideoque minus nobis immineret incommodi, neque eā alimentorum in itinere laboraturos inopiā, nec eas nos passuros molestias, quibus in Bassæ comitatu redderemur obnoxij. Esse præterea in hoc Chiecagiæ comitatu Genizaros sibi omnino deuinctos & familiares, eosque nobis maximo vsui atque adiumento in itinere futuros, si nostri, rerumque nostrarum patrocinium suscipiant: pactum se initurum cum ijs, vt ab iniurijs nefariorum hominum nos defendant, & à Caffarrariorum vexationibus, exactionibusque liberent. Locum etiam in Chanis procurent commodum, ne cum damno & detrimento nostro sub dio (pluuio præsertim cœlo & ventoso) noctu dormire toto cogamur itinere. His auditis probamus ducis consilium, rogamusque vt cum Genizaris pactum ineat, curetque quod è re nostra putaret: quicquid enim nostro nomine ageret ratum habituros. Is votis nostris annuens, omnia curat libenter, & sedulo. Genizaros, pacto iam inito, ad nos adducit, vinoque exhilarandos non nihil admonet: sic enim captari beneuolentiam & conciliari barbarorum animos asserit. Obtemperatum protinus: inuitati ad cœnam veniunt, mensæ nobiscum assident, cibumque sumunt, & per horas aliquot indulgent genio; ac tandem bene poti discedunt. Licet autem Mahometæa lege vetitus sit Turcis vini vsus; Genizari tamen bibaciores cæteris, eā neglectā, magis illud appetunt quàm nostrates: imò cum id consequi illis datur, multò auidius bibunt; nec enim finem bibendi

bibendi faciunt, nisi ebrii & vino sepulti sint penitus. Cæterum quoniam in Genizarorum mentionem incidimus, lubet obiter hoc loco per pauca commemorare, futura ut opinor, auido cognoscendi res exterarum animo non in iucunda, quæ de eorum statu, militiâ, conditione, tyrannide, vitâ, ac moribus, dum in hisce Orientis partibus peregrinaremur, diligenti obseruatione didicimus, atque etiam re ipsâ experti sumus.

Sunt Genizari siue Ianizari (quod nomen Turcis Nouos homines, seu milites novos significat) Turcarum sclopettarij, ac veterani milites, instar prætorianorum cohortium apud Romanos, bipartitò diuisi, in Constantinopolitanos, seu Aulæ Osmannicæ milites, & Damasce-nos. Hi equestris, illi pedestris ordinis: qui tamen etsi pedites sunt, se alijs nobiliores ac præstantiores putant, nec Damasce-nis cedunt. Omnes stipendio tenui militant, diurnas annonas accipiunt, non menstrua, nec annua salaria, ut apud nostros Principes moris est. Pro cuiusque tamen merito pecuniarij census assignantur, communiter senj, septeni, aut octoni, nonnunquam deni, ad summum duodeni quotidie maidini: quorum singuli Gazettam veteram æquant, vel solidum Gallicum, duodeni nostros stupheros octo. Deliguntur autem ex Christianorum, filijs Europæis; qui à pueris ære publico educantur, Mahometanâ lege imbuuntur, atque ad arma exercenda instruuntur; aut ex adultis Christianæ Fidei apostatis. Hi ut plurimum ad omnia vitia proiecti, damnatiq; iudicijs, vel diuitiarum & libertatis cupiditate pellecti, Christo Salvatore abnegato, decisisq; præputijs, legem Mahometæam amplectuntur: ex aliâ gente vllâ censent neminem. Damasce-ni Genizari (de quibus hic potissimum agemus) mille & quingenti sunt numero, totius velut Syriæ primores habitj, diuitijs & opibus affluentes, & magnæ apud omnes auctoritatis. Tirones, Genizarotos vulgò, alunt plurimos, hic denos, ille quindenos, nonnulli videnos, & plures, iuuenes omnes robustos, & laboribus assuetos; & pro numero seruorum etiam equos alunt; ut nullo ferè negotio, si occasio postulet, supra quindecim millia equitum (uti fertur) brevissimo tempore contrahant. Nulla his alia est cura quàm equos peritè in gyros flectere, arma exercere, equitare, hastâ ludere, aliasq; disciplinas militares discere. Apud dominos non lecto, sed solo, stercâ tantum vel tapeto constrato indormiunt, & Zamberluchis suis, vel Gipenecis sese operiunt. Si Genizarorum quispiam vitâ excedat, ex his in demortui locum alius assumitur. Equos alunt præstantissimos; quos mirum in modum exornant, ephippia imponunt ex holoserico aut corio pulcherrimè elaborata, nostris non absimilia, nisi quod posterior pars paulò sit depressior.

Frazni

Frēni lapillis candidissimis nitent : oreæ bullis aureis, argenteis ve inauratis, interdum æneis, pro cuiusque facultate instruuntur. Maior pars Damasci (quæ primaria ipsorum militiæ sedes est) domicilium habet, cæteri per vniuersam sparsi Syriam, Hierosolymam, Alepum, Amanum, Vmūm, Antiochiam, Lyzzam, Birrham, aliæque circumuicina oppida incolunt. Nullis subiecti legibus, nulli magistratui obediunt Superiorem, præter Imperatorem, agnoscunt neminem. Bassarum auctoritatem & imperium spernunt, negliguntque; suis tantum supremis ducibus, Agæ & Sardario (qui Tribunorum loco sunt) morem gerunt pro libitu. Hi ab Imperatore electi, imperium in cæteros exercent: in demortuorum Genizarorum locum alios ex numero seruorum, Bassis inconsultis, liberè eligunt. Licet autem ab Imperatore creati, ab eius solū voluntate dependant; reprimere tamen Genizarorum audaciam, vindicare tyrannidem, ac debitam in sceleratos exercere iustitiam haudquaquam audent: mortem nimirum veriti, si se illis opponant. Quare tolerare eorum scelera, conniuere delictis, fontes dimittere impunitos, atque ad eorum sese conformare voluntatem sæpenumero coguntur. Cæterum si quæ enormia accendant, committanturve crimina, quorum publicè interfit, quæque ad publicam militiæ dignitatem pertinent, ad Diuanum (ita militiæ supremum Concilium appellant) referunt: à quo hæc, aliæque dissidia publica deciduntur, ac componuntur. Huic enim Diuano præcipuus est scopus, vt publicæ militiæ existimationi consulant, eiusque auctoritatem pro viribus tueantur: quæ verò ad priuatos singulosque attrinent, præsertim negligunt. Hinc faciliè mutuis criminibus indulgent, maleficijs conniuent, vitia & scelera celant. Hinc quoque communi omnium voluntati aut placitis nemo contradicere, aut oppugnare nefanda consilia audet. Si quis fortassis syncerior, atque obseruantior æqui, honestati studeat, rationem amplectatur, iustitiam æquitatemque suadeat, & castigandos nefarios moneat; non solū inuilem se alijs reddit, verū etiam oleum & operam perdit; frustra que suggerit, quæ cæteri existimant rejicienda. Ea propter Bassis omnibus, cæterisque Syriæ magistratibus adeò formidabiles euasere, vt illorum conatibus resistere, aut decreta oppugnare non audeant: quinimo impune omnia pro voto peragere, ac quæuis perpetrare scelera permittant, nemine præsertim de illatis iniurijs, commissisque delictis reclamante. Proinde etiam in quemcunque indigenam aduenamve, siue Maurus is sit, siue Christianus, aut Hebræus, vel leuissimâ occasione sæuire, clavâ lignæ (quam Pisdiganum vocant) ferire licere sibi persuadent: adeò vt honestioribus plebi que iuxta intolerandi, omnibus exosi sint. Vi namque quæcunque placent, exigunt, expilant, extorquent

quent, & ad ossa vsque miseros subditos excoriant. Virgines sepenu-
merò inuitis parentibus, etiam Christianas abducunt, rapiunt, stu-
prantque. Prædia, domos, agros, supellectilemque omnem, alieni-
genarum maximè, si quem è vitâ excedere contingat, per fas nefas-
que sibi vsurpant: quâ ratione ditissimi euadunt, thesauros cumulant,
atque opibus præstant cæteris. Vsuræ præterea (quæ quidem Maho-
metæis vel maximè vsitata est) summoperè inuigilant. Auanijs adhæc
(quo nomine Turcicæ fraudulentia denotantur) innocentes oppri-
munt, grassantur in aduenas, quo pecuniam extorqueant, eorumque
potiantur bonis: cuius rei nostro equidem malo & damno Damasci
periculum fecimus. Nisi enim Genizari fraudis nobis illatæ auctores
extitissent, atque adeò de illorum lucro actum fuisset, vti postea ex
multæ nobis impositæ & Subassio solutæ inter ipsos diuisione didici-
mus, facillimè Bassæ operâ (qui illius iniustæ extorsionis minimè con-
scijs erat (pecuniam à nobis per vim extortam recuperassemus. Etsi
verò nonnulli vt Bassam adiremus, deque vi illatâ quereremur, autho-
res essent, attamen quod de ipsorum ageretur emolumento, tentare
quippiam ausi non sumus; Veriti ne cùm rebus nostris afflictis reme-
dium afferre desideraremus, deteriores eas efficeremus, néve in ma-
ius incideremus discrimen; eiusdem Bassæ exemplo edocti & terrefac-
ti: qui cùm ne proprijs quidem rebus par esset, adeoque neque ma-
gistratus sui auctoritatem, neque publicam dignitatem contra nefa-
rios istos, atque insolentes milites sustinere, ac vindicare valeret; mi-
nus ipsum nobis subsidio venturum, vllumve rebus nostris auxilium
remediumque adhibiturum sperandum erat. Is enim paucos ante dies
quàm Damascum appulissimus, cùm aduersus Genizarorum corruptos
mores, tyrannidemque pro sui magistratus auctoritate nonnulla
statuisset, perversisque eorum restitisset placitis, cedere tandem co-
actus, inops consilij, ac planè animum despondens, intra Serai sui
septa se continebat, ac velut carceri mancipatus, in publicum prodire
non audebat. Adeò autem creuerant aduersus eum conspirantium
motus, atque animorum ardor, vt etiam nisi ab incepto se destitutum,
& iamiam decreta reuocaturum, atque illatam sibi iniuriam offen-
samque militibus remissurum promississet, mortem ei & internecio-
nem minitarentur: quibus quidem motibus & tumultibus ante dis-
cessum nostrum, nec dum pacatis militum animis, aut pace inter par-
tes compositâ, finis minimè impositus fuit. Neque verò magistra-
tum tantum auctoritatem (vt diximus) negligunt, contemnunt-
que, sed & ipsius Imperatoris maiestatem parui pendunt. Quàm lon-
ge enim ab antiqua illâ Osmanidarum militari disciplinâ, ac Prin-
cipis obedientiâ descuerint, declinauerintque, vnum dunraxat ad id

Probandū exēplū recitaſſe ſuffecerit. Solēt Pānonico hoc vltimo bello quorannis ferē regio diplomate ex illorū numero modò trecēti modò quadringēti euocari, quos etſi ſuis ſubſidio in Pānoniam mittere vltro debuiffent, non ſolū tamen ſpretis rēgijs mandatis, ſeueriſque magiſtratum iuſſis neglectis, ex ſuorum numero nullos miſerunt; ſed neque indictum numerum militum ex tironum claſſe ablegârunt: quinimò cū nos Damasci eſſemus, etſi trecentos ex ſuorum numero mittere ab Imperatore paulò ante iuſſi eſſent, ſolos centum quinquaginta tirones amandaſſe fide dignorum relatu accepimus. Eſt autem perneceſſarium iſtaſciter agentibus, præſertim Occidentalibus, è Genizarotis aliquos ſibi duces comitēſve in itinere adhibere: vel ſi id per facultates non liceat, (eſt enim illis ſingulis diebus viritim Cechinus aureus pro menytro numerandus) horum gratiam largitionibus ſaltem emereri, quod niſi fecerint, manifeſto ſe periculo ſciant exponendos. Quòd enim multas difficultates in itinere ſuperauerimus, quòd indebitas Turcarum ac Maurorum exactiones effugerimus, quòd denique commodè, quamvis frementibus & indignantibus Mauris & Turcis, in diuerſorijs habiti fuimus, Genizarorum patrociniò & protectioni planè adſcribimus: quæ ſi deſuiſſet, infinitas propemodum ac intolerabiles perpeſſi fuiſſemus à barbaris iniurias, damna atque incommoda. Putant enim Turcæ Maurique, Occidentales omnes ex auro conſtatos, aurum (pace legentium dixerim) cacare. Aurum omnibus modis vbiuis locorum petunt, vi & minis exigunt, extorquent, atque iniurias inferunt, auro ſe quis vt redimat, & à moleſtijs liberet. Sed ſi vel vnus adſit Genizarus, quite protegat, & illatas iniurias vindicet, ſeque illorum iniuſtis exactionibus opponat, facile multorum petulantiam & vim coërcebit. Adeò ſiquidem Mauri omnes ac cæteri Syriæ indigenæ (cū ſint naturā viles, abiecti, ac timidiffimi) milites hoſce regios pertimeſcunt, vt vnus multorum audaciam reprimere vel minimā demonstratione par ſit. Ex his facilè colligi datur, quantā apud Syros Damasceni Genizari auctoritate polleant, quamque metuuntur ab omnibus: vt non milites ſtipendia merentes, ſed Dominos ac Principes, ſeu Tyrannos potiùs, Mameluchorum poſteros & ſucceſſores iure dixeris. De Genizaris haſtenus ſatis: ad inſtitutum reuertamur iter.

CAPVT XIII.

Doune, Sardinia, & Hadrapagi: eorumq; ſitus; ac circumiacentium agrorum conditio.

. TERTIO Kalend: Decembris, orto iam Sole in Cadij ac Chie-
cagiae comitatu Reſtā diſcedimus per latiffimam fertiſſimamque pla-

planitiem facientes iter. Ad quintum inde milliarym Doume vicum perexiguum Mauro habitatum ad læuam reliquimus: cuius territorium Cannabe ex plurimis aceruis congestis abundare comperimus. Hinc aliquid itineris emens, vniuersam pænè terræ faciem glycyrrhizæ floribus coloris purpurei rubentem magnâ cum voluptate conspeximus. Ad læuam mox ostensa fuit villa Sardiniaia, in ipsa montis Libani costâ posita, Templo Diuæ Virgini sacro (in quo imago Deiparæ à Diuo Lucâ (vt ferunt) depicta asseruatur) percelebris. Quatuor autem pinxisse Lucam imagines Mariæ Virginis vulgi opinio est: quarum vnâ Romæ, alteram Venerijs, tertiam. Alexandriæ Ægypti, quartam Sardiniaie custodiri volunt. Templum id in rupe altissimâ fornicato opere constructum, viginti columnis marmoreis (quæ opus sustentant) decorum est. Imago Virginis quæ iuxta Aram Maximam ferreis cancellis custoditur, plurimis lychnis pentilibus illustrari dicitur. Oleum autem ex eâ fluere, ac septennij spatio in formam carnis mutari, & ad varios multosq; morbos curâdos, atque tempestates maris compescendas præsentaneum esse remedium asserunt. Maronitæ Christiani, eius pagi incolæ, Templi curam & custodiam habent; neque magis his quàm Mahometæis, Turcis, & Mauris venerabile est. Pagus tamè à solis Christianis habitatur. Si Turcæ vel Mauri morari ibi tentent, priusquam annus exeat, secreto Dei iudicio varijs vexati morbis miserè pereunt. De nobilitate vini Sardinatici, quod hîc abundat, supra meminimus.

Circa meridiem Hadram venimûs. Pagus est satis frequens, habitatore Mauro, in latissimâ positus planitie, fertilissimæ glebæ territorio diues, & segete variâ ac frugibus abundans. Quâ parte verò Austrum spectat, solum omne vitibus cultissimum est. Vineæ hîc omnes, vti & reliqui circumiacentes agri, per deductas miro ordine fossas (haud secus ac Insuæbres suos colunt & humectant agros) læto admodum intuitum spectaculo ab accolis irrigantur. Licèt autem vites Mauri colant, ob vititum tamen vini vitum, vuas non torquent, sed ex acinis succum exprimunt, coquantq; donec ad spissitudinem instar mellis ebullierit. Pacmas id Arabicè vocant, nos Defrutum, *Itali Mosto cotto*; eoq; in cibis pro intinctu vtuntur. Nonnulli aquâ multâ dilutum bibunt. Sunt qui vuas deficcant, deficcatasq; per vicinas vrbes atque oppida distrahendâs circumferunt. Alij etiam ex deficcatis, melle admixto & aqua, potionem coquant.

CAPVT XV.

*PER Loca desertæ iter, & in ijs varia Chana, eorumq;
descriptio.*

PRIDIE Kalend. Decembris primo diluculo Hadrâ relicta, Septentrionem versus pergimus. Difficilior utique eo die profectio: per cliuosa namque & salebrosa loca fuit iter, Priusquam tamen montana adscēdimus, altero ab Hadrâ milliario, iuxta vetustum & caducū quoddam diuersorium Turcicum substitimus; Turcarum Carauanam (que de viâ ad dextram quasi trium millium passuum interuallo declinauerat) exspectantes: quâ propius accedente, per horridos, incultos, sterilesque montes, saxeasq; crepidines continuauimus iter: mox in angustum quendam incidimus transitum, in mōtis cuiusdam latere (cognomento lubadin) excisum: qui vtrimque instar parietis ad perpendicularum excurrens, asperum transeuntibus præstabat tramitem. Vesperis superatis montibus, in planitiem descendimus: nec multo post ad Chan quoddam *Coteise* nomine peruenimus. Id recens edificatum, amplissimum, ac elegantis structuræ ædificium, tres continet areas latissimas: prima Bazarro, seu Foro destinata est, altera Messitâ ornata, tertia animalium iumentorumque præsertim stabulis, itemq; aduenarum quorumcunque receptaculis cincta, & quadratis lapidibus strata, pulcherrimum è marmore fontem aquâ vberrium in medio habet. Hâc spatiosa & excelsa vndeque; ambit porticus, cui reliquū ædificiū plumbeis tectum laminis accubat, totamq; per circuitum claudit aream. In eo locus sic satis commodus à Genizaris nobis assignatus est; vbi inter camelos, mulos, equos, asinosque in sequentem diem quieuiamus.

Ipsis Kalend. Decembris per arida, squalida, & deserta rursum loca, difficili sanè profectio, & cœlo admodum pluuioso continuauimus iter. Vesperis Naph Chan, in cliuo quodam situm diuersorium patè madidi appulimus. Id ruinofum ex parte, nec multum amplum, nostræ Carauanæ satis copiosæ capax non erat: vnde Mahometæorū plurimi sub dio dormire, atque algidam transigere noctem coacti sunt: nos verò vel inuitis, & reclamantibus Turcis, Maurisque, Genizarorum operâ sub tectum recepti, ibidem pernoctauimus, loco nobis assignato inter equos, camelos, mulos, ac cætera iumenta; adeo angusto & stricto, ut vix sedendi, nedum corpus extendendi spatium haberemus.

QUARTO Non. Decēbris nocte nōdum exactâ, cœptū prosequimur iter. Post præruptos, difficiles, horridosq; superatos mōtes, circa meridiē planitiem offendimus patentem, eminentē, ad spectu pulcherrimā, diuersi

diuersi generis arboribus stipatam, & vbique cultissimam: in cuius ferè medio Caram oppidum humili impositum cliuo, & fœcundi soli, habitatore Mauro pertransijmus medium. Populosum quondam ac præclarum id fuisse oppidum dirutorum ædificiorum ruine amplissime satis testantur. Subsistente hoc loco Caruanâ, dum Cadius noster ad oppidi Cadium pedes pergit, nos eam nahti occasionem & commoditatem, expositis in gramine cibus, iuxta limpidiſſimæ aquæ fonticulum lassâ corpora paululûm curauimus: mox Cadio redeunte cum cæteris continuauimus iter. Paulò post in deserta rursum atque arida, campeſtria tamen, lateque patentia incidimus loca: in quibus nec domum nec tugurium vidimus, non agros, non vineas, non hortos, non arbores, non nemora; sed terram Solis ardore adustam, sterilem penitus, & infructuosam. Post longû moleſtumque iter secundâ tandem noctis horâ Chan quoddam *Hafſiam* Mauris dictum accessimus: ingentis sanè elegantisq; structuræ ædificium, à Soleimane Turcarû Imperatore (vt ferunt) exstructû: iuxta quod sunt Balnea satis ampla, & magnifica; temporis tamen iniuriâ ex parte collapsa, & ruinosa, nulliusque ferè vsus. Subsistente Turcarum Caruanâ, nos quoque ibidem pernoctauimus; & sub tectum recepti, atque ex longo itinere fessi, optatæ dedimus languentia membra quieti. Diuersorium id etsi in aridâ horridaque exstructum sit planitie, procul à riuus fluminibusque remotum, fonte tamen non caret, optimas, & copiosas aquas emittente. Res sanè admiranda, in desertis aridisque locis fontes reperiri; qui numerosissimis etiam hominum iumentorumque Caruanis sufficiant. Incredibile verò dictu quanto studio, quantisq; sumptibus & laboribus Turcæ primates principesq; viri per subterraneos meatus profundissimos, aquas è locis longinquis, & à fluminibus fontibusque remotissimis ad publica eiusmodi diuersoria in viatorum commodum deduci faciant: animarum id saluti prodesse, ac Deo gratissimum esse existimantes.

CAPVT XVI.

Semſini ſive Chemſi oppidi ſitus. Ab Arabibus diſcrimen: eorumq; conditio, vita, mores, inſtituta.

TERTIO Non. Decembris, horâ secundâ antelucanâ rursum iter arripimus, perque scabrosos montes difficiliter admodum proficiſcimus: quos vt transcendimus, in planitiem denuò incidimus latissimam, & vberem. Circa tertiam diem horam Chems oppidum, alias Semſinum præterimus. Id in amplissimæ planitie, & prospecti-

bus liberæ positum medio, muris, turribus, fossisq̃ue cinctum, mille circiter passus suo ambitu comprehendit. A Mauris autem habitatum, militumq̃; præsidio munitum, aduersus continuas Arabum excursiones, impressionesq̃ue, qui circumuicinam regionem quotidie infestant, Carauanis insidiantur, ac malè tutum reddunt iter, incolis uatoribusq̃; tutissimum præstat refugium, ac propugnaculi loco est.

Subsistere hîc paulisper Carauanæ nostræ Duces, Cadius & Chiecagia, euocatisq̃ue ad se militibus atque oppidanis diligenter percunctati sunt, an quicquam certi de Arabibus haberent, ut quo laterent loco indicarent: quos ubi uicinos esse, ac pridie eius diei oppidum circumuequitasse, atque in latebris hæere intellexerunt, subsistere primum Carauanam, post in tres cohortes diuidi iussere: hoc modo toto composito agmine, ut pars frontem, pars media, pars terga teneret. In primâ cohorte Genizari erant equites quadraginta; qui sclopetis armati, ueluti exploratores, quasi ad duos sagittæ iactus præcedebant. Subsequebatur pari interuallo secundum agmen, è cæteris constans Genizaris, militibusq̃ue, & Turcis, & Mauris, partim hastis è cannis Indicis prælongis præpilatis, partim arcubus, sagittisq̃ue, nec non sclopettis instructis. Hos quasi eodem interstitio sequebantur postremæ cohortis ac Carauanæ nostræ Duces, Cadius & Chiecagia, mancipijs stipati peditibus: postq̃; eos duæ læticiæ, quibus Cadij uxores & pedissequæ uehebantur, succedente agasum, peditumq̃ue, ac reliqua Camelorû sarciniarorum multitudine; cuius nos in asinis mulisq̃ue utrumque claudebamus latus, inermes planè, & metu perculsi non minimo; adeoq̃; neque ad pugnam, neque ad fugam arripiendam apti. Summo itaque cum animi angore, lento gradu prosequentes iter, ac ueriti in singulas horas, imò momenta instans periculum, ac subitam Arabum impressionem (quorum manus euadere nobis impossibile uidebatur) quasi proximam & imminens iam expectabamus ruinam & cladem. Qui præcedebant, sæpiùs hominum multitudine, aut Camelorum aduentantium agmine eminùs conspecto, Arabes esse rati, signo dato gradum sistere admonebant: cognito autem Carauanam esse, procedere iubebant. Sic proficiscentes, fauentibus superis, nullo accepto incommodo, nusquam etiam comparentibus Arabibus, feliciter quidem, si timorem demas, eius diei absoluius iter, ac sub Solis occasum Emesam peruenimus: ubi & substitimus, nocteq̃; proximâ languidi ac fessi quieuius. Carauanæ quæ nobis in itinere obuiam uenêre, præter actores & pedites, ducentis, aliquæ trecentis, quædam quadringentis & ampliùs constabant Camelis. Hi frumento onusti Damascum pergebant, ob summam tunc temporis frumentariæ

tarixannonæ penuriam, quâ Damascus, vrbs alioquin abūdantissima, vel maximè laborabat. Mirum autem fortassis Lectori videbitur quòd cū regiones hæ fertilissimæ, atque omnibus rebus exuberantissimæ ab omnibus prædicentur, annonæ tamen caritate premi eas sæpenu-merò intelligat: sed sciat, non vitio soli, sed agricolarum inopiâ, vel inertia potius id euenire. Nulla namque, aut rara hîc exercetur agricultura; imò nusquam tam neglectui habetur, vt apud hos. Hinc immensas per vniuersam ferè Syriam videas vastitates, & agrorum desolationes: hinc etiam oppida & pagos infrequentes, plurimos etiam desertos & habitatore vacuos reperias. Ad Arabes (quorum frequens suprà habita est mentio) reuertamur. De quorum conditione, vagationibus, moribus, vitæque instituto, priusquam ad vltiora progrediamur, paucis hîc visum est aliquid commentari.

Hi mercatoribus, exteris, viatoribusq; omnibus formidabiles, non modò vniuersam Syriam, sed & Mesopotamiam, Chaldæam, ac vtramque Tigridis ripam ad Persicum vsque sinum atque Ægyptum ferè omnem longè lateque perpetuis excursionibus & rapinis infestant. Ob quorum grassationes, deprædationesque terrestre iter illis in partibus haudquaquam patet, minimeque tutum est. Siue enim Mahometæus quis sit, siue Christianus, aut Hebræus, vel idololatra, parcent nemini; sed in quoscunque obuios, nullo habito personarum discrimine, æquè grassantur, ac sæuiunt. Alij tamen alijs mitiores, humanioresque habentur. Professione Mahometei sunt omnes, conditione pastores gregum, dicti Arabes ab Arabiâ, à quâ oriundi sunt. Gens autem est innumera, potens, bellicosa, atque armigera, vaga, tamen, sine domibus, sine statione, in tentorijs è gossypinâ telâ, vel caprarum aut camelorum pellibus confectis, habitant: sine quiete vllâ sub dio versantur, atque in continuo ferè sunt motu. Hinc ciuitates nullas incolunt, nullaque oppida aut arces possident, nec se eorum muris continent; ex vnâ regione in aliam migrant, & incertis sedibus vagantur, proque pascuorum vbertate, aut animalium commoditate loca commutant. Camelorum dorsis, vbi iter agunt, vxores, liberos, & quicquid habent supellestilis, circumferunt. Miseri sanè, atque omnium rerum egentissimi: quippe qui torpentes otio, labores exosi, neque agriculturæ dant operam, neque artes vllas mechanicas exercent, aut honesto aliquo studio victum quærunt. Licet enim multis in locis agros colere, viridaria & hortos plantare non incommodè possent; malunt tamen fame, siti, ac frigore perire, quàm industriâ aliquâ aut manuum operibus victitare. Sunt verò adusti Solis ardoribus, fusci coloris homines, nonnulli etiam planè nigri, instar Æthiopum, macie confecti, torridi, pannosi, ac panè nudi omnes. Præter gossypinum

pinum enim indusium, manicis quadruplo largioribus nostris, & pē-
 pulam laneam simplicem, *Haba* vel *gaba* nomine, è pilis camelorum
 vel caprarum rudi modo lineis albis nigrisque diuissim contextam,
 manicis vt plurimum carentem, nihil quo se tegant habēt. Nudis ad-
 hæc incedunt pedibus: nobiliores calceos; pauci caligas induunt.
 Tulipan tho (quod tegmen capitis est) è candidâ gossypinâ telâ mul-
 tis gyris insinuatam, ac Turcis perusitatum, caput inuoluunt: idque
 pro symbolo fortitudinis habent, quo admoneantur in bellum ituri,
 ne de reditu, sed de morte potiùs viriliter oppetendâ cogitent. Fœ-
 minæ etiam discalceatæ omnes; vnico amictæ gossypino cyanei colo-
 ris indusio, quod cingunt medium: caput linteo obuolutum tegunt,
 ac faciem velant, passisque vt plurimum incedunt crinibus. Cærulei
 coloris notis frontem, genas, supercilia, ac labra tingunt & inficiunt;
 quibus venustatem sibi addere putant: cùm tamen deturpent potiùs,
 quàm ornent. Inaures, torques, armillas, monilia, atque annulos ex
 orichalco pleræque ornamentis loco gestant. Cibus eorum panis est
 plerumque subcineritius: obsonia lac recens, atque acidum, caroque
 caprina, & camelina: mel & oleum in delitijs habent, & nisi rarò vtū-
 tur. Panem fermentatum perrarò comedunt: cuius adeò sunt auidi,
 vt si viatores habere quippiam comperiant, id per vim, nisi sponte
 dent, auferant. Ceterum ciborum condimenta nulla agnoscunt: igna-
 ri diuitiarum, atque inscij voluptatum, imò omnis planè ciuilis commo-
 ditatis atque vsus expertes. Aurum, argentum, gemmæve, aut vestes
 pretiosas, ducibus, atque optimatibus exceptis, nō possident. Soli came-
 lorum, equorum, & caprarum greges eorum sunt opes. Equos alunt
 graciles, macie torridos, ac tenues, minimeque edaces, cursu tamen
 velocissimos, & laboris tolerantissimos, semel tantum in die pabulum
 potumque sumere assuetos, ea verò audacia & pernicitate præditos, vt
 in obuios impetum faciant, & vbi necessitas postulat, celeritate peri-
 culo se facillè subducant. Ephippijs Turcarum more vtuntur leuissimis;
 quibus laneum tegumentum, quo posteriora teguntur equorum, ac
 loco straguli est, affixum hæret. Arma, præter sagittas, longissimæ
 hastæ sunt, ex cannis confectæ leuissimis, suprâ & infrâ ferreâ cuspide
 munitæ: quas *Zagias* vocant, ac medias agili manu comprehen-
 dūt: dumque iter faciunt, haud aliter quam lancearij seu hastati pedites
 nostri solent, humeris imponunt, vel pendentibus brachijs gestant,
 agitantque circumcirca summâ peritiâ, atque admirabili agilitate, vi-
 brantque eas in hostes eminus & cominus, in aduerses pariter ac fu-
 gientes. Huiusmodi hastis & veteres vsos fuisse meminit Plinius. *Ca-*
lamis (inquiens) *Orientis populi bella conficiunt, calamis picula addunt,*
irrenorabili hamo mortem accelerant, pinna addita calamus. Et paulò post
Cala-

Calami hastarum vicem præbent, additis cuspidibus. Pauci utuntur gladijs; quos *Seife* nominant, nos acinaces reddimus: suntque leuiter incurui; quibus non punctim sed cæsum feriunt. Sclopettarum nullus apud illos usus, aut rarus. Cum nos Syriam peragrarem, fama increbuerat Principem Arabum, qui Syriæ oram Damasco conterminam, totamque eam regionem, quæ ad Orientem vergit, & ad Euphratem usque porrigitur, longè lateque depopulabatur, trecentos sub se habere sclopettarios; qui ob tantas vires & insolitam potentiam, Deserti Rex à suis appellatus, circumuicinæ omni regioni, ac cæteris Arabibus vel maximè formidabilis euaserat. Equorum velocitate in pugnis velitaribus plurimum valent, præstantque cæteris Orientis equitibus: acie verò instructâ præliari nesciunt. Nullo namque seruato ordine hostem temerè adoriuntur, horrendisq; clamoribus cælum implentes, certamina ineunt; cominus manus conferere formidant: sed nunc magno agmine densi in hostem ruunt, modò rari dispersiq; huc atque illuc velirantes hostium copias eludunt, debilesque & defatigatos hoc modo hostes reddunt, adeoque astu magis, ac dolo, quàm prælio, aut robore, & aperto Marte pugnam cient: & exteirent magis hostem, quàm vincunt; superantque potius multitudine quàm ordine. Si copiæ contra eos ducantur, quibus se inferiores esse cognoscunt, postquam diu multumque eluserint, per lata campestria se spargunt, fugaque saluti consulunt, atque ita hostium euadunt manus. Hinc deleri, aut sub iugum mitti ab Osmanicis hætenus nequiuerunt; neque faciliè subiugatum iri existimandum est. In fugam namque acti in intima deserta se recipiunt, vbi lacte camelorum se nutriunt, pelluntque famem ac sitim: si qui eos infestentur, obannonæ penuriam necessariò interire, vel ad suos reinfestâ reuerti coguntur. Cæterum hic barbaris illis præcipuus vitæ scopus est, Carauanis ut infidentur, vias infestent, rapinis latrocinisq; victum quærant, atque aliorum vel labore vel ære acquisita in suos usus conuertant. Rarò propterea viatores negotiatoresque eorum effugiunt manus, nisi ijs numero superiores sint, aut sclopettis eminus pugnam concitatâ deterreant. Quod si verò itinerantes inferiores esse contingat, aut bonis spoliantur, aut impositam hominibus & sarcinis multam, priusquam abire liceat, soluere coguntur: nonnunquam tamen datis obsidibus dimittuntur: quemadmodum Hebræorum Carauanæ (quæ paulò ante nos Damasco discesserat) contigisse cognouimus. Ea quippe, etsi numerosa, prope Serach pagum à quadringentorum Arabum turmâ ex improviso impetita, in prædam barbarorum venit, & multatis in tres taleros singulis Camelorum sarcinis, cum non haberent in promptu unde soluerent, datis obsidibus, pactoque de solutione præstanda inito,

fuere dimissi, relictis interim vltra obsides, ac dono datis octo camelis diuersi generis frugibus onustis. At multo peiorem passa fuit fortunam Chiecagiæ Ducis nostri Carauana. Is namque iuxta vicum Turmiam, duodecimo ab Alepo lapide, postremo nostri itineris die quo Alepum peruenimus, cum nos mediâ nocte præcedentiâ Serach pagocum Cairensis Bassæ Carauanâ ob Arabum insidias iter aggredere-mur, ille verò tardiusculè sub auroram cum suâ Carauanâ sublequere-tur, à barbaris cum suis interceptus, omnibus pænè sarcinis exutus est, nullo eius vel dignitatis, vel conditionis, vel religionis, aut auctori-tatis apud suos habito respectu. Mirandum verò tam barbaram, ac sine iugo & legibus gentem, tam squalidam, & pauperem, se à plagis & nece hominum continere, cum tamen impunè id facere possint: libe-ri enim, nec Otomanum, nec alium quempiam dominum recipiunt; neque supremo vlli obediunt Principi, aut vllius agnoscunt imperiû; sed sine certo Imperatore in plures classes diuisi militant, ac suos qui-que sequuntur Duces; quibus vltro morem gerunt. Etsi verò libertate fruuntur, & potentiâ numeroque plurimas nationes superent; quia ta-men diuersa illos studia & factiones exagitant, mutuiq; idcirco odijs & conflictationibus se lacerant; imperium hætenus nullum constitue-re, aut aliorum regna inuadere potuerunt. Duces quidem nobilitate & auctoritate præstant cæteris, ac magnæ apud suos existimationis sunt: omnes tamen se nobiles, omnes dominos se salutant; omnes naturali quâdam concordia æquo iure censentur. Se solos autem à nullo vn-quam subactos, sed perpetuâ libertate hætenus fruitos gloriantur: ideoq; se cæteris totius Orbis gentibus & nobiliores & digniores au-rumant. Originem verò suam ad Ismahelem Abrahami ex Agar filium, eiusque filios duodenos, de quibus in sacris Literis fit mentio, referunt; atque Agarenos ab Ismaëlis matre, vel à Nabaioth eius primogenito Nabathæos olim appellatos volunt. Sunt præterea ex hac gente plu-rimi Turcis subiecti, sub Osmannidarum Imperio stipendia merentes: quorum nobilioribus etiam magistratus ac dignitates præcipuæ con-ferri nonnunquam solent, qui & magnificentia & opibus inter cæte-ris emicant, Maurisque præsent multas in locis. Sunt quoque ex illis plurimi, qui per vniuersam Syriam dispersi vestigalia (Casarros vo-cant) à viatoribus exigunt; quos vel à publicis quæstoribus certo an-nuo pretio conducunt, vel ab Imperatore beneficij loco tanquam de republicâ benemeriti obtinent: eâ tamen conditione vt itinera publi-ca à latronibus & sicarijs immunia ac tuta reddant: qui licet idcirco viatorum securitati prospicere, eosdemque ab iniustis exactionibus & latrocinijs reddere immunes iure teneantur; sui ramen muneris vt plurimum immemores, quæ in alijs punire scelera deberent: ipsimet

sæpe-

sæpenuerò committunt, atque in viatores ipsos negotiatoresq; læ-
niunt. Inter Arabes, dum Syriam peragraremus, famâ celeberrimus
erat dux quidam primarius, Turcis vel maximè infensus, qui apud
Balzaram, inigne Persidis emporium ad Persici sinus ostium, exerci-
tum ad triginta millia hominum in hostem eduxisse, & fortiter con-
tra Turcarum vires & impetus res gerens, prosperisq; elatus succes-
sibus, sumis eos cladibus afflixisse, atq; indies magis ac magis affligere
ferebatur. Sed de Arabibus satis: reliquum est vt de Drusis siue Truscis
(de quibus suprâ quoque meminimus) qui & ipsi plurimas Syriæ regio-
nes grassationibus & latrocinijs infestas reddunt, aliquid referamus.

CAPVT XVII.

De Truscorum siue Druserum conditione, moribus & vitæ genere.

PRÆTER Arabes (de quibus iam diximus) est & aliud genus
hominum in Syriâ viatoribus molestum, & itinera grassationibus &
deprædationibus infestans. Hi Drusi, vel (vt alij volunt) Trusci appel-
lati, partim Libani montis iuga, & editissimas rupes, partim cuncta ferè
maritima loca à Sidone Tripolim vsque itinere trium dierum incolunt.
Maronitis populis, Christianæ legis cultoribus finitimi, confœderati-
q;ue, Gallorum sese reliquias (qui cùm Duce Bullionensi vniversam
Palæstinam, ac ipsam Hierosolymorum Urbem è manibus infidelium
recuperarunt) iactant: hodie tamen à suis maioribus vitâ & fide mul-
tum degeneres, barbaricam vitam ducunt, exleges planè, nulliusq;ue
religionis censendi; neque enim Christianam, neque Mahometæam,
minus Iudaicam amplectuntur legem. Præputiati quidè sunt, vinum
bibunt, & porcinâ vescuntur carne, Christianorum more: Deum ta-
men eorum trinum & vnum, & Salvatorem Christum non agnoscunt:
sed prophetam quendam nomine Isman colunt & venerantur, Deum
quoque esse credunt vniuersi factorem, quem suorum curam habere
aiunt, ideoq;ue altâ voce, vt eos protegat, inuocant, atque adorant.
Congregationes verò, vel publicas Orationes, ceremoniasve, vt cete-
ræ gentes, nullas habent; templa nulla exstruunt, nec sacrificia cele-
brant; nullus præterea apud eos disciplinæ, aut sacrorum rituum vsus.
Pythagoræ opinionem sequentes, animam ex boni hominis corpore
discedentē in infantis eadem ipsâ horâ geniti corpus; ex mali verò ho-
minis corpore abeuntē in belluæ alicuius corpus migrare aiunt. Cete-
rùm brutis animâibus persimiles, incestibus se mutuò polluant, neque
patres à filiarū, neq; à filiorū nuptijs matres abhorrēt; fratres quoq; so-
roribus cōmiscētur, ferarūq; ritu in promiscuos cōcubitus ruūt. Quod
si eâ de re à Maronitis increpētur, moneanturq; vt deinceps abstineāt,
sana cōsilia floccipendūt, ac nugas autumant Maronitarū monita: se

sibi inquit non alijs liberos procreasse; ad se itaque, non alios, pertinere eorum usum; maximè cum rei propriæ usus nemini vetitus sit. Quem quidem morem apud varias Orbis gentes etiâ olim inualuisse testatur Ouidius his verbis

Gentes tamen esse feruntur,

In quibus & natogenitrix, & nata parenti

lungitur, ut pietas geminato crescat amore.

Quinimo in eam euasere velaniam, ut etiam absurdam & iniquam illorum opinionem existiment, qui contrâ sentiunt. Quis enim (aiunt) plantat vineam, & de fructibus eius non edit? horum quis excolit, eiusque (vti sudoris sui pretio) non vititur fructibus? Nemini sanè iniuriam facere, si quis id faxit. Ita qui ex vxore filiam procreat, eiusque fruitur amplexibus, nulli damnum inferre, aut iniuriam; maximè cum cætera animantia id ipsum naturæ instinctu obseruare manifestum sit. His alijsq; miseri ac maleuasi homines (ne dicam bestiae) execranda ac nefaria sua stupra, incestusq; infames velare, atque excusare nituntur; cum interim à vero rationis & honestatis scopo quàm longissimè aberrantes, non videant quantum humana ab animantium ratione carentium naturâ differat. Sed neque stupris hisce & incestibus contenti, addunt & adulteria. Festo namque annuo, quod solemne habent, tam viri quàm feminae omnes certis in locis ad commune conuiuium conveniunt, ibiq; vino madidi vxores inter se quandoque permutant. Est autem natio hæc velocissima, montibus & collibus percurrentis aptissima; homines in primis industrii, rei bellicæ studijs addicti, audaces, robusti, & peritissimi sclopettarij. Arma eorum acinaces, arcus, sagittæ, sclopettiq; quos ipsimet sibi, cum ex terræ cauernis fodiniquè ferrum abundè eliciant, proprio Marte atque industriâ faciunt. Idiomate omnes vtuntur Arabico. Syrorum seu Maronitarum more se vestiunt; excepto Tulipantho, quod Turcarum instar candidum tenuissimè telæ inuolutum spiris capiti imponunt. Addictiores quidem Christianis quàm Turcis, Mauris, & Hebræis: omnibus tamen, ubi prædandi occasio se offert, æquè infensi. In medio verò Turcarum etsi sedes habeant, libertate tamen plerique eorum fruuntur, & à iugo Turcico viuunt immunes, neminiq; parent: nec enim Regi vlli, aut Principi extero obediunt, cum neque vllus hætenus Turcarum in ordinem eos redigere potuerit; sed ipsi aduersus Turcarum iniurias hostilesq; insultus fortibus inuictisq; animis huc vsque suos fines rutati sunt. Sibi itaque leges & iura condunt, vtentes illis prout libet: suntq; omnibus adiacentibus nationibus obferitatem formidini. Duces sibi eligūt, quos Emiros vocāt; quorū mandatis vltro obtemperāt, ac morē gerunt: præterq; eorū nullius imperiū agnoscūt.

Num-

Numerosiores olim fuisse quàm nunc sunt, fama est: nam ad sexaginta millia hominum adscēdisse dicuntur: cum nūc vix duodecim millium numerum (vt fertur) expleant. Sæpius autem ab Osmannidis armis petiti, Turcicum iugum nunquam hætenus susceperunt: nec Selymus ipse Tauricarum Imperator eius nominis secundus, post debellatos, delatosq; Mameluchos, totamque subactam Syriam, sub iugum mittere eos potuit. Hic ille Selymus, qui profligato in campis Calderanis Persarum Sopho Hulmaële, & occisis postremis Ægypti Sultanis, detractâ Persis Meïopotamiâ, & Maioris Armeniæ magnâ partē, Syriâ & Ægypto occupatis, post auum Mahumetem Imperium Osmannicum maximè auxit, & dilatauit. Sed & in hunc quidem vsque diem veterem conseruassent Drusi libertatem, nisi fraudibus insidijsque Abrahami Bassæ Cairensis anno 1583. insignem cladem accepissent. Is enim pace simulatâ, ducibusque eorum sub specie pacis euocatis ac retentis, cum bellum minimè exspectarent, incautos improuidosque subitâ incursione inuasit, vicofque eorum plurimos ferro flammisque absumpsit; quod cum cæteri animaduertèrent, ne ad vnum omnes delerentur, fugæ sese dedere, arque inaccessa montium iuga petentes, inter abruptas montium crepidines, saltusque occultos sese abdidere. Est autem Turcis vsitatum, quod vi non possunt, aut absque multa sanguinis effusione, dolis & perfidijs aggredi: quibus artibus maximam Orbis partem suo dominio subiecerunt. Hæc de Drusis dixisse sufficiat: nunc iter prosequamur.

CAPVT XVIII.

Emesæ siue Humsæ urbis descriptio.

INCLINANTE iam die venimus Emesam, siue Emisam, Arabibus Humsæ, vel Hamsa dictam Gregorio Emiseno alumno imprius claram, quæ Christianis olim Syriam moderantibus Sardinella fuisse putatur. Hanc multi terram Hus Iob prophetæ patriam autumant: licet alij eam in regione Traconitide statuunt, vbi eius sepulchrum etiânum supereffe memorant. Mihi prior opinio magis arridet, cum & iuxta Iosephum & Hieronymum inter Palæstinam & Cælesyriam media iaceat. Cui consonum est quod à Turcis prædicatur, Moscheam huius urbis primariam supra fundamenta ædium Iob structam esse. Est autem vrbs perpulchra, ampla, ac satis frequens, in planitie latissimâ Apameæ regionis posita, fossis, muris, turribusque validissimis è nigro ac viuo lapide cincta: cui arx imminet situ firma, oualem panem referens formam, edito in colle, manufacto tamen atq; vndique

Gen 10.
Isaeph. 7. Bel
27.
Tyr. 14. Bel.
12. 21.

dique præcepiti, quadratis distincta turribus; fossis eam ambi-
bus profundissimis. Cuius, cui arx insidet, quo difficilior ad summi-
tatem detur adscensus, lapidibus complanatis circūquaq; obductus est.
neglecta tamen hodie, nulloque præfidiario milite munita, tota squa-
lida & ex parte ruinosa iacet. Urbem hanc olim Samareos, à Samareo
decimo filio Chanaan prognatos, incoluisse nonnudi referunt. Archie-
piscopali etiam sede, Christianis in Syriâ rerum potentibus claruisse,
ac quatuor Episcopatibus imperasse, Tyrius scribit. Incolæ hodie Mau-
ri pleriq;, reliqui aut Christiani Iacobitæ, aut Turcæ, vel Hebræi sunt:
quorum pars maxima atendis bombycibus operam dat. Texturæ ibi
plurimæ, in quibus varias è gossypio conficiunt telas, auro & argëto ac
varijs coloris byssino intertextas. Duas etiam nū Christianorū ibidē vi-
dere Ecclesias, vnam Sanctorum quadraginta martyrum titulo claram,
alterā Diuo Eliano dicatam: cuius corpus sub Arâ Maximâ mormoreâ
reconditum tumbâ ferunt. Ædificia ut plurimum foris exilia satis &
turpia adspectu sunt, partim ex luto & latere, partim è saxi constructa.
Fertilissimi soli gaudet territorio, & vbiq; cultissimi: cuius agri moris
albis nigrisq; in primis referti sunt: quarū folijs maximâ nutriunt Bō-
bycum copiâ. Aquarum tamen inopiâ nonnihil laborat: præter vnicū
namq; riuulum, quo campi irrigantur, nihil habet. Iuxta urbis muros,
extra aquilonarē portā, duo spatiosissima visuntur Chana, seu diuersoria
publica, nouū vnū, alterum vetus, vtrumq; magnificum, atq; arēā latif-
simā exornatū. Nouū, vti commodius, tutiusq;, Messitā quippe, fonte, &
portis munitū, atq; ornatū, cū vetus his omnibus careat. Cadius Me-
chanus, & Chiecagia cum suis nobis aduenientibus occupauerant. Ad
vetus itaq; cū locus in nouo non daretur, diuertere necessum fuit: quod
ruinosum, squalidum, & immunditijs plenū inuenimus. Mucheronū
autem operā verri pauimentū, & sordibus liberari ex parte curauimus
ut sessionis saltem locus aliquis nobis foret puluere & stercore vacuus;
humienim sedendum, cubandū, cœnādum, dormiendū erat. Puluere
& animalium fimo ut cunq; deteris, sarcinisq; introportari iussis, cœnā
satis frugalem humi sedentes sumpsimus, ac paulò post defatigata cor-
pora aliquantulo refecimus somno. Alluit nouū riuulus aquæ optimæ,
ex quo fons in interiorē arēam, animalium adaquationi atq; homi-
num necessitatibus & lustrationi accommodus, deducitur. Alij quoque
curipi ex eodem riuulo peringēti rotā lignēā aquarum rapacitate cir-
cumactā, per adiunctas fistulas in urbem quaqua versum ad Turca-
rum Messitas, Chanaq; publica fontibus exornata traducuntur. Haud
procul ab hoc Chano Meridiē versus antiquum videre est pyramida-
li formā sepulchrum, inguens atq; amplum, quadrato constructum la-
pide, Græcā inscriptione insignitum: quod tamen, cum propius ac-
cedere

cedere non liceret, haudquaquam legere datum fuit. Purant aliqui in Caij Cæsaris memoriam erectum esse, eiusdemque epiraphium continere. Præsent vrbitres præcipui magistratus, Saniaccus, Cadus, & Subassius: penes quos incolarum omnium & vitæ & necis potestas est.

CAPVT XIX.

Ex Emesa discessus. A Cadio iniuria, eiusq; ac Turcarum superstitionis Rostel. & Haman urbium situs, & descriptio.

PRIDIE Non. Decembris, quartâ antelucanâ horâ, ac cælo pluuioso Emesâ discedimus, facibusque pro more præeuntibus, sub obscurâ nocte, denso ac continuo imbre iter prosequimur. Simulatque illuxit, ex nostris aliqui citato gradu non nihil progredi, & Turcas antecedere conati, cum in Cadij lecticam (quâ vehebatur) casu incidissent, acriter ab eodem increpati, maledictis, probriisque affecti, referre pedem, & retrocedere sunt coacti. Indignè siquidem ferens barbarus quòd primo diluculo Christianos sibi obuios habuisset, malum nimirum auspiciū ratus, adeoque irâ in ducem nostrum concitus accersiri statim eūdem iubet: qui cum coram adstaret, ut solet hominum malitia ad insana maledicta confugere, stomachatur in hominem, execratur, dirisq; omnibus deuouet; maximæ eum temeritatis arguens, quòd cum Mussulmanorum nosset mores, Frangios non præmonuisset ne paculum tam grâde committerent. Turcæ siquidem ac Mahometæi omnes superstitionibus summopere dediti, cum se solos fideles ac Deo gratissimos existiment, ac cæteros infidelium loco habeant, ideoque *Iaur* vulgò, quod infidelem denotat, Christianum appellent, malo omni attribuunt, si vel ante exortum Solis, vel sub auroram primò Christianum quempiam, aut Hebræum obuium habeant: inauspicatis nimirum successibus, infortunijq; eo die se fore obnoxios arbitrati. Tertiâ ferè diei horâ, latissimâ superatâ planitie, pascuis vberriamâ, in quâ domum nullam, nullum ædificium, nullum tuguriolum conspicias, Rostel siue Rustem vetustissimam urbem (quam olim Sebastopolim dictam multi putant) attigimus. Plurimas ibi ædificiorum reliquias, columnarum series, & ruinarum acervos in dextro cliuo viæ proximo, prætereuntes conspeximus. Tota namq; vrbs in cinerem ferè versâ, ruinis plena, habitatore vacua, squalida omnino, & deserta iacet. Assi fluuius rapacissimus, quem & Orontem vocant, eius septentrionale cornu alluit. Flumini pons lapideus impositus per commodum viatoribus præstat transitum, elegatis

structuræ opus : ex quadratis enim saxis prægrandibus, longus ducentos pedes, latus sexdecim, arcibus denis innititur, & utrimque lapideis spondis pulcherrimè munitus est. Ad pedem pontis in ipsâ fluminis ripâ ingens videre est ædificium, maiori ex parte dirutum, veteris Chani (ut multi putant) reliquias. Ponte superato ad dextram fleximus, viâ accliui & saxosâ. Tum rursus pluuja iugis ac gelida nos adurit; quæ vento vehementi ac rigido commixta, adeo nos paucis horis afflixit, & madefecit, ut vix canisia remaneret sicca. In latissimam denique ac vastam incidimus planitiem, iam diætæ non absimilem, nec latitudine inferiorem, ubique lætam, ac herbidam, Sesamo quoque & Gossypio utcunq; cultam: cui olim Campi Sabæi nomen fuisse putatur. Paulò post Montem Bellarbei vberis soli, nec multum eminentem transcendimus, perque campestria deinde pergentes loca, vesperti Haman vel Aman venimus; quam tanquã fuisse Apamiã, à Seuleuco Nicatore conditam, atque ab vxore eius Apamiã nomen sortitam multi putant; eum antea Pelle, vel Pella diceretur. Possidonius Stolicus (ut author est Strabo) hac oriundus fuit. Est autem celebris, ampla, frequens, & munitissima Syriæ vrbs, post Damascum & Alepum, siue amplitudinem, atque hominum frequentiam, siue munimen, elegantiamque, siue annonæ varietatem, vbertatemque consideres, facilè cæteras Syriæ vrbes antecellens. Situs vrbs ita se habet: in imâ valle posita, fructiferis, amœnisque collibus circumdata, arce eminentissimâ munitur: quæ tanquam alta specula tutissimam eam reddit, ac in circumiacentia arua longè lateque dominatur, magnoque ex intervallo eminus aduenientium conspectui se præbet. Vix autem in ipso aditu vrbs ipsa conspicienda datur; adeo enim collibus undique sepi profunda sedet, ut, nisi quis in ipso limine hæreat, urbem in proximo esse nequaquam animaduertat. Fluius Hase vel Alsi, aut Asser Arabibus, veteribus Orontes, qui & Restem urbem præterfluit, mediam diuidit, ac suburbana prata, urbemque ipsam irriguam reddit. Rotatum namque machinas, quibus ex flumine aqua extrahitur, quæque centenarium numerum superare perhibentur, suis vndis impellens, aquas in maximâ copiâ per fistulas, ligneæve tubos sine negotio per urbem & hortos vicinos effundit, viridaria humectat, & terræ fata plantaque latificat. Hinc fruticum olerumque hortensium tanta ibi copia, ut nusquam vberior. Ædificiorum forma quæ & Damasci; minora licet pleraque, foris & turpia sint. Emicant inter cætera terna publici operis balnea, quæ eximia sanè & spectabilia sunt. Solum omne circumuicinum in fœcundos, amœnosque, ac nitidissimos colles, vallesque distinctum, varij generis arboribus, præcipue ficibus, Mulsis, Moris que albis abundat. Vino quoque optimo, & frumentarijs

*Plan. lib. 5.
c. 23.
Strab. lib. 16.*

ac goffypinis campis cultissimum est. Arx situ licet validissima, muris nimirum atque altissimis turribus cincta, fossisq; profundissimis munita, vacua tamen præfidiario milite, & ex parte collapsa, neglecta omnino iacet. Hæc medium urbis occupat; cliuq; insidet altissimo, oualem referens formam, arci urbis Humsi non ab similem. Adiacent urbi, quâ parte Austrum spectat, plurima superbi operis ædificia, è marmore versicolore mirâ arte composita, Mellitarum formam sphericâ figurâ referentia, quæ veterum Circassorum ac primatum monumenta & sepulchra esse dicuntur. Urbis imperium ac supremum ius penes Saniaccum est. Is Damasceno Bassæ subiectus, vnâ cum Cadio & Subassio Rempubicam administrat. Incolæ vt plurimum Mauri & Christiani, Turcæ perpauci, pauciores Hebræi. Christiani Maronitæ templum ibidem habent satis elegans, Diuo Ioanni dicatum, in quo sacra suo more peragunt. Archiepiscopali quondam sede claruit, semiprem ipsi parentibus Episcopatibus. Sed ad Saracenos deuoluta, multique sæculis spurco Mahometæorum cultu polluta, iterum à Tancredo Antiocheno Principe post longam obsidionem expugnata, & Saracenis erepta, Christiano cultui ab eodem restituta est. Postea rursum labentibus Christianorum in Syria rebus, à Mameluchis occupata, Sultanico Imperio diu subiecta, tandem subacta à Turcis Syriâ, Olinannidarum Imperium subiit; cui etiam paret. Vbi urbem ingressi fuimus, Cairenses Bassam hæere ibidem suo cum comitatu, nec nisi proximâ luce discessurum, intelleximus. Id res nostras plurimum afflixit, nosq; vehementer turbauit: omnibus siquidem à Carauanâ eius numerosissima occupatis urbis Chanis, quò diuerteremus nullus datur locus. Sarcinas idcirco publicâ in viâ in obcuram vique noctem dimittere, Turcarumq; iniurijs exponere, ac pluuiâ penitus madidi, & algore rigidi, intensum noctis rigorem, ac rorem sub dio perferre cogebamur. Operâ tandem Genizari nostri in Chano quodam proximo, discedentibus ex eo Turcis, cubiculum (conductionis prius Chani præfecto soluto pretio) obtinuimus: vbi depositis sarcinulis, fessa longo & molesto itinere corpora, ac fame & sitiferè exhausta nonnihil refecimus, igneque exstructo quo calefieremus, vestesque madidas siccaremus, humi sedentes somnum cepimus. Ob loci verò angustiam, cum vix sedendi nedum cubandi superesset locus, incommodè admodum noctem transegimus, sælices tamen nos arbitrabamur, quòd ad pellendum frigus, ac rorem nocturnum, cæteraque noctis fugienda incommoda, & res nostras conseruandas tutum aliquod receptaculum nacti essemus.

*Tyr. 14. Bel.
sacr. 14. 15.
& 10. Bel.
sacr. 23.*

*Herold. Cont.
Bel. sacr. 6. 9.
10.*

CAPVT XX.

Ex Haman discessus Cairensis Bassæ Carauanæ cum nostrâ coniunctio. Eius castrensis tentoria. Iuxta Sechon Chan Turcarum castrametatio. Conquendi modus: & victus parcitas.

NONIS Decembris sub diei crepusculum vrbe Haman egressi, Aquilonem versus continuauimus iter, cùm iam multo antè ac mediâ nocte Bassa Cairensis cum suis iter inchoasset: quem tamen subsistentem, ac Mechanum Cadium nostræ Carauanæ Ducem expectantem, quinto ab vrbe lapide adsequuti sumus; eiusque deinde comitatu associati Alepum perreximus. In quo quidem itinere latissimas nunc fructiferasque planicies, nunc colles vberes, amœnosque, Oleis, Terebinthis, ac Cocco refertos, nunc desertos & incultos eo die superauimus. Indigenæ Terebinthi semine loco pabuli, Cocci granis ad purpuram tingendam vtuntur. Seminant quoque plurimis in locis frumenti quoddam genus *Hareoman* Arabicè dictum, Occidentalibus vix cognitum, ac solum Epirotis & Corcyreis notum, qui vulgò id Calambochio vocant, & panem inde conficiunt, cuius etiam suprâ meminimus. Plurimi hîc circumcirca visuntur Onagri; è quorum corijs elegantes & insignes conficiunt adaptantque vaginas. Post plurima peracta milliaria, ipso meridie iuxta quadratæ formæ ædificium, cisternæ aquæ frigidæ contiguum, Turcis religionis ergo subsistentibus, & nos substitimus. Interim primoribus illorum & honestioribus ad proximam diuertentibus Messitam, ipsi in virenti gramine vires lassas cibo potuque paululum reparauimus. Regio omnis circumuicina fonte caret & flumine: aquæ idcirco vel maxime indigens est. Hinc puteos & cisternas fodiunt accolæ profundissimas, in quibus pluuialem aquâ conseruant, viatoribus in primis vtilem & percommodam. Redeuntibus Turcis, continuamus iter. Sole denum ad Occasum vergente, Sechon Chan in imâ valle situm diuersorium ex eminenti loco tertio ferè inde milliario se nobis conspiciendum præbuit, vbi Cairensis Bassæ Carauanam iam castra fixisse eminus cognouimus. Arcem oppidumve numerosi exercitus obsidione cinctum te videre dixisses, ob tantam hominum frequentiam, tantamque equorum, ac variorum iumentorum copiam, tot denique castrensis tentoria, pulcherrimo ordine circumquaque disposita. Vbi demum propius accessimus, hinc Dromedariorum Camelorumque mugitus, illinc equorum hinnitus, mulorum item, asinorum, cæterorumque animalium dissonus strepitus, tympanorum adhæc sonitus, clangorque tubarum varius omnium aures

aures obtundebat. Fumabant passim coquinæ plurimæ, adstabant coqui sub dio cœnam suis præparantes heris; quæ res latum spectaculum, nec ante visum nobis exhibuit. Vt autem Lectori innotescat quàm facilè Turcæ (obsoniorum varietatem nil curantes) rem culinariam expediant, quàm parcè item viuant, lubet obiter hoc loco adjicere quis eorum in viâ coquendi modus, quis item ciborum apparatus. Scrobem effodiunt longam sesquipedem, latam palmos duos, non nihil declinem, extremo angulo aliquanto profundiore. In hanc ligna (quæ vel secum deferunt; arbusculas enim aridas in itinere euellunt, atque in fomentum ignis secum asportant, vel è loco vicino, arbuscularum defectu, petunt) immittunt, hæc igne è filice excusso accendunt: mox lebetem æneum scrobi imponunt, coquuntque ad cremorem vsque modò Oryzam, hordeum, vel legumina, modò carnes veruccinas: quas tamen nostratium more non elixant, assântve, sed ossibus denudatas in frusta minutim conscindunt, nullaque additâ aquâ proprio tantùm cum adipe coquunt. Nulla præterea illis obsonia, nullæ dapes, nullus vini vsus. Hinc nullis propemodùm morbis vexati, & robustiores euadunt, & longissimè viuunt. Subsistente hîc Turcarum Carauanâ, & à Cairensibus omnibus diuersorij locis occupatis, sub tectum recepti non sumus. Idcirco cum frigore & rore nocturno conlictantes, totam ferè noctem sub dio insomnem transegimus. Cæterum cum frequens suprâ de Camelis Dromedibusque mentio habitafit, visum est formam ac naturam vtriusque animalis paucis enarrare.

CAPVT XXI.

Camelus quid animalis. Genera horum duo; eorumque conditio.

EST Camelus animal quadrupes, procerum admodum, ac multo altius equo, turpe ad spectu, odore tetrum, exili, longo, incuruoque collo, sed truciore capite: maxilla ei superior quatuor duntaxat dentibus acutis longisque armata, inferior dentibus referta, vti & cæteris iumentis. Gibbosum habet tergus, causam asininam, crura tibiaque prolixas, proplitibus duplicatis: quibus accepturus onus singulatim procubit: carnosos & bisulcos pedes, unguesque aduncos, ac pedum plantam pulposam & mollem, instar spongiæ. Est autem laboris patientissimû, portandisque sarcinis aptissimum, nam trium equorum onera facile ferunt singuli, & supra mille librarum pondus, imò decem medimnos frumenti, vel homines quatuor in lecto iacentes, ac cistis inclusos vehunt commodissimè. Pedatim tamen graditur hoc animal, ut sinister pes non transeat dextrum, aut præuertat, sed subsequatur. Et si verò horrido aspectu, clamoreque ingrato ferox nimium videatur

ignaris: est tamen præter opinionem mansuetum admodum, adeoque cicur, suisque ductoribus obsequens, ut ad arbitrium vocemque eorum in genua, atque adeò in ventrem sese demittat; ac primum, anterioribus prius cruribus, mox posterioribus complicatis, onerata farsinæve tergum imponi sinat: mox ubi se satis onustum esse, ac consuetum habere pondus sentit, (neque enim plus oneris quam ferre potest imponi sibi permittit, nec ultra assuetum procedit spatium) in pedes se erigit. Si assurgere vel inclinare se quandoque à ductore iubeatur, ilicò voci iubentis, ac si ratione uteretur humanâ, obtemperat. Genua callo obducta durissimo habet: subductis quippe sub se cruribus, dum vel depositis farsinis quiescit, vel interdiu noctuq; obiectum pabulum sumit, in ventrem procumbit humi, totumque corpus ijs sustentat. Cum verò inedia ac præcipue sitis patientissimum sit, paruo sumptu alitur; cibi utique ac potus pro tantâ mole paucissimi. Paleâ autem tritâ, vel furfure, aut gramine, vel modico sale vescitur, pascuisque asperrimis fenticosisque utitur. Triginta, imò quadraginta continuos dies farsinis onustum absque ullâ requie progreditur; æstumque diei feruentissimum suffert: triduo, quattriduo, imò diutius sitim tolerat, & impotatum incedit. Sed cum bibendi occasio se offert, ventrem implet, turbata conculcatione prius aquâ. Utinam mittit transuersam, & eam modicam, & tenuem. Per desertâ, arenosâ, plana que loca, obeundis, conficiendisque itineribus aptissimum est: per aspros scabrososque montes non item; idque ob pedum molliorem, & pulpositatem; quos idcirco facile lacerat. Quod si lædi contingat, nec progredi possit, ilicò ductores mactant, corioque detracto, ossa carnibus purgant: quas (relictis in viâ ossibus) inter se diuidunt, & sale conditis ad cibum utuntur. Sub aurâ frigidulâ pigrum est, nisi excitetur cantu hominis, vel sono fistulæ, aut tintinnabuli: quibus plurimis ornantur. Æstu Solis alacrius graditur. Sunt autem Cameli duplici specie, partim villosi, partim glabri: illi frigidioribus regionibus, & hiberno tempore aptiores; hi calidioribus prouincijs, & æstate utiliores. Vidimus ex his plurimos, catenulas ferreas duplices anterioris dextri pedis cruribus gestantes causam sciscitari, didicimus eos Mechæ fuisse, & his catenulis, tanquam sanctitatis notâ à ceteris distinguui, ac præstantiores haberi. Dromedes, seu Dromades, vel Dromadi, vulgò Dromedarij, olim Anacoli, Lagarique dicti, parum aut nihil ferè à Camelis differunt, eiusdem planè formæ, & proceritatis; nisi quòd bina in dorso tubera habeant, graciliores insuper, macilentiores, ac celeriores sint. Hinc non tam ad portandas farsinas, quàm ad equitandum Ægyptijs, Arabibus, Æthiopicisque plurimum vsui sunt. Supra centum milliaria Italica vno die conficiunt, præsertim locis

locis arenosis, & aquis carentibus. Fœminis, quæ ad bellum præparantur, vulvas ferro exulcerant. quo coitu negato fortiores, & prælii aptiores sint. Duos in certamine sagittarios ferunt iunctis dorſis, alterum utrâ fronte, alterum utrâ tergo in hostem pugnet. In Ægypto Arabiſque plurimi nascuntur. in Syriâ pauciores; cameli tamen frequentes, quos inter armenta pascit Oriens. Cairensis Bassa quos secum habebat Dromades, ex Ægypto eduxerat, eoque frontalibus cristis, ac depictis stragulis eleganter ornatos mancipiorum Æthiopum (quæ in ijs equitabant) curæ & regimini demandauerat. Hos pastilibus e farinâ triticeâ confectis, sed parçè admodum reficiebant. Vbi fessiori descendendum esset, bacillo pedes animalis percutiebat: atque ita Dromedarius in terram procumbens, commodam descendendi facultatem illi præbebat.

CAPVT XXII.

Varij peragrati pagi; eorumq; situs: & in urbem Alepum ingressus.

OCTAVO Id. Decembris in Cairensis Bassæ comitatu ante exortum solis Sechon Chan discedimus: mox Macharap pagum (cui Chan satis amplum sed dirutum continguum est) post terga relinquentes, circa meridiem Marrâm (quæ Maronias antiquitus fuisse putatur) venimus. Pagus est satis frequens, & amplus, cliuo insidens non multum eminenti, & teracis soli. Insigne olim fuisse oppidum, peringentes restantur ruinæ, & laxa prægrandia, totum ut plurimum quadrangulari per circumiacentes agros. Tyrius urbem quondam munitissimam fuisse, & à Christianis duce Godefudo Buillonensi vi captam; ac moenibus & turribus deiectis succensam, & in fauillam redactam scribit, Pago adiunctum hæret Diuerſorium amplissimum, ac regij operis quadratâ formâ ædificium, à Sinan Bassa non ita pridem exstructum. Id plumbeis rectum laminis, aream in medio contrinet spatiosam, lapidibus quadratis vestitam, Meslitâ egregiâ, fonte, & duplici porticu ornatam. Territorium omne ferulis soli est: Gossypio & Sesamo utcumque cultum. Bassâ Cairensi cum suis hîc insequentem usque diem subsistente, nobis etiam permanendum fuit. Concameratis autem Chani interioribus à Turcis occupatis mansionibus, sub porticu exteriori satis incommodè vnâ cum cæteris noctem transigimus.

SEPTIMO Id. Decembris primâ antelucanâ horâ Marrâ discedimus, viâq; modò acclui, modò declui pergentes, deserta vndique

& incultâ offendimus loca. Mox. Iouai pagum, quondam urbem amplissimam (vbi ingentes testantur ruinæ) transimus medium. Circa meridiem Meraim vicum, Chano elegantissimo & amplissimo ornatum, ad dextrâ reliquimus. Tertiâ rursus postmeridianâ horâ iuxta Sérach pagum, humili impositum colli subsedimus. Ad collis radicem Chan visitur satis amplû, quadratâ formâ. Id cû propiùs accederemus, postremum claudentes agmen, à Cairensibus occupatû inuenimus. Cum cæteris itaq; Turcis nudâ recumbentes humo, sub dio dormire, intentum perferre frigus, roremque nocturnum, aliaque noctis incommoda perpeti coacti sumus.

SEXTO Id. Decembris, qui Cõceptioni Diuæ Virgini sacer erat dies, mediâ nocte itineri se accingentibus Cairensis Bassæ & Mechani Cadij Carauanis, nos quoq; periculum in morâ rati, nocturnum iter facibus accensis præeuntibus, vnâ ingredimur. Secundâ ab Ortus Solis horâ Barchon siue Barchan Châ prætergredimur. Quinto inde milliario, haud procul à Tumia pago, quem fluuiolus præterfluit, agrosq; circumvicinos irrigat. Alepi montana adscēdimus: quæ etsi mitia sunt, horrida tamen, ac squalida, steriliaque passim se offerunt. Inde duodecim millium passuum continuato itinere, viâ modò accliu, modò decliu, ad dextram reliquimus Lenzariam Messitam, secundo ab Alepo lapide, vbi primum vrbs ipsa conspicitur. Inde decliu semper semitâ ad urbem rectâ perreximus; quâ primâ postmeridianâ horâ læti admodum, & cû summâ omnium voluptate, vtpote optatâ quietis sedem, appulimus. Annus enim iam videbatur quòd longo infesto & incommodo itinere exhausta ferè corpora quieti nulli dedissemus. Ad portam itaq; quam à Carcere vicino Portâ Carceris, itemq; Damascenâ appellât ex iumentis descendimus, & pedibus nullo dato impedimēto urbem intrauimus, ac rectâ ad Diuersorium *Sibene* pergentes, cui Minoritarum coheret Monasterium, Guardianû Hierosolymitanû, & reliquos Minoritas itineris nostri comites eò deduximus: ijsq; valedictis ad Venerorum Consulis ædes, haud procul inde distantes, diuertimus: vbi benignè hospitio excepti, reliquum temporis, quo Alepi moram traximus, transegimus.

CAPVT XXIII.

Alepi urbis encomion: situs, natura loci, merces, fructus, & incolarum conditio.

EST Alepum, seu Chalepum, Mauris Chalep, vel Halep, Italis Aleppo antiquitùs Berhæa, vel (vt alij volunt) Hierapolis dicta, quam *Lib. Hist. 17.* Iouius ab Alepio Iuliani Cæsaris præfecto ædificatam, ac nomen sumpsisse

plisse putat, notissima Syria Comagenæ vrbs, totius Orientis nobilissimum & celeberrimum emporium: populi frequentiâ, ac rerum opulentiâ cæteras Syriae vrbes longè superans: post Constantinopolim & Cairum Ægypti regiam inter Osmannico Imperio subiectas vrbes primas tenens. Cuius si gloriam, si diuitias, si mercium copiam, ac rerum omnium abundantiam, hominumq; frequentiam spectes, regiâ quadâ maiestate fulgentem, velut reginam inter cæteras Orientis vrbes eminentē dixeris. Collibus autē vndiq; circumdata, partim plano, partim cliui insidet, & situ peramœna est. Tres quippe colles mœnibus cōprehendit: quorum eminentissimus est is, qui in ipso fere vrbs vmbilico arcem continet. Singa amnis (qui è Pierio monte per Comagenam tortuosus & leuis haud magnam aquarum molem trahens fluit) vrbem alluit, ac suburbium medium præterfluit, riuilisq; arte deductis vallem adiacentem irrigat, lætificatq; fata, ac demum iuxta Byrram vrbem in Euphratem euoluitur. Ex eo varios per euripos alij in vrbem riuli traducuntur, fontesq; plurimi per vniuersâ fere Carauanferaia, seu Chana, Messitas, ædelq; priuatorum plurimas eliciuntur. Ambitus vrbs sex millia passuum continet. Muris autem fossilisq; etsi cincta sit, nequaquam tamen ita munita est, vt hostium impetum sustinere, aut longam obsidionem ferre queat: collapsa etenim mœnia, ac multis in locis Turcarum incuriâ aperta, & neglecta iacent, facilemque etiam noctu aditum exitumq; præbent. Muri omnes altissimi, & lapidei sunt, ex quadratis constructi saxi, turribus quadrangularibus, sexaginta circiter passuum interstitio seiunctis, interfecantibus; fossâ multis in locis ambiente profundissimâ, a quis tamen carente, & siccâ. Arx quæ media in vrbe est, in tu mulo (vt arbitror) manufacto ædificata, eam satis tutam reddit, & ad propulsandam vim hostilem apertissima est; habetq; turrin decimo ab vrbe lapide conspicuam: quæ tanquam alta specula in circumuicinam omnem regionem longè lateq; dominatur. Formam refert oualem, arci Haman vrbs non absimilem, amplior tamen, altior, munitiorq; fossis circumdata profundissimis; in quibus maxima auium pisciumq; omnis generis generatur aliturq; multitudo: quos nulli fas est interimere. Mirum dictu, mulierculæ prætereuntes frustra panibus auibus præteruolantibus manu porrigunt: piscibus etiam in ipso fossæ alueo nantantibus, & quandoque exilientibus panem, & quicquid cibi habent projiciunt; Deo id gratissimū fore stolidè arbitrantur. Vnico ponte ab australi latere præbet accessum; quem triplici portâ, priusquâ ad penitiora detur aditus, superare necessum est. Is totus lapideus, & mirandâ arte atque opere vel maximè spectabilis, è profundissimis fossis, pluribus

pluribus surgentibus arcubus instar turrium eminentibus innititur, stuporemque suam altitudine, atque operis vastitate intuentibus injicit. Licet autem vetusti operis sit arx, ruinam quoque minetur quibundam in locis muris turribusque non satis firmis, imò fissis, rimosisque, ob situs tamen altitudinem, fossarumque profunditatem, & latitudinem haudquaquam contemnenda est; vel eo magis, quod bellicarum machinarum in ea magnus habeatur numerus, bellicoque apparatu atque milite præsidario munita sit. Præsidium ad ducentos Genizaros adicendere dicitur: quibus præest Arcis Præfectus Bolucballius appellatus. Hi Castriaci dicti, pedites omnes, & sclopettarii, ex Mauris & abiectâ plebe collecti, cæteris longè inferiores habentur, ac nullo ferè apud vulgus & reliquos Genizaros pretio sunt: quippe qui indignos eos putant, quibus arma credantur, quique militaria munera obeant; quod nec Europæi sint, nec ab ineunte ætate armis affucti, sed ex viis & sordidæ conditionis hominibus vnius Bassæ auctoritate censei sint soliti. Urbis portæ duodecim numerantur. Præstant cæteris structuræ elegantiam atque amplitudine Damascena, & Babentachia, neutra tamen, ut nec reliquæ, interdum ab aliquo custoditur, alibi liber cuique patet aditus. Suburbia tria habet amplissima, ædificijs non minus atque urbs ipsa exornata, Giudeidam, Banchutam, & Babentachiam, à Christianis Orientalibus pleraque habitata. Celebrior cæteris est Giudeida, ubi campum cernas latissimum, & spatiosum: in quo singulis ferè diebus hippodromica festa, seu equestres cursus in agitando lanceis, equisque exercendis celebrant Genizari. Intervarias plurimasque Messitas præstant structuræ magnificentiam, & operis multitudinem, atque elegantiam dux recens extructæ, formam sphericam referentes, plumbei que rectæ laminis, rotundis turribus (Madenas vocant) exornatæ. His addi potest & tertia, Christianorum quondam Ecclesia, formam oblongam, aream spatiosam, marmore vestitam, ac porticu eleganti illustrata, turrim adiunctam habens quadratam formam æquilateram, quam nullam totam Syriam vidimus altiore. Huic coheret aliud sphericam figuram Templum vetustissimum, Divo Ioanni (ut ferunt) olim sacrum, nunc à Turcis in Messitam versum: quod licet à multo iam tempore possederint, suoque ritu sacra inibi, publicasque preces habuerint, Altaria tamen, Imaginesque in parietibus depictas integras atque illasas hætenus multorum cum admiratione reliquere: cum tamen vel maxime eas abhorreant, nec ullam admittant, Lege nimirum Mahometicam omnem imaginum usum illis prohibente. Hodie autem perpetuo clausum nemini Mahometæorum pater; neque enim reperias quenquam, qui orationis causam illud frequentare, aut ingredi villo modo audeat, eam ratione

vt à viris fidedignis accepimus) quòd plurimis exemplis iamdudum didicerint, quotquot vel Mauri vel Turcæ id ingredi hætenus tentarunt, secreto quodam Dei iudicio vel membris esse debilitatos, vel morbis diuturnis afflictos diem obiisse, vel subitâ morte correptos perijisse, alijsq; varijs modis Diuinam ultionem sensisse. Licet autem Veneti mercatores crebris apud Aulam Osmannicam (vt nobis relatum est) precibus institerint vt sua inibi peragere sacra ab Imperatore Turcarum concederetur, eo saltem intuitu, quòd nullius apud Turcas vsus esset, & multis in locis ruinam minaretur, proprioque ære id se restauraturos fuerint polliciti, attamen nec precibz, neque pollicitationibus voti compotes fieri hætenus potuere, Lege nimirum Mahometæ id non permittente, quòd semel publicis ipsorum precibus Mahometæo ritu consecratû esset. Indignos siquidem Turcæ Mauriq; existimant Christianos, suos vt peragant ritus, orationesq; eâ in Messitâ, quam ipsi vel semel tantum diuinâ oratione publicè visitauerint.

Varia præterea & magnifica hîc sunt diuerforia publica, nonnulla à mercibus inibi venalibus nuncupata. Præstant amplitudine, vel mercium copiâ Chan Chibir, vel Quibir, Chan Sougier, Chan Gidat, Chan Atic, Chan Agemi, Chan Waivvoda, Chan Abrach, Chan Sibel, Chan Mahomet, itemque Can Sibene. In his etiam variarum gentium mercatores domicilij sui sedem habent. Plateæ publicę strata quidem omnes, sed angustę plurimæ, limbis pleræque vtrimque quadrupedali aut quintupedali latitudine eminentioribus munitæ: qui viatori pediti semitam siccam præstant, quos medius interiacet canalis profundus pedem vnum, latus tres, aut quatuor, pluuiabilibus, fontiumque superfluis aquis recipiendis aptissimus. Per eum Camelorum Carauanæ, cæterorumque iumentorum dorſuariorum agmina gradiuntur. Carrorum aut rhedarum nullus hîc vsus, sed cameli, muli, aut asini sarcinas portant. Priuatorum ædes lapideæ ferè omnes, duarum, rarò trium contignationum, quas subdialibus pauimentis contegunt: in quibus æstate cubilia statuunt, & nocte dormiunt. Exteriores muri, quâ plateas spectant, nullas aut raras fenestras habent, vt vxoribus & pellicibus (quas numerosas alunt) amoris illecebras, & confabulandi cum alijs omnem occasionem præcidant. Zelotypi quippe Turcæ omnes, & vxorum & pellicum pudicitia diligentissimi custodes sunt. In nonnullis tamen primatum & nobilium ædibus podia extra parietem pedes circiter duos aut tres ex tabulis ligneis ad primam contignationem constructa, supraque viam publicam eminentia cernas, quæ ternas in frontispiciò fenestras, ac in vtroque latere vnam, omnes cancellis ferreis munitas habent. Huc non fœminæ, sed viri

conuenire solent, plausus vt captent populi, & aërem. Cæterum omnes ferè priuatorum ædes foris nullo ornatu aut architecturâ spectabiles sunt, intus tamen comptiores, & pulchris habitaculis distinctæ.

Bazarra, quorum ingens est in vrbe numerus, arcta, humilia, & angusta, pleraque portis separata, aliqua interdum ferreâ cathenâ in ipso aditu extantâ, transitu equos cæteraque iumenta prohibent. Singula verò, paucis exceptis, certis mercibus, artibusque mechanicis destinata, à mercibus præstantibus, aut opificibus nomina consequuntur. In his Iudæorum & Christianorum bazarra à cæteris distincta facillè indicant vtra gens suos festos dies agat: nam si Christiani suos, officinas occludunt, neque negotia vlla, aut artes exercent: sin Iudæi, & illi officinis obleratis à negocijs abstinent. Turcæ laboribus vacant, & negotijs, siue hebdomadaria, siue annua festa celebrent, vno duntaxat festo annuo (quod Bairam vocant) excepto. Bazarra hæc vt plurimum negotiationis tempore adeò omnis generis hominibus referta sunt, vt vix detur transitus. Solis autem (vt diximus) distrahendis mercibus destinata cum sint, nec Turcis, nec Mauris, Christianisve, aut Hebræis domicilij loco seruiunt: sed separatas ab ijs quisque suas ædes habet. Fœminas propterea vendentes, aut ementes merces (vti apud nos moris est) nullas ferè in ijs videas, si vetulas aliquot excepias, quæ gossypium & fila torta velatâ facie nonnullis in locis quandoque diuendunt. Præter Bazarra hæc extant plurimis in locis amplæ plateæ, seu fora publica; in quibus viliores quique suas vendunt merces, & vtriusque sexus mancipia venum exponuntur. Suburbana prata horris viridarijsque vt plurimum consista, Aurantia, Citrina, Punica, itemque Persica mala, Ficus quoque, Musas, Oliuas, Pruna, & Amygdala producant innumera: Pyra etiam Pomaque hinc vtrunque proueniunt; sed non in eâ copiâ, neque tam varia, adeoque colorata, vti apud nos. Horti omnis generis oleribus, hortenlibusque abundant. Endiuia, Lactucæ, Caules, siue Braslica varia, Paltinaca, Raphanus, Capparis, Spinacea, Allium, Apium, Cinaræ, Cardus, Beta, Asparagi, Fœniculas, Sesamum, aliaque ibi in multâ copiâ; neque desunt Cucumeres, Cucurbitæ, Pepones, Melenzana varia, Mauris *Bedengiam*, Anguriæque, *batiecha* appellatæ, quæ toto ferè anno perdurant, & in Bazarris venum prostant. Colocassia nusquam vberior. In valle, quæ ad Austrum vergit, vrbi, proximâ, ingentes visuntur Oleæ, Amygdalæ siluestres, Ficus, & Mori, itemque Sebesten, ac Pistacæ arbores innumera, quas Mauri *Fistuc* & *Fisluc* nominant. His ineunte vere germinascentibus tenella germina Turcæ Maurique detra-

detrahunt, ijsque aceto & oleo conditis pro acetarijs vtuntur, quo modo Asparagis Itali. Territorium omne in cliuos vallesque distinctum, cultissimum ferè vbique se exhibet: estque sic satis vberis soli, vt plurimum cretacei, frumentum & hordeum, legumina quoque, Ciceres præfertim, & Phaseolos copiosè admodum gignit; Vineis item vtrunque cultum est. Vinum tamen vt plurimum ab vrbe Nisi ab Alepo duorum dierum iter distante importatur. Auenæ non multæ ferax est, vt nec Fœni: Palea idcirco trita, vel hordeum vel Eruiala vt Eruum (quæ semina pusilla sunt coloris rubri) equorum iumentorumque est pabulum. Fruges, segetesque plerumque in fine Aprilis vel principio Maij demetuntur: id enim in totâ Syriâ messis tempus est Demessas non domum ex agris (vti apud nos videre est) granis necdum excussis in horrea conuehant; sed in aream quandam sub dio comportant, deinde sparsis per aream manipulis, boues & bubalos immittunt, qui in gyrum euntes, pedibus grana nullo negotio excutiant; datique boum vel bubalorum domino certum pro trituratione pretium, seu granorum excussorum decuma: præbetur insuper & animantibus pabulum: quod quidem etiam vetustissimis temporibus apud Orientis populos in vñ fuisse sacræ produnt Literæ. Hinc enim legitur *Non ligabis os bouis timentis in aræ fruges tuas.* Deuter. c. 25. Mos hic tritrandi & Italici quoque vñtaturus est: in eo tamen differunt à Turcis, quod hi bubalos & boues, illi vt plurimum equos triturationi adhibeant.

Porro quod ad magnum Alepinæ urbis splendorem facit, mercatorum omnium commune quoddam receptaculum est, quo ex omni orbis parte terrâ marique pretiosissimæ quæque merces, Gemmæ, Atomata, & Serica aduehantur, atque hinc in longissimas mundi regiones distrahuntur. Omnium siquidem propemodum gentium in illâ exercentur commercia, vndique concurrente multitudine. Hic enim Persas, quos vulgus Agiamos vocat, Indos, Chaldæos, Armenios, vulgò Giolfalinos, Curdistanos, Caramanos, Turcomanos, Georgianos, Ægyptios, Arabes, Græcos, Syros aliosque cernas innumeros. Ex Occidentalibus Venetos in primis ibi reperias, Gallos item Massilienses, Catelanos, Siculos, Genuenses, Anglos, Germanos, Belgasque plurimos. Ex Orientis partibus (vt merces precipuas enumeremus.) hic prostant Piper Syriacum, longum domesticum, itemque siluestre, Piper Indicum, Gingiber, Bulla nuncupatum, Nuces myristicæ, Caryophyllon, Macis, Cynamoma, Amoma, Cardamomma varia, Zeilana, Amabera, Myrrha, Spicanardus, Calamus aromaticus; Cina, Lignum Quaiacum, Lignum Aloës, Radix Pontica, vulgò Rheubarbarum, Cassia fistula, Turbith, Scammonea, Opoponax, Beluvinum, vel Benzuinum, Aloë epatica, Muscus, Ambarium, Tutia,

Galbanum, Sal armoniacum, Assa foetida, Manna Libani, Galanga, Cotollæ, Curcuma, Indacum, vel Indicum, Opium, Gallæ, Lac tamarinum, Camphora, Myrobalana varia, Costus, Cubebe, Malabathrum, Styrax, Crocus, Grana Cocci, Serapinum, Daçtÿli è Mesopotamiâ, Câne Indicæ, vasa Indica, vulgò Porcellana: Margaritæ, Rubini, Smaragdi, Sapphiri, Cyrnei, Adamantes, Sardonicæ, aliæque gemmæ selectissimæ. Bezar item; seu Besoar, Turcis *Pazar*, miræ virtutis lapis. Is coloris subnigri, ad viriditatem tendens, caprarum ex stomacho à Persis Indisq; eruitur; ac contra venena, febresq; pestiferas præsentaneus est, & in summo propterea apud omnes habetur pretio. Eum tamen Hebræi (qui falsâ pro veris sæpenumerò diuendunt) plerumque adulterare solent. Explorandum igitur syncerus ne sit, an adulterinus. Modus probandi varius, nos talem accepimus. Linteolum tenuissimum sputo madefaciunt, aut aquâ: leuiter dein lapidem desuper fricant: quod si flauo colore lapidem tinxerit, syncerum iudicant, aliàs secus. Præter Manna Libani, aliud quoque è Perside in maximâ aduehitur copiâ, vulgò *Transchibal* appellatum; quod supra spinosam quandam herbam Acatiam nomine) à Mauris *Agul* dictam) decidens colligitur, Coriandri semini persimile, aliquanto tamen maius, ab Italico, itemq; Libanico omnino differens, à multis persimile habitum Manna illi, quod olim Israhelitis in Deserto Arabiæ pluit; cuius forma libro Pentateuchon quarto describitur his verbis; *Erat autem Man quasi semen Coriandri coloris Bdellij*. Aduehuntur præterea è Damasco serica varia, è Caramaniâ item Coria coloris varij, quæ vulgus Cordouanos appellat: Gossypium, Filamentagossypina, Telæ gossypinæ, Persarum panni serico & auro intexti, Tapetes Persici, Cairentes, Syriaci. Zambellota varia, nec non & cineres ad Saponem conficiendum idonei, qui ex herbâ quadam *Schinam* nomine in montibus Syriæ in maximâ cremantur & colliguntur copiâ: herbâ namque exustâ oleosi redduntur cineres, & instar lapidis durefcunt. Adeo verò his herbis Syriæ montes abundant, vt earum cineribus integræ quandoque naues onerentur, ac venum in varias mundi regiones exportentur. Ex Occidente plurimæ eo merces nobilissimæ importantur. Serica rasa, Holoserica, Purpura, Panni lanei versicolores, Plumbum, Ferrum, Stannum, Mineralia media, Coralia, Arminij pelles candidissimi, tenuissimæ quoque pelles Cebellinæ, quæ in suffulturâ vestium à solis principibus primatibusq; vsurpantur. Martoræ item, Feliumq; siluestrium pelles, atq; aliæ merces quamplurimæ: præsertim verò Ducati aurei, cùm Vngarici, tùm Hispanici, nec non & Taleri argentei, præsertim.

sertim Batauci, itemque Regales Hispanici; qui etsi Crucis, Diuorum, Principumque Christianorum imagines contineant) quarum vsus lege Mahometâ omnino Turcis vetitus est) suis tamen aureis argenteisque nummis, Arabicis tantum literis insignitis, longè præferunt, atque expetunt auidissimè. Suos autem Sultaninos aureos, cæteraque monetas argenteas, tanquam sibi suspectas, studiosè admodum intuentur, voluunt, reuoluuntque sæpius, adulterinas suspicantes, & nisi iusti ponderis sint, non accipiunt. Nostrorum verò Principum Ducatorum aureorum, atque etiam Talerorum nec pondus quidem, nec probitatem explorant. Tanti verò est apud eos Christianorum Principum pecunia, vt si eam pro mercibus se accepturos sciant, de inito pretio trientem interdum vel quadrantem remittant.

CAPVT XXIV.

De mercatoribus Occidentalibus Alepi commorantibus, eorumque Consulibus iudicarijs. Item de mira columbarum industria & conditione.

INTER Occidentales mercatores (qui ad celeberrimum hoc emporium mercium & negotiorum causâ aduolant) Veneri in primis numero, potentiâ, & opibus principem locum tenent. Quotannis namque supra vigesies centena millia ducatorum aureorum ex negotiationibus merciumque permutationibus conficere dicuntur: quam summam ab hinc annis aliquot duplicatam fuisse nonnulli volunt. Præst in iure dicundo Venetis mercatoribus, eisque subiectis hominibus, iudiciarius Consul, natione Venerus, ex ordine patricio Senatus Veneti suffragijs censerî solitus, cuius magistratus toto durat triennio: quo finito alius in eius locum subrogatur. Est hic summæ apud suos auctoritatis, & existimationis, de causis litigantium cognoscit, multam indicit, & ubi occasio postulat, in infimæ conditionis homines, criminis alicuius reos, inobediēte sive animaduertit, eosque poenâ corporali afficiendos, & flagris cædendos per Genizaros suæ Portæ custodes iubet. Hi numero tres è Damascenâ militiâ selecti, publicâ auctoritate Consuli præsidio sunt. Vt verò ædes Consulis, eiusque familiares à Turcarum Maurorumque iniurijs commodiùs tueantur, apud eas exubant, suumque equile & cubicula aliquot iuxta habent: quod si domo Consul egredi obambulandi vel Ecclesiam adeundi causâ velit, cum sarculis præeunt, baculisque oblongis (vulgò *Muchrir*) quos manibus gestant; obuios quoscunque citò loco cedere transeunti Consuli imperant, viam aperiunt, caduntque renitentes. Singulis autem diurnum à Consule datur salarium, octo Mai-

dini, candela cerea¹, & certa mensura vini. Galli quoque & Angli suos peculiare consules habent : qui & eiusdem cum Veneto auctoritatis sunt, iisdemque fruuntur immunitatibus, ac parē apud suos iurisdictionem exercent. Ceterum quotquot ex Occidentalibus, præter Venetos & Anglos, Alepum accedunt, sub Gallorum Consulis tutelā viuunt, eiusque mandatis obtemperant, & sententijs parent. Gallus, itemque Anglus, ad placitum Regis, cuius personam representant, magistratum gerunt : Venetus (ut diximus) triennalis est. Omnes insuper Oratoris munere sui cuiusque Principis nomine apud Bassam funguntur; plurimi idcirco à Turcis Maurisque æstimati, Bassarum titulo honorantur. Italico omnes vestiuntur more, purpureis, aut è serico rubro vestibus longioribus. In publicum prodeunt vel togati, vel Dulimannis Turcarum more induti : sed & ingenti mercatorum comitati cateruā, præcedentibus Genizaris, famulis, cæterisque domesticis, non respuendam ostentant referuntque pompam. Præter Proconsulem, plurimos sub se curiales quisque Consul habet, præsertim Venetus, à Sacris, à Secreris, à Rationibus, Medicum, Interpretem, Præconem, Pharmacopæum, aliosque minoris conditionis homines, ac famulos domesticos. Quisque verò Consul, tanquam suæ nationis Princeps, protectorque, quolibet sibi subiectos à Turcarum oppressione defendere, & apud Bassam pro vindicandis iniurijs expostulare solet. Neque solum suæ quisque nationis hominibus in iure dicundo præest, verum etiam inter Occidentalem, suæ tamen nationis, & Orientalem quemcunque, si lis oriatur, de eā cognoscere, & sententiam dicere liberè potest : si quis parere Consulis sententiæ recuset, atque ad Cadium prouocet, vel neglecto Consulis tribunali statim coram Cadio, Turcarum in civilibus iudice Occidentalium aliquem citet, aut in ius vocet, auctoritatem habet Consul interdicendi ei omnem cum suæ nationis hominibus negotiationem, additā etiam pecuniariā multā, quam exsoluere statim habet, priusquam negotiari, vel commercia inire cum Frangio, vel Occidentali aliquo ipsi fas sit. Consules hi intra vrbis mœnia se continent, & domicilium habent. Proconsules Alexandræ degunt : ubi exonerandis nauibus, auhendisque mercibus præsunt, cæteraque necessaria munera, quæ eo in loco mercium occasione quotidie occurrunt, obeunt. Porro quod ad Occidentalium Catholicorum Alepi commorantium religionem, & religionis exercitium attinet, liberum est ipsis & quidem publicè eam exercere. Extat enim Alepi Templū, fornicato opere, Venetorum mercatorum in primis operā egregiè ornatum, splendidisque vestibus ac vasis sacrationibus, ad cultum diuinum spectantibus illustratum ; in quo quotidie à Minoritis in Monasterio

sterio contiguo commorantibus sacrum peragitur : concurruntque eo festis maximè diebus, quotquot in vrbe adsunt latini ritus Catholici, vt sacris intersint, Orationibus vacent, Concionesque (quæ certis statisque diebus à Minoritis ad populum habentur) audiant. Neque solum Catholici Occidentales religionis suæ publicū exercitium hîc habent, sed & arma quæcunque gestare, sclopettis vti, perque urbem equitare permissum est; cùm tamen in cæteris Syriæ urbibus haudquaquam id liceat: quinimo nec ipsis Syriæ indigenis Christianis præter arcum ligneum, sagittasque, alia ferre arma in totâ Syriâ fas est. In tantam verò euasere libertatem mercatores Veneti, Anglique, vt etiâ (comitantibus maximè Genizaris) venationibus quandoque operam dent, atque armis instructi ad circumuicina oppida & pagos equis excurrant. Hæc tamen gratis nequaquam, sed Genizaris ad id multo ære conductis, ac præstito tributo concedi quis putet. Huic enim quotquot in vrbe adsunt Christiani redduntur obnoxij.

Id porrò silentio haud prætereundum est quis apud Alepinæ urbis mercatores sit vsus in transmittendis literis vbi celeritate opus est, cùm maximè vel Carauanis ex Indiâ aut Perside aduentasse, vel nauem ex Occidente appulisse, aliaque quæ indies occurrunt negotia, scitu necessaria alibi commorantibus, puta Babylonix, Carahemidæ, Damasci, aliõve, quorum maximè ea scire interest, indicare volunt: quâ in re miram sanè Orientalium industriam, miram diligentiam, & curam conspicias. Habent siquidem columbas ita edoctas, vt quocunque mittantur, eo redeant, vbi primùm exclusæ & educatæ sunt. Ad harum colla epistolam alligant, continentem quæ scire necesse est, easque sinunt auolare: quæ citissimo volatu vnde educatæ sunt, reuolant, ac scripta nunciant. Vt autem sciatur epistolam esse redditam, habent illi alias columbas similiter instructas, per quas si opus est rescribunt.

CAPVT XXV.

Alepinæ urbis incolæ: eiûq; magistratus primarij. Basse nempe in urbem cum solempni pompâ introitus: ac publicæ preces: eiûdemq; in administrandâ republicâ solertia & cura.

ALEPI incolæ (præter varios exteræ nationis homines, qui ex Oriente atque Occidente magno numero eò quotidie confluunt) Christiani, Hebræi, & Mahometæi sunt. Christiani varijs inter se sectis diuisi, vt plurimum in suburbijis suas sedes habent, vbi & Tempia & Oratoria publica possident, in quæ statis diebus ad sacra exercenda conueniunt. Idem quoque iuris Hebræis est, nam & ipsi separatis in locis

locis vbi domicilia habent, suo more sacra peragunt. Mahometæi licet in Turcas & Mauros distincti, sacra tamen & Tempia ac ritus habent communia. Sunt autem hîc Turcæ vt plurimum diuites atque opibus abundantes. alij negotiationibus dediti, alij Mahometææ Legis studijs addiæti, vel Messitis præfunt, vel magistratus obeunt : plurimi stipendia merent. Mauri contrà inopes, & mechanicis plerique artibus dediti, manuum laboribus viuunt, pauci mercaturam exercent, aut Messitis inferuiunt. His omnibus præfunt tres supremi vrbis magistratus, Bassa, Cadius, Subassius. Summa tamen rerum penes Bassam est; cuius imperio parent & vrbis magistratus, cæteri & priuati omnes, ac milites vniuersi stipendia merentes. Alepum siquidem (vt Osmannidarum primùm Imperio cessit) Beglerbegatibus cæteris annumeratum, ab hinc annis nonaginta titulo Bassatus claruit. Huius sanè maxima est auctoritas, & ampla iurisdictio : nam non solùm in oppidanos omnes (vt diximus) sed & in longè lateque circumiacentium vrbiũ & oppidorum Saniaccos. Cadios, & Subassios, cæteroq; minoris ordinis magistratus, ac stipendia merentes imperium exercet. Dum nos Alepum venimus, nullus in vrbe erat Bassa priore enim magistratu amoto, & ad Portam Osmannicam reuocato, successor indies expectabatur : summâ interim rerum penes nouæ Bassæ vicarium (quem *Musalem* vocant) existente. Est autem hæc apud primarios magistratus Turcicos consuetudo, vt simul ac quispiam magistratum ab Aulâ Osmannicâ consequutus sit, Musalemum præmittat, qui antecessori de suo magistratu indicet, vt ille, quem obtinuit, deponat : quo nuncio accepto, statim ex vrbe excedit priuatus, non expectato successore. Quia verò nobis ibidem hærentibus nouus Bassa summo eum apparatu in vrbem receptus est, lubet obiter Pompam in eius aduentu obseruatam paucis hîc addere.

PRIDIE Kal. Ianuarij, anno à nato Christo 1599. cùm nouum aduentare Bassam nunciatum esset : fit ingens populi confusio, & coaceruatio : concurrunt vndique Genizari, atque in armis se congerunt omnes, equos speciosius insternunt, seseque vestibus melioribus induunt, coacto interim magistratuum & optimatum vrbis concilio, vt rationem ineant, quomodo Bassæ venienti obuiam prodeant, eumque in vrbem comitentur. Rebus denique constitutis, quinto ab vrbe lapide regio eum cum comitatu & splendore gratulabundi excipiunt, vrbeq; ingressi summo populi applausu ad suum Seraium deducunt hoc seruato ordine.

Præcedebant Genizari, & subgenizari Damasceni, numero circiter quingenti, nobilibus ac egregiè phaleratis equis insidentes. His ornamenta erant aurea, & argentea mirè splendentia. Sequebantur nobiles

les primatesque viri, vulgò Chelibei, circiter quinquaginta. inde Chiauſij octo mox, Seriphi viridibus cooperti thulipantis quinque. Subſequebatur hos ſicarius quidam ac nefarius homo, pali ſupplicio addi-ctus, camelo infidens cathenâ inclufus & vinctus ferreâ, brachijsque extenſis, tranſuerſæ ſudi (cui mox infigendus erat) alligatus, Moribus ſiquidem Turcarum receptum eſt, vt mortis reus palum ad locum ſupplicij vel inuitus deferat. Barbarus hic vulnere in pectore ſaucius raſis nouaculâ capitis & barbæ pilis, excepto muſtace, caligis que tantum goſſypinis largioribus indutus, cætera nudus, vultu feroci ſedebat intrepidus, atque in obuios quoscuque toruos fleſtebat oculos. Vtrumque eius claudebant latus liſtores aliquot, altâ voce rei ſcelera pandentes, monentesque ſingulos legibus vt parerent, & ab iniuſtâ cede abſtinerent. Mos autem eſt Turcicis magiſtratibus, Baſſis præſertim & Saniacchis, cum populis ſibi commiſſis ſeueros ſe legum executores futuros, & abſque perſonarum reſpectu ex æquo iuſtitiam adminiſtratuſos ſignificare volunt, huiusmodi in primo ingreſſu vti ſpectaculis, vt his territi in officio contineantur. Poſt hunc Subaſſius erat, iuſtitia præſectus, ſplendidis amiſtus veſtibus, præſtanti regio-que ac cultiſſimo infidens equo, magnâ eum liſtorum ſtipante cateruâ. Hûc muh ſequebâtur ſex, binis capſis ligneis onuſti, quas prouetus regios (*Cafendam* vocant) continere ferebatur, eoſque vtrimque cingebant Genizari Caſtriaci pedites duodeni. Poſt hos equitabat Dephterdarius (is nobis Ærarij Præſectus eſt) qui paulo antequam Baſſa adueniſſet, regiam pecuniam Conſtantinopolim miſerat: quam cum in itinere Baſſa offendiſſet, atque ad quadraginta tantum millia Sultaninorum ſeu Ducatorum aureorum adſcendere intellexiſſet, ad vrbem Alepinam remitti, ac Dephterdario reſtitui iuſſerat, dato illi in mandatis, vt maiorem ſummam quàm celerrimè deferendam curaret. Succedebant Dephterdario Turcæ pedites quadraginta, totidem manu-ducenſes equos nobiliſſimos, cataphractos omnes, & ferreis laminis eleganter armatos, vno poſt alium pedetentim incedente. Quinquaginta dein ſclopettarij pedites, Occidentales ferè omnes, & Chriſtiana fidei Apoſtata. Sequebantur hos ſigniferi duo, non iuncti, ſed vnus poſt alium: prior vexilli loco haſtam ferebat globo æneo deaurato, ſummo in haſtili defixo, circumplexis ac dependentibus vndique crinium colligatorum manipulis, ſeu caudis equinis; cuius globi vertici Luna creſcens ex ære pariter deaurato (Oſmannici Imperij ſymbolum) impoſita erat. Alter vexillum geſtabat ex rubro ſerico, latum cubitos tres, longum ſex, in acutam definens formam, literis Arabicis aureis, Dei nomen exprimentibus, in eo depiſtis. Succedebant Curiales, & domeſtici Baſſæ, numero circiter quinquaginta. Dein-

Genizari pedites bini quasi sexaginta, sarculis, & seisis, sclopettisq; instructi, subsequente eorum Duce in equo splendissimo, & nobilissimo, aureâ induto veste. Post hos tympanistæ, tubicines, alijsque instrumenta pulsantes valdè stridula. Proximè equitabat Bassa, cui dexter erat Alepi Cadius. Mos siquidem ita fert Turcarum nostro contrarius, vt dignior & potior à sinistris collocetur, more veterum, apud quos sedere aut stare à dextris minùs honorificum erat, quàm sedere aut stare à sinistris: cuius rei indubitata fides faciunt picturæ vetustissimæ, Apostolorum Petri & Pauli; in quibus videre est Petrum stantem à sinistris, Paulum à dextris, cum tamen constet Petro semper primum locum delatum fuisse. Erat autem Bassa natione Epirota, annos (si faciei credatur) natus quasi quinquaginta quinque, vultu iucundo & sereno, facieque gratâ, barbâ spadiceâ oblongâ, staturâ mediocri, vestito indutus è rubro serico raso, formâ vulgari talari, interiori cingulo seu zonâ sericeâ leuiter stricta; de quo pendebat acinacis aureo capulo gemmisque ornatus. Post Bassam ducentorum circiter equitum lanceas seu Zagaïos Arabum more gestantium incedebat cohors. Postremum denique claudebat agmen captiuorum grex, miseri aliquot atque infelices Christiani Occidentales, Bassæ mancipia, cathenis vincti ferreis, & pannosi omnes, subsequentibus eorum custodibus, loribus ac fustibus miseros gradum accelerare compellentibus. Fuit hic in urbem solemnibus Bassæ ingressus, populo Alepino vndique illi occurrenti, acclamanti, ac fausta precanti, gratum utique ac lætum spectaculum. Dum verò arcem prætervheretur, tam horrendo strepitu bellicæ inibi quotquot erant machinæ, in congratulationis & publicæ letitiæ signum explosæ sunt, vt terra tectaque omnia quasi nutare viderentur. Vbi ad Seraij portam ventum est, ex equo desiliens pedes de felici urbis ingressu publicâ oratione gratias Deo persoluit; eaque finitâ comiter omnibus salutaris, ac valedictis, lætos dimisit. Id verò licet insolitum ante Bassis, optimam tamen futuræ administrationis spem plurimis iniecit. Altero post ingressum die febrî correptus primariam urbis Messitam (vti in votis habebat, ac maioribus magistratibus mos est) Deum pro fælici regimine precaturus adire nequiuit. Octauo denique ab ingressu die viribus integris restitutus, magno cum apparatu & comitatu templum adiit, hoc seruato ordine. Præcedebant primates Urbis, *Chelibegi* vulgò appellati, circiter quinquaginta, regijs præstantissimisque equis vecti; quorum ornamenta vel aurea, vel argentea, gemmisque micantia regium splendorem referebant. Succedebat his Genizarorum satellitium, quasi centum pedites, vestibus indu-

duti melioribus, ornatique Zarcolis, & armati gladijs, est autem Zarcola tegumentum capitis, veluti galerus albus, latam auream fimbriam habens, quæ capiti imponitur: superiori verò Zarcolæ parti sesquispithamam altæ caput inseritur, inferior à vertice capitis infra ceruices in dorsum ad tres spithamas demittitur, & non aliter ac feminarum Gallicarum tegmen, quod *Chaperen* vocant, ab occipite dependet. A mediâ fronte oblonga quædam surgit fistula, seu vagina ænea, partim deaurata, partim deargentata, literisque Arabicis cælata; cui gemmas inserunt, vt plurimum adulterinas: fistulæ seu cono crista superponitur, quæ ornatum addit. Post hos, sequebatur Bassa, sex stipatus cursoribus, Arabicè *Pecis*, vel *Peichis*. Hi vestibus induti erant sericis, testique pileis argenteis deauratis (quos *Vscusias* vocant) oualis pænè formæ, & nonnihil oblongis, rotundi instar calicis, aureisque cincti Zonis, è quibus pendebant acinaces, aureis capulis. Sublequebantur in præstantissimis equis duo venustæ formæ iuuenes, imberbes ambo, Bassæ (vt ferebatur) à cubiculis, aureis amicti vestibus, pharetrâ sagittis refertâ, arcu & acinace instructi. Quos demum sequebatur in composito agmine commune vulgus, atque infima plebs, suum concinens *La Illah- Illa Allah*. Pompa hæc regia à Bassæ Seraio ad proximam procedens Messitam, concurrente vndique (vt in similibus solet) multitudine populi, & Bassæ fælicia acclamante, per aromatam bazarrum deducebatur, vbi singulæ officinæ, dum transiret, innumeris ferè ardentibus cereis ornata, pulcherrimum transeuntibus propter obscuritatem loci reddebant spectaculum. Vbi ad templi valuas ventum fuit, ex equis descendentes, relictis præ foribus equis, pedites templum ingressi sunt; cumque per duas fermè horas precibus inibi vacassent, Templo egressi, eadem quâ venerant viâ, ad suum Seraium Bassam reducere. Sed vt est rerum humanarum varius euentus, nec quicquâ sub Sole stabile sic, ille qui modò summo populi applausu, militumque congratulatione, ac fastu regio in urbem introductus, omnibus acceptus fuit, inuisus nemini, multorum paulo post in se odium concitauit, non quidem suâ, sed aliorum culpâ, & præcipuè Genizarorum; idque ob perditos eorum mores, quibus, ille vel maximè aduersabatur. Licet enim æqui in primis obseruatissimus, ac populo gratissimus esset, adeoque irreprehensibilem, atque acrem se legum vindicæ exhiberet; Genizaris tamen id minimè ferentibus, præsertim quòd seuerè in illorum scelera tyrannidemque inquireret, & in quosuis nullo personarum habito discrimine, æquâ lance animaduerneret, brevis illis inimicissimus & inuisissimus redditus est. Nec mirum equus siquidem iudex

bonorum amicus, malorum hostis est maximus. Ille nihilominus boni Principis & magistratus optimi ratus officium omnium commodo, & publico otio ut consulat, urbem à nefarijs expurgandam statuit: certò sibi persuasum habens, nunquam securam ac fælicem eam rempublicam esse posse, quæ ex legum decreto non gubernetur: quinimò ubi iniuriari, & quævis pro libitu facere liceat, eam tandem ex bono statu recedentem in profundum haud dubiè ruituram. Ea propter ut Damascenorum in primis arrogantiam, & insolentiam compelleret, eorumque flagitia (quæ noctu plerumque perpetrare solent) reprimeret, utque à furibus & latronibus quàm celerrimè urbem expurgaret, dissiparetque concursum impiorum, primà itemque secundà ab ingressu urbis hebdomadà integris ferè noctibus urbem cum plurimo comitatu perequirare, alicuius sceleris reos aut criminis suspectos ubi inuenisset, in carcerem ilicò detrudere, ac proximà luce poenà plecti imperare non est veritus. Adhæc quo maiorem cunctis incuteret metum, nève minùs in ciues quàm milites seuerus esse videretur, adeoque iusti atque optimi regiminis specimen aliquod daret, primis illis magistratus sui diebus pistores aliquot, qui in publici decreti nuper ab eo promulgati contemptum, panes haud iusti ponderis vendiderat, in poenam commissæ fraudis, manibus auribusque publico in Annonæ Bazarro officinarum ostijs clavis affigi iussit. Lanios item nonnullos, qui carnes carius quam ille iusserat, venditabant, vincto ferro proprias ante ædes genis perforatis affigi portis aliorum in exemplum imperavit. Persicæ quoque militiæ Genizarum, qui nervo bubulo (quem *Carauazzam* appellant) villicum vapulare iusserat, atque immodicis flagris pedem illi inutilem reddiderat, poena talionis afficiendum, ac sinistrum ei amputandum pedem pronunciauit. De quâ quidem sententiâ certiores facti commilitones Persæ, ingenti excitato tumultu ad Seraij portam armati omnes (ut hominem ad supplicij locum educendum è licitorum manibus eriperent) aduolârunt. Subassius verò aduentu tumultuque eorum cognito, omnem eorum cognatum elusit, ac ne vi sibi reus eriperetur, ipsis inscijs intra septa Seraij propriâ auctoritate, Bassâ inconsulto atque inscio, pedem militi præcidi curauit. Bassâ ubi in Seraio de reo sumptum supplicium intellexit, id ægrè ferens, quòd iustitiam & mandata sua negligi diceret, neque maius ullum malum quam inobedientiam putaret; Subassium, quamuis multis rationibus se excusantem, magistratu abdicauit, altero statim in eius locum subrogato. Mox etiam Cadium, supremum urbis iudicem, ob non ritè administratam iustitiam, magistratu abrogauit, altero quoque in eius locum suffecto. Hisce alijsque seueritatis exemplis adeò se breui tempore formidabilem cunctis reddidit, ut nemo non

non eius imperium extimesceret, nec quisquam esset qui muneris sui metam excedere auderet. Licet autem ad reipublicæ commodum, atque incolarum in primis securitatem faciat, ut iustitia illæsa seruetur, sceleraque omnia ex equo puniantur, (Qui enim punit iniustos, reliquis facere iniuriam prohibet) Damasceni tamen milites iustitiam exosi, ac suæ magis libidini, quàm publicæ utilitati consulentes, iustum Bassæ imperium ferre diutiùs recusarunt, omnemque mouerunt lapidem, ut supremi illius magistratus auctoritatem deminuerent: ast cum id ex voto ipsis non succederet, exasperati animo, ingentes postea turbas excitârunt: quæ ante nostrum ex urbe discessum nondum fuere loquitur.

G g g 3

IOAN.



IOANNIS COTOVICI
V L T R A I E C T I N I
I T I N E R A R I I
H I E R O S O L Y M I T A N I
E T S Y R I A C I

LIBER Q V A R T V S.

Sacra , ritus , mores , instituta , habitus , & consuetudines
Mahometæorum , itemque Christianorum in Syria
commorantium comprehendens.

C A P V T I.

*Trimestris in urbe Alepo mora. Turcarum seu Mahometæorum
sectæ origo, atque inde nata hæresis Persarum.*



MANSIMVS Alepi totostres menses , nul-
lâ interim nauium oblatâ occasione, quibus
Venetias renaugare daretur ; maritimos cur-
sus præcludente hieme. Nam & eo tempore,
utpote navigationi incommodo, ac minimè
tuto , Venetorum nauarchis nauibus è portu
soluere, ac mari se temerè committere lege
vetitutum est , pœnâ additâ non obtempe-
rantibus. Quæ verò , dum hîc commodam
navigationem expectauimus, de Mahometæorum religione, ritibus,
moribus , cultu , habitu , cæterisque rebus memoratu dignis perscu-
tati fuimus , non ingratum , neque iniucundum fore lectori arbitrati
sumus , si ea breuibus enarremus. Et de eorum quidem religione ini-
tium sumemus , apud quas gentes hæc secta hodie vigeat , quando or-
bi innotuerit , quomodo succreuerit , qui item postea inter se dissecta
fuerit , exposituri.

Lex Mahometæa, quæ Turcis Maurisque communis est, non so-
lum per vniuersum Osmannidarum imperium, puta Ægyptum , Sy-
riam , Armeniam , Mesopotamiam, Chaldæam, Cappadociam, Asiam
minorem,

minorem, Imperium Trapezuntinum, Græciam omnem, insulasque & Maris Mediterranei & Archipelagi, Peloponnesum item, Epirum, Ætoliā, Achaiā, Macedoniā, Sclauoniā, Bosniā, Walachiā, Seruiā, Bulgariā, Mysiā, Vngariā, siue Pannoniā, aliasque regiones; verum etiam apud Scythas, Tataros hodie (vel ut alij volunt) Tataros appellatos, Persas, Indos, Arabes, Æthiopes, Africanosque; ceteros longè latèque dominatui. Hic quidem omnes vnum Deum creatorem vniuersi confitentur, & adorant; Mahometem autem nuncium, atque prophetam Dei vltimum, itemque Paracletum in Euangelio promissum, ceterisque; qui ante eum fuerint, & digniorem, & gratiorem, ac Deo chariorem affirmant. Opinionibus tamen circa legis doctores, & Mahometis in Caliphæ dignitate successores, plurimum inter se differunt, variosque; sectantur interpretes; quod ut exponam nostro proposito non videbitur absolum. Heraclio Cæsare cum magnâ ex parte Imperium Rom. concidisset, noua è profundo barathro erupit religio, seu clades potius, ac lues humani generis. Ea initium sumpsit ab Arabe quodam Mahomete nomine, qui humili & sordido loco natus, ad maiora adspiras, ausus est Prophetam se dicere à Deo missum, qui leges perennes, nouissima sacra mortalibus traderet; cui nec acrimonia ingenij defuit, nec peritia sacrarum rerum: quam ex Iudæis & Christianis hauserat. Hic flagitia sua, ac mores quantumvis perditissimos callidissimè sciuit occultare; & si quando emergerent, in Deum & religionem transferre, ut faciliè barbaros & rerum ignaros à veri cognitione auerteret, atque in suam sententiam traheret: eoque magis, quod nouas leges (quas stupidis ea tempestate Arabibus & idololatriis imposuit) ad Gabriëlem angelum referret: quo monitore sese omnia gerere mentiebatur. A Christiano autem Monacho Sergio, hæreseos damnato, & ab Italia profugo, adiutus, hæresim omnium pestilentissimam in lucem edidit, imò potius omnes antiquarum hæresum fæces, quas diabolo imbuente forbuerat, reuocauit. Cum Sabellio & Arrio Trinitatem abnegauit: cum Ebione & Nestorio Christi diuinitatem abiecit: cum Macedonio Spiritum sanctum Deum esse noluit: cum Manicheo mortem Christi negauit: cum Cerintho circumcisionem tenendam docuit. Adhæc leges sanxit, quæ mortalibus maximè arriderent, neque iuberent quidquam, quod explendæ libidini aduersum esset; ut sic homines seueritatis legum suarum pertæsos ad se pelliceret. Neque improbam spem fefellit euentus, nam ut sunt plerique; magis ad vitia quàm ad virtutem proni, breui factum est, ut etiam multi à Christianâ fide desciscentes, pessimam eius legem amplexi fuerint: Quibus artibus tandem regnum adeptus, hoc successulatus, nefariam hæresim longè latèque disseminauit: iacto quidem
dolus

dolis fundamento, gladijs tamen prolato imperio: nam quos arte capere non potuit, viribus in nouum dogma subiugauit. Quo humanis exempto rebus posteriaucti viribus & potentia, mirum in modum Imperij sui limites propagarunt, vt iam Asiam, atque Aphricam pænè totam, ac magnam Europæ partem inuaserint, victorijque frequentibus fermè Mundum occupauerint vniuersum. Proximi in regno successores fuere Ebuhebir, Osmer, Osman, denique Alim: qui tanquam sacrorum reges & supremi legis Mahometæ Caliphæ, plurima Mahometis scriptis addiderunt. Hos, itemque Ebuhanifen, Malichim, Schaaffim, & Achmetem Sembelim, velut eximios Mahometæ legis doctores, seu Imamos, aut Santones, Turcæ, Arabes, Tataři, Indi, Africanique Mahometani omnes venerantur. Contrà Persæ hos omnes, Ali seu Hali excepto, velut hæreticos detestantur, scripta & libros eorum, vbicunque reperiant, flammis exurunt; crudeliter etiam in eorum obseruatores animaduertunt; Scheichadaris verò atque Harustis doctrinam veluti legitimam, ac cæteris sinceriolem, & saniolem amplectuntur; quos tamen reliqui Mahometæ sectæ cultores execrantur. Hinc cruentum & vehemēs inter Persas & Turcas iamdudum ortum est bellum, atque ingens odium, vt in se mutuò tanquam hostes accerrimos, & hæreticos pestiferos, crudeliter sæuiant. imò in eam rabiem progressa est religionis dissensio, vt Muphtis (qui est apud Turcas supremus sacrorum antistes) in Persas sententiam tulerit, quâ gratiùs esse Deo affirmat religionis causâ Persam vnum occidere, quàm septuaginta Christianos Mahometæ legis hostes acerrimos. Sumpsit autem hæc noua Persarum opinio exordium à Santone quodam Scheichadare nomine. Is regnante Vssum cassane Persarum rege, posteaquam diu latuisset, & ab hominum conuersatione remotissimam duxisset vitam, tantam sanctitatis opinionem, atque auctoritatem apud vicinos populos est consequutus, vt simul atque è latebris prodijset, ingens hominum multitudo (vt sunt semper humanæ mentes nouarum rerum cupidæ) ad nouum Doctorem è vicinis regionibus confluxerit, ei que adhæserit. Inter cæteros verò quidam Erdebil illustrinatus familiâ regulus, Ismaëlis Sophi Persarum postea regis pater: qui cum causâ illius, tanquam rectæ religionis, ac sanioris doctrinæ patrociniū suscepisset, eius fretus viribus, in Rezâ Persidis oppido nouam doctrinam primū disseminauit. Docebat autem ille non esse præstandam fidem tribus Mahometis prophetæ socijs, ac primis illius in regno & Caliphæ dignitate successoribus: verū ijs posthabitis, solum Alim, si salui esse vellent, in omnibus sequendum: eum namque fuisse legitimum Prophetæ successorem, ac verum Legis interpretem, & Calipham, non alios. Ad suam verò doctrinam com-

pro-

probandam, Aliisque auctoritatem & dignitatem corroborandam, maiorem denique dictis suis fidem acquirendam, reuelatum sibi à Deo asserebat, Angelum Gabriëlem è cœlis in terris quandoque missum, qui Alcoranum diuulgaret, eumque Dei præcepto Ali primùm traderet, sed errore decipum Mahometi obtulisse. Deum verò eâ re nihil offensum, quippe qui hunc quoque tali dono dignum censeret; prætulisse tamen Alim Mahometi, vel saltem æquasse. Hinc quoque Mahometem Alim tanquam cæteris digniorem, & rebus gerendis magis idoneum, atque etiam sibi propinquiorem, ut qui esset ipsius gener, testamento non solum hæredem instituisse, sed & Caliphem & regni successorē declarasse. Ebukebirem nihilominus, spreto Prophetæ ultimo elogio, quorundum adiutum fauore per iniuriam se Caliphem constituisse. Hunc secutos Osmerem, & Osmanem: Ali interim dignitate sibi testamenti iure debitâ spoliato, in speluncâ quadâ abditâ latente, & priuatâ ducente vitam: donec tandem illegitimis extinctis Caliphis, Dei iudicio in debitâ sibi Caliphis dignitate succederet. Ideoque cum manifestè inde constare diceret, primos illos post Mahometem Reges supremæ Prophetæ voluntati restitisse, & decretum irritum fecisse, perduelles atque hæreticos existimâdos, adeoque quæcunque literarum monumenta post se reliquissent, flammis esse mandanda. Ut verò sui aliquo signo à cæteris secernerentur, voluit ne lineis inuolucris, ut Turcæ, fastuosè caput ornarent, sed tegmine tantum laneo & vili vterentur. Hinc Persæ etiamnum, contra morem Turcarum nequaquam Tulipantho albido, sed rubro è lanâ pileo, duodecim habente plicas, vel Tulipantho lineo versicolore caput tegunt: qui idcirco à Turcis contemptim *Cuselbassî*, id est, Ruber capite, appellantur.

CAPVT II.

De varijs Mahometææ Legis cultoribus, eorumque (& præsertim Turcarum) conditione varia.

PRAEVALENT cæteris omnibus Mahometææ legis cultoribus quatuor præcipue nationes, viribus, imperio, & numero: Arabes, Tataři, Persæ, & Turcæ. Inter hos Arabes: uti legis primitiæ, vetustioresque cæteris, superstitiosi admodum & Zelotypi in primis, maximo in Christianos odio ardent. Persæ contrâ mitiores, benigniores, & humaniores, Christianis non adeò sunt insensu. Tataři Gentilium ritibus ex parte dediti, feroces quidem, & in Christianos inhumani, cæteris tamè simpliciores rudioresque habentur. Turcæ verò Chri-

stianorum infestissimi hostes, dominandi libine agitati, ac Marti quodammodo consecrati, armis potius vacant, quàm religioni. Hinc regnorum amplitudine, potentiâ, felicitate, ac rerum gestarum gloriâ ceteros omnes Mahometæos longè antecellunt. Turcarum autem alij sunt nati, alij facti. Hi vel Christianæ vel Moylaicæ Legis desertores, Mahometanam sectam vtrò amplectuntur, vel à pueris in seruitutem abducti, propriæ Legis nescij, falsâ Mahometis lege imbuuntur. Ea enim est misera sanè Christianorum in Europâ sub Turcâ degentium conditio, vt vel inuiti filios à se diuelli parentes patiantur: cui namque terni sunt filij, horum tertius Chiausij arbitrio eligendus iure tributi cedit Imperatori. Hebræi, cùm Mohometæam legem profiteri volunt, iam circumcisi, abiuratâ tantum Moylaicâ Legge, solo iuramento professionem suam edunt: ita tamen, vt baptizati prius Christum Mariæ Virginis filium fuisse Messiam, à Deo patribus promissum, & à Prophetis prænunciatum, iam in cælo corpore & animâ manentem fuerint confessi. Christiani adulti prius circumciduntur, & crucem sibi oblatam ter pedibus conculcant, & ter conspuunt; hæc subiungentes verba. *La Illah Illa allah, Mahomet rusul Allah*: id est, Non est Deus nisi verus ille Deus, qui creauit cælum & terram, Mahometes nuncius Dei. Interim tres ex adstantibus Turcis toridem cælum versus sagittas emittunt; quæ priusquam in terram decendant, nomen ei Turcicum imponunt Marem Thulipanto, splendidissimæque vestibus ornatum toto biduo per urbem æquo vectum circumducunt, eâ ratione ne quis postea iniurijs eum veluti infidelem lacestat, sed omnes liberum ac Mahometæi iuris hominem esse agnoscant. Si honestioris conditionis sit, Chelibæi, proceresve urbis, nec non Genizari, equitantem per urbem honoris causâ comitantur; solemnem sanè pompâ. Præcedunt signiferi templorum insignia Dei nomine insignita gestantes: succedunt tibicines, tympanistæ, alijque diuersa pulantes instrumenta stridula: subsequitur multitudo populi, virilis sexus homines; hi suum *La Illah Illa allah* elatâ voce decantantes, tanto strepitu, tantoque stridore voces tollunt, vt adstantium & prætereuntium aures obtundant. Inter hos medius equitat Nouitius; quem denique sequuntur nobiles ac milites Genizari, in præstantissimis equis. Tercio autem die circumciditur: & ex eo tempore Musulmanus, id est Orthodoxus, aut Rectè credens ab omnibus appellatur; potestque liberè Mahometæorum ingredi templa, interesse sacris, ac legere eorum sacros codices, nec non quæcunque munia, præter ecclesiastica, vt nati Mahometani, obire. Turcæ, Mohometæique ceteri liberos suos non octauo à natali die, quemadmodum Hebræi, circumcidunt, sed cùm ad minimum octa-

octauum, nonum, decimum, vndecimum, aut duodecimum annum attigerint, Sunt qui in decimum tertium annum circumcisionem differant, exemplo Ismaëlis filij Abrahæ, eâ quidem ratione, vt per se fidei suæ professionem edat, quidve agat intelligat, sciatq; fidei, quam quisque professus est, aliqualem reddere rationem. Circumciduntur Turcarum filij vel in templis, vel in ædibus parentum, proximis cōsanguineis conuocatis; & quemadmodum nostris liberis nomina in baptismo indimus, sic Mahometæi suis infantibus nomina in ipsâ statim circumcisione imponunt. Chelibei seu primates Turcici cū filium circumcidi volunt, festum diem agunt, & solemne conuiuium celebrant. Inter epulas tempusque cœnæ adducitur puer circumcidendus, cuius glandem illius artis medicus reteggit, & replicatam pellem forpiculis apprehendit. Deinde quo metū adimat puero, ait se in proximam diē circumcisionem peracturum; atque ita re infecta discedit. Mox simulans quasi omīssum aliquid esset quod ad præparationem attinet, membrū rursus attrectat, atque ex improuiso præputium abscindit, vulnerique parum salis & gossypinæ telæ apponit, Per triduum conuiuium continuant, eo absoluto circumciscus ducitur in balneum cum maximâ pompâ. Cū domum redierit, ducitur per conuiuias; qui parati illi munera offerunt. Alij vestes sericas, alij scyphos argenteos, alij pecunias, alij equos. Mulieres quoque & sua addunt donaria, aliæ sudariola, aliæ indusia, aliæque linteola: & prout cuiusque sunt opes, suam quisque liberalitatem in circumciscum ostendit. Sunt ex primatibus qui in circumcisionis festo bouem integrum exenterant; ouem ventri, oui gallinam, ac gallinæ ouum includunt: ventrem hoc modo confertum consuunt, ac publicè assant, postea cum propinquis lautè epulantur: quod superest, in pauperes erogant. Circumciscum albedo Thulipanto mox ornant: pueri siquidem Turcici nōdum circumcisi pileolo serico versicolore, eiusdem ferè formæ, quo apud nos honestiores pro tegmine domi vtuntur, caput tegūt. Diximus supra, Turcarum factorum alios esse Christianorum filios Europæos, pueros adhuc à parentibus vel inuitis diuulsos, ac perfidâ Mahometis sectâ imbutos, alios grandiores natu Christo abnegato Mahometæâ perfidiâ amplexos. Vtrique autem armis destinati, illi vbi ea exercere incipiūt Azamoglani dicuntur, Genizaris postea adscribendi vbi in viros euaserint. Hi statim vbi Christianam fidem abnegauerint, ex ordine Genizarorum censentur, stipendiaq; merent. Horum plerique si mancipia fuerint, vel pœnas indictas veriti, vel seruitutis incommoda exosi, id scelus committunt; si liberi, vel causâ vindictæ, vel desperatione vt plurimum ducti, vel publicis iudicijs damnati, spe lucri, atq; honorum

fastu allectati, in principes vt euadant viros, diuitias consequantur, ac sæculi commoditatibus abundant, liberè etiam voluptatibus operantur; Veneremque præsertim illicitam impunè exerceant, in nefanda hæc incidant. Ex his in omnibus ferè primarijs Osmannici Imperij vrbibus, maximè Constantinopoli, Cairo, Damasco, Alepo inuenias plurimos: qui Turcis natis duplo peiores, inequiioresq; & Christianis in primis offensi, nihil præter lucrum per fas nefasque quærunt: delatores summi, vtque alienigenis noceant vel maximè intenti, Nonnulli tamen Christianis Occidentalibus quandoque confidentes, conditionem suam ipsis aperiunt, secretò se Christianos esse confitentur, & licèt palam ore Christianismū negauerint, corde tamen Christi fidem amplecti, Christumq; se coelte, non Mahometem, ac primâ occasione paraturos abitum asserunt: quod tamen siue pœnè timore, si ex fugâ retrahantur perferendæ, siue spe maiorum opum accumulandarum, siue voluptatis causâ, cui renūciare nolunt, nunquam aut rarissimè præstant; sed vel pertinaces (prohdolor) in eo vitæ genere moriuntur, vel negligentes (quam anhelare debeant) animæ salutem vsque adeò conuersionem & nefandæ hæresis abiurationem protrahunt, vt ferò tandem medelam animæ quærentes, nō inueniant, misereque vitam finiant. Quare peregrinantem seriò admoneo, ne vnquam horum verbis fidem adhibeat, nève opem vllam ijs præstet; sed velut pestem fugiat, vel tum maximè cū valedicere se velle Mahometææ perfidiæ, ac fugam tentare simulant: astu namque id faciunt, vt irretiant rerum ignaros, & quodam prætextu miseros aduenas tanquam Mahometææ legis infraçtores ad magistratus deferant, atque ex alterius detrimento nefarium sibi lucrum quærant. Si verò in apostatâ desit simulatio, & verè pœniteat, ac sedulo aufugien-di occasione in quærat, consilium etiam & auxilium ad id perat, neque tum his se immiscere rebus aduenæ tutum erit: nam si fugiat, in familiares cadit suscipio, & tanquam fugæ authores grauissimè puniuntur.

CAPVT III.

Mahometææ Legis præcepta, ritus, ceremonia. Varia item de Deo, de Christo, eius Matre Maria, de salute hominum, sacris Biblijs, ultimo Iudicio, Paradiso, Inferno, Angelis, & Dæmonijs doctrina, & opiniones.

— MAHOMETÆÆ Legis præcepta (vt ad rem redeamus) præcipua hæc sunt. Adorare vnum Deum, eumque timere, circumcisi-

nem

nem seruare; non tamen ob expiationem peccati originalis, quod nullum esse putant Mahometani: honorare parentes, tēpla statutis horis adire, obseruare quotannis ieiunium menstruum, in pauperes eleēmosynas erogare, non habere imagines, siue pictas, siue sculptas, præsertim in templis, non committere homicidium, furtum, adulterium vè, sed propria vxore, seu vxoribus, mancipijsque esse contentum: abstinere à vino à carne suillâ, à sanguine, à morticinis, ab animalibus immundis. Quod si tamen horum aliquid quis præuaricatus fuerit, lustratione, atque externâ corporis lotione vel tridui ieiunio, eleēmosynâve, aut carcerati alicuius redemptione peccatum expiari credunt: & cum tam facilem peccatorum expurgationem esse sibi persuadeant, omnia pænè mandata negligunt, & velut bruta animantia, & rationis penitus expertes in omnia vitia præcipites ruunt, & voluptatibus accenosæ libidini immersi, detestandisq; erroribus impliciti nullum non scelus admittunt. Sodomiticum vitium pro peccato non habent. falsa testimonia, periuria, rapinas, extorsiones, latrocinia, pauperum atque aduenarum oppressiones, circumuentionesq; ac peiora his, tanquam leuiores & communia pro nihilo ducunt; adeoq; præter exteriores quasdam ceremonias, quæ plerumq; in Lotione, Oratione, Templorū visitatione, Eleēmosynis, Peregrinatione, atque annuo Ieiunio, ciborumque delectu consistunt, nulla illis religio, nulla pietas, nullaq; penitus est disciplina. In eo tamen commendandi quod in egenos miserofq; homines multò largiores, liberalioresq; sunt nostratibus; largas enim in pauperes quosvis vltro erogant eleēmosynas carceratis cibum suppeditant, eosque proprio sapius ære è carceribus redimunt: gratiorem namque esse Deo datorem illum putant, qui sponte quid det, quàm qui rogatus. Licet autem vnum Deum æternū, factorem cœli & terræ confiteantur, & adorent, eumque omnipotentem, omniscium, benignum, misericordem, expertem iracundiæ, veniæ datorem, bonis præmia, malis cruciatus tribuentem prædicent: verum tamen Deum, qui per Filium Vnigenitum adorari, & coli vult, nō cognoscunt, cum trinum in personā, & vnum in essentiā negent, Sabellium hæreticum in hoc sequuti; qui vnā in Deo essentiā ponendo, negauit Trinitatem personarū; asserens vnā personā quandoq; dici Patrē, quandoque Filium, quandoq; Spiritum sanctum. Negant adhuc generationem in diuinis, Arriū sequentes, qui Filium Dei creaturam esse dicens, manifestè generationem (quasi opus naturæ) in diuinis esse negauit. Cum verò nullam aliam generationem esse norint, quam carnalem, per commixtionem maris & fœminæ, Deum non posse habere filium, cum vxorem non habeat, putant; idq; veleo magis sibi persuasum habent, quod inde vniuersi destructio-

c. 5:

Epist. 1. c. 2.

Epist. 1. c. 2.

nem caufari poffe quandoque exiftiment. Nam (inquit) ſi Deo filius eſſet, fieri poſſet, vt aliquando filius patri non obtemperet, ſed aduerſetur : quod ſi contingat, maxima inde creaturis ſequutura incommoda, atque vniuerſi futurum excidium. Quàm malè verò, quàmque abſurdè de Deitate ſentiant, non eſt noſtri propoſitum vt latiùs eà de re hîc diſſeramus. Chriſtianis ſaltem conſtat Ioannis teſtimonio, *Niſi quis honoret Filium, Patrem nequaquam honorare*: adeoq; illos fruſtra Deum Patrem colere, eiſque ſeruire, qui Deum Filium ignorant, Nam, vt idem Ioannes ait, *Qui negat Filium nec Patrem habet; qui conſuetur Filium & Patrem habet*. Vtunque ergo de Deo Patre ſibi placeant, nec Deum habere, nec Patrem certum eſt: cùm filium temnant, atq; obſtinatâ mente filij credulitati reſiſtât, quinimò illos Antichriſti diſcipulos, & ſectatores, eorumq; Prophetam ipſum eſſe Antichriſtû eiùſdè Ioannis teſtimonio planè conuincitur, dum inquit: *Hic eſt Antichriſtus qui negat Patrem & Filium*. Spiritus Sancti quoque proceſſionem & Deitatem expreſſè negant, in hoc Macedonium ſequuti: qui Spiritum ſanctum non Deum à Patre Filioque æternaliter procedentem, ſed creaturam eſſe docuit. Eundem tamen nonnunquam cum perſonâ Chriſti coniungunt, ipſumque Chriſtum Spiritum Dei nuncupant: quem tamen non Deum, nec Dei filium, neque etiam humani generis redemptorem, ſed purum hominem conſtituunt, & Propheſiâ tantum ſapientem, bonum optimum, & veraciſſimum fuiſſe prædicant. Sunt etiâ qui Chriſtû ipſius Mahometis teſtimonio Verbum, Virtutem, Sapientiam, Animam, & Cor Dei, itemq; Meſſiam promiſſum Iudæis, nec non Mentem, Principium, & Caput omnium hominum appellant, & diuino quodam afflatu è Spiritu ſancto conceptum, & ex Mariâ Virgine ſine patre generatum, atq; omnis mendacij & peccati immunè affirmant. ita vt ſibi met planè contrarij ſuo ſe gladio iugulent, adeoq; vel inuiti Diuinitatè Chriſti palâ profiteri cogâtur. Tâta nepe & vis veritatis eſt, & virtus, vt eam ſæpe hoſtes, & ab ipſâ extorres, obtorto velut collo, velint, nolint, proferre & fateri compellâtur. Porro è cœlo originem traxiſſe, conuerſatione ſanctum, doctrinam ſanctam ac rectam docuiſſe, eamque miraculis illuſtraſſe, ac confirmari, cæcos enim illuminari, leproſos mundari, & mortuos ſuſcitari fatentur omnes. Mortuum autem, ac reuixiſſe, vt obſtinatè cum Manichæo negant, ita imprudentiæ & ſtupiditatis arguunt Chriſtianos, qui Chriſtum probra Crucis, Mortem acerbam & ignominioſam perpeſſû ſibi perſuadeant, credantq; Cœleſte namq; corpus eum aſſumpſiſſe, eoque Virginis vterum penetraſſe cùm credant, morti obnoxium minimè fuiſſe exiſtimant; ſed immortalem, ac viuum, & incorruptum aſſumptum in cœlos in montem Oliuarum prædicant. In tantâ enim fuiſſe

fuisse eum apud Deum gratiâ ferunt, vt quum Iudæi in eum conspirarent, ex eorum manibus ereptum Deus in cœlestem gloriam transtulerit: quia nimirum Dei bonitati indignum fuisse putant Prophetam insignē & omni virtutum genere affluentē, nequissimorū hominū libidini exponere. Iudam verò proditorē in Christi similitudinē (cū in horto quæreretur) mutatū, eius loco ab inuidis Iudeis captū, ac Crucifixum, & mortuū affirmant. Deniq; Christum nūc corā Deo in cœlis in carne viuere, & Antichristū (vbi aduenerit) gladio suæ virtutis interfectorum, & Iudeos reliquos ad legē suā conuersurū. Extremi verò Iudicij die adueniente ē cœlis se ostensurū omni populo, & iudicaturū suæ legis homines, ac Deo proximū in Iudicio assessurū perhibēt. Propterea Christi nomen non minus quàm ipsius Mahometis execrantes acriter puniunt, honestiores pœnâ pecuniariâ, humiliores flagris. Neq; Christi solum, sed & Mariæ nomen blasphemantes castigant. Sic enim lege cautum est. *Si quis siue Christianus, siue Turca, vel Maurus, vel Arabs Christi illud verbum Dei, quem Virtute Spiritus Sancti à Maria procreatum credimus, vel etiam ipsam Virginem, quam Deus omnibus creaturis puriorem fecit, & excellentiorē, blasphemauerit, præter multam pecuniariâ, sexaginta fustiarū plagas sustinebit.* Cuius quidē Legis exactissima est apud Turcas observatio. Sanctos tam veteris, quàm nouę Legis, puta Abrahamum, Isaacē, Iacobū Patriarchas, Moysen, Eliā, Dauid Prophetas, Mariā Virginem, Catharinā, Georgiū, aliosq; inuocant, non vt totidē Deos, nam vnicū tantum Deum agnoscunt eumq; adorāt, sed vt Dei amicissimos, & apud Deū singulares intercessores. Horū quoq; sepulchra inuisunt, & venerantur, precesq; iuxta ea fundunt: nō ea ratione quod mortuos colāt, sed quod eorū animas apud Deū viuere ac Diuina fruitione gaudere credāt: itaq; licet sciant eorū corpora in cineres esse resoluta, quæ non alloquūtur, nec precantur, sperant tamē sanctissimas eorū animas vt luce Diuinâ perfusas, preces suas exaudituras, atq; apud Deum pro se intercessuras. Libris Euangelij (quos *Inguiles* vocant) ac Moysis Pentateucho (*Trebit* illis appellato) si non integram, aliqualem tamen præstant fidem: nam & creationem Mundi, Adæ formationem, ac omnem ferè Hebraicam probant historiam; Christi quoque ex parte doctrinæ assentiuntur. His tamen longè præferunt Alcoranum, id est Articulorum seu Præceptorum collectionem; quem veritatis codicem nominant: est quæ illis velut Iudæorum Pentateuchus, aut Christianorum Euangelium. Huic addunt & Sunam. Is liber est, imò volumina multa, in quibus dicta atque facta sunt Mahometis: quæ si quis legat, neminem tam à communi sensu putauerim remotū, qui non protinus superstitionem detestetur; adeo pleraq; sunt ridicula. Etsi verò in Sunā nihil præter nãnias & stulta fabulamenta inuenias, illi tamen hæc omnia verissima putant, & tanquam oraculum venerantur. Licet
autem

autem Mahometes suis hisce in libris Moysem & Prophetas ceteros commendat, Dauidem etiam, eiusque Psalterium summis efferat laudibus, ac Christum denique supra omnes extollat Prophetas, cunctisque viris, quos Mundus tulit, excellentiorem prædicet, nullumque Iudeos post Christum habituros Prophetam velit, adeoque & Legem Moysis, & Christi Euangelium ex parte approbet, atque etiam utrumque seruari præcipiat, neutrum tamen amplectendum censent, quod Christianos Euangelium, Iudæos Legem Moysis corrupisse, tantumque in utroque veritatis esse, quantum in Alcorano ex illis citatur, existiment. Cum verò præcepta Christi obseruatu difficillima, imò impossibilia putent, Mahometem idcirco missum à Deo Prophetam, ac Dei iussu mitiorem ac faciliorem edidisse Legem volunt, quo facilior foret credentibus via salutis. Et ut Euangelio prodito abrogata est Lex ceremoniarum Moysis, sic Mahometem successisse Christo, Dei que mandato Alcoranum in Euangelij locum subrogatum existimant. Neque solum Christo Mahometem successisse, sed etiam à Deo in mandatis habuisse, ut non amplius exemplo Christi, hortatione, verbo, & precibus ad Legis suæ obseruationem homines induceret, aut ferro & viribus renitentes aggredieretur, & tanquam iustitiæ diuinæ vindex Christianorum perfidiam (in tot hæreses sectasque diuisam) castigaret, eorumque summam erga Deum ingratitude vlcisceretur, ac de nefario prioris legis contemptu vindictam sumeret, prædicant. Vnumquemque tamen in sua Lege, siue Christianum, siue Hebræum, aut Mohometæum, modò honestè & iustè vixerit, saluari posse, & misericordiam à Deo consequuturum putant: quod & Alcorani sui Azoara seu Capite secundo comprobant. ubi legitur. *Quod omnis rectè viuens, bonique operator indubitanter Diuinum amorem consequetur.* Et Azoara 5. *Deus pius & misericors prius Testamentum Vetus, dein Euangelium rectas vias hominibus tradidit, postremo Librum veracissimum Alfurcan vobis de super præbuit.* Azoara verò 12. *Nemo perfecte fidelis est, qui testamenti Veteris, & Euangelij, non minus quàm huius Libri (Alcorani) præceptis paruerit.* Hinc est quod Christianos sub Imperio Osmannico degentes ad fidem Mahometanam amplectendam minimè cogant. Cuiuscunque enim sectæ Christiani fuerint, sua lege, suoque ritu viuere cuique liberum est. Peculiarem propterea quæque natio Christiana in eorum urbibus oppidisque Ecclesiam habet, & in ea publicum suæ religionis exercitium: Quod ad Imperij Osmannici incrementum plurimum facit. Hac namque ratione Imperator subditos suos, etiam si alienigenæ Legis sint: sibi beneuolos reddit, auctoritatem etiam ac regnorum amplitudinem sibi conseruat. Quare ut prouinciam aliquam bello subiugauerit, sat sibi esse putat, si subditos obedientes habeat, & modo

dò tributum præstet, quâ religione demum viuant, curat nihil. quâ arte amplitudinē imperij sibi peperisse, atq; hætenus stabilitū multum putant. Interim tamē quo modo saluentur animæ variæ sunt apud Turcas opiniones. Alij namque solâ Diuinam gratiam sufficere ad salutem, alij contrâ Legē quam quisque professus fuerit ad amissim debere obseruari ac semotâ gratiâ solis bonis operibus salutē acquiri posse existimant. Sūt qui solos Mahometæ Legis obseruatores saluandos credāt, cæteros nequaquā. Id verò vel maximè in gente hac cæcâ deplorandū existimo, quod satanico quodā instinctu viâ sibi præcludentes salutis, nullum contra Mahometis doctrinā, fabulâve docentem, prædicantēve admittant, aut disputantē; sed solū armis eam defendendam putent; idq; ex Legis præscripto; quo omnis disputatio de fide Mahometanâ Laicis sub pœnâ capitis interdicta est. Sacerdotibus autē permissa, cum vel inter sese exercitationis ergo, vel cum Persis hæreticis ad refellendâ hæresim disputant, aliàs nequaquam. Apostatas flammis mox interimunt; pariq; pœnâ Christianos, qui veram Fidē aliquem eorum docere præsumat, plectunt, puniūtq;. Siue enim Græcus aliquis siue Romanus, Mahometanū ad suā quisq; religionem abducere conetur, Lex illi statim mortē decernit. Quinimo si Persa quispiā in suâ hæresim Turcā aliquē pertrahere satagat, nō minus hunc, quàm Christianū mortis supplicio adiudicat: cum neminē Turcæ patiantur à suâ ad aliam quamcunq; religionem auerti. Vt autē nullâ suæ sectæ impugnationem admittunt; ita neque eam vti nullâ ratione ac veritate fultam, argumētis, disputationibus, publicisq; cōcionibus propagare satagūt; sed vi, minis, iniurijs, persecutionibus; aut his si nequeāt, pollicitationibus, largitionibus, sæculi blanditijs, honoribus, muneribus, carnisq; allectamētis peruertere fideles, & ad suam attrahere perfidiam conātur, Si neq; hoc modo efficere, quicquā valeant, ex mandato sui Prophetæ student vt ipsis imperēt. Neq; solū verâ Dei cognitione (vt diximus) carent, sed ridicula præterea multa, & gerris Siculis vaniora, de corporum Resurrectione, de extremo Iudicio, de Paradiso, & Inferno, deque Angelis & Demonijs somniant, & nugantur: quorū aliqua hîc duximus subiungenda, vt ex ijs lector agnoscat, quā crassis erroribus, vanisq; somnijs cæca hæc gens irretita sit. Extremi Iudicii diem in proximo esse, Antichristum venturū pessimū hominē, & à Christo occidendū: prius tamē nescio quē Prophetarū (qui mortales omnes de peccatis, quodq; Legi Mahometæ no paruerint, arguer) exoriturū credūt. Vbi vero dies Iudicii aderit, Angelum quendā tubâ soniturum; eiusq; terribuli sonitu Homines pariter & Angelos mortē occubituros, vnico excepto tibicine. Mox horrendo terræ motu vniuersâ terrâ conuulsandâ, dein igne è cœlo lapso Orbē terrarū conflagrandū, montes & valles in cineres

vertendas, demum Angelum tubicinem etiam moriturum. Angelis hominibusque extinctis, totaque Mundi machinâ incendio deletâ, tum futurû, vt Deus quadraginta dies totidemq; noctes *sui zechaman* hoc est, pluuiam misericordiæ pluat, eaque rursus Angelos omnes & animas Hominum excitandas. Extremo mox ab Angelo edito sono, tum quoque hominum corpora vitæ restituenda, ac cum animis rursus coniungenda. Hisce diuersam tribuunt formam: nam eorum quos gloriæ participes futuros credunt, alios vt Stellas, alios vt Lunam, alios vt Solem splendituros, eosque cæteros omnes illustraturos. Contra verò damnatos colore horridos, in varias item deformesque formas distinguendos: vtrosque tamen in quinquaginta partes iussu Diuino prius diuidendos, rationem scilicet anteaçtę vitæ vt reddant omnes: quod si præcipua corporis membra, cor & caput peccata & crimina, quæ in vita commiserunt, vltro confiteri noluerint, cætera tum membra coram omni populo scelera cuncta detectura. Demum Michaelem Archangelum corpora humana in staterâ pensitaturum, quorum autem bona opera malis non præponderent, Inferni supplicijs tradendos: reliquos verò perpetuis Paradisi voluptatibus & gaudijs fruitorios. Neque vero vnicum voluptatis Paradisum beatis tribuunt, sed septem beatorum sedes, seu Paradisos statuunt: quorum nomina hæc sunt: *Genete Alhord, Alfiducci, Anachim, Reduan, Azelem, Alcoduz & Almaga*: quos nec eiudem esse formæ, nec ex eadem constare materiâ, sed alium argenteum, alium aureum, tertium gemmeum, quartum smaragdinum, quintum adamantinum, sextum è carbunculis ignitum, septimum ex luce Diuinâ compositum volunt. In his aulas & cubicula gemmis distincta, viridaria varia, miro odore fragantia, fontes item & flumina melle, lacte, & vino præstantissimis, dulcissimisque scatentia constituunt. Eius medium arborem occupare *Tubam* nomine, adeò densam latamque, vt omnem Paradisum obumbret, eius folia ex auro & argento constare, singula habere inscriptum nomen Dei, & Mahometis. Varia ibi fore ornamenta, supellectilem variam, ex argento, auro, & gemmis conflata; vestes item, lectos, puluinaria è serico & bysso, auro & argento intexta. Has esse perpetuas beatorum sedes, hîc suum cuique à Deo quietis & beatitudinis assignatum locum: hîc beatos omnes vestibis indutos sericis, mollissimis, & coloris omni-geni, sub amplissimæ arboris felicissimâ vmbra æternum gauisuros. Porro quicquid ciborum & fructuum desiderari possit, singulis abundè & laurè hîc Angelos impartituros: eos namque tanquam dapiferos, pincernasque, delicatissimos cibos, vinaque suauissima, & pretiosissima aureis in vasis, argenteisque singulis affatim ministraturos. Complexibus insuper mundarum & speciocissimarum scæminarum, stella-

rum

rum instar micantium, fruituros. Has non ab hominibus genitas, sed ab æterno ad beatorum usum creatas fabulantur. Quas autem Alcoranus mundas appellat, illi liberas à menstruis interpretantur, scilicet vt quouis tempore liceat coire. Non tamen inde futuram prolem, sed voluptatis causâ adhibendas volunt. Quin & singulis viris complures illic futuras vxores pro meritorum ratione, Deumque huic plus, illi minus virium largiturum, vt vel paucis, vel multis reddat debitum: atque inde etiam colligunt, nihilque certiùs esse ducunt, longè plures futuras in Paradiso fœminas quam viros. Denique omnes tantas delicias, tantaque carnis delectamenta percepturos credunt, quantæ excogitari à quoquam possint. Harum omnium tamen miseræ suas mulierculas nolunt fore participes; sed Paradiso exclusas eminus tantùm virorum gaudia intuituras nugantur. Transgressores verò legis Mahometæ & Prophetæ sui aduersarios, ac cæteres damnatos, priùs tamen grauiâ passos, huius quoque beatitudinis quandoque partem habituros, celebrato nimirum à Deo in Paradiso *Alcoduz* nomine conuiuio, quod *Hadræte Alcoduz* vocant: tunc enim omnes à pœna Inferni à Deo Mahometis operâ fore liberandos. Hunc siquidè flammâ exustos, atros, ac torridos ad fontem quendam *Alcanzar* nomine in medio Paradisi constitutam (de quo mira & anilia planè narrant somnia) deducturum omnes; in quo postquam se lauerint, iam niue candidiores cum cæteris beatis perpetuis delicijs fruituros. De Angelis absurda planè memorant, & à naturâ Angelicâ prorsus aliena: eos siquidem corporeæ substantiæ, de flammâ ignis generatos, mortales esse, ac peccare posse putant; diuersasque eis tribuunt formas, hominum, equorum, bouum, gallorum, aliorumque; volatilium, & quadrupedum: quos etiam proijs animalibus, quorum formas referunt, offerre Deo preces existimant. In tertio Cœlo Angelum inter cæteros statuunt *Melec Almeuti* nomine hoc est Angelum mortis, tantæ vastitatis, vt oculi eius ab inuicem distent itinere septuaginta dierum. Hûc in libro vitæ (quem iugiter voluit atque reuoluit) omnium nascentium nomina, atque eorum vitæ terminum à Deo cuique constitutum, scribere, eademque instante mortis horâ delere: cuius verò nomen deleuerit, statim è viujs excedere nugantur. In quarto Cœlo omnium vastissimum constituunt Angelum, plangentem iugiter condemnatorum peccata, dolentemque miseram eorum conditionem & statum. In septimo Cœlo Angelum existere inter cæteros narrant, 7000. habentem capita, vnumquodque verò caput septingentas mille continere linguas, singulis linguis totidem inesse voces, ijsque absque vllâ intermissione Deum laudibus efferre, ac Sanctum eius celebrare numen prædicât. De Inferno, quem septem patere ostijs dicunt, deque situ eius, & condi-

tione, de demoniis (quos etiam saluandos quandoque ex Origenis opinione credunt) eorumque variis formis, deformitatibus, & pœnis, nec non de condemnatorum statu & tormentis tam mira narrant somnia, tamque ridicula, ut qui ea legerit, risum continere non possit. Quis vnquam mortalium his quæ retulimus audiuit vaniora? quis stulta hæc blateramenta non rideat? & indigna putet quæ sanæ mentis hominibus exponantur? & tamen misera illa & cæca gens nihil verius hisce nugis putat, imò pro ipsâ veritate habet, & amplectitur; atque adeo dæmonum præstigiis excæcata & fascinata est, ut etiam Alcoranum suum ac Sunam aniles hæc fabulas & somnia continentem, Veritatis codicem appellare non vereatur. Sed de nugis iam satis; ad multifarias, nunc eorum lotiones, quas expurgationi peccatorum in primis prodesse existimant, veniamus.

CAPVT IV.

De Turcarum varijs lotionibus, & balneis: deq; balneorum apud eos forma, & usu.

Nihil equidem Mahometææ legis cultoribus magis curæ est, quam ut lustrali aquâ bis tærne in die sese abluant. Idcirco Messitis suis pulcherrimos adiungi fontes curant: quo commodiùs quotidianæ lustrationes siue ablutiones ab omnibus Templum ingressuris peragi queant. Nefas quidem esse ducunt illorum quempiam Templum indidi: Hanc externam lotionem cæteris suæ legis præceptis longè antefecerunt, neque quouis oblato impedimento prætermittunt: efficacissimū siquidem remediū ad animæ inquinamenta emundanda esse cum putent, Deo maximè placere, eaque in primis se Deo reconciliatum iri sperant confiduntque. Triplex verò lotio apud eos in usu est. Prima quoties vel templa adire, vel precibus vacare intendunt, nec enim se posse sine lustratione horarias preces ritè peragere putant. Hæc autem lustratio ita se habet: Brachiis ad cubitum vsque denudatis, manus in primis lauant: dein dextrum erectum brachium, à manus summitate inchoantes, palmâ sinistræ manus abluunt, aquâ per extremum cubitū in terram delabentes: idem in sinistri brachij ablutione obseruât. Vtroque abluto, os, nasum, oculos, aures ac faciem denique totam, collum item, verticemq; capitis, mox & pudenda, postremò verò pedes, si nudi fuerint, si verò calceati, extremitatem tantum, superficiemq; calcei aquâ madefaciunt. Dum verò se lauât, submissa voce preces obmurmurant, atque inter alia. *Elhemdu lillahi*, id est, gloria vellaus Deo: alij *istag furlak*, hoc est peto veniam, vel Miserere mei, subiungunt. Lotione peractâ, linteolo (quod ad zonam appensum habent) sese abstergunt. Quod si in deserto fuerint, aut loco vbi aqua desit, terrâ aut puluere

vere corpus adspargunt. Hoc tum eandē obtinere vim autumant, quā habet lotio. Hac ad leuiora vitia emundanda; ad grauiora verò, puta homicidium, furtum, stuprum, adulterium, aliāve his similia, lotionē totius corporis opus esse stolidè arbitrantur. Hinc tot vbiq; per vrbes atque oppida videre est balnea publica, quæ dies noctesq; cum viris tum fœminis patent. Ne verò hîc indecora, libidinosa, aut turpia fiant, viri cum fœminis promiscuas lotiones haudquaquā peragunt, sed quā horâ fœminas intromissas norūt, ad ea accedere viros nefas esse ducūt. Sunt autem balnea hæc pleraque lapidea, nonnulla etiam marmorea, vel intus forisq; marmore obducta; ampla quidem, atque in plurimā distincta concamerata cubicula, eleganti sanè opere, ac magnificentiâ inter amplissima Turcarum edificia publica priuataq; plurimū eminentia. Ingredientibus primo loco se offert spatiosum patensque quadratâ formâ apodyterium, cuius pauimentum parietesque versicolore vestiti marmore plurimū relucēt. In pauimenti medio marmoreū labrum quadrangulare amplum fontem excipit. Circumquaque parietibus murus adiectus, marmore pariter versicolore contratus, latus pedes quinque, à terrâ pedes tres, aut quatuor eminet. Hunc loturi adscendunt, & vestes complicatas in eo collocant, seruāturq; à balneariis, quoad loti eas repetant. Super labrum ē fornice pendent, perticæ quaternæ oblongæ; quarum imæ transversis infixæ perticis, triplici ordine, vno alteri eminentiori quadrangulū constituūt. In has balneatores sudaria, aliāq; lintheola, vt plurimū ad balnei vsum spectantia, exsiccanda, mirâ quādā dexteritate cannâ Indicâ injiciunt, extenduntq;. Vestibus eo loci depositis, duo cuiq; loturo porriguntur sudaria, alterum quo corpus pudendaq; tegat, alterum quo caput cingat: atque ita ad penitiora pergunt loca. Progredientibus primū sese offerunt sudatoria, quorum extremū maius & calidius cæteris patenti labro marmoreo & calidas continente aquas ornatum est. Omnes verò cellæ fornicatæ, cubisq; tectæ sunt. Quarū suprema cubæ pars specularibus versicoloribus miro ordine compositis ornata, intus lucem reddit, additq; operi elegantia & splendorē. His contigua hærent alia duo triāve cubicula, quæ nobilioribus tantū patent, non item cæteris. Vltimò se offert spatiosa quædam & ampla cella, in quā vas ingens marmoreum videre est, aquas recipiens calidas, frigidasq;: quod post sudationem quisq; ingredi, aquas pro suo tēperare arbitrio, lauare corpus, aut lauandū dare balneatoribus, prout libet, potest. Cubicula hæc omnia vnico igne ē fimo camelorū vel caprarū supposito calefiūt. Sunt autē balneatorū seruitia sic satis studiosa; habentq; mirabilem modū rectificandi mēbra balneatiū. Vtūtur adhæc ad pilos toto corpore depellēdos vllā absq; la sione, vnctione quadā, quā *Rusma* indigitant, ē minerali & calce-

viuâ aquæ commixta composita. Lotis atque ad apodyterium reuersis duo munda sudaria exhibentur, quibus lotorum corpora balneatores desiccant. His ita peractis, ac balnei præfecto solutâ mercede, quæ sanè perexigua est, loti lætique discedunt. Neque solum viri, sed & fœminæ ad balnea hæc admittuntur: separatas tamen à viris lotiones habent; sudaria, cæteraque ad balnei vsum necessaria vt plurimum secum deferunt: humiliores se mutuo, honestiores ancillæ vel seruæ (quas secum adducunt) lauant. Ad balneorum ostia, vbi fœminæ adsunt, linteum suspenditur, signum viris adesse mulieres, ne se temerè aut ignorantèr ad eas ingerant. Christiani nulli, vt nec Hebræi, ab ingressu balneorum arcentur, ast liber cuique patet aditus: excipiunturque perhumaniter omnes, modò ab ingressu abstineant, cū fœminæ intus lauant. Cauere autem summopere debent Occidentis Christiani ne quispiam eorum balneum accedat, ingrediaturve solus: id enim si faxit, verendum maximè ne Turcarum, Maurorumve delationibus se reddat obnoxium, ac pœnam temeritatis vel immeritus luat. Christianum itaque linguæ Turcicæ vel Arabicæ peritum, ne decipiatur à barbaris, adhibere sibi comitem ne negligat, si salutis, si crumenæ consultum velit. Et hæc de secunda lotionè dicta sint. Tertiam necessariam putant, cū vel aluum vel vesicam exonerauerint: graui enim naturæ onere deposito, tam viri quàm fœminæ, non chartâ, linteove detergunt anum (id enim religioni habent, putantque sic Deum offendi posse, quod eius nomen plerumque in chartâ scribatur) sed aquâ frigidâ sibi abluunt ipsi, primatibus mancipia, Latrinæ à nostris dissimiles cloacæ sunt, sub dio positæ, & ab ædibus remotæ, profundæ, & latæ sesquipedem: quibus incuruato corpore insident. Refertur expurgantur, & per contiguos subterraneos meatus fordes emittuntur. Dum verò lotium reddunt, viri (vt sunt superstitionibus addictissimi) subligacula dissolunt, & vestes post terga rejiciunt, ne si vrinâ adspergantur, in legem peccent. In Sunâ siquidem præceptum est, vt vbi quis minxerit, sinistræ manus digitis exprimat, si quid fortè circa præputium sit reliquum: atque etiam in eum vsum pannum plerumque secum deferunt, abstergendi causa: qui si defuerit, lapillum aliquem proximo tollunt, quo summitatem virgæ perstringunt, ne vel guttula vestes coinquinet. Hinc quoque non recti, sed incurui, & ad terram vsque inclinati fœminarum more coniunctis cruribus lotium emittunt. Si adsit fons, statim membrum genitale abluunt; alioquin aquâ, quam vel secum deferunt, aut deferendam curant, se lustrant: imò (quod magis mireris) si vel pepederint tantum, lustratione opus esse existimant.

CAPVT V.

*Templa Mahometeorum: precandi ritus & ceremonia: conciones
& superstitiones.*

LOTI (vt diximus) Templa accedunt, neque enim aliter se fore gratos Deo, & exaudiri suas Preces existimant, Templa Messitæ, siue Moscheæ vulgò Meschit appellantur: quod tamen propriè denotat lignea Templa, qualia exstruebant nondû Imperij opibus auctis, Lapidea vero propriè *Zuna* dicuntur, Hæc sphericam pleraq; formam referunt, exceptis quæ primum ritui Christiano consecrata, in suas Messitas commutârunt. Sunt autem elegantis & magnifici operis ædificia, è lapide albedo, seu viuo saxo, æquali ferè mensurâ conciso: testudine superimpositâ, ac plumbeis laminis recta, pulcherrimo foris intuentibus spectaculo. Intus quidem tota dealbata, nullus tamen præterea ornatus, nullæ imagines, nulla altaria, sed nudi tantùm parietes conspiciuntur. Quæ verò pars ad Meridiem vergit, ac portam plerumque è regione habet, concauitatem quandam in medio continet, cubitali formâ semirotundam, parieti interiori incisam, lapide marmoreo ornata, statuarum oculis non absimilem. Locus is Dei nominis inscriptione insignitus, sacratior cæteris habetur, & Christianorum Aræ Maximæ respondet: ad quem accedere (dum publicæ in templo fiunt preces) cuius non licet, sed soli Seripho, qui Mahometæis loco sacerdotis est, & tum lychno pensili illustratur. Sunt præterea lampades plurimæ è fornice dependentes, quas tempore Precum accendere, iisque finitis extinguere solent. Storeis è cannis pauimentum insternunt. His plebeij suo more insident, ditiores tapetibus vtuntur; quos mancipia ipsis substernunt, Ad hæc templa nemini Christianorum patet aditus: prophanari siquidem Mahometæi putant, si Christianus aliquis ea introeat: quare summopere cauere debet Christianus ne temere ea ingrediatur: id enim si faxit, vel fidem Christi abneget, & Mahometæis sacris initietur, vel vltimum suppliciû sustineat, necesse est. Quem admodum autem diligenter cauent ne Christianus quispiam eorum Mosqueas ingrediatur, interfit ceremoniis, libros eorum sacros legat, inspiciatve; ita multò studiosius obseruant, vt nemo nuper è Christiano factus Mahometæus ad ministerium ecclesiasticum assumatur. Ad sacra siquidem administranda apud illos portentum habetur, si quispiam adspiret, qui non Mahometano patre natus, à primâ ætate constans & assiduus fuerit Mahometanæ legis cultor. Et si verò sepe numero plurimi ad illos confugiant abiectis cucullis, & religione Catholicâ abnegatâ

gatâ religioſi, tam Græci, quàm Latini ritus, neminem tamen repe-
 rias, qui ad honorem Eccleſiaſtici miniſterij vel adſpirauerit, vel ad-
 miſſus vnquam fuerit. Tanta enim illorum animos ſacrarum rerum re-
 uerentia occupauit, vt cæteris neglectis, ſolos illos ad ſacra admini-
 ſtranda dignos putent, qui ab incunabulis Mahometæ religioni fue-
 rint addiſti. Præaltæ Meſſitis adiunctæ ſunt turres, quas *Madenas* ap-
 pellant, figuræ quaſi ſphericæ, aut cylindricæ, ſeu teretes, eâ formâ, vt
 in ſuperiori parte propemodum vbi occipiunt diminui, & tandem in
 acuminatum faſtigium deſinunt, in proiecturâ lapideâ quaqua verſum
 obambulari poſſit. Has ſtatis horis interdiu noctuque conſcendunt
 Hoggij, & circumeûtes proiecturâ, ſeu porticum, acutiſſimâ voce cla-
 more tollunt, digitis in alteram aurium inſertis: eoq; clamore populû
 ad Orationem conuocant, & ad inuocandû Numen exhortantur. Vox
 ipſa longiùs quam credi poſſit à quoquam, qui ea loca non adierit, per-
 ſonat, atque exauditur. A meridionali autem turris latere clamorem
 exordiuntur, dein ad Orientem vergentes, continuato gradu circum-
 eunt, atque interim *La Illah illa Allah*, itemque *Allah haikir*, (quod
 nobis eſt Deus viuus eſt vnus,) altâ, rudi, ac fractâ voce roboant, repe-
 tuntque pluries. Addunt quandoque & Hymnos, & Cantica in laudẽ
 Mahomeris. Eo vero ordine atque obſeruatione clamores hoſce inſti-
 tuunt, vt niſi priùs ſupremæ Meſſitæ Hoggij inceperit, cæteri abſti-
 neant; eo verò inchoante, ſubſequantur & reliqui; ac demum finem
 inponente eodem, ſileant omnes. Clamor hic noſtris reſpondet cam-
 panis, quarum nullus apud Turcas eſt vſus: nam præter Preces facien-
 das, etiam horas dierum populo denotat, cùm horologia nulla habeât:
 ſi quæ tamen ad eos perueniunt, planè admiranda, & proceribus lon-
 gè gratiſſima ſunt, eorumque vſui priuatim ſeruiunt. Hoggij verò ſiue
 Choggij clepsydris vtuntur, ad diſtinguendum tam diurna quàm no-
 cturna temporum ſpatia; quibus publicas Preces accomodant. Quin-
 quies autem interdiu noctuque ad horarias has preces populum exci-
 tant: quibus hæc indita ſunt nomina. *Aſcher*, *Adorb*, *Aſſera*, *Magreb* *A-
 leſcher*. Primam ſecundâ antelucanâ horâ obſeruant; quæ continet
 quatuor *Erket*, & duo *Chalamat*; *Erket* autem eſt gemina inclinatio, cû
 totidem, proſtrationibus. *Chalamat* eſt ſecreta oratio, quæ cum certis
 ceremoniis perficitur poſt quamlibet proſtrationem: ſecundam circa
 meridiem faciunt, quæ continet, decem proſtrationes, & quinque ora-
 tiones ſecretas: tertiam poſtmeridianâ: quæ continet octo proſtratio-
 nes, & quatuor orationes ſecretas: quartam ſole occidente, quæ habet
 quinque proſtrationes, & tres orationes ſecretas: quintam & poſtre-
 mam circa mediam noctem: quæ cæteris prolixior eſt, habens quindecim
 proſtrationes, & octo orationes ſecretas; ideoque à Santonibus in-
 ſtituta

stituta dicitur, vt populum augendum indicet, quo crescente, Fides quoque eorum crescat & multiplicetur. Has quidem preces quisque Mahometeorum cum Parochiano vel Hoggio suo in Ecclesiâ propriâ frequentare tenetur, nisi legitimè impediatur: tunc enim omni loco hoc licitè facere potest. Singulis diebus Iouis Talismâni, Choggiique, turrii proiecta seu porticus circa vesperum conicendunt, lampadibusque accensis illustant: quas, dum per se extinguantur, relinquunt. Interea illi variis Hymnis Mahometis sui laudes celebrant, Deoque altâ voce gratiam qualemcûque referunt. Die Veneris, qui illis hebdomadatim, vt nobis Dominicus, sacer est, omnes certis horis ad Templum conuolant, & orationibus vacant, atque attentius orant: non tamè a laboribus, negotiisve eo die abstinent: sed officinas tantum, dum Preces fiunt occludunt; finitis aperiant, & ad sua singuli negotia redeunt, feliciores se sequenti hebdomadâ futuros arbitantes, si eo die mercès solito plures diuendant, & lucrentur. In septem autem dies (vt & nos) tempora distribuunt, hebdomadasque constituunt, primum *Zumaghiunt*, id est, diem Templi vocant, nos diem Veneris: secundum *Zuma Ersefi*, id est, post Festum, nos Sabbatum: tertium *Bazarghiunt*, id est, diem Mercatus hebdomadarij, nos diem Dominicum: quartum *Bazar Ersefi*, id est, post Mercatum, nos diem Lunæ: quintum *Salli*, nos diem Martis: sextum *Dsarfamba*, id est, quartam Feriam, nos diem Mercurij; septimum *Peschembè*, id est, Feriam quintam, qui nobis dies Iouis est, indigitant. Precum publicarum tempus vbi adpetiit, suo quisque relicto negotio, atque opere, ad Templum accurrit ocyus. Illori in fonte Templo proximo diligenter se lauant, ante ianuam Templi calceos exuunt, & discalceati templum ingrediuntur, tacitè ad suum quisque pergit locum, nec respicit vsquam. Nullæ intus deambulationes, confabulationes, risus ioci, strepitus (vt in nostris prohdolor fit Ecclesiis) nullæ item tusses, nec sternutationes, imò ne sputantè quidem vllum audias: quæta, sedata, composita hic omnia. Viri inter precandum pileos vel Thulipanta sua non deponunt, sed summis digitis attingunt: quasi eleuaturi. Tum singuli in Seriphum vel Hoggium oculos figunt, eiusque motus & corporis gestus diligenter obseruant, & imitantur; in terram procumbunt, & versus Meridiem se statuentes Precibus incumbunt: hoc seruato ordine: Seriphus, vel Hoggus, aut alius, qui vel ætate vel dignitate aliquâ eminet, primò genua flectit: post eum reliqui, in Tèplo presentes: porrò primus ille vbi singulos genua flexisse putat, tum se prostermit: post eum & reliqui, prout ordine confident, prostrati aliquamdiu cum gemitibus & profundissimis suspiris orant. Tum primo illo erecto, erigunt se cæteri. Atque ad hunc modum pluries faciunt, prout tempus orationis postulat. Nam pro temporis ra-

tione (vti suprà recensuimus) vel minores, vel plures genu flexiones, prostrationes, & secretas orationes publicis huiusmodi Precibus adhibent. Tandem finitis precibus, quasi impetrauerint quod petierunt, læti confurgunt. Seriphum interdum Orationem cum cantu inchantem singuli cantantes subsequuntur, vnisonoque cantu, modo stantes, modo se inclinantes, ac rursus poplitibus deflexis terram deosculâtes, vel fronte eam tangentes, Deum suo more inuocant & adorât. Est autem orationis, quam sepius iterant, hæc communis forma: *In nomine misericordis Dei. Sit laus Deo in æternum, Regi seculorum supremo, propitiari & pio Regi Iudicij. Seruiamus igitur illi, quia adiunabimur. Dirige nos in viam o Deus, & in semitam eorum in quibus tibi complacuisse. & quibus non irascaris, & nequaquam errabimus.* Hanc *Elfata* vocant, estq; illis tam vtitata, quàm nobis Oratio Dominica. Habent præterea & alterâ quotidianam: quo recensio prius omnium hominum statu, Mussulmannorum salutem, Imperij fælicitatem, sectæ Mahometæ augmentum, hostium & præsertim Christianorum discordiam, atque excidium à Deo precantur. Precatione finitâ Laudes, Cantica, & Hymnos suo more ac modulo è suggestu concinunt. Postremò Canticum *La Illah illa Allah* elatâ voce quotquot adsunt personant. Dumque his clamoribus sunt intenti, alij corpus, caputq; continuo agitato ita quassant, volutâque, vt viribus & animo nonnunquam deficient: alij collum caputq; in vtrumq; humerum in tantum flectunt, mouentq;, vt lassî tandem in terram concidât: quem quidem precandi ritum Deo in primis gratissimū esse sibi persuadent. Nam non solum corde & spiritu, sed & toto corpore, totisque viribus diuinum numen laudandū, & colendam autumant. Nonnulli tantâ festinatione (quâ inter se certant) & clamore *La Illah, Illa Allah*, repetunt, vt verba illa proferre amplius nequeunt, vociferationem verbo *Hou* terminent; quod quoties proferūt (Dei enim nomen denotat) corpus inclinant, & manus ad terrâ demittunt, rursusq; se eleuant, ac frontem tangunt: atque hunc clamorē in tantum protrahunt, vt nimio quandoque clamore fessi, spumam alij ex ore emittant, alij ob vim sibi clamoribus illatam facie nigrescât, & velut semimortui in terram labantur. His corporis afflictionibus Deum maxime placari putant: imò quo maiorem sibi quis vim inferat, eo se gratiorem Deo fore arbitratur. Id quoque sibi persuasum habent, negligenter orantium defectus & errores repetitione hac plurimâ corrigi & suppleri. Fœminæ plerumque Precum tempore ad Tempia non admittuntur, nobilioribus exceptis, quæ & ipsæ rarò accedunt, habentq; locum à conspectu virorum separatū. Eas verò adeò negligunt & vilipendunt, vt nedum Templo, sed & Paradiso (vt suprà diximus) excludant: vnâ namq; cum Christianis ante fores Cœli seu Paradisi eminus

nus Beatorum gloriam eas solum inſpecturas nugantur. Præter publicam Seriphorum Precationem, Conciones publicas, aut nullas, aut raras ad populum habent. Cum nouus Baſſa aut Saniaccus inito Magiſtratu primò ſolemniter Templum adit, poſt publicas peractas Preces, populo concionaturus aliquis Seriphorum ſuggeſtum conſcendit, & Concionem ſtriſto ad terrorem acinace auſpicatur; auditores admonet, vt Mahometææ Legis memores illius mandata exequantur, ſeſe eiſus defenſores alacres exhibeant, armisq; Fidem tueantur, & propagent. Huiuſmodi & diebus Veneris, cum *Ramadam* (quod annuum illis eſt Ieiunium) celebrant, populo proponunt.

CAPVT VI.

Ramadan ſiue Ieiunium meſtruum, quot annis apud Turcas alioſq; Mahometæos celebrari ſolitur. Feſta annua, & ſuperſtitioſe Turcarum obſervationes circa Lunæ incrementum & decrementum.

RAMADAM, vel Ramadan, ſeu Ramafan, Turcarum Ieiunium, noſtro fere Ieiunio Quadrageſimali reſpondens, ſingulis annis per integrum meſem, ſed non eundem, obſeruant; qui viginti nouem aut triginta diebus conſtat: ſunt enim Turcarum meſes lunares omnes; Quo tempore à crepuſculo ad ſolis uſque occaſum, donec ſidera conſpiciantur, vel certa nox aduenerit, nihil cibi potuſve guſtant. Si autem Ieiunium hoc anno meſe Decembri incidat, anno ſequenti meſe Nouembri id celebrabunt: ſic ſequenti ſerie pergunt. Annum ſiquidem ex maiorum traditione conſtare diebus 354. docent, quot nempe dies conſtituunt meſtrua ſpatia duodecim: vnde meſes illis ſunt erroneſ, & incertiſ ſedibus vaganteſ: quos tamen ſua ratione conſtituunt & reuocant ad ſolis & Lunæ ſtatoſ circuituſ, anno interim Lunari vteteſ ſuo poſtea modo accommodant ad ſolis conuerſionem. Anni principium referunt ad meſem *Silchidſe* nomine, ſecundus meſiſ illiſ eſt *Mucharem*, tertiuſ *Sepher*, quartuſ *Rebuil euel*, quintuſ *Rebuil acher*, ſextuſ *Dſciumaſiel*, Septimuſ *Dſiumaſiel acher*, octauuſ *Rezeb*, nonuſ *Scaban* decimuſ *Ramadan*, vndecimuſ *Schevual*, duodecimū *Silcade* Hoc autē Ieiunij tempore flagrantiuſ omneſ precibuſ incūbunt, & prolixiuſ orant: eleemoſynaſ etiā largiuſ erogant: orationem namq; & eleemoſynā alaſ eſſe Ieiunij, nec ſine hiſ gratuſ eſſe Deo ieiunium arbitrantur. Si qui tamen tenuioriſ fortunæ homineſ non habeant vnde aliis eleemoſynaſ largiri queant, hoſ ſatiſfacere, ac Deum placare, ſuæque ſaluti conſulere putant, ſi tempuſ, quod habent ab occupationibuſ vacuū, in viis publiciſ ſternendiſ conſumant, vel lignum, lapideſ, arenam, ad explendos hiatus hominibuſ vel equiſ periculoſoſ compoſent, vel fontibuſ effo-

diendis, vel fontanis aquis, ad cisternas, vel cellulas viis publicis vicinas, deferendis dent operam; qui autem negligentius hac in re se gesserit, vel quadragesimam integram non ieiunauerit, paradiso nunquam potiturum, quin potius diabolus, quem *Seitam* vocant, rectè eum delaturum ad inferos sibi certò persuasum habent. Ne verò fraus aliqua fiat vel Ieiunio, vel Orationi, sed in officio contineantur omnes; Censores publici constituti sunt, qui in transgressores animaduertunt, honestiores pecuniariâ poenâ multantes, humiliores corporis poenâ affligentes. Licet autem interdium à cibis abstineant, nocte tamen quibuslibet liberaliter vescuntur, & indulgent genio: imò integras quandoque noctes crapulis consumunt, tabernis ubique patentibus. Ingens ibi hominum concursus, strepitus, susurri, clamores infiniti. Hi cantilenas concinunt, illi tympana cytharasve pulsant, alij venustis pueris adhibitis turpibus, impudicibusque confabulationibus, & contactibus tempererunt, suâque Zerbeta largiter potant; quicquid enim plerique laboribus lucrati sunt, hoc totum ferè tum dissipant, dilapidant, & disperdunt turpiter; ita ut non ieiunium ad purgandam animam, & placandum Deum, sed veriùs artificium quoddam ad saturandum corpus, & explendam libidinem, imò potiùs ad sacrificandum Baccho & Veneri dicendum sit. Vltimo Ieiunij hebdomadario festo circa meridiem, prolixa à Santono fit Precatio; mox etiam à cæteris, legiturq; demum ex Alcorano caput, cui titulus est *Almeide*, hoc est Cœnæ. Interim sibi mutuo manus faciemque exosculantur, fælix faustumque Paschia precantur, dicentes *Baaram*, hoc est veniat vel sit tibi bonum Pascha. Si quis alterum offenderit, veniam ab offenso postulat, ac mutuas iniurias ignoscunt: id enim si negligant, Pascha Deo haud gratum fore arbitrantur. Finito Ieiunio, suum *Flubaraam* siue Magnum Festum, instar Paschatis nostri, per triduum celebrant. Primò die (ut supra retulimus) ab omni opere vacant, cæteris non item. Iis verò diebus ex antiquâ consuetudine paterfamilias etiam pauperrimus veruecem mactat, epulatur, indulgetque genio cum domesticis. Hunc sacrificij loco mactatum prodesse animarum salutem putant, imò eos ipsos verueces omnes etiam Paradisi gloriæ participes quandoque futuros, ac pro dominis suis, qui eos in sacrificium obtulerint, in extremi Iudicij die precaturos Deum, stolidè existimant. Sexagesimo à Baraam die alterum observant festum quod *Chutibaaram* id est Minus, vel Paruum Festum, vel *Chairbaaram*, hoc est Religiosorum Festum, nuncupant. Eo namque tempore plurimi vel voti rei, vel religionis ergo Mecham ad Mahometis sepulchrum peregrinantur, veniam peccatorum suorum illic impetraturi: atque hi soli festum illud per triduum observant, cæteri nequaquam, cum ad eius observationem minimè teneantur. Omnes interim manuum laboribus incum-

incumbunt, tabernaculas officinasque suas aperiunt, & negotiationes exercent. Genizari verò ludiera populo exhibent, sub porticibus quippe Chanorum siue Carauanfaraiorum pueros amictos splendide funibus infidentes, & in aëre libratos subuectant, libaque *Cachas* appellata ad summos fornices appendunt, auferenti præmium constituunt: à transeuntibus interim Christianis munus exposcunt, vel ab inuitis exigunt. Liba hæc annulari formæ ex farinâ frumentaceâ mixtâ ouis, Croco illitâ, Selami aut Coriandri semine superstrato constant. Cæterum multiplices apud omnes superstitiones deprehendas. Somniis autem in primis multum tribuunt. Crescentem & decrecentem Lunam obseruât: Crescentem salutant, & adorant: Turcæ præsertim, qui in incremento felicissimum quoddam omen ponunt; eamque pro signo militari habent, veluti fatali quadam lege suo Imperio propitiam. Hinc crescente Lunâ omnia sua negotia (quæ quidem alicuius sunt momenti) auspicantur, existimantes maximarum esse virium in adiuuandis conatuum suorum successibus: decrecentem verò infortunia & tristitia omnia portendere. Vnde cum in itinere sunt subsistunt; nec nisi noua apparente Lunâ progrediuntur: & ita cursu eius & decursu se suaque regunt omnia. Arque de Mahomethæorum sacris, Ritibus, Ceremoniis, Templis, superstitionibus hætenus satis. Restat vt de eorum Ecclesiasticis viris aliquid dicamus.

CAPVT VII

De variis Mahometæ Legis Ecclesiasticis viris; eorum muneribus, conditione, & vita genere.

HABENT quoque suos Ecclesiasticæ dignitatis viros diuersis muneribus & ordinibus distinctos. Alij enim ius dicunt, alij legem interpretantur, alij delubris præsunt, seruiuntque, ac sacra exercent, alij mendicantes, paupertatem, quasi abdicato Mundo, profitentur. Auctoritate autem & dignitate plurimum inter se differunt, atque alter altero dignior habetur. Supremum dignitatis gradum obtinet Muphtis, vel Mophitis, aut Mophiti. Is enim reliquorum est Princeps, & veluti Catholicorum Summus Pontifex, sacrorum Rex, ac summus Iuris Mahometæi Iudex: qui vt in alios sui ordinis summam potestatem habet, sic Ecclesiastica solus gubernat: quibus nec Imperator ipse, nec Supremi Vizires, nec Bassæ cæteri se immiscent. Huius præcipuum munus est vt perpetuò obseruet ne quicquam in consilio Principis, contra Mahometis legem, aut in Mahomethææ religionis præiudicium à Supremis illis Viziribus statuatur: qui licet omnes vel singuli pro Imperatoris

arbitratu ad tempus mutari, vel excludi à consilio possunt, Muphtis tamen nunquam excluditur, nunquam ab ingressu arcetur; eà ratione, quod semper inuigilare debeat, tanquam supremus superintendens, & Mahometææ Legis Pontifex Maximus, ut ea perpetuò facta recta custodiatur: quam alioqui politici homines ex industriâ nunquam, ex negligentia tamen aliquando fortasse perfringerent, dum ad humana & ciuilia commoda nimis acriter mentis oculos intendunt; nisi assistens istiusmodi grauissimus Pontifex eos errantes in viam reuocaret, & doctrinæ Mahometis subinde commonefaceret. Hanc ob causam prædictis Veziribus (qui numero quatuor intimi & supremi Imperatoris Consiliarij sunt) quasi quintus extraordinarius perpetuò adiungitur: eiusque tanta est auctoritas, ut quamuis siue in Castris, siue in Curiâ, Lex à Principe, supremâ sententiâ omnes comprehendente subditos, feratur, nunquam deinceps reuocanda; eadem tamen statim irrita sit, & nulla, si ab hoc Pontifice pronuncietur Alcorano, & Legibus Mahometis contraria. In alijs autem quæstionibus de lege Mahometææ, & difficillimis, & maximè obscuris solus exemplo Pontificis summi, & Veteris, & nouæ Legis, seu Hebraicæ, & Christianæ, controuersias omnes determinat, supremæ iis finem imponens, omni prorsus sublatâ & appellatione, & cauillatione. Huic vni propter summam in rebus Ecclesiasticis dignitatem, & quod Mahometis personam in hoc religionis officio gerat, Imperator ipse eum honorem exhibet, quem nulli mortalium defert, ut quotiescunque eum accedat hic Pontifex, Princeps è solio suo exsurgat, ad motaque pectori manu, & demisso in terram capite, eum veneretur. Præterea hic Pontifex in omnes Legis Mahomethææ transgressores pœnas statuit, edicta promulgat, ceterisque Magistratibus exequenda mandat. Muphti succedunt Cadilescheri, id est, Iudices supremi, aliàs Cadiascheri, id est, Iudices exercitus, numero tres, prouectæ ætatis homines, & Legis Mahometææ peritissimi; qui ne Muphtis causarum multitudine distrahatur, eoque facilius in hoc suo munere labatur, ei coadiutores & assessores sunt dati, & ex suo munere per amplos annuatim percipiunt redditus: quorum primus ministrorum omnium in Romaniam vel Europâ, alter eorum, qui in Natoliâ, vel Asiâ Minori, tertius eorum, qui sub Sultanico Imperio sunt, generalis est speculator, & supremus superintendens. Hunc Selymus secundus eius nominis Imperator post deuictos Mameluchos prioribus adiunxit: qui licet ordine postremus sit, dignitate tamen & auctoritate præstat cæteris, par Caliphæ Babylonio. Vnâ omnes tanquam præcipui & primarij Mahometææ Legis interpretes, & Doctores eximij, Catholicorum Patriarchis respondent, & in Cadios, Seriphos, Santones, Choggios, Talismannos, Deruissiosque

fiosque imperium (vt diximus) habent, eosque quoad Ecclesiastica monent, dirigunt, corrigunt, & omnino quæ sunt in sacris agenda præscribunt. Vt hinc facillè quis videat etiam apud Turcas præcipuam haberi religionis curam, politicasque rationes sic moderari, vt nequaquam religioni aduersentur, sed cum Alcorani Legibus conspirent, Ecclesiasticorumque examini subiaceant. Cadilesqueri præterea Cadiorum officia seu munia suo arbitratu conferunt: sed ab ipsis constituti ab Imperatore mox confirmantur. In hos item, si munus suum negligenter aut indebitè administrent, vel alicuius criminis rei inueniantur, seuerè admodum inquirunt, & animaduertunt acriter, eandemque auctoritatem ferè in omnes magistratus exercent, quam apud Venetos Syndici. Hos Cadij adeò extimescunt, vt quando prouinciàs inquisitionis ergo peragrarè eos sciant, si sceleris, alicuius conscij sibi fuerint, ac placare posse muneribus hominum seueritatem desperent, eorum aduentum non expectent; sed publicum dedecus & ignominiam veriti, fuga salutis suæ consulant, & in aliis prouinciis sese abdant. Nam quos culpæ reos inueniunt, non solum exauctorant, sed & flagris (ac si vilis essent conditionis homines) acerbè admodum cædi iubent. Si crimen est enormius, vel gladio, aut laqueo eos neci dant, vel ignibus comburendos tradunt. Muneribus tamen (auri cupiditate pellecti) corrumpi se sepe numero sinunt. Cadilesqueros sequuntur Cadij, potestate Episcopis nostris assimilandi. Iudices hi sunt ordinarii, qui de diuortiis, cæterisque ciuilibus causis in aliquâ vrbe vel oppido cognoscunt, in eos qui blasphemii sunt, qui vinum bibunt, qui Templum Precationis tempore non frequentant, nec Quadragesimam obseruant, vel simile quippiam contra consuetum religionis vltum committunt, atque in legem peccant, animaduertunt. Nobilioribus vel ditioribus multam pecuniariam imponunt, humiliores flagris affici iubent: si tamen hos etiam aliquid in bonis habere subodorent, quo corpus redimant, pecuniâ multandos censent. Christianos quoque & Iudæos, si quid criminis commiserint, puniunt acerrimè, etiam capitali poenâ, si cum Mahometanâ quapiam rem habuerint, vel Mahometæ Legi maledixerint, vel cum Mahometæ contra Prophetæ sui Legem disputauerint, eumve Christianam fidem docere præsumpserint, vel Mussulmannum detestari fuerint. Maximè siquidem scelus existimant si quis Christianorum Mussulmanno maledicat. Mussulmannos autem vel Muslimonos se vocari volût Mahometæi, auentq; maximè salutare se hoc nomine, cû id rectè credentes & orthodoxos sonet, alienigenæ nâq; legis cultores omnes cû infideles reputet, se solos tali nomine dignos arbitratur.

Cæterum

Ceterum in controuersis cuilibus diiudicandis, Veteris Testamenti leges, ut plurimum sequuntur. In exercendis vero litibus quæ ferme incidunt ob matrimonia & diuortia, quisque suam agit causam, sibi quisque defensor, non alius: nullus ibi aduocatus, nullus procurator, nullus sollicitator: verum utraque pars iudicem adit. Is momento temporis rem transigit, litemque decedit. Si quis probare quid habeat, scripto, vel testibus, vel iuramento probat, iuratque hic super Euangelium, ille super, Talmud, alter super Alcoranum. Nullæ præterea dilationes, nulla iuris subterfugia, sed summaria omnia iudicia. Nec enim sciunt quid sit sententia interlocutoria, quid Appellatio, quid Reuissio. Ubique est sententia definitiua: & ferme lis sopita est, antequam contestata. Succedunt Cadiis Santoni, vel Hoggij & Talismanni: illi Presbyteris, hi Diaconis Catholicorum assimilandi. Templis namque inserviunt, sacra peragunt, ad Preces horarias populum conuocant, Precibus vacant, concionantur, sed rarius, Hymnos, Cantica, Psalmosque sacros in Messitis concinunt; Scribarum præterea seu Notariorum munere funguntur. Nulla tamen illis circa curam animarum occupatio, neque ullis in scripturis sacris, aut etiam in humaniore literaturâ eruditiores ut euadant, curant quicquam: sed satis sibi esse putant si Alcoranum legere, & secundum literam interpretari queant; quoniam non vulgari, sed veteri Arabicâ linguâ à Mahomete est traditus; & nefas existimant, si vulgari linguâ interpretatus describeretur. Eliguntur Sacerdotes à populo, stipendium autem accipiunt è publico. Vxori, liberis, & familiæ dant operam: quod si stipendium non sufficiat propter multitudinem fortè liberorum, agriculturam exercent, iumenta curant, mercantur, usuram capiunt, vel mechanicis artibus insudant, quibus victum sibi suisque procurant. Ex his nonnulli Mauris Seriphi Nobiles, Turcis Emiri, vel Seithi dicuntur, & viridibus Thulipatis à cæteris distincti, in summâ apud omnes veneratione habentur, eo præsertim intuitu quod à Mahometis stirpe progeniti, vel ab Ali Prophetâ originem ducere communi opinione dicatur. Præter hos, & eos, qui Mahometis sepulchrum visitarunt, Thulipato vel vestitu villo viridi uti licet nemini: piaculum quippe ingens putant viride quempiam adhibere capiti tegumentum, aut viridi indui veste, qui genus suum ad Mahometem vel Alim non referat, vel Mahometis sepulchrum non adierit. Hinc etiam Christianis & Hebræis, calceis, manicis, tibialibus, aliisque interioribus vestibus viridibus indui, lege vetitum est, pœna constitutâ in eos qui contrâ faciunt. Adhæc sacerdotes omnes, cuiuscunque sint ordinis, propter officium, & quod cœlestia & Diuina tractent, à seruitute liberi sunt, & ab omnibus exactionibus, tributis, & aliis oneribus immunes, nec pendent teruncium, cum tamen reliqui omnes Imperatoris subditi, cuiuscunque, demum conditionis sint, vestigalia

vestigalia fisco soluant, ac cæteris exactionibus & oneribus sint obnoxij. Neque solum Scriphi in maximo apud omnes sunt pretio, sed & cæteri Ecclesiastici plurimum à reliquo populo honorantur: putant enim Mahometæi ad legis & religionis suæ honorem & laudem vel maximè pertinere, si Sacerdotes honore afficiantur, quem quidem honorem & legis prouidentia, & Imperatoris voluntas, ac populi pietas Sacerdotibus tribuendum duxit, & longo vsu confirmauit, nec immerito: Nam sacerdotum splendor & existimatio sine dubio ad ipsius religionis gloriam redundat, nec fieri potest quin religio illa sordeat & negligatur, cuius ministros populus contemnit, & despicit, neque ullâ veneratione prosequitur.

CAPVT VIII.

Mira quedam de Santono quodam Mahometæo, vulgò pro sancto habito: eius m. res, conditio, ex urbe Alepo discessus, & in Palestinam peregrinatio. Deq; peregrinantium ad Mahometis sepulchrum numerosissima carauana.

IN Sacerdotum numerum Santonos etiam supra retulimus, qui bifariam diuisi, alij *Alfaqij*, alij *Scheikj* dicuntur, & vitæ genere, & nominis claritate reliquos omnes longè antecellunt, ideoque ab vniuerso populo vel maximè venerantur, quod vel ex hoc vnico exëplo liquebit. Morabatur Alepi, nobis ibi moram trahentibus, capularis senex, annorum circiter septuaginta septem, religione Mahometæus, ordine Santonus, *Scheick el Belloni* vocitatus, is ex opinione vitæ religiosæ, ac driter actæ eam sanctitatis & innocentie famam apud vulgus, imo proceres acquisierat, vt sibi quisque honori duceret, si quo modo ad virum hunc, eorum opinione sanctissimum, sibi pateret aditus. In tantum verò creuerat hominis fama, vt & ipsi Bassæ eius ædes accedere, & inuisere hominem non dedignarentur: honorificum id sibi esse putantes, si quandoque ad colloquiū eius admitterentur: idem primoribus vrbis erat studium. Si difficiliorem aliquando ad se præberet aditum, precibus munera addebāt: quæ etsi sperneret, preces tamen non intermittebant; donec victus eos ad se admitteret: quos paucis alloquutus, statim dimittebat; & vt declararet quam parui, etiam Bassarum amicitiam faceret, initio sermonis oculos ab iis auerteat, vel clausis alloquebatur, impietate iis interim, iniustitiam, tyrānidem, & crudelitatem exprobens: quos nec veros nec equos esse indices, sed latrones, raptores, pauperum atq; aduenarum oppressores, Legumque præuaricatores diceret: quæ quidem omnia æquo animo sufferebant; vel saltem sufferre se simula-

vnquam vltus fuerit: sed cum hæc objicerentur, obmutuisse, vel verbis
 demulsiſſe hominem, vel muneribus eius animum placasse, & gratiam
 redemiſſe ferunt. Tantam energiam habet vel apud Barbaros etiam
 virtutis simulachrum. Senex hic totis duodecim annis proximis domi
 continuo hæserat, nec vnquam in publicum prodierat, toto triennio
 (quod magis mirandum) cubiculo suo non exierat; sed diuinis se to-
 tum studiis, contemplationibus, ac sacræ lectioni, precibusque, tenui
 contentus victu, consecrauerat, adeoque hominum consuetudinem
 solitarius declinauerat, atque asperam vitam duxerat, vt omnibus Ale-
 pinæ vrbs incolis imò etiam vicinis miraculo esset. Hinc nomen eius
 in omnium ore versabatur, nec erat quæ in cælum vsque laudibus ho-
 minem non extolleret, virumque sanctissimum non prædicaret: quod
 vel hoc vno exemplo declarasse suffecerit. Fama percrebuerat apud
 Alepinos eum Hierosolymam religionis ergo breui profecturum, mu-
 nus ibi ad Dei cultum vt offerret, & celeberrimum Salomonis Tem-
 plum, & Christi incunabula inuiferet. Ea namque apud Alepinos Ma-
 hometzosque cæteros inualuit religio, vt Salomonis Templum quod
 hodie extat, omnes penè sacrosanctum putent, ac summâ in venera-
 tione habeant, adeoque singulari ritu in maximâ frequentiâ visitent,
 & colant, eâ præsertim ratione quòd Christum hoc loco multa myste-
 ria perfecisse, & Mahometem suum variis multisque gratiis à Deo do-
 natum esse prædicent. Nam ab animali quodam *Alborab* Mechâ eo ad-
 uectum, dextraque ei datâ ab Angelo Gabriële ad penitiora Templi
 introductum, miranda vidisse mysteria fabulantur. Septimo itaque Id.
 Ianuarij, anno à nato Christo 1599. qui ipsius profectio- ni scilicet con-
 stitutus erat dies, à primo diluculo ad tertiam vsque diei horam ante æ-
 des eius frequentissimus fit concursus Alepinorum, qui honoris causâ
 eum extra urbem comitarentur. Vbi verò iam hominem in procinctu
 stare intellexere, publico applausu suum *La Illah, Illa allah*, inchoârunt,
 & in quatuor diuisas turmas, eum extra portam deduxerunt, hoc seruato
 ordine. Præcedebant signiferi, labara deaurata Dei nomine aureis lite-
 ris intexto gestantes. Hos incomposito agmine sequebatur ingens ho-
 minum multitudo, elatâ voce idem carmen suo more concinentium.
 Post hos supremus Seriphus equitabat, prouectæ ætatis vir, & ad spectu
 grauis, viridi Thulipanto, vestibusque indutus. Succedebat alia hominû
 turba, canentiû eadem quæ præcedentes; hoc tamen ordine, vt primis
 clamando fessis integri succederent, & cantû consueto modulo prose-
 querentur. Secundû hos tertia incedebat turma, numero prioribus nò
 inferior. Hi quoque alternatim idẽ succinebāt canticû. Inter hos medius
 equitabat Sâtonus hic noster, ad spectu venerabilis, facie macilentiâ, bar-
 bâ promissâ & canâ, veste amictus albâ cymatili, penulaque indutus cadi-
 dâ gossypinâ, albidis ouium suffulta pellibus, mulo insidens leucophæo,
 lento incedenti gradu: dumque iter faceret clausis oculis submurmurabat
 preces

preces assiduas. Præcedebat eius filius, maturæ ætatis homo, mulum ducens, regensq; frænum: eorum verò qui vtrumque eius claudebant latus, duo per vices sustinebant hominis brachia, ne ex mulo decideret, reliqui mulo viciniore manu illum comitabantur: magno id sibi honori ducentes. Postremum agmen erat ex promiscua & numerosa hominû multitudine, priorum cantû imitantium. Hac pompâ & ordine per Bazarrum Chani Abraci hominem deduxere, mox Messitâ vrbis nouam prætereuntes, perq; portâ Damascanâ vrbelogiûs egressi, tertio tandem ab vrbe lapide veniâ à Santono habitâ dimissi sunt. Cõfluebant vndique quocunque pergeret vtriusque sexus homines; tam frequētes, vt vix per publicas plateas pateret transitus: totus siquidē ad spectaculû populus effusus erat, vt quasi migrare ciuitas putaretur: neque solû intra vrbis mœnia, viæ per quas transibat populo refertæ erant, sed & maxima turba portis effusa per suburbana loca latamq; planitiem, quâ transiturus esset, hominem operiebatur. Auidi namq; Alepini spectare virum, qui tot annos domi resederat, tantaq; sanctitatis fama percrebuerat, cum nomine tantum multis innotesceret, tã cõmodam sibi eripi occasionem nemo sinebat. Concurrerant itaque ex omni loco & viri & fœminæ, quo visu tanti hominis frueretur: applaudebant extollebantque voces, summissq; cum preconijs prosequentes fausta omnia illi precabantur. Nec mirum, est enim conciliatrix amicitiæ virtutis opinio, cui illud proprium est, vt animos hominû ad se alliciat, faciatq; diligere eos, maximisq; efferre laudibus, quibus existimât excellentes quasdam & singulares inesse virtutes. Nos quoque vt exitum tam solemnem pompæ spectaremus, ad Lenzariam altero ab vrbe lapide Messitam pedites perreximus, atq; vrbe egressi, Venetorû Interprete duce ac comite, iuxta Maurorû cœmiteria, ac supra vrbis lapidicinas gradû fecimus. Speus hæ sunt vastæ amplitudinis, mira diuerticula, ac latebras continentes, Arabû Bedoinorû pauperulorum ex parte habitacula, & restionum officinæ, quibus lumen desuper per saxorû foramina (noctu illac transeuntibus periculosissima) immittitur. Vbi ad primû lapidem venimus, obuius nobis fuit Bassa Alopinus, ducentorû circiter aulicorû comitatus equitatu, eodem properas, quo Santonû gratulabundus exciperet, & honoris causa comitaretur: posceretq; ab eo veniam priusquàm discederet. Nam & paulò ante Cayrensem Bassam insigni cum equitatu eodem profectû cognouerat, qui paulo post sibi obuiam facti se mutuò amplexati sunt, ac solitis humanitatis præstitis officijs inter se colloquia miscuere, lentû interim Santoni expectantes aduentû: cui eminus conspecto iuere obuiam: mox corâ salutarunt comiter, ac vtrûq; eius claudētes latus, exceperunt mediû, & paulisper substiterunt, donec debitæ obseruantiz & beneuolentię cõplerent officia. Ille verò paucissimis vtrique gratijs actis,

dimissos statim voluit: vetuitque ne ultra procederent, tamen progressis aliquantulum, cum iterum ne ulterius progredierentur iuberet, eius iussis parentes ad suum quisque Seraium redierunt. Nos quoque his visis vrbes contemimus. Mos autem inoleuit apud Alepinos, ut quot annis Baarami tempore, quotquot voti vel religionis ergo Alepum accedunt, Mecham ad Mahometis sepulchrum profecturi, eos extra urbem comitentur, ac solemnem cum pompa deducant. Conueniunt siquidem hanc in urbem paucis ante Baaramifestum diebus frequentes Mahometæi, cum Europæi, tum Asiatici, Mechani inuisuri sepulchrum: eâ præsertim ratione, ut Genizarorum comitati satellitio contra Arabum incursiones tutiores sint. Hi Alepo iam discessuri, diebus aliquot continuis, magno satellitum numero & turbâ canticis perstreperite comitati, oppidum perambulant, & quo maximo possunt apparatu se populo spectandos præbent. Camelos namque, aliâque iumenta sagmataria serieis egregiè ornata, tintinnabulisque de collo pendentibus plurimis exculta, circumducunt. Horum alij pretiosis vestibus ornati, partim equis, partim camelis insident: alij camelos fessoribus vacuos, aquâ, lignis, pane, vestibus, ci-
stis, cæteroque conimeatu onustos ducunt. His etiam immixti sunt Drausij plurimi, qui nudis capitibus sibi inuicem acclamantes, ac miris gestibus cateruatim spumantes procedunt: quos idcirco spiritu Diuino afflatos vulgus putat, ac velut sanctitate conspicuos mirum in modum veneratur. Post peracta publica illa spectacula, cum iam Carauanæ Præfectus ab Imperatore Turcico electus, & Bassæ titulo insignitus, ut maius imperium in Carauanam & Genizaros habeat, aduenerit, iter instituunt: quos denuo Alepini solemniter cum canticis & clamoribus immensis Lenzatiam usque deducunt: atque inde omnibus valedicentes, ac fausta precati, ad urbem reuertuntur: illi verò comitantibus Genizaris Damascum pergunt, ubi per dies aliquot quiescunt: post aliis acceptis à Bassâ Damasceno Genizaris institutum iter persequuntur. Vbi ad solitudines Arabiæ Petreæ venerint, relicto priori Genizarorum comitatu, alios rursus ex vicinioribus oppidis asciscunt: quibus comitantibus Mecham usque pergunt. Peregrinorum hæc Carauana nonnunquam ad sexaginta hominum millia adscendere dicitur, ut non Carauanam, sed iustum potius exercitum, præsertim ob magnam camelorum aliorumque iumentorum sarcinariorum multitudinem referre videatur.

CAPVT IX.

*De variis Mahometae Legis religiosis. Eorum merces, vitæ
genus, & vitia.*

ACCEDUNT ultimò Deruisij siue Drauisij, Ecclesiasticis annu-
merandi. Hi Græcorum Calogëris, & Latinorum Monachis ferè re-
spondent, atque inter se, vti & nostri Monasticæ vitæ homines, diuersis
distincti ordinibus, vxores non ducunt. Horum alij Deruislares, alij
Calenderes, alij Huggiemales, alij Torlaces appellantur. Omnes qui-
dem religiosam vitam simulant; sed sub hoc prætextu omnibus sceleri-
bus immersi, infinita perpetrant flagitia: fures sunt vt plurimum, forni-
catores, adulteri, prædones, latrunculi, sicarij; nullis equidem parcentes
quos in itinere obuios superare se posse confidunt. Fædi præterea præ-
dicones, masculorum concubitus adamant: neque à grauioribus, à qui-
bus castæ aures abhorrent, etiam se continent.

DERUISLARES (vt de singulis aliquid dicatur) nullos in capite pilos
nutriunt, tonsi vbiq; frontem temporaq; cauteriis, vel ignito ferro,
vel accensâ spongiâ, aut lineâ quâdam fasciâ inuoluunt: aures perforant,
in quibus ex laspidibus inaures & annulos satis magnos gestant. Ouil-
lis autem vel caprinis amicti pellibus, quorum altera dorsum, altera pe-
ctus cooperiunt; reliquum corpus (præter pudenda) nunquam te-
gunt. In suburbanis & in pagis habitant, vernis & autumnalibus
mensibus quolibet diuagantur, ac stipem emendicandò victum qua-
runt.

HUGGIEMALES, iuuenes plerique robusti, strictâ tunicâ vsq; ad ge-
nua pertingenti induuntur: quam latâ Zonâ cingunt, ad hanc cymbala
appendent, & per omnem Osmannici Imperij ditionem incertis sedi-
bus discunt. Tunicæ Leonis vel Rardi pellem injiciunt; vngulis ab
anticâ parte colligatam, reliquâ corporis parte, pedibus exceptis, nudi.
Calceos funiculis constringunt: inaures habent ex argento, vel ære,
aut alio quouis metallo. Capillos in humeros demittunt: quos oleo te-
rebinthino vel iuniperino perungunt. Eleëmofynis victum comparant
quos cantiunculis suis amatoriis, Arabicâ vel Persicâ linguâ à se com-
positis, conuocato populo, publicis in foris Chanisq; consequuntur lar-
gissimas, Italorum Mimis simillimi. Inter cantandum cymbala pulsan-
t, transeuntes allectant, & verbis demulcent; atque ita à dementato vul-
go stipem satis abundanter cogunt,

TORLACES ouillis caprinisq; se vestiunt pellibus; quibus vrsinam,
pilis extrinsecus versis, vnguibus ad pectus colligatam injiciunt, quâ

velut pallio se inuoluunt; Acuminatō pileo præalto & albo plures habēte plicas tegunt caput, cætera nudi. Tēpora etiam cauteriis inurunt. Ad tabernas, fora publica, balneaq; stipis expetēdæ causâ vt plurimū se conferunt, & precariō viuunt.

CALENDERES continentia præcipuē sibi laudem vendicant, Mahometæorum opinione sanctissimi. Iuxta Imareta & Tempa angustas inhabitant cellulas. Tunicas gerunt strictas & breues, absque manicis faecorum instar, è pilis camelorum contextas; quas *Habâ* vocant. Crines penitus abradunt. Pileos ferunt albos, non absimiles iis quos Græcorum Papasii & Episcopi nigros & valdè latos gestant, in eo tamen differentes, quod ex oris longiusculi crines vndique dependeant. Annulos ferreos auribus, collo, brachiisq; annexos habent.

Vidimus præterea Deruisiorum plurimos strictâ amictos tunicâ, pileolo albo absque alis testos, qui sibi dentes excusserant, quo sanctiores haberentur. Alios etiam qui iuxta tēpla domicilia habētes præ foribus hastas erexerant, quarū supremæ cuspidi lanci, linei & gossypini plurimipanniculi versicolores, & in orbem torti affixi erant, notæ (vt Interpretes nobis affirmabat) magnæ sanctitatis. Nam cuius hasta plures appendices seu panniculos habebat, is præstantior & sanctior cæteris vulgi opinione habebatur. Et tamen foedissimum id genus hominum, luxuriæ omnimodo deditum publicè cum mulieribus congregitur, & (vt verè mihi narratum est) turpia etiam adulteria in oculis omnium committere non veretur. Neque verò dedecori cuiquam vertitur, sed honori potius ascribitur, cuius vxorem spurcissimus scurra subagitaue-rit. Adeo namque cæca illa gens dæmonum præstigiis dementata est, vt diuino impulsu id factum putet. Ideoque se omnium beatissimas iudicant fœminæ, maritis earum idem sentientibus, quod horum amplexibus dignæ fuerint, & (quod magis mireris) agunt etiam istis impurissimis nebulonibus mariti supremas gratias, quod cum vxoribus suis coiuerint: nam si horum concubitu grauidæ prolem pepererint, ea sancta habetur. Hinc quoque (si aliquæ prolem ex marito desiderent) hos adeunt, & benedicti ab his volunt: & si postea se prægnantes esse senserint, id horum deprecatione factum arbitrantur, miraculo ascribunt, & tanquam accepti beneficii memores munera religiosè offerunt, simul & panniculum hastæ affigunt, vel affigendum transmittunt.

S V N T & alij qui urnas lagenasque fictiles aquâ plenas circumferunt, poscenti haustum scutellâ æneâ porrigunt, atque hoc vitæ genere, vestibulatum stipem cogunt, & mendicato pane viuunt.

Q V I D A M etiam velut insani, deliri, lymphatici que, ac planè phrenetici clamoribus omnia implent, quibus obuiorum aures maximè aduenarum

aduenarum obtundunt, canticum suum *La Illah, Illa allah*, vndique perstreperunt, & totis diebus urbium vias publicas circumeant: quæ omnia astu quodam faciunt, suam vt tegant nequitiam, maioremque sanctitatis opinionem acquirant. Ad hæc maslaco & opio vescuntur; quibus in phrenesim actos misera plebecula veluti sanctos & diuino afflatos spiritu, ac Deo charissimos amicos colit, & venerationem non leuem exhibet. Horum aliqui vbi maslacum in puluerem redactum hauserint, carnes cultro latiore, nouacula instar incidunt, & vulnera sibi infligunt, iisque facili negotio medentur. Nam solâ fontis aquâ cum quibusdam herbis vulneribus adhibita breui tempore obducuntur.

SUNT & alij qui vitæ inquinatissimæ pœnitentiâ ducti, voluntariam paupertatem profitentur, nec tamen interim foedissimis moribus ac vitijs valedicunt, nam licentiâ quâdam effræni domos quaslibet intrant, edunt, bibunt & (heu scelus) cum vxoribus aliorum liberrimè commiscuntur; quibus superstitibus, vti Deo amicissimis magnos honores exhibent, defunctis templa vel monumenta amplissima exstruunt, eosque contingere & sepelire fortunatissimum esse censent.

PRAETEREA qui fatuus nascitur, & in ipsâ fatuitate vsque in senectam perseuerat, sanctus apud Turcas existimatur, & colitur: In quantâ autem sanctitatis existimatione hi, cæteri que Deruisij (nebulonum quos terra tulit omnium pessimi) apud omnes sint, quantâ denique veneratione stultos & fatuos Turcæ prosequantur, quoniam in Mahometzorum simulatæ sanctitatis mentionem incidimus, vno exemplo declarabimus.

CAPVT X.

*Senis Mahometæi, vulgò pro sancto habiti, mores,
vita, & conditio.*

MORABATUR Alepi, nobis ibi degentibus, senex quidam alius septuagenarius, caluus, barbâ canus, mirum in modum corpulentus, & pinguedine ventris deformis. Is nudus totus, & (quod mireris) etiam pudendis, sedebat, stabat, obambulabat, atque indies ferè per bazarros viasque publicas mediâ etiam hieme vagabatur. Alternis diebus ad fontem Chani maioris hospitio suo vicinum accedebat, & frigidissimâ aquâ totû se lauabat, nec abstergebat linteo, verum ita lotus, ac madidus totus suum hospitium repetebat. Statim vt se lauerat, aquam illam, veluti sacram, & contactu corporis ipsius benedictâ, ad salutem corporis bibebant, vel ad suos deferebant agrotos adstantes Mauri,

Mauri, Turcis longè supersticiosiores. Habebat hic hospitium in opso-
polio, seu annonæ Bazarro fumo adeò obscuratum, vt horrorè intuen-
tibus incuteret, ac atram potiùs Vulcani officinam, quàm hominis ha-
bitaculum referret. Lecto vtebatur nullo. Humi procumbebat, storeâ
suppositâ. Penulâ è pilis camelorum noctu se contegebat, & prope-
modum sub dio apertis foribus & fenestris dormiebat. Eleëmofynis
(quas liberales ab omnibus consequebatur) victitabat. Plurimos ale-
bat discipulos, sed vestitos omnes, idque more Deruisiorum, tunicâ nê-
pe strictâ & pileolo albis. His in ministerio vtebatur quotidiano. Hi ho-
minem, quàm diligenter obseruabant, assisteabant assiduò, colligebant
stipem, & animalium ossa congerebant: quibus lignorum loco ad fo-
mentum ignis interdiu noctuq; in ipso hospitij medio vtebantur. Can-
ticis ad statem populum integris ferè diebus detinebant; quo pecuniâ
ab adstâribus elicerent largiorem. Tacentibus discipulis ipse suum con-
cinebat carmen, *La Allah, Illa Allah*, submissâ voce, erectus corpore, ac
continuâ corporis agitatione, idemque in tantum protraherebat, quoad
lassus deficeret. Spatulam interim ferream, acutam, oblongam assiduò
manibus voluebat. Ingens quotidie ad fores hospitij illius confluebat
hominum multitudo; qui mirabundi, ac velut attoniti fixis in eum hæ-
rebant oculis, applaudebant hominis sanctimonix, prædicabant vitæ
duritiem, & pœnitentiam asperam, summisque eum laudibus extolle-
bant. Adcurrebant & fœminæ plurimæ, largas ei adferentes eleëmoly-
nas. Hæc cum propiores affiderent, manus eius osculabantur, ac genua
quædam etiam, quod se grauidas fieri exoptarent, post longas preces
(pace legentium dixerim) genitale membrum, quod cum allecutæ es-
sent, hilares discebant, ac letæ. Cæterum pauciloquus erat; stupidus a-
lioquin, & stolidus, nec aliquo præconio dignus, ob nuditatem tamen
rarus, & vitæ genere ridiculus. Nam & muscas, quotquot caperet, glu-
riebar viuas: canum oculos, à discipulis, aliisve sibi dono dados, quantū-
vis crudos, vorabat; imò lauti obsonij loco habebat. Quoties verò per
urbem obambulans canem conspiceret, uti venaticus canis leporem,
sic ille canem insequabatur, ac capto statim spatulâ illâ ferreâ, quam
semper apud se habebat, oculos eruebat. Si in tabernarios vel institores
incideret, detinebant hominem, instabant precibus, vt spatulæ suæ cō-
tactu vel merces, vel pondera eorum benediceret; id cum faceret, se fæ-
liciores fore in diuendendis mercibus sibi persuadebant: pōdera autem
(in modum prægrandium annulorum ex ære conflata) spatulæ affige-
bāt, & tæve quaterve volutabat, quædam interim suo more submur-
murans; murmure absoluto, mox eā reddebat heris; quæ illi, ve-
lut iam sacrata, osculo recipiebant, vel in signum reuerentiæ capiti
imponebant. Ob hos mores, hominem licet dementem, & insipidum,

summe

summè venerabantur, & velut eximiæ ac raræ sanctitatis virum, Deoq; amicissimum prædicabant, cæterisque omnibus Deruissis vno ore præferebant.

CAPVT XI.

Dereligiosis Sacquatissis nomine, aquam cuiuslibet obuio offerentibus De studio Turcarum in exstruendis Imarathis, Chanis siue Carauan saraiis, Pontibus, aliisque publicis ædificiis. Deq; variis Mahometarum eleemosynis, votis & piis operibus.

EST & aliud genus hominum præter Deruissios, cognomento *Sacquatiss* eleëmofynis visitare solitum. Hi mercede à ditioribus conducti, vtres circumferunt aquâ plenos, tria item quatuorve vasa ænea, speculum quoque, ac vas aquâ odoriferâ refertum; quibus velut asini onusti Bazarros & plateas circumeunt, altum clamantes *Allah acciara*, hoc est Deus liberalis. Obuio cuiuscunque religionis, etiam non poscenti vas aquâ plenum porrigunt. Quo verò clarior, lucidiorque aqua appareat, aliqui laspidem, Calcidoniam, aliasque gemmas in vas immittunt, bibenti speculum exhibent, vt se hominem & mortalem reminiscatur. Aliqui Poma, Pirâque deferunt, quæ tamen notis tantum distribuunt, & à quibus eleëmofynam expectant; quos etiam discedêtes aquâ odoriferâ adspargunt. Stipem nullam expetunt, vltro tamen oblatam non recusant, at læti accipiunt, gratiasque odoriferæ aquæ asperginere referunt. Pietatem autem exercere se putant maximam, qui huiusmodi suo ære conducunt homines, Deo gratissimum esse arbitrantur sitientibus aquam frigidam porrigere. Hinc verò Turcæ Mauriq; ditiores labrum marmoreum siue lapideum aquâ perpetuò plenum suas ante ædes statuunt, addito cochleari ferreæ cathenæ annexo, quo transeuntes sitim subleuare commodius queant: quod à nostræ quoque religionis hominibus, Iesuatis nomine, Italiæ in primis notis, obseruatum didicimus. Locupletiores præterea Mahometæi, maximè Turcæ, vel adhuc incolumes, vel morituri testamentis præscribunt, disponuntque, qui ipsorum nomine plateas bis tæve in diem propter æstum pulueremque conspergant, ter item singulis diebus more suo Deum laudent. Plurimi quoque, quod magnam facultatum partem in pios vsus conuertendam existiment, suis hæredibus imperant, vt turres ædificent, Tempa restaurent, vel faculas, lampadésve ardentes ad turres appendant. Id verò quo magis hæredes obseruent vltimis eulogiis sanciant. Omnes enim sic instructi sunt, vt Deum bonis operibus placari credant, eorumque magnam fore in æternâ vitâ mercedem

M m m

non

non dubitent: quod quia certissimò statuunt, hinc fit vt omnes quique pro suo virili in vitâ quidem diligenter, in morte autem diligentius istiusmodi operibus studeant; quibus & Dei nomen glorificari, rempublicam augeri, & priuatorum cōmodis consuli existimant, Inde quoque Imperator ipse, eius Sultanae, Bassae, Beglierbegi, primoresque, cæteri. Moscheis, Imarathis, Carauasaraïis, Balneis, & Pōtibus exstruendis dant operam: reliqui etiam locupletiores, qui maximis negociis & occupationibus distracti, in varia peccata incutunt, huic generi pietatis plurimum impertiunt, tūm quod ad Dei gloriam, cūm etiam quod ad hominum vtilitatem, & peregrinorum commodum eiusmodi monumenta spectare arbitrentur, nihilque gratius esse Deo credant, quàm aduenarum commoditatibus, & pauperum necessitatibus inuigilare. Horum operam formam & conditionem suprà satis expressimus, vt superfluum sit hīc eadem velle repetere: itaque id solum dicemus, in eototos esse, vt vel vetera collapsa Xenodochia & publica hospitia restaurarent, vel tenuiora annuis redditibus locupletent, vel noua exstruant: quæ quidem vel in ciuitatibus fabricata, & plurimis possessionibus dotata (vbi ali possunt bis in die non modo peregrini, sed & Sacerdotes, & studentes plurimi, qui pro fundatoris animâ quotidie precantur) vel extra vrbes in plerisque viciis maximè tritis, & ad ciuitates ducentibus, passim commodo intervallo constituta spectantur: quorum pleraque, 6. 8. 10. 12. millia ducatorum & amplius ex agris & fundis, vel aliis emolumentis annuatim colligant. Vtraque maximæ capacitatis & amplitudinis sunt, ideoque inter præcipua Turcici Imperii ornamenta non immeritò, annumeranda. Nam præterquam quod ad excipiendos viatores ex æquo omnes, Christianos, Turcas, Hebræos, cuiuscunque ordinis & conditionis, (qui in Imperio Turcico magno numero turmatim solēt à ciuitatibus ad ciuitates negociorum causâ commeare) sunt destinata, nonnulla etiam itinerantibus victum gratuito ex donatoris largitate suppeditant. Ad hæc qui loco celsiore sunt Turcæ, fontes ex locis remotioribus ad Imaratha, vel Chana, publicasve vias, in vsum commeantium, vt sit in promptu vnde se possint reficere, & sitim depellere, deriuari, vel pontes ad traiectionem fluuiorum accommodos exstrui, vel vias, quæ aliàs futuræ erant hominibus & iumentis impeditiſsimæ, lapidibus consterni summoperè curant. Sed & qui vel mediocriter pecuniosi sunt, hisce operibus incumbunt, ac magnam substantiæ partem impertiunt, Nihil enim est frequentius in testamentis Turcarum, quam legare certam pecuniæ summam vt riuus deducantur ex longinquis partibus ad aliquod hospitale, vel templum, vel vt viæ publicæ restaurantur; idque pietatis gratiâ, & pro salute animæ. Vt iure dixeris Mahometæos omnes publicis magis esse intentus operibus.

bus & Reipublicæ inuigilare commodis, quam propriis, aut priuatis. Atque hinc est quod inter Turcici Imperij ornamenta vel maximè celebrentur Mosqueæ, Imaratha, Carauansaraia, siue Chana, Balnea, Fontes, Pontes, & Viæ publicæ: de quibus hoc vulgare extat distichon.

*Mosqueæ, Imaratha, Carauansaraia, Lauacra,
Fontes, & Pontes fluminum, strata viarum.*

Neque solum in homines hæc & alia pietatis opera exercenda, atque esse satisfactoria pro peccatis autumant, sed & si quis brutis, & multis animantibus, puta canibus, felibus, piscibus, atque auiculis victum suppeditet, ingentem apud Deum promereri gratiam superstitiosè sibi persuadent. Præterea volucres ad victum hominum captas necare religioni habent: quas pretio idcirco à Christianis sæpè redimunt, ac pristinæ libertati restitunt. Piscibus in aquis natantibus frustula panis obijciunt. Canes item ac felis publicis in plateis, locisque ad id destinatis statis horis gregatim conuenientes, pane, carnibus, aliisque cibis pascunt. In cœmeteriis ad hæc, dum singulis hebdomadibus suorum inuisunt sepulchra sceminæ, quicquid ex dapibus secum allatis superest, auibus, canibusque deuotandum relinquunt, animis mortuorum profuturum, ac Deo id gratum esse existimantes. Immolant quoque victimas, sed plerumque votiuas: quas *Chorban* appellant. In morbo enim aut periculo constituti, ouem vel bouem pro cuiusque conditione & opulentia certis in locis se sacrificaturos voto obstringunt. Voti deinde victimas in holocaustum haud quaquam comburunt, vt Iudæi solent; sed mactato animali, siue victimâ, cutē, caput, pedes, & quartâ partē carnis sacerdoti relinquunt, lateram deinde partem pauperibus impertiunt, tertiam vicinis, reliquam partem ipsi victimantes sibi & comitibus seruant, atque in cibum præparant. Si tamen qui votum fecerint è morbo vel periculo erepti non fuerint, se minimè voto teneri existimant. De ritibus autem eorum quibus in sepeliendis mortuis vtuntur, qualia item eorum cœmeteria, & sepulchra, restat breuiter dicatur.

CAPUT XII.

Agonizantium Mahometarum status & conditio, eorum testamenta. Mira quædam somnia de animarum statu in diem usque iudicii. Mos item sepeliendi mortuos. Eorum cæmeteria. Vulgarium sepulchrorum forma, & primatum monumenta; itemq; parentalia. Necnon Christianorum & Hebræorum cæmeteria & sepulchra.

PRIVSQVAM modum sepeliendi mortuos Mahometanis vſitatum, eorumq; cæmeteria & sepulchra describamus, operæ prætium duximus, nonnulla quæ ægrotantes dum se è viuorum contubernio migraturos arbitrantur curare ſummoperè ſolent; quidq; de defunctorum ſtatu ante Iudicii extremi diem ſentiant, commemorare. Superius retulimus Mahometæos omnes luſtrationibus, eleëmoſynis, ieiunioq; plurimùm tribuere, iisq; peccata, quantumuis enormia, purgata exiſtimare; attamen ſi quid vi ablatum ſit, aut alteri debeatur, id etiam reſtituendum, & ſoluendum, ſi non verè, ſaltem apparenter, exiſtimant. Hinc vicinà laborantes morte in primis operam dant, ſyngraphum ſolutionis à creditoribus vt nanciſcantur, etiam ſi re verà ſolutionem nō præſtiterint, reſtituerintve ablata, eoq; velut præſtitæ ſolutionis teſtimonio capiti agonizantis ſuppoſito, ſatiſfactum debito putant: quinimò etſi quandoq; morientium amici aut familiares ſyngrapha huiuſmodi à creditoribus vi etiã & metu extorqueant, crimini hoc ſibi à Deo nequaquã yerti, ſed proinde prodeſſe defuncto, ac ſi verè ſatiſfeciffet, putant. Si quas verò furto, latrociniiſ, aliisve malis artibus diuitias ſibi conſtauerint, & neſciant quibus reddi debeant, cum pecuniæ ſummam aliquam Xenodochiis legant, vel balneum publicum erigi, aut Meſſitam, certo numero lampadum illuſtrari, Santonisve annuam eleëmoſynam elargiri, aliãve pietatis opera (de quibus in præcedenti capite egimus) pro ſe fieri teſtamento ſtatuunt, quod à Santonis Seriphisve plerumq; conſcribi ſolet. Quia verò, per fas & nefas vt plurimùm opes cumulant, maiorem idcirco bonorum partē Meſſitis & Xenodochiis legandã, vel in vſus prædictos conuertendã ſatagūt, reſiduo hæredibus relictis; hac lege, vt vxorū in primis dotes, ſeruorū mercedes ac cætera debita ſoluāt, ſuisq; ſatiſfāciant creditoribus. Neq; tamen hæreditatē ſtatim à morte teſtatoris adire hæredibus liberū eſt, ſed eam à iure Imperatoris redimere, & à magiſtratibus enundinari neceſſe habēt, niſi defunctus ex eorū numero ſit, qui libertate gaudeat, quiq; priuilegio Imperatoris liberè de bonis ſuis ſtatuerere poſſit. Teſtamēto conſecto, vbi ſupremum ſpiritum ægrotum ducere animaduertūt, Santonū aduocant. Is Alcoranū ei imponit, atq; ex eo Caput quoddã *Chabere elizi* nomine, id eſt, Tractatum leſu Chriſti ſepties legit: id enim animam

animam agenti viatici loco fore, ac facere ad certam salutem, credunt. quam tamen non statim defunctos consequi, sed (ita distante eorum Zona) in sepulchro quemque suo in diem usque Iudicii manere, ibique prout in vitâ hac mortali se gesserit, vixeritque, vel ab Angelis consolari, vel pœnis affligi. Mox enim atque sepulchro quis conditur, ad tumulû defuncti accedere Angelos duos piceos, *Mungir & Quarequir* dictos; horum alterum clauam ferream, alterum vncum tenere, eosque iubere cadaueri vt eleuato capite in genua se errigat, induatque animam; quam vt induit, ab vtroque Angelo interrogari, num Mahometis legem obseruauerit: quod si bonam antea actæ vitæ reddat rationem, hos discedere, ac duos alios instar niuis candidos eam accedere. Hos sese custodes ac socios defuncto adhibere, assistere & subleuare iugiter in diem usque Iudicii. Sin malam, remanere nigros, & hunc clauâ ferreâ defuncti caput tantis viribus contundere, vt vnico ictu vnus quasi septem corpus defuncti in terram adigat; mox illû pari impetu vnco ferreo defuncto vulnus infligere, eumque è terrâ erueret: atque hoc horrendo supplicio continuò miserum usque ad extremum Iudicii diem torquere. Hinc verò linteola, quibus cadauera inuoluunt, ab imo & supremo (vt ad Angelorum imperium caput tollere, & in genua sese erigere facilius possint) non consunt. Ne tamen huiusmodi pœnis reddatur obnoxij, valentes profundunt vota & Præces indies, his verbis: *Libera nos Deus ab Angelo interrogante, à tormento sepulchri, & à viâ mala.* Cadauera priusquam ad sepulturam efferantur lauari proximores consanguinei quàm diligenter curant, aromatibus insuper, atque aquis odoriferis vngunt, odorantque; ne fœtore cubicula inficiantur. non enim capulis (vt apud nos moris est) includunt: sed feretris Italarum more imponunt: mox Thulipatum capiti addunt, & melioribus vestibus induunt, ornantque floribus, atque ita omnibus conspicua efferunt. Præeunt viri frequentes, & primo ceroserarij cum candelis, monachi illorum, dein Sacerdotes, postremo consanguinei non bini vti nostrates solent, sed confusim, Præana canentes suum, *la illah illa allah.* Feretrum post hos quatuor aut sex ad summum gestant baiuli. Subsequuntur foeminae, Mahometico eiulantes ritu, voce stridulâ, lugubrique. Ad sepulchrum vt ventum est, consistunt, lapidem remouent, fossam effodiunt, corpus vestibus spoliant, rursus gossypino linteo aut sindone illud inuoluunt, ac tegunt: atque ita facie ad cœlum versâ, brachijs, manibusque extensis, ac lateri admotis, non in crucis modum cōplicitis, neque pectori impositis, vt apud Italos moris est, sepulchro impositum terrâ operiunt. Interim dum hæc sedulò curantur, consanguinei, ceterique, qui proximi ad feretrum adstant, suum *la illah* cōcinunt; idque in tantû protrahunt, do-

nec omnia quæ ad funus pertinet, ritè peracta sint. Sepiùs etiam amici cum luctu ad monumentum redeunt, & pro defuncti animâ eleëmofynas pauperibus distribuunt. Solent quoque plerique religiosi in funere prodeuntibus plenâ manu eleëmofynas impertiri: quod si defunctus pauper fuerit, nec habeat vnde religiosi funus comitantibus satisfiat, plateatim collectæ pecuniæ in eleëmofynam illis elargiuntur, Cœmeteria iuxta vias publicas pleraque posita sunt, vt transeuntes se mortales reminiscantur; Deumque pro salute defunctorum precantur; extra vrbes tamen & oppida: in vrbibus oppidiue conspicias nulla; cùm id lege vetitum sit, ne cadauerum fœtoribus vrbes inficiantur. Eademque de causa etiam remotius ab vrbe pecora sua maciant, excoriant, & exenterant. Quâ in re veterû Romanorum secuti sunt morem; qui ne in vrbe sepelirentur aut cremarentur demortuorum cadauera, legibus statuere: quemadmodum id etiam lege Duodecim Tabularum sancitum constat: cuius verba sunt: *In vrbe ne sepelito, ne- ue vrito*. Cùm tamen ante id tēpus in domibus, quas singuli incolebāt, dolijs, aut vasculis cadauera, aut demortuorum cineres conderentur: vnde Lares (quos domesticos vocitabant Deos) colere antiqui cœpēre. Neque Romanis tantum, sed Hebræis quoque olim vſitatum fuit suos extra oppida sepelire mortuos, vt in viduæ Naimitanæ filio vnico à Christo resuscitato videre est; idque è Legis Mosaicæ zelo: vetuit enim Lex, ne quis se contactu cadaueris coinquinaret: in quam quo minùs quis impingeret, voluit Synagoga sepulturas longius abesse. Solis autem melioris notæ Santonis, aut principibus viris, suis impensis Mausolæa & sepulchra intra vrbis mœnia habere permissum est: quod itē ab antiquis Romanis accepisse videtur. Sūt autē Turcarû cœmeteria ampla, ac latè patentia: plebeiorum pleriq; sub dio tumuli vnus fere vſuntur formæ, lapidei omnes, ac tres, quatuorve, ad summum quinque pedes longi, instar cunarum, superficie planâ, canaliculam in medio continent, quam terrâ implent, floribusque, aut herbis odoriferis exornant. Extrema sepulchri latera supra mediam superficiem quasi sesquipedem eminent, in frontispicijs demortuorum nominibus ac die obitus, Arabicis literis insculptis, Inter vulgaria hæc sepulchra quibusdam in locis Circassorum veterum, ac primatum Mausolæa conspicias plurima, non pyramidalem, sed sphericam seu Melsitarum formam referentia: aliqua etiam Christianorum monasterijs, neque minora, nec structuræ magnificentia ornataque inferiora, Melsitâ, porticum, claustra, ambulatoria, variaque cubicula continentia, in quibus ditiores, Talismannos suis sumptibus alunt: qui sacra inibi in demortuorum memoriam peragunt, Precesque, ac Psalms, humi diuaticatis sedentes cruribus, quotidie ad certum numerû pro animâ fundatoris

*l. mortuorum
ff. de relig. &
sumpt. fun. &
l. prator ait
dignus ff. de se-
pul. violat.*

datoris iuxta eius sepulchrum obmurmurant. Id ex marmore quadratæ tumbæ instar panno viridi coopertum, cui à capite defuncti Thulipantū è lino subtilissimo contortum spiris candidissimis, quo viuus uti consueuerat, itemq; ornamenta equestria, galea præsertim, & acinacis superposita sunt. Santoni verò, cum nefas esse putent in Templis quemquam sepelire, non in suæ curæ commissis Mesisitis, sed iuxta eas sua sepulchra habent: quæ muro, cancellis terreis impositis, pretereuntium conspectui patent. Marmorea hæc, vel lapidea sunt, pleraque oblonga, ad quadratam tamen formam accedentia, superficie planâ, duobus, tribusve circumsepta gradibus, canaliculas in medio excisas, ad modum vulgariū tumulorum, licet latiores, continentia: quas terrâ pariter impletas floribus atq; herbis odoriferis ornant. Alij Palmis, vel Oleis sepulchra circumsepiunt; quarū vesci fructibus ob demortui reuerentiam religioni habent. Illud verò in primis mirandum, quod nullo ferè mortis timore ducantur, neque etiam à pestiferâ contagione sibi præcaueant. Si causam scisciteris, Diuinæ vindictæ morem esse gerendū, nec eius voluntati renitendū, neminemq; mortem posse effugere, nec nisi destinato euenire aiunt: ideoque frustravitari loca peste infecta putant; irridentq; Christianos, qui tanquam diuinæ ordinationi resistētes lucē pestiferâ fugiendo declinare se posse autumāt. Cæterū cœmīne singulis diebus Iouis, qui Mahometæis profestus hebdomadarius est, frequentissimo concursu ad suorū cōsanguineorū sepulchra, Preces, Sacraq; pro ritu Mahometæo ibidem dicturæ, conueniunt, eaq; ramis frōdentibus, & herbis odoratis, in aquâ frigidam intinctis, adspargunt; hærentq; ibi à primâ vsq; in seram lucē, panē, caseo, carnibus, alijsq; obsonijs, quibus naturæ necessitati eo die satisfaciāt, secū allatis, miscētes hoc modo cū supplicationibus & parentalibus. Christiani itēmq; Hebræi extra vrbes & oppida sua quoque peculiaria cœmiteria habēt, sed à Mahometæorū cœmiteriis longē remōta, quæ saxorum formâ, sepulchris impositâ; eorūq; inscriptione internoſcuntur. Christianorum namq; sepulchra, maximè Occidentaliū, saxa habent oblonga, & quadrāgula, lōgitudinis pedū quinq; aut circiter, nominis defuncti inscriptionē; atq; diem obitus Latinis verbis cōtinētia. Hebræorū quadrata, & minora, ac Hebraicis characteribus insignita. Neq; hæc cœmiteria gratis Christianis & Hebræis concedi quis putet: sed vectigal inde soluendum Imperatori nouerit. Vbicunq; enim siue Christianum, siue Hebræum mori, ac sepulchro condi contingat, pro cuiusque conditione tributum pensitare coguntur omnes. Orientales Christiani, itēq; Hebræi grossos aliquot pro iure sepulturæ exsoluunt. Occidentales vel Europæi maius tributum dependunt. Si consul vitâ functus fuerit, quadraginta quinque Cechinos, si mercator sex, reliqui tres. Soli vero Mahometæi ab hoc tributo immunes sunt. CAP.

CAPVT XIII.

De Bafsis, Sanctiaccchis, & Subafsiis, supremis Turcarum magistratibus: eorumq; munere, moribus conditione. Deq; variis Turcarum militibus, nec non atrocium criminum. pœnis.

DIXIMVS de ius dicentibus, aliisque sacris apud Mahometæos præfectis, Sacerdotibus, puta & Monachis: superest modo, vt de cæteris magistratibus, Bafsis nimirū, Sanctiaccchis, & Subafsiis aliqua addamus, & primum quidem de Bafsis. Nomen id Turcis Caput significat, daturq; iis in primis, qui *Vezirum* titulo clarēt. Vezires autē nobis Cōfiliarij sunt Imperatoris intimi, quondā quatuor, sed nūc vel plures vel pauciores, prout Imperatori visum fuerit, deligūtur: quorū supremus *Veziraxem* Turcis dicitur: quæ prima apud Turcas ab Imperatoriā est dignitas. Is enim cæteris præest, auctoritate superat, supremo Synhedrio siue Concilio (Diuanum Turcæ vocāt) præsidet, ac solus vniuersum maximā cum potestate administrat Imperium, Principis præterea scrinio, gemmaque seu Sultanico sigillo potitur, & Scribis atque Notarijs regis decreta dictat. Vnā verò omnes summum in Imperio magistratum gerunt, & grauissimarum rerum consilijs, præsumt: per singulas verò hebdomadas quatuor continuis diebus in regiā cōeunt, supplicibus libellis respondent, lites dirimunt, ipso Imperatore nonnunquam ex protestā vel fenestellā cunctas controuersias, querelasque populi, ac Bassarum respōsa intentis auribus excipiente. His præter Muphtim, de quo supra egimus, adiunguntur, & parem in sedendo locum & honorem obtinent cum ipsis Bafsis Veziribus, quoties in Diuanum publicum veniunt, tres supremi militiæ præfecti, qui superbā appellatione *Beglerbeghi*, id est Domini Dominorum vocitātur: *Rumeli* nempe *Beglerbeg*, hoc est Romanix, siue Græciæ, *Anatoli Beglerbeg*, id est Anatoliæ, vel Minoris Asiæ, & *Benizi Beglerbeg*, hoc est maris. Præter hos etiam suam in Diuano publico seisionem habēt. Supremus Portæ Cancellarius, *Nissanzibassa* nomine; qui litteras omnes, omniaque mandata, & instrumenta, quotquot apud Portam expediuntur, obsignat. Tres item *Dephterdarg*, id est præfecti ærarij, necnon Vicecancellarius, *Rais Kiutap* dictus: in cuius manibus sunt omnes libri, commentarij res ad archiua pertinentes. In eodem quoque Diuano sedent Iasitschi, id est Secretarij, siue actuarij, numero plus minus quadraginta: qui acta Consilij in scripta redigunt, scripturas omnes summā sedulitate conficiunt, literasque expediunt. Bassarum deinde titulo decorantur & ceteri Prouinciarum Præsides, *Beglerbegi* & ipsi.

& ipsi nominati: qui quidem triginta octo in Osmannidarum Imperio numerantur; triginta in Asiâ, tres in Aphricâ, quinque in Europâ: atque integris prouincijs, regnisque cum imperio præsunt, nostris Proregibus non dissimiles, auctoritate tamen & opibus longè superiores. Hos si quis adierit, ne auersus ab eorum conspectu recedat summopere cauere debet. hoc enim si fecerit, luet pœnam contemptus; negligi si quidem ac vilipendi se putant Turcæ primores, si quis in discessu faciem auertat. Plurimos sub se habent magistratus, Cadios, Sanzachos, Subalsios, aliosque inferiores duces & præfectos. In Begos item, Timariotas, Spachios, & vniuersam Genizarorum militiam in prouincijs sibi subiectis degentium, & militantium, cæterosque gregarios milites, Acanzos, Azapos, Olophagos, ad nutum ipsis obtemperantes. dominantur, & imperium habent, ut hinc non immeritò domini dominorum vocitentur: nam Sanzachi & Beghi (quibus imperant) minorum (quod aiunt) gentium domini sunt. Ne verò silentio singulorum conditionem prætereamus, pauca hæc de singulis retulisse sat erit: & primo quidē loco Begos ponemus; nam de Sanzachis & Subalsijs, postea suo loco dicendum est; de Cadijs suprà egimus. Beghi igitur apud Turcas Barones sunt, siue procures cuiusque regionis, vel Bassarum, ac benemeritorum de Osmānidis filij; omnes quidem stipendia merentes, non tamen ijs legibus obnoxij, quibus cæteri milites Osmānici; nam nisi ipsemet Sultanus in expeditionem prodeat, illi in militiam proficisci non tenentur. Timariotæ & ipsi Imperatoris beneficii sunt, atque equestris ordinis milites: in quorum equitatu præcipuum Othomannorum robur cōsistit. Nam ad repentinum Imperatoris edictū paucissimis diebus septuaginta amplius equitum milliâ in vnum locum à præfectis adducuntur. Vniuersis duo Magistri equitum præsunt, qui & ipsi Beglerbeghi (ut suprà diximus) appellantur. Asiaticus vnus, Europæus alter. Hic ad Sophiam Miisæ inferioris, ille ad Cutheiam Galatiæ urbem sedes habent. Spachi vel Spachij equites item sunt prætoriani, Imperatoris custodiæ deputati; qui à dextrâ leuâque distinctis agminibus, equitantis Imperatoris, dum in expeditione prodiit latera præcingunt, & à pueritiâ ex delectibus prouinciarum adducti in regiam, postquam à religione Christianâ defecerint, per eunuchos literis & armis liberaliter instituti, quàm puberes euadunt, ad summos honores prouehuntur. De Genizaris suprà retulimus: ut superfluum sit hîc eadem velle repetere. Id vnum dicemus. Ex mirifico hoc inueteratæ disciplinæ genere, tanquam ducum & præfectorum seminario, plerosque in alas prætorianas ad equum rescribi, alios ad superiores ordines traductos ad præfecturas scandere, alios nulla ferè aliâ quam testatæ virtutis commendatione Sanzachos, &

quod supremæ eorū fortunæ munus est; Beglerbegos, & purpuratos Bassas creari. Acanzij verò vel Akenzi Turcarum sunt pedites, sine stipendio militantes, rusticum genus hominum, Vngarorum Haiduchis non absimiles: quicquid enim prædantur, sibi retinent, prædaram tantum decumas Imperatori soluunt. Itali genus hoc militum Ventureros vocant; præcis Volones dicti fuisse videntur. Azapi item Turcarum sunt pedites peregrini, stipendijs conducti, quemadmodum & Olofagi, siue Vlefedsi, sic dicti ab Vlese, quod stipendium significat. Duo autem apud Turcas stipendiorum sunt genera; quorum vnum Vlese, vel Olofe, alterum Timar vocatur, Vlese stipendium est diurnū, singulos in dies à rationalibus vel quæstoribus militibus, vel aulicis solui solitum; quod more nostro menitruum, vel annum est. hoc qui fruuntur Vlefedsiorum nomen habent. Timar verò est pensio, vel stipendiū, vel redditus assignatus in prædijs, vel possessionibus castrorū, oppidorum, pagorū, agrorum, vel in percipiendis decumis, alijsve fructibus. Græci Timarion appellant; inde Timarijs donati, Timariotæ dicuntur: quod nomen à Græcis mutuassee Turcas verisimilè est; nam vox ipsa *Timar* Græcè honor significat; à quâ Timarion derivatum videtur; quod huiusmodi Timaria, velut honoraria, siue beneficija honestioribus, Begis nimirū, & Spachijs, alijsque bene de republica meritis, concedi solent: qui idcirco nostrorū principū Vassallis, siue Beneficiarijs (quos Feudatorias appellamus) haud incongruè cōparari possent: nisi in eo differrent, quod apud nos feuda perpetua sunt, quæ à parentibus ad liberos & posteros devoluuntur, apud Turcas verò temporaria tantum, nec ultra principis beneplacitū durantia. Nam si quis eorū, qui hoc stipendio vel beneficio gaudent, non ritè suo munere functus fuerit, & disciplinam militarem non observauerit, à iudicibus ad hoc deputatis (qui circummeundo præfecturas sigillatim turmas recensent, arma, equos, & mores inspiciunt) statim notatur, & exauctoratur, alijsque in exauctorati locum assumitur. Atque hæc de militibus dixisse sufficiat, ad Bassas modò, unde digressū, reuertamur. Præter Spachios, & Genizaros, quos sibi custodes Bassæ adhibent, qui que interdū noctuque in Seratorū portas vicissim excubias agunt, suos etiā habent Chausios, Capizilares, ac Pecos, qui nobis Præcones, Ianitores, & Cursores sunt; Bassarumque iussa ad nuntia conficiunt, & quotidianum ministerium in Seraijs exhibent: de quorum munere alibi egimus. Aliud præterea Bassis Seraiū est, in quo, non aliter atq; ipse Turcarum Imperator, vxores suas, & pellices alunt, virgines etiam alienigenas venustiores, raptas, vel magno emptas, aut dono acceptas educant: quarū custodia ac curæ Eunuchos adhibent, & præficiunt, non solum testibus, sed etiam pudendis mutilatos. Porro Sabassij, ceteri-

que

que duces & præfecti omnes, qui in regijs vrbibus, Bassarum sedibus destinatis adfunt, singulis diebus horum Seraia adeunt, ijs assistunt, & in publicum prodeuntes honoris causâ comitantur, deducunt, reducuntque. Licet autem apud Turcas omnes, ac Mauros in maximâ æstimatione sint, diuitijs abundant, potentiâ, imperio, & auctoritate plurimum valeant, ac magistratus omnes, primatesque cæteros dignitate superent, atque integris regnis, amplisque prouincijs præsent, ad vnum tamen omnes, etiamsi ipsius Imperatoris affines & generi fuerint, non desinunt vocari, & re verâ esse Imperatoris serui, adeoque velut mancipia ab eodem haberi. Hinc verò neque oppida, neque arces, nec pagos, more Christianorum, vel etiam Persarum possident, imò nec paulò munitiores domos ædificant, neque etiam vt nostri Principes, Duces, ac Comites solent, testari liberè, deque suis facultatibus ad libitum disponere, & suis liberis, vel propinquis eas relinquere valent; sed quæcunque ipsis extinctis ex eorum bonis supersunt, fisco (veluti in ius Imperatoris deuoluta) cedunt; liberis tantum post patrum obitum ab Imperatore tenui assignato stipendio, quo se & familiam alant. Rarò autem, & nisi ob maxima parentum merita regiâ liberalitate, & priuilegio liberi patris hæreditatem adeunt. Eâ propter palatia nulla exstruunt, nec prædia, villasve comparant, sed publicis tantum ædificijs, Messitis nimirum, Imaretis, Chanis, Fontibus, Balneis, & Pontibus ædificâdis (vel pietatis, vel memoriæ post se relinquendæ causâ) dant operam, In hoc verò omni studio incumbunt, aurum, argentum, gemmasque pretiosas vt cumulent, quo tutius ac commodius liberorum necessitatibus in posterum prospiciant. Hæc enim sciunt facilius ab hæredibus recondi, & occultari posse. Familiam alunt numerosam fastu regio; & nihil sibi honestius quicquam ducunt, quàm plura seruitia, decore militaris formæ præstantia, pompæ modo ad decus ostentare. In hunc siquidem vnum præcipuè sumptû omnes pænè fortunas conferunt, ac profusiores sunt, cum alioqui exquisitis epulis minimè studeant, nec sūptuosè ædificent, neq; vllis omnino damnosæ aleæ ludis indulgeant; quod si quandoq; latrunculis ledant per otium luisse, vicisseq; ad ingenij laudē quàm ad pecuniæ quæstû, nobilius existimant. Splendidis equidē ac pretiosis vtuntur vestibus, non tamen proprio are cōparatis, sed vt plurimum à suæ ditionis hominibus, vel ab exterorū principum Legatis, aut mercatoribus alienigenis dono acceptis. Hi quidē honoraria hæc munera illis offerunt, quo tutius sua negotia exerceant, & à Turcarum Maurorumque iniurijs se reddant immunes; illi verò, vel vt fauorem obtineant, gratiamve aucupentur, vel criminis alicuius rei à peenâ corporali

se liberent, eximantq; noxæ, Cùm autem regis ad arbitrium magistratum gerant, sciantque se vltra triennium in magistratu haudquaquam continuandos, in hoc toti sunt, vt diuitias quas possunt maximas, congerant, quibus exacto hoc magistratû, alium Veziribus nundinentur, vel si noui magistratus spes prorsus nulla superfit, familiam ac seipfos pro dignitate priuati degentes sustentent. Propterea nouas sæpenu-merò exactiones excogitant, subditisq; imponunt, negotiatores expilant, in carceres trudent, catenis vinciunt, ac grauissimis tormētis subiciunt, vt pecuniam emulgeant, ac quicquid possident, per vim metumque extorqueant. Si verò alienigenarum aliquis, siue mercator, siue artifex, aut alius quispiam, cuiuscunque tandem religionis existat è viuis excedateius bona interdum etiam reclamantibus nationum Consulibus per vim sibi vsurpant, si non omnia, præcipua saltem, & pretiosiora, Par quoque conditio Saniacchis est, gradu licet & dignitate inferioribus : vt enim illi prouincijs & regnis, sic hi vrbibus præsunt, instar Prætorum, ita tamen vt Bassæ imperium, in cuius prouinciâ sunt, agnoscant, eiusque mādatis subjaceant. Saniach autem siue Sanzach Turcis vexillum est militari, à quo Saniacchi nomen habent : nam plerumque quum ad expeditiones suscipiendas mandato Sultani euocantur, vexilla ante se gestari faciunt, cùm strepitu tympanorum, aliorumque instrumentorum stridulorum. Cæterum omnes hi magistratus, vt sunt pecuniæ auidissimi, ac nihil magis quàm lucrum quærunt, ita vt plurimùm iustitiam venalem habent, & plus offerenti palmam concedunt, nihilq; absque euidenti lucro agendum putant. Rarissimi quidem sunt qui se pecuniâ corrumpi non sinant, aut enormia hæc non committant crimina, & tamen iustitiæ obseruatores tenacissimi, & iudices æquissimi haberi & videri ab omnibus volunt. Eo verò liberius in huiusmodi incidunt scelera, suæque nequitiam atque iniustitiam facilius regunt, cùm non desint è Turcis qui pretio publicè in iudicijs pejerent. Quinimo ex ipsis Seriphis inuenias plurimos, qui etsi virtute, vitæ innocentia, atque etiam pietatis exemplo præstare cæteris debeant, spe tamen lucri falsum reddere testimonium non verentur, atque in tantam venere mentis insaniam, vt etiam perfidum dicere sacramentum pro consueto habeant, nec crimen esse putent, si pejerent, vt verè illis in prouerbum cesserit: Vnquam non deerit, testem qui quærit inanem. Ad hæc iniustis, falsisq; delationibus (vulgus Auantias Turcicas vocat) vexare, atterere ac pessundare aduenas, quos vel diuites, vel pecuniosos nouerint, Turcis Maurisque vsitatum est. Adeò enim id vitium apud barbaros hosce inoleuit, vt perpaucos inuenias, qui malis his artibus operam non dent : non enim vitio aut crimini ducunt, si alienis

si alienis quis inhiet bonis, si ditari studeat, etiam cum damno proximi: nam quoquo modo quis lucrum quærat, per fas aut nefas, quibus denique mediis quis diues euadat, curant nihil; facile ipsis cum sit purgationis, & satisfactionis remedium. Imò & Subassij, qui tertium in ordine gerunt magistratum, & à Bassis Saniacchisve creati solent, quorum est in reos inquirere, de quæ sceleratis supplicium sumere, muneris sui prorsus immemores, sæpe miseros subditos circumueniunt, dolis, fraude, perfidiâ fallunt, radicibus expilant, funestantque: ubicunque enim pecunias esse præsentunt, eas tanquam odore canes insequuntur mendaciis, dolis, insidiis extorquere satagunt: satellitesque suos sæpe numero subornant, ut innoxios accusent, ac crimina obijciant. Et hæc quidem eo liberius committunt, quòd supremos magistratus criminum conscios, & pecuniæ iniuste à se extortæ socios habeant, eosque connuere suis delictis certò sciant. Quare etiam si quis homicidium, aliudve graue & capitale delictum commiserit, unde iubente lege mortem mereatur, modò tantæ ei suppetant opes, quibus implere crumenam magistratibus queat, facile immunis redditur, pœnam effugit, & à meritâ nece liberatur. Hinc quoque ditiores plerique in pauperiores secrete grassantur, vim atque iniurias inferunt, calumniantur, & opprimunt; certi nimirum, quicquid tandem egerint, pecuniâ se pœnam composuituros, debitamque punitionem haud dubiè effugituros. Inde etiam fit ut nisi in triobolares, laceros, & penulatos, seu infimæ conditionis homines, quibus nihil in bonis est, leges ipsæ locum nullum habeant, debitumque fortiantur effectum. Nam si quis horum hominem occiderit capitali plectitur pœnâ, si adulterium commiserit, Mahometæus cûr Mahometæâ, lapidatur vterque. Cum Christianâ verò si rem habeat Mahometæus, præpostera alio impositus, candæ manibus alligatis, per vniuersam circumuehitur vibem, pueris, puellis, viris, fœminisque præter probra & contumelias, fœditissima quæque illi in faciem conijcientibus. Christianus autem cum Mahometæâ inuentus ignibus aut pali supplicio addicitur. In simplici fornicatorem fuste animaduertitur. Furtum pari pœnâ plectitur: bis tervè quaterve commissum manus aut pedis amputatione punitur: sepius autem quàm quater in furto deprehensus, gabalo adiudicatur, atque vno suspenditur. In reliquis delictis talionis pœna obseruatur; nonnunquam tamen pro magistratum arbitrio pœna minuitur vel augetur. Quia verò Pali & Vnci supplicium Occidentalibus incognitum & inusitatū est, libet obiter utrumque paucis hîc exponere. Cruces & patibula extra vrbes conspicias, in vrbibus nulla, formâ tali. Tres eriguntur trabes & æquali intervallo terræ infiguntur. His aliæ duæ trabes transuersariæ affiguntur; superior supremas partes erectarum trarum regit, & innititur; in

ferior medium occupat: huic Vnci ferrei tres prominentes paulò minus sesquipedem affixi sunt; superiori totidem annuli ferrei, qui subiectis vncis respondent. His funis immittitur, quo reus innectitur, & ad summum attollitur. In altum sublatus, mox tunc laxato in subiectum decidit vncum, transfigiturque vel humeris, vel ventre, vel natibus, prout fors tulerit, atque ita hæret immobilis in tertium quandoque diem, prius quàm exhalet animam, ac mortem oppetat: cui si quis subuenire, aut mortem accelerare præsumat, eiusdem pœnæ reum efficit. Pali supplicio addictus palum ipsum vel inuitus ad locum supplicij defert, longum plerumque pedes octo, aut nouem, rotundum totum, mucrone acuminato. Vbi ad carnificinam ventum est, stipitem deponit, & vestibis exutus pronus diuaricatis cruribus extenditur. Adstant lictores, qui manus pedesque rei firmiter stringunt, ne loco se mouere vllatenus queat. Carnifex dein palum podici apponit; quem crebris mallei ictibus per hominem adigit, donec per humeros, caputvè, aut pectus erumpat. Palo hoc modo affixus erigitur: scrobique Palus infigitur: atque ita nonnunquam in tertium vsque diem summo cruciatu extremum spiritum protrahit: nec quispian interim, pœnam veritus, misero vel aquæ guttulam porrigere, aut succurrere laboranti aliquo modo audet. Sed iam satis de pœnis. Ad magistratus redeamus Turcicos; eorumque perditos mores. Hi non solum iustitiam omnem (vt diximus) venalem habent, sed & muneribus tam auide inhiant, vt auxilium & subsidium omne, aut etiam fauorem muneribus venundent. Neque enim, quisquis ille sit, siue Mahometæus, siue Christianus, aut Hebræus, si muneribus vacuus accedat se voti compotè fore speret: quinimò & aditus ei denegabitur. Dignantur enim, & se negligi & floccifieri arbitrantur, si quis eos sine eximij muneribus aut donis accedere audeat. Prius itaq; liberalè se exhibeat, & munus offerat oportet; deinde si quid velit, exponat: aliàs enim non auscultabitur. Surdas siquidem Turcici magistratus habent aures, quæ solis donis & muneribus aperiuntur. Hinc Iudicarij Christianorū Consules, quotiescunq; nouus Bassa Alepū urbem ingreditur, vt aditum sibi apud eum parent, splendidissima dona ei largiri necesse habet, sicuti à Veneto Consule Alepi factum obseruauimus. Is enim fælicem Bassæ aduentum gratulaturus, priusquàm colloquiū admitteretur dono ei misit vestes sericas duodecim, laneas duas, candelas item cereas, ac vasa vitrea cristallina plurima. Par cæteris quoque Consulibus ratio est: nemo etenim immunis, nemo à munere præstando vacuus. Neque verò illa solum occasione munera offerunt, sed quotiescunque nationis suæ indemnitate vrgent, vel patrociniū aduersus Turcarum insolentiam iniurias, insidiæve, vel iustitiam exercendam in delinquent-

Inquentes Turcas Mauróſve Chriſtianorum nomine poſtulant, præmittere dona coguntur, antequam ad colloquium admittantur. Dum verò Baſſam adeunt, magnâ mercatorum ſtipati cateruâ accedât oportet: idenim ſi negligent, ingrati habentur: opprobrio ſiquidem & ludibrio fieri ducunt Baſſæ, niſi longo ordine comitum. Conſules acceſſerint, Non ſolum autem magiſtratus, ſed nec privati abſque largitione quicquam præſtare ſunt ſoliti: oculatæ quippe omnibus ſunt manus, & credunt quod vident. Hinc uſuræ immoderatæ illis quotidianæ, ut ne teruncium quidem abſq; euidenti luero, alicui dent, & trigefimam quandoq; ſortis partem & ampliùs quotannis accipiant. In ſummâ, pecunia (unica Turcarum eſca) nihil non apud barbaros efficit; Hac ſolâ alleſtantur, reconciliantur, placantur, & manſueſcunt. Hæc crudelitatem eorum delinit, feritatem mitigat, vindictam tollit, atque ex aſperis & duris mites & humanos reddit. His dictis, cæteros eorum, itemq; Chriſtianorum in Syriâ degentium mores percurramus.

CAP. V. T. XIII.

*Varia quædam circa Syriæ indigenarum mores, & conditionem
tam Mahometarum, quàm Chriſtianorum.*

SYRIÆ indigenæ vel Mahometei, vel Chriſtiani, vel Hebræi ſunt. Mahometæi in Turcas & Mauros diſtinguuntur. Turcæ ut plurimùm diuites ſunt, & opibus præſtant cæteris. Horum alij negotiationibus incumbunt; alij Mahometææ Legis ſtudijs addicti, vel Meſſitis ſeruiunt, vel magiſtratus obeunt: alij vel ampla, ut Genizari, Spahi, vel Timariotæ, ab Imperatore merent ſtipendia, vel nobiliũ, ſeu primatum dignitate gaudentes, Begi titulo clarent. Mauri contrâ numero præſtantes (nam qui ruri degunt, oppidaque & pagos incolunt, ferè omnes Mauri ſunt) mechanicis pleriq; artibus dediti (quarum omniũ opifices aſſequuntur egregios) manuum laboribus viuunt. Homines etenim induſtrij, laboris minimè pertæſi, atque inedia patientes, ſudorem ocio potiorẽ ducunt. Plurimi tamen vel mercaturam, vel agriculturam exercent, vel Meſſitis inſeruiunt. Reliqui vel Imperatori militant, vel ſeruilibus operibus ſibi victum queritant, vel ſtipe emendicandâ vitam tranſigunt. Ad vnũ verò omnes imbelles, effeminati, inermes, molles, ac timidi vitam agunt inglorij, & Turcicum iugũ inuiti licèt, ferunt. Arma illis nulla, arcu, ſagittis, & curuo ad latus pugione (quem *Eugnarum* vocant) exceptis. Quo verò pugnacioreſ atque audaciores appareât, dum iter agunt pectore & brachio dextro
nulli

nudi incedunt, indusio vesteque ad tergum reiectis: quo corporis habitu sibi mirè applaudunt, ac se viros putant, & bellatores egregios. Turcæ verò otiosam plerique agunt vitam, laboris pertæsi, & mechanicarum artium otores, & rudes, commestationibus, otio, lusibus, potationibus, aliisque rebus friuolis integros dies absumunt. Nobiliores venationibus ut plurimum dant operam, vel armorum exercitationibus equitationibus, hastarum concursibus, vel latrunculorum lusibus tempus terunt. Hinc marcescentes otio, voluptatibus omnifariam immersi, nihil ferè præter Mercutium & Venerem tractant: quinimò, quòd in Venerem sunt ardentiores, eò se Mahometi gratiores esse arbitrantur; tantumque Veneri tribuunt, ut etiam in carnis desideriis, ac comestationibus dies festos agi debere existiment. Ceterum in familiari colloquio, ac mutuis officiis, & quotidianâ conuersatione satis humanos & ciuiles se exhibent: frequentibus namque honoribus se mutuò prosequuntur, & salutant sedulò, ac comiter. Minor maiori citò loco cedit, transeunti assurgit, caput inclinat, non aperit, sed manu dextrâ ad pectus applicatâ, vel capiti impositâ, capite inclinato honorem exhibet. Vulgaris autem Turcârum salutatio hæc est *Salam aleck*, id est, Saluet te Deus, vel Pax tibi: cui respondet alter *Alecieme Salam*, quasi dicat: Tibi quoque Pax, vel Reddat salutem tibi Deus, qui me saluum iubes. Maurorum hæc, *Sabalcheir*, quod nobis est, Fœlix sit tibi dies vel bonum manè: subjicit alter *Sanacheir asia*, hoc est, Et dies & annus uterque sit tibi fœlix vel Tibi bona sanitas. Christianis salutem non imprecantur: hac enim illos indignos existimant. Obuiò tamen, & maximè noto, aut cum eius accedunt ædes, *Marchabâ*, dicunt; quod nobis est Benè venias, seu Faustè adsis. Cæteroquin Turcæ omnes hospitalitate plurimum gaudent, aduenas ad capiendum cibum se penumerò liberaliter inuitant: pretiū si quis exigat, rusticitatis maximæ loco ducunt: cuius rei & nos in itinere sæpè experimentum fecimus: nam ad cibi comestionem & communionem frequenter inuitati, assentientes eis grati fuimus: reuertes verò despecti. In eo quoque laudandi, quod nullus tam durus casus eis contingit, ut fracti impatientiâ redigantur in blasphemias; id quod (proh dolor) apud Christianos nimis commune est. Verum quicquid Turcis Maurisque euenerit, non stomachantur: ut plerique apud nos solent, sed illud habent in ore *Suphan allah*, hoc est Laus Deo. Vulgare Syrorum idioma Arabicum est: in urbibus autem oppidisque primariis etiam Turcico vtuntur, maximè Turcæ, primatesque viri, & Milites Genizari: qui & Arabicam quoque callēt linguam, quam quidem maximi æstimant, nec in minori pretio habent, ac nos Latinam: nullumque ferè inuenias Turcam, nobilem præsertim & honestiorem, qui Arabicum ignoret idioma, etiam extra Syriæ prouinciâ: quinimò adeò omnibus cordi est,

est, vt eo passim instrui liberos curent, quò doctiores euadant, Legiſq; ſui Mahometis incumbere studijs cōmodiùs queant. Hac enim linguā ſacrā iſſis volumina conſcripta ſunt, hac preces publicæ, & priuatæ, Pſalmi item, Cantica, hymniq; in Meſſitis ſiūt. Publicæ idcirco per vrbes paſſim ſpectantur Scholæ, vbi pueri Arabicis literis dant operā. In hoc autē toti ſunt, vt à primis annis ad verbum ediſcant Alcoranū, & inſigant memoriæ librum, quē nō intelligunt. Neq; verò vllis in Scholis hīc comparat codex, ſed ludimagiſter e memoriā depromit penſū, & in tabulā lignēā deſcribit: id puer reponit in animo, & poſtridie alterum ſcribitur pēſum: donec anni aut biennij ſpatio totū ediſcat Alcoranū, ideoq; multo plures reperias qui teneant ſic Alcoranū, quā qui ipſum habeant domi codicē. Poſt hunc ad verbum ediſcunt libellum, in quo præſcriptæ ſunt gentis cremonia: nec tamē eis quippiam declaratur, niſi quāntū aſſequuntur commercio ſermonis vernaculi, qui tametiſi diſtat multū ab ea ratione quæ conſpicitur in libris, tamē magnum adfert aditum ad percipiēda pleraq; vocabula. Hinc iam pergunt ad Grammaticā, quæ nulle diſtichis compoſita eſt. Hunc verſum Chiliadē tabulis ſuis commendant memoriæ, & quotidie apud præceptorē penſum reddunt: nā in Scholis nullus comparat codex. In hac Grammaticā fermē biennio aut triēnio verſantur. Inde ad altiora pergūt alijs in ſcholis. Sūt namq; & alij in vrbibus Ludi Literarij, quos doctiores, & in Grammaticā iam verſati frequentāt, in ijsq; Mahometis ſui atq; Imperij ciuilibus politicisq; Legibus ſtudent, & doctoribus ſcholasticis inſudāt, vt poſtea ad magistratus obeundos digniores redātur. Liberalibus studijs nullā nauāt operam: neq; enim Philoſophiā, aut Medicinam, vel Marheſim, aliaſq; artes liberales quicquam curāt, ſed negligunt proſus, atq; inutilia ſtudia putant. Pauci ſaltem Dialecticam, Rhetoricam, & artes reliquas attingunt. Eſi verò inuenias aliquos, qui Medicinam calleāt, profiteantur vè, quā ex Auicēnæ, Hippocratis, & Meſue libris Arabicè conſcriptis hauriunt, rariſſimi tamen eam exercēt, manēte interim Medicinæ ſtudio vt plurimū apud Hebræos, qui vbiq; ferè locorum apud Turcas & ſub Turcicā ditione eam profitentur, & exercitant. Hi namq; linguarum peritiæ ſtudioſiores quā Turcæ, Mauri q; Hebræorum, Græcorum, atque Arabum ſcriptis adiuti, luculentiùs Medicinæ artem addiſcunt, doctiores & peritiores euadunt, cæteris Orientis populis: adeò vt & ipſe Imperator eorum operā in re medicā, cæteris poſthabitis, vtatur. Verſibus autem cōponendis vtrāq; linguā & Turcicā & Arabicā multi cū Turcæ tū Mauri tempus omne impendunt: quibus egregia & præclara ſuorum Imperatorū, ac Ducum, & fortium virorum geſta factaq; enarrant, laudeſq; ſui Mahometis decantāt. Typographos nullos habent, prælaque ignorant.

rant. Hinc libri eorum non typis excusi, sed à publicis Scribis cōscripti prostrant: ideoq; & rariores & cariores habentur. Magni autem laboris est hic aut emere codices, quod nullæ sint tabernæ librariæ, aut hinc istas merces auferre; ideoq; difficillimum parare supellectilem librariam. Eâ verò ratione calcographos nullos admittunt, quod perniciosos & Reipublicæ & Fidei esse autument: Hinc enim Fidei nostræ scismata & hereses pullulare aiunt. Scribarum pleriq; supra genua scribunt, non pennis auferum, ut nos, sed calamis, more veterum. Charta verò utuntur non è membranis, aut linteis nostro more confecta, sed gossypinâ, eaque candidissimâ, & leuigatâ, quam supra asserem complanatum, cote, seu dente, aut conchyli aliquo mirifice poliunt, & nitidâ reddûr. Mos hic scribendi & chartæ usus omnibus passim Orientis populis communis est; Scribis præsertim & Chieciagijs, qui inges eo munere sibi lucrum comparant. Chartas autem Occidentalium more haud quaquam complicant, sed in longû protensas conuoluunt, conscriptas ad alios usus non accommodant, sed religioni habent, & crimini vertunt si quis id faxit: putant enim Dei nomē despici si fortè in ijs descriptum fuerit. Pleriq; syngrapho non suâ manu subscribunt, sed sigillo æreo (cui nomen cuiusq; proprium inculptum est) atramēto madefacto id firman. Sigillis tamen Occidentalium more vllis in literis non utuntur, sed contenti nudis literis, si nomen adsit mittentis, vel syngrapha, cætera vana reputant. Cæterum cuncti matrimonium ineunt, & vxorati sunt etiâ Ecclesiastici, exceptis Drauisijs: quibus cōnubia licet vetita sint, adulteria tamen, & stupra, ac nefanda cōtra naturâ peccata impuè committunt. Neque vnâ contenti, etiam duas, tresvè & plures sibi copulant Mahometæi vxores. Mahometæa siquidem Lege quatuor cuiq; legitimas simul ducere vxores permissû est. Has etiâ prout libet dimittere, aliamq; in locû missæ subrogare liberû est: eâ tamen lege, ut quaternû repudiij numerû non excedât. His pellices, & mæcipia, quotquot volunt, atq; alere possunt, adiungûr, quæ illis velut vxores secûde potè sũt. Lex enim Mahometæa emptas aut bello captas tot habere, cuiq; permittit, quot quis nutrire præualet: illasq; pro voto uti, & reuocare pro arbitrato, modò steriles fuerint, haud quaquâ grauidas: quâ enim herus ex se grauidâ agnoscit, hæc seruitutis excusso iugo libertatē perpetuâ adipiscitur, neq; amplius seruituti obnoxia reddi, aut rependi, sed donari tantû potest. Neq; solum extraneas fœminas, sed agnatas quoque & affines ducere vxores Alcorani edicto conceditur, quod eâ ratione institutum dicunt, ut genus vniuscuiusq; propagetur, & ex duplici coniunctione amicitia inter eos firmior reddatur, mutuaq; beneuolentia commodiùs conseruetur. Nec mirum cuique videri debet Mahometæos omnes tantoperè intendere

perantia & rei venereę esse deditos, ac velut bruta pecora solam carnis voluptatem, solam libidinem spectare, eum & ipsum Mahometem eorum Prophetam, effrenis licentię hominē, & planē belluinū sexdecim aut septem supra decē vxoras habuisse auctores tradant, tredecim saltem Chronicon Turcicū ei fuisse vxores non dissimulet, quibus & cōcubinas plurimas adsciuisse, atq; etiā aliorum vxorum adulterio se poluisse scribunt historici. Quę tamen omnia sua adulteria, scorrationses, & libidines Deo adscribere, ac tantę fœditatis Deum ipsū auctorem constituere, ac iactare patronū nō est veritus Deū enim hęc sibi omnia concessisse, & sibi vni decē aliorū prophetarū in cōeundo virtutem & fortitudinē tribuisse audacissimē ausus est gloriari. In contrahēdis verō nuptijs non nostratum more Sponsę a parentibus dotatę Sponsis offeruntur, sed Sponsi, siue Turcę, siue Mauri, dotē Sponsę constituunt, & propemodū a parentibus emunt, quę quidē cōsuetudo apud omnes Orientis Christianos etiā viget, eamq; veteribus vsitatā fuisse sacrę produnt Literę. Noua nupta, pridie quā cum viro congregiatur, sollemni pompā numerosā propinquorum comitante cateruā, accensis prælatis cereis, ad balnea procedit. Postero die Sponsus dona Cadio mittit, petitq; de dote iam solutā dotale sibi confici Instrumentū. Hac vestes, & ornatus omnis muliebris, cæteraq; ad vsum Sponsę necessariā comparantur. Mox Sponsi Sagosius, nos Paranympum rectē dixerimus, plurimis comitatus Sponsi conuiuiis, instrumentisq; musicalibus ædes Sponsę adequitat, & sumpto cum suis in ipso vestibulo, aut impluvio domus ientaculo, Sponsam euocat, quā a patrē sibi traditam, equo imponit, atque ad ædes Sponsi ducit, egregio apparatu. Præcedunt tibicines, & tympanistę: subsequuntur varij generis vtrē filia, omnis supellex Sponsę, omnisq; ornatus muliebris, equis (qui a Sponsi Sponsęq; mancipijs manuducuntur) imposita. Inter hęc media sub vmbellā equitat Sponsa, velata facie, ac telā gossypina tenuissimā obuoluta, cuius vtrumq; claudunt latus Sponsę pedissequę, & nutrices plurimę, pedites omnes, luctuoso vlulatu & voce stridulā hęc deplorātes virginitatē. Illa interim cuiusq; obuio, noto maximē honorē exhibet, capite non nihil inclinato, quod aliās fœminis nō licet. Accedēs ad limē Sponsi ex equo deponitur: cui obuiam Sponsus, occurrit, gratulabūdu excipit, & ad penetralia introducit; nuptiaq; eo die cū amicis celebrat, fœminis a viris separatim epulantibus. Cœnā completā choreas ducunt, & tripudijs terunt tempus. Post horas aliquot a Sagosio ad Sponsi thalamum ducitur, traditurq; Eunuchorū custodię: mox ab accedēte Spōso deuelatur: quę si ipsa exuere se vestibus recuset, aut differat, a Sponso eiussē a cubiculis exiit, & lecto imponitur. Postridē rursū cū suis balnea repetit, minori tamen ac consanguinearū tantum comitatu; lota deniq; ad domum mariti lata reducit. His quidem

ceremonijs nobiliores fœminæ nuptias celebrant, cætere non item. Id vnum ab omnibus obseruatur, vt dotata prius ac lota maritis tradantur. Quod si quandoque Turcarum Maurorumve quispiam tædio, vel leuiori quâuis causâ, imò nullâ, ex primarijs aliquam sibi amplius habere vxorem nolit, solutâ vel parentibus vxoris, vel ipsi vxori dote, Cadij accedente auctoritate, dimittere eam, atque aliam ducere pro arbitratu potest. Fit enim sine vllâ culpâ diuortium, modò dotem certam initio pactam maritus dimissæ coniugi persoluat; concessâ interim dimissæ alteri nubendi facultate. Neque semel tantum vnam eandemque repudiare coniugem cuique fas est, sed & tertium dimittere, ac denuò recipere, modò alteri interim nupserit, permittitur, vltra nequaquam, nisi infamiæ notam subire quis velit. Hinc facile videre est non magis firma esse apud Turcas virorum & mulierum coniugia, quàm impuros vulgò prostituerarum & scortatorum amores. quinimò æquè leuibus de causis matrimonia dissolui, vxoresq; à viris rejici, quàm apud nos morosi & imperiosi domini dominæve suos ex ædibus famulos famulasq; sibi non ad nutû seruientes expellunt. Adeo vt ob tantam diuortiorum crebritatē, & vxorū leuissimis de causis mutationem, eò spectare Turcarū matrimonia iurè dixeris, non vt pietati, sed spurcitæ, nō spiritui, sed carni, nō vni Deo cœli, sed Ventri, & Veneri, & Cupidini seruiatur, hominumq; impotentium immoderatæ intemperantiæ quàm laxissimè remittantur habenæ. Plures autē cū malant vxores, quibus singillatim quotidie victû distribuunt, auaritia immēsa, summa discordia, contētionēs, rixę continuæ, illos torquēt, quas demū diuortia plurima, & de repudijs controuersiæ fœdē infinita (vt diximus) sequuntur. Virisq; enim & viris & fœminis vel quauis datâ occasione, etiâ nullâ interiectâ causâ, quouis tēpore diuortiū petere cōceditur. Hinc verò filij quandoq; parentes, ijdemq; filios suos non cognoscunt, ac nullo idcirco amore se mutuò prosequuntur. Christiani Orientales, itemque Hæbræi, vnicâ vxore contenti, polygamiā non admittunt. Fœminæ tamen, lotæ prius & dotata à viris, vti & Turcę, matrimonia ineunt. Cæterum Christiani Syriæ indigenę (qui quidē per vniuersam Syriam plures sunt quàm quis credat) ob diutinā cū infidelibus cōsuetudinē (ex cōiuctu enim vt author est Seneca, mores forinātur) plurimi immergi virijs, nihil præter nomē Christianū præ se ferūt, peiores quādoq; ipsis Turcis, ac Mauris. Non tamen omnibus eadem conditio est: sunt enim multi vitæ sanè exemplaris, synceri admodum, simplices, & hereseos nescij, Christo in primis deuoti, ac carnē ieiunio macerantes, quibus & Mūdus mortuus est, & ipsi mūdo; adeoq; virtutibus dediti, vt etiā quandoq; moribus & vitæ sanctitate nostræ religionis monasticos lōgē superēt. Licet autē varijs, exactionibus, oppressionibus, iniurijs, & oppro-

opprobrijs à Turcicis Magistratibus, lucro plerumque inhiantibus, indies vexentur, deprimantur, & affligantur, vilipendanturque ab omnibus cum Turcis cum Mauris; sub ingo tamen viuere assueti, ac libertatis commoda prorsus ignorantes; secum optimè agi putant, suamque cæterorū gentium conditioni longè præferunt, ac se solos fælices arbitrantur; quinimò se longè beatiores Occidentilibus prædicant, quod fæliciores ac tēperatiores regiones inhabitent, cum tamen omnium miserrimi atque infælicissimi habendi sint, quibus ipsa miseria pro solatio est. Quid enim acerbius quid calamitosius euenire alicui possit non inuenio, quàm per tyrannidē se penumerò bonis spoliari, stuprari filias, abduci filios, eosque in auitæ fidei ac proprii sâguinis perniciē educari; denique vapulare innoxios, & quibusvis barbarorum exponi iniurijs; neque tamen vel hiscere quidem audere. Atqui his, alijsque malis calamitatibusque premi plerisque Orientalium manifestum est: neminem tamen reperias, qui de illatâ iniuriâ, aut vi, vel damno accepto apud magistratus Turcicos conqueratur, cum nulli tutus ad iudices pateat accessus: id enim si quis facere præsumat, prius omnem consumat substantiam, vitæ etiam incurrat discrimen, quàm suis rebus afflictis auxilium ferat, vel maximè verendum est: fraude nimirū & potentia Turcarū omnia confundente. Interim hoc vnicum miscellis in hac lernâ malorum solatium superest, quod publicū Religionis Christianæ exercitium impunè omnibus permittatur. Habet namque sua quæque natio & Tempia & Oratoria, vbi sacra peragere, & conuenire religionis ergo libere possunt. Lex enim Mahometæa Christianos cuiuscunque generis sub Imperio Turcico degentes non attingit, nisi vsque eò vt neminem à Lege Mahometis dehortentur, cæterum omnibus liberum est suæ quibusque Ecclesiæ parere decretis. Hinc heri famulos, parentes liberos, & Episcopi subditos quotidianis exhortationibus admonent, excitantque, vt in suâ quisque Fide constantissimè retinendâ ad mortem vsque perseueret. Licet autem Patriarchæ vel Episcopi Christiani sub Turcâ degentes Romam quandoque se conferant, vt à Pontifice Romano vel vngantur in Episcopos, vel ab alijs inuncti confirmentur, vel suam Ecclesiæ Romanæ subiectionem, & cum eâ cōmunionem confiteantur; nunquam tamen quisquam illorum damnum aliquod eâ de re passus est, multò minùs à magistratibus Turcarū vel in carcerem coniectus vel supplicio affectus est, nisi prætextu religionis aliquid contra Rempublicam eos egisse constiterit, aut eâ de causâ apud Magistratus Turcicos fuerint accusati. Quinimò nec religiosos Romæ in academijs educatos, literis imbutos, & sacris initiatos, cum in patriam reuersi ad dignitates eruditionis ergò promoti fuerint, vllâ iniuriâ vnquam à Turcis acceptos, aut detri-

menti quicquam hætenus à magistratibus Turcicis sustinuisse quicquam intellexit. Præter publicum autem religionis exercitium etiam arcum ligneum, ac tela, sagittæve Christianis Orientalibus, cum iter faciunt, gestare, ædificare domos, agros colere, vineas plantare, armata possidere, propriaque re uti omnibus liberum est. Neque tamen hæc gratis concedi quis putet, sed soluto à singulis tributo annuo, alijsque præstitis & angarijs & vectigalibus, fisco pensitari solitis, quibus omnes nemine excepto redduntur obnoxij. Sunt autem varia apud Turcas tributa, ut vectigalia publica: pro cuiusque tamē magistratus arbitrio modò maiora modò minora. Ordinaria, uti accepimus, hæc sunt. Quotannis singuli patresfamilias pro cuiusque capitis redēptione Cechinū sive Sultaniū aureū soluunt. Si parentes soluere nequeant, ad liberos suos in servitutē vendendos compelluntur. Alij cathenis vincti ostiatim obambulant, ut stipem emendicent. Quod si nec ita quidem soluendo sint, perpetuis carceribus mancipantur. Adhæc pro Ove, Caprâ, aut Vitulo Maidinos quinque: pro Boue, Equo, aut Camelo tria Saiata: quartâ item partem fructuū, quos colligunt, in publicum inferre horreum, aut ære redimere coguntur. Mechanici quoque de suo quæstu quartas dependunt. Pro domo, si quis propriâ habeat, pretio domus estimato, certum annuū tributum publico exactori pendit. Cum nos Alepi hæreremus, inter cætera maximum à Bassâ Alepino Christianis vrbis incolis impositū fuit vectigal: quo taxatis domibus pro cuiusque valore, quisque semestris locationis pretium soluere cogeatur. Publici exactores seu Publicani, *Emiri* vulgò appellati, ut plurimum Hæbræi sunt, gens exactionibus & usuris supra mortales ceteros dedita. Hinc *Scisut*, id est Cornuti per ignominiam dicti, odio ab omnibus, cum Christianis, tum Mahometicis habentur, quum ipsi etiam Turcæ paulò sincerioris homines cōscientiæ, nolint audire publicani; non aliter ac si cū infamiâ coniuncto propter aliorum nequitiam nomine virū bonum appellari nefas sit, etiam si præter officium nihil ipse faciat.

CAPVT XV.

Varia Turcarum moneta: earumque genera & pretia.

FREQUENTEM supra Turcicæ monetae mentionem fecimus: pretiū tamen nullibi expressimus. Locus idcirco hic postulat ut numerū Turcicorum valorem breuibus explicemus, quo singulorū pretium lectori innotescat, colligi que possit qui nostrorum Principū numis respondeant. Varia sunt apud Turcas Maurosq; Syriæ indigenas monetae genera, argenteæ præsertim, ut æræ, vnicum aureæ. Hanc
Turcæ

Turcæ *Altunler* Mauri *Dahab*, Itali *Sultaninum* indignant: respondet autē Venetorū Cechino, seu Ducato Vngarico; eiusque pretium ratione tēporis, vel ab bellorū grauamina, vel alias ob causas Bassarum edicto modò augetur, modò minuitur. Cū nos Syriā peragraremus valoris erat Maidinorum nonaginta; licet paulo antē minoris extitisset pretij. Diximus hanc valore æquare Cechinum Venetum, & Ducatū Vngaricum: sunt tamen qui Gallica quoque atque etiā Hispanica scura aurea iusti ponderis (etsi minūs apud nos valeant) pro Sultanino expendant. Monetæ argenteæ plura sunt genera: vel enim Sajat vel Maidini, vel Aspra, Turcicè *Achtser*, nuncupantur. Asprum minus cæteris valet: id Turcis etiā *Osman*, Mauris *Amente* dicitur. Duodecim Aspra decē Gazettis, vel viginti Marchettis, aut Solidis Venetis æstimatur: quæ nostris stupheris octo respōdent. Maidinus verò Asprum cum dimidio facit, ac nostrum Stupherum æquat: quinque Maidini, vel octo Aspra vnū Sajat conficiunt: quatuor Sajat duas libras Venetas cū dimidiā, seu nostros Stupheros viginti valent: Sajat octo Ducatum Turcicū valoris quadraginta Maidinorū constituunt, duo Ducati cū semisse Sultaninū efficiunt. Præter Turcicos hos omnes Christianorū quoque Principum nummos argenteos admittunt plurimos; Ducatos argenteos Venetos, Taleros Germanicos omnis generis, Bataucicos itē, & Regales Hispanicos; qui omnes eodē æstimentur pretio, valentq; singuli Maidinos sexaginta quinque, licet apud nos pretio multū inter se differāt; adeò vt talerus vnus cum semisse Sultanini aurei valorē æquet. Ob tamē euidens atque ingens lucrū Taleri præsertim Batauici eò plurimi aduehūtur, Cechini verò Veneti nulli penitus, aut rari, cū pluris æstimentur. Venetijs: Habent & Syriæ neos nummos variij pretij; Zibit, Mangurem, Direm, & Nuccaros appellatos. Nuccari sex Maidinum efficiunt, Mangures item sex Asprum valent, vnus verò Nuccarus duobus constat Diribus, duo item Zibit vnum Direm faciunt. Hierosolymis, perque vniuersam Palestinam Damascū vsque Maidini Cairenses in pretio sunt: valentq; duplo plus cæteris Syriæ Maidinis. Hinc Cechinus siue Sultaninus aureus dum nos moram Hierosolymis traheremus, quadraginta quinque tantū Maidinis ijs in partibus constabat, Talerus verò triginta estimabatur. Damasci nobis istac iter facientibus Cechinus centum & sexdecim Maidinos valebat; Talerus sexaginta quinque. Alepi sub discessum nostrum Cechinus ad centum & viginti Maidinos, Talerus ad sexaginta octo exereuerat. Cæterū Turcicæ monetæ argenteæ pleræque adulterinæ sunt, vt etiam ipsi mercatores ijs recipiendis assueti probas ab improbis vix discernant. In Cypro insulâ Veneræ monetæ nummi & argentei & aurei indigenis in primis grati sunt, magisq; expetuntur.

expetuntur quàm Turcici; quinimò Saiatos & Maidinos Syriacos omnino recusant, solâq; admittunt Aspra. In Cretâ cæterisq; Veneti iuris insulis sola Veneta moneta in usu est, eaq; cum lucro expenditur; cum majoris ibidem sit pretij, quàm Venetijs.

CAPVT XVI.

*Privatorum in Syriâ aedes, & habitacula. Variamq; suppellex,
& circa domestica cultus.*

2. Reg. 11.
Proverb. 6. 21
25.
Leo Imper.
Constat. ult.

DIXIMVS hætenus de varijs Turcarum Ritibus, Ceremonijs, Templis, Religiosis, Magistratibus, Publicis ædificijs deque privatorum in Syriâ moribus, vitæ instituto, ac monetæ genere, & pretio: superest modò vt de Ædium in Syriâ qualitate ac conditione, Ciborum, item & Vestium genere aliqua subiciamus; ac primùm de Ædibus Syriæ dicendum, & Suppellectili variâ. Hæ vnus ferè contignationis sunt, pauca duarum, paucissima trium, lapideæ pleræque: testâ non cuneatim coeuntia, sed plana, & pauimentis subdialibus ex contusâ testâ fistucatâ operta: quæ transuersis trabibus sustentantur. Sacra Scriptura Domata vel Solaria vocat, nostræ leges etiam Solaria vel Meniana appellant: suntq; vt plurimùm corona cincta, ne facilis in præceps lapsus sit. Ianuæ ita humiles & angustæ, vt quisquam nisi incuruato corpore ingredi nequeat. Introitus aliqui profundi adeò atque obscuri, vt specus ingressum potius, quàm Domus putes. Frontispicia plateas adspicientiâ nullas fenestras habent, aut raras. Impluijs pleræque ditiorum exornatæ; quibus lumen deorsum cubicula capiunt. Quadratæ præterea formæ continent diætas, hieme ad Solem, æstate ad vmbra admittendam per commodas, magnifico sanè & fornicato opere constructas. patent ab vno latere, & nonnihil eminent, ternis quaternisve gradibus marmoreis, vel lapideis adscensum aditumq; præbentes: parietes marmore incrustati, pauimentum è marmore versicolore est; id tapetibus insternunt, quibus (calceis in ipso aditu relictis) more suo insident. Hic conuiuantur, latrunculis ludunt, confabulantur, ac quosvis illos conuenire volentes admittunt. Seris clauibusque vtuntur ligneis, non ferreis, vti apud nos moris est. Claues palmares, quadratæ, oblongæ, digitum crassæ; quarum alteri lateri extremo insiguntur clauis ferrei quinti, vel seni, aut septeni, pluresve, prout seræ exigit ratio: qui certò spatio seiuncti quasi vnciam eminent. Claues hæ serarum foraminibus insertæ clauis infixis, illos (qui in serâ occuluntur mobiles & oppositi) eleuant: atque ita sera reaseratur. Rara in his ædibus suppellex, nullus aulæorum splendor, pictarum

pictarum tabularum varietas nulla, nullus insuper cathedrarum aut
 scamnorum usus: non mensæ, non mappæ, non quadræ, non mâtilia,
 imò nec fulcra, nec capsæ, aliæve cubiculorū ornamenta nostratibus v-
 sitata. Ditiorem quidē cubacula tapetibus insternuntur, culcitris è bysso
 vel holoserico superpositis. Culcitris adduntur puluinaria, cernicalia,
 & coopertoria serica, lin tea nequaquam: eorum namq; usum minime
 cognoscunt. Arma pendent de parietibus. Cysta hîc tantum vna, atq;
 altera, eaq; viminea, & corio testæ. Rarissimi præter Bassas, scamna ca-
 thedræve in usu habent, easq; deauratas & holoserico vestitas. Plebeij
 vnicâ culcitrâ contenti, storeâ tantum suppositâ, humi decumbunt; te-
 gumento autem gossypino, aut lineo depicto, & gossypio suffulto no-
 ctu se contegunt, & superioribus tantum exutis vestibus, subuculâ, câ-
 ligisque gossypinis induti, dormiunt. Mensa illis est corium rotundum,
Sofra dictum, humi extentum: cui panem, obsoniaq; imponunt. Huic
 assident more suo, & velut bruta animantia, capite inclinato, avidissi-
 me simul & immundissime vorant. Ante cibum præces præmittunt.
 Panem non scindunt, sed frangunt. Tribus aut quinque digitis cibum
 sumunt, nunquam duobus: Diabolum enim hoc modo vesci stolidè nu-
 gantur: quem nequaquam imitandum censent. Honestiores tabulam
 rotundam, pediculo palmaris altitudinis affixam (quam *Tubaccam* vo-
 citant) mensæ loco habent; eamque corio pro mappâ insternunt, &
 substratis storeis, vel tapetibus, aut parvis puluinariis insidentes, ci-
 bum sumunt. Cœnâ peractâ, aut prandio, spongiâ madefactâ corium
 abstergunt, ac lauant: mox fune extremis infixæ oris, veluti marsupium
 contrahunt; cui panem reliquum, ac cochlearia includunt, & in an-
 gulo cœnaculi suspendunt. Tenui autem victu contenti, non eos cibo-
 rum apparatus, nec tam varias dapes habent, neque ea celebrant con-
 iuiua, quæ nostrates solent. Fœminæ cum viris nunquam aut raro præ-
 dent; sed separatim in cubiculis prandia sumunt, ac parçè admodum vi-
 ctitant. Seruis duodecimum annum egressis mulierum ingredi habi-
 tacula non permittunt: sed minoris ætatis pueros adhibent: qui illis in-
 seruiant, & necessaria quæq; deferant. Seruæ seu captivæ vxoribus co-
 habitant, ijsque inseruiunt, & domi continuo latitantes manuum ope-
 ribus incumbunt, nec seruorum vti consuetudine, aut colloquia cum
 ipsis miscere villo modo illis liberum est. Quinimò nec domo egredi,
 aut in publicum prodire conceditur: nisi cum vel heras ad balnea
 progredientes, vel extra urbem, orationis vel recreationis ergo exeun-
 tes, comitantur. Inter empticios seruos seruasque matrimonium qui-
 dem permittitur: sed geniti ex illis vernæ fiunt, & vtriq; separatim ab
 heris cibum sumunt. Sed de ciborum genere nunc differendum.

CAPVT XVII.

*Varia apud Turcas ciberum genera, & coquendi modus :
ac potiones varia.*

SIMPLICIBVS Turcæ Maurique, ac Mahometani omnes, & naturalibus cibus famem pellunt, nec curiosum conuiuiorum apparatus (vt diximus) vllatens curant; sed quàm diligētissimè fugiunt; quinimò epulæ eorum adeò simplici, adstrictæque apparatione fiunt, vt parciùs vel frugaliùs peragi nequant: cùm & ipsæ Bassarum & Procerum lautissima conuiuia longè absint à communibus ditiorum apud nos mercatorū & nobiliū cœnis & conuiuijs. Nullæ enim secundæ mensæ, nulla bellaria, nulla hîc irriramentagulæ, nullæ vini cōpotationes; adeò vt râtâ suâ frugalitate, tantaq; in esculentis & poculentis simplicitate non obscurè nimiam nostrorū luxuriam, nimîa epularum lautitiam taxare videātur. Quæ (eò prohdolor) creuit, vt non solū nobiliū & mercatorum mensas opiparas, variisq; dapibus instructas, sed etiam infimæ plebis ad epulas ac delicias parandas immoderatam suprâ suas facultates profusionem vbiq; spectes. Quæ enim omnium ferè mentes de optimis cocis parandis, de venatu, de aucupio, de caponum saginatione, quæ ventri, luxui & libidini seruiant, inuaserit cura & sollicitudo, nemo non nouit. Neque his cōtenti, etiam vini generosi copiâ studiofissimè mensas instrui curant: certant cyathis, nimioq; potu se ingurgitant; & dum certatim Principum, aliorumq; vitam & salutem propinant, ac magnos plenosq; cyathos epotant, propriæ sanitati officiūt, morbos sibi accelerant, nimiaq; vini ingurgitatione seipso quandoque necant. Nec enim quis satisfecisse conuiuiis putat, nisi cyathis & numina & amicos lædat, exemploque suo cogat alium, cui propinquit, alienæ fauere valetudini, vt suam mergat: à quibus omnibus Turcæ vel maximè abhorrent.

Quotidianus autem Turcarū Maurorumq; cibus panis est vt plurimum frumentaceus, optimus Alepi, & Damasci: qui pondere vbique diuenditur, & plerūq; recens pistus. Caro item veruecina elixa, vel affata; quam minutim secāt, ossibusq; detrahunt, mox in proprio adipe, non additâ aquâ, lebetibus impositam coquunt, vel verubus affixam, & in minutulas partes concisam ad ignem torrent, afflātve: vel concisam, adipe immixto, manibus subigunt, & artocreas conficiunt. Esculenta hæc in publicis opsolijs apud fartores & coquos in maximâ prostant copiâ: qui & omnis ferè generis legumina decocta, pulmētāq; ex Farre, Hordeo, vel Oryza, suo more præparata venalia habēt. Hîc quoque Pistorum, Furnariorum, Lanionum, Oenopolarum, & simile genus hominū, suas habentes officinas, cōspicias plurimos. Ab his minutula plebs victū quotidianum emere est solita: domi namq; cum nulla ferè yten-

filia ad coquendū necessaria humiliores habent, ad publicas hæcæ culinæ, quo cibos emant, se cōferant necesse est. Nullæ enim hic tabernæ hospitij designatæ, aut publica diuersoria; in quibus indigenis, aut viatoribus exteris cibis præparetur, vt in nostris videre est partibus; sed publicè in plateis prostant cibaria omnia. Caro præterea veruecina, salita, vel siccata. Placentæ item ex Saccharo, Nucibusq; cōpositæ, Mala citrina melle condita, Mustum ad spissitudinem mellis coctum, Vux passæ, Caseus, & Butyrū (quod quidem prius coctum animalij vtrius seu pellibus caprinis in vsus necessarios condunt.) Turcis Maurisque in cibū cedunt. Herbis quoq; hortensibus fructibusq; Amygdalis, nēpe Nucibus, Auellanis, Pistaceis, Pyris, Pomis, Ficubus, Vuis, Musis, alijsq; vescuntur vt plurimū. Licet autē in maximā hīc reperias copiā omnis ferè generis volucres, & domesticas & siluestres, Turtures præsertim, Perdices, Coturnices, Colūbos, Turdos, Gallinas, Anseres, Anates, Melagrides, aliasq; raro tamē eas comedūt, cū religioni id habeāt, & crimini ducāt. Patinæ, Lāces, Paropsides, Cucumæ, Ollæ, Cacabi, Caldaria, Sartagines, aliaq; vtenilia culinaria ænea sunt, stanno obducta: Cochlearia lignea, depicta vt plurimū, formā oblongā & præacutā. Mauri humiliores cochlearia nil curāt, sed digitis vtendū & cibum sumendū putant. Dum enim liquidi quippiā edent, & præsertim Oryzā coctā, digitis insimul cauē cōtractis, cochleare efficiunt, ijsq; pulmentū sumunt, oriq; admouēt, atq; ita cibo inter digitos per barbā defluēte, vt sunt barbari, barbaro planē more vorant, deglutiuntq;e. Mauris aqua est potus, vino ipsis lege interdicto. Turcæ & maximē milites Genizari lege hac neglectā, bibunt auidius vinū quā Christiani: quorum nocturna cōuiuia cupidē sectantur, & quandoq; integras noctes vino epotādo absument. fœminis suis legē hāc prohibitoriā (licet fortē inuitis) seruandā relinquentes. Vinū propterea siue rubrū siue album) vtrūq; enim Syria producit) apud Turcas Maurōsve veditur nullum: sed solis Christianis id venale habere, solisque Christianis diuēdere, non Turcis Maurisve fas est. quod si quis contra faxit, pœnam, incurrit pecuniariam. Vtrius more veterum vina vrbibus inferunt, ac testaceis vasis sub terrā defossis recondunt, conseruantque diu. Nonnulli etiam (vti Amanti obseruauimus) vitreis vasis in vsū necessarium lōgo tempore asseruant. Rotulam (mensura est Venetam æquans vini libram, ac sesquipoculum nostrum) Maidinis octo aut decem, nobis in Syriā moram trahentibus, vēdebant. Turcæ nobiliores, ditioresq;e aquam Saccharo dilutam vel succo Citrinorū mixtā (*Zerbetā* liquor is vulgò vocatur) bibunt, eaq; sitim subleuāt. Vinum quidē negligunt, nō vt legi obtēperent, sed vel ideo abstinendū ducunt, quod ad multa mala impellere, ac cerebro in primis noxium esse cognoscant. Hinc illud

Memoriæ Mortē, & pestem, ac letale venenum appellant. Neque verò (vti apud nos moris est) potum cibo intermifcent, aut inter edendum bibunt, sed remotis vel absumptis iam cibis potant, ac veluti post diu neglectā sitim, pleno se vase proluūt. Sunt præterea aliæ potiones Turcis Maurisque vsitatæ, ex Melle & Vuis passis aquâ mixtis, quâ *Hassap* vocant: ex hordei quoque & Frumēti farinâ in massam coactâ & aquâ decoctâ. Posco vel poscet appellata, nec non ex Musto cocto aquâ diluto: quibus æstiuo tēpore Niuem injiciunt, vt magis refrigerent. A deo verò hisce potationibus publicis in diuersorijs quandoque indulgent, ac in tantum eas protrahunt, vt non minùs inebrientur quam nostri Zythopote & vètres cereuisiarij ceruisiâ. Ad hæc quotidianâ quâdam vtuntur potione, quam *Cahua* Arabicè indigitant. Itali *Cano*. Aqua hæc instar atramenti nigra, gustu amara, in herbæ cuiusdam semine (cui *Cahua*, vel, vt alij volunt, *Bunnu*, seu *Bunchi* nomen est, & in Ægypto copiosissimè nascitur) decocta, stomacho prodesse, corroborare cerebrum, ac noxium expellere humorem fertur. Semen id molâ trifidili priùs cōtusum vel cote contritum, aquâ decoquitur, in hunc ferè modum. Sesquilibram seminis viginti libris aquæ immifcent: quàm ad dimidiæ partis consumptionem bullire sinunt; eamque calidissimam, ac ferè bullientem fideijs Indicis vulgò Porcellanis bibunt, vel potius guttatim sorbent, sibi que inuicem propinant, tam lentè vt interdum integrâ horâ vnâ fideliam vix epotent, exhauriantve: quòd quidam eâ se ratione facere asserunt, ne simul & feces, quæ paulatim fiunt, ebibant: eas siquidem, vt noxias, absorptâ aquâ abjiciunt. Sunt ex plebe quam plurimi qui Bazarros viasque publicas, matutino præfertim tempore percurrunt, aquam hanc venalem circumferunt, & foculo supposito calefaciunt, calefactam poscenti porrigunt, nec nisi calidissimam præbent. Nulli siquidem vitio vertitur, aut dedecori, cuiuscunque demum conditionis aut religionis sit, si eam in publico bibat. Ad publicâ verò diuersoria singulis ferè horis aquæ huius (cuius sunt appetentissimi) potandæ causâ infiniti conueniunt, & confabulationibus tērent tempus. Adsunt præterea in vrbibus plurimi, qui Capras circumducunt, ac caprinum lac publicis in vijs diuendunt, & modò mulsum ac repidum cuique poscenti porrigunt. Sed iam satis de cibis ac potationibus, vt de vestibus non nihil dicamus.

CAPVT XVIII.

Vestes Turcarum, Maurorumque: itemque Christianorum & Hebræorum habitus: & in quibus ab inuicem secernantur.

TVRCARVM Maurorumque vestes eandem referunt formam, talarès

lares ferè omnes, non concisæ, sed integræ, manicis in terrâ defluentibus: in eo solûmodo differeres, quòd aliæ alijs laxiores splendidioreſq; sint, pro cuiusq; cõditione. Omnes quidẽ byſſo & serico se vestire, quocunq; colore tinctis, excepto viridi, liberè ac licitè possunt, modò vires suppetât. Præter sericas, ac laneas, gossypinasq; etiã ex panno cymatili seu undulato (Zambellorã vocant Itali) vestes habent. Is ex caprarum pilis cõtexitur &. Ancyræ præsertim (quæ vrbs Galatiæ est, hodie Angori vulgò dicta) egregiè laboratur, atq; omnî præstâtissimus habitus per vniuersum ferè orbẽ abundâtissimè distrahitur. Supremã vestẽ vulgò *Spahi* appellatã, nonnulli pellibus magni pretij suffultã, alijs simplicè rãrum, lineã vel gossypinã telã subplicitã, oblongis, strictisq; manicis ad talos vsq; pendẽtibus (quas in humeros aliquãdo rejiciũt) gestãt. Vtuntur & aliã superiori, nõnihil à priori differente quã Duli-mannũ appellant, medijs manicis cubito tenus largioribus. Interiorem vestẽ, vulgò *Iubã*, (quam gossypio pleriq; sufficiunt) alioqui talarẽ, quidã ad mediam vsq; tibiã descendẽtẽ gerunt, posticã nõnihil excedẽre anticã. Hanc fluxiore cincturã, siue Zonã byſſinã, vel gossypinã leuiter stringũt, discincti cætera. Humiliores pleriq; pecuniã Zonis inuoluũt, veteres sequuti, quibus in more positũ fuit, vt pecuniã Zonis cõderet, quod & sacra pagina testatur, Domino ibidẽ Apostolis prohibẽre ne aurum neve argentum aut pecuniam possideant in Zonis suis. Interior Matt. ca 10. hæc vestis, vt superior, integra, nullas cõcisuras habet, vtraq; collariis caret: collũ propterea dum iter agunt, cõtra solis æstum linteolo vel sudario cingunt. Sunt autẽ Turcarum vestes siue sericæ, siue laneæ, lineæve, aut gossypinæ, coloris omnigeni, vnico excepto atro colore, cuius nullus apud eos Maurosq; est vsus. Hunc enim vti funestũ, & turpẽ contemnunt, vilipenduntq; ac solis idcirco Christianis Occidentalibus vtendũ reliquunt, cùm etiam Orientales Christicolæ eum abhorreant. Thoracẽ nostratibus vsitatum prorsus ignorant, eius tamen loco laxã vtuntur subuculã vmbilico rebus, quam ab anticã duplicato cõplicant. Brachas caligis adhærentes, iis non absimiles, quas vulgus Italũ apostolicas appellat, induũt, easq; ligulis astrictoriis subuculæ non alligant, vt nosthoraci nostras, sed leuiter tantum gossypinã fasciã stringunt, firmatque. Caligas verò etsi laxas fluxasq; gerat, nullã tamen fasciã crurali (vti nobis vticatum est) subcingunt. Æstate subligacula ex gossypinã telã laxiora, & ad talos dependentia gestant. Calceos simplices è corio caruleo, vel flauo caligis assuunt. His crepidas *Babus* dictas, subtus ferratas, atque in fronte acuminatas superaddunt. Indusia pleraque gossypina sunt, sine collariis, manicis duplo laxioribus nostris, ditioribus è telã gossypinã tenuissimã, pauperioribus ex viliori materiã: quorum extrema humiliores aliqui non subligaculis

cōdunt, sed supra femoralia pendula relinquunt. Dum verò iter agunt, aut obequitant, ocreas induunt genuum tenuis. Tulipantho etiam pluvio maximè cœlo, acuminatum pileum præaltum, plures habentem plicas, ex rubrâ vel albâ materiâ imponunt. Tunicis adhæc & aliam superiniciunt vestem, *Gepeneam* vel *Iamurluchion* appellatam, à prioribus non multum dissimilem, laxiorem tamen, longioremque, ad arcendas pluuias, niues, gelu, cæteraq; aëris incōmoda aprissimam: quâ & noctu in Chapis straguli loco vtuntur. Pauperiores plerique cum capsarum usum prorsus ignorent, si quas habent vestes, distentis funibus superextendunt, ditiores cistis vimineis corio obductis includunt. Capitis velamina apud Turcas varia. His enim optimates à plebeis, militibusq; distinguuntur: his & optimatum inter se discrimen dignoscitur. Bassæ namq; & Saniacchi Tulipanthum ferunt ex telâ Indicâ tenuissimâ, arachnidis telis tenuitate cōferendâ, & candidissimâ, varijs circumflexionibus & gyris mirâ arte contortâ, formâ oblôgâ potius nonnihil quàm sphericâ. Muphtis, Cadilescheri, Dephterdarij, ac Cadij omnes sphæricum ac Bassarû Tulipantho longè maius, ex sexaginta nonnunquam & amplius gossypinæ telæ tenuissimæ constans vlnis, spiris aptatum candidissimis, Primates cæteri, Chelibegi nuncupati, Santoni, Seriphi, Hoggij, & Talismanni eiusdem ferè formæ habent tegmina, sed paulò minora: Seriphi ex gossypinâ telâ viridi, cæteri ex albâ, Mercatores, ac reliqui ciues, & incolæ, inferiorè Tulipanthi partē nonnihil planâ habent, superiorè in rotunditatē desinentē, multiq; gyris sinuosam, viginti vt plurimum vlnarû lōgitudinis, in reliquo prioribus nō absimile, minori tamē formâ. Reliquus populus seu minutula plebs pileolo cineraceo, è camelorum pilis, vel rubro è lanâ caput tegit: quod spirâ ex telâ gossypinâ circumuinciunt, apice eminentiore, & intecto. Chiausij Imperateris aulici, Bassarû item & Saniacchorû, qui præconû munera, subeunt, inter cæteros Tulipanthi formâ emicant. Eminens enim supra lineum velamē instar diadematis gestant pileolû, ex holeserico rubro, gossypio suffultum, & confarcinatum; quod in rotundâ desinens formâ Tulipantho summû addit decorē. Genizari, dum Zarculis non vtuntur, (quod præcipuum illis est capitis tegmē, cuius formam alibi descripsimus) purpureo strictoq; pileolo, quam Tachiâ vocant, caput operiunt: quod candidis tenuissimæ telæ inuoluunt spiris, vt tamen cacumē nudum superemineat. Genizarorum serui, atq; Bedoini, & Arabes pluri pileolum nigro & vel rubro vittarû volumine cōtegunt. Cæterum Mauri tenuiores, à pueris inediæ & laboribus assueti, neccaligis vtuntur, nec subligaculis, nec frigus metuunt, nec æstus maiorem; autem vitæ suæ partem nudis peragunt pedibus, nisi frigus nimis intensum sit, vel via cœnosa; tunc enim vel crepidas, vel calceos induunt. Hinc plurimi calca-

calcanea callo obducta, rimisq; scissa habent. Vilibus verò è lanâ amicti vestibus, surarum tenus (quas *Gabà* vocant) manicis vt plurimùm carētib; superiorem discinctam ferunt, interiorē vix ad media genua protensam, longâ lataq; Zonâ è corio cingunt, quā tamen indusium longitudine superat Neq; enim (vt supradictum est) indusia aliqui subligaculis condunt (vti apud nos moris est) sed pendula fērent, quorum manicæ adeò laxæ sunt, vt vrgente frigore manus per eas ad nudum pectus facillimè complicant, ac calefaciant. Ex pannis laneis *Meska* vulgò appellatis, quos ex caprarum seu asinorum pilis rudi modo texunt, limbis nigris albidisq; diuisim interuenientibus, Mauri cæteri q; tenuioris fortunæ homines non solum vestes, sed & saccos conficiunt, in quibus commeatum omnem per vias deferunt, & Muchari animalium pabula condūt, eorumq; tergoribus supernjiciunt: cuiusmodi idcirco antiquis Hebræis cæterisque Orientis populis & cilicia & saccos fuisse putauerim: quibus dum vel mortuos lugerent, vel crimina sua plangerēt aut pœnitentiā agerent, se induisse sacra Scriptura memorat. Christiani Orientales, etiā opibus affluētes, vilibus & sordibus pleriq; induuntur vestibus, eiusdem tamen formæ, cuius & Mahometari. Plurimi tunicā gestant superiorē è lanâ manicatam duplam genu tenus, cuius suffultura candida est, exterior verò pars colore infecta: aliqui pelliceam arietinam & candidam & rubram habent, interiorē ex lino gossypio suffultam: vel ex lanâ coloris cineracei talarē. Occidentales verò necnon Hebræi eadē vti & Turcæ ferunt genera vestitū, soloq; capitis tegmine à Turcis Maurisq; distinguuntur. Orientales Christianicolæ vt plurimùm Tulipātho è gossypinâ telâ versicolore, non tamē candidā, simplicem in modum complicatā caput tegunt. Armenij Pileum acuminatum pellibus suffultum, vel cerulei coloris Tulipāthum formā comuni capiti imponunt, Occidentales Christiani vulgarem Italicum nigri coloris Pileum ferunt. Hebræi rubrum præaltum in rotunditatem desinentem, atq; alis carentem. Iam verò de sceminarum amictu ornatuq; aliqua referamus.

Gen. c. 37.

Ioan. c. 3.

Lucæ c. 10.

CAPVT XIX.

Turcicarum ac cæterarum in Syriâ sceminarum habitus, ornatu, ac mores.

TYRICAÆ sceminæ, magnatū præsertim vxores, & pellices, superbè ac sumptuose vestiuntur. Harum indumēta nō solū serica & byssina sunt, sed auro quoq; & argento intexta, gemmis micant, formā tamen viris vsitatā. Vestibus autē quas plurimæ ad talos nonnullæ ad suras dependētes ferūt, vbi in publicū prodeūt (quod rarò accidit, cū vel ad balnea, vel ad propinquorū tumultos procedūt) vtūtur simplicibus, nullamque osten-

ostentant pompam, nullam lasciuiam. His indusium albidum superinduunt, vel tenuissimæ telæ linceo sese inuoluunt, extremamque linteioram (vti nos pallium) in humeros reijciunt. Caput præterea linceo tegunt, faciemque velant, oculis reticulo ex equinis setulis tenuissimis contexto, vel fasciâ sericâ transperante & nigrâ adhibito, vt spectare illæ commodiùs alios possint, & ab alijs ipsæ spectari nequeant: idque ex legis præscripto: cauetur enim Alcorano ne fœmina in publicum prodeat apertâ facie: quod adeò studiosè obseruât, atque ita diligenter se obuelant, & operiunt, vt nedum proximi & familiares illis occurrêtes, sed nec ipse maritus vxorem suam possit interno scere. Si quos obuios habeât, etiam notos, neminem salutant, neminem alloquuntur. Vix etiam etsi centies aliqua maritum obuî habeat, vel semel eum alloquentê reperias: quinimò adeò fugiunt virorû colloquia in publico, vt etiam monstrum habeatur virum & mulierê in aperto sedere aut simul equitare. Quo sanè modo, quemadmodum omnis prorsus ad adulteria & illicitos amores sollicitandi præciditur occasio, ideoq; multo rariora apud Turcas sunt adulteria quàm apud Christianos, ita etiâ simplicitate vestium publicè prodeuntes nostrates fœminas nobiliores præsertim longè superant: quæ prodigiosa vestiendi inconstantia, & sumptu, ac varietate adeò lasciuunt, vt histriones in scenâ magis repræsentare iure dixeris, quàm matronas. Brachatæ omnes per vias plateasque publicas obambulant, subligaculis è telâ gossypinâ ad talos vsque pendentibus, & subter corrugatis, longioribus ipsis vestibus, quas superinduunt. Nonnullæ ocreatæ, quædam caligatæ, quæ & calceos crepidasque ferunt viris vsitatas Plebeis ac vulgares fœminæ eodem quoque vtuntur genere vestium, sed vilioris materiæ: gossypinis etenim, aut lineis, lanæve amiciuntur. Brachatæ insuper atque ocreatæ, vt extæræ, linceo indusio superinduto incedunt; vnaque omnes, etiam vetulæ, & deformes, faciem velant. Porro nobiliorum fœminæ nō solum splendidis, & sumptuosissimis, ac insigni arte elaboratis vtuntur vestibus, sed etiam Torques, Armillas, Pedalia, Brachialia, Dextralia, Periscelides crurum, Monilia, Inaures, atque Annulos aureos gerunt; vulgares argenteos. Nonnullæ etiam nobiliores cum domi hærent quo proceriores appareant, magisque placeant viris, palmaris altitudinis calopodijs argenteis deauratis vtuntur. Oculos pænè omnes depingunt, fucantque stibio, quod venustatem addere putant, veterem in hoc seruâtes Orientis morem; de quo apud Ezechiam & Hieremiam passim fit mentio. Digitorum etiam ungues ceromate quodam ex puluere herbæ (quæ illis *Alcanna* dicitur) aquâ admixtâ illiniunt, ac rubros efficiunt. Turcarum Maurorum & Christianorum Orientis filiolarum fasciâ sericâ frontem

tem ornant, & ex quâ iuxta vniuscuiusq; opes plurimi pendent nummi, velaurei, vel argentei. Hebræorū verò Viciſiam argenteam, vel æneam deauratam ornamenti loco capiti imponunt, quâ & grandiores natu vtuntur, capillis arte compoſitis, ac in byſſinâ vel hoſtoſericâ fiſtulâ incluſis per dorſum ab occipitio pendentibus. Puellis quoque teneræ ætatis, ditioribus tamen, cuiuſcunq; tandem religionis ſint, non minus quàm grandioribus Armilla, Pedalia, Monilia aurea ſive argentea vſitata ſunt. Dum per vias nuptæ obambulant, ſuos ſæpenu- merò ſecum ducunt infantulos; quos non brachijs Occidentaliū mo- re, ſed humeris diuargatis tibijs impoſitos circumferunt, aut manci- piorum operâ ingeſtando vtuntur. Caterùm Orientis ſceminæ rudes, inſulſæ, ineptæ, ac malè moratæ ſunt, inceſſum habent incompoſitū. curſitant, pleræque, ventitantque brachia, agreſti planè modo, nullū- que proiſus (vt noſtrates) obſeruant decorem. Neque ſolum Maho- metæ (vt diximus) ſed & Chriſtianæ, Hebrææque omnes velatâ ince- dunt facie. His etiam & eadem veſtium forma, & mores paſſim. Non- nullæ tamen Chriſtianæ Dulimanno laneo pro ſuperiore veſte vtun- tur, cum in publicū prodeunt, nullo ſuperinduto induſio: lineo atq; in eo in primis à Turcicis differunt, quòd manibus detectis incedât, cum Turcicę eas linteis condant, atque inuoluant. Ad vnum verò omnes balneis delectantur, frequenterque vtuntur. Baſſarum ac Magnatum vxores ac pellices priuatas balneas habent, reliquæ publicas accedunt, bis vt minimū ſingulis hebdomadibus. Dum verò eò pergunt, non ſolæ ſed comitatæ vt plurimū commeant, præcedunt ſerux, ſeu pe- diſſequæ: quæ ciſtulas linteis ſudarijsque reſertas capiti impoſitas de- ferunt: ſequuntur heræ plures quandoque, quandoque ſingulæ. Hu- miliiores ſua ipſæmet conferunt ſudaria, lauantque ſe mutuò. Ho- neſtiores ab ancillis lauari ſe curant; quæ poſtquam heras lauerint, ipſæ quoque ſe mutuò lauant. Hinc corpore mu-diſſimæ Occi- dentales mu-ditie longè ſuperant: nec enim putent, aut ſcietent; qui- nimò adeò corporis mu-ditiem colunt, vt etiâ quotieſcunq; earum aliquæ opera faciunt, quæ natura fert (pudor verat dicere) pudenda lauent. Eam verò ob cauſam tam frequens illis eſt balneorum vſus, quòd id ſanitati in primis prodeſſe, ac eo ſpeciè ſibi addere ſe putent, quâ ſe gratiores viris fere cōfidunt; vel quòd honeſtā aliquam exeundi occaſionē quærant, cum alioqui perpetuò ipſis domi hærendū ſit. Ze- lotypi enim cū ſint mariti, nō ita facilè ſceminis exeūdi veniā cōcedūt, niſi vel balnei, vel paræraliū occaſio id poſtulet. Id autē mirandū quòd altera alterius, etiâ diuerſæ religionis, aut cōditionis cōſortiū in balneis nō enitet. Siue enim Chriſtianæ, ſiue Turcæ, vel Hebrææ ſint, à ſe mutuò haud quaquā abhorrēt, ſed ſimul omnes balnea frequentāt, ſeq; inuicē

nudas conspiciere, & atrectare non verentur: quapropter maxima inter eas necessitudo viget; seque inuicem intensissimo amore prosequuntur. Mauræ inopes, nec non & Bedoinæ Arabes, Cinganæ Italis dictæ, gossypinis vt plurimum indutæ vestibus, velatæ pariter incedunt, sed pedibus & cruribus nudæ: vt verò ornatiores appareant, labra, frontes, palpebras, genasque colore cæruleo subfusco fucant; digitorū etiam ungues colore quodam subrubro tingunt. Armillis, Monilibus, Pedalibus, Annulisque non minùs ac cæteræ Mahometæ vrantur, sed æneis, stanneis, ferreis, vel chalybeis. Aliquæ æneis, vel ferreis circulis, quinis, vel senis brachia onerant potius, quàm ornant: nonnullæ testaceis vario colore depictis. Faciem insuper characteribus cæruleis inurunt, vel genas leniter cultello incidunt, & vulnere obducto cicatrices relinquunt. Auricularum quoque torulos Mauræ perforant, æneosque vel stanneos Annulos in ijs ferunt, Nasi item extremū puellis perturant, & forāmini æneos Annulos inserunt. Indecentius me vidisse quicquam haud memini: putant tamen illæ sibi speciem addere, ac nihil eo esse elegantius. Quo exemplo quàm vanè ruat gens humana in sui cæcitatem, quàmque fallamur omnes, edocemur. Existimat Æthiops nigrum colorē candido pulchriorem, putat & candidus aliter, detonsus capillato, barbatus imberbi se credit esse spectabiliorem. Hinc tam varij, sibi que contrarij apud Orbis incolæ & mores & habitus, Oriētales vniuersi imberbes ac glabros exossi, rasis nouaculâ capitis pilis, barbam intonsam relinquunt. Occidentales contrā comam nutriunt, barbam tondent; & vitiū putant, si quis barbâ incomptâ procedat, aut in publicū prodeat. His succinctæ, illis longæ placent vestes. Hi variam vestium concisuram, ornatum vestimentis addere existimant; illi id detestantur, ac meram stultitiā putant. Sic alter alterius ridet ineptias, & suum cuique pulchrum videtur. Est enim (vt ille ait) amor & rerum cunctis tutela suarum. cū tamen interim appetitu potius vrgente quàm ratione suadente vanitati studeamus, stultitiasque sectemur omnes.


IOANNIS COTOVICI
V L T R A I E C T I N I
I T I N E R A R I I
H I E R O S O L Y M I T A N I
E T S Y R I A C I

LIBER QVINTVS.

Antiochię, aliarumque Syrię Urbium lustrationem, ac
reditum per mare in Italiam, Urbisque Venetę
breuem descriptionem continens.

CAPVT I.

*Genizarorum in vrbe Alepina seditiones, & aduersus
Bassam, Castriacosque milites motus.*



AVCORS ante dies quàm de abitu ex Alepo cogitaremus, Vrbs intestinistumultibus exagitari cœpit, maximâ inter Damascenos Genizaros, & Alepini castrî milites, Castriacos vulgò appellatos subortâ seditione. Quę res originē inde traxerat, quòd Bassa propensiore erga Castriacos animo pro horū potius, quàm illorum partibus staret. Neglectis enim Genizaris Damascenis, ijsq; inuitis, Castriacos in eorum locū ad Occidentaliū Consulū custodias subrogauerat: cuius auctoritate fulti Castriaci, Damascenorum infringere iura, & occupare sedes nitebātur. Obistebāt Damasceni, neq; vnquā se suo celsuros iure, tot annorū longissimo vsu confirmato liberè profitebantur. Admoditi verò à Bassâ, vt publicis edictis obtēperarent, vel statim vrbe excederēt, suęq; militiæ sedē Damascū repeterent, quando eorū præsidio se diutius nō indigere diceret, nō solū dicto nō fnēre audietes, sed insolescere indies in Castriacos, ijs insidias struere, affligere iniurijs contumelijs proscindere, atq; ipsius Bassę spernere dignitatē magis ac magis cœperūt. Eapropter irâ atq; odio mutuo accēsi milites, per multos dies inter sese cœdis cœdibus, & quotidianis ferē contentionibus, &

conflictibus certârunt. Bassa verò indignè ferens auctoritatem suâ pro-
 nihilo æstimari, vt tantam Damascenorû insolentiam, rebellionemq;
 compesceret, sedaretq;ue tumultus, ac Castriacorum in primis saluti
 consulere, edictum in Damascenos promulgauit, quo quemq; illorum
 tanquam hostem Imperij & perturbatorem publicæ quietis impunè
 interimere cuilibet liceret. Proceres insuper, Begos, ceterosq; milites
 omnes Alepinos armatos ad se vocat; imperatq; vt sibi ad reprimen-
 dam Damascenorum audaciâ celerrimè adfint: qui statim Bassæ iussis
 obsequentes, maximâ suorû collectâ manu, ad Bassæ Seraiû aduolârunt.
 Id vbi resciuere Damasceni, vim maiorè & periculû veriti, vt rebus suis
 consulerent, consiliû de occupandâ Urbis portâ Damascenâ inierunt:
 eo quidem intuitu, vt si qui in eos irruere vrbe expellere, & inferre vim
 tentarent, impetum hostium sustinere commodiùs possent, & habe-
 rent, si quid aduersi accideret, quò se tutò reciperèt. Erat ea amplissima,
 & turribus munitissima, vt vel maximè Damascenorû afflictis rebus vi-
 deretur oportuna, ne vrbe excedere cogerentur, sed viribus hostium
 tantisper resisterent, dum vel pax componeretur, vel Sardarius (id est
 militiæ dux) & Agâ (quod supremum tribunum denotat) iam paulò an-
 te Damasco euocati sibi cum auxilijs adessêt. Res hæc etsi factu ardua,
 feliciter tamen & ex voto Damascenis cessit: portam namq; summâ
 celeritate, nullâ acceptâ clade occupârunt, & in tutum sese recepere
 omnes. Eam statim, quâ urbem respicit, ita munierunt, vt omnem adi-
 tum exitumq; præcluderent. Dum hæc geruntur, custodias Consulû
 relinquere sunt coacti, Castriacis à Bassâ ipsis substitutis. Hoc urbis
 statu nunciatur naues Venetas è portu Alexandræ breui soluturas,
 & si vnâ proficisci animus esset, abitum pararemus: nos etsi abire vel
 maximè optaremus, quos tamen nobis securitatis causâ comites, Ca-
 striacôsne an Damascenos adhiberemus, anxie dubitabamus. Vtroq;
 enim euidenti periculo ac damno nobis futuros hoc rerû statu intelli-
 gebamus. In Damascenorû siquidem proficisci comitatu non licebat;
 minuscque tutum erat, quippe quos Bassa, vti hostes ac perduelles pro-
 scripserat, & edicto cauerat ne quis Occidentaliû eorum comitatu am-
 pliùs vteretur, pœnâ additâ non obtèperâti. Castriacos verò adsciscere
 è re nostrâ futurum minimè arbitrabamur, ne Damascenæ militiæ ho-
 stibus fauere videremur: atque id mercatores Veneti quoque summo-
 perè dissuadebant. Quandoquidem Antiochiam profecturis (vbi iam
 primùm institueramus) quò Damascenorum plurimi tanquem ad azy-
 lum è vicinis oppidis profugerant, haud parum verendum erat, ne illi
 in nos tanquâ hostiû suorum fautores hostile quippiâ patrarent, om-
 nesq; res nostras diriperent, aut prędæ suis exponerèt. Expectare verò
 incertum dissensionis exitum præsens atq; vrgens nauîû occasio nul-
 lo mo-

lò modo permittebat: cùm maximè nulla affulgeret spes, quando tandè sedatis militũ animis motibus hisce finis imponeretur. Militũ enim animi semel in furorem concitati non facilè ad tranquillitatẽ reducuntur: nec potest talis furor nisi temporis diuturnitate ac lapsu exstingui. His difficultatibus Consul. Venetus opportunissimè subuenit: suavit enim neutros admittendos, sed orandũ Bassam vt nobis de comitatu prouideret. Nos vt id nostrã causã faceret, rogamus. ille negotium suscipit, & publicum nationis suæ interpretem ad Bassam mittit, vt nostri itineris causam ac iustum timorem exponat, petatq; ab eo vt Capigiũ nobis è suis, qui comitetur, permittat. Bassa re intellectã perhumanè statim annuit, atq; è Capigijs vnum ad se vocat, Venetorũ adire cõsulem, eiq; obsequi iubet. Nec mora, Capigius ad cõsulem venit, operam fidemq; suam pollicetur. Consul gratijs ei actis, itineris nostri rationem aperit, quo minus Damascenos Castriacõsve milites nobis adhibeamus comites, exponit: ideoq; à Bassã Capigium petiuisse, qui nobis Alexandretam vsq; præsidiũ sit: cumq; benignè ille assensisset, ipsiq; id negotij demandasset, petere vt nostri tutelam suscipiat, & quid mercedis habiturus sit, enunciet. Ille se sedulò & ex animo negotium curaturum spondet: de mercede autem nihil cõstituturũ: esse se Bassæ ministrum publicum, non mercenariũ responder. Consul cognitã Barbari superbiam, vera esse quidem omnia quæ diceret, eaq; se optimè scire, verũ nostrum esse illius operã, & itineris sumptus, ac incõmoda liberaliter rependere Moris esse apud Venetos merita meritis cõpensare, ac benefacta benefactis cumulare: ideoq; certò sibi constare tam grato & liberali animo haudquaquam nos ingratos fore, sed condignam largitione promptissimum eius adfectum compẽsaturus. Atque his dictis barbarum dimisit: quem, de itinere nobiscum ineundo datã fide, in tertium diem exspectauimus. Interim cõmeatum omnẽ itineri opportunum coëmimus, equos, mulosq; conduximus, ac sarcinas nostras componentes, diem recessus auidè exspectauimus.

CAPVT II.

*Ex Alepo, Capigio comite, discessus. Iter Antiochiam vsq;
& Antiochena vallis, lacusq; descriptio.*

IPSIS Nonis Martij, anno à partu Virginis 1599. necdũ orto Sole, nostrum accedit hospitium Capigius, duobus comitarus militibus, atq; iter arripiendum admonet: nos verò in procinctu iam stantes, paratisq; omnibus, quæ in itinere necessaria ducebamus, singuli singulos equos mulosq; cõscẽdimus, & prætè cũ suis Capigio per urbẽ ad portã Oc-

talem equitamus: quâ egressi, rectâ Occidentem versus per arida, inculta, & deserta pleraque loca eo die proficiscimur; humiles modò colles, ac mitia montana, modo apricas atq; vmbrosas superantes valles, Terebinthis, Esculis, Alaternis, & Andrachnis arboribus vestitas. Circa vesperum Damam venimus. Pagus is est in vigesimo quarto ab Ale positus lapide, latissimæ ac pulcherrimæ vallis occupans vmbilicum, situs amœnitate, folique feracitate nobilis, cultioris sanè omnibus, quæ eo die in itinere occurrerant. Ampli, quandoq; ac frequens fuisse oppidum, templorum ac veterum ædificiorum docent plura & peràmpla vestigia: quæ ex dolatis & miræ magnitudinis saxis, æquâ mensurâ quadratâ formâ incisis constant, & regiam planè magnificentiâ ostentant. Ea olim Christianorû fuisse delubra, vel à Christianis exstructa, non leui argumento sunt salutaris Crucis signa, superis portarum liminibus insculpta. Magnatum quoq; sepulchra duo eximia, ac regij operis monumenra in quadratam formam exsurgētia ibidem videre est: quorum alterum testudo tegit quaquà versû in crucem fornicata, atq; tota ex marmore pulcherrimo, quaternis fulta columnis ex ophitico mormore, marmoream tumbâ in medio continens. Alterum marmoreû item totum, eiusdemq; formæ, sed tumbâ vacuum: quâ ab indigenis ablatâ, aut confractam putauerim. Haud procul inde & alia conspeximus vetustissima sepulchra, rupi incisa, formâ quadratâ oblongâ, quorum vnum Græcâ inscriptione insignitum: literis tamen temporis iniuriâ corrosis legere haudquaquam datum fuit. Cumq; nullum hic adesset Chan, sub veteris ædificij tecto recepti pernoctauimus.

Octauo Eid. Martij, primo diluulo carpentes iter, per loca deserta, ac squalida viâ admodum abruptâ, saltuosâ, ac difficili gradu fecimus. Circa meridiem amplissimam ingressi planitiem, oppidum mox (cui olim Heirim vel Seiriû fuisse nomē putatur) præterlegimus. Id eminētis situm loco, rupiq; impositum, desertum licet & habitatore vacuum, non spernendum propugnaculum refert, habetq; in proximo præterfluētē dulcium aquarum riuium. Oppido ad læuâ relicto, in proximum nemus Adrachnis & Alaternis arboribus consitum, declinamus; ibidemque per horam vnâ atque alteram, vt equi & nos longo & difficili itinere fatigati vires resumeremus, substitimus. Inde paulo post viâ modò accliui, modò decliui continuauimus iter, nec quicquam præter summas vastitates vsquam conspicati sumus. Sole ad occasum vergente, in colle quodam eminenti, atq; Antiochenæ valli imminenti sub sedimus: cumq; nullus in proximo esset pagus, aut Chan, quò diuerteremus, aut tuto nos reciperemus, angusta quædam Maurorum magalia, mapaliæve, seu animalium potius stabula intrare coacti sumus; vbi colligatis equis, sarcinisq; depositis, dato pretio, post aliquas

aliquas preces, hospitati sumus, & noctis incommoda effugimus.

Septimo Eid. Martij orto iam Sole, Mauro quodam ductore vicinam ingressi planiciem, inceptum continuauimus iter: solus quippe Capi- gius absque ductore ignotam sibi viam ingredi non audebat: vel eò magis, quod paludosam, atque præcedentium dierum frequenti plu- uiâ iam valdè vliginosam multis in locis intelligeret. Id verò oportu- nè nobis & vtiliter cessit: vix enim etiam experto & perito itineris du- ce præeunre pericula effugimus. Cœnosa quippe mirum in modum erat via, fossas insuper, lacunas, paludesque plurimas, & profundas non sine summâ difficultate & vitæ discrimine superare cogebamur. Longissimo denique iuxta Orontem fluuium (rapidissimò cursu me- diam perlabantem vallem) cōtinuato itinere, per lapideum tandem vetusti operis pontem quinis innixum arcubus, flumen impetuosissi- mum traiecimus. Tum ad læuam, Austrum versus flectentes, perque vberima ac lata pratorum pascua pergentes, quartâ demum postme- ridianâ horâ Antiochiam necdum pransi accessimus. Occurrebant in itinere plurima passim per vallē dispersa pastorum tuguriola, seu ten- toria pileata; certo ordine disposita, ac numero quandoque pagos re- ferentia. Hæc secum deferunt pastores quocunque pergunt: sæpius enim pascua vberiora quærentes sedem mutant, vallemque totam peragrât. Opiliones hi nullas domos vel possessiones præter tentoria, hæc & greges armentorum possident. Pascunt autem camelos, mulos, equos, boues, oues, capras. Ex lacte caseum conficiunt, itemque bu- tyrum, quod more nostro non saliunt, sed coquunt ac pellibus caprinis condunt quò diutiùs conseruetur. Lanam præterea tondent, inde pe- nulas conficiunt & diuendunt. Omnes autem decimas animalium quorannis natorum Imperatori dependunt. Est autem planities seu vallis hæc Antiochena amplissima maximaque, quâ vel vberiorē vel maiorem in vicinâ regione vidimus nullam. Lacum habet piscibus abundantem, & in primis optimis & prægrādibus anguillis copiosum, distantem ab vrbe sex millia passuum; vnde & Antiochenam nonnulli quandoque appellatam volunt; quem olim stagnum Meandriopolis dictum fuisse multi putant. Longitudinē latitudinē superat, conti- netque in ambitu sexaginta circiter millia passuum. Onocrotalos & Ciconias iuxta hunc lacum videre est plurimos.

CAPVT III.

*In urbem Antiochiam ingressus. Discrimen à Genizaris Damascenis.
Cadij intercessione sedati milites. In vrbe mora,
eiusq; lustrationes.*

VRBEM ingressi per Occidentalem portam, nullo prorsus impedimento dato, aut incommodo accepto, secus vrbis muros ad publicum Chan seu diuersorium, ad meridionale vrbis situm latus, pedites perreximus, vbi & hæsimus in sequentem vsque diem. Ædificium id est magnificum sanè, & amplissimū, Melsitâ fonte, & latissimâ areâ ornatum. Dissolutis autem atque in diuersorium conditis sarcinis, mox vbi Frangios aduentasse percubuit, aduolant Genizari Damasceni, & in comites inquirunt. Vbi Bassæ Alepini Capigium esse cognorunt, pleno ore inuehuntur in hominem, lacessunt iniurijs, adduntq; minas, mirari se aiunt eius audaciam, impudentiâ, temeritatēque, quod Damascenorum infringere iura audeat: spectare ad se huiusmodi emolumenta, non ad alios: quod cū probè sciret, non debuisse alienis se immiscere rebus, militumque lucris inhiare: licet autem huc vsque comitatus fuerit, non tamen passuros se vt institutum prosequatur iter. Itaque si suis rebus consultum velit, suadere vt ad Bassam redeat, neque longiùs Frangios comitetur. Ille vt eorum iratos animos non nihil placaret, nihil sibi negocij cum Castriacis esse, neque ab ipsis stare, abhorrere potius & execrari hominum vilitatem. Bassæ se esse ministrū & Capigiū; inuito sibi iniunctam hanc à Domino prouinciam, tamen cepisse eam, quia fugere non licebat. Neque de Damascenorum emolumento sibi vsurpando vnquam cogitasse; imò deuinctum se esse Damascenis, ideoque omnia illis felicia & prospera imprecari. Quod si imperent vt Frangios deserat, obtemperaturum ilicò: precari tamen ne dum suis studeant commodis, alijs exitio sint. Si enim eos comitari desistat, neque Bassæ iussa exequatur, nunquam ausurum sub Bassæ ad spectum redire: seuerum esse, neque parsurum sibi, etiamsi coactu ipsorum Frangios à se desertos intelligat. Sedatis his verbis non nihil Damascenorum animis, dimittitur, disceduntque Genizari. Ille nouas veritus militum insidias, comite interprete nostro, vrbis Cadium adit; quid in mandatis habeat, exponit; vtque nobis subsidio sit, Bassæ nomine petit: in primis autē Genizarorum primores aliquot ad se accersiri vt mandet, moneatque ne damno vlli nobis sint, aut iter impendant: sed saluos nos, nostrasque res omnes esse iubeant, & ex satellitibus suis qui Baulacium nos deducant, atque ab insidijs tueantur, adhibeat. placet hæc

cet hæc oratio Cadio. Aduocantur Genizari, ijsq; Bassæ mandatum exponit. Hortatur etiam ac suadet à vi vt abstineant, supremoque magistratui obtemperent, atq; id ipsum cæteris militibus iniungant, ne rem suam deteriorem faciant, nève ipse, si quid damni Frangijs inferatur, eorum culpâ immeritas pœnas luat. Ipsi contra de iniuriâ sibi à Bassâ illatâ expostulant, violari sua iura, sibiq; debita lucra ad indignos transferri; iniquum eum esse, & inhumanum, ac aduersum planè eorum commodis: inultam propterea tantam iniuriam non esse relinquendâ. Cadij tamen verbis libèter assentire: eiusq; causâ innoxios nos dimissuros, maximè quod Venetos esse mercatores erga Damascenâ militiâ optimè affectos intelligant. Liberè itaq; discedamus, atq; timore omni soluto quibusslibet itineris comitibus ac ducibus vtamur, aiunt. Hæc Capigius itemq; interpretes ad nos reuersi læto animo retulêre: atq; vt quâ celerrimè abiturum paremus, suaferunt. Successus rei benè gestæ exhilarauit quidem omnium animos; sed perturbauit nonnihil tam repentinus ab vrbe discessus: cum enim circumvicina quæque, & præcipuè celeberrimæ amplissimæq; vrbis vetusta monumenta peruestigare vel maximè nobis in votis esset, tempus ad id dari optabamus: sed moram dissuadente Capigio, obtemperandum duximus.

Postridie itaq; summo diluculo itineri nos accingimus: priusquam tamè vrbe egredimur, a Capigio impetramus, vt saltèm Diui Petri Cathedralis & ecclesiæ vestigia, & Diui Pauli fontem celeberrimum adire atque inuisere liceret: quod cum permisisset, per hortos atque vrbis viridaria, Moris albis nigrisque ac Loto exulta, Christiano quodam Syro duce, iuxta vrbis muros, ingentibus veterum ædificiorum transcensis ruderibus, ad portam vsque vrbis orientalem pedites pergitimus, quam à fonte vicino Diui Pauli portam appellant. Fons hic ex rupe vrbis muris inclusâ, ac portæ contiguâ, ingenti prorumpit hiatu, atq; in subiectum vas quadratæ formæ opus per amplum & profundû limpidissimas & saluberrimas aquas effundit: quæ inde per deductas arte canaliculas vicinos hortos irrigant, fata lætificant, ac longè latèque excurrunt. Ex eo loco rupem præruptam & adscensu difficilem Ortum versus adscēdimus: in cuius ferè medio æquo quidem & plano loco peringentes collapsi delubri reliquiæ nobis ostensæ fuere: Chori in primis pars extrema, arcuato opere hemicycli formam referente. Delubrum id quoddam fuisse primarium, ac Diuo Petro (cuius ibi sedes extitit) dicatum asserunt incolæ. Haud procul inde Meridiem versus in costâ alterius montis huic contigui, à circumducente ostensâ nobis fuit cauerna amplissima, triplici patens aditu, viux rupi incisa, instar spatiosissimi templi elaborata, plurimisque columnis ex ipsâ

rupe cæsis suffulta : quam Diui Pauli cauernam Christicolæ vocitant; quorum vlti ac sacris celebrandis in hunc vsque diem seruit. Alteram quoque priori non absimilem, in tertiâ rupis costâ mediâ excisâ eminus in transitu conspeximus, cùm cominus intueri & adire eam non liceret. Hæc Diui Georgij spelunca ab incolis appellata, deserta omnino & neglecta iacet, & ab hominum commercio remotissima, atq; accessu perquàm difficilis, latronum & nefariorum hominum latibulum est : neque tutus ob id ne ipsis quidem incolis ad eam patet aditus. His ita cursim conspectis, per ingentes ædificiorum ruinas, lapidumque aceruos, atque immensa rudera, ad Capigium nos expectantem properauimus. Cæterùm quæ de hodierno vrbis situ & facie animaduertere licuit, paucis subjiciamus.

CAPVT III.

Descriptio vrbis Antiochia.

Strab. lib. 16
Zach. 9.
2. Reg. 24.

ANTIOCHIA à Seleuco Nicanore condita, & à patris sui nomine sic dicta, priscis temporibus Hebræis Emath, & Reblata fuit, ad quàm Zedechias rex Iuda cum filijs ante Nabuchodonosor Babyloniorum regem deductus & oculis priuatus est, in patris præsentia filijs eius occisis. Postea à Theophilo quodam septimo eius vrbis Antistite Theopolis appellata, Hodie Turcis Maurisque *Antac* dicitur. Hæc Syriæ quondam caput, ac sedes regia, sex aut septem suo ambitu millia passuum continēs, in amœnissimâ & fertilissimâ sita valle, ad ripam Tiphonis fluuij, postea Orontis (ab eo qui primus in eo pontem fecit) nunc Far vel Pharphar dicti. Vberes circa irriguosque salubribus aquis campos habet, montibus altissimis vndique ferè circumdata. Situ partim plana, partim montosa est. Duos quippe montes, seu colles altissimos profundissimâ sed angustâ vallē ab inuicē separatos, per quam torrens demissus à montibus ingreditur & urbem mediam perfluit, suis mœnibus comprehendit: in quorum alterius (qui celsior est) supremo vertice vetusti operis Arx deserta tamen & ruinosa iacet: quàm Syriæ quondam reges, & postmodum Mahometcos, dein Christianos Principes Antiochenos dictos, incoluisse opinio est. Vrbshæc Daphnidis fonte, à quo & Epidaphne dicta est, tribus ab eâ distante milliaribus, Apollini dedicato, eiusque oraculis claro (quem Iulianus apostata Pithonē consulturus de belli Perfici euentu, accessit) itemque asylo Apollinis, & Dianæ delubris, quæ in proximo erant, quondam celebris fuit. Postea Christianâ in Syriâ clarescente religione, Patriarchali sede insignis, multis temporibus sub Christianâ fide

fide in veri Dei cultu claruit. Hic primùm à Patribus Concilium celebratum. Hic primùm Christi cultores Christiani appellati, cum AB. 11. Discipuli antea & Nazaraei dicerentur. Ex hac Theophilus & Lucas Evangelista oriundi. In hac Petrus Apostolorum princeps cathedram obtinuit sacerdotalem, & Pontificali primùm hic functus est dignitate. Trecenta & sexaginta Christianorum templa magnifica in ea olim extitisse, eiusque Patriarcham viginti provincias in suâ iurisdictione habuisse scribunt historici, quarum quatuordecim singulos habuisse metropolitanos cum suis suffraganeis, sex verò reliquas duobus subfuisse primatibus: adeoque centum & quinquaginta tres Episcopos illi subiectos fuisse narrant authores. Hac autem tempestate diruta & prostrata penitus, solo aratro profcisso, suisque maximæ ruinis sepulta, nulla prisce magnificentiae, & splendoris, ac veterum ædificiorum indicat vestigia. Quâ parte in plano est, portas quinque continet: quarum tres salutaris Crucis signaculo insculptas conspeximus: quæ ad Orientem est Diui Pauli, à fonte vicino, quæ ex aduerso, Diui Georgij à Christicolis appellatur. Inter has duas vrbs in longum protenditur, longitudine (quæ plusquam duo millia passuum continere dicitur) latitudinem superante. Ab eo autem latere quâ à quilonem respicit, tres visuntur portæ: Superior Tanis dicitur, ponte munita, per quem palus muris contermina transitur: media Ducis appellatur: inferior à ponte lapideo vicino, quo Orontes fluuius trajicitur, Pontis nomē obtinet: Si veteribus creditur, qui amnem eam per fluxisse volunt, dicendum est eam solito nunc contractiorem esse, cum is extra vrbs mœnia iam fluat. Exteriores muri formam si contempleris, pulchriorem, aut politiorem, altioremq̃ue, vel munitiorem te vnquam vidisse negabis. Sunt siquidem mœnia ipsa ex quadratis saxis miræ magnitudinis, turribus (quæ quadringentæ & septuagintæ esse dicuntur) altissimis, validissimisque quadratæ formæ intersecantibus, atque æquâ inter se proportionē distantibus exornata, latissimâ, profundissimâque ambiente fossâ; quæ ad singulas ferè portas versatilibus pontibus trajicitur. Eo autem ordine composita sunt, ut per menianum, quod in summitate est, inter eminentes vtrimque pinnas, quasi per viculum circumire urbem liceat, ubi enim eleuare se muri incipiunt, gradibus lapideis ad proximam quamque turrim adscenditur, atque ita de gradu in gradum ad superiora tenditur, donec ad supremum ad Ortum positi montis verticem ventum sit. Ibi denique eminentiorem montem Occidentem respicientem (qui præsidium, eminentissimo & insuperabili quondam muro turribusque circumdatum, continet) ambiendo, ac rursus declinando, ad alterum vrbs latus, imamque partem descenditur. Res equidem

Tyr. Bel. sac.
4. c. 9.
Herod. Contin. Bel. sac.
lib. 2. c. 2.

Plin. lib. 5.
c. 21.

admiranda, mœnia integra & illaesa toto ferè vrbis ambitu videre, cum intra mœnia omnia ædificia, etiam si maxima fuerint, ita planè in cinerem abierint, vt vix vllum vestigium reperias, aut solum plurimis in locis ædificijs quondam ornatum aut tectum fuisse aduertas: Neque enim præter hortos, vineas, & egesta rudera, ac lapidum acervos, quicquam adspicias. Pars quæ ad Occidentem vergit (reliqua habitatore vacua) Turcis, Mauris, Christianisq; vtrunque habitat; quorum caesa humiles sunt, atque vnius contignationis, non pavimento subdialis vti cæteræ totius Syriæ ædes, sed regulis nostratiû more cuneatim coëuntibus tectæ: quod sanè vti rarum ijs in partibus, omnibus admirationis causam præbuit, Morantur præterea à multo iam tempore in vrbe hac quinquaginta circiter Damasceni Genizari, quò alij item, cum nos illac iter faceremus, ex vicinis oppidis confluxerant, vt ab Alepini Bassæ vexationibus tutiores essent. Omnes equidem prædiuites plurimos Genizarotos (vt vocantur) sub se habent. Urbem hanc, post mortem Alexædri Macedonis Antiochus occupauit, eiusq; posteri Syriæ reges, in eâ sedem regni constituerunt. His deuictis in Romanorum potestatem venit. Dein declinante Imperio, sub Heraclio Cæsare in ius Mahometæorum cessit, nunc Arabibus, nunc Persis, nunc Ægyptijs subiecta: quorum iugo circiter 490. annos oppressa, à Christianis tandem duce Godofredo Bullionensi anno à nato Christo 1098. tertia Iunij, post nouem, vel (vt alij volunt) septem mensum obsidionem, operâ cuiusdam *Emirferri* Christiani Armenij capta, & Boëmúdo Principi Tarentino tradita fuit: qui primus inde Princeps Antiochenus dictus, eâ sibi longo tempore posterisq; suis subditam habuit: donec tandem Christianis Syriâ pulsis, rursus à Mameluchis occupata, deniq; à Turcis post debellatos Mameluchos anno salutis 1517. Osmannico Imperio addita est, cui etiamnum parer. Præest vrbis in iure dicundo Cadius, itemque Subassius; alij præterea magistratus nulli. Cæterum territorium circumvicinum, etsi (vt diximus) vberis sit soli, incultum tamen maiori ex parte iacet, ob hominum, vt puto, infrequentiam: quorum pleraq; pars alendis Bombycibus, ac Moris excolendis (quibus regio illa vel maximè abundat) victum sibi quaeritat. Montes autem vicini (qui eam ex latere vallans vtroque) etsi sublimes sint, ex ijs tamen dulces & perspicuæ manant aquæ, & vsque ad suprema ferè culmina in cliuis & lateribus suis agriculturæ aptissimi sunt; & in primis Cocco Alaterno, Andrachne, Stolcade, & Stachi abundant. Sed de Antiochiâ iam satis: ad iter nostrum redeamus.

CAP.

CAPVT V.

*Ex Antiochiâ discessus. In montem Amamum adscensus; eius conditio,
& situs: ac Bailani Chani omnium maximi descriptio.*

Ad nostrum tandē Capigium reuersi, duos eum sibi adiunxisse præsidij loco Cadij satellites, arcubus, sagittis, & acinace instructos, inuenimus. Vrbe egressi, per portam Pontis superato suburbio, inter steriles, opacasque, ac miræ altitudinis platanos perreximus: mox Orontē amnem haud procul ab vrbis muris præterfluentem ponte superauimus. Is vnus diei ab Vrbe itinere in mare labitur, suasque iuxta Soldinū oppidum in sinum Issicum effundit aquas. Flumine transito rectā ad Aquilonem per vallem latissimam herbidamque iuxta ripam Antiocheni lacus continuamus iter. Vallis hæc (cuius partem Vrbs ipsa occupat) agrum habet optimum, & glebam vberem, estque riuis & fontibus tota pænè irrigua: extenditurque ab Ortū in Occasum, longitudinis miliarium quadraginta, latitudinis pro diuersitate locorum sex vel quatuor. Circa meridiem ad Bailani montis radicem venimus. Is veteribus Amanus fuit, Italis mons ater *Monte negro* dictus, præceps nimium & adscensu difficilis, atque omniū quos vnquam adscenderim altissimus. Inde altā petentes, ad Occidentem fleximus. Septimo dein lapide, in ipso montis adscēsu à læuā arcem vetustam, desertam, & habitatoribus vacuam, turribus licet mœnibusque munitam (quam Saramellam olim dictam putant) præteruehimur. Hinc per densas umbrasque syluas, in quibus Platani, Larices, Abietes, Cedri, Ilices, Lauri, Myrti, Esculi passim occurrebant, accliuī semper viā & cœnosā, difficili præcipiti que multis in locis tramite, maximo cum labore & tædio ad altiora perreximus, & ferè sex horarum spatium in ipso montis adscensu cōsumpsimus. Vbi ad summa montis iugā venimus, (quæ Cedris, Iuniperis, & Andrachnis scatēt) magnā cum voluptate & admiratione omnem circumquaque regionem longè lateque lustrauimus. Cælo namque sereno (vti tunc erat) in planitiem vniuersam, ac totam circumiacentem regionem liber prospectus patet. Ab Ortū latissimum lacum, vallemque amplissimam, atque urbem ipsam Antiochiam, colles ac montes omnes circumvicinos spectauimus: ab Occasu humiliores colles, fertillissimas quoque vallecūlas, densasque syluas, ac Mare ipsum Mediterraneum eminus conspeximus. Ab Aquilone adiacent, spectanturque hinc inde circumcirca horridi admodum & inculti montes, saxæque crepidines, & rupes, & vastissimæ syluæ: idemque ferè & aduersi lateris montium situs est, & conditio. A Septen-

trione enim in Meridiem altissimorum montium contin uaseries, quæ Tauri montis pars est, atque Amanus dicitur, instar muri eminentissimi per longissima spatia sese extendit & Ciliciam à Syriâ disternat. Vesperi Bailanum Chan, seu Imaretum amplissimum appulimus. Id in decliuitate montis situm, loco satis eleganti; & amœno, atque aquis irriguò, rupibus à Meridie & Aquilone cincto altissimis, ab Ortu & Occasu in proximas valles, ac densa & frondosa nemora, atque in ipsummet Mare Mediterraneum, siuesinum Issicum prospectum præbet. Chani seu Imarathi ædificium lapideum est totum, formâ quadrangulare, omnium quæ in totâ viderim Syriâ maximum, plumbeis tectum laminis, plurimisque ornatum cupolis, seu fornicibus sphericis, à Selymo Osmannidarû Imperatore eius nominis secundo à fundamentis erectum; cui & Mefsira satis amplâ, & egregij operis Templum additum est. Opus sanè augustum & Imperatore dignum: quodque elegantia, magnificentia, ac sumptu quicquid est in Syriâ admirandum, non solum exæquare, sed & superare videtur. Quibusvis istac iter agentibus, cuiuscunq; demum conditionis ac legis sint, triuò victus suppeditatur gratis, modò expetant. Ædificij valuis fons adhæret, qui intrantibus à dextris est, è viuo prorumpens saxo, ac triplici euripo aquam limpidissimam non sine grato murmure in subiectum lapideum labrum maximâ copîâ effundens: quæ dum summâ crateris labra continuo gurgite excedit, per effossam canaliculam medium præterfluit pagum, & habitantibus vel ad lauandos pannos, vel adaquanda iumenta, irrigandosque hortos summo vsui est. Iuxta ipsum Xenodochium plurimæ spectantur vnus cõtignationis domunculæ, Maurorum habitacula: quæ sanè haud contemnendum constituunt vicum. Sub tecto Imarathi recepti hîc satis commodè pernoctauimus. Turcarum tamen cibos non gustauimus.

CAPVT VI.

Iter Alexandretam versus. Eius situs, ac tam veteris quam noua descriptio: ibidemq; mora.

QVINTO Id. Martij, orto necdum Sole, ex Bailano discedimus, Alexandretam pergentes, viâ semper decliui, quam post virentes & frondosas Laricum atque Abietum transitas syluas, in quibus & Myrti, & Lauri, Smilaxque aspera, & Platanus passim occurrebant, quartâ diei horâ attingimus. Est autem Alexandreta Curopalato Alexandrona, hodie *Scanderona* à Turcis Maurisque appellata in differentiam Alexan-

Alexandriæ Ægypti quæ *Scanderia* vocatur, olim Alexandriamini-
 aut Syriæ dictæ (quamvis in Concilio Constantinopolitano Ciliciæ
 ascribatur) ad Issicum sinum situm oppidum; in medijs nempe palu-
 dibus, haud procul à littore maris, non hominum sed ranarum ho-
 die & serpentum habitaculum: adeoque deuastatum vt nullæ ferè il-
 lius aut paucae saltem supersint reliquiae. Præter minimam enim col-
 lapsi muri partem, ac lapidum acervos aliquot, lacunis pænè sepul-
 tos, nihil est quod cernas. Haud procul inde vetustissima visitur tur-
 ris lapidea quadrangularis, ampla quidem, sed ex parte ruinosa, & à
 nemine habitata; quam olim in ore portus, nunc clausi aut exag-
 gerati conditam nonnulli putant. Cum verò antiqua Alexandreta
 in cinerem ferè (vt diximus) abierit, nulliusque usus sit, Veneti mer-
 catores & gens nautica, annis abhinc octo aut circiter, in ipso maris
 littore, altero ab illius antiquæ ruinis lapide novam condiderunt.
 Huius ædes, duabus tantum lapideis exceptis, pleræque lignæ sunt,
 plurimæ etiam ex arborum ramis rudi modo contextis constant:
 quæ quidem omnes paulò antè quàm eò venissemus, præter lapideas,
 casu quidem conflagrauerant. Hanc interfuit riuulus nigri colo-
 ris producens aquam planè insalubrem & palustrem; quæ in mare
 mox se exonerat. Riuulus hic Alexandretam ab Ortu aduentibus
 ponte sublicio transitur, locumque ab eâ parte nonnihil munit.
 Etsi verò solum omne vicinum sterile & incultum sit, & habitatore
 vacuum spectetur; annonæ tamen ibi nulla caritas; nam præter pis-
 ces, quibus vel maximè abundat, pisculentum cum habeat mare, &
 optimis varij generis ac prægrandibus piscibus copiosum, qui exigu-
 admodum emuntur pretio; carnes quoque, & frumentum, legu-
 minaque ac cætera ad victum necessaria vicinum oppidum Aiassum
 abundè suppeditat. Id antiquitus Issus dictum, vnde & Sinus
 nomen sumpsit, in littore situm Ciliciæ, Alexandretam è regione
 habet; distatque ab eâ quasi septem millia passuum; celebre Ale-
 xandri Magni contra Darium Persarum regem victoriâ. Nihil verò
 Alexandræ carius vino est, quod aliunde à nautis, maximè ex Cy-
 pro aduehitur. Iniqua autem soli sedes, pestiferi ac corrupti aëris
 ob cœnosos vapores inclementia, habitatores breui, æstate præsertim,
 reddit inualidos, ac morbosos, imò non apparente vllò adhuc morbo,
 liuidos efficit, aut pallidos, vt antè tempus sæpè numero plurimi inte-
 reant: quocirca nautarum vulgò sepulchrum ac cœmeterium à Ve-
 netis appellatur. Cæterum præcipua ac totius Syriæ omnium maxi-
 ma scala est, & cōmodissimum emporium, tam ad exponendas, quàm
 auhendæ terræ camelorū operâ merces aptissimum. Scalâ autē cum
 Græci tum Veneti vocant, locum, quo naues adpellunt, & in terram
 exitur.

exitur. Quotquot enim ex Occidente naues Syriam adnauigant mercium adferendarum, aut asportandarum causâ, hoc loco subsistunt, & stationem habent. Aderant cum istic moram traheremus, in proximâ statione, fundo utique ad iaciendas anchoras apto, nitidoque, onerariæ caueatæ omnes, cum Gallicæ, tum Venetæ, ac Genuenses viginti-quatuor; quæ vel merces exoneraturæ, vel in Europam onustæ mercibus renauigaturæ erant. Mercium auhendatum cura, ubi è nauibus in littore expositæ sunt, nationum Proconsulibus, eâ de causâ ibidem commorantibus, demandata est: quorum quisque suæ nationis hominibus imperat, ius dicit, consulit & opitulatur, prout occasio postulat, atque exigit necessitas. Scala hæc à Tripoli Phœnices vrbe (quæ ab hominum memoriâ mercatorum occidentalium ac Proconsulum præcipua sedes fuerat) annis abhinc octo Venetæ nationis operâ ac studio, ob immensas Tripolitani magistratus exactiones, & tyrannidē, eò translata est: quos denique cæterarum nationum Occidentalium negociatores euidēti lucro ac commodo allecti; sequuti sunt, cunctasque naues Syriam adnauigaturas ad hanc stationē adpelli statuerunt, ibique velut loco tutissimo, libero, & ab omni prorsus vectigali immuni, vniuersas Syriæ negotiationes stabilierunt. Hinc nullę fere naues, perpaucis Anglicis, Gallicisque exceptis, Tripolim Syriæ hodie adnauigant: reliquæ hoc loco suas merces exonerant: quæ postea camelorum dorsis impositæ, Alepum (vbi præcipuum ac maximum totius Orientis emporium) deferuntur, minori utique pretio, facilioriq; viâ, quam Tripoli solent, cum hæc septem dierum iter ab Alepo distet, & pro singulo cameli sagmate taleros ad minùs octo soluere necessum sit: ab Alexandretâ verò Alepum vsque trium tantum dierum sit iter, atque singula sagmata quaternis ad summum taleris expédiantur.

CAPVT VII.

Ex Alexandretâ discessus. In nauem adscensus. Horrida mox in ipsâ statione tempestas, & discrimen maximum. Sinus Iſici descriptio; & in Cyprum appulsus.

HÆSIMVS Alexandretæ toto octiduo, mercatores quosdam Venetos nobiscum in Italiam nauigaturos indies exspectâtes. Interim in littore conchylia miræ dispositionis, lapillosque versicolores collegimus; comæatu quoque comparato oportunum nauigandi expectauimus tempus.

Decimo quinto tandem Kal. Aprilis circa vesperum nauem Venetam, cognomen to *Siluestram* Venetias nauigaturi conscendimus: proximâ

ximâ namque luce se vela ventis daturum, modò temporis ratio ferret, ac tuta esset pelago fides, promiserat Nauarchus. Is *Peregrinus de Rubéis* nomine, Scribam sibi habebat *Lucam de Sanctis* cognominatum: Venetijs vterque Oriundus.

Decimo quarto Kal. Aprilis, aduersantibus ventis anchoras extra-
here non licuit: quinimò magis magisque crescentibus ventis, & ex-
asperato vehementius mari, ingentesque voluente iam fluctus, adeò
fæua mox atque horrida suborta est procella, vt ventorum vi atque im-
petu agitati ac conquassati mirum in modum, de salute desperare-
mus, cum etiam in ipsâ licet, statione, post quatuor iactas anchoras
vixdum subsistere daretur: parumque abfuit quin in proximum littus
Gallica quædam naus (quæ ruptis rudentibus anchoras duas amiserat)
illideretur: cum & cæteræ eius anchoræ vndarum impetu reuulsæ &
loco motæ euenir. Cæuit tandem sub occasum Solis radibus ventus,
placidumque mox se reddidit mare. Pelagus hoc loco sinum efficit,
patentem ambitu ducenta circiter millia passuum, figuram referen-
tem amphiteatralem, Pamphyliam cum Ciliciâ & Syriâ coniungen-
tem. Hodie ab oppido Aiaffo nomine littori vicino, Aiafficus *Golfo di*
Aiaffo appellatur, quem prisce ab Issò Issicum dixerè. Nullas in eo vi-
dere est naues, si exteras demas, nec etiam actuaras, cum vicini acco-
læ nec mare frequentent, nec nauigia vlla possideant.

Decimo tertio Kal. Aprilis spirante Cæcia, nobis vtcunque secun-
do, vela ventis damus; portuque egressi altum petimus. Quatuor tum
aliæ securitatis causâ se nobis adiungere naues, & Venetæ, & Gallicæ:
quas idcirco nautarum vulgus Conseruas appellare solet. Postero die
itemque tertio, quiescente vento parum aut nihil profecimus, nocte
verò subsequenti, crescente vento, adeò fælici cursu sulcauimus vndas,
vt proximâ luce Cyprus se nobis conspiciendam daret: extremum
namque orientale insulæ promontorium (cui extrema Clides antiqui-
tûs nomen fuit, hodie Caput S. Andreæ vulgò indigitant) nobis oppo-
situm esse animaduertimus. Circa meridiem ad Africum flans ob-
stitit quo minis progredieremur: quinimò ad læuam vertere proram
coacti, rursus insulæ prospectum perdidimus. Ad vespèrum denuò
vento propitio extremam Clidem superauius, atque inde Cyprû ad
nauigantes, sub Solis occasum Famagostam nobis aduersum esse co-
gnouimus. Nocte sequenti vento placido littus legentes, sub auroram
promontorium Pedalium vel (vt Strabo vult) Pedasium, nunc Caput
Græcû *Capo de la Greca* eminùs cõspeximus, idemq; horâ quasi meri-
dianâ superauius. Vento tamen paulò post nonnihil aduerso, ac ter-
rà petere cogente, cum in altû ducere necessum esset, quo facilius sco-
pulum Clidem nomine superare daretur, vertere, ac flectere, & com-
mutare

mutare vela oportuit. Sole tandem ad Occasum vergente, Monasterium sancti Nappæ, in ipso littore maris conditum, lento pede præterlabimur. Nocte proximâ placido à terrâ spirante vento satis prosperè littus legimus, ac promontorio Trono, nunc Pilâ cuspide superatâ, Salinas versus nauigauimus. Solent autem naues Venetæ, cum nullus est ventus, vt plurimum littus lambere, quo citiùs iter peragant: valles namque, & littora, & insulæ, quantacunq; sit malacia, semper aliquem ventum emittunt; quo spirante iter aliquatenus prosequi datur.

CAPVT VIII.

E naui descensus. In Cypro mora, & in eâ lustrata vrbes.

VNDECIMO Kal. Aprilis, qui Annunciationi Beatissimæ Mariæ Virginis sacer erat, ad Salinarum tractum appulimus. Verùm cadente mox vëto, ad stationem progredi haud datum fuit. Nautæ itaque nauē duobus lembis seruitorijs alligant, atque adminiculantibus alterius Venetæ naui in portu hærentis nautis, ad solitam nauium stationem remulco protrahunt. Vbi tandem iactis anchoris, ac veniâ ab Eminobtentâ, in terram descendimus, peditesque omnes Arnica, distantem à littore mille circiter passus, Franciscanos inuisuri fratres, perreximus: apud quos ad decimum inde diem moram traximus: atque interim Leucosiam & Famagostam vrbes primarias, aliq; circumuicina loca (de quibus suprâ meminimus) perlustrauimus.

Decimo namque Kal. Aprilis Arnicano quodam duce & interprete conscensis equis noctu ad euitandos nimios æstus Arnica discessimus, rectâ Nicosiam pergentes: quam distantem ab Arnica 24. millia passuum circa quartam horam sequentis diei attigimus: vnde paulò post perlustratâ vrbe, & refectis nonnihil viribus, Famagostam discessimus: quò postero die sub prandium peruenimus. Hæc à Leucosiâ quadragesimo posita est lapide: plurimi que in eâ visuntur fornices Aquæductuum celsi sublimisque, sed magnâ ex parte vetustate exesi, collapsique. Reliqua quæ ad hanc vrbem itemque Leucosiam pertinent, suprâ recensuimus. Ad ducentos circiter passus à Famagostâ Sacellum est subterraneum, Diuæ Theclæ sacrum, aliquot gradibus descensum præbens. In eo fons visitur aquæ optimæ, & febricitantibus (vt fama est) salubris.

CAPVT IX.

*E Cypro discessus. Iterum mari discrimen maximum, & procella horrenda.
Nautæ obitus, & sepultura Methone tandem conspecta.*

PRIDIE Non. Aprilis, atque ipso Palmarum festo die, nauem rursus conscendimus: sed vento haudquaquam propitio, in sequentem diem abitum distulimus. Circa prandium tandem, spirante Subsolano anchoras eruimus, & è statione soluimus, dolone tantum proræ erecto, ne longius quàm in votis esset à lictore seiungeremur. Tabetio siquidem navis (qui aqud Eminum discessum procurabat) expectandus erat: cui diutius remoranti displosione tormenti bellici, vt maturaret significatum est. Quo in nauem recepto, feruitoriâ quoque scaphâ, seu lintre (*Fregatam* vocant Veneti) quâ scriba vehebatur, funibus attractâ, nauique imposita, artemonem laxauimus, ventoque in puppim flante feliciter per horas aliquot nauigauimus. Circa vespertum, subsidente paulatim vento, in malaciam incidimus; quæ in sequentem vsque diem nos derinuit ociosos, vt toto eo tempore, postquam è statione solueramus, quadraginta tantum milliaria percurreremus. Declinante iam die Limisum pagum, itemque Phrurium & Zephirium promontoria felici cursu præternauigauimus.

Quintò Id. Aprilis, sub prandium S. Epiphanij cuspidem, antiquitus Acamanta promontorium, eminens conspeximus, eoque præterito, paulò post vento euronoto spirante, ac magis magisque crescente, vela in altum mare protendimus, ac priusquam ad vespersceret, insulæ conspectum perdidimus. Satalicum ingressi mare, ab alto iter peregimus, & in tertium vsque diem continuato cursu, ac vento satis prospero nauigauimus. Inclinate iam die, mutato vento, Caurus se nostræ nauigationi opposuit, & impetuoso suo flatu nos Africam versus abegit. Ad quartum inde diem inquietissimo feruescente motu pelago, furibundus Boreas (iniquus sanè nobis ac sæuus admodum) tanto impetu ac maris fremitu erupit, adeoque horridam non ita multò post excitauit tempestatem, vt fluctibus panè obruti & sepulti, non sine ingenti vitæ discrimine, & summâ molestiâ, animique angustia diem noctemque integram transigeremus. Sæuiebant venti intumescabant vndarum cumuli, mugiebat à profundo pelagus: superabant salientes vndæ, instar montium eleuatæ, non solum vtramque nauis spondam mediam, sed & proræ puppiq; castella obruebant, ac quasi deglutire videbantur. Nec erat quicquam in superioribus nauis,

quod non fluctibus vndique irruentibus perfunderetur, ac panè operiretur, vt iam iam absorptam aquarum voragine dixisses nauem. Med.â præterea nocte, malo naus maximo terribilem edente fragorem, casus hîc mala metumque auxit, imò magis gubernator ipse, qui victam vi artem fassus, & malum disruptum existimans, oratione concisâ & tristi inclamitat, quisque se fatis paret, ad meliorem abiturus vitam. Quâ vehementer perculsi, ad preces tanquam ad sacram anchoram confugimus. Fit gemitus, & comploratio: in genna prouoluimur: manus ad cælum & Deum tendimus, ac vt ex manifesto naufragio nos eximat, sin minùs animas nostras ad se recipiat, feruentissimè precamur. Nec inanis fuit oratio: nam Diuinâ in primis opitulante gratiâ, eò nautarum insuper accedente diligentia & solerti curâ, tam euidenti & præsentî periculo erepti sumus. Malum enim palis trabibusque circum admotis firmiter colligauerunt, stabilemq; breui tempore reddiderunt. Hoc factò Nauarchus rursus monet ad Deum Opt. Max. supremum in periculis refugium, nec in necessitatibus se implorantes deserentem recurramus, precibusque eius numen imploremus; communibus quoque votis vocibusque Deiparam Virginem inuocemus. Obtemperatum illic. Precibus incumbentibus cunctis, ille votum omnium nomine, ter in sublimè manibus cum clamore porrectis, nautico more emittit, & donum Diuæ Mariæ templo Episcopio nomine in Zacyntho miraculis claro offerendum promittit. Exaudite mox preces, & vota. Circa auroram namque quiescente aliquantulum venti rabie, & sedatâ paulisper tempestate, metum omnem adueniens dies ademit. Astæ deinde Deo gratiæ, quod de tanto nos liberasset periculo. Cessante iam Boreâ, paulò post rursus Caurus spirare cœpit: quo spirante gyros per altum agere, modò puppim, modò proram opponere vento, nunc flectere, nunc velâ commutare, atque obuertere vento necessum fuit. Interim è nautis quidam vitâ defungitur. Corpus Nauarchi insu stragulo inuolutum, ac lapidibus appensis, vt subsideret, grauatum, à nautis in mare iniecitur. Dum id fit, omnes preces pro animâ defuncti (vt moris est Catholici) Deo exsoluimus.

Decimo quarto Kal. Maij, cùm iam per duodecim dies nusquam conspectâ terrâ nauigassemus. Methonem Peloponnesi seu Inachiz urbem maritimam nobis aduersam esse cognouimus.

CAP.

CAPVT X.

*Maris discrimen tertium. Ragusæ navis occurfus: nautarum
mutua salutatio. Piratica navis nos insequentis effu-
gium, aut pregressio. Malacia maris.*

V E T V S est dictum, quod nos verissimum probauimus, calamita-
tem calamitati succedere. Vix enim vno liberati periculo, in alterum
priori non leuius incurrimus. Circa vesperum siquidem, Peloponne-
siacum nobis præterlegentibus littus, à quo plus minus duodecim mil-
lia passuum aberamus, ad Aquilonem vento stationem mutante, turbo
violentus ex improviso erupit: increuit ventus, simul & fluctus intum-
uere, pluit vehementer, cælum obtenebrescit, crebræ coruscationes,
& tonitrua horrenda mortem minantur: timor itaq; non modicus
omnium animos incescit: navis enim plerumq; fluctibus inferior, imbrē
marisq; recipiens procellas, tota ferè nobiscum operiebatur: mox flu-
ctibus eam demergere volentibus, quasi & ipsa periculū timeret, ena-
tabat Sed quia misericordiæ Domini multæ nimis, Diuino sanè auxi-
lio, quod laborantibus ille benignè suppeditat, velis summâ celeritate
demissis periculum effugimus: mox etiâ nimbo euanescente procel-
losa tēpestas conticuit. Dolone itaq; rursus erecto, atq; vno duntaxat
expāso velo, cœptum carpinus iter. Paulò post iuxta scopulum. *Vene-
ribus* vulgò dictum, se nobis adiungit navis oneraria Ragusæ, frumē-
to onusta, quæ Constantinopoli Anconam versus nauigabat: cumque
propius accederet, pro more nautico se mutuo clamore sublato salu-
târunt nautæ; vnde venirent, quòve tēderent sciscitantes. Atq; his ver-
bis vix sine imposto, rursus à nobis diuisa est. Paulò post artemonem
denuo distendi, & vela in altum dirigi iubet Nauarchus: atque ita va-
stum mare sulcantes, ocyssimo cursu Conseruam nostram breui præ-
ter nauigauimus.

Decimo tercio Kal. Maij, primo diluculo, spirâte Zephyro retrouer-
tere vela coacti, terram versus nauigauimus Dum verò caueam nauta
speculator (vt moris est) adscendit, nauem quandam passis plenisque
velis citato cursu ad nos properantem videt; eamque ex navis formâ
Anglicam esse animaduertens, piraticam ratus, prædones in proximo
esse inclamitat, ne tamen frangeremur animo, esse eam nostrâ multo
minorem, addit. Arrectis ad hanc vocem omnium animis, singuli suis
locis profiliunt. Nauarchus verò ænea tormenta præparari, armaque
in promptu esse iubet, vt si propius accedant, propulsare hostes, ac vi-
vim repellere commodius daretur. Etsi verò turgentibus velis, ac sum-
mâ

mâ celeritate nos insequeretur, assequi tamen nauem nostram non valuit: quinimò post horas aliquot longè post terga relictâ, rursus alta petijt. ac procul se à nobis seiunxit, nec conspecta est ampliùs. Sole ad Occasum vergente, Sapientiam scopulum, seu Sfragiam ad occidentalem Peloponnesi situm angulum, detegimus,

Duodecimo Kal. Maij, ob malaciâ parum aut nihil profecimus: tanta quippè ad vesperum vsque æquoris vndique erat tranquillitas, vt immobile & planitie per simile dixisses. Sub vesperum placidum nacti ventum, Sapientiam scopulum præteruchimur. Nautæ verò cautes, quæ illic plurimæ sunt, veriti, bolidem demittunt, vt quantum à fundo scopulisq; abessemus, experirentur: repperuntque profunditatem passuum viginti. Mox iterum atque iterum fundi altitudine tentatâ, lentè admodum, & testudineo (vt dicitur) gradu cautes præterlabimur, periculumque tandem euadimus. Nocte proximâ ad læuam vertentes proram, rupes nimirum scopulosque veriti, rursus altum petimus.

CAPVT XI.

Pueri in mare casus, & interitus. Delphinorum conspecta copia. Belluæq; eius descriptio breuis.

ALTERO die vento Aphrico paulisper increbrescente, satis prosperè nauigauimus. Interim ex pueris vnus (quos vulgus nautarum *Μορξος* vocat) velum puppis soluturus, antennam conscendit: cumque ad summitatem peruenisset, ac veli soluisset ligamina, nescio quo infortunio ex antennâ procidens, in mare labitur miser: ea propter retineri cursum naus, ac retroierti statim vela iubet Nauarchus, vt commodiùs periclitanti opem ferre possent: nec sibi deerat puer, sed nunc infra nunc supra fluctus enatans, summo conatu adnitebatur vt euaderet; natanti siquidem & dolia & asseres proiecebantur, quo sustentare se, ac superare vndas faciliùs posset. Cùm verò puerum projecta non posse apprehendere, sed summis viribus adnatantem schaphæ appropinquare animaduernerent, seruitorio attracto lembo, nauique admoto, se in eum demisere. Descendentibus nautis, atque inter alios pueri patre, qui Pedota naus erat (Index is est itineris interdiu noctuque, à vulgo nautarum Pilota nuncupatus) iam pæne lembo proximus periculum euaserat. Veruntamen dum manibus rudentem (quo lembus naui alligatus erat) arripere tentat, & frustra bis tervè è mari cum impetu exilit, lembo caput impingit, atque illicò in omnium oculis, frustra conantium opitulari, submergitur, ac miserum rapidus vortex hausit.

Deci-

Decimo Kal. Maij, sub auroram Striuales insulæ deteguntur. Ingentem paulò post Delphinorum instar rotarum se volutantium, nauemque præternatantium conspeximus numerum; quod multi aliquod infortunium portendere suspicabantur. Est autem Delphinus piscis marinus, seu potius Oceani bellua, omnium non modo marinorum, sed etiam terrestrium animalium velocissima, pernecitate pænè volucrem æquans, & nisi multum infra rostrum illi os foret, medio ferè in ventre, nullus piscium celeritatem eius euaderet: sed moram adfert ei naturæ providentia, quia nisi resupini non corripiunt quicquam. Lingua illis est, contra aquatiliam naturam, mobilis, brevis atque lata, haud differens à suillâ: pro voce gemitus, humano similis: dorsum repandum, spinæ dorsi cultellatæ: rostrum simum, unde & nomen Simonis agnoscere dicuntur. Mulcentur arte musicâ, præsertim symphonix cantu: hominem non expauescunt, obuiam nauigijs veniunt (vt de Arione citharædo produnt historiæ) puerorumq; ducuntur amore: id quod Appion se vidisse Puteolis scribit: idè & Theophrastus tradit: Rarò capitur hoc animal: & si capiatur, vix edule est, & palato ingratus cibus. Captum concremare solent quidam, & oleum ex eo effluens ad varios vsus hominum in vasa recondere.

Dum verò iuxta vtriusq; insulæ littus lentè præterferimur, Calogeri aliquot Græci ritus, & monasticæ vitæ homines, Strophadum incolæ, cymbâ remis actâ ad nos properât, munuscula promore adferētes, Hydriam nimirû dulci recentiq; aquâ plenam, aurantia & citrina aliquot poma, lacticinia item, lactucas, & endiuias: quibus in nauem receptis, & largâ eleëmofynâ compensatis læti, hilaresq; fuere dimissi.

CAPVT XII

Insularum Strophadum descriptio:

STROPHADES, teste Plinio, in mari Ionio ante Zacynthû positæ, Lib. 4. c. 12. prius Plotæ, post Strophades dictæ fuere: cui nomini originem dedisse Harpyiarum fabulam authores volunt. Narrât enim Phineû Arcadiæ, siue (vt alij putât) Paphlagoniæ regē liberis suis superinduxisse nouercâ, quos eû vxoris instinctu necasset, iratos ob eâre Deos oculos ei sustulisse, & Harpyias adhibuisse, cibos ei vt abriperēt. Sed cum Iasonem cû Argonautis propter vellus aureû Colchos petētē hospitio suscepisset, eisq; dedisset ductorē, tanto beneficio illectos Argonautas Zetim & Calaim filios Boreæ & Orithyæ, alatos iuuenes, ad pellendas misisse Harpyias: quas cum strictis gladijs persequerentur, pulsas Arcadiâ, peruenisse ad insulas Plotas, atque hîc etiam eas insequentes Boreades admoni-

admonitos ab Iride, ut desisterent ab insequendis Iouis canibus, suos volatus conuertisse, & ad Argonautos rediisse: eorumque reditum seu conuersionem, id est Strophē (στροφή) nomen dedisse in suis fabulantur. Meminit harum Virgilius.

Æneid lib. 3.

----- *Strophades Graio stant nomine dictæ
Insula Ionio in magno: quas dira Cælano
Harpyiæq; colunt alie: Phineia postquam
Clausæ domus: mensisq; metu liquere priores
Tristius haud illis monstrum, nec sauior ulla
Pestis, & ira Deum Stygiis sese extulit undis.
Virginei Volucrum vultus, fœdissima ventris
Prelunice, uncaq; manus, & pallida semper
Ora fame.*

Sunt autem Strophades (hodie *Strinales* appellare) planitie nobiles, salubres, amœnæ, clementiâ cœli, ac glebâ fertilissima fortunatæ: portu ditatæ satis commodo, litus habent ab Ortu scopulis rupibusque purgatum. Estq; vna maior altera: quæ Ortum respicit, quatuor millia passuum suo ambitu complectitur; quæ Occasum, duo. Vtraque à Calogeris habitatur: qui numero quadraginta iam dudum ibi sedem posuerunt, & in maiori insulâ Monasterium incolunt satis commodum, turri quadratæ formæ validissimâ, & sex tormentis bellicis instructâ munitum; quæ contra vim hostilem, præcipuè piratarum & latronum excursiones, ac depredationes tutum monachis præbet receptaculum. Solent ut plurimum piratæ Fustis suis (naues expeditiores, rei q; piraticæ magis idoneas sic vocant) latere hoc in portu, quo commodius faciliusque præterlegentes naues ex improuiso adoriantur. Abundat vtraque insula vitibus, oleis, citrinis, aurantijs, punicisque malis; pecudum copiam alit ingentem: frumento item & leguminibus cultissima est; ac mare habet mirâ piscium copiâ pollens.

CAPVT XIII.

Enavi in Zacynthum descensus: ibidem mora; atque abitus. Aduersi venti, aurag; demum felix. Cephallenia, & Corcyra, totiusq; tractus Maris Adriatici, Quarnarium vsque navigatio.

CIRCA meridiē medio nobis apparet fluctu nemorosa Zacynthos, ut ait Poëta. Mox vento placido Nauarinum Peloponnesi oppidum maritimum præterlabimur. Paulò post Zacynthi orientale promontorium

torium præternauigamus. Sub occasum Solis insulæ portum (quem à fano littorali Diui Nicolai appellant) intrauimus. Mox tribus explosis tormentis æneis (quibus pro more nautico templum Mariæ Episcopiaræ eminus salutauimus) anchoras in portu iecimus. Cū verò per tempus à magistratu exeundi nauem veniam impetrare non liceret, in alterum vsque diem exitum distulimus. Tres hîc Hierosolymitani itineris comites substituerunt, vt primis triremibus (quæ indies expectabantur) Corcyram trās fretarent, & inde ad euitanda maiora maris incommoda in Apuliam nauigarent: solus ego è Peregrinis cum mercatoribus, qui in naui aderant, Venetias petij. Hæsimus in portu lenis diebus, ventis aduersis abitum impredientibus. Interea temporis voti nostri in summo periculo facti memores, D. Mariæ Episcopiaræ templum altissimæ rupis vertici impositum, quarto ab vrbe situm lapide vnâ omnes accessimus, votum inibi soluturi. Munere itaque oblato, vitamque deprecationibus Virginis debere testati debitas Deo optimo maximo eiusque Matri reddidimus gratias. Insulam suprà descripsimus, vt superfluum sit eadem hîc repetere.

Tertio Kal. Maij, Sole occidēte anchoris eleuatis è portu soluimus, cumque aliquamdiu vento secundo feliciter nauigassemus, labentibus paulatim ventis in malaciam incidimus, ac tantâ maris tranquillitate laborauimus, vt parum aut nihil eâ nocte proficeremus.

Pridie Kal. Maij, promontorium seu verticem Lacinicam (quæ hodie nautarum vulgus Caput Nattæ, *Capo Natta* vocat) præterlegimus. Inde Echinadibus insulis, ac freto (quod Zacynthum à Cephalenia diuidit) superato, in altum vela direximus. Mox tamen obstitere venti, quo minùs proseguere iter liceret, primum Cauro, dein Fauonio, ytroque nobis aduerso spirante: cumque processisse nos proximâ nocte putaremus, magis retrogressos esse cognouimus: atque in tantum aduersi hi venti nos detinuere, vt sequentibus quinque diebus vix quinquaginta miliaria prorepere datum fuerit. nam quinto demum die vix Cephaleniam superauimus. Noctē verò proximâ, Euro spirante nonnihil profecimus. Clarescente iam die vētus à puppi exoritur, & tumido impletur caibus Austro; quo paulatim inualecente, Corcyram, & Aërias Phæacum arces eo die feliciter præterlegimus. Noctē subsequenti continuato cursu, ac vento prospero Merleris insulis & Fanaro (scopulo à tergo relictis, prouehimur pelago vicina Ceraunia iuxta, libet enim tot ac tantis periculis defuncto aliquantum poetari.

Ipsis Nonis Maij, prospero continuante ventorum flatu, fugimus spumantibus vndis quâ cursum ventusque gubernatorque vocabant; tantumque secunda nauigatione profecimus, vt Saxonem (hodie Salseno vel Sasonem) scopulum eo die præternauigaremus.


Octavo Id: Maij prosequitur surgens à puppi ventus euntes : mox Sinum siue Culphū Lodrinū ingressi, turgidis velis sulcamus vndas, volat vncta carina, ac portus nobis vrbesque recedunt, fœlicissimoq; cursu Dalmatiæ Croatiæq; superauimus littora : atque tantum eo die secundissimo vento profecimus, quantum antea nunquam.

Altero die Quarnarium attigimus Sinum. Potuissemus quidem nocte proximâ Ruigni portum appellere : verum vicinos Istriæ scopulos veritus Nauarchus, ne per noctis tenebras naufragij periculum incurreret, auersâ prorâ retroverti vela iussit. Hinc obliquantes cursum summâ cum molestiâ ac tædio noctem totam traduximus.

CAPVT XIV.

*Ad portum Ruigni appulsus : atque aliâ conductâ naue
Venetias vsque nauigatio.*

PRIMO diluculo Istriam versus nauigantes, haud multò post ventis propitijs, & in puppim spirantibus Ruigni portum læti admodum appulimus. Substitimus in portu per diem integrum, dum veniâ ab oppidi magistratu obtentâ, in terram descendere liceret; neque enim terram petere vlli permittitur nisi prius naus tabellio veniam à magistratu impetrauerit. Actuaricam mox à tabellione conductam nauem, nonnullis comitantibus mercatoribus Venetis, proximâ nocte Venetias nauigaturi conscendimus: rebus nostris in nauem transpositis quartâ noctis horâ placido vento portu egredimur, velaque ventis dantes Istriæ littus lento pede legimus. Sub meridiem sequentis diei, inualecente vento, eoq; prospero ab alto iter perigimus: nec multò post Diui Marci turris altissima, mox & ceteræ Venetæ vrbis turres, ac templorum cacumina, atque alta palatia se nobis conspicienda dederunt. Tunc læti, quod ærumnarum finem tandem Deo duce nacti essemus, summâ cum animi hilaritate eminus urbem salutauimus. Secundâ demum ante occasum Solis horâ Venetiarum portum, Castrorum dictum, atque urbem desideratam exultantes intrauimus. Inde rectâ per interiora æstuaria Marcianam plateam præteruecti, ad Forum piscarium (iuxta quod est Salubritatis Senaculum, vbi Prouisores Salubritatis suum tribunal habent) substitimus. Hoc enim inconsulto magistratu nulli peregrè aduentanti, ne quidem patritio Veneto egredi in terram licet. Eos verò cum publicis negotijs occupatos inuenissemus, ante primam noctis horam veniam exeundi obtinere nequiuimus. Egressi quisque ad suum diuertimus hospitium.



CAPVT XV.

Venetæ urbis brevis descriptio.

DE celeberrimæ huius vrbis situ, conditione opulentiâ, magnificentiâ atque splendore, eiusque potentissimæ ac florentissimæ Rei publicæ formâ, multa dicenda forent: sed nostri instituti non est ea hîc persequi, cû iustum volumen requirant: quæ vel ideò linquenda duximus, quòd ab alijs locupletissimè explicata cognouerimus. Interim ne tantæ vrbis gloriam silentio prætereamus, id vnum dicemus admirabilem esse eius situm, mundi miraculum: non urbem, sed orbem potius dicendam, cû in eam vniuersi pænè orbis gentes confluant, in quam item innumera merces ex omnibus terrarû oris ac regionibus perpetuo quodam ac constanti tenore inuehuntur, atq; inde in longè diuersissimas gentes terrâ mariq; euehuntur, vt communis orbis emporium non immeritò dixeris. Nullis autem licet munita sit muris, sed aperta vndique, ad quam noctes atque dies liber omnibus patet aditus, non urbem, sed pagum verius amplissimum appellaueris.

Est tamen quâuis vrbe etiam munitissimâ tutior firmiorq; ; cui mare ipsum pro muro est. Sedet enim in medijs aquis, & ex vna parte promoenibus littora habet, quæ prouida natura velut firmissimum vallum marinis fluctibus atq; procellis obiecit, ne iratum mare aperto liberoq; aditu in mediam urbem irrumpat, ex alterâ verò Continentis oram, quæ quâ proximè urbem attingit, vt minimum quinq; millia passuum abest. Et si verò interiora æstuaria, paludesq; , & stagna (quæ magno circuitu littora & Continentis oram lambunt, ipsamque urbem vndeque cingunt, marisq; fluxu & refluxu sextâ quaque horâ aguntur, septem ostijs nauibus accessum ad interiorem stationem, urbemq; ipsam præbeant; non tamē nauibus omnibus (maioribus præsertim & caueatis) liber est aditus: quinimò nisi leues admodum sint, vel actuariæ naues, in locis vbi vada occurrunt, extra littora consistant necesse est; & nisi tranquillâ tempestate loco se mouere, aut capescere portum nō audent vlli nauium patroni; sed accersitis peritis vadorum exploratoribus. qui angustâ quadam & implicatâ viâ, vbi altior vnda est, ad internam stationem, atq; urbem naues ipsas remulco deducunt. Hinc fit vt terrâ mariq; obsidione cingi vix queat, nullamq; idcirco vim hostilē Veneti extimescant. Ob situs autem rationem ad cuiusque rei copiam siue ex Mari, siue ex Continenti ciuibz suggerendam, atque ad cōmercium omnis generis mercium cū omnibus pænē nationibus aptissima est: &, quod mirandum maximè; etsi nihil eorum quæ ad vitam pertinet in eâ proueniat, omnia tamen satis superque abundāt. Ambicus in septem millia passuum extenditur. In septuaginta autem paruulas distincta est insulas, pontibus siue lateritijs siue sublicijs coniunctas: quorum Riuoalti pons amplissimus, totusque lapideus, atque ex vnico constans arcu, instar montis eleuato, triplici plateâ, ac geminâ adiuncta serie in primis spectabilis, amplitudine suâ, & mirandâ mole operisque magnificentiâ, & splendore primas sibi partes iure vendicare videtur. Intus per follas nau culæ aguntur, vulgo *Gondole* dictæ, mirum in modum expolitæ, & ornatae: quæ ad numerum quatuordecim millium ascendere dicuntur. Sumptuosissima & magnifica vbique assurgunt palatia, cū publica tū priuata; quæ peregrinum spectatorem detinet, & in admirationem rapiunt. Tempia & sacre ædes apparatusissimæ, & auro, picturis, statuisque nobilissimis ornauissimæ occurrunt plurimæ: quibus insignes atque eximie altitudinis turres adiunctæ sunt. Multa præterea amplissima, opulentissimaque cernas Xenodochia, Oratoria item Sodalitatum magnifica, sumptuosa, & superbissima, ac regij planè operis ædificia, celeberrimorum artificum picturis, & statuis decorata, et namentisque ex auro & argento splendidissima. Relinquo viridaria amœ-

amœnissima, & miro odore fragrantia, herbarum exoticarum, ac florum varietate ridentia, ac mirificè excultra: quæ Muriani & Zuecæ (adiacentes sunt insulæ) vi suntur plurimæ, omni deliciarum genere plena. Amplissima adhæc Monasteria, in oppidorum speciem toto stagno circumiacentia, mirum in modum urbem exornant. Inter publica autem ædificia principem locum tenent Diui Marci Basilica, Ducarium. seu Aula Ducalis, Armamentarium. Illa Diui Marci reliquis, subarâ maximâ conditis, in primis venerabilis, operis sui magnificentiâ, splendore, & superbâ mole vel maximè admiranda est. Marmoreis namque, porphyreticis, ophiticis, leucophæis, alijsque peregrini lapidis columnis innumerabilibus intus forisque exornata est. Fornices ac quicquid à columnarum epistylijs ad summa usque fastigia assurgit, auro mussiuoque ac tessellato opere fulgent: quod inde ad pavimentum usque subiacet, marmore varij generis opertum est. Pavimentum quoque ipsum tessellato opere decorum, mirificam præbet speciem. Adeoque miranda hæc opera varietate suâ omnium animos atque oculos detinent, & morantur, ut etiam in stuporem spectatores adducant. Ducarium autem, quo nihil usquam spectari datur magnificentius, nihil ornatius, aureis intus coruscum laquearibus, aularis sericis auro intertextis ornatum, & clarissimorum hominum statuis & picturis, ac Principum omnium imaginibus, cum elogijs rerum quas optimè pro republicâ gesserint conspicuum, foris vario marmore ornatuque nobili decorum est. Frontispicium, qua parte aquis incubat è candido Istriano marmore, in adamantis speciem fastigiato, constat: quâ verò Forum spectat, triginta septem in nixum columnis, Porticu & Meniano nobile, quod aurem, supra Menianum ad tectum usque assurgit, ex rubri candidique marmoris crustis, quadratâ formâ compositis, intectum atque elaboratum cernitur. Natile denique seu Armamentarium mœnibus turribusque undique munitum, tantæ amplitudinis est, ut insignis oppidi eminus spectantibus præbeat speciem: cuius ambitus duo & amplius milia passuum continere dicitur. Præter minora nauigia, triremes hîc cernas omni numero absolutas, ultra ducentas. Variæ hîc officinæ, in quibus opificum ingens numerus suâ quisque artem affabrè exercent. Taceo immensam cumque generis armorum copiam, atque omnifarium belli apparatus, miro ordine in spaciosis domibus officinisque ad stuporè disposita. Marciana adhæc area, *la Piazza di san Marco* vulgò dicta, amplissima, ac toto terrarum orbe celeberrima, sumptuosis, superbissimisque è marmore ædificijs undique clausa: quorum præstantissimum, & stupendâ symmetriâ, ac magnificentiâ, sumptu, ornatuque anteferendum cæteris in urbe ædificijs, illud, quod è regione Ducarij est, atque à duabus è Phrygiæ solidisque

marmore columnis, altitudine stupendis, mare ipsum spectantibus, ad usque Diui Marci turrim eminentissimam, inde verò angulo effecto ad alteram aræ faciem in passus ferè octoginta protenditur, Ærario, seu Monetario, *Zeccha* vocant, Bibliotheca, Statuario publicis, itemque augustalium Diui Marci Procuratorum Senaculis, ac domicilio in primis spectabile, summum addit vrbi decorem. Denique vt verbo dicam nobilissima hæc vrbs, vt magnificentia, diuitijs, potentia omnes Italiæ vrbes faciliè antecellit, ita inter cæteras Orbis vrbes, tanquam Regina Maris, & Domina Continentis caput extollit, & omnibus merito summæ est admirationi. Formam autem regiminis, ac Magistratuum ordinem vt paucis hîc attingamus, **SYNOPSIS** in eâ de re in calce duximus addendam. Cum verò iam itineris nostri difficillimis laboribus defuncti, ac rude, vt ita dicam, donati, in vrbe hac florentissimâ aliquamdiu morati, eaque tanquam libertatis azylo, tranquillitatis portu, communiq; patriâ multo tempore vsi simus, hîc tandem sistemus ratem & **ITINERARIO** nostro finem imponentes, narrandi quoque finem faciemus. Debitas interim agentes gratias Deo Optimo Maximo, vni & trino atque in æternum benedicto: qui Diuinâ suâ potentia ac misericordia in omnibus nostris angustiis, ærumnis, periculis, laboribus, & necessitatibus cœlestem semper nobis præstitit opem, è barbarorum manibus nos eripuit, seruauit incolumes, & tandem post tot pelagi terræque superata pericula, & tolerata incommoda, saluos non solum Venetæ vrbi, sed & patriæ charissimæ restituit. Cuius ineffabilem atque immensam misericordiam quam obnixè precamur, vt gloriosam urbem, & supernam Hierusalem, cœlestemque patriam anhelantibus nobis, post hanc miseram, caducam, & fragilem vitam concedere dignetur; per eum qui vitæ mortisq; habet imperium, Christum Deum, & Saluatorem omnium, in secula benedictum. Amen.

F I N I S

*Libri QVINTI & ultimi Hodæporici Hierosolymitani
& Syriaci.*

APPRO.

APPROBATIO.

Hoc Itinerarium Hierosolymitanum & Syriacum Clarissimi Domini Ioannis Cotouici V. I. Doctoris & militis Hierosolymitani est iucundū lectū, & passionis Dominica nos memores reddit. Quare dignum iudico ut in publicum prodeat, ad plurimorum hominum animos & in hac magna & graui tempestate oblectandos. Dedit 13. Octob. 1818.

*Egbertus Spitholdius S. T. L. Canonicus & Plebanus
Antuerpiensis Librorum Censor.*


SVMMA PRIVILEGII PRINCIPVM BELGARVM.

ALBERTVS & ISABELLA CLARA EVGENIA Archiduces Austriae, Duces Burgundiae, Brabantiae, &c. Serenissimi Belgarum Principes, Diplomatum suis sanxerunt, ne quis praeter Hieronymi Verdusij voluntatem imprimat librum cui titulus est *Ioannis Cotouici Ultraiectini I. V. D. & militis Hierosolymitani Itinerarium Hierosolymitanum & Syriacum*, aut alibi terrarū impressum in has inferioris Germaniae ditiones importet, venalemve habeat. Qui secus faxit, confiscatione librorum & alia graui poena multabitur, vti latius patet in litteris datis Bruxellae, xvj. Octobris M. DC. XVIII.

SIGNAT

Steenhuyse.

SINOP.



I T I N E R A R I I

H I E R O S O L Y M I T A N I

E T S Y R I A C I C L A R I S S I M I D. D.

I O A N N I S C O T O V I C I I. V. D O C T O R I S

O R D I N E A L P H A B E T I C O D I G E S T V S.

A

- | | |
|---|--|
| <p>A Bassinorū cerimoniarū, ieiunia, errores, 211</p> <p>Abassini vel Abyssini Æthiopiæ populi, maris rubri accolæ, eorum ingenia, iustitiæ vindices, 219</p> <p>Abuna Abassinorum primas Ecclesiasticus à Cophthorum Patriarcha confirmatur. 210</p> <p>Achanzij vel akenzi Turcarum pedites. 466</p> <p>Achelous amnis ab ortu Epiri terminus, poetarum fabulis clarus. 44</p> <p>Acris prius Accho, & Ptolomais, dein Claudij Cæsaris colonia. 125. Phœnicię vrbs, eius forma: præcipuum Palestinæ emporium. 126. olim Episcopatu nobilis. 127</p> <p>Adami caluaria in monte Caluariæ inuenta. 169</p> <p>Admiranda species hominis in præsepi Domini. 133</p> <p>Ædes Ananiæ discipuli Domini & Pauli magistri. 365</p> <p>Ædes Zachariæ patris Ioannis Baptistæ in templum ab Helena mutata. 250</p> <p>Ædes D. Marci. 280</p> <p>Ædes Annæ pontificis nunc in templum versæ. 281</p> <p>Ædes Iudæ Apostoli, nunc Syrorum templum. 371</p> <p>Aedicula sacra Abacuc Prophetæ. 224</p> <p>Aga supremus tribunus. 492</p> <p>Ager figuli vel Acheldemach vulgo campus sanctus. 289. eius situs & forma. 290</p> <p>Aiassum olim Iffis. 503</p> | <p>Albania Macedoniæ pars, eius situs, termini, vbertas, incolarum indoles. 24</p> <p>Alcalha oppidum. 246</p> <p>Alcorani de Christo opinio. 308</p> <p>Alepum Mauris Chaleph, Italis Aleppo totius Orientis emporium, eius encomion, situs, ambitus, structura, arx, forma. 407. suburbia 408. diuersoria publica, plateæ. 409. bazarra: suburbana. 410</p> <p>Alepum mercatorum omnium commune receptaculum: merces ibi Venales. 411. 412. monetæ Christianæ vsus 413. Mercatores habitantes, eorum consules, 414. incolæ 415. Magistratus. 416</p> <p>Alexandriæ situs & descriptio: olim Alexandria minor dicta. 504</p> <p>Altare flagellationis. 158</p> <p>Amanus nunc Barlanus mons. 502</p> <p>Amathus vrbs quondam regia ab Assyriis condita, nunc solè æquata, nihil præter rudera ostendit. 101</p> <p>Anabaptismi apud Abassinos species. 212</p> <p>Annæ thalamus. 300</p> <p>Ancyra hodie Angori Galatiæ vrbs. 485</p> <p>Andrachna siluestris arbor. 336</p> <p>Angariæ fructus, eius descriptio. 137</p> <p>Antiochia Hebræis Emath & Reblata, Turcis Antac Syrię caput, eius situs: S. Petri Cathedra sacerdotalis, trecenta & sexaginta templa Christianorum in ea fuerunt, eius descriptio, magistratus. 499</p> <p>Antiochia vrbs quondam potentissima. 330</p> <p>Antipaxi situs & vbertas nullum hic venenosum</p> |
|---|--|

I N D E X.

| | | | |
|---|-----|--|-----|
| sum gignitur animal. | 42 | Baldiuni quinti mors. | 193 |
| Antonij Bragadeni Patricij veneti fortitudo & constantia. | 106 | Balnæorum Turcicorum forma & descriptio. | 437 |
| Antrum Montis Oliueti, eius descriptio. | 264 | Bassarum Seraium. | 466 |
| Aquæ Mecon in sacris litteris, nunc aquæ Maron. | 361 | Bassam Alepi recipiendi ratio. | 416 |
| Ara melchisedech. | 299 | Bassa. | 464 |
| Arabum conditio, mores instituta, inertia, paupertas, opes, arma, 391. 392. prædationes. 393. 394. origo. | 299 | Bassæ Cairensis comitatus. | 382 |
| Arabica lingua Turcarum sacra volumina conscripta. | 473 | Bassæ ordo in ingrediendo templum. | 382 |
| Arcus Ecce homo. | 306 | Bassæ Imperatoris serui, eorum bona ad hæredes non transeunt, eorum fastus. | 467 |
| Arcus Ecce homo. | 255 | Beghi apud Turcas Barones. | 465 |
| Armenij per omnem ferè Orientem sparsi, eorum indoles, studia: Græcis infensi, Latinis studiosiores: duos habent Patriarchas, qui nihil proprii possident, 206 eorum errores: vsuræ & magicis artibus dediti. | 207 | Beglerbeghi tres supremi militiæ præfecti. | 464 |
| Arupinum nunc Ruignum, marmore Istriano celebre: huius oppidi fœminæ claudicant. | 10 | Bersabæ piscinæ descriptio. | 223 |
| Arx Antoniana. | 301 | Besar lapidis vires: cum probandi modus. | 412 |
| Asphaltites lacus, eius nomina, crymon, ambitus, mira natura. | 312 | Bethania oppidum, eius descriptio. | 275 |
| Atici olim oppidum maritimum, nunc soloæquatum. | 128 | Bethleem, quæ & Lebam & Ephrata, eius situs, multis illustrata mysteriis. 138. olim amplum oppidum, nunc obscurus pagus: eius incolæ, interpretes Occidentium, eorum miseriam. 139. soli vbertas | 240 |
| Ater color Turcis funestus & rursus. | 485 | Bethphaghe Sacerdotum viculus. | 373 |
| Aulonia hodie la Vallona, eius situs, salis fodinis ditissima. | 24 | Bethsafaata oppidum. | 246 |
| Azapi pedites peregrini. | 466 | Bethsaïda quondam nobilis Galileæ vrbs, nunc ignobilis pagus. | 358 |
| | | Bombyces pascendi modus apud Orientales. | 303 |
| | | B. Bonifacius Dominicanus multos incolas conuertit, & ad obedientiam, Rom. Ecclesiæ induxit. | 208 |
| | | Boticella pagus olim Besech Adombezec regia | 240 |
| | | Butua siue Bulna ad Venetos pertinet: fœminarum laus & fortitudo. | 20 |

B

Babylonis veteris ingentes ruinæ, eius tractus nec arborem nec virentem herbam in Diuini maledicti testimonium profert. 205
 Babus crepidæ Turcarum. 485
 Bagadotes veteris Chaldææ regia: non est antiqua Babylon, 204

C

Cacha liba Turcarum.

445
Cadi-

INDEX.

| | | | |
|---|-----|--|----------|
| • Cadilefcheri iudices supremi numero tres. | 446 | Castorum Bassæ Aegyptij descriptio. | |
| 446. eorum munus. | 447 | | 371 |
| • Cadij iudices ordinarij. | 447 | • Castra Galgala. | 311 |
| • Cahua Turcarum quotidiana potio, eam con- | | • Cathari vrbis munitio. | 20 |
| ficiendi modus. | 484 | • Cauerna D. Pauli. | 497 |
| • Caiphaz olim ciuitas Episcopatu insignis, hodie | | • Cæsarea Palestinæ, vrbis quondam maxima. | |
| Cafas nunc humilis pagus. | 127 | hodie suis ruinis sepulta, 128. eius situs: post | |
| • Calenderes Mahometæorum opinione san- | | varias casus Turcarum imperio addita. | |
| ctissimi. | 454 | 129 | |
| • Cameli descriptio & natura, duo eius genera. | | • Cœlestis flamma Nur Atabibus dicta. | |
| 404 | | 183 | |
| • Campus Iacob. | 225 | • Camiteria Turcarum circa vias publicas qua- | |
| • Campus Cicerij, sterilis & arenosus, 245. nomi- | | re. | 462 |
| nis causa. | 246 | • Cedar, vbi Stephanus lapidibus obrutus. | |
| • Campus Iacob. | 337 | 260 | |
| • Candida, Candia vel Candax olim Matum | | • Cellulæ Saræ. | 241 |
| vrbs Cretæ, insulæ metropolis: eius situs, | | • Cellula D. Pelagiæ. | 269 |
| forma, arx, portus, nauale 66. eius magnifica | | • Cephalenia variis nominibus olim dicta | |
| templa: Burgundionum hospitale, 67. Ar- | | & culta, nunc habitatoribus infre- | |
| chiepiscopatu insignis: Venetorum colonia. | | quens, eius ambitus, forma, vber- | |
| 68. partitionum Cretenesium priuilegia: | | tas, aquis indiget. 45. in vndeviginti | |
| Veneri ibi magistratus 69. Prouisoris gene- | | regiones diuiditur: vnicam urbem | |
| ralis autoritas, 70. vrbis præsidarij. | 71 | habet opere munitissimam. Veneris pa- | |
| • Capharnaum Galilææ olim emporium Christi | | ret. | 46 |
| miraculis celeberrimum. | 359 | • Cerauniorum montium descriptio, vulgò | |
| • Carauana ad Mechem tendens iusti exercitus | | Cimera dicti, horum incolæ Cimeritæ | |
| instar. | 452 | vulgò Chimarioti, agreste & ferox ho- | |
| • Carmelus mons excelsus olim cultus, nunc | | minum genus, rapinis assuetum, Tur- | |
| totus sterilis & horridus, in sacris litteris no- | | cis infestum, nomine tenus Christiani. | |
| bilis. | 128 | 25. Turcis fame parere coacti. | |
| • Carpathus hodie Scarpantus: varia eius vetera | | • Chaldæi seu Nestoriani, populi ferocissimi, | |
| nomina, ambitus, forma, vbertas, portus, in- | | rapinis assueti, pessimi Christiano- | |
| colæ, Turcis paret. | 87 | rum Orientis, duobus subsunt Pa- | |
| • Carcer Christi. | 282 | triarchis: pars schismatico, pars Catho- | |
| • Carcer Christi. 159. Hymnus ad carcerē Chri- | | lico paret. | 203 |
| sti decantatus. | 159 | • Chaldæorum errores. | 205, 206 |
| • Carlij Sanzachi, Subassij militiæ præfecti. | | • Chamæleon in Cypro nascitur, eius forma. | |
| 465 | | III | |
| • Castrum nouum Turcici iuris oppidum: eius | | • Chan diuersorij Turcici descriptio. | 342 |
| forma & situs. | 20 | • Chaniso Imarathi diuersorij Turcici descri- | |
| • Castrum peregrinorum, alias Petra incisa, | | ptio. | 502 |
| Mauris Torroza, hodie habitatore vacua. | | • Chairbaraam religiosorum festum. | 444 |
| 128 | | • Charnubi arboris descriptio, fructus, eius co- | |
| • Castrum Nesifum Turcis in summa venera- | | pia. | 92 |
| tionē, olim Antipatrida, | 129 | Vun 2 Chatfiba | |

I N D E X.

| | |
|---|---|
| Chathisbaraam Turcarum minus festum, 444 | Columbarum mira industria & conditio. 415 |
| Chauſſi, Capizilares, Peci Baſſarum miniſtri, 466 | Comagena, quæ & Euphratiſia Meſopotamiæ contermina, eius termini, 330 |
| Chriſtianis alienigenis ſine Zaniacci uenia Hieroſolymam intrare non permittitur. 150 | Comitis Tripolitani ambitio Latinorum gloriam in Aſia euerſit. 194 |
| Chriſtianorum victoria nobiles. 47 | Confirmatio Patriarcharus interdum Græcis maximo conſtat, Conſtantinopolitano præſertim, qui triginta aureorum millibus eum à Turca nundinauit. 197 |
| Chriſtianus Occidentalis caueat Turcarum balnea ſolus ingredi. 438 | Conuallis Mambre. 241 |
| Chriſtianorum Syriæ virtutes, 477. eis miſeria pro ſolatio eſt, 477. eorum apud Turcas immunitas. 477 | Cophiti ſeu Copri Aegypti populi peculiarem habent Patriarchā, eorum errores, 209. cum Rom. Eccleſia in gratiam redeunt. 210 |
| Chorban victima votiua Turcarum. 459 | Corinthus nobilis olim a Chaiæ vrbs: lumen Græciæ à Cicerone dicta. 57. ob æmulam potentiam à Romanis bello petita, & ſolo æquata: à Iulio Cæſare reſtituta. 58 |
| Chriſtiani Orientales vilibus veſtiuntur veſtibus. 186 | Corona vrbs nauium ſtatione percommoda quondam Venetis paruit, nunc Turcæ ſub eſt. 60 |
| Choroſain olim Decapoleos vrbs incluta, nunc ruinis omnino deformis. 360 | Cos hodie Lango inſula Hippocratis & Apellis patria, vino optimo celebris. 91 |
| Cithium Cypri oppidum antiquiſſimum Zenonis ſtoici & Apolloniſ medici patria. 101 | Cræta valles fructifera. 76 |
| Cithera nunc pagus conuclia nomine, optima aqua cirrigua. 101 | Cræta vrbes, & arces. 71. Cræta olim centum vrbibus nobilis. 73. eius antiqua nomina: inuēta, fabulis clara, eius forma, longitudo, latitudo. 74. inſularum viciarum ſitus & deſcriptio, portus habet plurimos, nullus in ea fluuius nauigabilis, incolarum cenſus. 75. eius montes. 76 |
| Ciſion torrens, eius origo. 127 | Cræte vbertas. 79. piſcibus mare abundat: herbis medicis nobilis. 80. Cræta ſoli vberrate nulli cedit terræ: Crætenſes mendaces, eorum ſtudia. 81 |
| Ciſterna Joſeph. 361 | Croia, olim Antigona, eius inexpugnabilis ſitus Albanæ regia: Croyorum inde nomen manſiſſe fama eſt. 25 |
| Ciſterna Dauidis. 244 | Crux Chriſti non amplius ſeruatur Hieroſolymis. 176. 177 |
| Corcyra inſula nunc Corfu, Samiorum & Corinthiorum colonia, Vlyſſis naufragio & Alcinoi hortis pendulis nobilis, eius ſitus & forma. 26. eius fertilitas: nullus in ea fluuius nauigabilis: lacus Corizi dictus optimis anguillis abundans: portus accommodatus: vrſos & lupos non proſert: in quatuor regiones diuiditur. 28. lacus ſoſſa exſiccatus, duo in ea oppida: vrbs maritimæ: Corfu deſcriptio, caſtri munitio. 30. 31. vrbs ſitus & forma: eſt Archiepiſcopatu nobilis. 33. incolarum pietas, S Spiridionis in ea fanum miraculis clarum. 34 | Crypta montis Caluariæ, eius longitudo, latitudo, forma, olim vallis cadauerum: in hac cruces Chriſti & latronum coniectæ. 161. ab Helena effoſſæ. 162 |
| Coeleſyria ſiue Syriaceles in ſacra Scriptura nominata, termini eius: paſcuus abundat. 330 | crypta lactea. 237. |
| Cœmeterium Minoritarum: nam intra vrbs mœnia ſepulchra nemini habere fas eſt. 288 | Cunæ ſeu præſepe Domini. 230 |
| Cœnaculum Domini. 283 | Cuthei Aharonitæ dicti, & quare. 343 |
| Columna ad quam Chriſtus flagellatus eſt. 159 | Cyclades numero 74. earum crymon hodie Iſole |

INDEX.

| | | | |
|--|------|--|----------|
| Isole del Archipelago. | 62 | Diomedæa insule, nunc Tremeti dicta, D. Virginis templo celebres, aues Diomedæas natriunt. | 15 |
| cypri incommoda, diuitiæ. | 112 | Diphtherdarii tres præfecti ætarij. | 464 |
| cypriorum indoles: fœminarum lasciuiæ. Cypri fertilitas. | 109 | Diuanum supremum Turcarum concilium. | 464 |
| cypriorum incolarum imperio Venetorum distributio. | 108 | Diuerforiorum Turcicorum descriptio. | 388. |
| cyprius ob Turcarum tyrannidem magna ex parte deserta: eius incolæ. cypriorum quere- læ. | 107 | Diuerforij Turcici descriptio. | 332. 333 |
| cyprius diuerfos experta rerum dominos. | 102. | Diuerforium Turcicum instar oppidi. | 363 |
| cyprius insula nobilissima & feracissima, eius termini, longitudo latitudo, ambitus: varia nomina, olim nouem regnorum sedes, quindecim illustria oppida habuit, quæ nunc in humiles abiire pagos. | 100 | Diuisio christianorum Orientis. | 195 |
| cythera mōtosa, eius fertilitas, de ea poetarum fabulæ: Venetis parer. | 63 | Diuortiorum frequentia apud Turcas. | 476 |
| cythera insula: olim Porphyrysa, hodie Cerigo ad Venetos pertinet. 61. eius situs. | 62 | Domus Ioachim & Annæ. | 300 |
| | | Domus boni latronis. | 143 |
| | | Domus Simonis Pharisei. | 254 |
| | | Domus Caiphæ pontificis in templum redacta. | 282 |
| | | Domus Berenices vulgò Veronica. | 254 |
| | | Domus Simonis leprosi. | 276 |
| | | Domus diuitis epulonis. | 254 |
| | | Dromedarii parum à camelis differunt, sed sunt celeriores. | 404 |
| | | Druſi seu Trusci Gallorum reliquiæ Libani acolæ. | 381 |
| | | Druſorum siue Truscorum conditio, mores, religio errores. 396. arma, idioma, libertas. 397 | |
| | | Dulimannum superior Turcarum vestis. | 485 |
| | | Duplex spelunca. | 242 |
| | | | E |
| | | Eboſiæ cannæ circa Ioppen miranda seges, eius cultus, forma. | 137 |
| | | Ecclesia septem fratrum Machabæorum nunc Messira Turcarum. | 143 |
| | | Ecclesia Saluatoris illuminatoris. | 292 |
| | | Echinades insula deserta, saxosa, exigua. | 46 |
| | | Emaus castelli situs, olim vrbs Nicolia dicta, hodie deserta. 315. episcopatu olim celebris. | 316 |
| | | Emese siue Emisse vrbis descriptio, olim Sardinnella dicta. 39. incolæ, eorum studia. | 398. |
| | | magistratus. | 399 |
| | | Emini publici Scifut dicti. | 478 |
| | | Engaddi montes balsami hortis & Davidis fuga notabiles. | 225 |
| | | Epidamnus postea Dyrrhacium, Romanorum colonia | |
| | | V u u 3 | |
| Damascus totius Syriæ regia, eius munitio, ambitus, situs, conditor, vbertas 372. nomina, excidia. 373. suburbia, bazarra. | 374. | | |
| Damascena textura, vinum, pruna. | 375 | | |
| Damasci publica ædificia: templi ab Heraclio ædificati structura, elegantia. 376. Arx in media vrbe, eius structura. 377. incolæ, magistratus. | 378 | | |
| Daphnidis fons Apollini dedicatus. | 498 | | |
| Dama pagus olim amplum oppidum. | 494 | | |
| Delphinus piscis marinus, eius descriptio: mulcerur arte Musica. | 511 | | |
| Deruisij religiosi Mahometæ natione Indi, eorum de christo opinio. | 308 | | |
| Deruisij multis sceleribus obnoxij, eorum ornatus, vestitus. 453. apud Turcas in summa veneratione habiti. | 455 | | |
| Descriptio templi sacri Monumenti. 179. non est idem quod ab Helena constructum. 180 | | | |
| Desertum Ioannis Baptistæ. 247. eius descriptio. | 248 | | |
| Dies Veneris Turcis sacer: Turcica nomina dierum. | 441 | | |
| Dignitas & antiquitas ordinis equestris. | 219 | | |

I N D E X.

| | | | |
|---|------|--|-----|
| colonia. | 24 | Gaba vilior Turcarum vestis. | 486 |
| Epidaurum Limera, à nautis Neapoli de Mal- | | Gadera ciuitas olim in monte posita: nunc rui- | |
| uasfa dicta à nobili vino. | 62 | næ. | 360 |
| Epirus olim chaonia & Molossa, à Cosmogra- | | Galli cuiusdam ambitio abiurationem hæresis | |
| phis Albania, olim quatuordecim gentium | | Cophthorum impedit. | 209 |
| sedes 40. 70. olim in ea vrbes à Paulo Æmi- | | Galilææ gentium termini, longitudo, latitudo, | |
| lio euerse: hodie inculta: incolarum inge- | | vrbes, vbertas. | 329 |
| nia: regio piscinis celebris. 41. Turcis paret. | | Galilæa diuiditur in superiorem & inferiorem, | |
| 44 | | eius vrbes antiquæ: ab hac Christus nomen | |
| Erdebil Ismaelis Sophi Persarum pater. | 424. | olim accepit. | 329 |
| eius doctrina. | 425 | Gauata promontorium à felibus cognomina- | |
| | | tum, earum ope serpentibus regio purgata. | |

F

| | | | |
|---|-----|--|-----|
| Famagostæ etymon, forma. | 104 | Genizarorum Alepi seditio. | 491 |
| Fanum S. Annæ Natiuitatis Virginis percelebre | | Genizari præceptorum seminarium. | 465 |
| 258 | | Genizari bibaces. 382, Genizarorum status, mi- | |
| Fanum Adscensionis Domini. | 270 | litia, conditio, stipendia, tyrannis, scelera. | |
| Fanum D. Catharinæ, indulgentiæ eidem con- | | 383. 384 | |
| cessa. | 229 | D. Georgij delubrum Mahometæis venerabi- | |
| Fœminarum Orientaliū ingenia, vestitus, mun- | | le. | 343 |
| ditices. | 489 | D. Georgius non solum à Christianis sed etiam | |
| Fœminarum apud Turcas contemptus. | 442 | Mahomeranis in honore habitus. | 138 |
| Fluuij Iltriæ. | 11 | Georgiani populi Asiæ, eorum termini, indo- | |
| Fons D. Pauli. | 371 | les: D. Georgium in summa veneratione ha- | |
| Fons Saulis. | 316 | bent: Turcarum hostes: eorum fortitudo. | |
| Fons Helisæi. | 313 | 200. in Persas propensi, Persarum regum cū | |
| Fons Siloach. | 292 | iis affinitas. | 201 |
| Fons aquæ viuæ, olim Nephthoa. | 250 | Gepeneca vel Iamarluchion vestis Turcarum | |
| Fons signatus, eius descriptio. | 241 | laxior. | 486 |
| Fons Iacob. | 341 | Gerasa olim ciuitas munitissima, nunc diruta. | |
| Fons Draconis vulgò fons Mariæ. | 292 | 360 | |
| Fons Mariæ. | 349 | Gilin seu Chilin vltimum Samariæ oppidum: | |
| Fons Apostolorum. | 310 | eius incolæ, soli fertilitas. | 360 |
| Forum rerum venalium. | 280 | Golgothæ templi fabrica, forma. | 187 |
| Forma monumenti. | 181 | Gossypium Limissi in maxima colligitur copia, | |
| Fouea Crucis Christi, eius forma, latitudo. | 165 | eius serendi modus. | 93 |
| Fraus Episcoporum Orientalium in igne sacro. | | Græci putant sua altaria profanari, si Latini in | |
| 183. quomodo eandem excusent, | 184 | iis sacra celebrent mysteria. | 168 |
| Franc-Armenij Catholico ritu viuunt: vnum | | Græcorum varia nomina: in quatuor Patriar- | |
| habent Primatem: monachos sub se habet | | chatus diuiduntur. | 196 |
| ordinis S. Dominici eorum oppida. | 208 | Græcorum status, conditio, mores: contemnunt | |
| | | Latinos, hostes Ecclesiæ Romanæ. 82. scien- | |
| | | tia Græcia exulat: Græci multibibi. 83. Græ- | |
| | | corum mos lugendi moruos. | 84 |

G

| | | | |
|---|-----|---|-----------|
| Gabaa olim Leuitarum vrbs, Regis Saulis pa- | | Guido Lusignanum regnum à Templariis mer- | |
| tita. | 331 | catur. | 193 |
| | | | Habitacu- |

INDEX.

168

H

- Habitacula concubinarum Salomonis. 242
- Hadra pagus vinearum ferax. 387
- Haman vel Aman, olim Apamia & Della, eius situs, 400. incolæ. 401
- Harcoman frumenti genus. 402
- Hase vel Assi aut Asser, Orontes. 400
- Hassap potus ex melle & viuiis. 484
- Hebron, olim Arbree & Mambre & Chariara- harbei Dauidis regia sedes, hodie Chalil. 242.
- Harmon mons terræ promissionis terminus ad Orientem. 363
- Herodis palatium. 256
- Herodis palatium. 306
- Hexamilos murus Peloponnesum à Græcia secludens ab Amarathe Turca dirutus. 58
- Hierosolyma non est in medio orbis. 188
- Hierosolyma conspecta terram deoseulantur peregrini & Deo gratias persoluant. 149
- Hierosolyma, ciuitas sancta, sita in medio Iudææ, eius nomina, totius orbis vrbium celeberrima, eius conditores. 319. eius situs, excidia, Patriarchali sede insignita. 320. Christianis à Saracenis adempta, recuperata, à Turcis occupata, eius figura, in ea montes, ambitus. 321. eius portæ. 222. 223. plateæ, ruinis plenæ, incolæ, 224. Magistratus. 324
- Hierichuntis descriptio, amœnitas, situs. 314
- Hortus conclusus Salomonis, eius vberras, amœnitas. 243
- Hortus Oliueti. 297
- Huggiemales Itolorum mimis simillimi. 453
- Hymnus in D. Helenæ laudem decantari solitus. 163
- Hymnus in memoriam flagellationis decantatus. 158
- Hymnus in sacello Abassinorum dici solitus. 164
- Hymnus in memoriam preciosissimi sanguinis Christi copiosam effusionem cantari solitus.

Hymnus ad Sepulchrum Domini dictus.

172. 173

Hymnus & preces ante aram Sacelli apparitionis dici solitæ. 176

Hymnus in loco crucis dici solitus. 167

Hymnus à Minoritis dictus ad locum vinctio- nis. 170

Hymnus cantari solitus ad cryptam. 162

Hymnus decantatus in loco, in quo milites super Christi vestem miserunt sortem. 160

I

Iacobitæ, eorum nomina, Asiæ populi, pauper- culi, primum à D. Matthæo ad fidem con- uersi, postea in errores inducti, Pec- liarem habent Patriarcham, eius sedes, monachorum ibidem institutum. 201. eo- rum errores, fides ceremoniæ, igne suos baptizant. 202

Iaderæ situs, vberras, Venetis vendita. 13

Iassa seu Iapho veteres, nunc Ioppe, vetustissi- ma Iudææ ciuitas quondam amplissima, eius situs, portu tutissimo nobilis, sacris li- teris celebrata, hodie vastata ciuitatis facië amisit. 135. portus descriptio, vrbs sæpius excidium passa, olim Episcopatu nobi- lis. 135

Iasirschi Secretarij. 464

Ictus flagellatium in loco flagellationis conti- nuò audiuntur. 257

Idem olim crucifigendi mos. 177

Idæus mons Cretæ altissimus, frigori niuibuf- que obnoxius. 76

Idoli Moloch forma. 291

Illyricorum genius, virtus bellica. 14

Illyrici descriptio & termini, portubus abun- dat. 21. piscium ibi copia, eius Archiepisco- patus, ab Augusto primum domita, incola- rum indoles, idioma. 12

In cyprio duæ tantum vrbes remanserunt.

102

Iobi

I N D E X.

| | | | |
|---|-----|---|-----|
| Iobi puteus. | 143 | Locus sessionis sanctissimæ Virginis Mariæ. | 298 |
| Iordanis fluuius Christi baptismo nobilitatus. | 362 | Locus lapidationis S. Stephani. | 298 |
| Iouai pagus olim vrbs amplissima. | 406 | Locus sacrificij Abraham. | 299 |
| Istorum ingenia & indoles. | 11 | Locus Adomim. | 311 |
| Istrix descriptio. | 4 | Lusæ pagi amœnitas. | 315 |
| Ithaca Vlyssis domino illustris, eius ambitus: forma, situs: olim Neritos, nunc Theaciz à nautis dicitur, exulum sedes. | 44 | | |
| Iuba interior Turcarum vestris. | 485 | | |
| Iudæa situ tripartita, eius Metropolis Hieroso- lyma, olim vrbes in ea nobiles, quæ nunc e- uersæ. | 328 | | |
| Iustinopolis caput Istriz, eius conditores, vnde nomen. | 5 | | |

L

| | | | | |
|--|------|-----------|--|-----|
| Lac Virginis, eius efficacia. | 238. | 433. 434. | Mahometæorum agonizantium conditio, testamenta, eorum somnia de die iudicij: sepeliendi mos. | 460 |
| Lapis vñctionis Domini. | 156 | | Mahometis de se opinio. | 309 |
| Largitiones plurimi apud Barbaros fiunt. | | | Mahometæorum sectæ origo. 423. Mahometes eius author, eius dolus: hæresum omnium facies renouauit: eius errores. 423. quos accipere non poterat, viribus in nouum dogma subiugauit: eius in regno successores. | 423 |
| 182. | | | | |
| Lectus scalæ sanctæ. | 256 | | Mahometæi in summa D. Virginem habent veneratione, & eius sepulchrum honorant. | 309 |
| Leges militum, Hierosolymitanorum. | 216. | | Mainæ portus, qui & Qualliarum dicitur, tutissima nauium stratio. | 61 |
| 217 | | | Mainæ portus olim Tenarus, nunc cabo Marapan, Neptuni æde celebris. | 61 |
| Latus Bethel. | 338 | | Mainotæ ferox hominum genus, nullius paræt imperio, rapinis viuunt, christiani nomine, re barbari. | 61 |
| Leucosiæ vel Nicosæ situs, forma, munitio. | | | Manna simile Israelitico. | 412 |
| 104. | | | Maronitæ Rom. Pontifici obediẽtiã præstât, eorum etymon, indoles, peculiarem habent Patriarcham. 195. eorum Episcopi, eorum dẽ ornatus: azymo pane, vt Latini, sacraficiũt, cœlibem vitam agunt, eorum Sacerdotes vxores ducunt, sub vtraque specie licet communicant. | 196 |
| Lex Mahometæa imaginum vsus prohibet. | | | | |
| 488 | | | | |
| Libanus insignis Syriæ mons, omnium altissimus, situs, plures riuos fundit, valles plurimas habet, vini ferax, in eo Manna colligitur, & thus optimum. 380. 381. eius etymon. cedri Libani forma, fructus. | 380 | | | |
| Lidda olim Diospolis D. Petri prædicatione nobilis, nunc sola æquata. | 138 | | | |
| Limissus veteribus Curias quondam ciuitas nunc pagus, eius fertilitas. | 92 | | | |
| Limissi incolæ. | 93 | | | |
| Lissæ insulæ situs, Venetis paret. | 14. | | | |
| Lissus Romanorum colonia, hodie Alessio, celeberrima patria Schanderbegi. | 24 | | | |
| Locus crucis Latronis dextri, & sinistri. | 167 | | | |
| Locus, in quo Christus in specie hortulani apparuit. 175. Hymnus ibi dictus. | 175 | | | |
| Locus Diuisionis Apostolorum. | 284 | | | |

M

Macmas nunc Bira siue Elbor, Ionathæ Macha-
bæi olim sedes. 331
Magistratus Turcarum pecuniæ auidissimi.
468
Magistratus vrbis, mores, & eò spectantia 37.
eorum pompa. Vrbis incolæ ferè omnes
Græci: incolarum genius. 38
Magorum seu stellæ cisterna. 223
Mahometæ legis præcepta, errores, deliria.
433. 434
Mahometæorum agonizantium conditio, te-
stamenta, eorum somnia de die iudicij: sepe-
liendi mos. 460
Mahometis de se opinio. 309
Mahometæorum sectæ origo. 423. Mahometes
eius author, eius dolus: hæresum omnium
feces reuocauit: eius errores. 423. quos arte
capere non poterat, viribus in nouum do-
gma subiugauit: eius in regno successores.
423
Mahometæi in summa D. Virginem habent
veneratione, & eius sepulchrum honorant.
309
Mainæ portus, qui & Qualliarum dicitur, tu-
rissima nauium stratio. 61
Mainæ portus olim Tenarus, nunc cabo Ma-
tapan, Neptuni æde celebris. 61
Maimotæ feroc hominum genus, nullius parèt
imperio, rapinis viuunt, christiani nomine,
re barbari. 61
Manna simile Israelitico. 412
Maronitæ Rom. Pontifici obediētiā præstāt,
eorum etymon, indoles, peculiarem habent
Patriarcham. 195. eorum Episcopi, eorum dē
ornatus: azymo pane, vt Latini, sacra fa-
ciūt, cœlibem vitam agunt, eorum Sacerdo-
tes vxores ducunt, sub vtraque specie laicos
communicant. 196

Maronitæ

INDEX.

| | | | |
|--|----------|---|----------|
| Maronitæ populi Catholicæ fidei obseruantif- simi Libanum incolunt. | 381 | eius situs. | 150 |
| Maiori ex parte Venetis, pars Austriacis parer, eius fertilitas: aeris intemperies. | 5 | Mons Garizim. | 337 |
| Maleæ promontoriū vulgò Capo malio niui- bus opertum, circa idem difficillima naui- gatio. | 62 | Montes Gelboe & Hermon, in sacris literis ce- lebres. | 347 |
| Mare Galilææ, quod & Tiberiadis, & Stagnum Genezareth, eius longitudo, latitudo. | 358. | Mons Gebal aut Hebal, plenus sepulchris He- bræorum. | 340 |
| Christi miraculis clarum. | 359 | Mons Modin Machabæorum monumentis in- signis. | 317 |
| Mariam olim Maronias oppidum nunc pagus, territorium eius fertile. | 405 | Mons Mashit, id est, offensionis, eius etymon. | 289 |
| Mauri in Syria manuum laboribus viuunt, eo- rum indoles, arma. | 471 | Mons Oliueti mysteriis Christi clarus, eius fer- tilitas, altitudo. | 272. 273 |
| Meandriopolis stagnum. | 495 | Mons Prophetarum. | 243 |
| Menſa Christi & Apostolorum. | 358 | Mons Quarantena: siue Quadrantana. | 313 |
| Methone hodie Modona vrbs munitissima, portu insignis, Saniacci totius Peloponnesi sedes. | 59 | Mons Soba Samuelis Prophetæ patria. | 316 |
| Minois Labyrinthus descriptus 77. Vesperti- lionum domicilium: ab eisdem periculum. | 78 | Mons Silo. | 336 |
| Minoritarum hospitalitas & humanitas erga peregrinos. | 96 | Montes Seir, Abarim, Nebo. | 225 |
| Minoritarum humanitas & hospitalitas. | 152 | Montis Sion situs & descriptio. 285. eius mu- nitio: sepulchra in eo Regum. | 287 |
| Mira de sepulchro Davidis. | 288 | Montis in Creta situs, amœnitas, vbertas. | 65 |
| Mira bombycum propago. | 303 | Monumentum Christi gloriosum: hinc Iudæi mendacij vincimus. | 174 |
| Mira de sene Mahometæo pro sancto habito. | 455. 456 | Monumentum Regis Iosaphat. | 296 |
| Modus circumcidendi Christianos. | 426 | Monumentum Zachariæ filij Barachia. | 294 |
| Modus circumcidendi Turcarum nobilium fi- lios. | 427 | Mossel vel Mussul seu Mozal vrbs munitissima ad ripam Tigridis. | 203 |
| Monasterium S. Mariæ ad præsepe, eius forma ac situs 227. splêdidum ac magnificum, eius structura: in eius templo quælibet natio suo more Deum laudat. | 228 | Mos recipiendi peregrinos Hieroselymæ. | 151. |
| Monachi Græcis Calogeri nuncupantur: eorū habitus, austeritas ieiunia. 197. errores: laicos sub vtraque specie communicant. 198. biga- mos à sacerdotio rejiciunt: tertias nuprias laicis prohibent. | 199 | 152 | |
| Monasterij Minoritarum Hierosolymitani de- scriptio. | 451 | Mos salutandi Maurorum. | 350 |
| Monasterium Eliæ Prophetæ. | 224 | Mos impetrandi olim ignem sacrum. | 183 |
| Moneta Turcarum varia. 478. eius valor. 479. | 338 | Mos Turcarum in verberando. | 366 |
| Mons Char Ebal dictus. | 338 | Mos Turcarum inuisendi templum sanctissimi Sepulchri. | 313 |
| Mons Gihon sacris literis celebris & petrosus: | | Mungir & Quarequir Angeli Mahometæorum pilei. | 461 |
| | | Muphtis vel Mophtis sacrorū rex, eius munus 445. autoritas. | 446 |
| | | Musa arbor seu frutex, eius fructus paradisi po- ma dictus, in eo prodigium. | 93 |
| | | Musæum B. Hieronymi. | 136 |
| | | Mustaphæ Turcæ perfidia & immanitas. | 105 |

N

X x x

Venetis

I N D E X.

| | |
|---|-----|
| Veneris nunc Turcis paret. | 59 |
| Nauis veneta vrbis instar. | 3 |
| Nazareth Galileæ ciuitas suis ruinis nunc sepulta, eius situs, solum fertile, incolæ. | 349 |
| Nicodemi domus in monasterium & hospitale à Philippo Burgundionum Duce olim conuersa. | 139 |
| Nissanzi bassa supremus portæ Cancellarius. | 464 |
| Nullus hæctenus fuit, qui sepulcri euerfionem vnquam tentauerit. | 185 |
| Nuptiarum contrahendarum mos apud Turcas. | 475 |

O

| | |
|--|-----|
| Olofagi siue Vlefedzi pedites, eorum etymon. | 466 |
| Olympus altissimus in Cypro mons, eius altitudo, circuitus, Veneris templo quondam clarus, à monachis Græcis cultus. | 103 |
| Opinio Hebræorum de Hierosolyma & suo Messia. | 324 |
| Oratio Guardiani Hierosolymitani ad equites creandos. | 214 |
| Orfarium vnicum Pontificij iuris in Istria oppidum. | 10 |
| Ostium Ecclesiæ S. Sepulchri, eius descriptio: aræ situs, 155. sacelli situs & forma. | 156 |
| Ostium antri Dominici. | 182 |

P

| | |
|---|------|
| Palæocastrum arx in Creta: eius situs & munio. | 65 |
| Palæpaphos poetarum carminibus nobilis, item prædicatione Pauli & Barnabæ. | 100 |
| Palæstina in sacris literis, Terra promissionis, nunc terra sancta, olim fertilissima, nunc inculta: eius termini, longitudo, latitudo. | 327. |
| In duas diuiditur partes. | 328 |
| Pali & vnci supplicium. | 470 |
| Pallium quid sit. | 204 |
| Palma Delboræ prophetissæ. | 335 |
| Paphos Veneris templo, portu & regiâ statione insignis. | 100 |
| Parentij descriptio. | 10 |
| Paricorum seruitus. | 108 |

| | |
|--|----------|
| Patriarcha Antiochenus Damascum incolit; | 196 |
| Patriarchæ græci omnes cœlibes & monasticæ vitæ, ordinis S. Basilij: celebriora eorum monasteria. | 197 |
| Paula Romana, eius sepulchri titulus. | 135 |
| Paxi situs. & vbertas. | 42 |
| Pecunia vnica Turcarum esca. | 470 |
| Pelopōnesus hodie Morea peninsula nobilissima, eius descriptio: varia nomina: ambitus, longitudo, latitudo. | 57 |
| Peloponnesi vbertas: in octo prouincias olim diuisa, fortissimis viris celebris: amplissimis habitata vrbibus: nunc solo æquata nil præter nomen retinet. 58. amnes in ea celebres: montes clari: plurimas habet adiacentes insulas. | 59 |
| Perfarum noua opinio vnde habeat exordium | 424 |
| Perfæ omnes Mahometæ legis doctores, præter Ali seu Hali hæreticos detestantur, vnde inter Perfæ & Turcas bellum. | 424 |
| Petra vnctionis, supra quam Christus de cruce depositus inuñctus, eius descriptio, longitudo, latitudo. | 171 |
| Petri carcer. | 299 |
| Phanatici sinus nunc Carnarij descriptio, etymon. | 259 |
| Philippi fons. | 247 |
| Phœnicæ nomen, penè tota maritima, longitudo, 329. vrbes, fertilitas. | 330 |
| Preuesæ olim Nicopolis situs, ab Agrippa olim restaurata. | 43 |
| Pisanorum castrum. | 279 |
| Piscina probatica, à Salomone exstructa, Bethesda dicta. | 258. 259 |
| Pistaceum arbor Occidentalibus incognita Syriæ peculiaris. | 263 |
| Planities Galileæ, quæ Eggedon & Esdrelon vallis, & campus Mageddo, olim fertilissima hodie deserta. | 356 |
| Pola olim pietas Iulia, Romana colonia, eius antiquitates. | 6 |
| Poma fauilla & cinere plena. | 312 |
| Pomus rupes falconibus celebris. | 112 |
| Pons Iacob. | 361 |
| Porta aurea, hodie à Turcis obturata. | 259 |

Porta

INDEX.

X x x 2

Santoni

| | | | | |
|---|-------------------------|--|----------------------------|----|
| Santoni & Hoggij sacerdotes Mahometari. | | Sidonij multarum artium magistri, idololatria celebres, Ofmannico subsunt iugo. | 117 | |
| 314 | | Sareptæ urbis reliquiæ, sacris literis claræ. | 117 | |
| Santoni, Hoggij, Talismanni Turcarum presbyteri & Diaconi, eorum munus. | 448 | Siliquæ panes Ioannes Baptista. | 249 | |
| Santonus pro sancto habitus, eius ex Alepo discessus. | 450. 451 | Simeonis iusti habitaculum. | 223 | |
| Sardarius magnus militiæ dux. | 492 | Sinus ambracius, hodie Golfo del Arta Cæsaris navalibus celebris, abundat optimis piscibus. | 43 | |
| Saxum, in quo Christus sedit, non attenuatur fragmentis asportatis. | 275 | Solemnis supplicatio Hierosolymis. | 158 | |
| Scala montis caluariæ. | 165 | Soroth olim nunc Lemie, eius etymon. | 363 | |
| Seedia nunc Scutari Illyrici oppidum: pascuorum vbertas. | 21 | Spahi suprema vestis Turcarum. | 485 | |
| Sebathe Hebraicè Samrath, vel Somer, Regum Israel olim sedes, eius situs. 244. excidia, exstructiones: nunc ruinis deformis. | 245. pascuorum vbertas. | 346 | Spachi equites prætoriani. | 45 |
| Seirim oppidi situs. | 494 | Spachia populi. Sfachiotti vulgò ferox genus hominum, optimi sagittarij, magni sunt, eorum vestitus: tripudiis delectantur. | 81 | |
| Semlini seu chemsij oppidi situs. | 389 | Specus Hieremiæ. | 355 | |
| Sepulchrum Anachoretarum pœnitentium. | | Spelunca Odolla. | 241 | |
| 313 | | Spelunca D. Georgij. | 497 | |
| Sepulchrum Absolonis. | 295 | Strophades insulæ: nominis earum origo, situs, incolæ, vbertas. | 512 | |
| Sepulchra vulgi Iudæorum. | 296 | Supremi Turcarum magistratus. | 464 | |
| Sepulchrum Iudæ proditoris. | 296 | Sycomorus arbor, quam Zachæus adscendit. | 310 | |
| Sepulchrum, in quo Iacobus Apostolus latitauit. | 294 | Sycomorus quæ & ficus Cypria, eius descriptio fructus, forma. | 335 | |
| Sepulchrum Lazari. | 276 | Syriæ Damasci termini, situs, vbertas. | 330 | |
| Sepulchra Patriarcharum seu filiorum Iacob. | | Syriæ ædium structura. | 480 | |
| 337 | | Syriæ indigenæ. | 471 | |
| Sepulchrum Rachelis, eius descriptio. | 245 | Syri vel Suriani, eorum ingenia. 199. peculiarè habent Patriarcham: cum Græcis de fide dissentiunt. | 200 | |
| Sepulchrum Samuelis. | 317 | Syria Italis Suria vel Soria, Turcis Soristâ, Hebræis olim Aram vel Aramea maioris Asiæ regio celeberrima. 326. eius situs termini, longitudo, latitudo, vbertas, cœli réperies, montes, urbes, prouinciæ. | 327 | |
| Sepulchrorum Turcicorum forma. | 462. 463 | | | |
| Sepulchrum D. Virginis. | 262 | | | |
| Sepulchra Regia. | 304. 305 | | | |
| Sepulchrum Gotifredi primi Hierosolymorum Regis cum epitaphio. | 189 | | | |
| Sepulchrum Balduini secundi cum inscriptione | ibidem. | | | |
| Sepulchra quatuor alia lacera. | ibid. | | | |
| Sicci urbis situs, fertilitas: incolarum indoles. | 14 | | | |
| Sichem, eius prata, vbertas, montes. | 338 | | | |
| Sichem nomina, est Samaritæ urbs primaria, eius forma, ambitus, aquis abundat. 341. incolæ: magistratus. | 342 | | | |
| Sidon hodie Sait vel Saidâ, quoddam urbis celeberrima, eius conditores, nunc horrida ruinis, spelunca latronum, portu ditata insigni, & solo vberè, | 116 | Tabacca Turcarum mensa. | 481 | |
| | | Taboga viculus olim Magdalum, Mariæ Magdalene castellum. | 359 | |
| | | Tabernacula Cædar amœnissima & gregibus pascendis aptissima: in iis celeberrimæ nundinæ. | 363 | |
| | | Tachia pileus Genizarorum. | 406 | |
| | | Terebinthus à Mauris Botin dicta D. Virginis quiete. | | |

I N D E X.

| | | | |
|---|--|--|------|
| quierte celebris. | 223 | Turcarum modus coquendi & cibi parcitas. | |
| Templa Mahometæorum, eorum forma, structura: ad hæc Christianis non patet accessus. | 403 | Turcarum mos in itinere. | 357 |
| 439 | | Turcarumig nauia. | 97 |
| Templi Hierosolymitani excidia. | 265, 266 | Turcarum pia opera. | 458 |
| Templum Natiuitatis Ioannis Baptista. | 250. | Turcarum est magnifica quæque ad nihilum redigere. | 113 |
| à Mauris profanatum. | 251 | Turcas ad templa conuocandi mos. | 440 |
| Templum sepulchro Virginis Mariæ memorabile. | 261 | Turcarum statæ preces. | 440 |
| Téplum Hierosolymitanum cetera omnia maiestate vincit. | 178. Idem vnum est non duo, sed ex duobus vnum effectum. | Turcæ Christi mortem & passionem negant. | |
| Templum dictum Spasmus Mariæ. | 255 | 313 | |
| Terra promissionis olim fertilissima, nunc inculta & sterilis, | 148 | Turcæ Arabicam callent linguam. | 472 |
| Thabor montis situs altitudo, olim sedecim templis & Episcopatu nobilis: eius nomina. | 355 | Turcæ pro sepultura tributum exigunt. | 463 |
| Thecua, post Bethulia. | 225 | Turcæ superstitionibus dediti. | 399 |
| Tiberias vrbs Galilææ maxima, nunc serpētum habitaculum. | 359 | Turcæ armis potius quam religioni vacant. | |
| Timariota equestris ordinis milites. | 465. | 426 | |
| rum etymon. | 466. | Turcarum alij nati, alij facti. | 426 |
| Torlaces precario viuunt. | 454 | Turcæ calcographos nullos admittunt. | 474 |
| Torrens Dauid. | 315 | Turcæ die ieiunant, nocte epulantur. | 444 |
| Traconitidis regio trans Iordanē sita, eius termini, etymon, pascuis est latissima. | 363 | Turcæ quare se Musselmannos dicant. | 447 |
| Tria palmarum genera, | 311 | Turcæ cuncti matrimonium ineunt, exceptis Drauisiis, plures sibi copulant vxores, rei Venereæ dediti. | 475 |
| Tres cruces eiusdem formæ fuerunt. | 177 | Turcæ Sodomiticum peccatum pro vitio non habent. | 429 |
| Thulipantus Turcarum pileus. | 486 | blasphemantes puniunt: sanctos colunt. | 431. |
| Turcæ somniis multum tribuūt: Lunam obseruant. | 446 | Apostatas flammis interimunt. | 433 |
| Turcarum oculatæ manus. | 471 | Turcici Magistratus muneribus aperiuntur. | |
| Turcarum periuria. | 468 | 470 | |
| Turcarum scribendi mos. | 474 | Turcicæ scemina superbè vestiuntur. | 486. |
| Turcarū in noxios animaduertendi ratio. | 469 | earum vestium modus. | 486 |
| Turcarum studia: salutandi modus. | 472 | Turcis vsitatum quod vi non possunt, dolis agredi. | 397 |
| Turcarum supellex. | 481 | Turris Dauid. | 288 |
| Turcarum varia tributa. | 478 | Turcis pecunia omnia venalia. | 469 |
| Turcarum vestes. | 485 | Turris pastorum seu Ader. | 225 |
| Turcarum frugalitas. | 482. | Tyrus Phœnices vrbiū vetustissima, eius conditores, adeò diruta vt desierit esse ciuitas. | |
| eorum varia ciborū genera. | 482, 483 | 119. forma, ambitus, tredecim annis à Nabuchodonosor obseffa. | 126. |
| Turcarum precandi mos. | 441. | ab Alexandro capta: vrbis ruina. | 121 |
| 442 | | Tyrii olim potentissimi, & industrii prius literas docuerunt, inuentores coloris purpurei, olim Archiepiscopatu vrbs insignis: à Balduino expugnata, post à Selymo Turcarum jugo subiecta: multis coloniis celebris, eius vbertas. | 122 |
| Turcarum varæ lotiones. | 436. | | |
| Lauādi modus: ibidem, & 437 | | | |
| Turcarum viri Ecclesiastici. | 445 | | |

I N D E X.

V

| | |
|---|-----|
| Vadum Iacob. | 362 |
| Vallis Anthiochenæ descriptio. | 495 |
| Vallis illustris etymon. | 312 |
| Vallis Iosaphat varijs nominibus nūcupata. | 260 |
| Vallis Terebinthi pugna Davidis & goliath celebris, quondam templo notabilis, oleis confita. | 147 |
| Vallis Raphaim. | 246 |
| vallis filiorum Ennon, eius nomina situs. | 291 |
| Varij legis Mahometæ cultores. | 425 |
| Vestigialia Turcis soluenda. | 154 |
| Venetiarū situs admirabilis, firmior vrbs quavis munitissima vrbe. § 16. ad commercia aptis- sima, eius ambitus, sumptuosa palatia. | 516 |
| Vestigia veræ fidei & traditionis Apostolicæ a- pud Orientales Christianos. | 212 |
| Verizazé prima ab Imperatoria dignitas. | 464 |
| Via crucis seu Dolorosa. | 254 |
| Vicus gethsemani. | 297 |
| Villa Caiphe, vel mali consilij vicus. | 223 |

| | |
|--|-----|
| Vini vsus Mahometeis intetdictus à Turcis & maximè à Genizaris negligitur. | 483 |
| Vinum memoriæ pestis, mors & letale vene- num Turcis dictum. | 483 |
| Violatio sepulchri à Deo vindicata. | 287 |
| Vlubaraam Turcarum magnum festum. | 444 |
| Vmbilicus mundi, sed falsò. | 187 |
| Vicochi agreste hominum genus, piraticam exercent, prædantur, Turcis infensi. | 13 |

X

| | |
|---------------------|-----|
| Xenodochium Marath. | 317 |
|---------------------|-----|

Z

| | |
|--|-----|
| Zacynthi insulæ situs, circuitus, tota montosa, eius fertilitas, salinas habet & portus pluri- mos, 49. Ciceronis cineres ibi inuenti, 50. hic græcorum est Episcopus, & quare. 54. incolarum ingenia, Venetis parent. | 55 |
| Zelotypi sunt Turcæ. | 409 |
| Zerbeta Turcarum nobiliorum liquor. | 483 |

F I N I S.

ERRATA.

f.2. l.41. obſtupuit: lege: obſtupuit. f.11. l. mamaior l. 8. maior. f.17. l.6 dele ſcilicet. f. 17. l.42.
 Cranofal. Granofa. f.19. l.31. deliniatio l. delineatio. f. 21. l.12. oftuginta l. oftoginta, f.26. l.25.
 teſſol. teſte. f.31. l.13. Melalima l. mezalima f. 31. l.21. apparata l. apparatu. f.33. l.4. propugnacu-
 la l. propugnaculo f. 25. l. 39. Aleſtim l. Aleſtini. f.39 l. 5. miliaria l. militaria. f. 41. l.6 reli-
 quas l. reliquias, f.45. l.17. aotem l. autem fo.47. l.5. Cuſolares l. Cuſulares. fo.49. l.10. aut l. eod.
 linea 11. vicinio lege vicino. eod. linea 26. id lege in. fol. 57. linea 5. Capieiam l. Capreram. eod.
 l.14. prouinciæ l. prouincia. f.59. l.17. Hauarino l. Nauarino. f.60. l.28. Caprerum l. Capreram. f. 61.
 l.22. leaſtrum l. leuſtrum. f.72. l.2. Inſulæ que l. Inſulæ. f.77. l.17. Alexum l. Alepum. f.90. l.31. Mar-
 mocam l. Marmoram eod. l.37. rari l. ruri. f.93. l.40. meſſicam l. meſſicam f.97. l.40. agendis l. au-
 gendis. f.98. l.3. colore l. colere. eod. l.4. fraudelentias l. fraudulentias f.100. l.32. Eraphram l. Epa-
 phram. f.103. l.3. vindidit l. vendidit eod. l.32. etiam l. etiamnum f.707. l.3. Otima l. Otima f.108. l.
 4. leſteros l. leſteros eod. l.5. Parihi l. Pariki eod. l.18. Leſteri Eleſteri l. Leſteri Eleſteri. f.110. l. 34.
 Zaabelota l. Zamabelota. f.111. l.9. vt l. & f.116. l.28. Candmo l. Cadmo. fo. 123. l. 7. Balduinis
 l. Balduinus fol. 125. lin. 9. Sandalinum leg. Sandalinam fol. 129 l.39. adileuam lege ad leuam
 fol. 141. l.19. permittur leg. permittitur fol. 144. l. 3. concedant l. concedunt. fol. 149. l.14.
 & l. ex. f.158. l.21. ſuffecerat l. ſuffecerat. f.161. l.26. Quæ l. Qui. f.171. l. 7. ferreris l. ferreis
 f.10. l.11. & 12. Heyden l. Hequen. eod. l.20. od. l. in eod. 23. imittit l. immittit. eod. l. 36.
 abducta l. obducta. f.181. l.22. vbi l. vti. f.184 l.5. Regij l. Regi. eod. l. 15. miſeriam l. miſe-
 ram. f.187. l.8. turcis l. turris. f.189. chareſtere l. charactere. eod. l.9. Chriſtiano l. Chriſtiani.
 f.198. l.29. ruiturum l. fruiturum. f.204. l. 5. Antiftis l. Antiftitis. f. 216. l.7. cum l. eum. f.228.
 l.20. teſſellata l. teſſellato. f.241. l. 31. Sacra l. Sara. f.270. l.2. Antiochæ l. Antiochiæ. eod. l.
 27. mormoreis l. marmoreis. f.275. l. 33. hoſpito l. hoſpitio. f.277. l.18. ficibus l. ficubus. f.283.
 l.22. ſprema l. ſuprema. f.286. l.9 compulſus l. compulſas. f.288. l. 17. mon. l. mons. f.291. l.25.
 deteſtenda l. deteſtanda f.312. l.31 quinquaginta l. quingenta f.319. l.6. Baſtarum l. Bazarum.
 f.337. l.3. milliarum l. meliarium. f.343. l.35. tozatell l. rozatel.

